

清  
實  
錄

穆宗毅皇帝實錄(四) 卷一二六至卷一六四  
同治四年

# 清實錄

第四八冊

中華書局影印



**清 實 錄**

(第 四八 冊)

穆宗實錄(四)

•

**中 華 書 局 出 版**

(北京王府井大街 36 號)

北京市中國書店發行

中國建築工業出版社印刷廠印刷

•

787×1092 毫米 1/16 • 50 1/4 印張

1987 年 2 月第 1 版 1987 年 2 月北京第 1 次印刷

印數 0,001—1,500 冊

統一書號: 11018 • 1355—48 定價: 38.00 元

# 清實錄第四八冊目錄

## 穆宗毅皇帝實錄(四)

卷一二六	同治四年正月上	一
卷一二七	同治四年正月中	一八
卷一二八	同治四年正月下	三七
卷一二九	同治四年二月上	六〇
卷一三〇	同治四年二月中	七二
卷一三一	同治四年二月下	九〇
卷一三二	同治四年三月上	一一〇
卷一三三	同治四年三月中	一三〇
卷一三四	同治四年三月下	一五三
卷一三五	同治四年四月上	一七二
卷一三六	同治四年四月中	一九三
卷一三七	同治四年四月下	二〇七
卷一三八	同治四年五月上	二三六
卷一三九	同治四年五月中	二七六
卷一四〇	同治四年五月下	三〇七
卷一四一	同治四年閏五月上	三二六
卷一四二	同治四年閏五月中	三四四
卷一四三	同治四年閏五月下	三六二
卷一四四	同治四年六月上	三七八
卷一四五	同治四年六月中	三九九
卷一四六	同治四年六月下	四一九
卷一四七	同治四年七月上	四三五
卷一四八	同治四年七月中	四六〇
卷一四九	同治四年七月下	四七七
卷一五〇	同治四年八月上	五〇二
卷一五一	同治四年八月中	五二六
卷一五二	同治四年八月下	五四六
卷一五三	同治四年九月上	五七三
卷一五四	同治四年九月中	五九六
卷一五五	同治四年九月下	六一三
卷一五六	同治四年十月上	六三四
卷一五七	同治四年十月中	六五二
卷一五八	同治四年十月下	六七三
卷一五九	同治四年十一月上	六九四



大清穆宗繼天開運受中居正保大定功聖智  
誠孝信敬恭寬毅皇帝實錄卷之一百二十六

敬修

同治四年乙丑春正月丁酉朔

上詣

奉先殿行禮（遣官祭

太廟後殿）率王以下文武大臣詣

慈寧門慶賀

慈安皇太后

慈禧皇太后禮成御太和殿受朝作樂宣表如

儀○詣

大高殿

壽皇殿行禮（諭議政王軍機大臣等張集馨

奏攻破積年逆巢大獲全勝一摺靜甯州高  
家堡久為逆回盤踞經張集馨與曹克忠會  
同進剿當將高家堡攻克賊分竄蕭河城  
青家驛另股賊匪在西路十字堡等處屯聚  
復經官軍進剿殲匪甚眾辦理尚為得手前  
諭都興阿等將曹克忠一軍應否移紮靜甯  
適中之地為陶茂林後路聲援妥籌調派曹  
克忠現欲進攻蕭河城應如何節節進逼力  
圖掃蕩之處仍著都興阿穆圖善雷正綰妥

為調度張集馨現擬帶隊進省即著趕緊前  
進與陶茂林恩麟會籌布置以固省防陶茂  
林一軍紮營甘草店一帶該提督務當嚴密  
守禦毋得稍有疏虞獲賊供稱該逆因官軍  
圍攻固原甚緊屢遣馬百齡兄弟馬彭齡赴  
雷營捏詞詐降未見聽信曹軍已到靜甯我  
等家屬皆在蕭河城等處若被攻擊必致受  
害是以調齊馬步各逆由靜甯入隆德過山  
卽是瓦亭使雷營腹背受敵如不得手卽由



涇平回陝孫義實仍在固原與雷營抗拒使彼不疑等語固原逆謀甚狡該匪如赴雷正綰軍營乞降該署提督不可墮其詭計致誤戎機逆匪既有使雷營腹背受敵之說雷正綰尤當加意備禦毋為所乘靜甯各軍每日需餉二萬餘斤前存四十萬斤為該州黃松年別項支銷此時顆粒無存軍士數日不得一飽雷正綰各營軍糧亦極短絀黃松年概置不問該州於此項餉斤任意支銷實屬不知緩急有無侵那情弊著恩麟查明奏各軍無從覓食困苦異常均有停兵待餉之虞著恩麟設法接濟毋令缺乏是為至要將此由六百里諭知都興阿穆圖善雷正綰並傳諭陶茂林恩麟張集馨知之尋恩麟奏遵查黃松年精神委頓於兵勇應支口食率多貽誤實屬衰庸不職應請革職從之又諭廣鳳奎昌奏探聞古城漢城失守現籌豫防布置一摺古城防勦喫緊經廣鳳等揀派蒙古

兵一千五百名前往助勦旋於十一月十七日探聞古城漢城失守滿城附近現有漢回及纏頭回逆約萬餘人盤踞北套橋子地方由科至古道路梗塞覽奏曷勝憤懣逆回勢甚鴟張古城漢城現已失陷滿城刻下情形若何未據保恆等奏報由科至古文報不通著廣鳳奎昌設法繞道偵探迅即知照保恆惠慶督飭在城兵勇慎密防範以待援師廣鳳等仍當將科境要隘嚴密布置相機籌辦並著知會已里坤哈密等城一體嚴防奔突毋得專待關內之兵以致緩不濟急坐失事機該逆聞軍餉不日到科意圖東竄攻撲科城其謀甚屬兇狡前據德勒克多爾濟奏稱山西撥解新疆餉銀兩次共十餘萬已由綏遠城轉解科布多其餘各省協餉並經戶部奏催迅解著廣鳳等於此項餉銀到境妥為迎護並著明誼麟興車林敦多布棟派兵弁沿途護解毋得稍有疏虞科屬人心驚惶經

廣鳳等安撫稍定仍著會同各旗王公安為鎮撫毋令浮言得以動搖新疆軍事孔棘前經諭令聯捷俟黑龍江所派官兵到張家口時卽行統帶進剿著聯捷於該官兵到口時卽遵前旨迅帶起程由科布多進剿逆匪毋稍稽延將此由六百里各諭令知之○又諭前因聯捷奏請將黑龍江挑派官兵五百名帶赴新疆助剿當經諭令寶善飭此項官兵迅速取道張家口交聯捷統帶進剿茲據廣

鳳奎昌奏探聞古城漢城失守滿城附近有賊道路梗塞科城防剿情形喫緊等語此項官兵計已起程著寶善仍遵前旨派員沿途嚴催迅赴張家口以便聯捷統帶前進相機剿辦毋得稍有延誤將此由六百里諭令知之○漕運總督吳棠奏遵議籌辦河運漕米章程十條一米色紅白兼收梗秬並運均以乾潔為主一米價按照市值估壩等費事竣覈實開報一耗米按漕斛每石給民船一升

倉耗二升隨正交倉一水腳每石給銀六錢一用民船徑運通州一派員分幫押運並添派大員赴通照料一同空船隻須於汎水未落之前南下一米船准帶貨物二成免其納稅一兌交仍用漕斛一在清江設立總局用款概從撙節下部議從之○以兵部尚書萬青藜兼管順天府府尹事○實授蘇廷魁河南布政使王正誼按察使○以甘肅靜甯攻克逆巢賞叅將陳尚友巴圖魯名號副將魏

得春等升敘有差○予甘肅平涼殉難知縣郭襄教諭趙青藜祭葬世職加等眷屬人等分別旌卹如例○戊戌

上詣綏履殿問

慈安皇太后安平安室問

慈禧皇太后安至丙寅皆如之 貸盛京鳳凰

城被淹地方旗民籽種口糧○己亥

高宗純皇帝忌辰遣官祭

裕陵

上詣

壽皇殿行禮。庚子諭議政王軍機大臣等常清明緒奏救援巴燕岱官兵中途失利一摺。巴燕岱城圍緊急伊犁所派赴援官兵於距城三十里之底窩鋪地方接仗潰退死傷無數皆由錫伯馬隊內向奔踊總管德克都又未督隊以致眾兵潰散殊可痛恨當此軍事喫緊之際若督隊各員均如此未敗先逃何怪匪勢猖獗至於此極著明緒嚴切查明該

總管失事情形卽行按照軍法從事毋稍寬貸現在巴燕岱城圍未解金頂寺回氛尚熾伊犁官兵僅二千餘名民遣各勇均不足恃賊眾數十倍於官兵僅令扼我咽喉薪米皆無來路伊犁勢將坐困回疆軍事敗壞至此何堪設想關內之兵如楊岳斌鮑超等雖經疊次催調本日復經寄諭嚴催仍恐緩不濟急穆圖善一軍本令其出關剿賊現在甯夏軍情已形得手都興阿慶昫內守外攻不難

歲事穆圖善自當懍遵前旨迅速出關以拯伊犁之危著該將軍卽行統帶所部取道嘉峪關先抵哈密會同文祺布置一切卽行取道前進縱不能直趨伊犁亦可先將古城烏魯木齊等處之賊痛加掃蕩節節進剿但能收復烏垣亦可以張吾軍而褫賊魄回疆軍務或有轉機該將軍惟當迅速啟行以副委任毋稍宕延鶴齡所帶兵一千五百名本日已諭令駱秉章催令迅赴都興阿軍營如穆

圖善出關兵尚不敷著都興阿卽將此軍撥歸統帶以厚兵力穆圖善出關後軍行糧隨餉需軍火一切至為緊要卽著責成恩麟張集馨設法源源接濟以期士飽馬騰該護督等務當力為其難顧全大局毋得稍分畛域致誤戎機常清前因武隆額奏參已有旨革職查辦授明緒為伊犁將軍係屬十月間事何以明緒此時尚未接奉此旨該將軍領袖各城責無旁貸惟當就現有兵力妥為撫馭

嚴備不虞但能堅守數月則關內援兵陸續進發必可大殄逆氛所陳兵疲餉絀逆勢猖獗情形朝廷早經洞鑒勦撫機宜惟在該將軍妥為辦理原不豫為遙制惟回逆狡詐多端虺蛇成性該將軍擬派員前往回營設法招安以為緩兵之計自係出於無可如何但當穩慎以圖萬不可為回所紿墮其奸計致蹈滇隴覆轍另片奏革員陳孚恩樂斌此次伊犁被圍該革員籌餉籌兵不遺餘力懇請

釋回等語該革員等既在伊犁尚能出力著加恩准其釋回仍著留於伊犁幫同辦理一切兵餉事宜但能始終出力並准明緒酌量保奏候旨施恩明緒即行飭知該二員令其仰體朝廷寬大之恩力圖自新以期晚蓋伊犁領隊大臣布爾和德等聯銜奏參常清自到任以來軍民共怨上下離心並坐視庫車烏垣疊陷漠不關心等語常清前次被參各款業已交明緒查辦此次布爾和德等所陳

各情並著明緒彙入前案一併嚴切查明具奏毋稍迴護布爾和德等摺一件著鈔給明緒閱看將此由六百里加緊諭知都興阿穆圖善明緒並傳諭恩麟張集馨知之○又諭據明緒等奏伊犁救援已蕪岱之兵中途失利現在賊眾兵單恐扼該城咽喉情形萬分喫緊各等語前經諭令鮑超於假期一滿即日率領所部各軍起程出關進剿該提督請撥川省制兵四千名並由川招勇數千名諒

駱秉章已妥為籌辦現在伊犁軍情萬分危急著駱秉章傳知鮑超無論假期已滿未滿即日整頓隊伍率同宋國永等分起取道出關節節進剿以救倒懸之危其妻雲慶一軍俟閩省軍務稍平仍准鮑超調回以厚兵力該督等仍遵照上年十二月十五日寄諭妥速籌辦不得稍涉遲延以副委任鶴齡由階州統帶赴甘之官兵一千五百名已到何處著駱秉章飛催赴都興阿軍營聽候調遣毋



任觀望將此由六百里加緊諭知駱秉章並傳諭鮑超知之。又諭楊岳斌自補授陝甘總督同楚募勇業經半載有餘疊經諭令該督速募成軍統帶赴甘以維大局茲據明緒等奏伊犁救援巴燕岱之兵中途失利現在賊眾兵單情形萬分喫緊等語伊犁為統領各城重地設有疏虞情形更難設想該處盼望援兵誠屬刻不可緩該督募勇一事如已辦有頭緒即應整隊赴甘以便都興阿穆圖

善之兵早日騰出鼓行而西以收底定西陲之效儻該督仍以勇未招齊赴甘稍遲一日則援勒新疆亦遲一日關繫誠為不淺著楊岳斌懍遵疊次諭旨迅即料理起程不得再事稽延以副委任將此由六百里加緊諭令知之。又諭前因新疆軍務方殷需餉孔亟疊經諭令各該督撫轉飭各該藩司將欠解餉銀迅速籌解茲據明緒等奏伊犁軍情緊急餉項萬分奇絀請飭部迅催各該省將原

撥餉銀速行撥解等語著駱秉章懍遵前旨將四川欠解銀十六萬兩迅速派委妥員趕程運解安肅道庫並著沈桂芬飭司查明前撥新疆軍餉除業經報解外迅將晉省欠解之項陸續委員轉解綏遠城張之萬將河南欠解新疆餉銀七萬兩趕緊籌撥一體解赴綏遠城並著德勒克多爾濟於山西河南餉銀解到時迅即派委弁兵沿途護解運至科布多轉解伊犁等城毋得再有稽延致誤軍

食將此由六百里各諭令知之。以上年伊犁城解圍出力賞協領穆克德柯副都統銜驍騎校斐揚武泰等藍翎餘升敘有差予陣亡佐領蘇楞額都司黃立中等祭葬世職。○予土爾扈特遇匪被戕協領烏勒喜春章京薩拉哈春祭葬世職。○綏微直隸開東明長垣東安唐豐潤武清寶坻薊大城望都完東鹿景東光天津青靜海南皮鹽山晉永年元城大名玉田深甯河雞澤肥鄉武強安平滄

慶雲廣平衡水吳橋三十六州縣被水被旱  
被雹地方新舊額賦暨雜課有差、辛丑諭  
議政王軍機大臣等僧格林沁奏官軍偪賊  
安營疊獲大勝一招賊踞張八橋等處經僧  
格林沁督飭恆齡郭寶昌等馬步各隊兩路  
進取賊眾奔潰斬獲不少逆眾向汝州白楊  
樹一帶竄去該親王飭常星阿郭寶昌緊蹙  
賊後並親督馬步由洛陽取道宜陽至永甯  
正東韓城鎮駐紮覘賊所向相機堵剿著卽

督飭常星阿等前截後追務將此股逆眾就  
地殄除並隨時嚴密偵探毋任遁入山險員  
岫為患張之萬卽催令張曜等會師合擊並  
嚴飭河陝汝道督帶兵勇駐防朱陽關以遏  
逆匪西竄之路此股逆匪雖止勝數千名而  
漏刃餘生因獸猶聞以刻下情形而論若遁  
入深山馬隊無從施展必須多用步隊方能  
得力前調之唐啟綸黃東忠等軍已屢次催  
令赴豫仍著僧格林沁嚴檄到營酌量調遣

山徑崎嶇該親王督軍深入未可輕進必須  
格外慎重以奏全功設使該逆徑趨西北恐  
秦晉邊界守禦不嚴仍當早為飛檄知照一  
面派兵統前遏截以期有備無患先發制人  
姜玉順一軍著官文迅飭駐紮荊子關嚴扼  
西路要隘毋令闖入完善地方將此由六百  
里各諭令知之、伊犁將軍明緒等奏續撥  
烏科二城蒙兵前往古城應援得旨古城續  
調蒙兵著卽飛催迅速前進並飭知該盟長

等轉飭各旗嚴遏邊界杜賊東竄、塔爾巴  
哈台參贊大臣錫霖等奏酌撥蒙古官兵赴  
援伊犁得旨著卽迅催博勒果素統帶土爾  
扈特官兵馳往應援烏魯木齊都統早經降  
旨派保恒署理錫霖著毋庸前往惟當於塔  
城各要隘督飭蒙兵嚴密防守並隨時撫輯  
彈壓毋稍疏虞、以河南塔兒灣勒賊獲勝  
開復副都統常星阿蘇倫保溫德勒克西革  
職留任處分並賞還勇號、劉綏山東濟甯

歷城鄒平長山齊河長清東平東阿平陰惠民陽信濱海豐利津鄒陽穀荷澤鉅野濮范觀城費堂邑茌平昌邑濰金鄉齊東章邱禹城臨邑肥城青城霑化曲阜泗水滕嶧壽張曹鄆城朝城蘭山鄆城聊城魚臺四十六州縣暨東昌臨清濟甯三衛被水被旱被雹被蟲地方本年上忙額賦並雜課有差○士寅諭內閣國家綏懷遠服閭閻澤覃敷於外藩各國朝貢進京無不體恤備至恩禮有加凡賞

賚筵宴及一切典禮定例本極周詳第恐日久相沿各該承辦衙門或致視為具文供應草率殊非朝廷厚待遠人之意現值朝鮮琉球使臣來京朝貢著各該衙門於一切應行事宜務須懍遵定例揀派妥員詳慎辦理毋得任聽吏胥苟簡從事該堂官等仍應逐一稽察如查有辦理不能妥協之處即將承辦之員據實叅處以昭慎重而示懷柔○又諭上年陝西南鄭等縣被擾藍屋等縣被災業

經降旨分別加恩豁免蠲免小民諒可不致失所惟念今春青黃不接之時民力未免拮据加恩著將陝西省被擾各州縣及收成歉薄之區由劉蓉督飭各該地方官迅即查明分別輕重妥籌接濟以紓民力該撫卽刊刻謄黃徧行曉諭務使實惠均霑毋任吏胥舞弊用副履端布澤惠洽閭閻至意○又諭前因商都牧羣總管舒濃棟魯普等扣兵餉銀兩各款內有前任察哈爾佐領升任副都統定安亦曾收受該總管等賀喜銀兩情事當令定安明白回奏茲據奏稱前在張家口佐領任內與舒濃棟魯普等同官交好常通往來因在海口出力得有協領記名旋又調赴山東軍營舒濃棟魯普等因送給賀喜銀一百兩當已收受請交部治罪等語定安與舒濃棟魯普等同隸察哈爾旗藉同官一方並無管轄之責其所送賀喜銀兩係屬友誼往還惟未能詳查來歷遽行收受亦有不合除

所收銀兩著繳還歸公外定安著交部議處  
諭議政王軍機大臣等前因問敬銘奏知  
縣劉時霖被參各款查明並無其事陳迴卽  
陳銅等犯亦經委員徐大容等審明該犯等  
供認聚眾圍城奪犯抗糧等情與富稼原奏  
劉時霖索錢未遂致將陳迴等捆縛屬徐大  
容等刑逼誣陷情節迥異當以該御史風聞  
言事何至為罪惡眾著之犯捏詞解脫難保  
非陳迴等展轉屬託有授意該革員出奏情

事降旨派周祖培存誠會同都察院堂官將  
富稼傳訊務得確情茲據周祖培等奏稱據  
富稼供認該革員前來劉時霖各款係上年  
九月間家人劉詳向伊告說山東民人楊煥  
高暮林帶有呈詞來京欲為該縣團長陳迴  
伸冤寓居高長汰家高長汰商允素識之間  
三欲求御史代奏富稼接閱呈詞之後劉詳  
隨與閻三將楊煥高暮林帶至伊宅立有憑  
帖取銀三百兩字據該革員繕摺於十月十

五日具奏不料是日犯案送卹銀兩並未送  
到銀帖燒毀質之高長汰並代找鋪保之羅  
鳳翥等並鋪保岳大何三均供曾許謝銀八  
百兩情節不符請飭拏楊煥高暮林解京訊  
辦等語案關言官婪贓枉法賄賣章奏必須  
徹底根究以成信獄據羅鳳翥等供稱該犯  
楊煥在山東濟陽縣大莊居住高暮林在朱  
官屯居住早已由京回籍著問敬銘迅飭該  
地方文武將楊煥高暮林二犯嚴密查拏派

員星速押解來京交部歸案嚴訊將此諭令  
知之○又諭曾國藩奏疊奉諭旨恭摺覆陳  
一摺所陳勦辦擒匪宜用淮勇西路軍務宜  
併力先清甘肅再及關外並餉源日匱必須  
多撤楚勇各條均於時勢軍情確有見地劉  
銘傳等軍前據李鴻章奏所用洋礮軍火最  
為笨重運送頗難當經諭令毋庸檄調赴豫  
並令李鴻章與左宗棠籌商如閩省應需該  
營前往協勦卽檄飭劉銘傳統軍赴閩聽候



左宗棠調遣此次曾國藩所奏各情均與前旨脗合現在僧格林沁督兵偪賊立營大獲勝仗軍威已振無須再俟准勇助勦所有劉銘傳所部卽著咨商李鴻章恪遵前旨酌量調赴閩省以資厚集甘肅軍務未清原不能揚威塞外第新疆南路各城大半淪陷烏嚕木齊及古城之漢城先後為賊占踞北路亦形岌岌若不迅圖埽蕩恐全局淪胥必至不可收拾昨因伊犁危急諭令穆圖善迅速帶

兵出關並令鮑超卽日整隊西行著懷遠前旨趕緊辦理至鮑超赴甘前因沈葆楨奏到已有旨准其將所部八千人統帶前往曾國藩所稱鮑超回蜀募勇宜用川北保甯龍安兩府之人一節保龍二府兵勇與甘肅風氣不甚相遠且皆可徑達階州自較川東之勇尤為得力著駱秉章傳知鮑超迅速馳赴川北募勇成軍剋期赴甘一面檄調宋國永等軍由江西馳赴川東管帶舊部續行入甘毋

稍遲誤其所需軍餉一切仍著駱秉章源源籌解以利師行曾國藩以餉源日匱擬請多撤楚勇自係目前第一急務卽著將劉連捷朱南桂朱洪章三軍次第裁撤以節糜費至韋志俊等諸降眾尤應妥籌安插善為遣散庶騰出有用之餉以供留防之勇濟西征之軍於大局實有裨益將此由六百里諭知曾國藩駱秉章並傳諭鮑超知之 又諭喬松年奏皖省兵力未厚請留英翰防守潁州一

摺昨因僧格林沁奏張八橋勦賊獲勝若遁入深山必須多用步隊方能得力前調之黃秉忠等軍當經諭令該親王嚴飭到營酌量調遣茲據喬松年奏稱賊蹤竄無定向儻英翰遠出赴豫恐賊乘虛竄入皖境自係實在情形英翰著仍留潁州布置防守黃秉忠史念祖兩營均著毋庸赴豫喬松年務當督飭該臬司統率所部實力籌防如豫賊東竄卽行迎頭截擊毋任闖入僧格林沁在豫勦賊

漸次得手。僮賊蹤紛竄。必需皖兵截擊。仍著喬松年酌撥兵勇前往助剿。以期厚集。以上各情。均著該撫咨明。僧格林沁遵照辦理。前因王拯奏。參喬松年近於巧宦。當經諭令曾國藩隨時察看。據實具奏。茲據曾國藩奏稱。喬松年門丁常杏洲捐納官階。跡涉招搖。後令還歸本姓。名曰楊澍。改充委員。各官羞與之齒。等語。喬松年由道府擢任封圻。宜如何潔己奉公。正色率屬。以副委任。乃縱令家丁

蒙混報捐。以致人言嘖嘖。輿論沸騰。本應治該撫以應得之咎。惟念喬松年自升任皖撫以來。辦公尚屬認真。此次姑免深究。楊澍卽常杏洲。著該部查明。無論報捐何項官職。卽行斥革。並著喬松年卽行驅逐出境。不准在署逗遛。嗣後喬松年務當精白乃心。整躬馭下。禁苞苴。遠僉壬。將皖省善後各事宜實力經畫。庶可保全聲名。長承恩眷。僮再稍不謹飭。被人指摘。必不能復邀寬宥也。懍之慎之。

將此諭令知之。又諭前據沈葆楨奏。照錄督糧道段起條陳。安置凱撤勇丁事宜。一摺。已寄諭各路統兵大臣暨各直省督撫。按照所陳各節。妥議章程具奏矣。茲復據喬松年奏稱。江南北軍務底定。各營遣散。勇丁回籍者先後不下十餘萬計。其勇丁回籍後。尚可設法餬口。而管帶之員。并有實缺者。極少。皆係在營打仗。歷保至副參遊都守等官。遣歸後。補缺無期。投閒置散。既無向上之路。

並無謀食之方。以久經戰陣。素為行伍之才。盡令向隅。未免可惜。現在江皖等省營制大半未復。請將此項人員。或在立功省分。或在原籍省分。准令歸標學習。如果能勝任。准同候補人員酌補營缺。藉資教練。其有不願歸標者。亦聽其自便等語。所奏不為無見。卽著各路統兵大臣暨各直省督撫。按照所奏。彙入段起條陳。一併明定章程具奏。喬松年原摺均著鈔給閱看。將此諭諭令知之。又諭

都興阿。穆圖善奏攻勒甯夏附城賊圩大勝。派員赴楚募勇各摺片。甯夏附城賊圩經都興阿等分路進攻。殺傷逆匪將以千計。大挫兇鋒。勒辦甚為得手。該逆經此次痛剿。其膽已寒。著都興阿來此聲威。督率各軍將城外各圩迅速掃蕩。進拔堅城。肅清邊圉。前據張集馨奏曹克忠一軍攻破高家堡逆巢。擬進攻蕭河城。是靜甯一帶驛路漸可疏通。惟固原踞逆尚在相持。雷正綰近日勒辦情形若

何。著卽妥籌攻取。將首逆孫義寶等設法擒斬。毋令免脫。其曹克忠一軍應如何進剿之處。仍著都興阿、雷正綰妥為調度。甘省兵力尙單。都興阿等擬派副將陳東霖等赴湖北募勇八營。以資攻剿。著照所議辦理。所需槍礮等項。卽著咨照官文。按照營制給發。前經寄諭富明阿飭令詹啟綸選勇三千名赴僧格林沁軍營調遣。昨據僧格林沁奏豫省各軍已敷調撥。請將詹啟綸一軍暫緩徵調。現

在甘省既嫌兵單。如需詹啟綸之兵赴甘助剿。卽著都興阿咨商僧格林沁妥籌調撥。杜嘎爾現在隨營攻剿。未能兼顧甯夏副都統任內之事。卽照都興阿所請。仍令常陞戴罪暫行署理。責令整頓操防。幫同慶昫將城守事宜認真籌辦。儻再不知奮勉。卽行從嚴叅辦。將此由六百里各諭令知之。○又諭都興阿奏請撤晉省勸捐總局酌留贖罪一條。變通辦理一摺。山西一省頻年供支各款為數

甚鉅。誠不可再事朘削。致令餉源枯竭。卽著照所擬將山西辦理甘餉捐局卽行裁撤。原派之甯夏道三壽著沈桂芬飭令該員仍回都興阿軍營聽候差遣。其贖罪一條著仿照同治三年十一月二十八日所奉諭旨。允准雷正綰等奏議。覈減贖罪章程。歸入都興阿軍營報捐。其有就近在晉省呈請捐免赴戍者。著沈桂芬代為奏請。奉旨後將此項捐款由山西藩庫兌收。分批解赴都興阿軍營作

為籌備糧米軍裝外款。至山西應解都興阿軍營協餉。暨直晉各軍月餉。並協甘各餉。均著沈桂芬按月如數撥解。不准過期耽延。稍涉貽誤。將此由五百里各諭令知之。○以籌濟甘肅軍餉。予山西巡撫沈桂芬按察使鍾秀優敘。○追予安徽殉難道員何桂珍諡文貞。江西陣亡知州劉騰鴻諡武烈。遊擊畢金科諡剛毅。○予陝西咸甯等處陣亡防禦薩英阿等祭葬世職加等。○予甘肅甯夏陣亡

防禦雅隆阿等祭葬世職加等。○豁免江蘇金壇溧陽丹陽宜興荆溪五縣被擾地方本年暨來年額賦。○蠲免安徽廣德建平甯國績溪旌德太平宣城南陵涇陽石埭鳳陽懷遠壽鳳臺顧上霍邱滁全椒來安盱眙天長東流歙黟貴池建德懷甯桐城潛山太湖宿松望江休甯祁門銅陵塗蘄蕪湖繁昌合肥。無為舒城廬江巢定遠宿五河和含山六安英山霍山婺源阜陽太和泗靈壁亳蒙城。

五十九州縣暨安慶新安宣州建陽廬州鳳陽滁州泗州長淮九衛被擾地方折舊額賦。並雜課有差。○癸卯

世祖章皇帝忌辰遣官祭

孝陵。○諭內閣李鴻章奏請將已革道員暫留差委等語。已革江蘇候補道童瑱係因案參革情節較重之員。著李鴻章飭令該革員將經手報銷事件速為清釐。即行飭令回籍。不准逗遛。又諭張凱嵩奏官軍進剿思恩匪

徒生擒首逆一摺。廣西思恩府屬匪首宋扶桿盤踞賓州黎村地方。負隅滋擾。經張凱嵩派令道員易元泰領軍勦辦。上年十一月十一日。宋逆親率死黨決戰。官軍三面圍擊。斃匪百餘名。十六日。易元泰飭副將潘忠實等於濠外設伏。酌出小隊進攻。該逆窺我兵單。突出千人迎敵。官軍佯退。宋逆輕騎而出。越濠窮追。潘忠實伏兵齊起。各勇亦回頭迎勦。刀砍矛搥。匪眾紛紛倒地。宋逆率其死黨數



十人奔至濠邊。為守備李芳廷等生擒。勦辦尚為得手。著張凱嵩督飭易元泰。迅將黎村攻克。埽除餘孽。宋扶桿一犯。即著飭令易元泰於取錄。切供後。就地處死。梟示以昭炯戒。○諭議政王軍機大臣等。張凱嵩奏。進勦恩賊匪。連破賊卡。生擒首逆宋扶桿一摺。逆首業已就擒。餘匪自不難剋期埽蕩。即著該撫督飭易元泰等。迅將黎村踞匪悉數殲除。並乘此聲威。進勦武緣上林等處土匪。以清

餘孽。另片奏。孫荏廣股匪結黨抗拒官軍。恃獍峒為巢穴。經劉坤一等軍疊次進勦。旬日之間。蕩平逆壘三十餘處。南北兩岸賊勢漸衰。勦辦尚為得手。並著該撫嚴飭劉坤一等。李能通。李士恩等。迅克大廟江口。進逼那檀賊巢。並埽平格木踞匪。進規永瀉縣城。毋稍鬆勁。另摺奏。廣西被擾年深。諸形疲敝。現擬經權互用。及時整飭地方。先將籌辦大略情形。開單呈覽。該省被擾日久。諸務廢弛。現在腹

地漸形靜謐。亟應設法整頓。力挽頽風。該撫所陳時務六條。自係因時制宜之策。即著督率兩司等。通籌利弊。認真辦理。隨時具奏。以期綱舉目張。俾政治日臻上理。不得以與例未符。意存牽就。將此由五百里諭令知之。○以赴任遲延。革廣西都司唐紹杰職。都司王書鳳。年力就衰。勒令休致。予故在籍太子少保尚書銜廖鴻荃祭葬。諡文恪。○上以孟春時享。

太廟。自是日始齋戒三日。○甲辰。諭內閣。恩麟奏。請將阻撓捐輸之代理縣丞及把持供應之署知府等。革職審訊。各摺片。據稱。接據署平涼府知府鄭聲文詳稱。奉委前往莊浪會同代理縣丞李國柱。勦辦捐輸。該縣丞輒藉口該署知府帶領人數過多。閉城不納。令其自行赴鄉捐辦。且據合邑士庶。訐控該縣丞賦私各款。請將李國柱革職審辦。又據雷正綰咨稱。曹克忠一軍師次莊浪。當飭接署縣

丞李穰派夫運解軍火並運麵五千斤詎署平涼府知府鄭聲文從中把持閉城不納迨曹克忠面諭紳士派就民夫馱贏該知府又將民夫放逃馱贏鎖禁其鈔斤一項李穰亦並不供支請將鄭聲文等一併革職審訊各等語李國柱於鄭聲文赴莊浪勸捐任意阻撓且有被訐賊私各情固應徹底根究而鄭聲文甫經詳揭該縣丞乃於曹克忠統師過境又復率同接署縣丞李穰封禁城門阻持

供應先後如出一轍殊出情理之外且其稟揭李國柱各款更難保無另有別情均應嚴切根究以期水落石出代理莊浪縣丞分缺先用典史李國柱署平涼府知府試用知判鄭聲文暫代莊浪縣丞分缺先用典史李穰均著先行革職交恩麟彙案訊明確情據實定擬具奏毋稍寬縱○論議政王軍機大臣等恩麟等奏近省賊蹤擇要防剿先顧省城並會勦階州獲勝派員督辦軍糧河州回族

應撫各摺甘肅狄道河州渭源靖遠偏地狂氛無論進剿何路均應先顧省垣而省城患靖遠之匪較河狄為尤甚靖遠被鹽固回匪圍攻日久陶茂林前派高餘慶帶領五營前往援剿雖連次獲勝究未大挫兇鋒著即添調數營前往勦辦先解城圍再圖進取馬步回逆擾及平番之武勝伏羌等堡肆意搶劫西大通之海石灣上礮堡亦有回匪勾結恩麟已飛調莊浪滿綠營官兵勦辦著嚴飭該

營弁等迅圖撲滅如兵力不敷再於附近一帶酌量添調所請令穆圖善親督勁旅或抽撥精兵由草地繞赴平番並分兵由涼州迎頭攔截之處刻下情形斷難照辦穆圖善疊經有旨令其出嘉峪關前往哈密現在文祺病故匪眾有窺哈密之意著該將軍仍遵前旨迅速整兵出關前赴哈密必須將哈密保守將來方有進兵道路肅州兵不宜多調西路之防都興阿務當分兵兼顧保全甘涼肅

郡縣未可視為緩圖曹克忠一軍前諭都興阿等妥為調派應否駐紮會靜適中之地扼制鞏昌洮岷一帶著即妥籌分布期與陶茂林聯絡聲勢會合夾擊雷正綰當力拔固原殄除孫逆近日勦辦情形著趕緊馳奏以聞階州髮匪已形窮蹙著恩麟飭令林之望督同張華會合川陝各軍實力進攻剋日殄除並令林之望專督辦運就近嚴催各屬採辦米糧協濟毋誤軍食河州回族眾多現既踰

伏不動自可暫緩勦辦馬七氏辦撫前已毫無成效該護督欲藉以羈縻俟兵力充足再行籌辦尚無不可此時就計招撫嚴定條約但恐該逆眾不能悉遵仍不免重煩兵力必須一面辦撫一面嚴防毋得稍涉大意將此由六百里諭知都興阿穆圖善雷正綰並傳諭陶茂林恩麟知之○又諭恩麟陶茂林奏請飭催四川等省協餉並恩麟奏官軍會勦階州踞匪獲勝各一摺陶茂林所部各營月

需餉銀五萬有奇僅據陝西解到銀八萬餘兩積欠之餉為數甚鉅雖經恩麟籌商在秦州釐金捐輸等項內酌提接濟而車薪杯水仍屬無救兵艱該提督所部各軍現已馳抵蘭垣將次進規河狄若令停兵待餉坐失事機飢軍譁潰可虞大局何堪設想著駱秉章沈桂芬劉蓉懌遵疊次諭旨按照原撥協餉銀數目無論何款迅速解交慶陽糧臺文煜楊能格於各該省餉銀解到時即行酌度

各營緩急分撥陶茂林等營以資飽騰毋得再有稽延致誤軍糈川省所派周達武一軍陝省所派蕭慶高等軍現在先後環逼階州本日已諭令恩麟飭林之望督率張華等軍會合川陝援師實力圍勦規復城垣即著駱秉章劉蓉飛檄周達武蕭慶高何勝必等與林之望所統各軍協力進勦迅克階州以靖疆圉蕭慶高等因朱家溝土匪朱保潮等糾眾勾結髮匪圍抗官兵現在設法招降並著

劉蓉檄該總兵等妥慎籌辦毋得輕議招撫致墮狡謀將此由五百里諭知駱秉章沈桂芬劉蓉文煜並傳諭楊能格知之○又諭恩麟奏烏魯木齊提督文祺自哈密起程赴烏沿途感冒風寒於十一月二十日在巴里坤病故現聞濟木薩木壘河三箇泉等處失陷古城雖駐有蒙兵不知紀律吐魯番回匪勾結該處纏頭回子業已占踞城垣有窺伺哈密之意等語前因新疆需兵甚急諭令穆圖

善統帶所部取道嘉峪關先抵哈密會籌進取現在回匪窺伺該城防守喫緊穆圖善指日出關前赴哈密扎克當阿即可與該將軍會籌防勦迅殄逆氛穆圖善未出關以前扎克當阿仍當就現有兵力嚴密布置毋得稍有疏虞文祺因病出缺保恆現署烏魯木齊都統責無旁貸古城漢城失陷後吐魯番回匪復勾結該處纏頭回子圖窺哈城著保恆嚴檄蒙古官兵實力勦辦一面規復古城一

面統前攔截嚴扼該匪東竄哈密之路古城滿城近日防守情形並著保恆隨時具奏將此由六百里各諭令知之○以正紅旗漢軍副都統增慶署正黃旗護軍統領○予故烏魯木齊提督文祺祭葬卹廕如軍營病故例諡武毅○乙巳太白晝見○

上以孟春時享

太廟前期親詣行禮○以陝西陝安鎮總兵官成祿為烏魯木齊提督潼關協副將魏添應

為陝安鎮總兵官○是日立春順天府進土牛春山寶座○丙午享

太廟遣恭親王奕訢恭代行禮○遣官祭太歲之神○

上詣

時應宮拈香○御紫光閣賜蒙古王貝勒貝子公額駙台吉暨琉球使臣等宴並賞賚有差○頒賞朝鮮國王李熙扁額曰教敷箕壤琉球國王尚泰扁額曰瀛嶠屏藩○以江西

捐輸軍餉永廣蓮花廳靖安縣學額各六名。

卷一百二十七

三十五

大清穆宗繼天開運受中居正保大定功聖智誠孝信敏恭寬毅皇帝實錄卷之一百二十六

大清穆宗繼天開運受中居正保大定功聖智誠孝信敏恭寬毅皇帝實錄卷之一百二十七

批修

同治四年乙丑正月丁未

孝全成皇后忌辰遣官祭

慕陵○諭內閣據周祖培存誠都察院刑部各奏已革御史富稼服毒情形鈔錄遺存字單呈等奏查驗富稼服毒情形鈔錄遺存字單呈覽各摺已革御史富稼賄賣章奏收受贓銀業經周祖培等審明大概情形具奏該革員自知罪無可逭服毒身死該禁卒人等何以不小心防範致令乘閒服毒著周祖培存誠會同刑部都察院堂官提集刑禁人等將富

稼服毒根由。有無別項情弊。嚴切根究。富稼遺單內開有南所王永和。張得祿所欠錢文。求追給領之語。並著徹底訊明。是否有需索情事。按律懲辦。其提牢司獄及禁卒人等。著俟訊明後。由刑部分別叅辦。○又諭前因熙麟奏叅前署陝西巡撫張集馨奸邪險詐。詔媚卑污各款。當經諭令劉蓉查明具奏。茲據奏稱張集馨於入陝後。卽結納多隆阿左右之人。託以取寵。嗣多隆阿帶兵抵省。張集馨

獨遠赴十里鋪。執手板迎謁道左。屈膝請安。其詔媚逢迎。眾目共覩。提督馬德昭在省城。捍禦回匪有功。張集馨因其貽書曹克忠。有張藩臺有餉不給可惡之語。以故懷恨列入彈章。張集馨在署藩司任內。欲派私人署缺。又授意回紳。使主撫議。署臬司鳳邠道劉鴻恩不肯判行。且於張集馨之痛詆馬德昭。面訐其非。張集馨因此觸怒。密具疏稟。送多隆阿會銜具奏。嗣多隆阿未經會銜。張集馨愧

報失措於大庭中。向劉鴻恩屈膝請罪等語。張集馨係疊次獲罪棄瑕錄用之員。宜如何激發天良。力圖報稱。乃如所奏各情。巧於逢迎。居心險詐。實屬大負委任。陝西按察使張集馨著卽行革職。永不敘用。馬德昭既據劉蓉奏稱。二年六月間。回匪疊撲省垣。該員奮勇殺賊。力保危城。著有戰功。著開復提督原官。劉鴻恩原叅之案。既係屈抑。著開復道員原官。仍留陝西補用。以示彰瘅。無私至意。張

集馨任用之知縣李煒等著劉蓉隨時察看。如有劣款。卽行嚴叅。毋稍徇隱。○諭議政王軍機大臣等。劉蓉奏進剿階州逆匪獲勝。並蔡逆被勦受傷。請飭恩麟委員辦理。階州糧運固原平涼各匪。回竄靈臺等處。各摺片。階州踞匪。經劉蓉督飭蕭慶高等痛加攻剿。疊獲勝仗。據投誠逆匪供稱。蔡逆於官軍進攻兩水逆壘之役。身受重傷。設計圖竄。該撫現飭各軍會合川隴各兵。相機圍剿。該逆憑城

踞壘狡悍異常卽著劉蓉嚴飭蕭慶高等設法誘出一鼓殲除儻恃險不出卽當悉力圍攻毋任紛竄並著駱秉章飭令周達武等軍會合夾擊迅殲醜類據該撫奏稱蔡逆欲留啟逆於階自出銀二萬兩誘買該處番民冀由南坪竄出番民赴周達武軍營納款願誘該逆深入官兵伏路要截冀得分其輜重等情番民素性嗜利未可深信著駱秉章劉蓉嚴飭在防各軍加意防範並籠絡番民俾不

致為賊所用方為善策前據恩麟奏已派林之望前赴階州辦理糧運事宜自可源源接濟無誤要需該撫所請飭令恩麟派員辦理糧運自係未接恩麟行知著毋庸議平固逆回竄擾靈臺縣擾及獨店分股竄至隴州屬之銀胡汧陽屬之上店鎮等處焚殺甚慘劉蓉請飭雷正綰曹克忠各抽所部三營分紮邠長汧隴兩路力顧陝境自以邠隴為甘省入陝咽喉又為後路糧運要道恐該逆乘虛

回竄惟雷正綰現在攻勦固原正在得手勢難分兵前往著都興阿雷正綰酌度情形如曹克忠一軍尚可調撥卽著分撥數營馳赴邠隴等處以顧陝防將此由六百里各諭令知之○以盛京刑部侍郎志和兼署戶部侍郎管奉天府府尹事○以為守兼優予陝西服闕知縣唐正恩仍留陝西補用○以逞允毆官甘肅參將萬通瑞鄒本五革職逮問革冒領勇糧遊擊程朝棟職○予甘肅階州等

處陣亡總兵官蕭舉臣參將彭長林都司歐國和守備姜福元把總白春霖祭葬世職加等○予貴州玉屏陣亡把總安得成外委謝永發祭葬世職加等○予江西武甯陣亡監生盛宜春等四百七十七名分別賞卹如例○戊申諭議政王軍機大臣等文祺奏南北兩路軍務情形請飭催大兵出口扎克當阿奏南路聲息不通北路軍務喫緊哈密危急並巴里坤哈密兵餉兩絀咨調各路援軍請



將伯錫爾暫署幫辦大臣各摺片提督文祺  
病故奇台所屬三箇泉地方突有賊匪一二  
千人勾結吐魯番纏頭回子滋擾直撲木壘  
道路梗阻與前日恩麟所奏情形大略相同  
前因回疆逆蹤鴟張疊經諭令穆圖善統帶  
所部取道嘉峪關先抵哈密會同該城官軍  
布置進取茲據扎克當阿等奏稱南北兩路  
賊勢愈熾人心驚惶無措等語是回疆近日  
軍情倍形岌岌著穆圖善懍遵疊次諭旨迅

速出關前赴哈密會同扎克當阿妥籌進剿  
掃蕩逆氛甯夏官軍已偪城根勦辦正在得  
手穆圖善起程後著都興阿將甯夏攻取事  
宜嚴密布置迅拔堅城毋得稍涉鬆勁保恆  
扎克當阿當就現有兵力堅守待援俟穆圖  
善大軍到後即可會籌規取節節進攻以期  
大張撻伐該匪直撲木壘中途滋擾意在隔  
絕巴里坤古城往來之路著保恆扎克當阿  
色普詩新調派官兵在各該城卡要隘地方

認真防堵俾聲息相通該逆不得阻我進兵  
之路方為妥善其道路梗阻各城保恆等仍  
當設法偵探隨時奏聞文祺奏從前南路軍  
興口內征兵到哈裏帶口糧向由安肅道備  
辦輓運來哈現在奇古一帶被賊蹂躪無從  
採買將來兩路軍糧需用浩繁請飭先期豫  
備等語即著恩麟責成安肅道將如何採辦  
之處豫為籌畫以免臨時周章哈密幫辦大  
臣即照扎克當阿所請令扎薩克郡王伯錫

爾暫行署理將此由六百里諭知都興阿穆  
圖善保恆扎克當阿色普詩新並傳諭恩麟  
知之○以記名按察使陳湜為陝西按察使  
以縱團滋事革甘肅縣丞張岱職遣戍新  
疆○

上以次辛祈穀於

上帝自是日始齋戒三日○己酉諭議政王軍  
機大臣等阿克敦布等奏西勦官兵取道蒙  
古臺站豫籌供應款項開單呈覽一摺黑龍

江官兵五百名前諭取道張家口交聯捷統帶進剿須經由察哈爾蒙古臺站該處地處沙漠師行一切應用各臺站向來所無額設蒙古包駝馬等項為數無多亦難敷一軍之用阿克敦布等擬於馬駝一項由商都達布遜諾爾太僕寺各牧羣先期撥往該臺以備乘騎事畢歸羣並由向來幫臺之各扎薩克旗及察哈爾八旗另行攤備馬駝分赴各臺以備更換所籌尚妥即著照所請行惟此項

征兵每日需用帳房什物及廩羊米鹽等項據阿克敦布等估計統應需銀一萬五千餘兩該都統擬於口內外各旗羣普勸捐輸以資備辦自係為節省帑金起見惟該蒙古等生計本屬艱難此次師行幫貼已形困苦再令捐輸殊不足以示體恤且將來陸續徵調官兵經過該蒙古臺站者尚恐不止此起尤難為繼所有單開應行製造購辦諸物需銀一萬五千四百兩即著劉長佑由直隸藩庫

如數撥解察哈爾交該都統備辦以應急需並須迅速派員解往俾資趕辦無誤師行阿克敦布等於此項銀兩未到之先並可於張家口稅局先行提用俟直隸銀兩解到再行歸款察哈爾所屬蒙古四十四臺站之外即入烏里雅蘇台科有多塔爾巴哈台地界明誼車林敦多布麟興廣鳳奎昌錫霖圖庫爾亦當一體先期妥籌以便前項征兵到境無誤供支並著阿克敦布廉至即將察哈爾各

臺站供應此項官兵一切辦理章程飛速知照各該城將軍大臣等妥籌照辦務於官兵未到之先豫為籌策毋致臨渴掘井有誤師期該三城所需此項供支經費著沈桂芬於山西藩庫迅速撥銀一萬五千兩分解烏科及塔城各五千兩以資應付新疆軍事孔亟聯捷於黑龍江官兵馳抵張家口即當統帶星速起程相機進剿毋得藉口各該城臺站未備任意逗遛穆圖善現在駐師甯夏前因

伊犁匪熾諭令該將軍迅統所部出嘉峪關先抵哈密布置一切卽行進剿古城烏嚕木齊等處之賊聯捷於馳抵科城後或由塔爾巴哈台直趨伊犁或探明道路與穆圖善聯絡聲勢會籌進取均著該大臣臨機應變妥籌辦理將此各諭令知之 庚戌

宣宗成皇帝忌辰遣官祭

慕陵 諭內閣吏部奏丁憂山西蒲州府知府李慶翱前經升任山西巡撫英桂因防務緊

要奏請暫留署任俟邊境肅清回籍守制現在該員服滿復經沈桂芬奏准實授查丁憂人員例應開缺回籍守制服闋赴部銓選今李慶翱雖經丁憂始終並未離任仍復照常供職殊與舊制未協請飭該員離任赴部投供等語李慶翱據沈桂芬奏稱蒲郡地接潼關界連河陝防守緊要請將該員實授是以降旨允准現在防務尚關緊要李慶翱著暫緩離任仍准其實授蒲州府知府俟河防安

靜再令開缺回籍補行守制以符定例○又諭沈葆楨奏請將不職之知縣革職一摺江西武甯縣知縣霍介舒聽斷乖謬署浮梁縣知縣潘曜新聲名平常均著卽行革職以肅官方○諭議政王軍機大臣等戶部奏新疆南北兩路應需本年經費於上年十二月間專案奏撥山西地丁銀二十萬兩山東地丁銀十萬兩河南地丁銀十萬兩令各該巡撫仍由山西解至綏遠城從北路草地轉解科

布多知照各城分提現在新疆軍務緊要請將上年原撥新疆本年經費卽作為新疆本年軍餉等語新疆南北各城賊氛正熾勦辦萬分喫緊節次各城大臣乞餉之疏絡繹不絕若不迅圖接濟必至飢軍譁潰西陲大局恐有決裂之虞著沈桂芬閱敬銘張之萬等將上年七八月間原撥未解之款迅速籌解清楚外並卽按照部撥數目無論何款趕緊籌措仍照上年奏定餉道卽速遞解科布多

由明緒保恆錫霖等豫先覈定數目自行分  
提俾資應用將此由五百里各諭令知之○  
江西巡撫沈葆楨奏雲南臨元鎮總兵官江  
忠朝請開缺回籍終養得旨現在江西雖已  
肅清福建餘氛未淨江忠朝帶兵向稱得力  
著仍留於江西堵剿閩匪俟閩省大定再行  
請旨開缺回籍終養以江西克復崇仁縣  
城出力復已革提督黃仁遺職 辛亥祈穀  
於

上帝遣鄭親王承志恭代行禮

上詣

大高殿

壽皇殿行禮○諭內閣醇郡王之第一子著命  
名載瀚○諭議政王軍機大臣等曾元福奏  
巨逆洪橫被礮震斃全臺肅清一摺洪橫稔  
惡倡亂歷有年所現既被礮震斃則其餘漏  
網之徒不難殲滅淨盡著曾元福丁曰健督  
飭在事員弁實力挖捕務絕根株毋留餘孽

臺灣地方雖經肅清而漳州一帶賊氛尚熾  
難保不勾結臺屬匪類乘機煽惑曾元福現  
已將搶鬪各犯拏獲懲辦以定人心仍著會  
同丁曰健實力巡查妥籌防範毋令漳郡逆  
匪偷渡勾結左宗棠徐宗幹務當督飭將弁  
兵勇迅將漳龍等處踞逆迅速掃蕩俾免日  
久蔓延臺灣善後事宜並著督率曾元福丁  
曰健次第籌辦務令事事悉合機宜以期一  
勞永逸將此由五百里諭知左宗棠徐宗幹

並傳諭曾元福丁曰健知之○署福建臺灣  
鎮總兵官曾元福奏舟師出洋巡緝殲擒盜  
匪多名得旨著仍飭派出之游紹芳等統帶  
師船認真巡緝務期挖捕淨盡毋令漳臺逸  
匪偷竄○以福建臺灣府境肅清予知縣白  
鸞卿以同知直隸州知州用與都司傅廷玉  
等均賞花翎從九品李守諧藍翎餘加銜升  
敘有差 壬子諭內閣都察院奏訪查巡城  
御史辦公未能妥協請旨撤退一摺據稱巡

視西城御史奎英稍涉事權漸改前轍近遇地方公事每多率意任情不克和衷共濟辦理殊未妥協各等語朝廷設立滿漢巡城御史原期遇事商同辦理固不可諉謝因循亦不宜偏執己見致有貽誤該堂官等未敢以保奏在前自行迴護自為慎重公事起見惟未將該御史率意任情各事蹟指參殊非覈實之道卽著全慶等將該御史如何辦理不能妥協之處據實再行陳奏毋稍徇隱○諭

議政王軍機大臣等雷正綰奏攻勦固原追捕竄賊會商進兵道路籌辦軍食曹克忠派弁赴楚募勇請調土司帶隊助勦並曹克忠一軍不克回顧潼關各摺片固原城東逆匪分股東竄雷正綰率親兵圍隊窮追盡一晝夜之力奔馳三百餘里曹克忠亦派馬隊趕至逆眾竄陷靈臺旋經官軍克復餘匪奔涇州南關亦經該提督派兵勦除淨盡現會商曹克忠急攻蕭河城該提督攻打彰義堡此

二巢係逆匪家屬聚處所如因城逆回出救老巢環市各營卽可乘便襲城所辦甚妥著卽督飭諸將併力進攻使該逆首尾無從相顧自可處處得手軍糧艱窘士卒豈能枵腹從事雷正綰前飭隆德縣知縣李超羣豫備白麪三十萬斤乃該縣所備不足三萬斤據該提督奏稱其人言語狂詐不洽輿情前委赴莊浪催糧卽有紳士控告等語著恩麟與前次諭查之靜甯牧黃松年一併確切查

參不准稍有瞻徇雷正綰等營口糧並著恩麟嚴飭所屬設法採買運解以收飽騰之效如再匱乏惟該護督是問洮州土司楊元既據曹克忠咨稱該土司稟求願帶馬隊助勦著准其剴調蠻兵馬隊一千名令楊元親自統帶如不得力卽行撤回如累著有勞績准其酌量保奏恩麟卽飭該土司迅赴曹克忠軍營毋稍遲延曹克忠派參將傅先宗前往湖北招募勇丁四千名助勦經過湖北河南

陝西等省著官文吳昌壽張之萬劉蓉於此項勇丁到境時飭屬照例供支口料以利進行官文並酌量撥給每營糧槍小槍帳房若干俾資應用如招勇之員敢於沿途滋擾卽由該督撫等查明遵照前奉諭旨奏參懲辦劉蓉以髮捻各逆已近潼關咨調曹克忠十六營回陝並分防邠長汧隴等處茲據雷正綰奏曹克忠除留防秦州隆德等處外現在僅存八營軍情甚屬喫緊萬難回陝等語雷

正綰所募勇丁已有由楚入陝者如潼關需兵防勦著該撫酌量截留如其無警仍催令陸續赴甘汧隴一股係會甯郭城驛竄逆有總兵胡大貴等追勦劉蓉又已派數營屯紮足敷勦辦著該撫卽飭派出各營會同胡大貴等實力兜勦毋稍鬆懈雷正綰另片奏靈臺縣城失守署令祝賓揚全家殉難外委李培滋總城先遁情殊可惡著都興阿恩麟查明按照軍法從事教諭史繼尹典史徐承澍

是否出城辦糧並著查明具奏已革知縣吳瑩令馬萬良等率領回民把守城門不許漢民出入吳瑩全家經回民送至城外禮拜寺及大兵到境逆回奔逃吳瑩率領本地回民挖取官衙錢糧民間積聚與回均分據該縣士民公稟情形與通匪無異吳瑩侵冒兵糧前經有旨革拏著都興阿恩麟卽將該革員拏問如通匪各情屬實卽行正法以昭炯戒雷正綰請調蘇倫保常星阿溫德勒克西富

森保四起馬隊本日已諭令留格林沁酌量調撥如此項馬隊尚有留楚者卽著官文派令赴甘以厚兵力將此由六百里諭知官文都興阿雷正綰吳昌壽張之萬劉蓉並傳諭恩麟知之又諭雷正綰奏逆回馬隊兇悍官軍各營皆係步隊而攢集馬勇近來馬匹倒斃甚多每次逆回竄敗步隊追趕不及匪徒轉多漏網若非添立馬隊秦隴之禍尚未有艾現在鄂豫髮捻十餘萬眾均已投誠甘

肅逆氛正熾請飭蘇倫保常星阿溫德勒克  
西富森保四起馬隊赴甘會勦等語軍營衝  
鋒陷陣及追勦竄賊均以馬隊為先此時由  
鄂竄豫之賊為數不過數千勦除自易而甘  
肅逆回正形猖獗非得力騎兵勢難戡事蘇  
倫保等四起馬隊著僧格林沁斟酌豫省賊  
勢軍情或全數飭令赴甘或分撥數起前往  
俾西陲軍務早就蕩平均著該大臣妥籌調  
派迅即奏聞將此由六百里諭令知之 又

諭廣鳳奎昌奏綏遠城委員將應撥古城餉  
銀八萬兩運至科布多當交古城提餉委員  
達哈蘇等由科起程護運回古嗣因古城附  
近有賊事在危急經署都統等派訥爾精額  
等執持令箭令領餉迎餉各員將應撥古城  
餉銀解回科布多暫存達哈蘇等即將前領  
餉銀八萬兩復行解回科城等語廣鳳等以  
此項餉銀解回科城恐該匪意存覬覦圖撲  
城垣現在蒙古官兵欠餉甚鉅不若暫為變

通將此項解回餉銀內提銀補放既可藉充  
軍糈即以隱杜該匪窺伺之心自係為因時  
制宜起見著照廣鳳奎昌所請即由庫存古  
城餉銀八萬兩內暫行提出銀三萬兩補放  
舊欠蒙兵餉項以濟眉急廣鳳等前請由歸  
綏道衙門籌濟蒙兵之餉三萬兩一經解到  
仍著如數撥還古城餉銀俾清款項新疆未  
到之餉尚有二十餘萬之多若齊運至科布  
多分撥各城該匪知科城有此鉅款適足招

之使來以後新疆餉銀不得不暫解烏里雅  
蘇台以昭穩慎著明誼麟興車林敦多布於  
此項餉銀解到後妥為收存一面偵探科布  
多古城情形如道路疏通可以解往即與保  
恆廣鳳奎昌會同籌商派委委員管解前進  
古城軍情危緊需餉甚迫俟匪勢稍鬆應如  
何設法迎提以充軍食之處著保恆與廣鳳  
等妥籌辦理古城近日情形並著保恆等隨  
時奏聞以慰廑繫將此由六百里各諭令知



之予甘肅靈臺殉難知縣祝賓揚祭葬世職加等賞山東等省甲子科鄉試年老諸生李敦禮等五十八人舉人副榜有差○癸丑諭內閣散秩大臣和碩額附德徽內廷趙公年方壯盛不意患病遽然溘逝悼惜殊深業經派令鍾郡王前往賜奠賞給陀羅經被著派總管內務府大臣寶璽前往照料其喪事官為經理任內一切處分悉予開復應得卹典該衙門察例具奏因念壽莊和碩

公主釐降甫十數月猝遭此厄情形尤為悽愴著再賞給廣儲司銀一千兩以示篤念親親有加無已至意又諭昨因都察院奏參巡視西城御史奎英近遇地方公事每多率意任情未將各事蹟指參降旨令全慶等將該御史如何辦理不能妥協之處據實陳奏茲據奏稱據巡視西城漢給事中何兆瀛呈稱管理街道御史移送西城藍靛廠不挂錢幌私換銀兩之李姓一案飭交坊官辦理並

將李姓交坊看押經本城滿御史奎英親赴該坊自行釋放等情當將此案劄交東城御史查辦因訊問尚需時日未敢遽以此案原委具奏惟西城事務殷繁儻仍聽奎英辦理恐滋貽誤是以先請撤去該御史巡城差使等語奎英於私換銀兩交坊看押之李姓虛實並未訊明輒行私往屬官衙門勒令釋放實屬任性妄為有乖體制都察院堂官於昨日奏參摺內並未將私放李姓情事詳細奏

陳殊屬含混至李姓經街道衙門於十二月十二日交坊看押十七日始由街道衙門移交西城何以奎英於十四日即知有此案其中是否另有別情著派綿森趙光會同都察院堂官秉公研訊確情據實具奏奎英著先行撤退巡城差使聽候查辦以甘肅秦安等處辦團出力賞五品封職張齡鏡藍翎予知縣王廷相等升敘有差○以甘肅西和縣城解圍並克復三坐堡出力賞都司常泰等

花翎知縣朱九蘭等藍翎餘升敘開復有差予陣亡州判楊城把總馬忠臣祭葬世職加等○甲寅諭內閣萬青藜卞寶第奏奉旨飭查事件先經據人呈訴牽涉言官請交部審辦一摺上年十一月二十九日據給事中博桂奏文安縣兇犯寇玉林與衙役劉沅和朋比為奸並有派捐分肥及寇玉林家有地窖斃命私埋等情當經諭令萬青藜卞寶第派員前往查辦茲據奏稱查明寇玉林劉沅和

均無豆二慙小霸王綽號王三死由瘋發撲跌並非寇玉林毆斃寇玉林家並無地窖亦無與賀景行井鍾樵派捐分肥及與劉四李福桂朋比為奸情事惟查寇玉林劉沅和與縣民胡沅瀧向有稟控匿稅之嫌上年十一月二十五日寇玉林接到郭精來由京寄來字條上寫寇玉林等名字綽號及家有地窖殺人不償命都老爺要入奏等語料係胡沅瀧挾嫌誣陷當與劉沅和於十一月二十七

日赴縣呈明存案傳訊郭精來及書吏韓七卽韓雪泉供稱係鈕寶卿向伊告訴此事現有滿御史要奏並稱見過摺底查拏鈕寶卿業已在逃請飭交部審訊並嚴拏逸犯等語安關捏詞誣陷牽涉言官亟應徹底根究以成信讞胡沅瀧寇玉林劉沅和劉四李福桂賀景行井鍾樵韓雪泉等均著交刑部嚴切審訊其在逃之鈕寶卿並著步軍統領衙門五城御史會同順天府一體嚴拏務獲歸案

訊辦○諭議政王軍機大臣等從前道光年間辦理夷務咸豐年間向榮督師江南均曾檄調四川屯兵臨陣衝鋒向稱驍勇嗣以南方水土不服該屯兵等均多物故又上年石達開巨逆竄擾川省敗經紫打地等處為各土司兵誘入絕地官軍卒獲殲擒此項土司兵是否卽係從前所調屯兵又有土練番兵名目是否卽係此種現在回疆軍事孔亟南北兩路警報頻聞甘肅回氛急切未能歲事

出關之兵穆圖善所部無多專恃鮑超舊部及調募川兵川勇為大支勁旅新疆賊勢蔓延兵力尤資厚集該屯兵等現在能否得力其徵發檄調自與內地官兵不同如調派千名出關剿賊一應軍裝器械需費若何其按月支放口糧較之內地兵勇贏絀奚似又此兵調赴他省是否同於雇募須先給身價銀兩每名若干均著崇實駱秉章查明從前檄調屯兵成案及現在應如何辦理情形詳細

具奏至該屯兵等均係步隊登山涉險乃其長技關外地方遼闊平原廣漠利在用騎此兵出關於地利是否相宜當不至用其所短並著崇實駱秉章體察情形奏明候旨辦理將此由五百里各諭令知之 又諭毛鴻賓等奏官軍越境剿賊獲勝並派兵防勦岑溪等處股匪各摺片福建漳州踞逆李侍賢勢尚猖獗平和永定雲霄各城均為賊踞汀州所屬地方賊氛肆擾與潮嘉各屬接壤自應

節節掃蕩穩慎進取方免顧此失彼之虞現在何雲章進攻雲霄楊清臣等進攻平和方耀等軍進規永定均已疊次獲勝而賊匪尚圖死踞若不迅即攻拔勢必阻我進兵之路著毛鴻賓等督飭李福泰方耀等嚴檄各路將士先除永定等城各踞逆將潮嘉等處之防布置穩固即行督兵入閩聽候左宗棠調遣以圖迅克漳郡左宗棠所調各軍計已先後到齊著即嚴飭各路之軍會合粵師奮力

勦擊徐宗幹亦當令閩省現在之兵與調集各援兵聯絡聲勢遇賊即擊以期壁壘一新速殄醜類至廣西岑溪縣屬河洞地方有賊首陳日升混名兩頭口股匪二千人攻踞古眉又有羊額股匪千餘與河洞賊匪勾連攻踞會村又大埕匪首羅阿洸藤縣賊首霍十八等攻陷岑溪之曇容等處結拜洪家會意圖分竄統計各股不下六七千人日聚日多紛紛釀亂前據張凱嵩奏梧屬賊匪次第戡

定洪逆餘黨仍恐未清現在賊匪既有結拜洪家會情事是餘匪勢漸猖熾恐又成燎原之勢且岑溪與羅定西甯信宜等處在在毗連山徑叢雜更易藏奸毛鴻賓等已飭曾敏行任星元等分路勦辦著即檄飭該副將等乘賊匪初起之時銳意進攻將首要各匪悉數擒捕務期掃除淨盡毋留餘孽羅定等處各地方文武員弁務當整飭團練協同防勦毋令賊匪闖入張凱嵩務即分派軍士會同

曾敏行等實力勦辦或即將駐潯之軍就近調往較為便捷所有起事詳細情形並著毛鴻賓郭嵩燾張凱嵩詳查具奏將此由五百里各諭令知之○改山西潞安府知府為題調要缺從巡撫沈桂芬請也以山西綏遠城防堵並辦理營務出力予道員貴肇等加銜升敘有差以廣東克復海寨城出力賞都司戴朝佐巴圖魯名號守備吳迪文等花翎雲騎尉陳榮輝等藍翎餘加銜升敘有

差○豁免直隸隆平安天津三州縣積滯地方上年額賦並緩徵新舊糧租暨民借倉穀

乙卯

上御撫辰殿大幄次賜王公大臣蒙古王貝勒貝子公台吉等食○諭議政王軍機大臣等御史丁浩奏敬陳管見一摺據稱上年七八月間東河南岸中河廳中牟上汛十三堡地方潰塌大堤一百數十丈幸隄內雖高未曾過溜乃大堤潰後河臣另築圍堰而不修復

舊堤現在圍堰之中溜已刷深二丈有餘新築埽段均未堅實不惟伏秋大汛可危即春水發生其勢已覺岌岌並聞上年北岸祥河搶險之處工程亦未穩固請飭河東河道總督迅速籌辦等語所奏自係實在情形即著鄭敦謹督率道廳各員於春汛未屆以前趕緊查看情形認真興辦務將上年潰塌大堤迅速修復毋得專恃圍堰致貽後患其北岸祥河搶險工程著一併修築堅固以資捍衛

原摺著鈔給閱看將此諭令知之。又諭常清明緒奏伊犁萬分窘迫請撥軍餉武隆額等帶兵退回借調俄兵助剿並常清奏請治罪明緒奏陳地方情形各摺片阿奇木伯克邁咱木雜特前據常清奏因攤湊回戶錢文役回種地以致眾伯克聯名呈控請先行革職審訊此次纏頭回子糾眾舉邁孜木雜特為王是否即係此人現據聲言因委曲逼迫所致並於旗幟書寫官偏民反字樣明緒已

派員議撫著即剴切曉諭如前案果有屈抑不妨為之昭雪但恐該回子藉此為詞以遂其緩兵之計明緒務當加意防範毋為所紿已燕岱一帶賊勢甚重武隆額布爾和德所帶之兵既經退紮湖廣橋地方著即飭令嚴密防剿毋令賊蹤竄近伊犁城兵單薄明緒惟當固結人心認真防守以期眾志成城保全大局穆圖善已屢諭統所部迅速出關先抵哈密相機進剿前諭聯捷管帶黑龍江官

兵五百馳赴科布多或直趨伊犁或會同穆圖善進取現在計可出關著明緒飛咨該大臣斟酌情形或即令徑達伊犁藉資防剿借助俄兵一節亦是出於萬不得已著遵照上年十二月十一日寄諭酌量妥辦不可稍涉大意昨據廣鳳等奏解往古城之餉銀八萬兩已折回科城暫存提用三萬兩補放蒙兵欠餉俟歸綏道衙門解到撥還現在伊犁需餉孔亟著廣鳳奎昌即將現存之五萬兩先

行改解伊犁明緒錫霖一體派員沿途迎護其續到烏里雅蘇台之餉仍著明誼麟興車林敦多布隨時知照明緒酌量數目設法派員迎提應用經過之科布多塔爾巴哈台各城均須迅速護送赴伊不得稍有延誤常清業於上年十月初四日降旨革職聽候查辦何以此旨尚未奉到仍著明緒將常清被參各款詳細查明據實具奏所請採買各項准照市價覈銷之處已諭知戶部照辦矣將此

由六百里各諭令知之○又諭傳諭護陝甘總督恩麟明緒奏請飭甘肅迅將副茶數十萬封趕緊派員解赴伊犁等語伊犁民食兵糧幾至告罄情形實為危迫口外茶葉貿易尚為流通如此項副茶早日運到伊犁則銀錢轉輸藉可採買兵食以拯然眉著恩麟懍遵前次諭旨即將所存副茶迅速撥運數十萬封派員由北路草地解交伊犁不得稍有遲延致誤要需○又諭前因戶部奏新疆南

北兩路需餉緊急請將上年原撥新疆本年經費即作為本年軍餉當經諭令沈桂芬等趕緊籌措遞解科布多由各城自行分提嗣因廣鳳等奏科布多密邇古城餉銀到時恐啟賊匪窺伺之心復經諭令將餉銀暫解烏里雅蘇台交明誼等妥為收存以昭穩慎茲據明緒奏伊犁軍餉極絀請飭戶部將前撥之款指明迅速專解伊犁數十萬兩不准經過各城截留等語伊犁餉源早竭又值賊氛

環逼若不亟圖協濟何以濟兵糈而解倒懸本日業經諭令戶部速議具奏並著沈桂芬間敬銘張之萬懍遵本月十四日諭旨除將上年七八月間由戶部奏明原撥未解之款籌解清楚外並按照上年十二月間專案撥定之山西地丁銀二十萬兩山東地丁銀十萬兩河南地丁銀十萬兩星速解往烏里雅蘇台交明誼等暫為收存俟餉項一到明誼即知照明緒探明道路派員迎提以期妥速

惟哈密古城待餉均關緊要並著明誼等斟酌緩急除量分各城外儘數撥往伊犁以應急需將此由六百里各諭令知之○丙辰諭內閣前因曾國藩等奏准徐揚海道轄境遼闊請仍設淮揚道員缺以重地方而專責成諭令議政王軍機大臣會同該部議奏嗣據給事中福寬奏請將江蘇揚州府改歸常鎮通海道管轄無庸仍設淮揚道員缺復諭令議政王等彙入前摺一併會同議奏茲據議

政王軍機大臣會同各該部悉心酌覈奏明請旨曾國藩等因准徐揚海道轄境遼濶難以周顧請復設淮揚河務道員缺係為因時制宜起見著照所請准其復設淮揚河務兵備道作為由外題補之缺管理淮揚兩屬其海州一屬巡道應管事件仍歸徐道管轄作為徐海河務兵備道所有前經奏明統歸淮安府督捕通判揚州府清軍總捕同知四

屬內應將何屬撥歸淮揚道管轄何屬撥歸徐海道管轄暨應否於淮揚河務道轄境添設移撥武弁官兵之處並著曾國藩等體察各處地段情形分別奏明覈辦至給事中福寬所奏請將揚州府改歸常鎮通海道管轄無庸仍設淮揚道意在藉免裁設紛更而淮揚兩屬廳汛員弁仍屬無所稟承殊未盡善著毋庸議尋曾國藩等奏淮安同知淮安通判揚州同知皆隸淮揚境內應歸淮揚道管

轄徐州同知所屬河務汛地應歸徐海道管轄以專責成淮安通判所管汛地移歸改設之淮安同知專管駐紮清江浦其同知所遺汛地多在山陽境內即改歸淮安通判兼管此外向歸淮海道專管之葦蕩左右兩營以樵採蕩柴為專責近年柴款變價催徵等事奏明專派大員經理今既復設道缺應改歸淮揚道專管以符舊制而免紛更至淮揚道轄境操防各營各有舊制現又添設淮揚鎮

標應無庸另議移改其修防官弁俟河運復興再行體察覈議下部知之又諭前因丁憂詹事府右庶子袁保恆擅遞摺報條陳事宜並有躬詣京師與廷臣籌商定議之語不諳體制降旨將該員交部議處本日據吏部議奏請將袁保恆比照官員妄行條奏降一級調用公罪例議以降一級調用又據御史張觀鈞奏稱吏部援引例文未能確切查定例無言責官員將公事妄行具奏者降二級

調用公罪官員妄行條奏降一級調用公罪。此案袁保恆罪在無言責而擅發驛遞應照無言責官員妄行具奏降二級本例議處該部僅援降一級調用之例定議舍重從輕且與定例議處案件有一事而兩罪名相因而致者從其重者議處之例不符各等語著吏部查照該御史所陳各條將此次所議袁保恆處分是否允協之處再行詳細查覈具奏嗣後該部於交議事件遇有例內兩條相似

而處分輕重不同者應如何確切援引隨摺聲明以杜遺漏牽混之處並著酌定章程以昭詳慎○諭議政王軍機大臣等左宗棠等奏連城各軍進剿獲勝漳州官軍擊退撲營巨股現籌辦理情形各摺王德榜抵汀後與劉典分路進剿獲勝連城之賊由新泉南陽退至下車南嶺一帶官軍於夜分掩襲破其三壘殺賊無數黃少春一軍進逼漳城與高連陞聯絡轟擊賊眾敗走而降將劉得義邱

萬順欽傷參將周雲達等自率降人將謀內應黃少春派隊追斬逆頭目多名劉得義等竄併賊中隨逆者約不滿四百人城賊復傾巢出撲高連陞等擊敗之所辦均尚得手著左宗棠先就現有兵力激勵各營將士實力進取以期節節得手前諭李鴻章令劉銘傳等槍礮隊由水路赴閩並令左宗棠察度一面催調一面奏聞著仍遵前旨檄調到閩分路調派以厚兵力李鴻章即籌畫軍裝口

糧令劉銘傳等分隊入閩並催令趕緊部署起程毋任觀望劉銘傳軍餉李鴻章仍照舊供支到閩後亦當源源接濟不得稍分畛域黃少春所部劉得義等忽萌異志幸該提督立即追剿並斬從逆弁目多名與尋常失察者有間據奏黃少春自請嚴議之處著加恩寬免該督即飭令黃少春奮勉圖功務將已降復叛之員弁等悉數殄除毋留餘孽所請調員赴閩差遣委用著馬新貽蔣益澧即飭



周開錫吳大廷胡光墉張樹荻四員迅速赴閩聽候左宗棠差委該督疊次奏留浙省文員中並准其隨時調閩差遣但求有益地方不須限以資格閩省官吏因循積習難挽該督撫不妨隨時甄別叅劾以期日有起色另摺奏蔣益澧任滿請准來京陛見一摺閩省軍務方殷蔣益澧在浙省籌餉籌防在在皆關緊要著傳知該藩司認真辦公於閩餉閩軍隨時接應協濟俟閩省軍務完竣再行來

京陛見另片奏廈門稅務司休士等盤獲遞送逆信勾通洋人之陳金隴卽陳九里已將該犯訊明正法並請將休士等嘉獎等語已令總理各國事務衙門議奏將此由六百里諭知左宗棠李鴻章徐宗幹馬新貽並傳諭蔣益澧知之○又諭左宗棠奏准戶部咨稱浙省有原定湖北湖南江西協餉四萬餘兩現奏定卽令湖北湖南每月各解銀一萬兩江西每月解銀二萬兩作為協閩月餉其餘

所需十萬兩由浙省按月如數籌解查援閩各軍人數甚眾該督入閩曾與蔣益澧熟商每月由浙籌解十四萬兩作為協撥新餉而舊欠則暫緩清給請仍飭浙江按月解十四萬兩湖北等省仍照部議協濟等語浙省援閩各軍本與尋常從新調募者不同左宗棠卽不入閩浙江亦應按月給餉名為協濟實則以浙餉供應浙軍若每月由浙止撥銀十萬兩誠恐不敷供支於大局甚有關繫前日

據蔣益澧奏本有雖經部臣體察改定月撥餉銀十萬暫時必應照舊撥解方資攻剿之語著馬新貽蔣益澧仍照左宗棠原議每月籌解銀十四萬兩作為協撥新餉源源接濟以裕兵食而固軍心至湖北湖南江西協撥之餉亟應迅速籌解共維大局著官文吳昌壽惲世臨沈葆楨各照部撥原數按月解交左宗棠軍營以供支放毋稍延誤將此由五百里諭知官文吳昌壽惲世臨馬新貽沈葆

楨並傳諭蔣益澧知之○予福建長泰陣亡  
遊擊龍順友祭葬世職加等

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百二十七

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百二十八

同治四年乙丑正月丁巳

孝穆成皇后忌辰遣官祭

慕陵○諭議政王軍機大臣等僧格林沁奏逆  
匪回竄魯山翼長恆齡等戰歿現飭官軍緊  
躡追剿一摺逆匪賴汶洸張總愚等因知河  
洛一路有兵堵截率黨南竄盤踞背子街圖  
奔魯山各軍追剿小有斬擒該逆直奔魯山  
縣城大股來撲勢如潮湧僧格林沁揮令恆  
齡等奮力衝壓而另股馬賊抄我軍後路營  
總富克精阿等並不及時援應以致恆齡蘇

倫保等被困陣亡。覽奏實堪痛恨。該大臣現已將富克精阿等軍前正法。著卽將失利各營重加整頓。以圖再振。此次官軍失利。經陳國瑞帶領小隊橫出扼住橋口。使賊不能包抄。官軍得以殺出重圍。實屬異常出力。著僧格林沁傳旨嘉獎。現在該逆由葉縣折而東北。圖犯襄城。陳國瑞等乘夜攻擊賊壘。冒雪斬馘多名。復由石固驛尾追至新鄭縣南郭店等處。疊獲小勝。官軍馳抵尉氏。該逆復由

縣西向東南竄走。賊蹤飄忽。靡常。尉氏距開封省城較近。四通八達。尤防旁竄。該處地方平行。馬隊可以施展。著僧格林沁卽飭陳國瑞常星阿等馬步各隊設法進剿。前截後追。毋使該逆得以喘息。以期就地殄除。詹啟綸一軍前據富明阿奏。已於正月初十等日起程。本日復經寄諭嚴催。著該大臣飛檄迎提。飭令繞前截擊。賊蹤向東奔竄。去楚北邊防愈遠。官文所部成大吉等軍。著檄令星夜赴

豫。合力進剿。其防剿荆子關之姜玉順一軍。並著官文酌量移緩就急。調赴河南。以上各軍到豫後。統歸僧格林沁調遣。並著該親王嚴檄飛催。飭令由何路進剿。豫為部勒至窮寇反噬。僧格林沁尤宜豫防。務須隨時穩慎進取。庶不至為賊所乘。該大臣兵力如不甚厚。卽應及時添調。不可稍有惜費之心。行軍罰旣宜重。而賞亦不可過薄。退縮失機者。固當按律嚴辦。其奮勇出力者。卽可隨時保獎。

以鼓舞之。庶幾所向有功。開封之防至關緊要。著張之萬卽行帶兵回顧省城。將省防一切妥籌布置。務臻嚴密。賊蹤由尉氏縣西竄向東南。恐其覬覦潁毫一帶。喬松年前奏業已起程回省。著仍將潁毫一帶邊防迅速派兵妥籌堵禦。英翰一軍現紮何處。並著妥為調遣。直隸山東兩省與豫邊在在毗連。該逆鉅走靡常。一經官軍追急。必至拌命狂竄。大廣曹單一帶更恐有宋景詩餘匪賊蹤入境。

儻被句結必至燎原。著劉長佑、閻敬銘、卽酌派得力之員帶兵駐紮嚴密防堵。毋令渡河而北。山東藩司丁寶楨前有旨令來京陛見。此時無論已未起程及行抵何處均著劉長佑、閻敬銘飭令迅速回東帶兵嚴防本境要隘。毋令賊蹤擾及完善。各該督撫等均當先事豫防。防兵之外均須派有後路策應之兵。無論賊蹤竄近何省均可與僧格林沁追兵互相夾擊以殄寇氛而固邊圉。儻漫無準備。

致令賊氛入境又肆蔓延。將來竄擾何省卽惟該省督撫是問。將此由六百里各諭令知之。○又諭前據富明阿奏遵飭赴豫助剿之詹啟綸一軍於正月初十一兩日分起啟行。馳赴僧格林沁軍營聽候調遣。茲據僧格林沁奏稱髮捻回竄魯山援軍未及接應以致蘇倫保恆齡等戰歿現在逆勢猖獗由尉氏縣西向東南奔竄各等語是詹啟綸一軍一入豫境正可探賊所向迎頭截剿必須迅

速抵豫以壯聲威而資得力著富明阿查明該營已起程者派員沿途趲催前進如有後隊尚未起程者嚴催剋日啟行毋稍延緩將此由六百里諭令知之。○予河南魯山陣亡護軍統領恆齡副都統蘇倫保委營總保青常順章京那木薩賚碩隆祭葬世職加等。○戊午浙江巡撫馬新貽奏報到任日期得旨浙省善後應辦各事宜著隨事咨商左宗棠並與蔣益澧妥籌實力辦理疆臣虛己和衷

乃地方之福也勉之。○調鑲白旗護軍統領德懋為正黃旗護軍統領以正黃旗蒙古副都統富明為鑲白旗護軍統領。○以乾清門侍衛托倫布為鑲黃旗漢軍副都統未到任前以內閣學士延煦署理以內閣學士恩承兼鑲紅旗蒙古副都統未到任前以內閣學士衍秀署理。○減免兩浙袁浦青村橫浦浦東下沙五場被擾地方上年竄課有差。○己未。

孝聖憲皇后忌辰遣官祭

泰東陵○諭內閣巡視中城御史瑞亨等奏拏獲偷竊行宮錫片賊犯請交部嚴訊一摺賊犯張四卽張喜兒膽敢商同逸犯陳六等偷竊昌平州湯山行宮內錫片實屬目無法紀據供僅在外幫同鎔化與前昌平州獲犯劉愾浩供詞歧異顯係意圖狡賴避重就輕更難保無另案偷盜情事張四卽張喜兒著交刑部嚴行審訊並著順天府轉飭昌平州將

在該州監候待質之劉愾浩一犯及全案卷宗一併移送刑部歸案質訊在逃之陳六一犯仍著步軍統領衙門順天府五城直隸總督一體嚴拏務獲訊辦○諭議政王軍機大臣等劉蓉奏逆回分股回竄陝疆派兵截剿並攔襲獲勝逆蹤往西折竄及潰勇沿途滋事暨階州逆匪暗襲營壘追剿獲勝各摺片回匪勾通逃勇自甘省華亭一帶從后山間道竄至汧陽地方旋向東南竄去經駐防之

彭基品等軍由岐山追抵武功節節躡剿屢有斬獲並於新店子等處斬馘多名該逆西竄醴泉境內惟賊多馬隊飄忽異常而該處地勢平行無可控扼非各軍會集不能聚殲雷正綰現派雷恆等管帶馬步三營追剿入陝並著傳知曹克忠恪遵前旨酌撥數營馳赴汧隴一帶會合堵截毋令逆氣踵竄陝疆劉蓉督飭彭基品等實力跟剿以收夾擊之效其雷正綰曹克忠所派各營卽著劉蓉妥

籌調遣聯絡聲勢毋得稍分畛域致令賊勢蔓延王守基所帶馬隊現經陶茂林催調赴甘第陝省兵力太單馬隊尤缺仍著劉蓉酌量情形如需此項騎兵協助卽行飛咨陶茂林趕緊調回以資得力參將王泰來經前任陝甘總督熙麟檄令招募楚勇赴甘助剿乃添收擒匪六七百名濫招備數又剋扣口糧領餉不發以致各勇心懷怨望中途潰散該參將竟自帶隊前行並不設法安撫任聽沿

途搶掠貽害地方實屬不成事體著都興阿文煜楊能格查明王泰來招擒扣餉情形據實參奏從嚴懲辦其所募勇丁或歸慶陽糧臺或調赴甯夏軍營並著趕籌安置毋令無營可歸致生後患已潰各勇卽著劉蓉分飭地方員弁團練妥為彈壓儻敢恃眾擾害卽行截捕正法至王泰來添收擒匪係行至河南所募並著知照張之萬飭屬一體嚴拏階州逆匪由兩水繞襲三哨營壘經官軍嚴密

扼剿斃賊四五百名現在階州各隘業經川兵堵截可無竄越之虞惟西北兩隅路徑紛歧而兩水尤為必爭之地著恩麟督飭林之望張華等軍務於兩水各路擇要扼紮與湘果等軍協力同心斷其旁竄以期節節進逼悉數殲除儻防範不力致令蔡逆由西北竄逃必惟恩麟是問駱秉章仍飭周達武等軍會合陝甘將士迅將蔡逆一股殄滅毋稍鬆勁階州三路官兵必須擇人統率方免互相

推諉之虞著劉蓉咨商駱秉章於得力武職大員內斟酌一人奏聞請旨辦理回逆回竄陝疆已至醴泉境內若折向東北奔竄越過涇河難保不窺伺晉省完善之區著沈桂芬豫籌防範不可稍涉大意本日復據都興阿等奏官軍連獲四捷籌畫進攻情形及西甯軍事緊要請飭鶴齡前往鎮撫各等語都興阿等督帶馬步各軍進剿甯夏賊匪疊破城南逆壘移營進逼卽著乘此聲威穩慎進取

攻拔堅城盡殲醜類西甯回目馬尕三等恣縱肆虐阿家呼圖克圖等所稟各節自係實在情形亟應揀派妥員前往鎮撫著駱秉章催令鶴齡迅速前進都興阿飭令該總兵統帶所部前往西甯妥籌辦理以資鎮攝不准稍涉遲延致滋貽誤將此由六百里諭知都興阿雷正綰駱秉章劉蓉沈桂芬文煜並傳諭陶茂林恩麟楊能格知之○以內閣學士英元署正黃旗蒙古副都統太常寺卿奕慶

署鑲藍旗漢軍副都統○撥工部火藥十萬斤山西擡槍一千桿烏槍四千桿陝西擡槍五百桿烏槍二千桿四川大布二十萬匹解赴甘肅軍營備用○庚申諭議政王軍機大臣等喬松年奏皖省需餉愈急請飭江海關照舊撥解協餉一摺據稱江海關每月協濟皖餉二萬兩經李鴻章以皖省肅清兵勇無多奏請停止現在防兵未撤勇數有增無減各省協餉報解已屬寥寥若上海關又復停

止皖省便無可指之餉曾國藩請由江北糧臺每月改撥皖餉二萬兩係接濟劉銘傳等軍並未指撥喬松年軍營該省餉源久竭無款可籌征兵未撤飢潰堪虞請飭江海關將協餉二萬兩照舊按月撥解等語河南軍事未竣皖省邊防喫緊兵勇未能裁撤亟應籌濟餉需以資軍食著李鴻章將江海關每月協撥皖餉二萬兩仍照舊按月撥解如江海關現存款項均係指定各省緊要餉需未能

兼籌皖餉即著曾國藩將前次奏定江北糧臺改撥皖餉之二萬兩按月撥解喬松年軍營以濟要需將此由五百里各諭令知之○辛酉諭內閣基溥奏准內務府來文

西陵承辦事務衙門咨查

陵寢應修歲修工程應歸何處恭辦援案請旨一摺據稱

昌西陵工竣已十有餘年現在地面甄塊油飾閒有酥鹼爆裂情形亟應隨時黏修或令原

承修之員修理或遵照道光二十五年

慕陵歲修工程成案就近交承辦衙門經理請旨遵行各等語

昌西陵工程自告成至今既經十有餘年著准其遵照

慕陵成案交

西陵承辦事務衙門就近管理所有此次應修工程即著該衙門派員敬謹勘估擇吉興工嗣後每屆歲修並著一律承辦其歲修工料

銀兩查照

慕陵成案支銷以專責成○諭議政王軍機大臣等有人奏河南巡撫張之萬才識短淺輕聽偏信賊匪竄擾南汝一帶一籌莫展倚總兵張曜為腹心張曜帶兵所至騷擾居民並不與賊接仗前年賊至內鄉浙川該總兵避居西峽口百姓請救不問惟以擄搶為事後至南召魯山亦不進剿但日日捏報勝仗以至賊氛益熾侍郎毛昶熙帶兵數載糜餉無

濟各等語著僧格林沁按照所參各款詳細訪查將張之萬平日辦理防剿是否能合機宜於地方公事有無整頓如實不勝疆寄卽著據實奏聞總兵張曜剿賊能否得力所參避賊擄掠捏報勝仗各節均著確實查奏侍郎毛昶熙帶兵既無實濟現在是否可以撤回著察度情形奏明辦理本日復據張之萬奏張曜自總統豫軍以來疊著功績材堪大用等語所保各情有無偏徇並著僧格林沁

一併查覈具奏原摺一件張之萬片一件均著鈔給閱看將此諭令知之○又諭張之萬奏魯寶踞匪被剿西趨旋復折竄東北現督豫軍會剿一摺逆眾由襄葉向東北奔竄復由尉氏縣西向東南遁竄僧格林沁已抵尉氏前經諭令督飭馬步隊前截後追就地殄除現在賊蹤已至何處連日進剿情形若何著僧格林沁張之萬隨時奏報並著懍遵前旨激勵各軍令陳國瑞張曜等分投邀擊仍

檄催詹啟綸成大吉等各軍到營會合兜擊毋再任其延蔓張之萬摺內所稱確探賊蹤何處喫重卽當剋日移營策應刻下賊氛距汴梁甚近該撫自當趕緊前進力顧根本著遵照二十一日寄諭妥速會籌滅賊之方以副委任中州地方徵兵籌餉力所能逮頗足自強該撫身任封圻務宜振刷精神肅清殘寇儻徒事尾追毫無布置或任令紛竄完善地方恐該撫不能當此重咎也直隸山東安



徽等省前已諭令各該督撫早為備豫如匪蹤向何路奔突仍當飛速知照並派兵出境會擊毋得稍分畛域將此由六百里各諭令知之○又諭張之萬奏甘肅援剿之師現均由河南府行走西入潼關西路各州縣連年歲歉慘罹兵燹誠恐供支無力貽誤軍行查援甘之兵大半調自江鄂兩省其由江北來者由歸陳入境取道河陝西入潼關其由湖北來者由南汝光入境取道浙川廳西赴商州較由河陝行走尤為便捷等語豫西各州縣疊遭蹂躪若再加以兵差苦累不但應付不及貽誤戎機且無以蘇該州縣官民之困嗣後遇有調兵赴甘著官文曾國藩富明阿吳昌壽飭知帶兵官各就起身地方如由豫東入境仍舊取道河陝由豫南入境則令其取道浙川一面知照豫省就近支應以利師行而蘇民困將此由四百里各諭令知之○又諭林鴻年奏候餉無期敬陳管見一摺前

據該撫奏稱曲靖地方業已就撫逆回馬聯陞伏誅馬榮就擒迤東軍務尚為得手當經諭令駱秉章體察情形騰出唐友耕劉嶽昭兩軍入滇並籌銀數萬兩交林鴻年為勦辦經費諒該督撫等早已接奉此旨駱秉章現雖因病避風未即與林鴻年會晤籌議該督素顧大局當能不分畛域悉心商辦諒不至引嫌退讓貽誤事機著駱秉章懍遵前旨體察川省現在形勢如唐友耕所部可以騰出赴滇卽飭令該提督迅速前進並籌餉銀數萬交林鴻年帶往以利軍行林鴻年仍當隨時籌畫如機事可乘卽遵前旨進紮東昭督飭楊盛宗精選兵練聯絡聲勢以圖節節進取毋得藉口兵餉未裕遷延歲月致蹈賈洪詔覆轍滇省軍務方殷事權尤貴統一勞崇光現在未能離黔將來林鴻年進駐東昭以後遇將弁徵調有應權宜督辦之件卽著一面咨明勞崇光一面妥為調派該督撫總當

和衷共濟以期於事有裨劉嶽昭一軍亟須  
抽調赴滇現因黔省賊蹤紛擾黔西定番失  
守後大定府旋陷遵義府勢亦危急黃白號  
匪竄近川南之永甯川東之綦江等境劉嶽  
昭所部各軍分防川東各邊隘一時未能檄  
調必須將黔省毗境賊匪先事勦除始能抽  
赴滇省勞崇光現駐黔省責無旁貸著卽會  
同張亮基檄飭在黔諸軍會合劉嶽昭之軍  
實力勦洗迅復黔西等城如黔省軍務不能

速了致有蔓延句結惟勞崇光等是問前經  
諭令惲世臨俟江楚邊防靜謐卽飭趙煥聯  
率所部由黔入滇現在該臬司能否馳赴黔  
楚邊界會勦黔匪並著勞崇光張亮基林鴻  
年咨商惲世臨妥籌迅調林鴻年請於四川  
廣東湖南外復在湖北山西兩省派員勸辦  
捐輸著咨明各該省督撫飭地方官會同委  
員體察情形妥為辦理至所請令各省滇籍  
官商勸辦捐餉並覈實舉劾員弁寬為隨帶

人員各條均著照所擬分別妥辦將此由六  
百里各諭令知之○以故睿僖親王仁壽子  
德長襲爵○正白旗領侍衛內大臣德木楚  
克扎布乞假以正黃旗蒙古都統義道署正  
白旗領侍衛內大臣鑲黃旗蒙古都統明慶  
署鑲白旗滿洲都統○以記名總兵官宋慶  
為河南南陽鎮總兵官○派工部右侍郎毓  
祿禮部右侍郎汪元方知貢舉○予安徽涇  
縣陣亡訓導宋彥昇祭葬世職眷屬人等分

別旌卹並立祠建坊如例○予安徽歙縣合  
門殉難鮑氏江氏宋氏方氏江氏五家男婦  
七十五名口分別旌卹並予立祠建坊同時  
殉難紳民婦女二千八百一名口分別旌卹  
如例○撥直隸旗租山東地丁銀各六萬兩  
河南山西地丁銀各四萬兩由烏里雅蘇台  
遞解伊犁以備軍需○壬戌諭內閣前因御  
史賈鐸奏參湖南巡撫惲世臨等貪劣各款  
當經諭令胡家玉張晉祺前往查辦茲據胡

家玉等查明具奏。此案憚世臨被叅各款。如聽信婦人收受贓私。由賣花婆出入通信。並無確據。亦無張昆祁招權納賄情事。湖南委署章程。本有代理之員。非由該撫另添名目。張希仲欠解錢糧。實係自行補解。其於董紹昌回湖北時。並無提款贈送。椿齡稟許毛鴻賓等一案。與憚世臨無涉。其覈減軍械價值。尚非侵蝕。至信用胡鏞黃冕為腹心事。無證據。亦並無私改釐局帳簿之事。惟於勞銘勳

未開巡檢之缺。遽委代理。臨湘縣事。究屬違例。濫委胡崧係例應迴避之員。隱匿不報。該撫毫無聞見。兩次委署縣缺。又於鹽釐兩局解銀。加補火耗銀兩。任用同鄉張昆祁。令其密查州縣劣蹟。致招物議。且該撫前在常德府任內。加抽鹽釐。並不上詳。擅自興辦。已屬任意妄為。迨在藩司任內。始稟請巡撫批准立案。並請派員會算。尤為有心掩飾。以上各節。均有應得之咎。憚世臨著交部嚴加議處。

毛鴻賓在湖南巡撫任內。於勞銘勳胡崧兩案。漫無覺察。並於道員胡鏞請咨赴部引見。輒令繳回原咨。委辦稅務。委署道缺。辦理殊多乖謬。毛鴻賓著交部議處。候補道胡鏞前在澧州任內。於失守情形。任意捏飾。且聲名亦甚平常。著即行革職。以示懲儆。知縣胡崧例應迴避胞兄。輒敢匿不呈報。蒙混得缺。實為取巧。著交部議處。知縣張昆祁不知檢束。才具亦難勝民社。著革去知縣。以府經歷縣

丞改歸湖北補用。前任雲南迤東道黃寬業已開缺。著毋庸管理。東征局事務。尋吏部議。憚世臨降四級調用。毛鴻賓降一級調用。胡崧降二級調用。均私罪。不准抵銷。從之。○諭議政王軍機大臣等。胡家玉等奏遵查毛鴻賓被叅收納部民之女一款。傳到毛鴻賓在湖南巡撫任內。巡捕李炳耀舒元凱張玉恩隔別嚴訊。均供有毛撫院管帳師爺李文藻買一張姓婢女。由撫署東花園便門而進等

語復又傳到當日說合之陳品文據供張泰運婢女賣與撫署李師爺議定身價銀一百五十兩契寫張金鑑堂婢女賣與李蔭穀堂為親並非為婢傳訊張泰運則堅稱契寫為婢並非為親等語張玉恩李炳耀均稱有李師爺買來時送與毛撫院不受之說此案前經已革巡檢李際晟在京呈控知府李逢春知縣楊鼎勳合買一妾送與毛巡撫等情李際晟現在湖北李逢春前經官文奏參提解

楊鼎勳及江肇成張玉恩亦經檄調赴鄂歸案審辦所有毛鴻賓被衆行賄納妾兩案請仍由官文提訊各等語毛鴻賓納妾各情既經李際晟呈控有案必須與李逢春質訊明確方足以折服其心且楊鼎勳及江肇成張玉恩均係案內要證現經赴鄂歸案著官文按照胡家玉等所奏各情提集全案人證確切訊明以成信讞毋稍徇隱胡家玉等片著鈔給閱看將此諭令知之○又諭馬新貽奏

縷陳浙省應辦事宜及地方情形並飛催張政順等募勇訓練各摺片浙省疊遭兵燹民困過深現在全境雖就肅清地方瘡痍未復該省大吏亟應實力整頓俾政治日臻上理方為不負委任該撫所陳吏治兵事丁漕水利用人開墾諸大端均係目前亟須興辦之事著仍遵前旨與蔣益澧和衷商榷次第興辦務令吏治民風蒸蒸日上毋得稍有粉飾收效目前致貽後患閩省賊勢猖獗溫甯毗

連閩境已有重兵扼守該撫復商令蔣益澧飛催張政順等將所募勇丁千名訓練成軍遇有緩急即可分出兵力以勦為堵辦理尚屬周妥即著馬新貽督飭蔣益澧等嚴密籌防毋稍大意將此由四百里諭令知之○琉球國王尚泰遣使奉表謝恩並貢方物賞賚筵宴如例○復浙江杭州殉難在籍已革員外郎邵懿辰原官予祭葬世職加等入祀昭忠祠命國史館立傳子婦伊氏旌表如例○

緩徵浙江餘姚上虞新昌嵊宣平五縣暨石堰場被旱被擾地方額賦竈課有差○癸亥諭內閣御史譚鍾麟奏請申明保送御史定例一摺據稱近來各衙門保送滿漢御史但計資俸循例咨送不辨淑慝遂至言路龐雜請飭各部院衙門申明定例嗣後須擇品端守潔之員保送儻保送非人將原保堂官議處等語科道為朝廷耳目之官職司彈劾凡臣寮之賢否政事之得失民間之利弊隨事

敷陳以通壅蔽責任綦重非洞達治體砥礪廉隅之員不克勝任前年曾經明降諭旨令各該衙門堂官保送滿洲御史認真考試選擇以期得人方今言路宏開凡在廷滿漢言官果能剴切指陳有裨政治無不立加採納近年以來從臺諫中擢用者頗不乏人卽有毛舉細故不諳政體者亦未嘗過事苛求惟招權納賄顛倒是非飢法營私之員實為臺諫中敗類不得不執法嚴懲以肅綱紀第整

飭於敗露之後不若慎重於保送之先譚鍾麟所奏不為無見嗣後各衙門保送滿漢御史務須遵照前旨選擇才具開展人品端方者保送候簡毋得濫竽充數如保送御史後犯有貪污劣蹟所有原保之堂官應如何查照例保處分議處之處著吏部議奏○諭議政王軍機大臣等有人奏藩司大員聲名狼藉請飭查辦一摺據稱湖北藩司厲雲官巧於逢迎升任藩司後於糧臺事務概存推諉

營官彭楚漢等來鄂結算餉帳該藩司概不允見以致遣勇久停境內幾釀事端又於勸辦官捐勒索解費每百兩派銀六兩而呈開清摺與實收大相懸殊約計官捐十萬侵蝕尾數解費不下萬餘金各州縣均有印劄實收可查每遇委缺未挂牌之前外間卽豫知某缺某人近聞有人送銀五百二十兩委署沔陽州同一缺聞外議沸騰撤牌另委該藩司信任家人私用關防運米販賣經前撫臣

胡林翼查明懲辦在案。近又任用家丁楊萃亭招權納賄。有小藩司之目。查該藩司前在清泉縣任內。丁憂奏留。辦理糧臺。咸豐六年。又在軍營。丁艱。以經手事件未完。留省。現在原籍肅清。未聞該藩司呈請回籍補行穿孝。貪戀升階。罔識倫紀。為清議所不容。懇請密飭查辦。以肅政紀等語。藩司總司會計表率官常。自應潔己秉公。整躬率屬。方於地方有裨。若如所奏種種劣蹟。實屬忝竊名位。有玷

官箴。著官文吳昌壽按照所參各款。確切查明。據實具奏。官文久任鄂省。務當破除情面。認真查辦。不得以曾經出考在前。意存迴護。吳昌壽到任未久。無所用其迴護。即著會同該督密速查參。毋得稍有徇隱。原摺著鈔給閱看。將此諭令知之。○又諭保恆惠慶奏。逆回上竄。濟木薩古城漢營相繼失守。滿城危急。都司鍾齡等臨陣脫逃。坐視不救。扎克當阿。伯錫爾奏。古城被圍。請派員就近赴援。各

摺片。古城滿城存兵僅六百餘人。布置實嫌單薄。保恆惠慶能於回眾攻撲之際。嬰城固守。實屬可嘉。仍著激勵兵民同心守禦。以待援兵。扎克當阿等現已咨令色普詩新統帶木壘河戶民前往古城救援。該戶民等情願自備糧草迎擊賊匪。洵屬深明大義。色普詩新於古城地理人情。既所深悉。著即星速前進。先解古城滿城之圍。再與保恆惠慶妥籌攻剿。扎克當阿等復派章京達薩杭阿等赴

巴里坤招集民勇七八百名。並派護衛蘇皮蓋帶領回兵五十名。作為後路策應。所籌尚妥。惟兵力究嫌單弱。哈密回兵前次屢經擊退。逆匪甚為得力。著扎克當阿。伯錫爾再行添派回兵數百名。派員管帶。隨同色普詩新節節西剿。以資接應。色普詩新起程後。巴里坤地方。即著責成伊勒屯與護理總兵何瑄嚴密防守。毋稍疏虞。其哈密城守並著扎克當阿。伯錫爾妥籌防範。以保完善。前因古城

道路梗阻。賊匪有窺伺科布多之意。諭令明誼等將解到餉銀暫存烏里雅蘇台。咨令各城提用。現在古城危急萬分。若不設法接濟。安能久守。色普詩新帶兵應援。兵糧亦刻不容緩。著明誼、麟興、車林敦多布、廣鳳奎、昌迅即探明道路。將解到之餉酌撥數萬兩。派員護送。一面飛咨保恆。色普詩新、扎克當阿等設法迎提。藉資軍食。四川前撥之新疆餉銀。仍著駱秉章迅速籌解。取道甘省。由嘉峪關

徑達哈密。以濟急需。恩麟遴派員弁兵勇沿途護送。飭令剋期出關。毋稍遲滯。保恆所叅都司鍾齡。知縣文光裕、厚縣丞陶珙。知州孔昭恆帶兵防守。未經接仗。先自潰散。鍾齡逃奔到古。旋即出城北遁。文光等經保恆、惠慶劄調。置若罔聞。當此軍情緊急之時。該都司等退縮逃遁。坐視不救。實出情理之外。著保恆、惠慶即將該員等分別正法治罪。以昭炯戒。穆圖善前已疊諭帶兵出關。現在古城一

帶賊氛日熾。待援孔亟。著都興阿即行知照穆圖善。懷遵前旨。迅帶所部前赴哈密。與扎克當阿、伯錫爾籌商進剿。不得稍有遲誤。將此由六百里諭知都興阿、穆圖善。駱秉章、保恆、明誼、麟興、車林敦多布、廣鳳奎、昌惠慶、色普詩新、扎克當阿、伯錫爾並傳諭恩麟知之。

○朝鮮國王世子李燮遣使表賀

萬壽元旦冬至三大節並貢方物賞資筵宴如例。○賞睿親王德長三眼花翎在御前行走

○甲子諭內閣前因吏部奏遵議袁保恆處分。又據御史張觀鈞奏袁保恆應照無言責官員妄行具奏降二級本例議處。該部舍重從輕與例不符。當降旨令吏部查照該御史所陳各條將所議袁保恆處分是否允協再行詳細覈奏。茲據吏部奏稱查定例無言責官員將公事妄行具奏者降二級調用公罪。又官員妄行條奏降一級調用公罪。袁保恆前任庶子係正五品京堂。非無言責之官。可

比且上年條陳屯田事宜業經交皖豫督撫會議與無言責而妄陳公事者更屬不同惟該員所陳事件雖係因公而以丁憂在籍之員擅發摺報實屬冒昧是以將袁保恆比照官員妄行條奏例議以降一級調用可否准其抵銷請旨遵行張觀鈞請照無言責官員妄行具奏例議處覈與案情未合等語袁保恆以丁憂人員擅發摺報並有躬詣京師與廷臣籌商定議之語冒昧從事殊屬不合著

照吏部原議降一級調用不准抵銷○又諭前因安徽廬鳳道蕭盛遠在江南軍營把持公事營私取巧當經奉

旨將該員革職發往新疆效力贖罪茲據刑部奏蕭盛遠前在安慶患病今已帶病起解在途雖據喬松年咨稱其被參在咸豐十一年十月初九日恩詔以前惟該革員情節較重且事關軍務所得罪名應不准援免仍聲明請旨等語該革員由湖北書吏歷辦軍營文

案存擢監司大員不思力圖報稱輒敢把持公事營私取巧覈其情節實屬可惡著不准其援免仍著喬松年查明該革員起解行抵何處即令解赴新疆效力贖罪不准沿途逗遛○又諭御史王朝榮奏各省承襲世職人員書吏需索延閣請飭嚴禁一摺據稱向例承襲世職須由各省地方官申詳督撫咨部辦理近來各該州縣書吏必多方需索由州縣以至督撫衙門展轉延閣雲騎尉一職索

費至百金騎都尉以上遞加竟有無力出費數年未報承襲等語軍興以來各省卹蔭世職人員不少本屬朝廷賞延于世之恩若如該御史所奏書吏需索延閣冀飽私囊實屬不成事體亟應嚴行禁止著各直省督撫嚴飭各州縣官於卹蔭世職人員呈報承襲時嚴禁書吏需索迅速申詳毋稍延閣並著兵部妥議章程自該世職呈報到州縣之日始視省分遠近立定期限如有申詳逾限者即



將該州縣查明議處。儻內外承辦各衙門仍有書吏需索等弊。准本員自行告發。卽由各該省督撫及該部堂官嚴究懲辦。○諭議政王軍機大臣等。雷正綰奏分籌雕勦逆巢。並竄逆突入陝疆。現飭截勦一摺。會甯郭家驛馬賊經官軍堵截獲勝。後分為兩股。一股南奔張家川。越蓮花城。折回會甯老巢。一股由隴州竄入陝境。飄忽異常。前據劉蓉等奏該逆勾結潰勇。已竄及醴泉。雷正綰所派雷恆

等軍適成尾追之勢。陝省防兵較單。劉蓉現將新募豫勇過陝之參將段登雲等留紮興平。以顧西安門戶。仍著雷正綰檄飭余萬明雷恆兩軍星馳截勦。探明賊竄何處。迅卽統出賊前。會同陝省各軍實力兜截。務將此股竄匪就地殄除淨盡。毋任旁竄。劉蓉當就現有兵力妥籌會勦。不得稍涉鬆懈。甘省悍賊麇聚固原。經曹克忠從靜甯夾擊。其勢已蹙。著雷正綰會同曹克忠穩慎進攻。先行雕勦。

蕭河城彰義堡逆巢以孤賊勢。卽可規復。固原州城盡殲醜黨。毋任匪蹤續竄。陝疆另片奏逆回假冒官弁現飭嚴防等語。據擒獲偽元帥耿懷民供稱。賊中尚有鳳翔投匪勇丁二三百名。每出冒充官軍。現竄岐山縣境內。著雷正綰劉蓉通飭各屬一體認真按勦。實力盤查防禦。毋墮狡謀。並由雷正綰確切查明此項逃勇是否。卽係投誠復叛之蔡華富等。抑係回逆冒充。迅卽據實具奏。蔡華富著

先行革職。仍一面嚴緝。務獲查明。如果屬實。卽行正法。蔡華富所管勇丁卽著雷正綰剴調赴營。妥為安插。以免別滋事端。將此由六百里各諭令知之。○又諭勞崇光張亮基奏定番州城被陷旋復並擊退羅斛竄匪及髮匪回竄古州廳屬地方。請催湘粵兩省撥兵會勦各摺。黔省軍務甚急。城外賊匪縱橫肆擾。黔西定番失守。後大定府亦陷。遵義勢亦甚危。黃白號匪已竄近川南之永甯川東之

綦江南川彭水涪州各邊境此等情形朝廷早有所聞。本日據該督撫所奏。僅將黔西定番失守情形入告。其餘軍務概未言及。著勞崇光張亮基。即將各路軍情賊情迅速奏聞。並令派出兵弁。將黔西迅籌克復。大定遵義必須早為綏靖。方可與川省通氣。著懍遵。二十五日寄諭。檄飭諸軍。與劉嶽昭之軍實力勦洗。不得含糊粉飾。再致貽誤。定番已失旋復。善後事宜。務當飭地方文武妥為辦理。羅

斛賊匪。雖經擊退。仍當嚴防竄突。以免滋擾。前據張凱嵩奏。李七帶其死黨在黔匪羅洗冥處。其頭目胡性聰等。紫丙妹高增等處。與苗匪聲勢聯絡。現由三崗竹坪竄去。距黎平甚近。當經諭令。憚世臨張凱嵩派兵會合黔軍夾擊。茲據勞崇光等奏。高增竄匪窺伺黎平。經署知府徐邦達等率兵練擊敗該匪。回奔永從縣屬小黃地方。又經官軍擊走。後起髮匪數千。復由三腳坨竄入古州廳屬盤踞。

蜡子寨地方。展轉會合。黨與日增。屢攻未下。逆首李七仍在都勻府屬苗寨中。踞伏全祖凱。屢次接勦。尚未將該逆首斬獲。此次髮匪前經楚粵黔各軍會勦。已成釜魚。檻獸不難。即日殄除。嗣以楚粵兩軍先後撤退。該逆餘燼復然。儻任其出沒。黎古一帶與齊苗各匪互為勾結。貽患將何底止。著勞崇光張亮基督飭古州文武。厚集兵練。嚴密堵禦。俟楚粵兵到。合力痛勦。以靖巖疆。憚世臨即飭周洪

印張凱嵩。即飭楊廷桂各統勁旅。星馳赴古州。會同黔師認真勦洗。此股匪眾悉除於三省邊防。可以一勞永逸。該撫等斷不可稍分畛域。方為妥善。全祖凱一軍責令將李七一犯嚴密購擒。毋任漏網。另片奏包茅仙之弟與包茅仙酷肖。未知果否。正身前奉出力獎敘。恩旨暫緩宣示等語。著該督撫確切查明。包茅仙一犯是否頂名冒替。其正兇究竟潛匿何處。飭屬根究。毋稍含混。如包茅仙竟至

免脫仍須設法購拏以絕後患前奉諭旨一道著暫為收存毋庸宣示如有虛偽卽奏請撤銷以昭覈實另片奏請將沈宏富調赴他省勦賊等語沈宏富既與黔中紳民不協而其打仗又素出力著勞崇光張亮基卽飭沈宏富前赴曾國藩軍營聽候調遣該督撫卽飭該總兵迅速起程毋稍延緩將此由六百里各諭令知之○又諭勞崇光等奏雲南昭通鎮總兵沈宏富在黔勦賊尚屬勇敢惟因餉糈兩絀軍未能整齊致紳民不無怨謗且與黔省各鎮將亦未能和衷請將該員調赴他省勦賊等語沈宏富疊經被人叅劾前已有旨令其毋庸署理貴州提督該員帶兵既致紳民怨謗又與黔省鎮將積不相能且黔省將弁積慣驕恣卽調赴他省豈能望其得力本日已諭令勞崇光等飭令前赴曾國藩軍營著曾國藩於該員到營後妥為察看如實係暴戾恣睢不堪造就卽著該大臣奏

明罷斥如其材尚有可用僅於黔省人地未宜卽著於婁雲慶等軍出關時令該總兵同赴鮑超軍營交該提督驅策駕馭帶赴新疆勦賊以觀後效將此諭令知之○又諭聯捷奏請調將領以資統帶並懇照例准領俸賞行裝銀兩黑龍江官兵抵口籌給薪水口糧到防後軍餉由晉支應一摺前因新疆軍務緊要令寶善將黑龍江挑備官兵五百名取道張家口交聯捷統帶進勦昨據寶善奏此項官兵已於正月十九二十一起程惟抵口後須分起行走所有在口守候期內按日應支薪水口糧著劉長佑飭藩司籌備銀兩派員解赴張家口支放聯捷於官兵到口後卽剋期統帶出關毋稍延緩應需軍火餉糈著沈桂芬籌款支應按月源源接濟西路待援甚亟毋使停兵待餉致誤戎機此次所調之員弁兵丁十七員名及侍衛麟文等從征萬里應領俸賞行裝銀兩著准照舊例一

體賞給均著劉長佑由藩庫籌款迅速撥發以示體恤將此由五百里各諭令知之○伊犁參贊大臣聯捷奏請調丁憂總兵官余承恩赴營差委允之○以隨營出力賞湖南道員葆亨花翎○以貴州定番州城被賊竄陷旋即收復革副將盧希恆職仍留營予殉難署知州李蔚然祭葬世職加等建專祠署都司謝勳安吏目和錫等祭葬世職均附祀李蔚然專祠○乙丑

孝儀純皇后忌辰遣官祭

裕陵○諭內閣前據降調通政使司通政使王拯奏參安徽巡撫喬松年請飭曾國藩察看當經諭令曾國藩據實具奏嗣據覆奏喬松年門丁常杏洲捐納官階跡涉招搖後還本姓名曰楊澍當降旨將楊澍卽常杏洲斥革並諭令喬松年將其驅逐出境不准在署逗遛茲據喬松年奏稱查明楊澍係原任江南提督楊捷之後因應募為書手變姓名為常

杏洲該撫曾雇令繕錄文件並未充當門丁後仍用原名加捐官職並准部覆承襲楊捷輕車都尉世職今既經指參奉旨斥革業將楊澍逐令回籍不准逗遛其所襲世職懇恩另揀合例人員承襲等語楊澍既係楊捷之後應募傭書亦非賤役何以輒更易姓名致招物議且據曾國藩查有招搖情事予以斥革實屬咎有應得惟原任提督楊捷於康熙年間曾著勳績功臣後裔自應仍留世職以

示矜全楊澍所捐之同知銜知縣著一併斥革其所襲楊捷之輕車都尉世職著兵部查明如實係應行承襲該部覆准有案卽著無庸斥革○諭議政王軍機大臣等僧格林沁等奏督軍追擊竄匪勢漸南趨現紮鄆陵相機進剿喬松年奏覆陳現辦情形各一摺逆眾由尉氏縣西折向東南竄逸在雙溪河一帶盤旋僧格林沁派令成保等過河掩襲斃賊甚多奪壘三處馬步各軍陸續過河偏賊

而營賊眾敗退。現在臨潁縣南一帶該親王以馬隊疲乏。擬暫紮鄆陵。略加整頓。再行相機進取。所籌極合機宜。賊以舍命狂奔。疲我馬力。我軍馬力既形疲敝。且為數不過一千三百餘名。必須養足全力。俟各路馬步到齊。然後足以制賊死命。斷不可因急於滅賊。銳意直前。致有輕進之失。馬匹不敷應用。卽照所請在河北地方採買。以供驅策。至調赴甘肅之馬隊。此時既不能分撥。著俟此股賊匪

全行撲滅。豫境肅清。再行派往。該逆計無復之。四散奔突。若回竄魯南。或由鄭汝以入嵩洛。均屬不了之局。張之萬現在是否仍在葉縣。著督率所部實力截剿。並嚴飭所屬地方督率兵團扼要堵截。不得恃有僧格林沁在豫。遂任賊到處狂竄。蔓延完善。黃秉忠史念祖二軍前有旨令毋庸赴豫。茲據喬松年奏黃秉忠一軍業已成行。著卽催令迅赴豫營。歸僧格林沁調遣。並著僧格林沁催提此軍。

到後妥為調派。楚省現無賊蹤。所有成大吉等軍著官文迅飭前赴僧格林沁軍營聽候調遣。其詹啟綸一軍業已起程。並著該大臣迎提以資得力。潁州一帶防務喬松年當督飭英翰妥籌辦理。其成大吉等軍赴豫後。楚省邊防亦須安設重兵。著官文妥籌辦理。毋稍疏虞。將此由六百里各諭令知之。又諭恩麟等奏鞏昌戒嚴平番危急。請飭都興阿曹克忠分兵會剿。一摺。鞏昌逃回糾約鹽關

等處殘匪及洮岷河狄回民肆擾隴西之何家溝等處。並直薄郡城。經官軍擊退。現仍在距城四五里屯聚。其米拉溝回匪勾結撤回。紛擾平番縣屬之苦水堡等處。縣城被圍。危急萬分。恩麟現派軍分防苦水堡。秦王川以保省城糧路。並將都興阿派令防省之道員黎獻暫留平番。由甘涼撥兵千名及石成器部勇五百名統歸黎獻調遣。著卽催令各軍飛速前進。迅解城圍。穆圖善疊經有旨催令

出關都興阿偪攻甯夏兵力無多勢難遠顧  
平番之急著恩麟卽就現有兵力責成黎獻  
力籌勦洗陶茂林進攻靖遠如已得手並著  
分兵兼顧恩麟請撥黎獻舊部一千名赴平  
之處著都興阿斟酌情形能否分援妥籌調  
派鞏昌之賊該護督擬請騰出曹克忠一軍  
專力勦辦曹克忠現同雷正綰會勦蕭河城  
彰義堡之賊規復固原軍情萬難鬆勁仍著  
該護督飭令趙桂芳就原部勇丁二千餘名

力籌堵遏一面分兵兼顧一面嚴防省城恩  
麟身任地方責無旁貸試問該護督自受事  
以來究竟肅清何路勦平何股賊匪聞警莫  
展一籌明知各路兵力難分徒以呼籲塞責  
若再毫無布置專待客兵致令地方日遭蹂  
躪該護督恐不能當此重咎也將此由六百  
里諭知都興阿並傳諭陶茂林恩麟知之○  
又諭毛鴻賓等奏官軍越境勦賊克復永定  
縣城一摺逆省丁汰洋潘姓踞守永定與漳

州之賊互為犄角經方耀等疊次猛攻將該  
逆城外礮樓土壘平毀官軍倚山紮營日夜  
俯擊城賊由東門向龍巖州竄逸我軍追至  
雷塘而還勦辦尚為得手永定業經收復漳  
州逆勢自孤著毛鴻賓郭嵩燾督飭方耀等  
軍乘勝進攻聽候左宗棠調派並著左宗棠  
飭令閩浙官軍會合夾擊節節蕩次第規  
復各城以收破竹之效康逆汪海洋盤踞汀  
州南陽號稱十餘萬人漳州踞逆號稱二十

萬人逆蹤尚肆鴟張潮嘉東北兩路防務均  
未可稍鬆前經諭令馮子材暫留本籍督辦  
軍務卽著毛鴻賓郭嵩燾催令該提督迅速  
前赴東江妥籌守禦並飭令李福泰速赴潮  
州府城嚴密布置以固門戶不可稍涉疏虞  
致令賊匪再行回竄將此由六百里各諭令  
知之○以廣東官軍克復福建永定縣城賞  
按察使李福泰花翎餘升敘開復有差○予  
直隸各屬陣亡千總薛直諒等暨紳民婦女

三千九百七十七員名口分別旌卹如例○  
上以祭

社稷壇自是日始齋戒三日○丙寅以神靈顯  
應加廣東羅定州金公神封號曰護國○諭  
內閣楊岳斌奏請調員赴營差委等語江西  
在籍前翰林院侍講鍾啟峒著照楊岳斌所  
請准其調營差遣並著沈葆楨催令該員迅  
赴楊岳斌軍營毋稍延緩至竇垓係特旨發  
往貴州之員該省軍務緊要差委需人楊岳

斌請將該員調赴軍營之處若不准行○諭  
議政王軍機大臣等楊岳斌奏遵旨趕緊募  
勇並籌撥各省協餉情形一摺甘省餉需奇  
絀都興阿等軍現有兵勇已不能按月給餉  
將來楊岳斌募勇赴甘並益以蔣凝學金國  
琛李鶴章等三軍共計二萬餘人其支絀情  
形更可想見若不早為籌畫深恐停兵待餉  
貽誤事機現在東南數省漸次蕩平商賈百  
貨日見流通湖北江蘇等省又陸續裁撤兵

勇以節餉需此後各該省所收釐金自可稍  
為寬裕著官文曾國藩駱秉章毛鴻賓沈葆  
楨吳昌壽惲世臨馬新貽李鴻章喬松年郭  
嵩燾各於該省每月鹽釐項下分撥三成百  
貨釐金項下亦每月分撥三成接濟楊岳斌  
軍餉並著楊岳斌派員徑赴各省按月提解  
慶陽糧臺以應急需該督撫等務當不分畛  
域極力設法共濟時艱不得稍存推諉之見  
致負委任楊岳斌另片奏甘省逆黨多踞堡  
寨非用火器不能摧堅及遠請飭李鶴章迅  
速赴甘並撥給開花炸礮等語著李鴻章飭  
令李鶴章速帶所部赴甘助剿該軍行糧並  
著李鴻章寬為籌備以利師行至炸礮一項  
向稱得力能否運往著李鴻章斟酌辦理如  
果難於運往卽著揀選精於製造火器之人  
飭令酌帶工匠前赴楊岳斌軍營隨時製造  
以資利用皖南鎮總兵唐義訓前經楊岳斌  
奏調赴甘茲據楊岳斌奏稱該總兵現因宿

疾未愈懇請賞假回籍免其從軍西征等語  
唐義訓既稱舊疾復發著毋庸調赴甘省惟  
皖南重鎮豈可懸缺待人卽著曾國藩查明  
唐義訓病勢難痊卽行奏令開缺請旨另行  
簡放以重職守將此由五百里各諭令知之  
○江蘇巡撫李鴻章奏遵查前收復漂陽獲  
粵逆李侍賢之母何氏姊李氏先後身死妻  
金氏係被擄之婦遣回原籍其胞兄嫡妻已  
於克復金陵時被戮無可根究報聞○補鑄  
江蘇江甯府知府印信從巡撫李鴻章請也  
○以江蘇吳淞江挑濬完竣予知州王宗濂  
等升敘有差○予江蘇蘇州殉難道員徐佩  
璦祭葬世職○予江蘇常州等處陣亡千總  
廖漢中等十八員祭葬世職加等○予江蘇  
金壇陣亡府經歷銜于澤霈文生李承禧暨  
眷屬等分別旌卹如例

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百二十八



大清穆宗繼天開運受中居正保大定功聖智  
誠孝信敏恭寬毅皇帝實錄卷之一百二十九

[illegible]

救濟

同治四年乙丑二月丁卯朔

上詣綏履殿問

慈安皇太后安平安室問

慈禧皇太后安至乙未皆如之○祭

先師孔子遣大學士賈楨行禮諭內閣本年輪應查閱福建浙江廣東廣西四省營伍之期福建著卽派左宗棠浙江卽派馬新貽廣東卽派毛鴻賓廣西卽派張凱嵩逐一查閱認真簡校如查有訓練不精軍實不齊卽將廢弛之將弁據實叅奏現在該四省均有

防勦事宜尤須隨時加意整頓毋得視為具文

大社

大稷遣惇親王奕諒恭代行禮 諭內閣給事中恩霽奏上書房額設滿洲諳達請飭內閣於揀選時面加考試繙譯清語並令翰詹衙門一體保送考試一摺另片奏弓箭諳達遇有各營保送月缺旗缺等官請准其與本營各員一體保送等語著該管王大臣妥議具

奏以直隸等省管解甘肅軍餉軍火出力

予知縣周浩等升敘有差  
己巳遣官祭

文昌帝君廟 欽奉

慈安皇太后

慈禧皇太后懿旨翰林院檢討徐桐著在弘德殿行走授皇帝讀諭內閣前因商都牧羣總管舒濃棟魯普勒扣餉銀各款內有升任副都統定安曾經收受該總管等賀喜銀兩當令定安明白回奏嗣據定安覆奏前在張

家口佐領任內因調赴山東軍營曾收受舒  
濃棟魯普等賀喜銀一百兩屬實降旨將定  
安交部議處茲據兵部奏稱定安收受舒濃  
棟魯普賀喜銀兩覈與察哈爾員外郎保順  
所收數目相同自應援照辦理請將該副都  
統照私罪杖七十降二級調用例議處無庸  
查級紀議抵等語前任察哈爾佐領升任齊  
齊哈爾副都統定安著照部議降二級調用  
不准抵銷仍留山東軍營帶兵巡防以觀後

效○追予浙江杭州殉難知州譚祖勳祭葬  
世職 庚午諭議政王軍機大臣等張之萬  
奏賊匪被擊南趨擾至西平縣境派兵追勦  
並遵旨暫行回省布置各摺片賊匪由涓川  
東竄尉氏經僧格林沁督軍擊敗遂由臨潁  
郟城一帶循熟南趨擾至西平沿河奔竄髮  
捻合而為一人數眾多乘隙鋌走若不合楚  
豫皖三省之力聚而殲旃勢將此勦彼竄流  
毒無所底止著張之萬飭令張曜宋慶等軍

視賊所向探蹤疾追急擊勿失僧格林沁駐  
軍鄆陵整頓馬步著卽拊循激勵以作士氣  
一面催提詹啟綸黃秉忠兩軍迅速到豫俟  
兵力厚集由該大臣酌量調遣務當穩慎進  
攻謀定後戰盡殄賊氛官文前有合兵會勦  
及派成大吉江長貴周有全等分軍扼守要  
隘之奏此時賊蹤漸近楚疆成大吉一軍前  
已令赴豫省卽著官文飭令該提督等偵探  
賊蹤迎頭截擊其從前派定守兵並著調令

出境攔勦以收兩面夾擊之效儻賊蹤日趨  
日近卽著官文留省居守吳昌壽出省督兵  
以期呼應靈通不至貽誤軍事顧亮一帶為  
擒匪故巢尤須嚴防回竄仍著喬松年督飭  
英翰等軍嚴密防守並酌撥勁兵會合楚豫  
官軍三面兜勦毋得稍有疏虞汝甯伏莽未  
清此時賊蹤偏近汝郡深恐勾結蔓延益難  
收拾毛昶熙務當督飭兵團認真堵截不得  
縱賊南行致干咎戾張之萬現已回省著將

省防布置妥協仍偵探賊蹤出省督兵勦賊以保巖疆派防荆子關之姜玉順一軍前已有旨飭令赴豫歸僧格林沁調遣現雖賊勢南趨而商雒一帶防守仍不可稍涉空虛著劉峇督飭在防各營嚴密扼守不得因賊氣稍遠遂形懈弛本日據御史賈鐸奏苗匪伏誅後餘匪竄入六安等處夥黨甚眾麻埠鎮有趙傳經等尤為著名逆黨並開麻埠鎮有地主教教首江智荏等均係霍山縣人句通

苗黨趙傳經等做會聚眾蓋有地主宮傳教入會者已數千人請飭查拏等語苗黨趙傳經等以漏刃餘生膽敢糾眾釀亂怙惡不悛現在出沒六霍一帶若不及早翦除深恐餘燼復熾著喬松年迅即派兵馳赴六安州麻埠鎮等處按照該御史所指各匪犯嚴密查拏兜勦淨盡並將地主宮拆毀以絕根株該處逼近光固一帶儻匪徒被擊西竄難保不闖入豫疆現在捻眾駸駸南趨尤慮與固始

匪徒句合致勦辦又形棘手著張之萬嚴飭光固等處防兵並各該地方文武各官認真緝捕有犯必獲以靖餘孽賈鐸原片著鈔給喬松年張之萬閱看將此由六百里各諭令知之○調盛京副都統寶善為齊齊哈爾副都統山海關副都統慶春為盛京副都統鑲黃旗蒙古副都統長善為山海關副都統以散秩大臣果勒敏為鑲黃旗蒙古副都統○以釐卡稟報含混河南知州宋傳書革職查

辦○辛未諭內閣國子監祭酒丁培鑑著照科鍾郡王讀書○諭議政王軍機大臣等劉長佑奏請飭催實缺鎮將赴任並請酌調軍營凱撤武職大員委用一摺據稱直隸現在武職多係揀發人員於練兵設防諸事殊少諳習直隸實缺鎮將多在各路軍營請催速回本任如該員實係帶兵防勦喫緊未能即時赴任可否將湖廣等省現撤諸軍內酌發鎮將數員來直差委等語直隸為畿輔重地

選兵練將最為切要之圖况現當豫省賊氛未靖與直境毗連尤須豫籌防堵直隸鎮協各員求其謀勇兼優緩急可恃者實屬寥寥營務安能大有起色除婁雲慶宋國永等將來尚須隨同鮑超出關勦賊及統帶兵勇接替乏員者均未能卽時赴任無庸飭赴本任外其餘實缺鎮將各員均著各該督撫催令赴任以重職守現在湖廣江南江西江蘇等省均有遣撤隊伍其中均不乏得力鎮將投

閒置散既屬可惜若派令來直整飭營務實為有益著官文曾國藩李鴻章沈葆楨各於現撤諸軍內擇其膽識過人戰功卓著之鎮將保奏數員發往直隸交劉長佑差委並著劉長佑隨時考察如該員等真能出力准由該督隨時請旨補用劉長佑另摺奏籌防豫捻大概情形等語所辦尚為周妥著仍飭令大名鎮道勤加偵探嚴密防範毋令匪蹤竄入該督仍隨時體察軍情相機辦理將此由

四百里各諭令知之○又諭明誼麟興車林敦多布奏續調蒙兵赴古截留餉銀並前調蒙兵擅自回旗及勸捐羊隻各摺片前因新疆回氛甚熾關外別無可調之兵諭令明誼等調派喀爾喀蒙兵援勦乃疊據廣鳳等奏稱前項援兵接仗失利旋即潰散折回科城是蒙兵之紀律毫無緩急難恃已可概見且據明誼等奏稱該部落壯丁無多不敷調撥亦係實情若令勉強湊派充數徒糜餉項於

軍事有何裨益明誼等現擬續調兵五百名並飭前調之東西部落兵一併聽候調遣著明誼麟興車林敦多布卽將前項蒙兵概行撤令回旗責令防守各該游牧邊界不必再行徵調免致有名無實圖謝圖汗部落扎薩克達爾瑪僧格車臣汗部落扎薩克車林敦多布管帶蒙兵由烏里雅蘇台起程前赴古城援勦輒敢藉詞逗遛遷延不進實屬咎有應得均著交理藩院嚴加議處古城情形危

急色普詩新前已督帶木壘河戶民赴援著保恆飛咨前進聯絡聲勢內外夾擊以期力解城圍伊犁等城需餉甚殷據明誼等奏已將二起解到之餉銀八萬兩內撥赴伊犁銀五萬兩截留銀三萬兩擬為調撥蒙兵之用現在蒙兵既毋庸調撥所有前項餉銀著探明古城已里坤一帶如有路可通即行設法解往俾資接濟蒙古生計維艱現既停止徵調明誼等所請勸捐羊隻即著毋庸辦理以

示體恤其聯捷所帶黑龍江兵五百名前諭明緒飛咨該大臣斟酌情形或即令徑達伊犁助剿惟古城亦危在旦夕此項官兵出關西進若令前赴古城程途較近仍著明緒酌量緩急情形妥籌調遣將此由六百里各諭令知之○直隸總督劉長佑奏請將廣西歷年陣亡傷故楚軍湘軍各員弁兵勇於柳州潯州兩府建祠合祀允之並飭地方官春秋致祭○以正藍旗滿洲副都統載鷺署鑲黃

旗蒙古副都統○壬申諭議政王軍機大臣等李鴻章奏派兵由海道赴閩請飭福建廣東各督撫協力籌濟各摺片劉銘傳周盛波等軍前諭李鴻章飭令赴閩援剿茲據奏稱該軍二十四營現紮皖豫交界之三河尖離蘇已千餘里往返徵調必誤師期豫省捻蹤飄忽靡常仍應暫留該軍駐淮河上游以資扼堵該撫現派郭松林統帶楚勇七營楊鼎勳統帶淮勇六營益以曹仁美黃中元各營

並由上海雇備輪船赴閩助剿所籌尚屬妥協著該撫即行飛飭丁日昌趕將輪船雇備催令該軍等迅速起程並將軍裝口糧妥為籌備以利師行現在侍逆大股久踞漳州窺伺泉廈郭松林等所統均係洋槍隊攻堅破敵所向有功該軍由滬航海至廈登岸相機進剿甚為便捷著左宗棠於此軍抵閩後妥為調遣飭令會剿漳州踞逆迅殲巨憝力拔堅城廣東官軍前已越境克復永定縣城並

著毛鴻賓郭嵩燾遵前旨飭令方耀等軍乘勝進攻漳州與江蘇閩浙各軍協力進取其王德榜黃少春等分勦汀漳之賊現在情形若何著左宗棠妥為部勒隨時馳奏蘇省餉需入不敷出李鴻章現擬將郭松林等援閩之軍照蘇省各營餉章暫行勻撥於上海廈門兩處設局解運具見畛域不分以後惟當源源接濟以資飽騰蘇軍向係按照各營人數另給食米柴薪油燭等項俾臨敵不至

缺乏惟郭松林等軍抵閩後去蘇日遠勢難瑣屑代謀著左宗棠徐宗幹卽行派委妥員籌款就近採辦隨營轉運以期無誤軍情賊勢靡定郭松林等進勦之軍將來若去廈門日遠蘇省亦難兼顧並著左宗棠徐宗幹毛鴻賓郭嵩燾就近協力籌濟毋使停兵待餉致誤事機閩省籌餉較蘇省尤為踴躍李鴻章仍當於無可設法中竭力籌解顧全大局方為妥善劉銘傳等軍現紮三河尖本歸曾

國藩調遣現在豫省賊勢南趨皖省邊防甚關緊要該軍等既已毋庸赴閩仍著曾國藩妥為調度飭令扼要嚴防如賊氛竄近皖疆並就近由喬松年斟酌情形或令出境截勦與僧格林沁追兵夾擊毋得畫疆自守任賊紛竄將此由六百里各諭令知之○又諭劉蓉奏追勦竄回獲勝餘逆回竄甘省會攻階州踞逆獲勝請派大員總統三路官軍並請留馬隊防陝各摺片逆回竄往醴泉後經彭

基品等分道進攻毀平賊壘餘匪晝夜狂奔由淳化縣境返竄甘界長武縣屬另有甯州竄匪滋擾雷正綰派周顯承等軍由蕭鎮一帶追至白吉原該逆復由南原繞竄安化地方渡河意圖盤踞白吉原復肆鴟張雷正綰現已親督六營回紮涇州分扼北原黨原等鎮以顧邠長門戶著卽督飭各營認真扼勦以遏後股竄匪並飛檄雷恆余萬明等馳赴長武段登雲等馳赴三水之上橋分路迎截

扼勦並著劉蓉迅飭彭基品等軍由乾州進趨邠州以杜該逆合併之謀刻下回逆雖已返奔甘境仍虞不時回竄雷正綰劉蓉當嚴檄各軍合力防勦務將白吉原匪股悉數聚殲毋任勾結蔓延為患蔡逆盤踞階州憑險死拒經蕭慶高等連日設法猛攻直逼城根勢已窮蹙深恐鋌而走險復竄陝疆現在川陝援軍齊集城下亟須大員總統進勦以期迅拔堅城四川提督胡中和已由廣元起程

赴階計日可到所有蕭慶高周達武所部援師暨甘省會勦各軍均著歸胡中和節制調遣以後勦辦情形卽由該提督專摺隨時奏報以一事權如有何路官軍不遵調度致誤戎機並著該提督隨時查明從嚴叅辦林之望一軍屢經諭知恩麟飭該臬司率所部赴階助勦並著胡中和飛檄林之望迅卽馳赴階州督率張華等軍會合湘果各營扼紮兩水各隘節節進攻迅殲醜黨胡中和總統三

路援兵責無旁貸當能協和將弁共奏膚公以副委任一切督軍防勦機宜仍著駱秉章悉心妥籌與胡中和會商辦理固原逆回孫義寶現因官軍偏攻擬令回眾盡殺家小乘馬紛竄蓄謀甚屬兇狡非有得力馬隊萬難追截陶茂林所募王守基馬隊一起雖經劉蓉截留備用為數究屬無多侍衛訥依楞阿由揚州帶領馬隊一起赴甘從陝省經過著照劉蓉所請暫准截留陝省調遣以備緩急仍著與都興阿籌商如甯夏軍營亟須此項馬隊而陝省邊防較鬆不至逆蹤闖入仍卽飭赴都興阿軍營助勦均由該署督等熟商辦理如孫義寶等騎賊紛擾或至蔓入陝邊並著都興阿雷正綰隨時酌撥勁旅兼籌防勦以遏奔突劉蓉另片奏請留已革藩司辦理捐輸等語已革陝西布政使毛震壽著准其暫留四川辦理捐輸事宜協濟陝餉一俟經手事竣仍飭卽赴滇省將此由六百里諭

知都興阿雷正綰駱秉章劉蓉並傳諭胡中  
和知之○以翰林院侍講學士夏同善右春  
坊右中允邵亨豫充日講起居注官司經局  
洗馬車順軌翰林院編修蔡壽祺署日講起  
居注官○以任性妄為江蘇已革雲騎尉龔  
保康遣戍新疆○以陝西醴泉勦匪獲勝予  
副將羅洪德等加銜升敘有差陣亡副將朱  
之南等十一員祭葬世職加等○予甘肅階  
州陣亡參將劉厚俊千總李鎮川祭葬世職  
加等○予甘肅鐵堡山傷亡參將李德高祭  
葬世職○癸酉

孝淑睿皇后忌辰遣官祭

昌陵○諭內閣總管內務府奏據一等誠勇公  
德崇呈稱伊胞弟和碩額駙德徽承祧無人  
情願將伊子聯英繼與壽莊和碩公主為嗣  
承祧兩房據呈代奏一摺一等誠勇公德崇  
之子聯英著繼與壽莊公主為嗣仍准承祧  
兩房加恩俟十三歲及歲時照公主所生子

例給與和碩額駙品級因思壽祇和碩公主  
額駙恩醇無子前曾降旨俟伊胞弟恩樸恩  
良生子先行繼與承祧將來該旗辦理承繼  
時卽著照聯英之案奏明請旨此旨並著宗  
人府纂入則例○又諭前因蔣益澧奏覈減  
浙江嘉興府屬浮收錢糧一摺當經諭令戶  
部議奏茲據該部奏稱浙省甯波紹興等府  
浮收錢糧均與上年經左宗棠奏明覈減嘉  
興府屬各州縣歷年浮收地漕等項銀兩實

與甯紹各屬事同一律自應一體裁革以昭  
公溥各等語加恩著照所請嘉興縣著減去  
錢四萬二千七百二十八千秀水縣著減去  
錢三萬五千五百六十四千嘉善縣著減去  
錢五萬七千四百七十八千海鹽縣著減去  
錢一萬九千四百一十四千平湖縣著減去  
錢三萬九千七百七十九千石門縣著減去  
錢二萬九千三百四十九千桐鄉縣著減去  
錢三萬一千三百二十六千統計各屬共減



去浮收錢二十五萬五千六百三十八千卽著永為定章其從前以錢收納者悉令統照銀數收納不准再有大戶小戶之分儻地方官吏陽奉陰違仍或添設名目格外需索及大戶不遵定章完納者卽行查叅懲辦並著該撫將各府屬平餘一項破除情面再行認真覈減酌定數目詳細開造清冊報部以憑查覈○湖南巡撫惲世臨奏湖南自雍正元年分闈鄉試額設房官九員近年加廣永定中額已滿十名尚有加廣一次之額一名至數名不等應試士子較前多至十餘卷房官分卷有加而期限猶昔去取未能詳審懇添設房官二員得以盡心閱看如所請行○以大理寺少卿魁齡為詹事府詹事○以奉天拏獲首犯王幅薺予驍騎校春鐸升敘○展緩山東各商竈應完帶徵課款銀○甲戌遣官祭

先醫之神 諭議政王軍機大臣等都興阿

穆圖善奏甯夏軍務萬緊穆圖善一軍未能分兵出關據實直陳一摺前因新疆烏魯木齊等處疊就淪陷伊犁等城岌岌可危是以疊諭穆圖善統兵出關先抵哈密節節掃蕩茲據都興阿等奏稱甯夏之賊環城築壘抵死抗拒都興阿等督飭各營分投雕勦尚不能迅速歲事若將穆圖善一軍抽撤兵力更形單弱須俟楊岳斌抵任甘省鎮撫有人都興阿等卽可出關勦賊等語所籌自係實在情形惟新疆賊氛日熾古城迤西處處蹂躪已至不可收拾而甘省賊眾兵單不敷勦辦若強令穆圖善出關則都興阿兵勢愈孤顧此失彼目前情形大為支絀楊岳斌回籍募勇為日已久約計此時必已部署起程楊岳斌受國厚恩畀以兼圻重任自當迅速就道慰朝廷西顧之憂且該督所請各省協餉及酌提釐金等款業經允其所請是兵餉兩端均可無虞掣肘若再藉詞遷延非但有負委

任且無以慰甘省軍民之望。著楊岳斌迅帶新募勇丁剋期先行赴甘。其未經募足之勇。卽責成彭楚漢楊明海等趕緊招練成軍。陸續西發。不准稍事稽遲。致滋延誤。都興阿穆圖善等務當就現有兵力。激勵拊循。迅圖規復甯靈肅清北路。俟楊岳斌行抵甘省。後卽可整隊出關。大張撻伐。哈密防守緊要。都興阿等已派署肅州鎮總兵德祥帶兵千名。前往哈密。著卽催令德祥迅速啟行。前赴哈密。

扼要駐守。以資策應。西甯地方緊要。前據都興阿奏請飭令鶴齡前往鎮撫。此次請將鶴齡改赴哈密之處。著該將軍等斟酌情形。或另選得力武職大員帶兵前往西甯。以資鎮攝。卽可替出鶴齡。統帶所部出關。與德祥合兵一處。藉壯聲威。將此由六百里各諭令知之。予山東歷城陣亡舉人陳大鵬暨殉難婦女張孫氏等分別旌卹如例。乙亥諭內閣。朱蘭奏甄別教職並遵保孝廉方正等語。

安徽署舒城縣學訓導劉鎔諸事廢弛。署宿松縣學教諭靳學洙行止貪鄙。均屬不堪。造就劉鎔著勒令休致。靳學洙著卽行革職。至所保堪勝孝廉方正之滁州學正方清連池州府教授龍璇合肥縣歲貢生李聯奎署銅陵縣學訓導楊恆樞涇縣優生崔增榮均著飭令來京交吏部帶領引見。諭議政王軍機大臣等長善奏籌款添設官馬並請飭整頓釐捐各摺。片山海關當東三省之衝。地方

最關緊要。該處旗營官兵自應熟習騎射。講求技勇。以備巡緝盜賊之用。茲據長善奏稱山海關五處駐防向未設立官馬。其旗兵朋養之馬。又因無力籌備。有名無實。該副都統擬籌款添設官拴馬四百匹。教練技勇。自為因時制宜。起見。本日業經諭令神機營理藩院將蒙古捐輸馬匹如數籌撥。備用。長善所請借用山海關贏餘稅銀作為馬價除製辦鞵轡之八百兩准其提用外。其餘馬價銀三

千二百兩業已撥有官馬卽著毋庸動用長善現已補授山海關副都統於旗營操防事宜責無旁貸俟此項馬匹到後卽著督飭所屬認真訓練以期技藝嫻熟緩急可恃毋得徒託空言日久稍形懈弛所稱馬乾銀兩每年約需九千六百兩擬於臨榆釐捐項下支放並贏餘銀兩發商生息各節均著照所請辦理至臨榆釐捐一項據長善遵旨稽查每年約可收束錢十六七萬串與該縣所報大

相懸殊難保無侵漁情弊此項釐金藉旗營兵餉為名徒飽吏胥私橐甚屬可惡長善所請釐捐項下月放團丁餉銀一百五十兩暫由監督衙門隨同餘丁一併開放仍暫停搭放俸餉均著照所議行其釐捐錢文卽著劉長佑嚴飭臨榆縣知縣覈實經理務須涓滴歸公不得任令家丁書吏從中漁利以杜弊端並著長善揀派妥員會同該縣經管局務以期互相稽覈更為周密所有此項錢文卽

著專歸旗營官馬乾銀之用俟數年集成餘款約計發商生息之數足備馬乾經費卽將釐捐奏明停止將此各諭令知之又諭官文奏髮捻敗竄豫省楚境已就肅清請將帶兵各員開復處分出力陣亡各員准予分別獎卹並官文吳昌壽奏勦辦長陽縣滋事匪徒各摺片髮捻各匪竄擾楚境官文以欽差大臣出省督勦屢經嚴諭務將股匪就地殲除不准旁竄他省官文覆奏時亦曾以此自

任乃紙上空談竟無實際在事文武僅欲以驅逐出境了事以致竄楚之賊長驅入豫現賊蹤已及西平難保不再行回竄該大臣何得因楚省肅清遂謂已竟全功鋪張其詞為將士乞恩保獎殊不料官文身受殊榮猶有畛域之見如此亦何怪諸臣之相率效尤耶所有上年勦匪尤為出力各員暨陣亡員弁著官文先行存記俟此股髮捻匪眾悉數殄除再由官文奏請分別獎卹湖北長陽縣才

民田士信卽田思羣畏罪聚眾滋事在四方  
臺等處負隅不出經官文吳昌壽督飭都司  
曹立全等於巴山楓子嶺等處帶兵勦捕槍  
斃匪眾數十名該大臣等復添派提督譚仁  
芳四營馳赴漁洋關會合知府唐協和等由  
長陽長樂兩面兜勦卽著官文吳昌壽檄飭  
帶兵各員將該匪等勦除淨盡毋留餘孽並  
著惲世臨仍遵前旨嚴飭水陸各營並鄰近  
各州縣一體認真防範毋令闖入境內致滋  
延蔓將此由五百里各諭令知之○以湖北  
全省肅清復已革副都統富森保總兵官楊  
朝林等職分別賞還勇號花翎○以遺愛在  
民予故湖北布政使劉體重入國史循吏傳  
○予安徽休甯殉難候選縣丞汪珽琪等紳  
民婦女八千一百六十一員名口分別旌卹  
如例○貸排造城河運船銀從倉場侍郎鍾  
岱等請也○丙子兩廣總督毛鴻賓降調以  
漕運總督吳棠署兩廣總督兵部右侍郎彭

玉麟署漕運總督○湖南巡撫惲世臨降調  
以廣東布政使李瀚章為湖南巡撫廣東按  
察使李福泰為布政使調四川按察使張兆  
棟為廣東按察使以前任廣東按察使趙長  
齡為四川按察使

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百二十九

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十

蘇探礦也。自雍正日。揭起屠。主官太子太傅文。副計開事。翰林院。掌院學士。稽察獄事。上海。件處。方。總。郭。總。領。公。英。殿。學。士。軍。機。大臣。錄。監。與。滿。洲。都。統。廣。

陳延炯事母至孝。工書畫。精於七級。並功加五級。通帶。七級。紀錄三十次。官至廣東古州。其官於清溪。一千九百零四年。調任廣東仁閣大學士。武庫。殿。龍。虎。殿。等。處。監。事。卒。於。任。上。

正紅旗滿洲都統公理工部光祿寺事務大臣輔國公軍功加一級隨事加六級紀錄十七次 宋奎貳次紀錄官監通判 趙居庸太子太保翰林院掌書

學士張家敘奉土倫事件處聞史館隨載武英殿方略編纂臣等查該大臣於乾隆二十三年十月間下獄事係屬九龍軍功本五品頂戴

加六級紀錄十九人。次往臺本坡教官師範學校。在該大馬路樓前。由臺理戶部三庫事務司帶同。分駐十一號。由加士尼

1

同治四年乙丑二月丁丑

孝康章皇后忌辰遣官祭

孝陵（）諭內閣工部奏請派大臣修理盛京

太廟正殿等處工程一摺另片奏請將

昭陵圍城牆等工一併妥協修理等語著派單

懋謙志和會同盛京將軍工部敬謹修理以

重要工○又諭前因景綸等奏續行查在庫

吏部移款項及官犯中途病斃各情復經諭

令阜保馳赴吉林確查具奏茲據奏稱驗明

已革筆帖式巴克喜係因吞服鴉片煙毒行

至菟登站身死並訊據押解巴克喜之水手

營六品官戴鶴齡供稱上年十一月十四日

經將軍景綸派委看管巴克喜是日一更時

分將軍衙門令人傳喚前往見將軍門丁劉

四卽劉詳告明巴克喜虧那官項可令在外

張羅不必嚴看並稱景綸業經知悉戴鶴齡

卽信為實未加嚴管巴克喜於二十八日吞

服鴉片煙行至蒐登站身死復提訊劉詳供

稱因巴克喜虧那官錢八萬餘千恐致伊主

賠累是以屬令戴鶴齡不必嚴看並捏稱伊

主知情其實景綸並未授意等語劉詳捏屬

戴鶴齡將巴克喜疏縱致令乘間服毒身死

雖訊無聽屬受賄實據究屬詐傳主命干預

公事門丁劉四卽劉詳著交刑部按律定擬

罪名具奏水手營六品官戴鶴齡奉派看押

巴克喜並不認真防範輒聽劉詳捏屬任令

來去自由致巴克喜乘間服毒實屬迎合卑

靡戴鶴齡著交部議處至巴克喜顧那庫款

甚鉅仍著阜保派員自咸豐三年該革員到庫之日起調齊案冊按照景綸續行虧短各數目逐年清查覈對並此外是否尚有虧那款項一併確切查明據實具奏毋許稍涉含混○又諭惲世臨奏部駁保舉開缺人員原缺復又開選請飭部覈覆一摺據稱湖南道州知州長明武崗州州同馮國楨前經毛鴻賓以辦理局務出力保奏長明開缺以同知直隸州知州補用馮國楨開缺以知州補用

嗣毛鴻賓接准吏部咨覆將該二員議駁均令另覈請獎而吏部又將楊義正選武崗州州同童恩選道州知州該二員已先後到省是長明馮國楨二員既不准其保舉開缺復又開缺選員部案參差無所適從請飭部覈覆等語吏部銓選員缺自有一定章程長明馮國楨既據該部議以另覈請獎則該二員卽屬不應開缺何以原缺復又開選其因何辦理兩歧之處著吏部堂官明白回奏○又

諭惲世臨奏訊明被叅知縣因拘拏匪黨誣及已故武生曹孝隲一案請將在逃之被叅離任湖南新田縣知縣梅需暄通緝究辦一摺此案既經惲世臨訊明誣匪詐贓各情眾供確鑿卽著照所擬科斷先行結案將一干人證保釋候質以免拖累至梅需暄於門丁周明輝詐索多贓不肯交出相繼潛逃難保無藉端妄拏授意婪索情事若任令遠颺逃匿何以懲貪墨而肅官常著各直省督撫嚴

飭所屬一體通緝務將已革湖南新田縣知縣梅需暄拏獲解赴湖南歸案勒令將門丁周明輝交出嚴審定擬以期水落石出○諭議政王軍機大臣等阜保奏遵旨覆查操演西丹團練兵丁及續行訊出常明等與巴克喜夥開店當等鋪現辦情形一摺吉林操演西丹團練兵丁既據阜保查明尚無扶同隱飾各情卽著無庸置議至巴克喜與常明明祿夥開店當據晉隆當義誠店執事人供明

實係合股夥開立有合同查驗該鋪原帳合同均各相符常明等亦各供認不諱足見凡事盡一分心力卽有一分效驗阜保從前於此等緊要關鍵並不悉心研鞫若非嚴旨查詢卽已蒙混了事外省積習大都如是實堪痛恨現據常明等供各願將所入貲本與巴克喜填補虧項巴克喜在庫閱十二年所有庫帳庫收等件顛倒錯亂多有不全非徹底清查不能得其確數該署將軍現督同委員

等調齊庫司卷冊按年逐款詳細確查著卽督飭認真查覈不准再有絲毫含混常明明祿依克唐阿家產並著先行查封備抵並責令分賠足數以重帑項常明明祿與巴克喜至戚分掌銀庫戶司關防依克唐阿係巴克喜胞弟在銀庫行走其為盤踞要津把持利數毫無疑義所供委無通同舞弊侵虧庫項等語均難憑信仍著阜保悉心研訊務須水落石出以成信讞菸酒雜稅及一切應查各

件仍當逐一詳查妥議章程具奏盜匪痞子李等並著嚴飭派出兵弁一體嚴拏毋稍懈忽將此諭令知之○戊寅諭議政王軍機大臣等本日議政王軍機大臣將林鴻年咨文並昭通臨安官紳稟詞呈覽滇省全境糜爛僅有昭通東川臨安三府尚未淪陷可為進兵之路現在護理昭通鎮總兵楊盛宗固守地方疏通道路且與岑毓英馬如龍等均無所忤自可責令秣馬厲兵相機進剿至臨安

官紳堅不附回為國家保此疆土其誠悃甚屬可嘉惟近因馬如龍率眾數萬圍攻江川雖經恩榮梁士美等援救獲勝而賊眾兵單餉需告竭岌岌可危著林鴻年迅速籌措銀數萬兩源源接濟以維該處紳民向義之心馬如龍既稱歸誠向化何以於林鴻年處從未見稟且舍杜汶秀不討而日與臨安士民為仇其居心殊不可問可見梁士美等呈內所稱負隅省城暗行其逆等語實非過激之

詞林鴻年與勞崇光等務當隨時訪察妥籌辦理不可稍涉輕信墮其術中滇省變亂已久非大兵雲集不能戡定而籌餉徵兵尤須借助四川等省之力現在黔西大定等郡先後淪陷遵義府勢亦甚危黃白號匪又竄近川南之永甯川東之綦江等境蜀軍分防要隘更有何力分撥赴滇是欲平滇逆必須先平黔匪勞崇光張亮基身任封圻於地方軍務一味粉飾毫無措置以致賊勢蔓延全省

幾無完土實堪痛恨若再不振刷精神力圖補救自問當得何罪勞崇光現駐黔省著卽會同張亮基遴派兵勇將黔西大定等城迅圖克復並將黃白號匪次第掃蕩不得再有稽延駱秉章督飭川東各軍越境會剿務將黔邊巨寇合力殲除張凱嵩卽飭楊廷桂一軍馳赴古州會合黔師認真剿辦李瀚章已簡授湖南巡撫著卽馳赴新任督飭援黔之周洪印等軍迅速進兵夾擊李瀚章未到任

以前仍由憚世臨檄飭前進毋失事機該督撫等務當同心協力將貴州各匪剋期殄滅庶可騰出兵力專意進剿滇匪底定邊隅林鴻年亦當相機前進迅赴昭通等處督率楊盛宗等防剿兼施不得藉待兵待餉為詞稍事延誤其滇省應需兵餉仍著駱秉章極力籌畫源源接濟該督素顧大局想自能不分畛域隨事圖維俾免掣肘將此由六百里各諭令知之○以安徽勦除髮捻大股出力賞

參將張朝棟王得成遊擊陸鴻慶趙世良都司徐登善巴圖魯名號道員何紹彬遊擊王金山等花翎守備熊福增等藍翎餘加銜升敘開復有差○已卯諭議政王軍機大臣等給事中劉毓楠奏直隸驛路盜賊充斥近聞有會試舉人被賊搶刦情事請飭整頓捕務等語畿輔重地豈容盜賊白晝搶奪現值公車絡繹北上之時遠道跋涉旅費維艱若猝遭路刦衣物蕩然實屬不成事體著劉長佑



萬青黎卞實第嚴飭各州縣文武員弁急速修理鋪堡多派兵役認真巡緝拏盡法懲治並飭兵役按站護送以肅郵政而安士商原摺著鈔給閱看將此各諭令知之○又諭駱秉章奏官軍疊攻階州踞逆續獲勝仗胡中和赴階察看軍情並請飭陝省安設驛站各摺所奏攻勦兩水等處賊壘屢獲勝仗與劉蓉前次奏報情形大略相同該逆屢次大挫其膽已寒亟應痛加勦洗以竟成功前據

劉蓉奏稱四川提督胡中和在川省日久諳悉戎機由廣元赴階計日可到當經諭令胡中和節制川陝各軍督勦階州踞匪以後勦匪情形由該提督專摺奏報即著胡中和仍遵前旨督飭周達武蕭慶高等妥籌進勦迅拔堅城並飛檄林之望赴階州督飭張華等軍嚴扼兩水要隘毋任旁竄一切防勦機宜仍當與駱秉章劉蓉隨時咨商妥辦胡中和赴階州後敘南所留七營亦須另擇妥員暫

行統帶鶴齡一軍已由略陽前進即著駱秉章飭令鶴齡迅赴哈密毋稍延緩該督所請先調鶴齡會勦階州踞匪之處著毋庸議駱秉章奏請飭陝省照舊安設驛站以速郵傳等語前因陝西驛路梗阻改由東川遞送湖北湖南以免阻滯現在漢南一律肅清自應仍由陝省接遞著劉蓉查照舊章飭令各該州縣照常安設驛站凡遇川省文報仍由川北各州縣遞至陝西山西直隸等省往返接

遞以免稽延將此由六百里諭知駱秉章劉蓉並傳諭胡中和知之○又諭惠慶奏古城危急調兵救援一摺逆回攻撲古城暗窺地道轟擊經惠慶督率官兵奮力守禦斃賊數百名危城得保無恙所辦甚好仍著激勵兵民同心固守以待援兵前據扎克當阿奏已咨令色普詩新統帶木壘河戶民赴古救援此項民眾既激於義憤志切同仇自必能用命前驅色普詩新本日業經降旨補授吐魯

番領隊大臣著卽統帶兵勇由奇台一帶節節進剿力解古城之圍毋稍延誤內地援兵業經疊次調撥惟程途遙遠到尚需時此時惠慶色普詩新惟當聯絡聲勢穩慎圖維力保完善不得稍涉大意致墮逆回奸計需用餉銀卽著派員赴烏科兩城將解到之餉設法迎提以資接濟巴里坤為古城東路屏蔽著惠慶等咨照伊勒屯何瑄慎固封守督率旗綠各營擇要扼紮以為色普詩新後路聲

勢所有此次古城守城出力員弁著惠慶擇尤酌保以示鼓勵將此由六百里各諭令知之○調吐魯番領隊大臣扎克當阿為哈密辦事大臣賞古城協領色普詩新副都統銜為吐魯番領隊大臣未到任以前烏魯木齊協領榮慶暫署○予甘肅陣階州亡都司高香遠千總戴得勝勝祭葬世職加等○予古城陣亡協領巴哈布祭葬世職○予故署烏魯木齊都統哈密辦事大臣保恆祭葬卹廕如

副都統例庚辰遣官祭黑龍潭

昭靈沛澤龍王之神玉泉山

惠濟慈佑靈瀆龍王之神昆明湖

安佑普濟沛澤廣生龍王之神密雲縣白龍潭

潭

昭靈廣濟普澤龍王之神遣官祭圓明園

惠濟祠

河神廟諭內閣前因御史譚鍾麟奏請申明保送御史定例一摺當經諭令吏部議奏

茲據該部奏稱向來御史保送後有犯貪污劣蹟原保堂官例無議處明文惟保送時各衙門皆得違員咨送實與京察體例無殊自應比例定擬以專責成等語御史為朝廷耳目之官職司彈劾較之保送京察人員更須認真遴選著各部院衙門嗣後保送御史毋得但計資俸務須認真考覈選擇得人如保送後有犯貪污劣蹟者卽將原保之堂官比照京察保送不實例由該部奏明議處如能

訪出揭叅者免議此旨並著該部纂入則例  
通行知照○又諭前因惲世臨奏部駁保舉  
開缺之湖南道州知州長明武崗州州同馮  
國楨原缺復又開選部案參差無所適從降  
旨令吏部堂官明白回奏茲據奏稱長明馮  
國楨經前任湖南巡撫毛鴻賓以辦理局務  
保奏長明開缺以同知直隸州補用馮國楨  
開缺以知州用查有開缺字樣於奉旨之日  
卽行開選是以於七月分將合例之楊義正

選授武崗州州同童恩選授道州知州嗣查  
出長明馮國楨所保與定章不符照章奏駁  
雖皆按照成案辦理惟承辦司員於開缺時  
未將該員等勞績應否准駁卽時詳覈又於  
奏駁後漏未知照該省更正請將承辦司員  
照例議處等語長明馮國楨所保官階該部  
既應議駁卽屬不應開缺承辦司員於開缺  
時未能將該二員勞績應否准駁先時悉心  
酌覈奏駁後又不知照該省實屬疏忽著交

都察院照例議處長明馮國楨二員著卽更  
正仍留本任無庸開缺部選之童恩楊義正  
二員著留於該省另行補用嗣後吏部遇有  
保奏開缺人員該堂官務當督飭司員按照  
定章詳細覈對查明准駁再行分別辦理毋  
得草率從事前後紛歧致滋弊竇○諭議政  
王軍機大臣等沈葆楨奏請賞假歸省一摺  
沈葆楨因復接家書知伊母病勢加劇望子  
之心日切請給假三箇月馳歸省視情詞排

惻出於至誠沈葆楨著賞假三箇月回籍省  
親以遂孝思江西巡撫關防卽著交孫長紱  
暫行護理惟福建寇氛仍熾被擾地方多與  
江境毗連左宗棠督兵在閩自可次第得手  
該匪不能得志於閩恐將回竄江境是江西  
本省之防萬分喫緊沈葆楨必須妥為布置  
以期萬全無失方可啟行此係朝廷曲體該  
撫之心不得已而俯如所請如果馳回省視  
厥疾漸瘳著不必俟假滿以後卽行馳回江

省視事以重地方所請假滿陛見一節俟福建軍務平定再行具奏候旨遵行求忠臣者必於孝子之門該撫當念朝廷為地擇人倚畀至重不可稍存諉卸用副厚望將此諭令知之○補鑄福建臺灣鎮總兵官印信從總兵官曾元福請也○辛巳遣官祭昭忠祠○諭議政王軍機大臣等英桂徐宗幹奏飭禁洋人通賊並辦理泉州等處防務一摺前因毛鴻賓奏侍逆李侍賢有勾串洋人之謀諭

令英桂等查拏茲復據英桂等奏訪聞洋人惹隔孫有與漳逆串通貿易情事訊據惹隔孫供稱被英人蒲浪誘騙到漳曾與侍逆會飲並無接濟軍火而蒲浪又控稱係惹隔孫令伊赴漳作為通事供詞詭詐顯係互相狡賴著英桂等剴行該國領事官務將實情訊出嚴行懲辦侍逆李侍賢等被勒窮蹙計無復之必將勾串洋人希圖竄逸朝廷早經慮及故疊次諄諭該將軍督撫等嚴密查防而

洋人貪狡性成惟利是視若該逆等啗以重利其勾通貿易者正恐不止惹隔孫一人此時賊勢如困獸在檻尤宜加意防範著英桂左宗棠徐宗幹一面多派弁兵梭緝訪拏一面行知各該國領事官講明信義令其一體查禁至泉州地方會匪伏莽尚多同安安溪等縣聯界之處僻境紛歧難保無匪徒導引繞襲官軍後路著英桂等嚴飭派出之道員張啟煊知府程榮春會同泉州郡文武將守禦

事宜悉心籌辦派撥兵勇於邊境各要隘密拏奸匪以杜勾結左宗棠抵閩後勦辦情形久未據該督奏報實深虞繫即著該督將近日軍情賊勢並如何籌辦進取之處詳細馳奏將此由六百里各諭令知之○又諭聯捷奏烏里雅蘇台地方苦累不能接站一摺據稱准烏里雅蘇台將軍明誼咨報近來差務絡繹蒙古遊牧萬分苦累黑龍江官兵到台本城兵食缺乏斷難供應等情請旨辦理等

語明誼所咨自係實情前據寶善奏黑龍江官兵起程後自茂興站出境由蒙古草地進法庫邊門入山海關取道張家口歸聯捷統帶茲據聯捷奏烏里雅蘇台無力供支自不能不改道前進以利師行此項官兵卽著由內地行走取道山西陝西甘肅出關前進聯捷亦無庸在張家口等候卽行先赴山西省城一俟該官兵到晉卽著統帶遄行該官兵無論行抵何處著玉明寶善劉長佑長善於

過境時飭令徑赴山西省城歸聯捷統帶無庸再赴張家口以期迅速沈桂芬於該官兵到晉時妥為供應一面知照陝西甘肅各督撫飭令沿途地方豫為籌備行糧毋令缺乏此項黑龍江馬隊專備聯捷統帶出關剿賊之用不准都興阿等截留阿克敦布廉至與聯捷面稱口外困苦既知尋覓水火亦非易易自應將各臺站窮乏情形能否供應與明誼等通盤籌畫再行具奏方不至貽誤戎機

乃該都統等並不悉心體察僅將察哈爾辦理支應各情一奏了結若明誼不豫為知照聯捷帶兵行至烏里雅蘇台一帶駝馬等項既難供支糧食又無從購辦進退維谷該官兵等勢必盡成餓殍阿克敦布廉至於緊要軍務辦理麤率至於此極實堪痛恨該都統等前奏製造購辦諸物需銀一萬五千四百兩諭令於張家口稅局先行提用俟直隸銀兩解到再行歸款現在該官兵既由內地行

走前項銀兩著不准在張家口稅局提用劉長佑如尚未籌解卽著無庸解往歸款如已撥解著劉長佑阿克敦布廉至飭令解交聯捷作為黑龍江官兵餉需聯捷當派員妥為經理毋許濫支阿克敦布廉至卽飛咨明誼該官兵現已改道行走無庸籌辦供應奎章慶明現已到口著阿克敦布廉至催令迅速進發其餘簡放新疆各路大臣一經到口均著該都統等嚴催出關以重職守聯捷現由

內地行走自可無誤軍糧一俟黑龍江官兵到晉惟當星速起程不得藉詞延宕致干嚴譴將此由六百里各諭令知之又諭前因惠慶奏古城危急請調巴里坤官兵赴援當經諭令色普詩新統帶兵勇卽由奇台一帶會合木壘河戶民前進力解古城之圍茲據色普詩新所奏各情與前旨適相脗合惟據稱巴里坤旗綠兩營除前撥赴援二百餘名外存城兵丁無多防堵城隘尚不敷派撥現

飛咨都興阿統帶大兵前來以作後援等語都興阿現在圍攻甯夏急切未能出關而巴里坤防堵關繫亦為緊要無兵可撥自係實情該大臣已自坤起程赴古統帶滿漢官兵相機進剿想於道經奇台時其戶勇二千餘眾自己均歸統帶前進著卽懷遵本年二月十三日諭旨激勵此項民眾會合官兵節節進剿以解古城之圍惠慶惟當慎固城防並與色普詩新聯絡夾擊痛殄逆氛其巴里坤

領隊大臣印務既交協領伊勒屯署理所有一切防堵各隘機宜卽著色普詩新咨照伊勒屯何琯認真嚴密扼要布置毋稍疏虞色普詩新統帶援兵所需餉銀前已有旨諭令派員赴烏科二城將解到之餉設法迎提以資接濟並著都興阿恩麟迅卽籌款協撥以濟兵食毋令缺乏將此由六百里諭知都興阿惠慶色普詩新並傳諭恩麟知之○以直隸南宮縣捐輸軍餉永廣學額二名○以河

南副將尹嘉賓捐輸軍餉永廣安徽阜陽縣學額二名○以直隸廣平拏獲山東逆匪蘇洛坤予知府楊毓枬等加銜升敘有差○以巴里坤勦匪出力賞防禦百喜等花翎驍騎校德連布等藍翎餘升敘開復有差釋遣戍已革佐領德俊等回旗○壬午遣官祭文昌帝君廟○諭內閣  
皇考文宗顯皇帝梓宮  
皇妣孝德顯皇后梓宮永遠奉安

山陵日期據欽天監奏謹擇於本年九月二十  
二日所有應行典禮及一切事宜著各該衙  
門屆期敬謹豫備○諭議政王軍機大臣等  
阜保奏特參交查案內同知供情閃爍請旨  
先行革職嚴訊一摺此案既據已革協領明  
祿供稱並無每萬兩抽出實銀二千兩易換  
銀鈔以實銀入已情弊崇連申稱自咸豐十  
一年搭票較多或一成有餘或將及二成並  
無為明祿徇勒批解實銀及出具搭交二成

鈔票印文等情何以該署將軍提查地糧印  
文搭交鈔票數目與奏銷冊內大相懸殊已  
難保無侵蝕情弊及經該署將軍面加究詰  
復稱遵奉明文由通濟官鈔局買交謂與實  
銀無異是以每年僅將民戶所交之鈔造入  
奏銷官錢鋪所買之鈔即不造入自認糊塗  
等詞情節支離更難保非為明祿挾制不敢  
實供案關錢糧要款豈容該員等任意侵漁  
飾詞狡展卽著阜保提集已革同知崇連並

原參協領明祿及紳士社差人等到案隔別  
研訊務期水落石出以成信讞原奏所稱銀  
鈔久不使行可否飭令全行繳回之處仍著  
該署將軍查明具奏將此諭令知之尋奉審  
明崇連並無侵漁惟奏銷與解文互相參差  
實屬昏愊業已革職應無庸議明祿訊無挾  
制徇勒以鈔易銀搭放兵餉等弊部發吉林  
鈔票俟收齊卽行繳部應放搭票各款擬將  
實銀折半支給下部議從之○又諭毛鴻賓

惲世臨現在因案降調兩廣總督前已有旨  
命吳崇署理漕運總督命彭王麟署理並簡  
放李瀚章為湖南巡撫閩省賊氛正熾粵東  
防勦不可一日稍鬆湖南地方現雖平靜而  
援黔援粵軍務亦關緊要吳崇李瀚章均著  
毋庸來京請訓卽行馳赴新任將一切應辦  
事宜實心實力妥為籌畫以副委任彭王麟  
亦毋庸來京請訓著卽速赴漕督署任以便  
吳崇交卸及早赴粵吳崇李瀚章未到任以

前兩廣總督本日已降旨命瑞麟暫行兼署湖南巡撫命石贊清暫行護理矣將此由五百里諭知瑞麟吳棠彭玉麟李瀚章並傳諭石贊清知之○以鑲黃旗蒙古副都統果勒敏署鑲白旗蒙古副都統○以廣州將軍瑞麟暫署兩廣總督湖南布政使石贊清暫護巡撫○予廣西武宣殉難知縣茅本蕙祭葬世職○予廣西平樂等處殉難訓導譚立勳等祭葬世職○予廣西各屬節年殉難紳民

婦女二千六百七十九名口分別旌卹如例

○癸未遣官祭

關帝廟○諭內閣御史丁浩奏雷電愆期請恐懼修省一摺上年金陵告捷之後特頒諭旨申戒內外大小臣工兢惕為懷以期上下交儆共濟時艱乃據奏本年正月十三日直隸廣平順德河南開封歸德山東曹州等府屬地方均有震雷雨電之異總因政事或有缺失陰陽未和致滋變異上天示儆寅畏實

深惟有力戒怠荒益加修省於用人行政務得其平其內外大小臣工亦當交相策勉共深祇懼以迓祥和而弭災沴諭議政王軍機大臣等雷正綰奏官軍攻克固原州城及疊破蕭河城一帶逆巢請將已革臬司張集馨留甘商辦善後並糧運匱乏請飭陝省妥籌接濟各摺片固原地勢險阻城池高深陝逆孫義寶等乘虛竄陷負隅久踞經雷正綰督率各軍奮力攻克實屬謀勇俱備調度有

方克副委任現在固城雖破而逸出賊匪馬隊尚有數千孫逆是否被戮尚無確據深恐漏網餘生復行勾結煽惑死灰復燃著雷正綰實力追捕務絕根株以清餘孽甘回張保龍等既知執梃助陣保護漢民即著雷正綰宣布朝廷威德將降眾拊循綏輯責令將馬匹軍械等件全行收繳其蕭河城降回並著分別良莠酌覈情形妥籌安置不得苟安目前草率了事致貽後日之患此時固原已下



雷正綰等軍應由何路進剿並著都興阿穆圖善雷正綰妥為籌畫相度緩急何處賊勢最重卽由何處進兵迅殄醜類同膺懋賞此後進剿機宜卽著雷正綰將地勢險要並賊匪巢穴詳晰繪圖呈覽已革臬司張集馨著准其留於甘省由雷正綰督令將撫綏善後各事宜認真辦理稍贖前愆不得粉飾敷衍有名無實甘省地瘠民貧向不產糧慶陽糧臺不惟協餉未充卽使有力採買亦屬轉運

維艱現在雷正綰一軍已克堅城勢成破竹若令停兵待餉必致貽誤事機著劉蓉督飭藩司林壽圖將雷正綰軍營糧食寬為籌備並由林壽圖督辦糧運事務遴委幹員在陝境設立轉運局嚴督沿途州縣源源飛挽毋許藉詞推諉致誤要需雷正綰另片奏請將成瑞免罪施鵬暫緩遣戍各等語已革提督成瑞從前辦理撤回案件獲咎甚重此次隨同攻克堅城著准其在營戴罪圖功俟續有

奇功再行奏請免罪已革參將施鵬著照雷正綰所請暫留軍營差委一俟新疆道路疏通卽行飭令赴戍不准逗遛將此由六百里各諭令知之○又諭惲世臨奏湖南東西各界籌辦防堵誘獲曹元興正法一摺據稱玉屏克復之後苗教各匪遁歸巢穴黎平髮逆伏匿未動惟各屬散練土匪時出滋擾教匪一股有與荆竹園合併之信惲世臨已飭周洪印等軍分駐黔境長吉瓦寨湍洞司一帶

先扼各匪出巢之路王永章各營駐紮沅晃以備調遣其黎平髮逆仍飭戈鑑會同粵軍勦辦湖北長陽匪徒占踞株栗山恃險抗拒該處緊接澧屬如鄂軍進剿難保不潰入湖南惲世臨豫飭黃元齡確探嚴防閩省賊糧缺乏度歲後意欲回窺江西現飭趙煥聯一軍留防東路各等語所籌東西各路防堵情形尚屬嚴密惲世臨前已因案降調當經降旨簡放李瀚章為湖南巡撫著該撫於抵任

後嚴飭周洪印田宗揚等各率所部官軍進紫黔境會合黔省各軍將苗匪股匪設法殲除並飭戈鑑督率兵勇與粵軍會合勦除黎平髮逆以清餘孽毋得稍存畛域致滋貽誤並著該撫檄令在防軍嚴防鄂閩各匪竄越以期有備無患李瀚章未到任以前即著石贊清督飭各路帶兵員弁妥籌防勦不得存五日京兆之心稍涉推諉副將曹元興藉團謀逆情罪重大現已擒獲正法所獲從人

十六名著李瀚章等派員訊明辦理其餘黨眾並著飭令周洪印等各會陳昌運妥為撫馭嚴密防維儻不安分立即擒斬不可姑容在事出力各員著李瀚章查明保奏毋許冒濫將此由五百里諭知李瀚章並傳諭石贊清知之○以都察院左都御史齊承彥署工部尚書○以克復甘肅固原州城提督雷正綰得旨嘉獎賞提督譚玉龍劉正高黃馬褂總兵官劉效忠參將帥合勝巴圖魯名號參

將王泰山花翎餘升敘有差子陣亡副將熊觀國祭葬世職加等建專祠○以運解甘肅糧餉出力子陝西知府謝質卿等升敘有差復已革同知羅映魁職並賞還花翎○以貴州天柱擒獲叛將曹元興子在籍知縣楊昌江以知州用並賞花翎○甲申諭內閣前因烏魯木齊提督文祺由哈密進勦烏垣行至巴里坤病故業經降旨照提督軍營病故例賜卹茲據色普詩新將該故提督因病出缺

情形奏聞並代遞遺摺披覽之下知該故提督之母年屆七十六歲迎養哈密情殊可憫著再加恩所有該故提督任內一切處分悉予開復准其入城治喪其母暨該故提督靈柩回京時沿途地方官妥為照料伊子英俊等著著俟百日孝滿後由該旗帶領引見用示朝廷篤念蓋臣至意尋予祭葬諡武毅○諭議政王軍機大臣等官文吳昌壽奏官兵進勦長陽縣土匪逆首率黨詐降立時擒斬現

飭拏捕餘匪一摺田士信卽田思摩以土司後裔因案畏罪聚眾謀逆經官文等派軍兜拏將首從各逆一併擒斬辦理尚為妥速著官文等仍卽督飭水陸各軍乘勝埽穴殄除餘匪毋任一名漏網該處山徑紛歧並當責成地方文武各員隨時認真拏捕以絕根株另片奏協甘餉銀請免籌解等語甘省克復固原州及蕭河城等處軍務正在得手惟餉項奇絀艱苦異常必得各省齊心協力源源解濟方可收飽騰之效次第廓清楚省軍務已平江皖亦無須協濟若如所奏強分畛域西陲大局將不可問每月應解甘省協餉銀三萬五千兩仍著懷遵前旨籌解半年不得藉詞推諉將此由五百里各諭令知之○以湖北長陽擒斬逆匪田士信賞知府唐協和巴圖魯名號○乙酉諭議政王軍機大臣等張之萬奏賊眾竄至汝境張曜等追躡到汝並回省料理省防覆陳寄諭各摺片逆眾盤

旋西平境內數日副將徐邦道等追至潛往刦營賊棄卡遁官軍追殺頗有斬獲該匪遂由郢城上蔡遂平交界之五溝營黃埠等處南竄沿途攻破民寨裹脅丁壯其氛甚惡竄至汝郡潛伏城東欲圖攻襲經毛昶熙督率地方文武嚴為戒備刻下賊蹤肆蔓於正陽息縣新蔡之交訊據獲賊供稱有由信陽竄往楚省之說徐邦道及張曜宋慶等軍均已到汝僧格林沁亦自鄖陵拔營前進著卽督飭馬步各軍奮力痛勦該匪懾於聲威自必南趨楚境當豫計其必由之路先行派兵在彼多設埋伏或於山深密林之處多設旌旗以為疑兵使賊不敢竄近山谷如其入山負隅不妨率隊圍困使不得再出滋擾著該親王相機妥籌辦理僧格林沁忠勇性成急於滅賊而於該匪狡詐百出之處或非意料所及上兵伐謀須令人不可測度未可一意跟追再墮狡計近日軍情賊勢並須趕緊馳奏

以慰懸繫正息等處距光羅不遠前經諭令如賊氛竄近楚省令官文在省守禦吳昌壽出省督勦此股賊匪游魂無定必將擾及楚邊著吳昌壽卽行調集勁旅剋日出省擇要防勦攔頭夾擊以期速殄狂氛潁州密邇寇蹤遠防不如近勦著喬松年卽行移紮潁州一帶親督英翰等所部各隊嚴密防堵其駐防皖境之劉銘傳等軍卽著飭令整頓隊伍移營前進如賊氛竄近光固該提督等卽可

出境攔截痛加殲勦不可以有用之兵株守本境詹啟綸勇隊已到何處著僧格林沁嚴行催提到汝責令隨勦毋任沿途逗遛總之此股賊匪東奔西突大為腹地之患必須喬松年吳昌壽親督皖楚在防各軍出省與僧格林沁之軍會合一處前截後追方能制其死命該撫等惟當嚴飭將士等不可稍有畛域之見致成不了之局汝甯防務緊要毛昶熙既在郡城當飭令在城文武兵弁齊心守

禦俟大兵到汝整隊出城夾擊毋失事機張之萬現在回省卽著將省城守禦各事宜認真布置並將積壓地方公事督同司道認真清釐並著僧格林沁隨時察看軍情如必須張之萬出省卽行飛咨該撫遵辦可也將此由六百里各諭令知之○丙戌諭內閣前因御史劉慶奏參鄭親王承志品行不端各款當經諭令宗人府會同刑部提集案內各犯嚴行審訊茲據奏稱審明承志被參各款大

概情形惟狎優比匪一節該親王堅不承認並據常四王姓卽小一子金三卽金廣沅等雖供稱唱戲均與鄭親王素不相識並無聚會演唱情事崔德善則堅稱不會唱戲亦與鄭親王素不相識請飭原參御史指實覆奏等語案關親王被劾狎暱優伶最為案中緊要情節必須確切究明方足以成信讞劉慶所參承志與優人常四小一子及崔姓等聚會演唱一款是否確有實據著該御史再行

詳細指實覆奏以憑訊辦。諭議政王軍機大臣等左宗棠徐宗幹奏官軍勦賊疊勝克復龍巖永定各城現籌勦辦情形一摺逆首李侍賢汪海洋分踞漳州南陽擾及古田下車南嶺馬洋洞涂坊一帶經左宗棠分飭王德榜劉典王開琳等軍將涂坊賊館埽除連奪下車馬洋洞等要隘餘匪俱向南陽奔竄永定縣城亦飭總兵關鎮國會同粵軍攻克並令康國器克復龍巖辦理尚為得力惟漳

州踞逆號稱二十萬人逆燄尚張汪逆尚踞南陽相為犄角左宗棠現飭總兵劉清亮出興化趨泉州同安以固高連陞等軍後路並分布諸軍於永安甯洋漳平等處以厚漳州兵力兼杜賊犯安溪之路布置尚為周密渡東浦南踞匪已為黃少春高連陞兩軍擊敗侍逆退縮漳城堅踞不出著左宗棠督率諸軍乘此聲威力籌進攻並激勵劉典王德榜等軍速將南陽賊巢埽蕩以便進兵合圍漳

城毋稍遲緩前據毛鴻賓等奏方曜一軍會合閩兵克復永定餘匪竄向龍巖現在龍巖股匪究向何處逃逸著左宗棠查明具奏並將此股殘匪速行截擊乘勢殄盡毋令竄併汀漳徐宗幹亦當督飭地方各官聯絡鄉團嚴扼要隘毋任敗賊紛竄致滋蔓延前經諭令毛鴻賓等飭令方曜聽候左宗棠調派會合閩浙官軍進攻並令李福泰進駐潮州著瑞麟郭嵩燾迅速前旨辦理一面嚴扼要隘

毋令閩匪竄入粵疆仍當不分畛域力圖越境會剿以期速靖邊圉將此由六百里各諭令知之○又諭明緒奏覆陳防勦情形並賊氛逼擾收集兵勇紮營防堵各一摺巴彥岱城與伊犁唇齒相依伊城煤米一切向皆仰給巴城明緒因巴燕岱被圍甚急派兵前往救援乃官兵始勝終挫傷亡多名槍礮器械遺失不少皆由賊眾我寡以致失利所有帶兵之武隆額榮全布爾和德錫拉那額騰額

等。著准照明緒所請。此次暫免查辦。卽責令督率兵勇奮勉圖功。以觀後效。佐領額騰額。既能熟悉地方情形。所有武隆額辦事大臣關防。卽著交額騰額祇領。武隆額卽仍留明緒軍營。俾供差遣。前任撫民同知崇熙平日深得軍民之心。現在伊犁軍務緊要。著賞給崇熙四品頂帶。開復原官。派令在額騰額軍營幫辦一切。以資得力。當此賊勢蔓延。兇鋒正銳。明緒務當拊循激勵。將籌防勦以待援。

兵槍礮為行軍利器。明緒現於伊犁城內查出舊存鐵塊。派員監工鑄造。所辦甚屬認真。卽著督飭榮全等晝夜趕辦。以利攻擊。應用馬匹米糧等件。並著設法購買。俾資利濟。哈薩克聚眾搶掠。並將俄人貿易園地什物搶去。事起倉卒。難保非逆回勾結所致。現在哈薩克已否解散。安集延人眾逃往何方。有無通回情事。著明緒查明具奏。伊犁差委乏人。明緒所保之員外郎銜印房主事景崙著加

恩賞給四品頂帶花翎。責令總辦軍需局務。如能著有成效。著明緒據實保奏。儻始勤終怠。卽著隨時甄劾。毋稍迴護。革員陳孚恩。樂斌均著交明緒差遣。委用聯捷未到任以前。伊犁參贊大臣。卽著榮全暫行兼署。塔爾巴哈台防守亦關緊要。博勒果素援兵既經錫霖截留。卽著咨令嚴防塔城。毋庸勉強赴伊。以致顧此失彼。俄國之兵如能剋期前來。明緒當恪遵前旨。慎始圖終。事事熟籌妥辦。總

期操縱得宜。毋貽後患。明緒到伊以後。尚得民心。該將軍經朝廷簡擢重任。惟當加意奮勉。以濟時艱。不得稍存諉卸之念。致負委任。將此由六百里諭令知之。以江西捐輸軍餉永廣臨江府學額五名。新喻縣十名。○以巴燕岱堅守危城。領隊大臣穆克登額得旨嘉獎。並賞副都統銜。予陣亡協領穆克德柯筆帖式松齡等祭葬。世職加等佐領和色本防禦阿薩本等祭葬。世職。○子庫爾喀喇烏

蘇陣亡佐領德麟等祭葬世職

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十一

軟修

同治四年乙丑二月丁亥諭議政王軍機大

臣等。都興阿。穆圖善。奏統籌勦辦情形一摺。甯夏攻勦回匪。現在正當喫緊之時。未能抽兵出關。遽援新疆。自係實在情形。惟烏魯木齊等處。疊就淪陷。伊犁等城。岌岌可危。該將軍大臣等。飛章呼籲。望救甚殷。豈能置之度外。自應速將甯夏一帶肅清。以便趕緊分兵出關援應。都興阿等現攻甯夏城北賊圩。雖小有斬獲。而賊勢未衰。尚復踞巢堅拒。著卽督率將士。實力進攻。速拔堅城。以期先清甘

境○雷正綰一軍○已克固原○必須迅將靈州一  
帶賊氛掃蕩○庶可與都興阿等軍會攻甯夏○  
卽著懷遵前旨○實力辦理○前經疊諭楊岳斌  
速赴甘省○以刻下情形而論○非楊岳斌迅速  
到甘○不能騰出兵力○進援新疆○該督受恩深  
重○具有天良○諒不至稍事遷延○致滋貽誤也○  
髮捻各匪○竄擾豫省○勢尚鴟張○詹啟綸等軍○  
現隨僧格林沁追剿○正當喫緊之時○未能卽  
赴甘省○都興阿等惟當就現有兵力○迅速圖

功○毋得專待增兵○致延時日○哈密防守○最關  
緊要○鶴齡既未能迅往該城○卽著都興阿將  
派出之官兵五百名○飭令趕緊前往○交護總  
兵德祥統帶赴哈○以資防守○將此由六百里  
各諭令知之○又諭○前因都興阿奏調山西  
駐防茅津渡楚勇兩營赴甘○並請飭山西籌  
撥該營軍餉○當經降旨○諭令沈桂芬將派防  
茅津渡楚勇○撥赴甘肅○歸穆圖善統帶○並由  
晉省每月解銀六千五百兩○以供楚勇口糧

之用○嗣據沈桂芬奏○晉省籌防緊要○截留楚  
勇一營○飭令副將袁復清統帶一營赴甘○亦  
經降旨允准○茲據都興阿○穆圖善奏稱○山西  
僅派袁復清統帶一營來甘○晉省應撥該勇  
月餉○浮出一半○穆圖善前派總兵陳東霖赴  
楚招募之兩營○月餉尚無著落○擬將陳東霖  
一營○補作晉省截留營數○以符六千五百兩  
兩營月餉原數○並請將陳東霖下餘一營○一  
併由晉省籌解月餉等語○甯夏勒匪○正在得

手○各營軍餉○均關緊要○著沈桂芬仍遵前旨○  
將每月應解楚勇口糧六千五百兩○如數撥  
解○並將陳東霖下餘一營月餉○按月籌解○毋  
稍延緩○都興阿等另摺奏○開春以後蒙古駝  
隻疲乏○不堪運載採買糧石○請飭山西籌銀  
二三萬兩○交歸綏道代辦糧米○並飭綏遠城  
將軍飭屬運解等語○卽著沈桂芬督飭藩司  
迅籌銀二三萬兩○發交歸綏道代辦糧米○並  
著德勒克多爾濟督催歸綏各屬雇備車牛○



運交甯夏軍營。以濟要需。其運費一項。准其作正開銷。沈桂芬籌撥代辦糧米銀兩。准其於捐免贖罪項下。或應解慶陽餉銀內。劃扣。將此由五百里各諭令知之。又諭都興阿等奏。分籌勇餉。請按月撥解等語。參將王泰來。前經熙麟派令募勇。現在該參將勇丁二營。已經都興阿等留營差委。其應支月餉。自應由慶陽糧臺支領。以資接濟。著文煜、楊能格查照向章。按月如數撥解。都興阿軍營。毋誤支放。至都興阿所稱。派副將萬金榮赴楚招勇六營。其勇丁月餉。擬請由湖北籌款協濟。仿照鄂軍章程。較楚軍營制。似為節省等語。現在甯夏軍務。正在喫緊。亟須招募勇丁。訓練成軍。以厚兵力。著官文、吳昌壽。按照該將軍所請。將萬金榮所募勇丁六營。先籌兩月餉銀。交萬金榮等護帶回甘。俟抵防之日。再行起支。務須迅即籌撥。以利師行。將此由五百里諭知官文、吳昌壽、文煜。並傳諭楊能

格知之。又諭張凱嵩奏。勦辦梧州府屬餘匪。疊獲勝仗。並攻勦永瀉匪徒。攻拔大廟。現飭乘勝進兵。各一摺。前據毛鴻賓等奏。廣西藤縣岑溪等處。復有匪眾嘯聚。派曾敏行等帶兵會勦等語。當經諭令張凱嵩妥籌勦辦。並將起事詳細情形。查明據實具奏。茲覽該撫所奏。進勦各情。賊鋒雖經屢挫。而南渡晏容兩巢。土匪尚眾。外匪麇至。且霍十八、張庭溍等首逆。亦未殲除。若不迅圖掃蕩。必至日久蔓延。著張凱嵩督飭蔣澤春、吳光春、姚茂田等。增兵募勇。剋日進攻。一面催提曾敏行一軍。由羅定等處會合夾擊。盡殄賊氛。不准敷衍了事。又留後患。永瀉匪首孫荏廣。盤踞那檀老巢。四出滋擾。經劉坤一等督兵進勦。疊獲勝仗。且將悍逆韋樹方陣斃。並攻拔大廟堅巢。是該匪持角已失。乘勝進兵。必可擒渠掃穴。著即檄飭劉坤一等。審酌機宜。申明賞罰。督同李士恩等軍。鼓行而前。迅圖蕩事。

將此由五百里諭令知之。○以勦賊遲延。革  
廣西知縣邊其晉職。仍留任。○以甘肅攻克  
清水堡賊巢出力。賞委參領依常阿等花翎。  
千總李正新等藍翎。餘升敘有差。○予故刑  
部尚書趙光祭葬。諡文恪。○戊子。諭內閣。前  
據吏部奏。遵議兩廣總督毛鴻賓被參各款  
處分。當經降旨。照部議降一級調用。不准抵  
銷。茲據該部奏稱。查毛鴻賓前因移獎子弟  
案內。業經奉旨革職留任。復因案議以降調

不准抵銷。例應革任。俟革留之案。限期屆滿。  
題清開復。仍照原議降調處分。以所降之級  
調用各等語。毛鴻賓任內。既有革職留任之  
案。茲復因案降調。不准抵銷。著即照例革任。  
俟年限屆滿。再由該部照例辦理。該部承辦  
司員。於遵議毛鴻賓處分摺內。漏未聲敘。雖  
係自行查出檢舉。究屬疏忽。著查取職名。交  
都察院議處。○諭議政王軍機大臣等。沈葆  
楨奏。閩省踞逆竄動。籌備邊防情形一摺。福

建龍巖州城克復後。餘賊入漳。南陽汪逆竄  
上杭所屬之白沙地方。沈葆楨已檄席寶田  
由石田劉勝祥由廣昌督隊西馳。並調礮船  
上駛。著即督飭在防諸軍。申嚴守備。令吉賴  
戰船跟蹤上駛。儻逆眾西趨。即行迎頭截擊。  
前據該撫奏請給假回籍省親。當已降旨允  
准。茲據奏稱邊防復形喫緊。如前摺邀允。仍  
暫緩回閩。悉心調度。實能視國如家。深堪嘉  
尚。沈葆楨即著暫緩回籍。俟江省防務稍鬆。

邊境無事。再行回家省視。該匪圖襲賴南。窺  
伺兩楚。湖南與江西交界地方。防務亦關緊  
要。李瀚章已簡授湖南巡撫。著即趕緊赴湘。  
整頓防兵。認真辦理。未到以前。石贊清暫護  
撫篆。亦屬責無旁貸。著嚴飭文武地方各員。  
妥籌防勦。不得視為緩圖。白沙地方。左通潮  
州嘉應。右達長甯會昌。雖入粵入江。蹤跡不  
定。總當前截後追。就地殄滅。方為妥善。左宗  
棠務當督率各軍。趕緊追躡。毋任竄擾鄰封。

又滋延蔓。潮嘉各屬。瑞麟。郭嵩燾。即飭李福泰等防軍。認真防範。如賊蹤窺近。即行越境兜剿。以固邊防。方耀一軍。能否回顧。並令酌度緩急。妥籌兼顧。將此由六百里諭知瑞麟。左宗棠。徐宗幹。李瀚章。沈葆楨。郭嵩燾。並傳諭石贊清知之。○以都察院左都御史齊承彥為刑部尚書。仍兼署工部尚書。兵部左侍郎曹毓瑛為都察院左都御史。候補侍郎畢道遠為兵部左侍郎。○予安徽甯國。歙。黟。三州。

同沈堃等祭葬世職。○蠲緩安徽英山。霍山。定遠。望江。懷甯。桐城。潛山。太湖。宿松。銅陵。當塗。蕪湖。繁昌。合肥。無為。舒城。廬江。巢。和。含山。泗。靈壁。宿。五河。阜陽。六安。太和。二十七州縣。被水被旱被擾地方。新舊額賦。已丑。春分。朝。

日於東郊。遣孚郡王奕誥行禮。○諭內閣。毛鴻賓。郭嵩燾。統兵大員。遇伏陣亡。懇請優卹。一摺。福建按察使張運蘭。自咸豐元年帶兵。

勦賊。轉戰江西安徽湖南廣東湖北等省。屢克名城。疊著戰功。上年經毛鴻賓奏帶赴粵。先後勦滅石逆餘黨李幅猷。及土匪鄭二尺。七。陳仰古等。肅清粵省十餘年積患。方冀干城之選。倚畀堪資。乃於去年八月間。帶兵救援福建。因平遠大埔之賊。回窺武平。該臬司親督中隊。馳赴中赤迎剿。屢戰皆捷。遽以追賊深入。為逆眾層層圍裹。總兵賀國楨。王明高。先後陣亡。帳下親兵。死傷略盡。該臬司身

受重傷。為賊蜂擁入城。罵不絕口。遂於九月十四日。被賊支解。覽其臨陣之勇。死事之烈。忠節卓著。痛惜殊深。布政使銜福建按察使張運蘭。著加恩照巡撫陣亡例議卹。任內一切處分。悉予開復。並於湖南福建廣東各省。建立專祠。其生平戰績。並著宣付史館立傳。伊子張恆湘。著俟服闋後。由吏部帶領引見。以示篤念忠蓋至意。○諭議政王軍機大臣等。思麟等奏。擊退靖遠逆匪。縣城解圍。現籌

分兵兼顧西路。平番縣城圍稍鬆。請飭曹克忠等赴援。並靈臺縣被賊攻陷。請飭劉蓉就地籌防。各摺片。靖遠被圍。陶茂林督隊衝擊。平毀賊巢。城圍立解。連日周歷搜捕。附近數十里。均無賊蹤。惟哀鴻墊墊滿目。陶茂林已入城安撫。良回。即著督飭地方官加意撫綏。仍督率各營將弁。勦捕竄逆。毋任四散滋擾。河狄回匪。雖有就撫之說。其心反覆無常。萬難深恃。著恩麟加意嚴防。毋稍大意。平番回

匪竄入省北秦王川一帶。該處為產糧要區。省中民食所賴。陶茂林將靖遠大局布置定妥。即酌帶勁旅。先赴秦王川。會同恩麟所派之宣威各軍。殄滅竄匪。即赴平番助勦。以顧西路門戶。鞏昌望援日切。恩麟請令曹克忠率領全部。專顧鞏昌。俟該處賊匪蕩平。即與陶茂林合軍。規取河狄。曹克忠一軍。自蕭河城等處。勦撫兼施。現在應由何路進兵。能否令赴鞏昌之處。著都興阿。穆圖善。雷正綰。悉

心酌覈。一面奏聞。一面檄飭該總兵照辦。甯夏未復。匪勢正熾。都興阿。穆圖善。未能迅撥勁旅。援應平番。著恩麟懍遵正月二十九日所奉寄諭。責令黎猷調集兵勇。妥籌辦理。總須俟甯夏克復後。方能分兵兼顧。此時有陶茂林一軍前往。情形當可稍鬆。該護督惟當就各路現有兵力。妥籌辦法。無庸日事呼籲為也。另片奏。靈臺縣城被賊攻陷。劉蓉請將曹克忠全部十六營。留防邠長汧隴。該護督

請留曹克忠在甘省。專意勦匪。請飭劉蓉暫行就地籌防等情。靈臺被陷。旋經官軍克復。前此由甯州竄擾白吉原之匪。想即此股分竄。著劉蓉檄飭彭基品等。並雷正綰所派馬隊。迅將白吉原股匪奮力殄除。毋留餘孽。雷正綰前奏。曹克忠劄調洮州土司楊元璽兵馬隊一千名。到營助勦。能否得力之處。仍著隨時查明具奏。將此由六百里諭知都興阿。穆圖善。雷正綰。劉蓉。並傳諭陶茂林。恩麟。知

之。○以戶部左侍郎吳廷棟兼署吏部右侍郎。○以記名按察使王德榜為福建按察使。○以安徽甯國涇縣守城出力。賞總兵官易致中。蕭章開。一品封典。副將陳裕英。曹義勝。劉聲集。彭長春。陳世福。陳北春。周盈瑞。參將喻先達。陳秀林。楊清源。唐光輝。謝明月。宋慶興。遊擊陶定昇。巴圖魯名號參將湯兆雲等。花翎千總黃連陞等。藍翎餘加銜升敘開復有差。○以督修廣東省城礮臺。予協領王鎮

雄等升敘有差。○以廣東官軍援勦福建雲霄廳逆匪獲勝。賞遊擊何雲章。副將銜。○以廣東連山等處勦匪出力。賞道員張恆祥。二品封典。知州龍甘霖。參將李大有等。花翎通判馮寶封等。藍翎餘升敘有差。○以甘肅靖遠縣城解圍。賞提督張在德。一品封典。副將張定元。陶萬成。魯光明。遊擊常守仁。巴圖魯名號。守備劉裕升。花翎總兵官陶生林等。加銜升敘有差。予陣亡提督高餘慶。副將謝萬

年。遊擊王繼祥。守備吳南雲。千總陳策勲等。祭葬世職加等。○予廣東封川陣亡千總吳尚爵等。祭葬世職。○庚寅。浙江巡撫馬新貽奏。勘明海塘工程。現於翁家埠分設一局。派委前按察使段光清駐紮工所。監督一切。得旨。著即督飭段光清等。覈實勘估。認真興辦。務須工堅料實。不准有草率偷減之弊。以衛民生而革浮費。○予浙江各屬陣亡殉難同知陶定求等。紳民婦女一百四十員。名口分

別旌卹如例。○辛卯。諭內閣。劉蓉奏。甄別府廳州縣人員。請分別勸懲一摺。陝西榆林府知府劉廷鑑。貪利營私。行多詭詐。且有抽收釐稅。徵多報少等情事。捐升知府花培。貪鄙狡險。於前署韓城縣知縣任內。侵蝕捐輸。雜項銀一萬五千餘兩。那用倉糧二千七百餘石。以上二員。均著先行革職。聽候查辦。漢陰廳通判松齡。心地昏庸。嗜好深重。商州州同曾承忠。居心殘酷。貪得無厭。略陽縣知縣李

模。性情浮偽。專事鑽營。清澗縣知縣喬晉福。操守不潔。物議沸騰。候補知縣江震。氣質乖張。不堪造就。以上五員。均著卽行革職。膚施縣知縣涂殿。委靡不振。諸事廢弛。城固縣知縣程道源。心地糊塗。不知吏事。候補同知巴哈布。才識猥鄙。難膺民社。以上三員。均著勒令休致。候補同知徐鳳藻。聲名平常。與情不附。著以通判降補。歸部銓選。郃陽縣知縣懋德。心氣麤浮。不諳吏治。淳化縣知縣陳榮。

性情躁競。幕氣甚深。試用知縣李紹曾。神昏氣浮。識見鄙俗。以上三員。均著以府經歷縣丞降補。歸部銓選。典史謝人瑞。行止卑污。巡檢李郁垣。性貪才劣。以上二員。均著卽行革職。以示懲儆。所保之甯陝廳同知龔銜齡。著賞加道銜。富平縣知縣孫毓林。府谷縣知縣郎鶴鳴。均著以同知直隸州知州儘先補用。知縣濮斗銜。著賞加同知銜。知縣孔繁準。著賞加運同銜。諭議政王軍機大臣等。御史

汪朝榮奏。江甯常州兩府所屬各州縣。學宮大半被毀。現在地方新復。亟宜興建學宮。請飭設局勸捐。援照海塘捐輸新例請獎。仍照捐款加廣學額中額。並提用釐金。先為興建。將捐項歸款。另片奏。江蘇舊有紫陽正誼兩書院。官給膏火。並有官產沙田租籽。作為經費。請飭一併清理。冀復舊規等語。國家設立學校。原以端士習而正民風。現在江南地方。已臻底定。各州縣學宮。如有被賊焚毀者。自

當次第興修。據該御史奏稱。江甯常州兩府所屬學宮。大半被毀。亟應察度情形。及時修葺。惟兵燹之餘。民力彫敝。刻下一切善後事宜。應辦甚多。卽此興建學宮一項。工程經費。亦頗不少。自應先為籌畫。該御史所稱勸辦捐輸各節。是否可行。著曾國藩李鴻章。詳細酌度。會商妥議具奏。其書院舊有官產沙田。著李鴻章飭令該地方官妥為經理。並將紫陽正誼兩書院舊章。設法整頓。以副朝廷振

興文教至意。原摺片均著鈔給閱看。將此各諭令知之。○又諭。劉蓉奏。官軍進剿階州逆匪。疊勝。蹋平兩水等處賊壘。並將竄入股匪。追剿殆盡。一摺。另片奏。鮑超軍餉。陝省無力。協濟等語。蔡逆竄踞階州。負隅犄角。經官軍設法攻剿。移營進逼。絕其援應。斷其米糧。逆勢窮蹙。遽圖分股奔竄。以逞狡謀。復經蕭慶高。周達武等督率各軍奮勇剿殺。使踞逆不敢動移。逸賊悉遭俘馘。剿辦甚為得手。著胡中和懍遵前旨。統率三路援軍。乘此屢捷之威。掃除三官殿等處餘孽。攻拔堅城。殲渠擄穴。○劉蓉摺內奏稱。接據蕭慶高來函。謂於月底總可奏功等語。是逆勢困迫。已同檻獸釜魚。路秉章。劉蓉。胡中和。務當督令蕭慶高等同心協力。穩慎圍攻。毋令逆匪紛竄。功隳垂成。懍之慎之。其川省毗連甘境地方。並著路秉章。豫派兵勇。扼要駐紮。以資策應。○陝省兵燹之餘。賦稅支絀。劉蓉所奏。自係實在情形。

惟新疆地處沙漠。用兵首重轉運。必須陝西等省合力協濟。方無匱乏之虞。現在鮑超回川募勇出關。尚需時日。指顧階州事竣。即可斟酌情形。騰出餉銀。應鮑超西行之用。仍著劉蓉督飭藩司。豫籌接濟。每月可撥若干。酌定數目具奏。不得畏難推諉。致令他省效尤。貽誤大局。將此由六百里諭知路秉章。劉蓉。並傳諭胡中和知之。○補鑄陝西漢中鎮總兵官印信。從巡撫劉蓉請也。○予甘肅階州陣亡總兵官張怡輝。副將雷濟泰。都司鍾九思。童南山。千總李秉忠。蔡葬。世職加等。○賞廣東等省甲子科鄉試年老諸生蘇建仁等六十七人舉人副榜有差。○壬辰孝昭仁皇后忌辰。遣官祭景陵。○諭內閣。前因雷正綰奏。攻克固原州城。大獲勝仗。並攻克蕭河城等處逆壘。已明降諭旨宣示。現在甘肅大兵雲集。該逆敗潰之餘。尅日可期。殄滅惟念。回眾良莠不齊。其甘

心謀逆戕官踞城各犯屢抗天討荼毒閭閻實為國法所不容人心所共憤惟其中亦有安分良回或始終未入逆黨或被賊匪脅從天戈所指僅致玉石俱焚朝廷好生之心實所不忍著甘肅統兵各大員於大軍徑過各地方確切查明回民中如有結連善類固守堡寨與賊相持者即行獎勉拊循以資觀感其或迫於賊勢勉強附從大兵一臨或繳械投誠或捆獻首逆亦可曲加寬宥予以自新

該回民等食毛踐土數百年國家一視同仁與內地漢民原無區別各統兵大臣務當仰體朝廷法外施仁至意妥為辦理但分良莠不分漢回除積年巨慝法所不貸外其餘被脅人等果係真心效順即毋庸概予駢誅該回民等於就撫後各宜蕩穢滌瑕同安耕鑿該漢民亦須馴順安分共泯猜嫌如回漢各民嗣後再有挾私逞忿之舉朝廷必當盡法懲治不能屢邀寬典也又諭前因土默特

貝勒旗疏脫老頭會案內要犯恩合巴土等三名當經降旨將貝勒散巴勒諾爾贊等分別嚴議摘頂勒限嚴緝茲據額勒和布奏拏獲逸犯並訊明疏脫各情按律定擬一摺此案恩合巴土那木薩賚土們恩克均係老頭會著名頭目索詐官民傷斃人命並於在押脫逃後經該旗貝勒及鄉社等往捕輒敢糾眾抵拒槍斃馬夫教特薩爾扎布及村長張雲實屬罪大惡極恩合巴土一犯現經拏獲

旋因槍傷身死經額勒和布戮屍梟示實足以彰國憲而儆兇頑色勒布聽從恩合巴土用馬鞭責打塔布囊固那西里等並屢次隨同滋事喇嘛青巴土喇嘛吹拉克套道爾海諾爾布呢根新諾布彥土等均係隨同拒捕以上各犯均著照擬杖一百流三千里並著照刑例實發不准照蒙古例折枷內青巴土吹拉克二犯著先行剝黃均由理藩院定地改發湖廣福建交驛充當苦差色楚克並厄



布土及蒙婦拉几嗎或並未隨同拒捕或被  
偏跟同逃走情尚可原均著免其置議至看  
管疏脫之章京得瓦得勒克達爾瑪坤都桑  
保等四名於看管要犯私議輪替以致脫逃  
均著即行革職罰三九牲畜披甲巴達瑪桑  
堆未能小心看守均著革去披甲照例鞭責  
扎蘭哈斯布及鄉社官弁等均著照所請免  
其置議其案內之那木薩賚土們恩克嗎克  
薩爾各犯均係老頭會著名首惡豈容任令  
遠颺日久稽誅著額勒和布麒慶督飭貝勒  
散巴勒諾爾贊等迅即分路嚴緝限捕拏  
不准含糊了事儻日久無獲即著嚴行叅辦  
並一面咨行盛京將軍奉天府尹錦州副  
都統卓索圖盟長嚴飭地方文武並所屬蒙  
古各旗一體嚴拏務獲毋任漏網另片奏協  
理塔布囊揚桑阿梅倫那木薩賴扎布二員  
於恩合巴土脫逃時並未在旗請寬免摘頂  
處分等語所有揚桑阿那木薩賴扎布原桑

摘去頂戴之案著准其寬免 諭議政王軍  
機大臣等上年江甯克復後曾國荃因病陳  
請開缺回籍調理當經降旨令該撫病痊後  
即行來京陛見迄今已及半載該撫病體當  
可漸次就愈朝廷以該撫功績昭著且年力  
盛強正可藉資倚任著曾國藩傳知曾國荃  
如病已就痊即行來京陛見現當勤求治理  
需才孔亟之時該撫慎勿遽萌功成身退之  
志以副期望將此諭令知之 又諭富明阿  
從征有年受傷多處此次肅清皖北坐鎮淮  
南尤屬功績卓著茲以骸傷未愈步履維艱  
力請開缺該將軍老成重望朝廷倚畀方殷  
豈能遽允所請茲已賞假四箇月富明阿即  
可來京就醫其江甯將軍印務即交魁玉署  
理江甯地方新復旗營亟須整頓魁玉著即  
馳赴江甯體察情形將應辦各事宜次第妥  
辦以副委任將此各諭令知之 又諭額勒  
和布奏貝勒散巴勒諾爾贊於被參後帶兵

弋獲恩合巴土等尚知愧奮請將處分量予寬減扎奇魯克齊阿克東阿梅倫溫哲渾等前叅摘頂之案准予開復等語除將揚桑阿那木薩賴扎布已降旨准其開復頂帶外此案那木薩賚土們恩克等犯均係老頭會著名首惡現尚遠颺該貝勒等於交旗看管時並不小心守護以致巨慙脫逃豈得以恩合巴土被獲遽為乞恩所請將該貝勒等量減處分及開復之處著不准行仍著額勒和布

麒慶責令該貝勒等迅將該犯趕緊分路嚴拏儘能迅即弋獲尚可量予恩施若日久因循致令首惡稽誅不但不能幸邀寬典並當仍將該貝勒等從重治罪決不寬貸額勒和布另摺奏查訊奈受王旗解犯脫逃一摺此案情節紛歧經額勒和布節次研訊而兩造供詞各執該台吉蒙員等尤屬恃符狡展非將案內屢滋事端之劉悅青劉悅明謀死許坤案內之巴斯汰及劉悅青之戚張起搶差

之邢思寬等獲案質證不足以成信讞而折服該台吉蒙員之心且劉悅青等或挾嫌謀害或糾眾刦犯以致巨案拖延枝節叢生豈容幸逃法網著額勒和布麒慶剴飭該旗及朝陽建昌等縣趕將該犯按名嚴緝一面催提犯證務獲究辦以期水落石出額勒和布所請將此案交麒慶催提之處著不准行將此各諭令知之又諭雷正綰奏現籌進剿機宜分別良莠安插降回一摺固原地險城

堅甫經克復彈壓撫綏均關緊要雷正綰已派提督劉正高入城鎮撫著卽飭該提督慎固防守降回張保龍與陝省叛黨已成仇敵踴躍用命卽著飭令將挑出各壯丁作為前隊殺賊自效如能奮勇出力據實奏聞其各處乞撫回眾並著雷正綰分別良莠妥為安置總期恩威並濟毋貽後患目前逆鋒大挫正宜乘勢進取著雷正綰卽統帶各營由李旺堡同心城一帶節節偏勦並嚴飭派出之

提督譚玉龍等由黑城子一帶掃蕩而前。雷正綰務當穩慎進攻。與都興阿、穆圖善會攻甯靈。以收廓清之效。雷正綰奏稱河狄回尚斂跡。洮鞏軍勢亦覺稍安。擬飭曹克忠攻勦會甯。合軍北向。著都興阿、穆圖善、雷正綰妥籌調度。如令曹克忠聯絡北行。即飭令先將會甯。踞逆攻克。並將竄至鹽茶之陟逆殄除淨盡。合兵規取靈甯。或鞏昌待援尚急。亦著都興阿等體察緩急情形酌度辦理。陶茂林

一軍前曾諭令勦辦秦王川竄匪。後赴援平番。惟曹克忠之軍北向。則甘肅東南一帶空虛。如陶茂林能剋期將平番逆匪勦滅。即飭令回軍扼紮安會。居中控制。牽綴河狄。洮鞏賊勢相機進取。總之軍情萬變。瞬息不同。該將軍等必須通籌全局。庶不至顧此失彼。左絀右支也。雷正綰奏鹽茶一帶回民尚稱良懦。請分別良莠。勦撫兼施。本日已明降諭旨。剴切曉諭。即著雷正綰於接奉後刊刻謄黃。

出示招撫以釋猜疑而安反側。惟仍須隨時察看。不可草率遷就。貽患將來。將此由六百里各諭令知之。又諭勞崇光奏雲南官軍勦辦曲尋逆回。擒斬逆首迤東肅清一摺。據稱上年七月間。勞崇光派遊擊馮世興酌帶親兵練勇馳赴曲尋一帶。會同馬如龍等奮力進攻。連日殲斃逆回無算。先後將尋甸州、曲靖府城收復。並擒獲逆首馬榮馬聯升等。業將馬聯升在軍前正法。其馬榮一犯亦經

該督劄飭解赴雲南省城交署臬司宋廷春驗明正法。岑毓英馬如龍籌調兵練力。挫兇鋒。收復城池。督擒首犯均屬勇敢過人。請將馬如龍等仍照原請給獎等語。馬如龍等既據該督聲稱。此次肅清曲尋擒斬逆首。實係異常出力。自應量予獎敘。以昭激勸。本日已明降諭旨。照勞崇光所請給獎矣。滇省迤東現已肅清。即當檄飭諸軍進規大理。以目前時勢而論。亟須督撫大吏前赴滇中督辦。指

授機宜使各軍有所稟承事權既歸畫一始可迅歲全功如但委之岑毓英馬如龍等非但諸軍無所統壹且恐成尾大不掉之勢勞崇光身任雲貴總督責無旁貸且於馬如龍等均深信其可恃自必熟籌駕馭之方該督遠在黔垣僅能遙為控制不如進紮滇省於一切攻勦機宜可以就近籌度著勞崇光酌帶兵練剋期赴滇或於東昭兩府擇要駐紮或徑赴曲靖近控省垣均即迅速籌維相機

前進毋得稍涉遷延致員委任林鴻年簡任滇撫屢經諭令進紮東昭現在滇省東路疏通著林鴻年懍遵前旨剋日啟行毋再延緩並著駱秉章懍遵疊次寄諭迅籌餉銀數萬交林鴻年帶往並於唐友耕劉嶽昭所部兩軍悉心審度卽川省邊防緊要未能全行撤赴滇省或先抽撥數營隨林鴻年前往該督素顧大局必能不分畛域妥籌迅辦林鴻年亦不得藉口兵餉未裕仍行安坐川垣致誤

事機勞崇光林鴻年於滇省軍事總當和衷商辦不得因所奏各情互有歧異遂至稍涉齟齬馬如龍既係誠心效順何以臨安紳民所稟有率眾圍攻江川之說是否實有其事有無別故仍著勞崇光等隨時察看諭以大義飭令馬如龍蠲除私忿約束回眾毋許再啟釁端並可剴飭梁士美等告以馬如龍現既力圖自效即當與之同心協力進規迤西一意以殲除杜逆為事楊盛宗與馬如龍梁

士美等素均無忤並著該督等督飭楊盛宗與之聯絡會籌進攻馬如龍等此次已加優獎儻遷延疑貳有始無終仍著勞崇光據實叅辦勞崇光等如不能妥為駕馭致馬如龍等或生反側貽誤事機亦必治勞崇光以應得之罪懍之慎之將此由六百里各諭令知之又諭勞崇光張亮基奏籌辦黔省各屬軍務情形天柱縣城復失各摺片定番之匪由羅斛旁竄大塘直逼汎城經鄧爾吳等擊

敗該逆竄回壩芒老巢遵義號匪句結苗匪  
擾及正安州境官軍次第掃蕩餘匪現仍退  
回興義逆首張凌翔馬河圖業經正法郡城  
內外肅清新城貞豐匪勢已孤現經興義等  
府廳集練進攻該省到處皆賊雖據該督等  
奏稱各路疊有新獲亦止小有勝仗並未痛  
殄逆氛著勞崇光張亮基督飭派出官軍分  
路進攻次第肅清疆圍惟當實力勦辦底定  
邊陲不得一味敷衍粉飾養癰致貽無窮之

患平遠鎮甯郎岱等處竄匪句結黔西之賊  
闖入大定府城著勞崇光張亮基嚴檄知府  
畢大錫等軍將此股逆匪迅就殲除一面將  
該城文武下落迅速查明具奏清江台拱苗  
匪復出巢竄陷天柱縣城分為四股以兩股  
擾楚邊以兩股竄黎平古州髮匪又逸入永  
從楚軍以賊已出境全數撤回惟廣西楊廷  
桂一軍由古宜帶隊援勦兵力實形單薄著  
李瀚章石贊清抽撥勁旅前赴天柱一帶協

力會攻迅殲羣醜毋得稍分畛域勞崇光本  
日已諭令赴滇督辦軍務黔省勦匪事宜卽  
責成張亮基認真辦理以副委任林自清著  
准其署理安義鎮總兵能否得力仍著該督  
撫隨時察看將此由六百里諭知勞崇光張  
亮基李瀚章並傳諭石贊清知之又諭張  
亮基奏滇黔全局攸關額請酌撥江浙勁兵  
楚粵釐稅以圖大舉一摺據稱滇黔十年兵  
燹民命倒懸以現在而論滇匪猜攜自構機

有可乘黔匪脅從日多勢將轉熾惟及時而  
大舉庶息燄於燎原請抽撥東南得勝之師  
選擇將領力加掃蕩其廣東特設督辦之釐  
金與湖南東征局之餉款請分潤滇黔先為  
酌撥俟東南軍務告竣再以盡贍邊軍並派  
良將勁兵速抵黔省將苗敢之匪次第剪除  
然後併合黔師分臨滇境示以禍福喻以恩  
威自可覲覩潛消又安永慶等語滇黔慘遭  
蹂躪十有餘年誰非朝廷赤子豈忍坐視其

顛危而不一拯救惟以東南未盡蕩平西北尤關緊要是以徵兵籌餉不得不先清腹地再顧邊陲茲幸江浙肅清東南底定張亮基身任黔撫自不得不為滇黔籌畫曾國藩等前奏遣撤楚勇能否派員酌帶赴黔交張亮基調遣及各省釐金能否酌量先為分撥若干以資接濟之處著曾國藩李鴻章妥為區畫該大臣等向能不分畛域諒不以地屬邊陲稍存漠視原摺著鈔給閱看將此由六百

里各諭令知之 江甯將軍富明阿因病乞假以京口副都統魁玉署江甯將軍江甯副都統富陞署京口副都統 以雲南曲靖尋甸勒匪獲勝生擒首逆馬榮馬聯陞總兵官馬如龍道員岑毓英得旨嘉獎並賞巴圖魯名號餘升敘有差 以雲南克復楚雄等城出力賞都司楊英培等花翎同知岑毓祥等藍翎餘升敘有差 以貴州天柱縣城被匪窺陷革知縣謝承恩都司蔣開德職仍戴罪

效力予陣亡同知胡元英祭葬世職 予貴州興義陣亡都司徐定邦千總朱天貴祭葬世職加等 癸巳諭內閣步軍統領衙門奏請調員兼辦該衙門事務開單呈覽一摺兵部候補主事崇綺工部候補員外郎捐輸道員錫璋禮部候補員外郎報捐知府薩勒杭阿均著准其與各部院衙門保送之員一體帶領引見另片請調之已革安徽潁州府知府全陞亦著准其調赴該衙門效力至單內

所開禮部郎中啟秀一員前於咸豐年間調補步軍統領衙門郎中曾經該衙門咨回原衙門候補其不能得力已可概見如果該衙門為得人起見自必擇才能畧著之員指名調取何以輒將曾經咨回之員濫竽充數此端一開將來紛紛效尤恐無底止所請著不准行 又諭前經徐宗幹奏參代理晉江縣知縣陸誠縱容門丁藉索需索各情當將該縣先行革職勒將門丁交出嚴訊茲據徐宗

幹奏稱業經該革員提省訊問該革員竟以門丁陳榮卽陳紹和逃走未獲為詞並稱赴鄉辦案所帶鄉勇口糧亦令各鄉按日交門丁陳榮勻給等語此案該革員陸誠如無縱容門丁需索情事何以任其避匿該門丁亦何至畏罪潛逃其派敏勇糧既由該門丁經手而被叅後復不將門丁交出實屬有心徇庇陸誠著卽行革職永不敘用仍著徐宗幹押令留緝在逃之門丁陳榮卽陳紹和務獲

歸案嚴究懲辦毋稍寬縱諭議政王軍機大臣等左宗棠等奏福建官軍擊賊大勝一摺劉典王得榜等軍進剿汪逆疊破賊壘續獲大勝該逆痛哭逸去幾為官軍所獲劉明珠等軍扼漳平一路踴毀丁逆賊卡三座高連陞截勦漳州踞逆大獲勝捷李侍賢棄馬而逃其悍黨亡失殆盡現在汪逆勢窮圖與侍逆合股漳州南境地濱大海賊勢窘蹙難保不勾結洋人計圖入海左宗棠已飭提督

劉清亮率所部由同安徑趨石碼以保漳州東南一路令吳全美速雇紅單拖罾等船赴閩助勦以固海防所籌均極妥協著卽激勵各軍覘賊所向會師夾擊該逆大敗之餘其瞻已寒不難一鼓殄滅左宗棠當督飭劉典高連陞等分路布置務須就地殲除毋任他竄汪逆李逆逃往何處責令帶兵各將弁追截毋任合併一處郭松林一軍當已到閩著派令嚴扼海口並防其勾串洋人計圖竄逸

又成不了之局汀漳賊眾未盡勦除江西廣東之防仍不可一日或懈沈葆楨尚未回籍著飭令派出各軍認真防範毋稍鬆勁廣東所派出境助勦之方耀等軍著瑞麟郭嵩燾飭令會合閩軍痛殲餘逆潮州大埔一帶卽責成李福泰妥籌防勦以杜窺伺該逆既有入海之謀各海口均應一體防範並著瑞麟等督飭地方文武員弁悉心籌防儻被闖入定惟該地方官是問決不寬貸將此由六百

里各諭令知之。以記名總兵官朱洪章為湖南永州鎮總兵官。以侵餉婪贓福建知縣葉為霖革職逮問。以福建漳州等處勦賊獲勝賞提督高連陞參將余佑民巴圖魯名號擢軍功程學明以守備用並賞花翎餘升敘有差予陣亡副將哈必發祭葬世職加等軍功王福泰祭葬世職如守備例。予福建長泰殉難知縣陳疇陳士蘭祭葬世職。追予陝西臨潼殉難知縣繆樹本於死事地。

方暨原籍建立專祠妻張氏一併附祀。予江蘇江陰殉難監生蘇杞齡等紳民婦女五十一員名口分別旌卹如例。甲午遣官祭賢良祠。諭內閣沈桂芬奏請嚴禁種植罌粟等語。三農畎畝服勞以生九穀自宜專務稼穡藉為仰事俯育之資乃近年以來山西人民多以種植罌粟為業始而山坡地角偶爾試裁繼且沃壤腴田種植殆徧遂致產米愈少糧價增昂設遇收成歉薄之年民間儲

蓄毫無奚由得食著沈桂芬即行刊刻告示將種植罌粟嚴行禁止並著各直省督撫通飭所屬一律嚴禁俾小民服田力穡共慶有秋庶豐年有倉箱之積歉歲無匱乏之虞於國計民生均有裨益將此通諭知之。又諭前因給事中趙樹吉奏參四川川東道恆保私開鑪座盜鑄官銅提取書院公項藉兵差為名虧那庫帑且有夤緣得缺等情著達縣知縣李應觀將監生張聯陞斬決已革安岳

縣知縣李岳齡因索賄不遂將廩生張洪謨擬以斬候署中江縣知縣張嗣成杖責附生黃珍幾死署眉州知州劉彝德酷責廩生王化珩等署金堂縣知縣王樹桐杖斃生員署綿竹縣知縣王兆鵠勒捐侵吞各等款當交駱秉章分別確查審辦茲據奏稱或事出有因或查無其事請即擬結等語此案恆保前在瀘州任內滇局開鑪鑄錢有滇省委員經理恆保不能向鑪頭索費縱令偷減亦無可



盜銅私鑄局紳鄧雲驤等借領書院膏火生息錢文辦理防勒亦非恆保任內之事。至恆保任內因辦防提用公項銀兩已造冊報銷鄧雲驤等借領銀錢除就地籌還並經恆保墊解外餘欠無多應歸局紳彌補歸款其再署川東道缺係駱秉章因人地相宜委令前往署事並非實緣而得李應觀處斬革監張聯陞係因其謀殺張占汶復陰結匪黨潛謀刦獄是以將張聯陞就地正法並非因素詐

不遂所致李岳齡擅殺廩生張洪謨一款該縣並無廩生張洪謨其人惟有捐貢張洪庚卽張繩組因投匪從逆殘殺多命被害之家告發經駱秉章批交潼川府知府提審斬梟並非李岳齡所殺張嗣成因附生黃鉅藉團滋事被控詳革責懲並未杖之幾死王樹桐杖斃生員王兆儒侵吞捐款亦均查無其事以上各員均著無庸置議惟劉彝德於審斷甯友娃行竊李上林一案並不虛衷研鞫

輒聽信賊犯甯友娃狡飾之供擅將送賊之廩生王化珩等杖責實屬蘆辛劉彝德著交部議處陝西巡撫劉蓉奏遵查已革知州沈濟清在署郿州任內並無徵收商錢實緣署缺之事其轉運軍火餉項移緩就急均無貽誤應請開復從之以記名總兵官劉松山為甘肅肅州鎮總兵官以縱勇滋事甘肅軍營參將周思勝革職訊辦予甘肅階州陣亡副將蕭慶友等祭葬世職加等○予

陝西軍營病故甘肅肅州鎮總兵官何勝必祭葬卹廕諡威愍旌表守正捐軀直隸河間縣民胡得名妻孟氏展緩山西臨汾縣咸豐十年民欠額賦乙未諭議政王軍機大臣等麒慶奏接辦懇荒事宜酌改章程並熟荒升課情形請撥荒地補還驛站地面各摺片圍場荒地除業經放出一千四百九十二頃餘畝按照原定章程徵收租課外其左翼正黃正紅二旗原勘荒地五千五百餘

項現據該都統查明多係山谿林麓實勘不足三千頃且地瘠天寒收成歉薄擬照下則徵收章程分別等差折減勘放著即照所議辦理其已懇熟荒地方二百七十餘頃即著自三年分為始責令該佃戶等一律升課按限完齊毋任延抗至西爾嘎驛站所占之翁牛特旗地方業經安居年遠廬墓較多未便遷改該都統現擬以鑲黃旗界內色勒溝地畝七十八十頃補給著即派員勘放以示體恤

並隨時查禁附近居民毋任日久侵占致生弊竇將此諭令知之又諭丁曰健奏官軍勦滅全股踞逆並擒捕餘匪妥辦善後一摺前據曾元福奏巨逆洪椿彝斃全臺肅清當經諭令曾元福丁曰健督兵擒捕餘匪務絕根株現在洪璠又被擒獲匪黨洪懋古等均就殲戮是臺灣地方業已安定著曾元福丁曰健將善後一切事宜妥為籌辦並將逃散零匪悉數擒擒以期除惡務盡永奠民生漳

州賊氛雖挫尚未就殲深恐偷渡來臺勾結為患著曾元福丁曰健懍遵前旨實力巡查妥議防範毋稍疏虞左宗棠徐宗幹務當督飭將弁乘屢勝之威迅速攻復漳郡勦滅匪眾俾免日久蔓延將此由五百里諭知左宗棠徐宗幹並傳諭曾元福丁曰健知之以故圖謝圖汗扎薩克輔國公達什多爾濟子曼達爾瓦阿拉善輔國公色第布多爾濟弟阿玉爾扎那各襲爵派兵部尚書載齡倉

場侍郎宋晉前往天津驗收海運漕糧戶部左侍郎吳廷棟前往通州會同倉場侍郎鍾岱辦理驗收事宜以福建勦滅彰化內山踞逆賞守備鄭榮巴圖魯名號知府葉宗元都司張顯貴等花翎通判王修業等藍翎餘升敘開復有差

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十一

實錄卷一百三十一

甲

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十二

穆宗皇帝實錄卷一百三十二

穆宗皇帝實錄卷一百三十二

穆宗皇帝實錄卷一百三十二

穆宗皇帝實錄卷一百三十二

穆宗皇帝實錄卷一百三十二

穆宗皇帝實錄卷一百三十二

同治四年乙丑三月丙申朔

上詣綏履殿問

慈安皇太后安平安室問

慈禧皇太后安至甲子皆如之○御撫辰殿陳

帟帳閱侍衛步射翼日如之○諭議政王軍

機大臣等惠慶奏滿城危急請催關內大兵

星馳援應一摺逆回竄陷濟木薩古城兩綠

營後乘勢圍困滿城於上年十二月間北城

迤東突被地雷轟發角樓震圯城身幸未大

損該逆蜂擁撲城官軍力戰擊退其城垛震

傾之處經八旗老幼婦女多人幫同運送甄土乘間堵補完固該逆攻撲滿城勢甚鷙張亟須厚集兵力以資捍禦色普詩新統帶兵勇已由奇台取道赴古著卽剋期前進與惠慶聯絡防剿毋稍稽延楊岳斌當已部署起程著懍遵疊次寄諭迅帶新募勇丁赴甘肅賊並催令彭楚漢等將未經募足之勇趕緊招練陸續西發以便騰出穆圖善等軍出關聯捷前經令由山陝等省取道出關此時諒

已抵晉著於所調黑龍江官兵到時卽行統率星速進發不許藉詞逗遛前據崇恩常明慶明奎章扎拉芬等先後奏報願隨聯捷出關剿賊俱經降旨允准軍營事權必須統一始可師出有功所有崇恩常明慶明奎章扎拉芬各員均著歸聯捷節制一切軍營奏報並毋庸崇恩等列銜以免紛歧都興阿前派署總兵德祥帶兵千名前赴哈密扼剿此時行抵何處著都興阿等飛檄德祥迅速前行

鶴齡一軍如無須留防西甯卽可飭赴關外助剿並由都興阿等隨時酌度辦理古城旗營婦女竟能幫同運送甄土共保危城洵屬深明大義著惠慶加意拊循隨時獎勸並准酌加賞賚以固軍心古城待援急於星火色普詩新聯捷等務當體朝廷廑念邊陲之意剋日整隊進行儻再事遷延致誤軍事該大臣等自問當得何罪惠慶仍當激勵在城兵勇協力固守以待援軍毋稍疏懈將此由六

百里各諭令知之○引見正三品廕生左孝威得旨著加恩以主事用○西甯辦事大臣玉通奏擬保翎支惟殺賊立功及差派開導番回之員先行賞戴以勵觀感其餘均係奏明候旨並未一概率准得旨擬保花藍翎支已近百支之數不為不多既云允其覈定酌保又云並未一概率准語殊含糊該大臣雖係為鼓勵人心起見惟翎支為朝廷旌功之典豈可不待奏請率意賞給嗣後務須加意

慎重。仍懷遵疊次諭旨。與恩麟隨時和衷商辦。不得稍存意見。致負委任。○調正藍旗漢軍副都統穆隆阿為正白旗滿洲副都統。以馬蘭鎮總兵官文俊為正藍旗漢軍副都統。正紅旗蒙古副都統綿宜署正白旗滿洲副都統。○以前任直隸布政使文謙為馬蘭鎮總兵官。兼總管內務府大臣。○予古城陣亡防禦文緒祭葬世職。○丁酉諭內閣。前因已革提督田興恕濫殺多命。並被參各款。降旨

將田興恕革職。拏問。交張亮基等秉公嚴訊。定擬罪名。嗣據勞崇光張亮基奏。查明田興恕濫殺各款。並幕友張茂萱等劣蹟。分別定擬一摺。當經諭令總理各國事務衙門妥議具奏。茲據奏稱。田興恕等應得罪名。請卽照勞崇光等所擬。分別議結等語。此案田興恕任用匪人。多行私政。玩視軍務。又於無辜之傳教人文乃耳等。濫行殺斃多命。尤屬殘暴任性。據勞崇光等奏稱。應照二罪俱發。以重

者論之例。從重定擬。仍將連次恭逢恩赦例。應減等議罪之處。聲明請旨。田興恕著卽照勞崇光等所擬。發往新疆充當苦差。不准援免。並著迅速起解。毋任逗遛。革員張茂萱。卽張心培謝葆齡。以幕友濫膺保舉。攬權怙勢。貽害地方。慫恿田興恕種種妄為。獲罪甚重。均著發往新疆充當苦差。已革道員繆煥章。前署貴陽府知府。多文於田興恕。剛愎各情。曲為迎合。實屬荒謬。業經另案革職。均著永

不敘用。前署貴州巡撫韓超。於田興恕奉旨赴川。屢次瀆奏。請留實屬不諳政體。著交部議處。尋議韓超應照不應重杖八十律。降二級留任。得旨准其抵銷。○諭議政王軍機大臣等。前因勞崇光張亮基奏。審明已革貴州提督田興恕殺害教民一案。分別定擬一摺。當經諭令總理各國事務衙門議奏。茲據奏稱。田興恕等應得罪名。請卽照勞崇光等所擬。議結等語。本日已明降諭旨。將田興恕發

往新疆。不准援免。張茂萱卽張心培等分別定擬矣。田興恕種種妄為貽誤軍事實屬罪無可逭。卽置之重典亦所應得。惟因牽涉教民一案。恐其將來比例辦理又多棘手。是以從寬問擬。新疆已屬法外施仁。若不卽行起解。再令逗遛。必又多生枝節。田興恕現在是否羈禁秀山。抑已到省。著崇實駱秉章卽行派委委員。將該革員剋日起解。不得任其藉詞延宕。致干咎戾。張茂萱卽張心培謝葆齡

均著勞崇光等卽行派員起解。並著崇實駱秉章等將該革員等起解日期飛速奏報。不准稍涉稽延。餘著該督撫等妥為辦理。總理各國事務衙門原摺著鈔給閱看。將此由六百里各密諭知之。又諭文煜奏特參貽誤軍需之知縣請旨革職審訊一摺。據稱前撥京局火藥二萬斤。由山西委員王士福解赴慶陽。於行抵合水縣太白驛守候。耽延月餘。該縣竟置不理。經文煜派弁馬凱等雇

備驢羸前往。始行運回火藥一萬七千斤。其餘九千三百斤。據該縣封鍾琪稟稱。因匪眾猝至。經該縣家丁差役自行焚毀。情節支離。請將封鍾琪革職審訊等語。軍火為行軍要需。封鍾琪於運解過境時。並不趕緊護解。遷延一月。致遇賊氛。已屬藐玩。且劉蓉前奏據鄜州稟報。合水縣太白鎮存未起解之火藥。有被逆回掠劫情事。而該縣復藉口匪蹤猝至。自行焚毀。以圖掩飾。種種枝梧。顯而易見。

亟應嚴審根究。以重軍需。合水縣知縣封鍾琪著先行革職。交都興阿劉蓉嚴行審訊。立限賠補。儻有掩飾情弊。再行嚴參。從重治罪。山西委員外委王士福尚非有心玩誤。惟究係管解不力。著交部議處。將此各諭令知之。尋穆圖善奏。審明封鍾琪解運火藥實因回匪猝至。恐為賊有。自行焚毀。現如數賠繳。應請開復。從之。○戊戌上幸瀛臺。○奉

慈安皇太后

慈禧皇太后幸蘭室殿侍早膳○御紫光閣閱

侍衛騎射翼日如之○以神靈顯應加四川

峨嵋山

火神封號曰顯佑○諭內閣前因已革福建

詔安縣知縣錢寶懿於捐釐舞弊一案訊結

後輒復捏詞翻控牽涉道員汪如鑑等有索

費挾嫌各情當經降旨交英桂徐宗幹會同

訊究茲據奏稱錢寶懿前在詔安縣任內有

任意勒捐浮銷等情經道員汪如鑑密委方

壽鏡前往確查據實稟覆詳請奏叅革職該

革員於被叅後輒以委員有索借不遂並署

道員派送各費等情架詞妄稟現經訊明均

無其事請將錢寶懿從嚴懲辦等語此案錢

寶懿挾叅革之嫌捏詞誣揭實屬膽大妄為

若不從嚴懲辦何以肅吏治而儆效尤錢寶

懿著照英桂等所請從重發往軍臺效力贖

罪以懲刁頑其所控汪如鑑各節照例立案

不行仍另行訪查辦理委員候補知縣方壽

鏡被控索借查無實據著無庸議○諭議政

王軍機大臣等楊岳斌奏招勇業已成軍迅

卽督率赴甘一摺據稱總兵彭楚漢楊明海

等招募湘鄉衡山等處壯勇業已成軍各營

軍裝器械一律齊備現於二月十六日全行

抵省定於二十二二十四等日分作三

起由湘江水路取道湖北前進等語辦理尚

屬妥速卽著楊岳斌親督各軍迅速赴甘將

該省滋事各匪次第掃蕩以靖邊陲據該督

奏稱勇丁僅止五千不足原奏八千之數兵

貴精練不在數之多寡惟當勤加教練卽可

足資勦辦楊岳斌久諳軍事諒能剋期底定

以慰朝廷西顧之憂另片奏接據曾國藩函

稱東征局因金陵撤散勇丁回湘籌還欠餉

俟補足後擬於本月端節前停撤現在甘省

需餉浩繁請改為西征局一切章程照舊辦

理俟撤勇欠餉補清全歸楊岳斌軍營以作

西征軍士之費。並請飭下曾國藩等遵照辦理等語。東征局每年抽收釐金。約計七八十萬兩之多。東南現雖平定。而西北軍務方殷。楊岳斌抵甘後。都興阿穆圖善等軍。卽須出關勦辦。需餉均甚緊急。若將此項釐金移作西征之用。則楊岳斌等之軍。既克飽騰。而征勦關外之餉。亦可藉資轉運。於軍務大有裨益。官文曾國藩李瀚章素顧大局。卽著按照所奏各節。斟酌情形。妥籌辦理。迅速具奏。李

瀚章未到任以前。著石贊清認真籌辦。將此由六百里諭知官文曾國藩楊岳斌李瀚章。並傳諭石贊清知之。○又諭李雲麟奏西路梗塞。擬改道出口。並懇赴京請訓各摺片。現在新疆軍務緊要。正需人孔亟之際。李雲麟既簡授庫爾喀喇烏蘇領隊大臣。自應迅赴新任。效力戎行。陝甘路既未通。卽可改由北路行走。以期迅速。其口外應用勘合烏拉票等。本日業經諭令兵部等衙門迅速頒給矣。

李雲麟接到後。著卽剋日啟行。毋稍延緩。片奏內稱赴京請訓兼陳兵機緩急等語。該領隊大臣。如果於軍事機宜。確有所見。不妨隨時具摺陳奏。以備採擇。毋庸來京面陳。李雲麟係棄瑕錄用之員。惟當努力前進。奮志立功。以副委任。不可徒事侈談。毫無實際。再蹈前轍也。將此諭令知之。○補鑄江蘇蘇州府總捕同知常州府總捕通判丹陽縣儒學主簿吳塔東山馬蹟山高橋鍾溪下邳張渚湖

漢呂城鎮等巡檢各關防印信條記從巡撫李鴻章請也。○追予福建武平陣亡按察使張運蘭諡忠毅。總兵官賀國楨知縣沈田玉等祭葬。世職加等。副將尹定友等二十七員祭葬。世職均附祀張運蘭專祠。革守禦不力遊擊易培駿職。並逮問。○賞河南甲子科鄉試年老諸生白贊卿等六人舉人。己亥上奉  
慈安皇太后



慈禧皇太后幸春耦齋侍早膳○遣官祭

歷代帝王廟○諭議政王軍機大臣等林鴻年奏會籌進剿事宜並滇省軍務不宜再緩請飭趙煥聯赴滇提篆礙難帶往各摺片滇黔兩省軍務均關緊要現在迤東渠魁授首官兵正宜乘此機會專攻迤西回目楊振鵬擅攻臨安馬如龍等權勢日張亦宜分別勦辦裁抑林鴻年自宜速集兵勇進紮昭通籌辦軍務以資控制並著駱秉章遵照前奉諭旨於劉嶽昭唐友耕等所部酌量抽撥數營交林鴻年帶往滇省所需餉銀亦由駱秉章酌量緩急撥解以顧大局現在階州城池克復在即唐友耕俟階州克復後即著駱秉章飭令該提督統率全部移赴滇省屆時林鴻年即可將雲南提督印信交唐友耕接收臬司趙煥聯已諭令李瀚章等催令赴滇道員黃冕業經告病回籍應毋庸議前經諭令勞崇光由黔赴滇著即懍遵前旨迅往迤東擇

要駐紮與林鴻年會商軍務相機辦理毋得遷延觀望致誤戎機將此由六百里各諭令知之○又諭林鴻年奏雲南軍務緊要進兵不宜再緩惟餉需無出不得不作哀多益寡之計現在東南軍務漸定東征局餉銀可望騰那接濟請飭該省每月撥銀三萬兩合之前撥湖廣釐金每月可得五萬兩之數庶軍務藉得措手等語昨因楊岳斌奏甘省需餉浩繁請將東征局改為西征局藉資接濟當經諭令官文等斟酌妥辦此時滇中軍務未平紀綱廢弛非有督撫大員帶兵入滇相機勦撫不足挽回全局林鴻年現擬進紮昭東保全完善以期節節前進第餉項支絀寬後跋前仍恐於事無益官文曾國藩等素顧大局務當與吳昌壽李瀚章等各就本省情形於撥解西征餉銀外每月可以協解滇餉若干酌定數目迅速奏明辦理一面知照林鴻年源源解濟不得推諉不行亦不得遲延不

解致誤要需滇省地極險遠逆匪鴟張若非鉅餉贍軍必至中途坐困該督撫等務當同心協力共襄斯舉俾得勘定邊隅出斯民於水火李瀚章未到任以前卽著石贊清實力籌畫次第撥解毋得稍分畛域林鴻年另片奏請飭臬司趙煥聯赴任等語雲南臬司趙煥聯係熟嫻軍旅之員亟應趕緊赴滇經理軍事著李瀚章石贊清飭令趙煥聯迅赴林鴻年軍營聽候差委不准藉詞逗遛將此由

五百里諭知官文曾國藩吳昌壽李瀚章並傳諭石贊清知之○予浙江蘭谿殉難在籍知縣趙殿賓等紳民婦女十三員名口分別旌卹如例○予浙江各屬殉難生員范邦祚等紳民婦女二百六十九名口分別旌卹如例○命五城煮賑展期兩月○加賞普濟堂功德林煮賑小米二百石展期兩月○庚子諭議政王軍機大臣等都察院奏革員遣抱呈控大員一摺據稱已革知縣車汝震咸豐

二年由香河調任寶坻其時王榕吉任清苑令因前署香河令周啟稷任內虧空未清王榕吉函屬該革員代出正雜無虧冊結周啟稷立有欠券為憑嗣屢奉嚴催卽由車汝震那移代解致虧寶坻雜款銀二千餘兩降調後被叅查抄革職監追上年四月該革員欲稟總督奏辦經清苑令過錦雲勸阻許以給賄和息後因署令楊蔚本商同王榕吉親串劉錫穀借前署景州知州李麟遇浮存領贖

之款給該革員抵繳虧項該革員任內墊辦兵車款項與景州事同一律未經准銷恐有通謀侵蝕情事等語案關革員揭告離任上司函屬交代濫支款項各情虛實均應徹底根究著劉長佑提集人證案宗秉公研鞫據實具奏毋稍徇隱原呈著鈔給閱看將此諭令知之尋奏遵查車汝震以周啟稷借款牽涉交代係因王榕吉曾為作中以此挾制至李麟遇在景州任內墊辦各款奉部准銷並

非濫支該革員監追情急。砌詞妄控姑從寬免議報聞。○以撥運甯夏糧餉出力賞鄂爾多斯貝子扎那濟爾迪貝勒銜。○予福建漳州陣亡守備陳宗祥等祭葬世職。○辛丑諭議政王軍機大臣等前據張之萬奏賊由甯城上蔡遂平交界之五溝營等處南竄至汝甯城東。有由信陽竄楚之說。當經諭令僧格林沁督隊跟追。吳昌壽帶兵出省防剿。近日賊勢若何。久未據僧格林沁等奏報。此股賊匪究竟能否就地殲除。抑已竄越楚皖。著僧格林沁激勵各軍穩慎進攻。詹啟給一軍。諒已早到汝甯。現在軍勢賊情該親王務當迅速馳奏。以慰廑繫。賊眾駸駸南竄。吳昌壽當懷遵二月十九日寄諭。剋期帶兵出省。進至豫境。察看賊勢兜剿。並著督令成大吉等。一併出境會剿。以收夾擊之功。官文於省城防守事宜務須妥為經理。並嚴飭水陸諸軍。聽吳昌壽節制。不得稍有牽掣致誤戎機。劉銘

傳一軍多係淮勇皖勇精銳之師。利於馳擊。是否仍紮三河尖地方。現既不令赴閩。即當責令剿滅。此股捻逆著曾國藩李鴻章傳知該提督整頓隊伍。如賊近皖境。即令其實力勦洗。如賊在楚豫。即檄令越境迎剿。聽候僧格林沁調遣。僧格林沁之兵轉戰經年疲勞過甚。正宜駐於平原曠野地方蓄養銳氣。凡山徑崎嶇數澤低窪處所。斷不可再行冒險前進。且該大臣但須指揮調度。使各路將士合力進剿。賊股即可殄滅。亦豈可身臨前敵致蹈危機。張之萬於省城防守及地方應辦事宜。諒已布置妥協。並著探悉汝防軍情。隨時奏報。以聞。將此由六百里各諭令知之。○又諭恩麟等奏。按捕靖遠回匪。撥兵分路防剿。蕭河城回民乞降各摺。靖遠餘賊竄路郭城驛等處。經陶茂林督飭官軍分路進剿。將郭城驛附近路匪。按除殆盡。焚毀中灘賊巢。攻克李家原。進取小白草原。殲匪甚眾。生

擒悍賊馬幅兒等數十名。訊明正法。勦辦尚為迅速。靖遠新城堡。會甯王家集。處處有賊盤踞。陶茂林等酌留三營。扼紮金縣。以顧東路。派黃超羣一軍。防堵平番要路。以通省西咽喉。兼防河狄。該提督卽由靖會一帶進勦。所籌均尚周妥。卽著陶茂林親督各軍。將新城堡等處賊匪。節節進勦。掃蕩而前。迅殲醜類。固原餘逆。恐蔓延會甯等處。曹克忠現在整隊西行。應如何進勦之處。著雷正綰陶茂

林懍遵前旨。妥籌調度。蕭河城回眾乞降。旣據恩麟奏稱。蘇上達本係王大桂舊部。赫明堂亦是上次隨同張保龍投順之人。或誠心向善。亦未可知。等語。卽著恩麟督飭曹克忠嚴密防範。妥為辦理。毋得掉以輕心。致為該逆所給。曹克忠一軍。本未令其赴陝。著恩麟咨會該總兵實力勦辦。迅殄回氛。廓清甘境。陶茂林曹克忠自入甘以來。勇往殺賊。疊著戰功。朝廷深資倚任。一俟全甘肅清。定當再

加懋賞。將此由六百里諭知雷正綰。並傳諭陶茂林恩麟知之。○又諭恩麟奏遵籌派赴新疆援軍。應需糧餉一摺。甘省用兵歲久。民力彫敝。糧餉支絀。新疆援軍所需糧料車駝等項。該省未能兼顧。尚屬實在情形。四川等省距甘較近。轉輸自易。為力著駱秉章閻敬銘張之萬劉蓉按月各籌撥銀四五萬兩。遴派妥員。星速解赴甘省。以備新疆援師糧餉之用。此係指撥緊要款項。各該省無論如何

為難。暨有無欠解甘餉。均須一體迅為籌撥。不得藉詞宕延。致誤軍食。其山西省暨河東道欠解協甘餉銀。並著沈桂芬迅速查明。除業經解赴慶陽糧臺及甘省外。其未解之款。尚有若干。卽飭藩司及河東道迅行解交。源源接濟。毋再玩延。至各該省撥解銀兩。如欠有甘餉省分。卽將此次所撥之項。照數劃抵。如並無欠解甘餉省分。並准在鄰近欠解各省按數撥還。將此由五百里各諭令知之。○

又諭恩麟等奏甘省待餉萬分緊急請飭四川山西兩省將甘肅委員所收捐項由各該省督撫就近具奏陸續解甘等語甘省軍餉浩繁熙麟等前請分派委員前赴四川山西兩省設局收捐以濟急需惟此時缺餉已久晉蜀兩省距甘窩遙若甘省委員收捐之項必仍令詳報甘省彙辦不但公文往返有需時日且恐各捐生未能立時奏獎不免觀望遲疑恩麟所奏自是實在情形亟應變通辦

理以廣招徠著駱秉章沈桂芬飭令甘肅派赴各該省勸捐局員就近將捐數詳報卽由各該省督撫隨時具奏一面收集銀兩陸續解甘庶於軍餉大有裨益將此由五百里各諭令知之○命大學士賈楨為會試正考官戶部尚書寶鋆刑部右侍郎譚廷襄內閣學士桑春榮為副考官○以工部尚書文祥兼署戶部尚書工部左侍郎黃倬兼署刑部右侍郎刑部左侍郎王發桂暫署兵部右侍郎

兵部左侍郎畢道遠兼署禮部右侍郎都察院左副都御史恆恩署工部右侍郎管錢法堂事○以正藍旗蒙古都統倭什琿布兼署鑲藍旗滿洲都統鑲紅旗滿洲都統綿森暫署正白旗滿洲都統鑲黃旗滿洲副都統克興阿兼署鑲藍旗漢軍副都統○壬寅諭內閣劉長佑奏未結命盜案件請分別勒限審結一摺各州縣審辦命盜案件定例均有限期卽各上司審勘覈轉亦皆有定限不容逾

違近年直隸因辦理軍需不特州縣支應防堵事務紛繁難免顧此失彼卽各上司提勘轉解亦有未能兼顧之勢以致案牘積壓頭緒繁多若非分限清釐何以除積弊而重民命著照所請所有同治四年以前未結之案著該督飭屬據實開報分別勒限審擬詳結如實係展轉接審或要證不齊遲延有因者准其寬免處分飭令趕緊清理審結儻查有無故拖延易結不結以致人犯久羈拖累無

章者。卽著照例參處。以儆疲玩。其同治四年正月以後報官獲犯之案。著作為新案。該督卽飭令承審委審審轉各員。恪遵定例。依限訊解。不准再有稽延。藉詞扣展。並著督飭臬司認真考覈。如有怠玩廢弛。積案不辦者。卽著隨時奏參。並著各直省督撫通飭所屬。凡承審命盜案件及自理詞訟。無論原審接審委審之員。悉遵定限審辦。分別解勘完結。毋得狃於積習。任令宕延。以副朝廷整飭紀綱。

欽恤庶獄之至意。○又諭雷正綰奏請開復革員袁懷忠永不敘用處分等語。已革知府袁懷忠前經李續宜以該員夤緣干進等語奏參。復經鄭元善查奏該員習染油滑。曾經降旨將袁懷忠革職永不敘用。該提督所請將該革員開復永不敘用仍留革職處分之處。著不准行。○諭軍機大臣等。本日據雷正綰奏請將已革知府袁懷忠開復永不敘用。仍留革職處分。已明降諭旨。不准開復。永不

敘用矣。此次克復蓮花城賊巢等處。雖著戰功。深恐留營日久。故智復萌。未免有妨營務。卽著雷正綰將袁懷忠迅卽驅逐出營。不准逗遛。該革員所部兵勇數百。名著雷正綰另行遴派員弁妥為管帶。雷正綰於克復固原以後。由李旺堡同心城一帶節節進剿。現在想已統兵前進。卽著仍遵前旨穩慎進取。與都興阿等會攻甯靈。廓清邊圉。毋稍延緩。現在甘省各路官兵進剿情形。著雷正綰隨時

馳奏。以聞。將此由六百里諭令知之。○命恭親王毋庸在軍機處議政。並撤一切差使。○以甘肅攻克張家川等處賊巢出力。賞副將陳正藻黃得祥由玉陞參將汪有湘李華訓。遊擊屠萬泰程加良胡日盛巴圖魯名號。遊擊穎大德等花翎。都司鶴齡等藍翎。餘加銜升敘。開復有差。予陣亡參將楊宗德等八十一員祭葬世職加等。○予甘肅泰州被戕典史劉芳祭葬世職加等。○旌表守正捐軀陝

西郿縣民婦屈劉氏○癸卯諭軍機大臣等御史朱鎮奏金陵克復已久善後事宜亟應認真辦理一摺據稱江甯收復後裁撤兵勇占據民房把持貿易甚至晝夜竊奪白晝橫行若非遣散回籍大為民患宜飭妥為籌畫遣散歸農近來章程難民田宅必須執有契據方准領取其無契據者必待二年後方准承領准領之戶又勒繳修屋銀兩並有聽候踴勘數月之久仍不發還者遲延日久百姓

易致流亡宜飭妥議章程早與給領難民返里初尚設局收養以經費不支不逾月而罷以致小民轉徙溝壑宜飭速籌經費設局收養各項貿易俱為楚勇占據且釐局繁多私立者尤復不少以致諸商裹足宜飭酌撤釐卡以廣招徠各等語江甯善後事宜疊經諭令曾國藩等妥速籌辦若如該御史所奏是現在雖設數局仍屬有名無實且恐所用非人更滋擾累著曾國藩按照所陳各節妥議

章程認真籌辦以蘇民困毋得稍事遲延致貽後患原摺著鈔給閱看將此諭令知之○又諭本日據張之萬奏賊竄信陽並賊復折竄北向現籌布置各摺片官文等奏吳昌壽督兵出省一摺賊由正羅各屬南竄經兵勇民團追剿堵截徑向北竄陳國瑞追擊於確山城東大獲勝仗此次張之萬奏陳國瑞帶兵攻剿殺賊二千有奇奪馬二三百匹係逃出難民供稱尚未接僧格林沁咨會如果屬

實自係甚為得力陳國瑞現在所部究有若干兵勇及出力戰狀僧格林沁查明即可奏請恩施以示獎勵而資鼓舞賊由遂平西平等處擾及郟城日向北趨僧格林沁傳令各隊跟追不得繞出賊前由北過截自係因北面地勢平曠馬隊得以馳騁易於奏功惟北路空虛而賊蹤飄忽如地近平原仍須檄飭各路進兵繞前過截以杜北竄汴省無兵可撥省垣以南各州縣即著張之萬嚴檄該牧



令布置城守督飭各屬認真團練為堅壁清野之計一面將省城防守事務速行籌辦黃河緊要渡口亦當迅籌防守毋稍疏虞河北一帶團防事宜著張之萬責成各該州縣迅速興辦所有鎮道等防守要隘兵勇並著嚴飭備齊不至臨期貽誤是為至要直東一帶交界地方前經各該督撫遵旨派有兵勇防守仍著僧格林沁偵探賊情隨時迅速知照各該省飭令帶兵將弁迎頭截擊萬不可令

其竄入直東境內致逆勢益形滋蔓官文等所奏水陸防堵情形布置尚為嚴密此時賊已北趨吳昌壽駐紮黃州距賊較遠著即督率楚軍越境追至豫疆如賊匪折回南趨亦可迎頭截剿並著官文籌畫餉需源源接濟所有楚北各軍即著統歸吳昌壽調遣吳昌壽抵豫後即著隨同僧格林沁合力攻剿聽候進止機宜不得稍分畛域所有楚邊防務仍著官文吳昌壽嚴密防堵毋任賊蹤復行

竄入將此由六百里各諭令知之○又諭官文奏提督鮑超到鄂起程回川籌辦西征事宜一摺前因新疆回氛日熾疊經諭令鮑超整隊出關該提督現已由鄂赴川料理葬親事畢即可部署起程惟派員分赴北口廣東採買馬匹洋槍等項並回川招募勇丁需費甚鉅著駱秉章先行籌款撥濟俾得及早成行不得藉詞推諉至鮑超一軍啟行後每月所需餉項前經諭令湖北等省督撫酌定數

目奏明撥解僅據沈桂芬奏撥地丁銀十萬兩陸續批解其餘尚無確數將來全軍西行若非籌定月餉源源接濟必至貽誤軍行楊岳斌前請以東征局釐金移作西征之用業經諭令官文等斟酌籌辦仍著官文俟楊岳斌抵鄂後與之熟商應如何酌量分撥俾鮑超一軍得此有著之款庶期士飽馬騰勦辦不至棘手官文楊岳斌素顧大局諒必能妥籌辦理也甘肅自固原克復雷正綰陶茂林



等軍分投進剿軍威甚振鮑超抵甘後如果出關之路已通即可徑赴哈密剋期進剿以期迅殄逆氛不必俟甘省全行肅清再行前進致關外望援孔迫也鮑超回籍以後所有籌備西征一切情形並准其專摺奏報該提督當奮勉圖功以副委任將此由五百里諭知官文駱秉章楊岳斌並傳諭鮑超知之○又諭瑞雲奏涼州郡城內外逆回變亂剿除淨盡一摺涼州回匪結連營中回官謀逆焚

燒關廟攻撲郡城經瑞雲督飭涼州滿漢文武員弁及紳民團勇人等協力截剿鏟除殆盡辦理尚屬周妥前據恩麟奏平番撲城回匪擊勒漸退城圍稍解大股仍在城外十里二十里地方盤踞當經諭令陶茂林馳赴秦王川會同恩麟所派之宣威等營合力進剿平番距涼州並不甚遠設賊匪被擊北竄涼州郡城居回甚眾入伍食糧亦多回兵設再勾結煽亂關係非輕著瑞雲仍飭派出兵勇

搜捕餘匪以淨根株並令在事文武將回眾回兵妥為撫輯彈壓毋令滋生事端其平番一帶賊匪著恩麟陶茂林懍遵前旨嚴飭兵勇迅圖掃蕩以期早日肅事毋任蔓延將此由六百里諭知瑞雲並傳諭恩麟陶茂林知之○以鑲黃旗滿洲副都統崇綸署鑲紅旗護軍統領○調湖北宜昌鎮總兵官楊朝林為鄖陽鎮總兵官鄖陽鎮總兵官安貴為宜昌鎮總兵官○以河南鄧州守城出力賞守

備趙鳳春花翎州同陳紹奎等藍翎餘加銜升敘有差○以甘肅涼州截剿逆回獲勝賞佐領他蒙阿等花翎驍騎校額爾賡額等藍翎予協領圖明額等升敘有差○予河南信陽陣亡遊擊胡得勝等祭葬世職加等○甲辰諭軍機大臣等駱秉章奏遵覆鮑超回川募勇所需經費川省無款可籌一摺昨據官文奏鮑超業已抵鄂起程回川現派員分赴北口廣東採買馬匹洋槍等項並回川募勇

需費甚鉅。曾諭令駱秉章先行籌款撥濟。茲覽該督所奏。川省庫款本屬入不敷出。現在攻勦階州月餉。及此後尚須籌辦滇黔之事。餉源既絀。出款愈多。鮑超募勇經費。專恃川省籌解。實屬無款可籌等語。自係實在情形。伊犁軍事。望援孔迫。鮑超一軍。自不能俟甘省肅清。始行出關。該提督所部一萬餘人。將來甘肅稍鬆。尚可於在甘勦賊兵勇內。就近分撥出關。駱秉章自可無庸再行撥兵助勦。

其月餉業已於東征局籌畫。諒官文等亦必能妥籌協濟。惟該提督募勇經費。及採買馬匹洋槍等項。需費甚繁。駱秉章自當勉力籌濟。以期及早成軍。剋日啟行。解關外倒懸之厄。該督素顧大局。諒能不分畛域。著仍遵本月初八日寄諭。將鮑超一軍所需軍裝器械。及一應購買馬匹之需。妥速籌款。俾利進行。其鶴齡所帶川勇。前已諭知都興阿飭令出關。改赴哈密防勦矣。將此由五百里諭令知

之○以鑲黃旗漢軍都統春佑署正白旗漢軍都統○乙巳清明節

上詣

奉先殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

文宗顯皇帝

孝德顯皇后暫安寢殿○遣官祭

端慧皇太子園寢○祭

先蠶之神遣總管內務府大臣明善行禮○

諭內閣此次庶吉士散館著用策論考試○

諭軍機大臣等閭敬銘奏豫匪突入東境調

兵迎剿並布置情形一摺前日據張之萬奏

稱賊由遂平西平等處繞及郛城日向北趨

當以北路空虛賊蹤飄忽諭令僧格林沁繞

前進擊何以數日之間曹州單縣定陶城武

荷澤鄆城鉅野金鄉濟甯均有騎馬賊匪蔓

延或數十人或一二百人不等東境既有防

兵何以任令闖入漫無準備僧格林沁不肯

截其北竄之路致令擾及完善措置殊未合

宜著僧格林沁卽行統領馬隊追剿嚴扼北

犯之路會合山東防兵將曹濟各屬馬賊一

律削平毋任再肆延蔓丁寶楨已派參將宋

延德先往截擊該藩司既在曹單交界之清

堽集居中駐紮卽著閭敬銘飭令趕緊調派

兵弁認真剿捕該撫以丁寶楨勇隊無多慮

其不敷分布已飛調總兵保德帶領前挑兵

一千名追擊並調范正坦等帶兵前往濟甯

東平等處剿辦均著嚴飭該總兵等實力剿

洗省城防務並須妥為布置毋稍大意直隸

東明長垣一帶與曹考接壤劉長佑前次備

調之各起兵勇著卽調赴大名等處嚴為防

備如須出省布置並著酌度情形妥為辦理

直隸現存馬步共有若干名數遇便奏聞僧

格林沁帶兵北向著吳昌壽遵照疊次諭旨

帶兵直抵豫境為僧格林沁接替之軍迅將

豫省餘匪奮力剿除不得稍分畛域此股賊

匪飄忽而來究係何處股匪是否有宋景詩

在內著僧格林沁閭敬銘查明具奏張之萬

於吳昌壽到豫時飭令各營兵勇聽候調遣

兼令各州縣整飭團練同心滅賊並嚴飭河

北鎮道加意嚴密防守。以靖地方。汴省防務。仍著妥籌辦理。毋稍疏懈。將此由六百里加緊各諭令知之。○又諭沈葆楨奏閩賊去江日遠。交卸起程回籍一摺。沈葆楨前以福建康逆竄至白沙。於給假之後。仍暫緩起程。現因白沙之賊歸併漳郡。直趨海隅。去江甚遠。該撫已於三月初一日交卸。由江起程。並令婁雲慶統所部由會昌前進武平。劉勝祥移紮瑞金。贛南防務。責成席寶田會商各軍。相

機辦理。如逆蹤回竄。該撫仍擬星馳回江。足見體國公忠。能顧大局。惟江省兵燹之餘。一切軍事吏治。刻刻需人整理。如軍情稍緊。該撫固須迅卽回江。卽閩省逆勢日衰。無虞回竄。亦當無庸拘泥假滿。早行回任。以慰馳廑。另摺奏參剋扣勇糧之霆營大員。請旨懲辦等語。鮑超所部霆營。現在料理西征。而該營分統之記名提督譚勝達。總兵周有勝。竟敢將所發餉銀。捏開名目。多方剋扣。以致合營

鼓譟。幾成大變。本當按照軍法立置重典。惟據該撫奏稱該員等均身經百戰。屢著奇功。從寬暫允所請。記名提督譚勝達。提督銜記名總兵周有勝。均著一併革職。發往鮑超軍營。效力贖罪。並著該撫咨行鮑超。如該革員等到營後。仍萌故態。或不得力。卽行按照軍法從事。毋稍姑息。記名提督直隸宣化鎮總兵宋國永。失於覺察。咎亦難辭。仍著交部照例議處。其霆營弁勇為首滋事之人。著飭宋

國永不動聲色。密行拏辦。以儆刁風。該撫密陳片一件。已交軍機處存記。將此由五百里諭令知之。○又諭楊岳斌奏帶勇起程日期。請派員總理後路糧臺一摺。據奏彭楚漢等率領募勇。已於二月二十二二十四等日。分起啟行。該督定於二十八日就道。卽著兼程前進。迅速赴甘。次第掃蕩賊氛。以副委任。惟軍旅遠行。糧餉至為緊要。該督統師進剿。於經理糧餉。勢難兼顧。必須在後路設立

糧臺派員總理方可妥籌周轉無誤師行。既據該督奏稱前任江西布政使李桓才識明敏。卽著楊岳斌檄飭該藩司總理各省協餉事務。於湖北適中之地設立後路糧臺。凡楊岳斌軍營督餉一切事宜均歸該員酌辦。以專責成。並著楊岳斌咨行協餉各省分督撫知悉一體遵辦。楊岳斌接奉此旨。卽酌帶親兵星馳前赴蘭州省城。不必專督後隊致涉遲緩。將此由五百里諭令知之。○又諭。明緒

奏請調東省勁旅出關剿賊。錫霖等奏遵旨籌防。暨錫霖奏因病懇請開缺一摺。現在吉林等處存防兵數無多。勢難再行抽調。應毋庸議。伊犁各城待援甚急。前經疊諭移圖善侯甯夏軍務稍鬆。卽行統軍出關。並經都興阿等派署肅州鎮總兵德祥帶兵一千名。前赴哈密。其川省派援之鶴齡一軍亦經諭令改往哈密一帶防剿。此時計均可出關。著明緒飛檄德祥等軍。迅將哈密等處回匪剿

除。卽可直達庫爾喀喇烏蘇漸次西下。明緒仍當激勵存城兵勇。妥籌防剿。以待援兵。並隨時偵探巴燕岱城防情形。妥為兼顧。塔城防務亦關緊要。錫霖輒以舊疾復發。懇請開缺回旗。顯係意存諉卸。錫霖著卽開塔爾巴哈台參贊大臣之缺。由明緒調赴伊犁聽候差委。不准藉故遷延。所遺塔爾巴哈台參贊大臣著武隆額馳往署理。塔城車排子地方人民慌亂。土爾扈特相近之海沿一帶並有

遣勇數百名肆行滋擾。綏來縣回匪亦竄至大小拐一帶。距塔城不過百餘里。錫霖派令委營長穆隆阿會同台吉特古斯蒙古官兵嚴密防守。卽著武隆額迅赴塔城。飭派派出各軍慎防要隘。錫霖飭就近住牧之哈薩克台吉挑選阿勒巴圖數千名備調。為數太多。著卽妥籌鎮壓。毋任境外匪徒勾結滋事。塔城回眾向稱良善。武隆額到署任後。卽督飭署參將米慶等妥為撫輯。曉諭回眾。毋為

浮言所搖。伊城帶兵需員。博勒果素已於上年十二月調任伊犂領隊。著俟武隆額到塔後。酌帶兵練。馳赴伊垣。會同明緒相機進剿。塔爾巴哈台領隊大臣印務。即交圖庫爾接辦。將此由六百里各諭令知之。○命惇親王管欽天監算學事。○以肅親王華豐為內大臣。○調正紅旗滿洲都統醇郡王為正黃旗滿洲都統。○以鑲紅旗蒙古都統景壽為閱兵大臣。○以協辦大學士吏部尚書瑞常兼總管內務府大臣。○命正紅旗蒙古都統奕山總理行營事務。○以塔爾巴哈台撫輯回眾。賞署參將米慶等花翎。

大清穆宗繼天開運受中居正保大定功聖智誠孝信敏恭寬毅皇帝實錄卷之一百三十二

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十三

敘

同治四年乙丑三月丙午

孝賢純皇后忌辰遣官祭

裕陵○諭內閣前據左宗棠奏查明已革浙江  
按察使李元度叅款當降旨交刑部分別情  
罪定擬具奏嗣據該部議定罪名請將該革  
員發往軍臺效力贖罪亦經降旨照准茲據  
沈葆楨李鴻章奏稱李元度後此雖有可議  
之罪前此究有不可掩之功將該革員事蹟  
臚列呈覽並聲稱李元度之母撫孤守節年  
已七旬家無次丁情實可憫懇請免其發遣

等語著刑部再行覈議具奏○又諭前因御  
史陳廷經奏叅湖北布政使厲雲官聲名狼  
藉巧於逢迎各款當經諭令官文等嚴查叅  
辦茲據官文吳昌壽奏稱查明厲雲官性情  
耿介不避嫌怨並非善於逢迎此案既經該  
督等查明均無其事著無庸議官文等請飭  
該員補行回籍守制之處著照所請厲雲官  
卽著開缺回籍守制並著官文等飭令該員  
將經手事件趕緊清釐以便迅速起程○諭

軍機大臣等扎克當阿伯錫爾奏暫行政道  
疏通餉運並招募民勇防守哈密各摺片現  
在古城一帶賊勢甚熾哈密為東路咽喉防  
守最關緊要前經戶部奏撥之山西山東河  
南等省餉銀均由北路轉解既據扎克當阿  
等查明肅州所屬草地可達歸綏著沈桂芬  
卽將各省解到之餉及山西應解餉銀酌撥  
數萬兩解至綏遠城德勒克多爾濟卽將此  
項銀兩發交甘肅委員解回肅州轉運出關

以資接濟。並著都興阿、恩麟飭令安肅道派員迎提妥為護送。其應由安肅道庫轉運之四川欠解銀十六萬兩。如有解到。卽著都興阿、恩麟趕緊設法轉解出關。不得擅行截留。前諭都興阿等催令德祥帶兵前赴哈密。並酌調鶴齡一軍出關。仍著都興阿飭令迅速前進。扎克當阿、伯錫爾於此項官兵到後。卽可酌度情形。會籌防剿。總期與巴里坤聯絡聲勢。互相策應。以固東面藩籬。扎克當阿等

所募民勇一千餘名。卽著認真訓練。以資協助。惟招募之人。良莠不齊。誠恐有奸匪潛跡在內。總當隨時防範。不可大意。將此由六百里諭知都興阿、德勒克多爾濟、沈桂芬、扎克當阿、伯錫爾。並傳諭恩麟知之。○江蘇巡撫李鴻章奏郭松林等援閩之軍。應由廈門進兵。得旨。卽著密飭於到廈後。察酌賊勢。進取先截其窺伺海濱之路。如賊股竄粵。卽著奮力跟追。與閩師奮攻。以收夾擊之效。潮州一

帶該撫卽咨明廣東督撫。厚集兵力。水陸嚴防。以期有備無患。○以故扎薩克圖汗、扎薩克鎮國公、岡當多爾濟子阿玉爾色德、丹占扎木楚襲爵。○以肅親王華豐為宗人府宗令。○調正黃旗蒙古都統義道為正紅旗滿洲都統。以鑲白旗滿洲副都統載容為正黃旗蒙古都統。○以巴里坤綠營官兵勦匪獲勝。予千總芮林等以守備用。並賞花翎。把總劉光輝等藍翎。餘加銜有差。○予江蘇陽湖

合門殉難監生趙學伊暨家屬人等四十二名口分別旌卹如例。並建專祠。○丁未。欽奉慈安皇太后慈禧皇太后懿旨。所有皇帝讀書課程及弘德殿一切事務。均著醇郡王總司稽查。用昭慎重。○命惇親王管雍和宮事。鍾郡王管中正殿事。孚郡王管武英殿事。○以豫親王義道為宗人府左宗正。○調右翼前鋒統領基溥為左翼前鋒統領。正



白旗護軍統領托雲為右翼前鋒統領○調正白旗漢軍副都統何永安為鑲白旗滿洲副都統以正白旗滿洲副都統穆隆阿署正黃旗滿洲副都統○以安徽按察使何璟為湖北布政使○以深明大義力保危城賞前任江西廣信府知府鍾世楨母王氏二品封典並賜扁額曰歲寒松柏○以江西克復新城等城出力賞提督龍萬貴江上喜總兵官曹福勝一品封典提督徐生德鄭喬隆總兵

官王高來參將李昌連巴圖魯名號知府楊鐸遊擊張祖恩等花翎知州鄒泗鍾等藍翎餘加銜升敘開復有差○以江西克復金谿縣城出力賞參將陳柏貴巴圖魯名號都司蘇元章等花翎把總徐金友等藍翎予總兵官邊曉堂等升敘有差○以江西撫州戰守出力賞副將萬立松巴圖魯名號知府吳祖昌都司傅金魁等花翎陳得祥等藍翎予總兵官蔡康業等升敘有差○蠲免江西都昌

縣被擾各鄉上年未完租賦○戊申諭軍機大臣等稽查北新倉御史書文奏請查拏把持倉務之棍徒開單呈覽一摺北新倉應放內廷供用米二千餘石耽延至二年之久尚欠米一千數百石之多經該查倉御史屢催不報書吏捏詞推諉該倉花戶正額應有二十四名現僅有學習花戶二名各項差役亦無人拔補必有匪人暗中把持耽延影射據該御史訪聞得在逃花戶王得志卽王四羣

綽號一里王張二卽張廷舟綽號彌勒尖玉三綽號水晶壽星劉得海卽劉夸子綽號鐵頭太歲倉役李八卽瞪眼李張二羣卽小腳張薛二黑綽號搬不倒李六綽號紅長蟲陳老卽陳珠兒李城瑞卽李八十兒倉吏龐姓頂名王惠等均係挾私逞兇結黨把持素成惡習倉儲重地豈容有此等不法棍徒著步軍統領衙門順天府五城御史按照所開住址嚴密查拏務獲送交刑部審辦不准一名

漏網。原單著鈔給閱看。將此諭令知之。○又諭僧格林沁等奏追剿髮捻各逆獲勝敗匪由豫入東。緊躡進剿各摺片。豫省髮捻各逆由臨潁鄆城狂竄汝甯息縣羅山信陽確山等處。經官軍節節躡剿。殲賊甚眾。該逆復奔許州鄆陵扶溝。並自李八集竄過黃河老隄。向東北竄逸。由開河地方。竄過運河。至甯陽折而東南。此股賊匪勢同流寇。官軍追剿卅月。上下往返馳逐。幾及三千里。各營將士均

形勞苦。惟步兵逐日遙行。足無停趾。疲乏異常。該親王於步隊兵勇到齊後。須令暫為休息。再行進兵。方不至有前突後竭之虞。賊蹤剽疾。此拏彼竄。是其慣技。著該親王檄令各營及東省官軍。分路布置。於逆匪圖竄之路。豫為扼要駐紮。庶四面兜擒。易於殄滅。若一味跟剿。官軍處處俱落賊後。恐該逆任意蔓延。將成不了之局。僧格林沁韜略素嫻。諒能謀定後戰。迅殄逆氛也。陳國瑞等打仗奮勇。

該親王已將陳國瑞郭寶昌兩軍。各賞銀五千兩。何建鰲等所部賞銀三千兩。所辦甚是。惟該親王所部馬隊晝夜奔馳。不辭勞瘁。亟應量加鼓勵。亦著賞銀五千兩。卽由山東藩庫發給。其馬隊出力各員弁。並著隨時保奏。候旨施恩。閻敬銘飛檄東省官軍。會同僧格林沁所部各營。協力剿洗。務將此股就地殲除。毋任再行肆擾。賊匪大股雖趨東境。而豫省匪蹤尚未淨盡。著吳昌壽懍遵前旨。迅赴

豫疆。實力剿辦。該省餘匪。卽責成吳昌壽迅速埽除。不得稍分畛域。張之萬仍一面查明何路尚有伏莽。飭屬認真搜捕。同心殺賊。以期次第廓清。直隸東明長垣一帶毗連曹考。難保該匪不由東竄直。劉長佑前次備調之各起兵勇。是否已抵大名等處。應否出省布置。均著妥籌辦理。並將防守情形隨時奏報。以聞。曹州濟甯之匪。經僧格林沁大兵跟剿。恐其竄入徐州一帶。著彭玉麟迅速赴任。督

飭官軍嚴密防守毋令擾及完區彭玉麟未到任以前卽著吳棠分路布置妥為辦理僧格林沁另片奏郭寶昌打仗勇往請旨遇缺簡放等語已諭令軍機處存記惟陳國瑞打仗素稱得力確山之戰據奏最為奮勉亦應量予恩施並著該親王隨時察看酌量保奏俾資鼓舞將此由六百里各諭令知之○又諭惠慶奏古城被圍日久請飭官兵趕緊赴援一摺逆回糾眾攻撲古城勢甚鴟張經官

兵奮力拒擊殺賊無算賊鋒始卻該城被困日久亟望官軍救援旋探聞色普詩新帶領滿漢兵勇二百餘員名由奇台行抵富家莊地方遇賊接仗因寡不敵眾先勝後挫色普詩新及帶兵員弁一時傷亡全軍俱潰古城兵食將竭勢甚岌岌都興阿等所派署肅州鎮總兵德祥所部兵一千二百餘名現已行抵哈密著都興阿穆圖善飛檄德祥統帶官兵相機前進鶴齡一軍並著都興阿等飛催

出關與德祥之軍聯絡進剿都興阿等當嚴飭德祥鶴齡等隨時審度軍情穩慎進取萬不可稍有挫失致損軍威刻下甘肅雷正綰等軍已諭令由李旺堡同心城一帶與都興阿等會攻甯靈計可聲息相通回環策應剋期蕞事古城援兵尚形單薄穆圖善一時未能出關如各軍中尚有可以抽撥之兵卽由都興阿穆圖善先行派往助剿以資厚集扎克當阿伯錫爾因哈密防務緊要招募民勇

一千餘名訓練協剿著仍懍遵前旨認真揀擇訓練成軍協同在城防兵與巴里坤官兵聯為一氣互相援應哈城兵勇現既募集千餘合之鶴齡德祥兩軍諒數分布自應設法救援古城惟古城逆氛甚熾赴援兵力亦須稍厚若僅以數百人前往則寡不敵眾於事無濟哈城為進兵之路防守亦最關緊要除將各軍分撥留防外其餘酌量調赴古城應援兼須妥籌後路接應之兵以免疏失卽著

扎克當阿伯錫爾妥籌辦理惠慶惟當激勵  
存城兵勇固守待援毋稍疏懈並著飭奇台  
縣知縣恆頤等多籌糧糈妥運到城以濟軍  
食甘肅省城現有陶茂林勁旅本省之兵如  
可騰出卽著恩麟移緩就急酌撥若干飭赴  
哈密以厚兵力將此由六百里諭知都興阿  
穆圖善扎克當阿伯錫爾惠慶並傳諭恩麟  
知之○以正藍旗蒙古副都統常星阿為正  
白旗護軍統領未到任前以鑲藍旗蒙古副

都統慶至署理○以烏槍護軍參領明春為  
正白旗漢軍副都統未到任前以乾清門侍  
衛岳林署理○以署兩淮鹽運使李宗義為  
安徽按察使○以河南信陽追勦擒匪獲勝  
予副將康錦文等加銜升敘有差予古城  
陣亡署巴里坤領隊大臣吐魯番領隊大臣  
色普詩新祭葬世職如都統例諡武愍佐領  
惠斌等祭葬世職予因公淹歿福建知府  
徐啟文祭葬卹廕家屬人等旌卹如例○己

酉諭內閣左宗棠奏請將庸劣知縣革職等  
語福建浦城縣知縣周鼎署尤溪縣知縣劉  
超然信任家丁聲名狼藉署大田縣知縣劉  
清望猥鄙不職假公營私以上三員均著先  
行革職並著該督撫查明該員等實在劣蹟  
從嚴叅辦諭軍機大臣等左宗棠等奏官  
軍追勦獲勝汀連肅清一摺劉典等軍由汀  
州連城進勦南陽汪逆老巢賊棄巢走白沙  
之賊亦經劉典會合王德榜等軍奮力衝擊

賊勢大潰沿山奔竄汪逆由坎市龜陽竄去  
汀州連城一律肅清劉明珍等由漳平南路  
進勦和溪埭蕩賊壘乘勢進攻水潮丁逆棄  
水潮而遁侍逆為高連陞所敗呼援甚急圖  
與汪逆合股漳州踞逆竄陷漳浦現復遣黨  
屯踞南路官田顏厝前一帶以窺石碼並嗾  
龍巖敗逆由北路圖犯長泰左宗棠已飭張  
恆祥一軍移紮漳平劉清亮一軍由同安相  
機前進高連陞等分軍駐石碼扼北溪王德

榜已赴龍巖。劉典亦馳赴漳平。漳州一帶布置均尚周密。逆勢現已窮蹙。惟當防其就近入海。勾結洋盜。各處竄擾。郭松林等計可由滬抵閩。著左宗棠、徐宗幹、卽飛飭由海澄進取漳浦。斷其入海之路。吳全美已雇募紅軍。拖罾等船赴閩。著飭令嚴扼海口。遇賊卽擊。毋稍疏懈。該督撫務當檄飭南北兩路規取南靖漳浦。將汪李等逆就地殲除。毋任再行紛竄。該逆飛走技窮。必將拌死。出竄廣東江

西邊境。以圖一逞。著瑞麟、郭嵩燾飭令李福泰等軍嚴防潮州及埔饒等處。方耀等軍已入閩者。卽令歸左宗棠調遣。儻粵邊有警。仍令回顧。沈葆楨已起程赴閩。孫長紱責無旁貸。當督飭前派防軍嚴扼本境。如被闖入。完善。惟該署督撫等是問。婁雲慶接統鮑超所部。既未入閩。卽著仍留江境協同防守。俟此股賊平。仍遵前旨。馳赴鮑超軍營。隨同出關勦賊。左宗棠俟劉典到後。布置定妥。再行進

省辦理一切事宜。將此由六百里諭知瑞麟。左宗棠、徐宗幹、郭嵩燾並傳諭孫長紱知之。又諭楊能格奏慶陽糧臺兵數日增。請飭催協餉。並將陶茂林軍餉解省支放一摺。都興阿等兵數日增。而協餉寥寥。解到者已盡支銷。未解者杳無信息。若不亟為籌畫。飢軍譁潰堪虞。著駱秉章、張之萬、閻敬銘、沈桂芬將協甘欠解之款。各先籌撥銀十萬兩。務於四月內解赴襄陽。並著沈桂芬飭令河東道

將欠解甲子綱鹽課趕緊批解。一面將乙丑綱實力催徵。源源報撥。以維大局。楊能格奏稱慶臺奇窘。陶茂林一軍餉項請仍由陝省供支等語。慶臺餉需缺乏。陶茂林一軍無力支應。亦係實情。所有陶茂林軍餉卽著劉蓉竭力籌措。每月應如何協濟之處。奏明辦理。前撥江海關海兩關及四川專餉卽由陶茂林咨催各該省督撫等趕緊報解。並令徑解蘭州省城。以備供支。恩麟亦當隨時接濟。毋

令陶茂林一軍餉需缺乏致誤戎機陶茂林軍餉現在既不由慶臺供應若各省協款批解稍遲該提督軍餉勢必一無著落將士枵腹從事貽誤非輕陶茂林遇有餉項不繼之時仍著楊能格妥為兼顧不得因有此奏意存推諉置大局於不問另片奏糧臺欠餉甚鉅楊岳斌入甘部撥餉銀已有成議請飭該督自立糧臺等語楊岳斌後路糧臺已令李桓辦理即著該督於安營處所就近自立糧

臺以備收支其撥定該營餉銀即著楊岳斌咨會各該省徑解該督糧臺各省欠餉由楊岳斌自行催提其蔣凝學入甘餉需即由該督糧臺支放以清界限而專責成將此由六百里諭知駱秉章楊岳斌張之萬閻敬銘沈桂芬劉蓉並傳諭陶茂林恩麟楊能格知之○賞熱河圍場總管常山頭等侍衛仍以二品頂帶留京當差○賞烏魯木齊協領榮慶副都統銜為吐魯番領隊大臣○予福建汀

州陣亡把總康德修等祭葬世職如守備例○庚戌諭內閣閻敬銘奏請將辦理鹽梟出力之文武各員獎勵等語山東武定府鹽梟連年擾劫為地方鹽務大害經署知府張鼎輔督同知縣張繼武等帶兵捕拏擒斬著名鹽梟二十餘名地方賴以安謐同知銜候補知縣張繼武著賞加運同銜候補遊擊王正起武定營遊擊緒承均著賞加副將銜署武定營守備韓英魁著以都司遇缺即補該撫

請將署武定府知府張鼎輔賞加鹽運使銜未免過優張鼎輔著改為賞加道銜以示鼓勵○又諭閻敬銘奏請將庸劣不職各員分別革職查辦勒休降補一摺山東沂邳海贛通判張維權前署濟陽縣事候補知縣俞雲林好利廢事民怨沸騰均著即行革職聽候查辦平度州知州彭垣庸熟惰猾不協輿論著即勒令休致候補知州錢枚性情輕浮難膺民社前署日照縣事候補知縣徐星燾不

洽民心難期造就均著降為府經歷縣丞歸部選用至山東州縣各官向多因案勒罰巧為營利實堪痛恨著閻敬銘嚴行禁止卽或藉罰示懲亦必須通稟立案以憑稽覈如查有私行勒罰者卽著嚴參懲辦○諭軍機大臣等本日據張之萬奏賊竄東境閻敬銘奏捻蹤東竄並據劉長佑奏調兵出省督辦及存營調出兵數各摺片僧格林沁以馬隊追賊晝夜進行三千餘里賊匪到處有馬可擄

官軍無馬更換疲乏殊甚若再與盡力追逐勢必為賊所乘務當穩慎進取飭令丁寶楨所帶之勇分投布置嚴密扼截閻敬銘亦當懍遵前旨檄令東省各營處處截勒並督飭團練固守鄉村毋任賊勢蔓延僧格林沁所帶步隊亦須暫息數日再行追賊丁寶楨所部勇丁卽著歸僧格林沁調遣合力攻剿張之萬現飭張曜宋慶等軍馳往虞城卽著聽候僧格林沁調遣嚴密扼截毋任賊蹤回竄

知府湯聘珍等軍張之萬現已檄令北渡並檄河北鎮道調集營兵整頓團練務當督令節節設防嚴密布置汴梁以南尚恐有另股敗匪續行北竄張之萬亦當分兵豫防毋得顧此失彼劉長佑現已調兵定期出省擬先駐廣平並令臬司李鶴年總辦營務自可得力仍須嚴扼濮范沿河一帶毋令逆蹤偷渡一面與張之萬所派河北防兵聯絡聲勢毋稍疏懈直隸各標兵丁仍著隨時訓練以備

續行調遣此股逆匪既有宋景詩在內難保不復竄直東一帶熟路肆行滋擾臨清州南北各州縣閻敬銘務當調派兵勇與直隸防兵互相援應嚴加防範吳棠彭玉麟仍當遵奉前次諭旨嚴扼邳宿一帶以防賊撲清江東犯裏下河之路本日復據官文吳昌壽奏稱湖北長陽匪黨接捕肅清一摺巨匪田侍珮等雖經擒斬黨與殲除仍須留駐兵勇鎮壓毋任餘孽與豫捻勾結復行滋蔓吳昌壽

當迅速帶兵馳赴豫省督率攻勦並將到豫日期馳奏毋稍觀望。楚北邊境卽由官文分飭各軍扼守以防回竄。至山西澤潞兩府與河北彰衛懷一帶處處毗連平定一路亦與直隸井陘獲鹿接壤。沈桂芬當卽分派兵勇擇要扼守毋任賊蹤竄入。是為至要將此由六百里各諭令知之。○又諭恩麟奏涼州回匪變亂先後撲滅竄擾平番賊匪擊敗回巢及古浪縣屬回匪滋事旋卽殲滅各摺片涼

州府城關回匪勾結變亂前據瑞雲奏報業已勦滅淨盡。回弁馬忠亦經擊斃。此次恩麟所奏探報各情與前奏大略相同。惟據稱回弁馬忠並在逃之百餘人尚未弋獲。與瑞雲所奏勦滅淨盡情節不同。是否探報之誤。仍著瑞雲恩麟查明有無餘匪迅速拏辦並著恩麟飭令道員黎獻查明該匪懷疑變亂情由出示曉諭以安反側。其竄平番之匪於官軍勦辦之後分踞武勝堡等處經黎獻會同

副將張琮督軍勦敗退回米拉溝逆巢並將古浪縣屬馬得彪一股匪徒立時掃蕩以免勾結之患。辦理尚屬迅速卽著嚴飭黎獻督同各路民團扼要防堵毋任蔓延為害。前諭陶茂林一軍馳赴秦王川會勦平番逆匪並防該匪北竄涼州該提督前由靖會一帶按勦固原餘匪現在行抵何處能否分兵會合黎獻等軍將米拉溝賊巢迅圖掃滅並嚴防該匪北竄涼州之處著恩麟陶茂林妥籌辦

理署安肅道恆齡接濟哈密軍食前已據扎克當阿奏報尚能竭力籌措有裨軍務現在德祥及鶴齡各統所部出關諒已先後行抵哈密並此外仍有續行出關之兵應用軍食卽飭該署道寬為籌備。儻有不敷准其於近省協撥銀內酌量動撥採買俾利軍行將此由六百里諭知瑞雲並傳諭陶茂林恩麟知之。○安徽巡撫喬松年奏遵旨訪拏六安地主教匪現獲江智荃趙傳經二名飭屬嚴審



得旨江智任等有無為匪不法情事著嚴飭該署知州詳細訊究務須無枉無縱持平辦理○予湖北廣濟陣亡參將楊先疇等祭葬世職加等附祀提督蕭河清專祠○辛亥祭先農之神遣怡親王載敦行禮○諭內閣朕奉

慈安皇太后

慈禧皇太后懿旨前據惇親王醇郡王降調通政使王拯御史孫翼謀先後陳奏恭親王雖

經獲咎尚可錄用各摺當交王公大學士九卿翰詹科道會同詳議具奏茲據禮親王世鐸等大學士倭仁等會議覆奏並據內閣學士殷兆鏞都察院左副都御史潘祖蔭內閣侍讀學士王維珍給事中廣誠及各科道等聯銜各摺均以恭親王咎由自取惟係懿親重臣應否任用予以自新候旨定奪等語所見大略相同惟給事中廣誠等摺內所稱廟堂之上先啟猜嫌根本之閒未能和協駭中

外之觀聽增宵旰之憂勞等語持論固屬正大而於朝廷辦理此事苦心究未領會雖前日面諭軍機大臣等隨同孚郡王赴內閣傳諭諸臣而科道等仍有此語實有不能不再行宣示者恭親王誼屬懿親職兼輔弼在親王中倚任最隆恩眷極渥特因其信任親戚不能破除情面平時於內廷召對多有不檢之處朝廷杜漸防微若復隱忍含容恐因小節之不慎致誤軍國之重事所關實非淺鮮

且歷觀史冊所載往往親貴重臣有因遇事優容不加責備卒至驕盈矜誇鮮克有終者可為前鑒日前將恭親王過失嚴旨宣示原冀其經此懲儆之後自必痛自斂抑不至再蹈愆尤此正小懲大誡曲為保全之意如果稍有猜嫌則惇親王等摺均可留中又何必交廷臣會議耶茲覽王公大學士所奏僉以恭親王咎雖自取尚可錄用與朝廷之意正相脗合現既明白宣示恭親王著即加恩仍

在內廷行走並仍管理總理各國事務衙門。此後惟當益矢慎勤力圖報稱用副訓誨成全至意。至在廷臣工均為國家倚任惟當同矢忠赤共濟時艱毋得因此稍存疑慮畏難苟安致蹈因循積習。將此宣諭在廷臣工知之。○又諭前據倭仁等奏遵旨查訊翰林院編修蔡壽祺摺內緊要條件一摺據稱於本月初六日將蔡壽祺原摺內所稱挾重貲而內膺重任善賣緣而外任封疆之緊要二語

傳到蔡壽祺面加訊問當據供稱薛煥劉蓉行賄賣緣係得自傳聞應否查辦伏候聖裁等語。朝廷登進人才豈容納賄行私致滋物議。薛煥劉蓉或內躋卿貳或外任封疆均係朝廷大臣如於蔡壽祺所參不行查辦何以重名節而振紀綱著薛煥劉蓉各將所指行賄賣緣一節據實明白回奏以憑查辦儻敢有一字欺飾再經查出定行從嚴治罪。○又諭曾國藩奏請將龍江西新兩關暫緩開設

並撥款辦運一摺據稱江甯城外向設龍江西新兩關咸豐三年以後關稅停徵近年在大勝關抽釐復在城中添辦門釐因地方元氣過傷所收已屬無幾若遽撤卡設關徵收斷難足額加以衙署開銷胥吏苛索恐所徵尚不能敵釐卡之數請援照浙江成案無庸開關徵稅等語所奏切中地方利弊江甯蹂躪日久商民疲困正宜休養生息以培元氣若開關既於國課無益而關書巡役人等轉

得肆意誅求勢將商民生畏裹足不前於招集流亡之政殊有關礙著松瑞將龍江工關西新戶關均暫緩設立俟商賈復業再由曾國藩奏請設關以復舊制並著照曾國藩所擬先於江甯藩庫撥銀二萬兩解交織造為購辦乙丑年大運之需並於釐金項下按月提銀一千兩為津貼該織造及所屬各員養廉薪貲書吏匠役紙張飯食等項費用至江甯織造所辦年貢共需銀若干應由何款撥

解據曾國藩奏稱因藩庫文卷全失無案可稽著戶部內務府查明成案具奏尋奏遵查江甯織造成案其按年例款僅內務府有歲撥藩庫銀四萬三千三百餘兩歷年動用均有節省歲銷以三萬兩內外為準至年貢向不作正開銷無案可稽應由該織造會同該督籌商辦理從之○諭軍機大臣等都興阿穆圖善奏移營進剿獲勝情形並請豫調馬隊一摺都興阿等軍進攻甯夏逐日出隊均

有斬擒現在黃金山等已偪紮東門等處擊破賊卡挑挖長濠正當乘此聲勢將城賊聚而殲旃迅圖克復惟鹽靈中衛賊匪分股竄擾皆為甯夏賊黨外援雖經都興阿等派兵防剿尤當相機妥籌兼顧庶免賊匪得以勾連入煩兵力廊州宜君中部等處亦有賊匪滋擾雷正綰劉蓉當分籌截剿毋令蔓延甯夏肅清後都興阿等即須振旅出關惟所部馬隊無多難資剿辦常星阿等各起馬隊前

經雷正綰奏調已諭令僧格林沁酌量調撥著僧格林沁斟酌情形一俟軍務稍鬆即先將此項馬隊迅飭赴甘改歸都興阿軍營聽候調遣楊岳斌前已據奏起程即著星速前進以便與都興阿等商辦一切事宜楊岳斌入陝時常星阿等如尚未抵甘著雷正綰劉蓉催令該副都統等督帶馬隊馳赴甯夏其訥依楞阿馬隊業經劉蓉飭赴都興阿軍營著即催令前進鮑超告假回籍此時想可抵

川著駱秉章迅催該提督趕緊部署入甘都興阿等出關後甯夏北路軍情或交鮑超接辦或即由雷正綰兼顧屆時自可酌度辦理不至接替無人詹啟綸一軍現隨僧格林沁剿辦豫捻都興阿等請令該員迅赴甯夏之處著暫緩置議將此由六百里諭知僧格林沁都興阿穆圖善雷正綰駱秉章劉蓉並傳諭鮑超知之又諭都興阿等奏請飭直隸總督挑撥提標官兵並按月撥解餉銀採買

布匹運解來營各等語。都興阿等所部各軍攻勦甯夏。正在喫緊。直隸援勦官兵既多。缺額應解餉需。復欠至數月之多。兵單餉絀。深恐貽誤事機。現在春雨繁多。帳房微爛。不堪棲止。兵衣亦須更換。均應趕緊籌備。以資戰守。著劉長佑飭令古北口提督。於提標內挑選年力精壯。技藝嫺熟。官兵三百名。配齊帳房軍裝器械。選派得力將弁管帶。迅赴甘肅花馬池軍營。藉資助勦。並著該督將應解協

餉按月如數撥解。不准絲毫蒂欠。積欠月餉著一併埽數補解。毋稍延緩。甘省購布維艱。直隸為產布之區。購買較易。著劉長佑無論籌提何款。迅速採買堅實大白麕布二萬匹。大藍麕布五千匹。青布二千五百匹。分起派委委員運解。都興阿軍營。以供製造帳房兵衣之用。購買布匹價銀著准其作正開銷。將此由六百里諭令知之。○以籌辦甘肅營務奮勉賞已革安徽巡撫翁同書五品頂帶。○

以打仗奮勇。復甘肅軍營已革副都統蘇彰阿職。○壬子諭內閣。前據閩敬銘奏。參調署掖縣知縣蘇名顯。不接倉穀聲名。平常當經降旨將蘇名顯革職。茲據該撫奏稱。前次參案係經該管萊州府知府陸成沅密稟具言。該革員聲名狼藉。合郡共知。並西縣場開灘託人向鹽大使關通。各情嗣經確查。蘇名顯實以灘民窮苦。商令該場大使開灘。並無關通情事。所揭操守聲名。平常之處。亦無物議。

請將揭參失實之該管知府嚴加議處等語。道府有表率屬員之責。如所屬州縣實有庸劣各蹟。自應據實揭參。何得以漫無實據之言肆行詆毀。萊州府知府陸成沅著交部嚴加議處。閩敬銘前次未及詳查。率行據參。亦有不合。著一併交部議處。蘇名顯既查無聲名。平常實據所有前參革職之案。著准予開復。惟當清查倉庫之時。勒指遲延。不收交代。亦屬意圖自便。仍著交部議處。尋議陸成沅

應卽革職蘇名顯開復原叅仍降二級調用  
閻敬銘應降三級調用惟係自行檢舉可否  
寬免聲明請旨得旨著加恩寬免 諭軍機  
大臣等昨據僧格林沁閻敬銘等各奏豫匪  
竄入東境蔓延曹濟等屬歷十數州縣而至  
曲阜僧格林沁現帶馬隊緊躡其後閻敬銘  
亦派丁寶楨帶領勇隊分投追擊此股賊匪  
由豫竄東勢極飄忽恐不能逞志於東必將  
竄擾徐邳一帶疊經諭令彭玉麟趕緊赴漕

督新任辦理徐宿防務彭玉麟未到任以前  
仍由吳崇認真辦理惟徐宿等境與東省接  
壤地方甚屬空虛恐防兵不能得力難固藩  
籬著曾國藩速派得力兵將馳赴徐宿交彭  
玉麟等妥為調遣如賊近江蘇邊界卽須出  
境會合山東官兵夾擊裏下河地方尤為緊  
要並須妥為防範毋令賊蹤闖入彭玉麟懇  
辭漕督業經批令仍赴新任毋許固辭該大  
臣可就近切催令速到任辦防以便吳崇早

日入粵劉銘傳一軍現在何處能否分兵赴  
淮東交界處所並著妥籌調派署兩淮鹽運  
使李宗羲已經簡任安徽按察使現當整飭  
嵯網之際必須廉明練達有為有守之員方  
足以資整頓著曾國藩遴派妥員先往接署  
仍著酌保數員候旨簡放總期操守謹嚴洞  
悉鹽務情形於興利除弊各事宜實力舉行  
庶於國課民生兩有裨益本日簡授山東登  
州鎮之周惠堂現在是否在營著該大臣卽

行催令赴任以重職守將此由六百里諭令  
知之○以記名總兵官周惠堂為山東登州  
鎮總兵官○癸丑諭內閣薛煥奏遵旨明白  
回奏請簡派大臣認真查辦一摺著派肅親  
王華豐會同刑部都察院堂官秉公查訊務  
須水落石出不准稍涉含糊原派查辦之大  
學士管理刑部周祖培刑部左侍郎王發桂  
及軍機大臣都察院左都御史曹毓瑛刑部  
右侍郎恩齡都察院左副都御史恆恩俱著

迴避。薛煥蔡壽祺均著聽候傳質。○又諭前因張之萬奏請飭催蘆商捆運豫省懸岸鹽斤。當經諭令戶部速議具奏。茲據該部奏稱。上年四月間。劉長佑奏豫省懸岸。僅有滑縣一處。尚無商人認運。其餘祥符等縣引岸。均已設法招徠。該部即以招辦情形。查令詳細聲敘。至今未覆。現張之萬奏豫省應銷蘆鹽引地。尚有中牟等九處懸岸。其祥符等八縣。雖經運司招認。未據捆鹽到岸。該督從前奏

報各情。顯有不實不盡。請旨飭查等語。長蘆引岸。招商承運接充。均係運司專責。乃豫省懸岸。先據張之萬奏請招商捆運。而該督覆稱。業由長蘆一律招辦。該督既不准豫省捆運蘆鹽。自應責成該運司認真經理。何以祥符通許鄆城禹州密縣沈邱臨潁許州各岸。於奏明招運之後。仍未捆鹽到岸。其中牟新鄭淮甯商水項城太康扶溝長葛汲縣九處。均係懸岸。又何以置若罔聞。著劉長佑一面

先行據實奏聞。一面嚴飭該運司將中牟等九處懸岸。一律招商捆運。並督催祥符等八處各商。迅速運鹽到岸。毋再遲延。倘仍有引岸虛懸。藉詞搪塞。卽著該督從嚴叅辦。如張之萬訪聞確鑿。亦卽據實奏參。毋分畛域。尋劉長佑奏查祥符等八縣。均經運鹽前往銷售。已催令剋期到岸。不准刻延。中牟商水汲縣。係商人認辦。項城淮甯新鄭。係委員捆運。惟長葛太康扶溝。新報之懸岸。業經飭司上

緊招商。並責令該官商接續捆運。源源濟銷。下部知之。○諭軍機大臣等。毛鴻賓等奏閩省賊勢趨重漳州。潮防喫緊。擊退白喉竄賊。化州靈山羅定等處。擊賊獲勝。各摺片。閩省南陽賊匪。橫竄白沙石碣等處。圖入粵境。經方耀等軍併力分剿。將石碣等賊巢一併焚毀。殲除賊匪。幾及萬人。另股逆匪。由大埔屬之白喉。直撲楓朗營盤。經戴朝佐等以少勝眾。斃賊甚夥。剿辦均屬得手。惟賊氛十倍兵

勇潮嘉邊界。繇互數百里。路路可通。該逆飛走技窮。其欲繞越方耀等軍後路。圖竄粵疆。自在意計之中。現在嘉應之防稍鬆。而潮防日形緊急。毛鴻賓等已飭李福泰等分紮大埔。饒平等處。以固藩籬。著卽嚴督各軍。認真堵剿。毋任闖入。潮州民情素稱犷悍。賊蹤若至。一經煽惑。必至燎原。該署督等務當嚴密防範。如後路兵力尚單。亟須添調勁旅。層層布置。萬不可令賊擾及潮防。致剿辦愈形棘手。方耀等軍前諭粵邊有警。仍令回顧。著瑞麟等仍遵前旨。妥籌調度。並著左宗棠、徐宗幹飭規取南靖、漳浦各軍。將該逆就地殲除。與粵省入閩之方耀等軍聯絡聲勢。妥籌夾擊。毋令擾及完善。廣西永淳匪徒擾及東省。靈山縣屬博白土匪復竄化州之合江墟地方。均經粵軍擊退。羅定官軍復將古眉大碰雲胎各巢攻克。邊境漸次肅清。惟粵東粵西處處毗連。時虞竄擾。必須合力埽蕩。擣其巢

穴。劉坤一現在已抵橫州。著張凱嵩飭令該藩司會同東省之梁國安等軍進逼永淳。孫逆老巢。協力聚殲。以除積寇。並分軍將河洞老巢及博白等處餘匪與粵軍併力剿除。毋任久踞。前諭馮子材督辦東江軍務。現在容岑一帶賊勢蔓延。馮子材著卽馳赴羅信之交。會合西軍進規岑容。以期呼應較靈。俟廣東廣西交界處所肅清。卽行馳回本任。其東江防剿事宜著瑞麟、郭嵩燾卽飭李福泰、卓興等會同督辦。務臻嚴密。毋稍疏虞。越南匪徒黎惟明等自稱越南舊王。率黨攻破海甯府硤街等處。該國蠻觸相爭。惟當防其內寇。著瑞麟等飭令欽州沿邊文武遴撥兵弁及五崗各團練丁。扼要嚴為之備。以期自固。藩籬所陳安插客民情形尚為妥協。惟土客仇釁已深。此次卓興督押客民赴恩平所屬之那扶等處安插。而恩平土民卽敢肆行擄殺。現雖全數安插。若將來地方官吏撫綏稍不

得宜。必又再生枝節。瑞麟郭嵩燾。惟當明定章程。使知遵守。如有尋釁滋事。無論土客。必將肇釁之人。嚴辦以杜亂萌。將此由六百里各諭令知之。○禮部以宗室會試中額請得旨取中二名。○以廣東白堠賊獲勝。予遊擊戴朝佐等升用有差。○予湖北節年陣亡殉難都司周天亮等紳民兵勇婦女二千八百一十六員名口分別旌卹如例。甲寅諭內閣降調湖南巡撫譚世臨奏被參案內加

抽鹽釐一節。該前撫於咸豐九年在常德府任內先經稟明官文駱秉章批准有案。迨後署任藩司。復經稟定章程立案。據實陳明。將兩次稟件鈔錄呈覽等語。著吏部再行覈議具奏。○諭軍機大臣等。吳棠奏賊竄東境。逼近徐州。派兵嚴防一摺。前因豫省髮捻各匪被勒北竄。闖入東境。當經諭令僧格林沁暨各省督撫等分派兵勇。整頓鄉團。扼要截擊。現在吳棠以東省之曹單一帶與徐州之豐

碭接壤。勢極喫緊。下游清淮一帶亦須扼要設防。已經徐州鎮道分兵嚴杜。並飭張從龍等水陸各軍分防成子河及邳宿等處。著吳棠督飭各兵勇實力防維。設遇賊蹤紛擾。卽著認真兜擊。毋令竄入裏下河完善之區。致成巨患。彭玉麟經朝廷簡署漕運總督。著懍遵前旨。趕緊馳抵漕督署任。督飭兵勇實力籌剿。以重職守。揚防裁撤兵勇。難保無逗遛淮揚一帶。希圖滋擾者。著吳棠彭玉麟妥為

防範。不得任令勾結竄匪。滋生事端。蒙穎一帶亦係賊蹤繞竄之路。著喬松年嚴檄在防兵勇。遇賊卽擊。毋任竄脫。曾國藩前有揚州與金陵僅隔一江。可就近派兵接防之奏。現在清淮一帶。賊蹤均已竄近。該處兵力深恐不敷。著該大臣一面偵探。一面將現存兵勇酌量撥赴江北。以資援應。劉銘傳一軍能否分兵赴淮東交界處所扼要駐守。仍著妥籌調派。賊入東境曲阜後。匪勢如何及官兵接



仗情形尚未接各路奏報。著僧格林沁。閻敬銘。查探確實奏聞。僧格林沁所部各隊休息數日後。卽著調齊兵勇。穩慎進攻。閻敬銘亦當督飭丁寶楨等。會合各路兵勇。分投截剿。以期悉數殄除。毋令滋蔓。直隸與東境毗連。劉長佑現經出省。卽飭派出各軍。妥籌扼擊。不得稍涉大意。僧格林沁已統全部馬隊。在東省剿賊。後路步隊。想已陸續趕到。合之東省兵勇。聯絡進剿。聲勢已壯。深恐匪眾被擊。

回竄。則豫省又形喫重。著張之萬。迅飭河北鎮道。激勵民團。盡力堵遏。並飭張曜。宋慶等軍。迅圖夾擊。以收聚殲之效。此時豫省各軍。俱赴北路追賊。南面空虚可慮。著吳昌壽。懍遵疊次諭旨。星馳赴豫。以剿為防。俟行入豫省。卽趕緊馳奏。不准觀望遲延。致干重咎。將此由六百里各諭令知之。○又諭。憚世臨奏。貴州苗匪已出天柱。下趨汶溪。於北嶺築壘。分股沿河肆擾。並從曲塘魚乾洞偷渡。直犯

會同縣境。其荊竹園號匪。勾結鎮遠苗匪。復竄擾銅仁江口一帶。憚世臨現飭周洪印等。妥籌剿辦。檄令戈鑑。會同粵軍嚴防黎平。髮逆並據憚世臨奏。稱閩省汪李二逆。因糧食將盡。漸有竄動之勢。東界各營。不敷分布。已飭趙煥聯等。添募勇丁。嚴密防範。各等語。現在苗匪號匪。紛擾會同銅仁江口等境。沅晃靖三屬戒嚴。儻防範不密。難保不突入楚境。李瀚章自簡任巡撫以來。屢經降旨嚴催。想

已起程。卽著星速前赴新任。妥籌調度。前有旨飭令周洪印等軍。進紮黔境。刻下邊防緊要。著該撫飭令周洪印等。暫緩赴黔。迅速扼要駐紮。並探明匪蹤所向。妥籌剿辦。毋令擾及完善。其黎平髮逆。卽飭戈鑑。會同地方文武。及粵省官軍。會商剿辦。東路防堵事宜。並飭趙煥聯等。酌量添募勇丁。嚴防閩省髮逆。毋任竄越。李瀚章未到任以前。著石贊清。嚴飭各軍。妥籌辦理。儻令該匪竄入楚境。必惟

該撫等是問。將此由六百里諭知李瀚章並傳諭石贊清知之。○又諭崇實駱秉章奏遵覆屯土各兵未可調派。駱秉章奏豫籌酌留秦州擬撤勇丁。並階州三路官兵無須另擇大員統率各摺片。據稱屯兵調離本境水土異宜。又於關外地勢不甚相合。且屯兵應調中多雇替。鈴束既難。而需餉尤費。至於土練番兵並未經徵調出省。均未可調派。各等語。所奏自係實在情形。屯土各兵即著毋庸檄

調。前諭鮑超回川後招募川勇數千出關以厚兵力。駱秉章現以在川開招尚須訓練。又多供應跋涉之勞。甘省張華一軍暨林之望陸續添募之勇。約計五千。秦州籌糧維艱。林之望擬俟階州得手後即將此起勇丁遣撤。不如酌留歸鮑超統帶。所籌尚為妥便。林之望所部勇丁頗稱得力。又於甘肅地利熟習。階州現在計日可克。著林之望於階州克復後將此起勇丁存留。不必遣撤。將來鮑超由

川赴甘道經階州。即撥歸統帶出關。該提督在川募勇一層即可毋庸開招。著鮑超林之望遵照辦理。前令胡中和統率階州三路官兵原以事權歸一。庶各路官兵不至互相推諉。茲覽駱秉章所奏以胡中和與各將領素相等夷。若歸其節制。恐諸軍稍存觀望。轉於軍務無益。著駱秉章酌量情形。所有階州三路官兵如無庸胡中和統率即可調回敘南以重邊防。階州各軍由該督妥為調度。督飭

諸軍會同陝甘兵勇聯絡聲勢。迅殄賊氛。毋令賊匪偷竄。劉蓉前奏階州二月必可攻克。現已三月中旬何以尚無捷音。著嚴飭在事將弁會同林之望迅速攻克。毋再遲延。將此由六百里諭知崇實駱秉章劉蓉並傳諭鮑超林之望知之。○補鑄甘肅狄道州知州州判儒學吏目各印信關防條記從護總督恩麟請也。○緩徵湖北黃岡蘄水麻城蘄廣濟羅田孝感鍾祥京山九州縣暨各衛軍田被

早被擾地方新舊額賦有差○乙卯諭內閣。前因喬松年奏查明安徽省被災情形。請將各屬錢糧分別徵緩。當經降旨。將宿松等縣錢漕緩徵。並將定遠望江二縣已徵地丁銀兩流抵同治四年新賦。茲據喬松年奏稱。安徽額徵蘆課一款。向係壓後一年徵收。每遇豁免。均豁當年壓徵上年之款。其當年蘆課。仍應下年徵收等語。所有安徽省宿松望江懷甯和州桐城無為六州縣蘆課。均已豁至

同治二年壓徵元年止。其同治三年壓徵二年蘆課。宿松縣卽著照常徵收。望江懷甯和州桐城無為等五州縣。均著別熟徵收。以示區別。至定遠望江二縣。既據該撫查明。尚屬勘不成災。所有同治三年已徵地丁銀兩。著如數造報。毋庸流抵四年新賦。其宿州同治三年熟田內民情困苦。各保前已降旨。將漕米緩至同治四年啟徵。應徵地丁銀兩。卽著照常徵收。以重國課。○又諭喬松年奏。請將

被控之知縣革職質審等語。候選知縣蔡發春前在安徽潁州府地方。捏稱奉委赴河南光息等處。辦理招撫事宜。並於捻首簡世然被控。代為具稟請示。已屬不安本分。又復被人控告。有聚匪為捻。霸占莊田。殺掠勒詐。各重情。查拏到案。輒敢恃符狡展。不肯吐實。尤屬刁頑。蔡發春著先行革職。交喬松年提集人證。將該革員被控各情。嚴訊明確。按律懲辦。毋任狡賴。尋奏訊明。蔡發春無聚匪霸田

各情。惟妄保捻首簡世然。罪有應得。業已革職。請從寬免議。下部議從之。○諭軍機大臣等。張之萬奏。賊由曹單折竄濟甯。布置防堵。喬松年奏。近日情形。各一摺。前據僧格林沁奏稱。賊由曲阜向東南竄逸。吳棠奏稱。賊蹤逼近徐州。諒卽張之萬摺內所稱。向兗州迤北一帶竄遁之匪。該逆既向徐州附近一帶奔竄。難保不南趨裏下河。西竄蒙宿歸德等處。僧格林沁馬力如已歇息。著卽調齊馬步

各隊視賊所向。飭令各路兵勇合力圍剿。尤須防其北竄。仍當一面兼顧北路。節節嚴防。毋令蔓延直東境內。閻敬銘亦當厚集兵力。扼要堵截。並多撥勁旅。赴前敵。隨同協剿。毋令賊蹤久留東境。歸德商邱虞城。既各有兵防守。毛昶熙亦率所部。由汝郡移紮歸德。兵力既厚。遇有賊匪竄至。務須奮力勦殺。不得以驅逐出境。卽爲了事。河北一帶。現有崔廷桂兩營駐紮。卽著張之萬飭該員聯絡直隸

防兵。嚴防河岸。毋令賊匪搶渡。昨有旨諭令喬松年督令蒙穎防兵。截賊繞竄之路。現據該撫奏稱。已派英翰駐紮雄河。與昨日諭旨相合。著卽飭令該藩司認真防堵。毋稍鬆懈。此時劉銘傳一軍。自應從蕭碭一路前進。卽著喬松年飭令該提督趕緊督兵迎頭截剿。金陵距皖北較遠。劉銘傳進止。卽著聽候喬松年調遣。無論行抵何處。統歸僧格林沁節制。不得專候。曾國藩檄調致誤。事機至豫省

兵力無多。現俱移防東路。後路不免空虛。吳昌壽仍當督帶楚北兵勇二三千名。迅卽遵奉疊次諭旨。趕緊赴豫助剿。俾豫省得以騰出兵力。專防東路。其行抵豫境日期。並卽迅速馳奏。正在寄諭間。復據閻敬銘馳奏。賊已回竄甯陽東平一帶。復渡汶河。回竄甯陽。蹤跡飄忽。所向靡定。東省地勢平行。可以任意馳騁。且現已裹脅二萬餘人。之多。設令闖入畿疆。爲患益巨。總宜厚集兵力。四面感之。同

時合力兜剿。方能速行翦滅。至直東一帶。現有兵勇尚恐不敷分布。著劉長佑於現調兵勇外。速行添調。扼要分布。如遇賊匪竄至東昌臨清一帶。卽行越境會合。東省兵勇迎剿。閻敬銘於現挑曹州等鎮營各兵外。仍添調東路官兵。並添募得力勇丁。奮力迎截。不准縱令北竄。僧格林沁務宜統由北路向南。偪剿吳崇彭玉麟。卽期飭令清淮兵勇北上。探賊所向。越境截擊。不得稍分畛域。曾國藩

亦卽派兵渡江向清淮一帶後路援應劉銘傳督帶全軍一面由蕭碭飛速前進如賊仍在東境卽由蕭碭一帶前進迎截喬松年添籌兵勇接應劉銘傳後路毋稍遲緩以上應調各軍除由各該省接濟糧餉外如有不足行抵何省卽由何省供支總期士飽馬騰不可稍有缺乏豫省河北防兵止有兩營張之萬仍當添撥重兵嚴密防堵儻令賊匪偷渡河北擾及畿疆必將張之萬從重治罪賊勢

鴟張如此各路統兵大臣並該省督撫等務當振刷精神力圖防剿賊蹤儻由何路竄逸卽惟何路帶兵大員及地方督撫是問毋謂誥誡之不早也將此由六百里諭知僧格林沁曾國藩劉長佑吳棠彭玉麟喬松年閻敬銘張之萬吳昌壽毛昶熙並傳諭劉銘傳知之○以任意逗遛革湖北都司謝有才職○以私販鹽斤湖北守備郭恆昌革職訊辦○予山東濟陽陣亡守備張俊之等祭葬世職

加等。

大清穆宗繼天開運受中居正保大定功聖智誠孝信敏恭寬毅皇帝實錄卷之一百三十三

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十四

同治四年乙丑三月丙辰諭內閣前因給事

中博桂奏直隸文安縣兇犯寇玉林綽號豆  
二憨與衙役劉元和有派捐分肥及斃命私  
埋各節當經諭令萬青藜下寶第派員查辦  
旋據奏稱查明該給事中所奏各情均無實  
據而寇玉林等又赴縣呈控有牽涉該給事  
中之件復經諭令將該犯等均交刑部訊辦  
茲據該部奏稱訊明案內人證韓七卽韓雪  
泉鈕寶卿洪燮堂等供稱博桂奏拏寇玉林  
摺係文安縣人胡沅澄展轉賄託由該衙門

書吏全渭西代辦摺彙命洪燮堂繕寫該給  
事中原奏係上年十一月二十九日呈遞而  
寇玉林先期於是月二十七日在縣呈訴其  
為營私漏洩情弊顯然請旨將博桂解任等  
語案關風憲官犯賊亟應徹底根究以期水  
落石出戶科給事中博桂著解任聽候傳質  
其在逃之都察院書吏全渭西並陳九胡得  
堂著步軍統領衙門順天府五城一體嚴密  
訪拏務獲送部究辦○諭軍機大臣等吳昌

壽奏進紮鄂邊中路相機會剿一摺豫省髮  
捻各逆雖紛竄東境而餘匪伏莽所在尚多  
現在僧格林沁馬步各軍全赴東省跟剿豫  
省兵力甚單尚須扼守東路兼顧河防儻賊  
蹤回竄句結不惟豫省有燎原之勢卽楚邊  
亦在在堪虞是以疊次嚴諭吳昌壽帶兵赴  
豫廓清豫賊卽以防固楚疆今該撫擬行至  
德安審定賊勢再定進止機宜雖為慎重起  
見未免意存畛域賊情飄忽無定豫省兵力

空虛著吳昌壽仍懍遵昨日寄諭迅帶得力兵勇二三千名星馳赴豫實力助勦毋得遷延觀望並將到豫日期迅速馳奏以慰塵繫至楚省沿邊幾及千里防務未可稍鬆官文接奉此旨即於成大吉等諸將中酌派一員統領楚防各軍嚴密防範以便吳昌壽馳赴豫省其在防不得力之兵勇即責令派出之員簡校裁汰以期兵歸有用應山黃孝安麻隨東襄樊光郎等處地當扼要尤須派得力

將弁加意防守將此由六百里各諭令知之○刑部奏遣犯陳四捐輸軍餉可否贖罪得旨陳四即陳菊莊著不准其贖罪所捐銀兩由該部行知恩麟即行發還 戊午

萬壽節遣官祭

太廟後殿遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

文宗顯皇帝

孝德顯皇后暫安寢殿遣官祭

顯佑宮

東嶽廟

城隍廟

上詣

大高殿

壽皇殿行禮詣綏履殿

慈安皇太后前行禮平安室

慈禧皇太后前行禮（御乾清宮王以下文武

大臣蒙古王貝勒貝子等行慶賀禮眾官於

午門外行禮）己未諭內閣前因沈葆楨奏

請賞假回籍省親當經降旨給假三月嗣據

沈葆楨奏業於三月初一日起程回籍復經

諭令該撫不必拘定假期早行回任茲據徐

宗幹奏稱沈葆楨之母林氏已於二月二十

七日在籍病故沈葆楨天性醇篤諒必籲請

終制惟江西地方雖就廓清而福建漳州等

逆未平防務甚關緊要沈葆楨自簡任江西

巡撫以來籌辦勦撫整飭地方辦理悉合機

宜民情素稱愛戴當此邊防喫重之時勢難

遽令離任沈葆楨著賞假百日在籍穿孝加

恩賞銀五百兩由福建藩庫給發經理其母

喪事俟假期滿後改為署理江西巡撫即行

馳赴署任該撫當仰體朝廷破格奪情之意

移孝作忠墨經從事以副委任毋許固辭○

諭軍機大臣等沈葆楨現在丁憂本應准其

在籍守制以盡孝思惟江西毗連閩境防務

甚關緊要且該省當兵燹之餘一切軍情吏

治在在需人非公忠夙著民情愛戴之人在

彼整頓不足以資治理特命沈葆楨於百日

孝滿後仍回江西署任實為時事艱難起見

即著徐宗幹傳知沈葆楨於百日孝滿後迅

即馳回江省以慰廬繫沈葆楨向來能顧大

局必當仰體朝廷望治之苦衷勉抑哀思墨

經從事也前據左宗棠等奏汀連肅清漳州

踞匪竄陷漳浦諭令左宗棠徐宗幹嚴飭官

軍扼其入海之路並規取南靖漳浦毋令紛

竄現在軍情賊勢若何仍著會同左宗棠迅

速馳奏省城防堵事宜並著該撫懍遵疊次

諭旨嚴密布置毋稍疏虞將此由五百里諭

令知之又諭吳棠奏遵防北路竄匪請飭

水陸各軍北來駐紮以備堵剿一摺據稱北

路竄匪已竄至山東泰安一帶蒙陰縣境又



有賊蹤距邳宿均止數百里清淮徐州水陸各軍陸續裁撤揚州一軍久經撤防江北兵力不敷分布請飭黃翼升張樹珊等軍北來駐防等語前因江北兵力較單諭令曾國藩撥兵援應現據吳棠所奏各情自非厚集兵力不足以資堵剿著曾國藩仍遵前旨將現存兵勇酌量調撥派令黃翼升帶礮艇百餘隻到浦駐防並著李鴻章迅派張樹珊吳毓芬等軍馳赴邳宿一帶防守以固裏下河藩

籬賊匪竄入東境蹤跡飄忽兗沂邊境均與淮徐毗連吳棠已派張從龍等分投設防即著嚴飭該員弁等認真遏截遇賊即擊毋任紛竄俟江南水陸各軍到齊兵力更厚或飭張從龍等出境剿賊令江南各軍為後路援應或飭江南新到之軍充作前敵而令淮徐各軍嚴防要隘均著吳棠彭玉麟酌度辦理總期與東省之兵合力擊賊迅圖殄滅不得稍分畛域幸賊不入境即為了事彭玉麟未

到任以前吳棠責無旁貸務當激勵各將士妥籌防剿以副委任賊入東境後是否仍踞甯陽汶上一帶抑又紛竄旁趨官兵接仗情形如何近日未據僧格林沁奏報朝廷甚深懸繫此股賊匪窮蹙鋌走無巢可歸若不亟圖剿辦必至肆意盤踞逞其荼毒東省為畿輔屏蔽設日久蔓延關繫誠非淺鮮著僧格林沁即飭丁寶楨等並閭敬銘節次所派各兵勇奮力圍剿毋得退縮觀望致誤戎機賊

匪經過之地村落為墟官兵採辦糧草深恐不易僧格林沁大兵一到所需尤多著閭敬銘飛飭完善各州縣趕辦芻糧妥速接濟毋令缺乏俟軍務完竣准其作正開銷賊匪所到之處每以焚掠裹脅為事東省伏莽未淨句結響應本在意中著閭敬銘督飭派出兵勇並各該地方文武員弁按捕彈壓以清亂源僧格林沁馬步兵力是否足敷剿辦仍著查明具奏前諭該大臣行賞犒軍並將陳國

瑞酌量保奏。現在陳國瑞諒已到營。著傳知該員。令其感激圖功。實力報效。隨同該大臣馬隊奮勇殺賊。儻能始終出力。定當破格獎勵。以旌其勞。該大臣卽嚴飭各路兵勇。四面兜圍。繞由北路逼賊南趨。派隊跟追。毋令賊匪得以喙息。以期一鼓殲除。黃河沿岸一帶地面遼闊。著鄭敦謹挑選河標兵丁於各渡口及水淺處所設卡巡防。並將渡船提歸北岸。毋令賊匪偷渡。劉長佑閻敬銘亦當派兵

集團一體嚴防。東南兵力漸厚。直東一帶兵力尚恐單薄。著劉長佑遵奉前旨。於現調兵勇外再行添調扼要屯紮。俟賊蹤竄近卽著嚴飭防兵迎頭攔擊。毋稍疏縱。此股賊匪由鄂豫狂竄北趨。雖係殘敗之餘。尚多著名悍寇。若不亟圖埽蕩。其患誠無已時。現在各路將弁均歸僧格林沁調遣。務當統籌勝算。分派諸軍處處策應。迅殄逆氛。儻何路防勒不力。卽由該大臣指名嚴叅。重治其罪。將此由

六百里各諭令知之。○又諭曾國藩奏通籌滇黔大局並擬裁東征局務請飭鮑超隨同都興阿等先勦甘省各摺。片楊岳斌奏行抵鄂境分隊進發一摺。滇黔兩省距川湘最近。自應由川湘鄰接地方籌畫兵勇接濟餉需。就近援應。為力圖進取之策。曾國藩擬請令川湘兩省各專謀一方。不必兼顧他省。自係規畫大局扼要立論。與朝廷之意亦相脗合。惟楚南尚須東面屯兵。豫防閩匪由江西一

路竄近。而川省亦須北顧甘境。東防西秀。南勦叙永。是曾國藩所籌各節。雖屬切中機宜。而揆之湘川兩省情形。似尚未能立時舉辦。總俟該兩省防務稍有頭緒。略秉章李瀚章卽當分任貴州雲南兩省之事。籌定餉數。屆時或照前次諭旨川湘兩省督撫併力先清貴州。後攻雲南。或分道進兵。各謀一方。專任其事。會商酌定。議奏後再行降旨辦理。曾國藩所稱川湘兩省既專任滇黔之事。則甘肅

之餉應責成江蘇江西浙江湖北四省不至推諉並據曾國藩已與楊岳斌商定每月由金陵籌銀三萬兩等語惟江蘇江西浙江湖北四省每月能各接濟甘餉若干兩之處亦須豫為籌定數目方免臨時貽誤著官文吳昌壽李鴻章沈葆楨孫長紱馬新貽速行覆奏楊岳斌亦須將所需月餉數目究應若干先行覆奏至各省釐金方藉以供億軍餉勢難遽行裁撤前據曾國藩奏請撤粵東釐務

曾經明降諭旨暫緩停辦嗣據官文毛鴻賓等亦奏請將楚省並各處釐捐俟數年後再行酌撤與前降諭旨相符以目前時勢而論不獨甘餉賴以接濟即東南數省善後事宜亦須藉此款應用此事裁撤甚易復設甚難即或裁撤亦須先取有妨民生者酌量減去其無礙貧民之釐稅尚可量予酌留且東征局前已改為西征局如果立時裁撤則江蘇等四省供億甘肅新疆之餉更不可稍有短

絀致誤軍需甘肅新疆現在盼餉甚急總須籌定數目確有把握再將東征局裁撤方為妥善新疆等處軍務自須先將甘省肅清後方可進籌關外以免後顧之虞曾國藩所論甚是惟此意不可宣布恐致關外各城知無救援之兵必至人心渙散匪燄益熾是以朝廷於新疆請兵之奏總言大兵即可出關仍一面密令都興阿等先清甘肅即此意也楊岳斌等當默體此意毋令軍士聞知為要惟

哈密一城為南北兩路進兵要隘前已諭令都興阿等派撥德祥鶴齡等統帶兵勇二千餘名前往駐守當與都興阿等添兵接應妥籌後路糧餉力保此城以為將來進兵地步毋稍疏忽前令該督剋期赴甘此時行已抵鄂即著親督前隊勇丁迅速前進毋庸俟後隊勇丁一同起程並著遴派將弁將後隊妥為管帶分起進發現有應行交辦事件該督行近陝境即著飛速馳奏曾國藩既稱鮑超

有嗜利等弊不能獨當一面著俟該提督抵甘時卽歸楊岳斌節制調遣將來甘境肅清後此軍應否出關卽著楊岳斌酌量情形調度黃冕未嘗無才而人品心術俱不可恃前在江浙時聲名狼藉已久亦非因其辦理東征局朝廷始疑此人也將此由六百里諭知官文曾國藩駱秉章楊岳斌李鴻章沈葆楨馬新貽吳昌壽李瀚章並傳諭孫長紱石贊清知之○又諭恩麟奏籌撥兵勇駐守固原

等語恩麟以州城新復必須厚集兵力藉壯聲威惟省標存兵無多難於抽撥而安會一帶道路仍梗卽湊撥亦難剋期抵固自係實在情形秦國勝所統三營本隨張集馨駐紮靜甯現在張集馨已赴固原籌辦善後靜甯又已就廓清若將秦國勝所部由靜甯就近移紮固原甚為妥便著雷正綰卽飭該員帶領所統三營迅速前往與劉正高等協同防守恩麟卽毋庸由省標撥兵往防至該處善

後事宜已否就緒張集馨應否仍留固原辦理之處並著都興阿等酌度具奏其營汛各缺現經恩麟咨由雷正綰委員署理該提督當於從征人員內選擇得力可靠者酌量委署期於操防諸事有所裨益一切軍情仍隨時與都興阿籌商妥辦甯夏近日軍務若何都興阿穆圖善務當督飭各營將弁奮力攻取及早克復毋得曠日持久致誤戎機將此由六百里諭知都興阿穆圖善雷正綰並傳

諭恩麟知之○又諭廣鳳奎昌奏探聞塔城回眾變亂一摺據稱接扎薩克親王策林喇普坦等文稱正月初一日塔爾巴哈台回眾變亂主事職銜巴彥圖自貿易圈回塔見城門關閉未能進城因赴土爾扈特王扎薩克等送信等語塔城變亂情形未據明緒奏到自因道途梗阻文報難通之故該城是否失守仍著廣鳳奎昌偵探確實具奏土爾扈特王扎薩克等現擬調集兵丁探明塔城情形

籌商進剿。惟該盟兵等素未習戰。且軍械等項亦多缺乏。若令勉強出征。恐亦有名無實。不若責令就該游牧地方認真操練。備豫不虞。儻有賊蹤竄近。務當同心協力。共殄狂氛。將來大兵出關。亦可隨同進剿。著廣鳳奎昌傳知該親王等遵照辦理。並仍探明西路情形。隨時呈報塔城為新疆西北要區。如果為逆。回占踞難保不逐漸東趨。且古城一帶賊勢鴟張。亦恐有北竄科布多之意。此時科城

之防極為緊要。廣鳳奎昌縱不能派兵援應古城。而於本城防守責無旁貸。務須先事熟籌。嚴密布置。以期有備無患。烏里雅蘇台庫倫等處亦為邊疆要地。明誼麟興車林敦多布文盛阿爾塔什達均當思患豫防。力圖自強之策。不得以賊蹤尚遠。泄沓成風。致啟奸匪窺伺之漸。哈密等處待餉孔殷。烏科等處如有僻路可通。仍著明誼廣鳳等將解到餉銀設法分撥。總當穩慎解送。毋稍疏忽。將此

由六百里各諭令知之。庚申禮部以會試中額請得旨。滿洲取中七名。蒙古取中二名。漢軍取中五名。直隸取中二十四名。奉天取中三名。山東取中二十一名。山西取中十一名。河南取中十九名。陝甘取中八名。江蘇取中二十二名。安徽取中十二名。浙江取中十三名。江西取中二十三名。湖北取中十二名。湖南取中十二名。福建取中十名。廣東取中十三名。廣西取中十二名。四川取中十四名。雲南取中六名。貴州取中三名。○辛酉諭軍機大臣等。劉長佑奏督軍行抵威縣。現籌布置情形一摺。劉長佑於抵威縣後。探知該匪由山東濟南竄向平陰肥城。又復回竄東平。東阿屬境。現在布置諸軍。杜其北竄。擬俟各起兵勇到齊。酌撥數營。前赴元城南樂。以備冠縣朝城一路。並派天津通永兩鎮之兵合駐景州。以備德州恩縣一路。添調海口六營兵飭赴吳橋。互相策應。該督駐紮威縣居中

調度與曲周之楊毓枬清河之冷慶等軍相為犄角所籌布置情形尚屬周密惟賊氣距黃河南岸甚近直東毗連處所在在可渡處處須防且為該逆熟徑誠恐兵以分而見單一經偷渡勢又蔓延劉長佑惟當督飭在防各軍確探賊蹤嚴密堵禦仍須添調勁旅使各路兵力厚集無隙可乘以免臨渴掘井致誤事機如賊蹤竄至東昌臨清即當飭令所派官兵會合東省官軍越境夾擊以勦為防

仍一面自固藩籬方為妥善該逆飄忽靡定聲東擊西乃其慣技僧格林沁馬步各軍及閻敬銘所派丁寶楨等軍務須聯絡策應或由南路緊躡或由北路要截總當將該逆就地殲除實力勦洗毋任擾及畿疆現在辦理情形即著該親王迅速馳奏河北衛懷所屬濱河地方均可偷渡難保該逆不被勦西馳以圖北竄屢經有旨諭令張之萬嚴密設防現在賊氛密邇該撫所派防軍能否厚集儻

先事漫無準備致賊蹤擾及完善震動畿疆必惟該撫是問吳昌壽當懍遵疊次諭旨速行赴豫助勦以便豫省騰出兵力嚴扼河北一帶之防毋得觀望遷延稍分畛域致干重咎其楚邊防務即由官文妥為調度山西去賊雖遠其毗連直豫之平定潞澤等處亦當豫為籌策以備不虞著沈桂芬多設偵探妥籌布置毋稍疏忽將此由六百里各諭令知之○又諭東省地勢平行在在與江北毗連

裏下河一帶完善之區斷不可令賊蹤闖入著曾國藩仍遵前旨速撥得力兵勇派黃翼升帶礮船百餘隻到浦駐防李鴻章迅飭張樹珊吳毓芬馳赴邳宿防守不得稍有延緩致誤事機吳崇彭玉麟於江南諸軍到齊後悉心酌度或令新到之軍作為前敵而令淮徐各軍分防要隘嚴密布置務臻妥善總須防勦兼施如賊蹤竄近即令前敵各營實力迎勦與東省之兵合力夾擊毋得稍分畛域

以上各節屢經有旨諭知惟恐外省不能及早調發是以再三申諭彭玉麟疊次有旨催令赴任計日當可抵淮務當妥籌調遣以副委任吳棠在江北日久情形最熟應將一切緊要機宜向彭玉麟告述其劉銘傳一軍前寄諭喬松年飭令由蕭碭一路前進仍著該撫迅催該提督剋期啟行與江淮各軍聯絡攻勦毋稍觀望甘肅軍情緊要亟需知兵同道大員前往辦理鞏泰階道金國琛甘涼道

李鶴章著曾國藩李鴻章分飭各該員迅赴新任毋任遲延將此由六百里各諭令知之○又諭雷正綰奏追勦會甯踞逆獲勝驛路暢通派兵兼顧陝省門戶遵將地勢賊巢繪圖呈覽各摺片二月十七至二十六七日雷正綰派張集馨統領胡大貴等軍攻克青家驛從威戎鎮一帶追勦直至洛門地加沿途節節擒斬殲賊殆盡通渭甯遠隴西會甯境內均無賊蹤鞏郡解嚴該署提督已咨會

張集馨折回會甯合力進攻王德勝六營追勦馬賊直趨鹽茶陶茂林已帶兵馳抵會甯該署提督商令陶茂林扼紮安會控制兼顧省城令張集馨鎮撫固原籌辦一切布置均尚周妥陝甘兩省漏網巨逆均踞黑城子鹽茶靈州一帶著雷正綰與曹克忠卽由二營三營李俊堡等處分道進攻以期一鼓殄除仍應穩慎進取不可稍涉大意賊向甯靈一帶賊巢求救意圖糾約大隊拌死一戰著都

興阿穆圖善相機進攻甯夏毋任竄逸如賊有分兵救援之信可於要路設伏邀擊該將軍等務當與雷正綰等軍聲勢聯絡更易得手陝州賊勢窮蹙著駱秉章懍遵本月十九日諭旨督令周達武等軍會同林之望等認真勦辦迅圖克復劉蓉所派出之蕭慶高等軍原係四川派來之隊亦著歸駱秉章調度以一事權雷恆周顯承等追勦竄陝股匪著俟邠州等境一律肅清由雷正綰等查明保

獎東路各隘雷正綰仍當時時兼顧毋任旁竄肆擾雷正綰所進地圖止繪鹽固一隅未能十分明晰著與都興阿等通籌全局將現在進兵道路賊壘情形一併繪圖貼說以備省覽正在寄諭間據都興阿等奏固原竄匪撲犯花馬池立時擊退恩麟奏肅州回匪變亂現調西路各營官兵馳往援剿及階州擊賊獲勝官兵合圍玉通奏西甯花寺回匪擾害攻陷大通縣並撲府城請派兵援救各摺片花馬池賊匪雖經擊退難保不去而復來且恐該逆以驕兵之計誘我都興阿務須通飭所部各營晝夜嚴防不可稍有疏失刻下靖遠殘匪竄繞河西中衛縣廣武一帶復形危急而河東又添固原敗逆自靈州以南東互紅柳溝盡係賊氛雷正綰必須趕緊將黑城子賊匪剿滅督軍北進節節掃蕩進規靈州方可與都興阿合軍痛殲醜類即著相機迅進現在鞏昌情形已鬆曹克忠仍宜分攻

鹽茶以分賊勢該將軍即飭令速拔鹽茶毋稍鬆勁鶴齡一軍疊經諭令赴哈密進援刻下肅州危急著駱秉章等即檄赴肅州疏通道路以便順道出關肅州為關外往來糧運要道鶴齡軍餉著寬為籌備俾利師行穆圖善能否分兵前往援剿之處著都興阿迅速酌度調派恩麟已調兵一千五百餘名赴肅著就現有兵力認真剿洗黎獻已據恩麟派赴涼州布置甘涼防務所帶兵勇若干能否

移撥兼顧肅州著恩麟酌度辦理恩麟摺內所稱聞有肅州東關被口外獵戶竄入滋擾焚燒房屋圍困城垣本地回民亦即變亂等語究竟肅州曾否失守未據奏明殊屬含混著即趕緊確探具奏如肅州有失致令關內外糧路軍情消息阻隔必治該護督以應得之罪懍之慎之西甯花寺回匪變亂皆由玉通平日議撫撤圍漫無準備以致縣城失守郡城危急生民塗炭該大臣一籌莫展惟知



令馬文義等往來調停。斷難恃以無恐。蔣凝學一軍現已行抵何處。著楊岳斌飛催該道督率所部徑赴西甯。該處有兵一二千名。亦卽歸該道調遣。以資得力。肅州西甯賊勢猖獗。都興阿等未能兼顧。楊岳斌當兼程前進。通籌進剿。機宜力維西路大局。蔣凝學如離甘尚遠。或由楊岳斌先撥數營前赴西甯。以免疏虞。並著恩麟咨商陶茂林暫緩兼顧他處。務當先行撥兵援剿。此外如有可撥之兵。

亦應分撥肅州。以顧全局。西甯郡城人心必須鎮定。著玉通妥為激勵。固守待援。毋得一誤再誤。致干重罪。階州兵已合圍林之望。當卽督軍會川陝等軍迅克城池。如階州先已克復。林之望卽飭所部迅援肅州。階州乞降。餘匪林之望咨會周達武等妥為安插。毋令再滋事端。鮑超近日已否抵川。著駱秉章飛催赴甘。將此由六百里諭知都興阿。穆圖善。雷正綰。駱秉章。楊岳斌。劉蓉。玉通。並傳諭恩。

麟林之望知之。又諭現在雷正綰一軍進剿會甯。踞逆正當喫緊。必須餉項源源接濟。方能迅掃賊氛。著閻敬銘沈桂芬張之萬仍遵前旨。將協撥慶陽糧臺之款迅速籌解。毋稍遲延。四川應解之餉於未經謀滇之前。仍應按月解甘。俟江蘇浙江江西湖北四省議有協甘餉銀成數。再行停解。並著楊能格一面咨催一面派員迎提。以供要需。將此由六百里諭知駱秉章閻敬銘沈桂芬張之萬。並傳諭楊能格知之。又諭德勒克多爾濟奏暫儲新疆餉銀。以顧南北兩路一摺。新疆各城需餉甚急。業經該將軍由綏遠城先後解過銀二十四萬餘兩。均在科城存留。昨據廣鳳奎昌奏稱探聞塔城回匪變亂。道途梗塞。自未能分撥各城。著德勒克多爾濟咨行科布多參贊大臣將前解到餉銀妥為防護。如果道路疏通。卽速知照各城分提應用。儻賊蹤稍偪。卽解回烏里雅蘇台及庫倫停儲。或

仍提回綏遠俟路通再行解往該將軍卽咨明科布多等城體察情形妥為辦理如有疏失必惟該城將軍大臣等是問其山東山西續解到銀四萬兩卽著暫留綏遠城刻下哈密待餉孔殷如甘肅委員來提卽可先其所急發交運回至山西指撥哈密餉銀數萬兩仍由該將軍咨催沈桂芬趕緊籌解毋稍延誤將此由六百里諭令知之○又諭崇實駱秉章奏藏兵深入土司地方已近川邊現飭

防範一摺西藏前派李玉圖統帶土兵勦辦瞻對曾據駱秉章奏該土兵甫抵巴塘卽肆搶掠圍攻土司住寨傷斃人命各情當經諭令滿慶等迅將李玉圖及此項土兵趕緊撤回嚴加約束茲據駱秉章奏瞻對已與明正土司具結息爭現未出巢並未與明正土司構兵而藏兵已至道塢將近明正土司地方聲言欲攻瞻對老巢其為藉圖需索騷擾內地已無疑義瞻對具結息爭一事如尚不可

靠未必永弭釁端自當仍由駱秉章遵照前旨飭令史致康妥為曉諭使之歛兵歸巢如早已相安無事又何煩藏兵從中生事致蠻觸又復相爭著駱秉章嚴飭史致康及打箭鑪文武確加偵探嚴密防範仍責成該員將該土司等具結息爭一事迅卽辦理完竣務期永遠相安疏通驛站毋致再啟邊釁一面查明統帶藏兵之員是否卽係李玉圖該革員罪惡昭著本有旨令其赴川以憑查辦著

駱秉章卽將該革員設法調令赴省景紋如尚未起程著卽迅速取道前進一面飭令李玉圖赴川一面接統其兵如該兵尚遵約束不至如前騷擾尚可會同史致康等將土司事務辦竣再行撤回若竟漫無紀律貽害地方卽由景紋迅帶回藏不准闖入川疆致生他變將此由六百里各諭令知之○署吉林將軍阜保奏遵旨籌辦未盡事宜得旨應辦各事宜著阜保次第清釐妥為經理盜匪烏

患李等仍著實力擒拏務獲究辦以絕根株  
○江甯將軍富明阿奏請開缺休致回籍得  
旨富明阿連年勦匪勞勩卓著此時傷疾又  
發卽著緩程前進俾得沿途調理俟來京後  
再降諭旨○予甘肅西甯被賊把總魯連清  
祭葬世職○壬戌諭軍機大臣等張凱嵩奏  
收復永淳縣城勦辦梧州鎮安各匪請飭催  
援黔軍餉各摺片逆首孫仁廣久踞永淳縣  
城經劉坤一督軍進勦連克水陸各隘斃賊  
一千餘名該逆惶遽潰走當於二月十三日  
將永淳縣城收復勦辦尚屬得手所有出力  
員弁紳團傷亡勇練准其查明分別奏請獎  
卹逆首孫仁廣梁安邦率其餘黨遁聚那檀  
山澤兩巢必須趕緊進勦一鼓殲擒方免後  
患儻事機稍緩恐漏網餘生日久又形滋蔓  
著張凱嵩督飭劉坤一等分道進攻務將首  
要各逆悉數殲除毋留餘孽永淳地方甫復  
一切善後事宜並著飭屬認真妥辦梧州府

屬土匪霍十兮勾結東西兩省邊境匪徒蔓  
延容藤岑溪一帶蔣澤春等軍會集鄉團疊  
次進勦頗有斬擒現在西省大軍已集東省  
曾敏行一軍亦已越境攻勦著張凱嵩飭令  
蔣澤春乘此大兵初集之際會合東省官軍  
分路進攻痛加勦洗馮子材此時計早抵信  
羅之交著瑞麟郭嵩燾催令該提督嚴檄曾  
敏行等實力進勦毋稍延緩鎮安府匪股紛  
紜署知府興福等集團勦辦斃賊多名匪勢  
漸蹙仍著飭令該署知府督飭鄉團認真防  
勦一面飭令劉坤一俟南甯軍務稍鬆迅撥  
勁旅乘勝掃蕩以靖地方楊廷桂一軍進勦  
貴州黎平髮逆暫駐永從專待楚黔兩省之  
兵會合進攻著勞崇光張亮基李瀚章石贊  
清嚴飭派出各軍迅速前進合力進攻毋得  
互相推諉毫無成效現在廣西援黔一軍餉  
需積欠甚多自應速籌接濟著李瀚章石贊  
清將原撥廣西協餉迅速撥解儻不能如數

籌款卽著按月解足五千兩源源撥濟俾楊廷桂一軍不至停兵待餉貽誤事機署思恩營中軍守備林源海怙惡不悛結黨苛斂團費擅殺平民經張凱嵩派員拴縛正法所辦甚是嗣後地方如有似此不法之員仍著嚴密訪拏照此辦理其有被人迫脅情尚可原者亦當妥為彈壓毋令生事所陳廣西省咨遣回籍勇丁為數無多或令歸農或挑補兵額其有職員弁除實缺飭赴本任外餘俱發標學習均著照所議辦理將此由六百里諭知瑞麟勞崇光李瀚章張凱嵩郭嵩燾張亮基馮子材並傳諭石贊清知之○又諭惠慶奏擊退乘夜登城回匪請飭關內援兵兼程前往一摺古城地方回匪圍攻城垣五十餘日復乘官兵困乏黑夜登城經官兵奮力衝擊賊匪紛紛墜城轟斃無算懇請飭催援兵星夜前來等語古城被圍日久兵力疲敝合城兵民涕泣盼救覽奏曷勝焦灼昨據恩麟

奏稱肅州回匪變亂已諭令駱秉章等檄飭鶴齡一軍先將該處回匪勦辦著恩麟卽行飛劄迎提催令該總兵迅赴肅州將此股殄除後卽行馳赴哈密會同德祥速援古城毋稍延緩聯捷所統各軍前已有旨令由關內行走昨復諭令劉蓉恩麟於成祿行抵陝甘時卽飛催該提督前進此時成祿究竟行抵何處卽著該提督迅速奏報一面仍趕緊前進所有聯捷一軍並著由成祿總統聯捷卽作為幫辦該提督等務當合力同心迅速會合帶兵出關兼程前援古城如行抵肅州時該處業已安定卽督同鶴齡所部星夜出關毋稍遷延致干咎戾穆圖善一軍能否分撥出關仍著都興阿妥為籌畫毋得稍分畛域將此由六百里諭知都興阿穆圖善成祿聯捷惠慶並傳諭恩麟知之○以守禦不力古城佐領阿坤布等下部嚴議上以孟夏時享

太廟自是日始齋戒三日○癸亥諭軍機大臣等據官文奏稱與楊岳斌會商甘省餉需情形一摺另片奏請將湖北協濟福建滇黔之餉免其撥解全力移解甘肅等語所奏不為無見○甘省軍務正當喫緊之際楊岳斌一軍人數眾多餉需較鉅將來尚須援勦新疆官文務當先行籌撥鉅款源源接濟所有甘省設立後路糧臺代辦軍械火藥等件均著由楚省先行籌撥並著官文迅即咨商江蘇浙江江西各督撫即將每月能接濟甘餉若干數目趕緊籌畫並湖北協濟甘餉定數一併籌定俟定議後迅即奏明辦理至釐金為餉源所出前據曾國藩奏稱裁撤係專指湖南一省而言其湖北釐局自不在減裁之內官文當妥為經理以期無誤供支至官文所稱湖北每月協濟福建雲南貴州餉銀各一萬兩請即停止以便專解甘肅其滇黔閩三省軍餉請由附近之浙江四川勻撥一節滇黔

之餉若照曾國藩所擬將來自可由川湘兩省分任惟福建之餉能否專由浙省供支尚未議及著左宗棠馬新貽酌定協撥之數迅速具奏以便即照官文所請辦理福建近日軍情若何著左宗棠隨時奏聞以慰廑念○將此由六百里各諭令知之○湖廣總督官文等奏請令營官卬時成等暫行赴營防勦得旨著准其暫行回營仍飭查明周德興等下落押解赴楚以憑質訊如有擅行收留婦女情事即著分別嚴叅懲辦毋許姑容○甲子○上以孟夏時享太廟前期親詣行禮○諭內閣萬青藜卞寶第奏甄別才不勝任之知縣一摺順天順義縣知縣徐恩洽才具平庸難膺民社惟係舉人出身文理尚優著以教職改補歸部銓選○諭軍機大臣等閻敬銘奏賊蹤南竄籌防情形一摺賊由滕嶧圖渡運河復折向東北由嶧縣奔至蘭山縣境南趨郟城赴贛榆青口

是此股賊匪已出東境海州淮安一帶俱形喫緊著吳棠彭玉麟懍遵疊次諭旨選派得力弁兵扼守要隘毋令一賊一騎闌入腹地仍一面派兵迎頭攔擊如江南調往之張樹珊吳毓分等軍到齊即可派赴前敵實力勦洗與東省追賊之兵夾擊以收聚殲之效仍當酌添後路之兵層層接應本日據李鴻章奏已派吳毓芬前赴揚防歐陽利見帶礮船赴江北此時賊已入境著卽迅飭該員等及

張樹珊軍飛速前進均歸吳棠彭玉麟調遣揚防亦屬緊要著曾國藩李鴻章另揀得力之員前往鎮撫曾國藩並嚴飭黃翼升礮船星夜前進不得稍有遲誤儻赴援遲延致令裏下河等完善地方被賊蹂躪必惟該督撫等是問劉銘傳一軍前已諭知喬松年令由蕭碭進剿刻下賊竄贛榆正可攔擊著劉銘傳遵旨飛速前進不准延緩李鴻章奏劉銘傳一軍擬添練馬隊之處正恐緩不濟急著

曾國藩李鴻章查明揚防所撤之馬隊如尚未起程卽著酌量撥給俾該提督管帶馳剿僧格林沁現已追賊抵滕仍著穩慎進取與江淮諸軍協剿馬步各隊亦宜稍為休息養其銳氣毋使疲乏贛榆一帶水田居多尤當加意慎重不可為賊所乘丁寶楨一軍應由何路進取並著僧格林沁酌量調遣山東所募勇丁認真訓練登萊青等屬防守緊要青州駐防旗營是否足數守禦著閻敬銘妥籌

辦理賊氛雖至江北難保不復行回竄閻敬銘仍當加意防範並飭派出之黃兆昇等嚴防北路英翰一軍前經喬松年派在雉河集扼守現在逆匪去皖境較遠此軍及詹啟綸一軍應由何路防剿著僧格林沁妥籌調度以厚兵力張之萬仍遵前旨督飭將弁於河南北要隘嚴密防堵毋稍大意將此由六百里諭知僧格林沁曾國藩吳棠彭玉麟李鴻章喬松年間敬銘張之萬並傳諭劉銘傳知

之。又諭李瀚章奏交卸起程石贊清奏東西兩路防堵情形各一摺上杭諸逆經劉典等軍擊敗後盡趨漳州李侍賢汪海洋均係兇狡賊目茲復歸併一處難保不為困獸之鬪紛擾旁趨湖南東路防務自未可稍形鬆勁著石贊清檄飭趙煥聯等軍扼要駐守實力嚴防李瀚章業已起程即著迅速進行馳赴新任將該省防勦事宜妥為辦理汪李等逆現聚一隅正可設法兜圍為一鼓聚殲之計著左宗棠徐宗幹激勵將弁會同粵東官軍將該逆等就地殄除毋令擾及他處或潛逃入海致窮蹙之寇又肆猖獗瑞麟郭嵩燾即飭李福泰等嚴密布置力固潮州之防並令由粵援閩之方耀等軍會合進攻協力掃蕩迅殄逆氛孫長紱督飭派出官軍嚴扼本境毋令賊蹤再行回竄黔省天柱縣城復失該匪竄擾靖會邊境分股撲犯遠洞等處荆竹園號匪句結鎮邊苗匪亦有蠢動之信著

石贊清即飭周洪印等軍先勦天柱之匪力顧靖會腹地並令彭炳武等軍嚴扼沅晃等處以固邊圉將此由六百里諭知瑞麟左宗棠徐宗幹李瀚章郭嵩燾並傳諭石贊清孫長紱知之。○又諭駱秉章奏分勦黔滇股匪疊次獲勝並胡中和辭免總統諸軍各摺片據稱黔中連城告陷較之滇省尤屬危急擬俟階州踞逆殄平即先抽調兵勇會同劉嶽昭攻勦黔邊賊匪以鬆川東之防始能移撥唐友耕等所部赴滇所籌自係實在情形即著嚴檄在防諸軍慎固封守毋令黔滇竄匪復行闖入擾及完善胡中和未便總統諸軍前據該督奏到業經諭令照所請辦理階州踞逆為諸軍四面圍勦其勢已蹙現因糧食將罄偷造木筏圖由河道逃竄正宜檄飭各軍乘賊勢困乏聚而殲旃並著駱秉章檄飭階州諸軍協力齊心將階城踞匪悉數就地殄除毋任紛竄以靖地方如蕭慶高等軍已

數勦辦階州之匪。無庸胡中和在彼聯絡。卽可飭令回勦敘南一帶。著駱秉章妥籌辦理。將此由六百里諭令知之。○又諭聯捷奏請酌提山西火箭。及懇准舊部親兵入營效力等語。山西所製鐵火箭。現存軍需總局。尚有二百餘枝。著准由聯捷酌提一百枝。以備軍中應用。卽由沈桂芬照數撥解至奇克紳布志雲等員。均係京營派赴晉省製造火箭。以備都興阿穆圖善等各軍之用。若由聯捷調赴該營。則各路軍營所需火器。從何製造。將來都興阿等帶兵出關時。該員等尚可隨同前往。此時聯捷所請帶往之處。著不准行。勇目苗珩等均係聯捷舊部。現在先後來營投效。著准其隨營勦賊。聯捷仍當加意挑選。不得將疲弱之卒。任意收留。且直東一帶。回民極多。尤恐溷跡投營。將來或暗通回逆。或漏洩機事。其禍不可勝言。聯捷所招親軍。斷不可濫收此類。儻顓頊從事。貽誤軍情。必惟聯

捷是問。所調直隸各員。除崔福泰已經劉長佑奏請留直防堵外。其餘各員。已催令起程。惟該員等從前所帶親勇。均係大廣一帶游民。良莠淆混。亦難免有回民在內。前隨聯捷在直東一帶勦賊。不見得力。將來都興阿等出關後。不患兵力不厚。所請令余承恩等各帶親勇三百赴營之處。亦不准行。將此由四百里各諭令知之。○追予江蘇無錫殉難道員史保悠於死事地方。暨原籍各建專祠。守

備李鳳標暨家丁等均附祀。予四川珙縣等處陣亡副將王步週等十五員。祭葬世職加等。○予湖南原田陣亡訓導楊長蔚祭葬世職加等。武生儲連三賞卹加等。



大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十四

一、

一五九

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十五

[illegible]

理吏記事務所第一庫事務加七級單功加五級隨帶加七級計錢三十次實爲金古銀錢官群建議官太子少保大司閤預勳事懷仁閣左丞武英殿總纂

正統旗副洲都統管理工部先鋒等事務內大臣鑾圖公建功加一級陞帶加一級紀錄十七次。宣統貳拾陸載官庭每講定后汪宮太子大信翰林院掌院

此士也。欽此。一。辦事件。及。副吏。信。經。致。美。致。竭。誠。無。不。盡。士。兵。部。內。軍。機。大。臣。勢。所。宜。士。管。理。戶。部。三。庫。事。務。國。子。監。典。典。九。經。策。功。加。三。級。隨。帶。

加六次。乾隆十九次。虎莊營署本副理總官及從簿官部品項等物。尚書管理戶部三庫事務。帶加五級。乾隆十二次。徐桐等奏

敕修

同治四年乙丑夏四月乙丑朔享

太廟遣醇郡王奕譞恭代行禮○

上詣綏履殿問

慈安皇太后安平室問

慈禧皇太后安至甲午皆如之○諭內閣都察

院奏據熱河馬甲穆騰額呈控禁地被占一

摺據稱熱河圍場地○面○曾經奏明紅椿以外○

准開墾升課。上年春閒。該都統出示招墾。乃

商佃人等。竟在紅椿內開大川九道。掘井數

十口。蓋房百餘間。甚至奸商戚大詳。擅將

御道頂樑古松大樹並雜木等全行砍伐。又在東陵背山賽罕壩嶺掘井燒窯。卡倫均被侵占。熱河地方現有馬賊出沒。經該處翼長貴山稟明該都統未經查辦等語。熱河圍場開墾升課。於同治二年六月間。經前任都統瑞麟奏請明定章程。設立界址。修補紅椿以防偷越。而上年麒麟慶出示曉諭。亦止准於紅椿以外砍伐樹木。按料輸課。何以商佃人等竟敢肆行占擾。直於紅椿內開川掘井伐樹燒窯。

且熱河地方胥關緊要。豈容馬賊任意出沒。如所控各情屬實。殊屬大干例禁。著麒麟慶確切查明。從嚴究辦。不准稍涉含混。原告馬甲穆騰額。該部照例解往備質。尋奏查革兵穆騰額於例應押荒升課之銀。屢催屢抗。此次放地招佃。不便於私。是以砌詞聳聽。意圖阻撓。傳訊所控開川掘井。蓋房砍木。及馬賊出沒各節。均不能指實。應俟秋收後再行派員履勘得旨。仍著確切根究。不得稍存成見。如

果所控全虛。卽著按律懲辦。以儆刁風。○諭軍機大臣等。恩麟奏甘省西路賊氛日熾。請飛催官兵進剿一摺。肅州回匪與官兵互相焚殺。回匪盡撲州城。周圍屯紮。復勾通獵戶。將嘉峪關占踞。甘州撫彝廳屬黃家灣回匪亦於三月初一日糾眾焚殺。各鄉回民均有蠢動之信。賊勢甚為猖獗。嘉峪關為赴新疆進兵要路。現被逆匪占踞。關內外已梗塞不通。肅州匪已登城。官兵勢難持久。甘州回黨

煽動。又成累卵之危。亟須厚集援兵。疏通關路。著陶茂林酌度軍情。移緩就急。馳赴肅州會合黎獻之軍。先解城圍。仍分兵兼顧甘州。與恩麟所派甘標官兵赴黃沙灣河一帶偵巡堵剿。都興阿穆圖善當激勵兵勇。迅將甯夏漢城攻拔。卽可騰出兵力。交穆圖善統帶。由甘肅節節進剿。並著雷正綰懍遵前旨。將黑城子一帶踞逆。迅行殄除。進規靈州。與都興阿等聯絡聲勢。穩慎進取。駱秉章所派援

甘之鶴齡一軍。曾否出關。現在何處。著駱秉章飛催。趕赴甘郡。肅州一帶。扼要截擊。並著都興阿等。迅提前進。楊岳斌勇隊。前據奏報。陸續起程。此時甘省軍情。萬分危迫。著楊岳斌。迅催全軍。馳赴甘省。其蔣凝學一軍。並著飛催。赴援肅州一帶。仍分軍兼顧西甯。毋稍延緩。前經諭令成祿。總統聯捷諸軍。由陝甘前進。著聯捷探明該提督現在行抵何處。飛速知照。進援。聯捷接奉此旨。卽統帶官兵。星速西行。會同甘省諸軍。將肅州甘郡回逆。次第掃蕩。卽行規復嘉峪關。該關為通新疆要路。必須迅圖攻拔。關内外文報始通。德祥一軍。已赴哈密。如有別路可通消息。卽飭德祥之軍。與關内官兵。會期裏外夾擊。收復要隘。並著都興阿等。會籌妥辦。階州匪勢已蹙。著駱秉章。劉蓉。檄飭川陝各軍。迅克堅城。殲除醜類。卽可選派將弁。統得勝之師。移赴甘郡。協剿恩麟於嘉峪關。被匪占踞。事前毫無布

置。殊屬有負委任。仍著檄飭所派官兵。嚴密堵剿。並激勵肅州各鄉民勇。奮力救援。以解該城之圍。並將甘郡回眾。妥為彈壓撫輯。毋任復行滋事。其撫彝高臺等廳縣。並著飭該地方文武。就現有兵團。妥籌防禦。儻再有疏虞。必惟恩麟是問。懍之慎之。將此由六百里加緊諭知。都興阿。穆圖善。雷正綰。駱秉章。楊岳斌。劉蓉。成祿。聯捷。並傳諭陶茂林。恩麟知之。○丙寅。諭軍機大臣等。有人奏山東候補道王繼庭。前在青州府任内降調。於同治二年入閩。敬銘幕中辦事。經該撫保奏開復原官。又奏保免補知府。以道員補用。至今未離撫署。情同盤踞等語。王繼庭疊經該撫保舉。自係得力之員。原可量材酌予差委。惟以屬員居住撫署。於體制固屬不合。且未能遠嫌。難免物議。王繼庭如果實有其事。卽著閩敬銘毋庸令其在撫署辦事。以符體制。原摺著鈔給閩。敬銘閱看。將此諭令知之。尋奏王繼

庭係辦理營務並未干預地方公事。得旨王繼庭著暫留該撫營務處俟軍務稍定。卽令銷差出署。毋任藉詞逗遛。○又諭僧格林沁奏追剿髮捻各逆。小有斬擒。賊蹤已出東境。各摺片匪眾未由嶧縣臺莊渡運。先向蘭山郟城各境東竄。業已遁出東境。僧格林沁追至贛榆縣地方。馬力已乏。自應稍為休歇。且由此而南。地多水田。馬隊亦未能馳騁。不可再令冒險前進。與賊相持。僧格林沁務當穩

慎進取。先令步隊追賊。而以馬隊從平曠地方截其回竄。方為妥善。江南派往淮揚之張樹珊吳毓芬兩軍。並歐陽利見所帶礮船。及疊諭派防江北之兵。著曾國藩李鴻章飭令速赴江北。並嚴飭黃翼升礮船。星夜前赴裏下河一帶。不准片刻遲延。吳棠彭玉麟仍當相機調度。嚴密扼守。不可稍涉疏懈。駐紮永城徐州之張曜詹啟綸等軍。著僧格林沁飭令探蹤迎剿。並飭令劉銘傳懍遵前旨。由蕭

碭一帶往東迎擊。兼防賊匪回向西竄之路。其雉河集及歸德一帶。仍著喬松年張之萬一體嚴防。閻敬銘亦當檄令丁寶楨等扼守本境。嚴密布置。毋任賊蹤回竄東境。至僧格林沁所稱丁寶楨在甯陽遇賊。以眾寡不敵。接仗失利等語。前據閻敬銘僅將范正坦挫敗情形陳奏。並未言及丁寶楨有失利之事。著閻敬銘卽行查明具奏。贛榆縣令陳繼煥於僧格林沁督兵追至該縣境內。既不出城。

又不聽購買糧草。疊經該大臣持令劄傳。抗不遵應。並任聽紳民將買取食物之兵勇扣留。及催問之差弁。亦用火器打傷。實屬荒謬。迴出情理之外。著卽革職。拏問。交吳棠彭玉麟提同該邑紳民。詳審究辦。並將擊傷官兵之人。從重懲辦。以儆刁頑。江北州縣。積習疲玩已久。該省督撫務當嚴飭該地方官。並各團寨紳民。於官軍經過時。查探明確。如實係官兵。不准擅開槍礮。並聽軍士與商民將糧

草公平購買。毋許阻撓。致誤軍行。將此由六百里各諭令知之。○撥直隸河南火藥各五萬斤。鉛丸各二萬五千斤。火繩各五萬丈。解赴甘肅慶陽糧臺備用。○丁卯。諭內閣。前因編修蔡壽祺指稱薛煥劉荅行賄黃緣各節。經薛煥明白回奏。當派肅親王華豐等會同查訊。茲據奏稱蔡壽祺所指薛煥挾厚貲而內膺重任一節。連日傳到各該員質訊。據蔡壽祺供。並無實據可呈。實因誤信風聞。遽行

入奏。如有應得之咎。俯首無辭等語。蔡壽祺所指薛煥行賄一節。業經訊明。並無實據。應如何辦理之處。仍著華豐等會同擬議具奏。先行完結。其所指劉荅善黃緣而外任封疆一節。並著華豐等先行詳訊。蔡壽祺有無實據。仍俟劉荅明白回奏到日。再行覈辦。○又諭閻敬銘奏保舉賢能。牧令以昭獎勸一摺。山東候補知州張廷揚。楊濟均著俟補缺後。以知府用。甯海州知州在任候選知府舒孔

安著以知府留於山東在任候補。知縣彭啟昆師嵩齡均著以同知直隸州知州用。候補知州李均著俟補缺後以同知直隸州知州用。試用知州左宜似著以本班儘先卽補。卽用知縣陳鳳翥著賞加同知銜。丁憂知縣林溥著俟服滿後仍留山東補用。○署漕運總督兵部右侍郎彭玉麟奏請開署缺並本缺專辦水師事務。得旨覽奏情詞懇摯。出於至誠。彭玉麟著准其開漕運總督署缺。所有長

江水師善後應辦事宜。仍著該侍郎妥為料理。○以放賑遲延。浙江知縣韓道本革職訊辦。○以江南水師克復江甯出力。賞提督彭昌禧張錦芳總兵官李宏試。楊雲祥。易光南。李廷忠。潘長順。許廷綬。羅俊。福。胡榮。偉。王承業。蔣本元。龔得勝。許鼎臣。唐敏義。一品封典。總兵官梁永學。王兆祥。周國才。楊永浩。賀世清。邵雲錫。張復勝。朱有成。張向榮。謝洪春。譚定信。喻清漢。李高餘。劉武德。傳以德。副將蔣

延登黃秋亭劉玉春麥春泉鍾光裕向俊龍周尊美劉高俊王汝駿朱秀宣熊本立王榮福馬志俊蕭信集曾明輝王星耀陳金順李立德參將王裕春趙興發石子城李雲祥潘玉坤遊擊祖興盛巴圖魯名號知府汪有勛遊擊黃清和等花翎知縣劉達源等藍翎餘升敘有差。○蠲免浙江臨安於潛新城昌化武康安吉孝豐仁和錢塘富陽餘杭十一縣被擾地方本年暨來年額賦有差。○戊辰諭

內閣前因御史何福咸奏參江蘇署沐陽縣知縣蔣懋勳貪酷不職玩視民命各款當交李鴻章吳棠查奏先後經李鴻章吳棠查明所參各款皆無實據惟將徐得嘉等正法係未照例詳辦請將蔣懋勳革職復經降旨令吳棠就近再將此案情節及蔣懋勳平日官聲詳細查奏茲據吳棠奏稱蔣懋勳居官勤慎輿情允洽徐得嘉等窩匪擾害該員據團練公請就地正法惟究未照例辦理是以奏

請革職等語此案蔣懋勳因徐得嘉等句匪擾害地方未經詳辦先行正法雖未照例辦理惟其時捻氛逼近該員係為除暴安良起見若遽予革職恐嗣後地方官遇有緊要事宜多所瞻顧蔣懋勳著加恩免其革職仍交部照例議處用示原情慎罰至意。○諭軍機大臣等吳棠奏匪股繞竄江境現派隊分投扼截並請收回署兩廣總督成命各摺片賊竄贛榆一帶疊經諭令僧格林沁等妥籌會

擊現在賊在海州境內該處南接清淮東南則趨鹽阜皆為裏下河最要門戶吳棠現派汪陞發等守鹽阜之射陽湖馬家蕩等處派姚廣武馳守沐陽派滕國棟等守安東而以趙三元水師輔之張從龍扼鹽河留李元華等駐守清江土圩布置均屬周妥惟此時揚防已撤賊眾兵單前敵既難操勝算後路亦深慮空虛歐陽利見於三月二十二日起程到淮必速張樹聲張樹珊等軍何以尚未起

程著曾國藩李鴻章飛催赴援。以厚兵力。吳棠於諸軍到淮時。相機調度。挫賊兇鋒。須力保裏下河完善之區。方為不負委任。陳國瑞詹啟綸等軍。於該處地勢。均稱熟悉。著僧格林沁催令該總兵等。繞前夾擊。輔以馬隊。毋令回竄東省。以收一鼓聚殲之效。曾國藩等於上年請撤揚防時。曾有揚州與金陵僅隔一江。可以就近派兵接防。由皖北兜剿。無虞竄越後路之奏。此時揚防喫緊。仍當與李鴻

章力籌添兵保衛。該督撫應否出省前赴江北督剿之處。並著酌度辦理。迅速馳奏。如裏下河被賊蹂躪。定惟該督撫等是問。劉銘傳一軍。已據曾國藩奏稱調赴邳宿。著即嚴催前進。如再敢觀望不前。即將該提督從重叅處。昨據彭玉麟奏。力辭署理漕督。已有旨俯如所請。該員現仍以兵部侍郎總統水師。著即迅撥輕利礮船數十號。前赴清淮一帶遏防。如能親自統帶前來。會同吳棠辦理。剿匪

事宜。更資得力。該侍郎接奉此旨。即著妥籌辦法。吳棠另片奏清淮士民。聞該漕督有赴粵之信。適值寇警紛然。警駭。懇辭署理兩廣總督。專意籌辦清淮防剿。使江北士民同心協力。無所猶豫等語。具見體國公忠。不肯避難就易。深堪嘉尚。吳棠仍著暫留漕運總督本任。俟此股賊匪一律埽除。再赴兩廣總督署任。將此由六百里各諭令知之。○又諭都興阿等奏。逆擾鹽場堡後路。官軍迎剿獲勝。

前敵剿賊喫緊。請飭雷正綰撥軍一摺。固原逆匪竄擾鹽場堡。毋豬渠等處。疊經翁同書督飭馬隊迎剿。殲擒悍逆多名。該處為由定邊赴花馬池大路。逆匪連次撲犯。意圖阻我糧道。都興阿現檄各營步隊分行嚴守。並令西蒙克西克訥依楞阿等馬隊。分定邊花馬池兩路梭巡。著即嚴飭各軍實力探剿。以防餉道。無使後路稍有疏失。甯夏攻剿情形。現在它掘地道。功將及半。惟賊營日益加增。官



軍兵力過單。前敵後路均形喫緊。雷正綰現與曹克忠分勦黑城子鹽茶靈州一帶之匪。諒已進兵。此時花馬池定邊一路危急。著該署提督迅將黑城子等處踞逆攻克。節節掃蕩。卽親督大隊前赴靈州。期與都興阿等聯絡聲勢。共收夾擊之效。毋得顧此失彼。如黑城子攻克尚需時日。卽著先其所急。酌量分撥兵隊兼程北進。救援甯靈後路。以期餉道無失。本日又據沈桂芬奏。遵撥茅津渡楚勇

一千名。由袁復清羅承勳統帶。先後赴甘。請將都興阿原調大同兵一千悉數撤回。庶此後籌解勇糧方能周轉等語。都興阿前敵兵勇尚形單薄。其能否將此項大同兵撤回晉省之處。著該將軍酌量辦理。至沈桂芬所稱楚勇業已先後赴甘。請將陳東霖勇糧仍由都興阿等籌給之處。卽著照所請辦理。山東逆匪現雖竄赴贛榆一帶。去晉稍遠。惟逆蹤飄忽靡常。且恐分股回竄東豫潞澤一帶之

防。仍不可稍涉大意。著沈桂芬妥籌調派。以備不虞。將此由六百里各諭令知之。○以江西肅清樂平等處出力。賞副將劉光裕一品封典。道員王德權副將毛全陞黃儲賓參將何秀清黎榮鈞單綬福孫有中王懷俊都司李運龍蕭福巴圖魯名號。知州吳鼎新遊擊羅山壽等花翎。知縣鍾日新等藍翎。餘加銜升敘開復有差。○己巳諭軍機大臣等。前據倭仁等奏。遵旨傳訊編修蔡壽祺。供稱摺內

挾重貲而內膺重任。善夤緣而外任封疆。二語係指薛煥劉蓉行賄夤緣。當經降旨令薛煥劉蓉各據實明白回奏。以憑查辦。除薛煥已遵旨覆奏外。該撫於接奉諭旨後。卽將該編修所指善夤緣而外任封疆一節。據實迅速明白回奏。不准一字欺飾。倭仁等原摺著摘鈔閱看。將此諭令知之。○又諭有人奏豫省道府各員貪劣昭著。請旨查辦一摺。據稱河南候補道徐恆曾總理營務處。納賄弄權。



物議沸騰。候補知府黃衡招搖納賄。聲名狼藉。同知何桂芳縱酒貪酷。草菅人命。於光州廣添捐局。虛報銷數。並侵吞提存公項一萬兩各等情。河南軍務未平。瘡痍滿目。何堪縱容貪酷之吏。股削民生。若所奏屬實。何以肅吏治而儆官邪。本日已將吳昌壽調任河南巡撫。該撫甫經到豫。無所用其迴護。著將摺片內所參各情。逐款查明。認真究辦。毋稍徇隱。原摺片著鈔給閱看。將此諭令知之。○又

諭吳昌壽奏遵抵豫境。相機截剿。並請將將凝學所部留營各摺片。現在豫匪雖由山東逸入江北之海州贛榆。難保不復行回竄。即著吳昌壽探明何路有賊。即由何路進剿。掃蕩逆氛。並將各處伏莽。次第殲除。廓清全境。至豫省吏治。廢弛已久。該撫到任後。務須加意整頓。並實行團練。使官為經理。與民同心。相保相衛。庶彫敝之俗。煥然一新。以副委任。姜玉順。譚仁芳等軍。並著吳昌壽檄令趕緊

進紮。酌度機宜。妥為布置。賊蹤現雖去鄂愈遠。惟該逆奔竄。剽疾異常。楚省邊防。仍未可稍涉大意。著官文督飭成大吉等營。扼要嚴防。妥為備禦。蔣凝學一軍。疊次諭令楊岳斌。飛催赴援肅州。茲據吳昌壽奏請將蔣凝學所部留營調遣等語。甘省偏地賊氛。肅州被匪攻城。尤形危殆。該州為出關糧運要道。關繫極為緊要。不能不先其所急。以資厚集而保危城。蔣凝學一軍。仍著楊岳斌懷遵前旨。

催令迅赴肅州。相機進剿。毋再稍涉遲延。楊岳斌務當督率全軍。兼程前進。以解倒懸。如豫省兵力不敷。即著吳昌壽咨調得力楚軍。合力會剿。將此由六百里各諭令知之。○又諭雷正綰奏。官軍攻克黑城子賊巢。收復鹽茶廳城一摺。據稱官軍攻克固原後。由何家溝等處進攻。與張集馨等所部合圍黑城子。連日疊有斬馘。三月十五日。各軍分路環攻。奮勇登城。當將黑城子老巢攻破。並擒斬逆

首黑虎等多名。曹克忠一軍移營進逼鹽茶廳城。連日將由元套子塘赴援之馬三混等賊隊擊敗。乘勝直抵城下。三月十七日。曹克忠親督馬隊力攻南門。施放噴筒火箭。先將南門燒毀。各軍梯縋登城。擒斬逆首田城吉等多名。遂將廳城克復。勦辦甚為奮勉。餘逆現踞李旺堡同心城及何家堡一帶。著雷正綰會同曹克忠督飭諸軍乘此聲威。迅將李旺堡等處匪巢次第掃蕩。進規靈州。卽與都

興阿等聯絡進取。惟昨據都興阿奏稱。逆回犯擾鹽場堡花馬池等處。圖截官軍糧道。該處情形緊要。兵勇不敷分布。當經諭令雷正綰撥兵援應。現在黑城子等旣經攻克。該逆被勦窮蹙。設鉞而走險。與甯夏匪徒勾結。都興阿等營後路兵力較單。若該逆乘間滋擾。則所關實非淺鮮。雷正綰當酌度緩急。分撥弁兵馳赴定邊花馬池一帶。遏賊奔突。為都興阿後路聲援。都興阿移圖善卽懍遵前旨。

激勵諸軍。將甯夏漢城攻拔。卽可騰出兵力。交穆圖善統帶先解肅州之圍。規復嘉峪關。以通赴新疆各城之路。前經諭令陶茂林如酌撥數營扼紮安會。足資控制。卽帶所部馳赴肅州甘郡一帶勦賊。仍著都興阿雷正綰等與陶茂林恩麟會籌迅辦。並著雷正綰飛飭魏添應之軍嚴防環慶。兼飭張集馨等軍迅規河狄。以杜匪蹤紛擾。階州匪勢已蹙。著劉蓉檄飭陝省援師與川軍迅圖克復。以便

分兵赴甘定邊一帶州縣。並著劉蓉飭令該地方官妥籌布置防守。嚴遏東竄賊勢。毋稍疏虞。將此由六百里諭知都興阿穆圖善雷正綰劉蓉並傳諭陶茂林恩麟知之。○又諭瑞麟郭嵩泰奏迎勦竄匪獲勝。現籌防勦情形。並羅定官軍攻克河坳賊巢。擒獲信宜匪首李可鍾等。化州官紳殲勦廣西竄匪各摺片。南陽竄賊占踞白沙。肆擾粵邊。雖經官軍疊次攻勦。擒斬甚多。而賊勢尚未十分窮蹙。

瑞麟郭嵩壽仍嚴飭方耀等軍奮力勦洗並飭李福泰嚴防大埔饒平等處以固潮州門戶花旗股匪本係遣撤之勇乘亂滋事於粵東地勢情形皆所熟悉尤應防其與閩逆勾結為之引導務須嚴飭各軍將此股匪徒先行殄盡龍巖南靖等敗匪趨撲詔安李元順吳國泰等營皆為所襲是黃岡饒平皆形喫緊著瑞麟等迅飭黃朝恩等防勦兼施與何雲章聯絡進取前據李鴻章奏郭松林等軍

已飭由廈門前進未便改赴汕頭已有旨照請辦理瑞麟等以漳郡西路兵單恐賊從此遁粵東喫重所慮亦是郭松林等軍現既不能赴汕頭東江一帶仍著瑞麟等責成李福泰方耀等軍扼要紮守如兵力較單即先將各處海口及本境要隘布置完密毋庸越境協勦左宗棠徐宗幹於郭松林楊鼎勳軍到後妥為調遣密防該逆入海之路仍分飭各軍環攻漳郡務將逆匪就地殄除如西路兵

單亦宜酌量分撥毋使大股竄入東境另片奏曾敏行進勦岑溪賊匪疊獲大勝攻破河垌等處賊巢餘逆遁歸南渡黎木等處陸川縣匪江甲麟等餘黨勾結博白等處股匪竄擾化州經署知州張欽泰募勇攻勦斬馘甚眾追至天井地方盡殲餘孽勦辦均尚得手仍飭令將逸匪全數拏獲羅定化州出力員弁著瑞麟等擇尤彙案保獎廣西容岑伏莽尚多與東省緊相接壤非兩省合力夾勦未

易蒞事前諭令馮子材馳赴信羅之交與西軍會合進取計日當已到防即著該提督檄飭將士認真勦辦張凱嵩所派弁勇已抵容岑務當與之聯絡聲勢大張捷伐盡殲醜類使東西兩省邊圉皆獲謐安以期不負委任卓輿方耀素不相能瑞麟等務須妥籌驅策之方不令駐紮一處方為妥善將此由六百里諭令知之○以故不入八分輔國公溥泉子毓森襲爵○以河南巡撫張之萬署河東

河道總督調湖北巡撫吳昌壽為河南巡撫。以河東河道總督鄭敦謹為湖北巡撫。○裁湖北漢口鎮遊擊員缺。添設副將一員。移道士汛都司於漢口。並撥馬步兵丁二百二十名。改設道士汛守備一員。從總督官文巡撫吳昌壽請也。○補鑄浙江鹽運副使。鹽運司經歷運庫大使。杭州嘉興松江等批驗大使。仁和許村西路黃灣下沙曹娥長亭等鹽場大使各印信條記。從閩浙總督左宗棠請也。

○以營盤被襲。摘福建遊擊李元順。縣丞吳國泰頂帶。○以克復甘肅鹽茶廳城。並攻拔黑城子賊巢。予提督曹克忠優敘。釋已革提督成瑞罪。開復已革按察使張集馨永不敘用處分。賞縣丞宓遐齡同知銜花翎。餘升敘有差。予陣亡千總周文貴。把總余永盛等祭葬世職加等。○予周臣散宜生。北魏臣高允從祀。

歷代帝王廟。從吏科給事中高廷祐請也。○

庚午

上御撫辰殿。陳帟帳。閱侍衛步射。至丁丑皆如之。○諭內閣。文麟奏古城失守。合城官兵同時殉難一摺。古城漢回變亂。圍困城池。疊經惠慶督率兵勇。竭力堵禦。賊匪屢次開挖地道。轟塌城垣。官兵奮勇迎敵。將賊擊退。城中婦女亦皆出力協助。隨時搶築。苦守至八十餘日。屢經危險。俱以力戰保全。詎意二月初九日。被賊暗用地雷。將城轟陷。乘勢入城。合城官兵及婦女等舍死巷戰。相持多時。逆眾狡獪。力不能支。均被殺害。其餘官民人等亦俱縱火自焚。古城遂至失守。覽奏曷勝憤恨。古城被圍日久。該官兵婦女等平日同仇敵愾。困守待援。已屬深明大義。茲以力竭城陷。奮勇殺賊。同時殉難。情形尤為慘烈。二等侍衛古城領隊大臣惠慶見危授命。大節凜然。著照副都統陣亡例從優賜卹。以慰忠魂。烏魯木齊左翼協領噶魯岱保升直隸州同知。

甘肅候補通判景秀著各按本員官階。照陣亡例從優議卹。右翼協領德壽等五員。著文麟查明該員等姓名。各按官階。照陣亡例奏請優卹。惠慶之一妻二妾二女。噶魯岱之一弟一子。景秀之一妻三子。前任古城領隊大臣保恆之子錫綸之生母張氏妻烏蘇氏。及其妹。以及合城殉難之官兵婦女等。著文麟一併查明。分別奏請旌卹。錫綸之幼子齡岡。仍著文麟查明下落具奏。刑部主事錫綸著

准其暫留文麟軍營差遣委用。至此股逆匪倡亂。膽敢糾集醜類。攻陷城池。荼毒百姓。實為罪大惡極。斷難稍稽天討。前已調派關內大兵十數萬。剋期出關。大申撻伐。即著帶兵各員。迅速分道前進。殄滅逆氛。廓清邊徼。用副弔民伐罪至意。○諭軍機大臣等。本日據文麟馳奏古城失守。請兵迅速前來。並奇台危急情形。廣鳳奎昌奏古城滿城失守各摺。德克吉訥奏路途梗阻難進一摺。覽奏曷勝

焦灼。古城既陷。奇台勢益孤危。此股逆匪。雖經烏魯木齊回匪勾結西行。與烏城遣勇難民相拒。難保不去而復來。古城為奇台門戶。文麟正當乘該逆西行之際。將古城奇台濟木薩等處防勦事宜。妥籌布置。以期力持危局。穆家溝一帶賊匪。占踞木壘街市。經文麟飭奇台令恆頤挑派民勇。將賊匪擊敗。所辦甚好。仍著激勵該勇丁。將穆家地山溝股匪。悉數殲除。以清後路。所請科布多撥銀八萬

兩。本日已諭令廣鳳等。迅將現存銀五萬兩。撥赴奇台。並諭令德勒克多爾濟將科布多所用古城之餉銀三萬。由綏遠城籌解。仍著文麟派員迎提。以應急需。文麟辦事尚知大體。嗣後奇台及該處東西路一帶軍情。即著文麟隨時奏報。所刻木質關防。准其印用。回務章京達薩杭阿。經扎克當阿派帶民勇回兵。及巴里坤營兵。前往奇台。任聽回兵在木壘折回。及至木壘交戰時。僅有巴里坤綠營

兵五十名。該章京並不帶勇進剿。一聞古城失守。卽將兵勇並木壘商戶等千餘人帶同東去。以致奇台人心惶亂。玩誤已極。著扎克當阿迅卽查明。嚴叅重辦。毋稍徇縱。回兵因何由木壘折回。亦著扎克當阿會同伯錫爾查辦。前調甘涼肅官兵二千餘名。頭起已於正月二十日行抵哈密。此時德祥是否已由哈密帶兵前進。已里坤木壘一帶與奇台毗連。並著扎克當阿、伯錫爾、德祥妥籌兼顧。一

面固守哈密。毋稍疏虞。伯錫爾素顧大局。忠悃可嘉。自可協助防守。俟立功後定當懋膺恩賞也。前經疊諭都興阿等撥兵出關。此時鹽茶廳城已克。靈州一帶勢如破竹。都興阿務當與穆圖善、雷正綰妥為商酌。撥兵迅速出關援應。陶茂林一軍。卽著遵奉前諭。馳赴肅州。將該處匪眾剿滅。疏通出關道路。並著恩麟派兵力清肅州。毋稍玩誤。林之望如克階州。卽著都興阿檄令帶勇由西北前進。與

陶茂林合取肅城。鶴齡一軍。現已行抵何處。並著駱秉章、恩麟飛催迎提。飭令西進。鮑超一軍。亦著駱秉章嚴催赴甘。楊岳斌此時計已入陝。都興阿等如已撥兵出關。卽著楊岳斌督率所部與都興阿等合力攻剿靈甯。成祿聯捷已有旨催令出關。現在無論行抵何處。著卽星夜督軍前進。不准片刻停留。以上所調各路之兵。為數已十餘萬。不日取道出關。先後雲集。定可成破竹之勢。德克吉訥因

古城已失。未能前進。此時如科布多需人料理。卽著在該城幫同廣鳳等辦事。如科城無需多人。則奇台地方緊要。卽著幫同文麟辦理軍務。將此由六百里諭知都興阿、穆圖善、雷正綰、駱秉章、楊岳斌、成祿、聯捷、扎克當阿、伯錫爾。並傳諭恩麟、陶茂林、文麟知之。○又諭文麟奏古城失守。請飭都興阿等帶兵出關。並訪查奇台等處危急情形等摺片。覽奏曷勝焦急。古城失守。關外情形愈急。自奇台

以東巴里坤哈密均有岌岌可危之勢。若非大兵振旅出關分路進剿。軍務斷無起色。朝廷軫念西陲。豈能聽其糜爛。惟甯夏既未克復。都興阿、穆圖善、勒賊正在喫緊。雷正綰雖有鹽茶等處之捷。而靈州未拔。尚不能與都興阿等合軍擊賊。楊岳斌業已起程。尚不知何日抵甘。而肅州被圍正急。嘉峪關又被獵戶占踞。關內外道路梗塞。辦理諸形棘手。是以都興阿前次有請飭穆圖善先清甯夏再行出關之奏。朝廷深悉情形。立予允准。現在新疆危急如此。勢不能不速籌進兵。而關內軍務未清。兵力不能騰出。空言亦屬無益於事。昨於恩麟奏報嘉峪關被匪占踞時。諭令都興阿等先將甯夏漢城攻拔。肅清餘孽。卽令穆圖善帶兵由甘肅甘涼一帶節節進剿。原因腹地未清。勢不能冒昧前進。該將軍等均係朝廷倚重大臣。自當妥為籌畫。以紓西顧之憂。固原餘匪、疊犯花馬池鹽場堡等處。

都興阿等兵力尚嫌單薄。雷正綰攻克黑城。子賊隘收復鹽茶。正可乘此聲勢。席卷長驅。俟攻克靈州後。卽著提兵速進。與都興阿等聯絡進兵。將甯夏賊氛迅圖掃蕩。一面併力西向。先解肅州之圍。再將嘉峪關踞逆殲盡。庶可疏通糧運。於大兵出關時。不致有阻遏之虞。楊岳斌自楚起程後。行抵何處。著懍遵疊次諭旨。星速進發。並嚴催蔣凝學一軍。由豫拔營西上。一面催提後路兵勇。兼程趕赴甘肅。與都興阿等和衷商榷。權度緩急。以期次第廓清。又安邊圍將此由六百里再行密諭知之。○以偵探得力。予古城防禦達哈蘇等升敘。○壬申。以鑲黃旗蒙古都統明慶署正黃旗蒙古都統。正白旗蒙古副都統西拉綑阿署鑲白旗滿洲副都統。正藍旗漢軍副都統安興阿署鑲白旗蒙古副都統。正紅旗蒙古副都統奕貴署右翼前鋒統領。鑲黃旗蒙古副都統果勒敏署正黃旗護軍統領。鑲



藍旗滿洲副都統靈桂署鑲白旗護軍統領  
（癸酉）諭內閣御史賈鐸奏請申明講約舊  
例以正人心一摺我朝雍正年間頒發

聖諭廣訓通飭各直省地方官於每月朔望剴  
切宣講務使鄉曲愚民咸知向善

列聖相承諄諄誥誡不啻再三朕御極之初亦  
經宣諭中外實力奉行毋得虛應故事乃如  
該御史所奏近來州縣官藐視舊章實不知  
講約為何事以致人心風俗敗壞滋深不但

鄉里小民日趨邪僻竟有身列膠庠覲然四  
民之秀亦竟離經畔道而肆無忌憚者世道  
人心所關非細亟應申明舊例以示率從著  
順天府五城及各省督撫大吏嚴飭所屬地  
方官選擇鄉約於每月朔望齊赴公所敬將  
聖諭廣訓各條剴切宣示其距城較遠各鄉即  
著該地方官選擇品行端正紳耆設立公所  
按期宣講仍由該地方官隨時考察毋得日  
久玩生教諭訓導等官課士而外惟當與諸

生講論孔孟之道以砥礪其身心其各省學  
政按臨處所亦當督同學官隨時闡揚正教  
認真開導俾士民各端趨向有所遵循儻有  
地方州縣及各學教官虛應故事奉行不力  
者即由該管督撫學政據實叅處以維風化  
而振愚蒙○又諭御史賈鐸奏投效軍營之  
翰林院庶吉士編修檢討等官嗣後不准保  
奏留館開坊止准按品保升外任等語著吏  
部嚴定章程具奏以杜取巧尋議上除庶吉

士一項於咸豐七年業經奏准有案應請無  
庸再議至翰林各官在各省軍營如有克復  
城池斬擒要逆者侍讀侍講洗馬准保以道  
員選補中允贊善司業以知府選補編修檢  
討以同知直隸州選補其餘別項勞績止准  
請給升銜加級或交部議敘概不准保奏遇  
缺提奏及應升坊職從之○又諭前因喬松  
年奏叅候選知縣蔡發春捏稱委赴光恩辦  
理招撫並被控聚匪為捻各情當經降旨將



蔡發春革職。交喬松年提訊。茲據都察院奏稱該革令蔡發春遣抱告赴該衙門呈稱。咸豐六七等年。該革員奉委辦理霍邱固始兩縣交界練務。因稟請霍邱縣出示禁匪派糧。為匪眾所憾。十年六月間。蔡發春在霍邱縣伊弟蔡洪春莊內突遇捻首董有等圍攻。殺斃伊兄蔡龍春等親族男女三十五名口。疊經蔡洪春控告。縣差受賄。蒙蔽不辦。同治二年十月。董有畏罪改名董建勳。投入英翰行

營。並令台青照等多人赴府捏控。將蔡發春關提賄押。固始縣田產盡被董有霸占。各等語。是否該革員畏罪情虛。先行遣抱捏控。抑或實有串陷冤抑之處。均應徹底究辦。以成信讞。著曾國藩喬松年提集人證卷宗。將蔡發春所控各節彙入前次叅案。一併秉公嚴訊明確。據實具奏。毋稍徇隱。尋李鴻章喬松年奏遵訊。蔡發春董有均係懷疑誤控。蔡發春係被害之家。誤控有因。應免科罪。惟京控

詞內語多失實。業經革職。應無庸議。從之。○諭軍機大臣等。有人奏河南光州訓導祖金錫不以課士為務。惟干預地方詞訟。與州署書差來往狼狽。為奸將學署官廨私賃於人。勒令附近居民赴該教官衙門稅契。並將學宮樹株私行出賣。請飭查辦等語。教官有課士之責。必須品學兼優。方足副司鐸之任。若如所奏貪鄙妄為。何以正風化而端士習。著吳昌壽確切查明。從嚴叅辦。原片著鈔給閱看。將此諭令知之。尋奏遵查。祖金錫並未干預詞訟。惟結交書役。又將學署閒房出租。實屬貪鄙。應請革職。永不敘用。下部知之。○又諭吳棠奏賊蹤西竄。現派各軍嚴扼運河。並吳毓芬等軍已到揚州等處。請添調水師。嚴扼東境。月撥清淮防餉一萬兩。各摺片。髮捻各匪由沐陽西竄。由峒崙等處徑竄嶧灣。希圖渡運。現又折走呂家湖。西竄邳境。吳棠現派吳鳳柱等帶馬隊。隨同陳國瑞追剿。詹啟

綸軍亦已抵邳。著僧格林沁督飭該總兵等兩面遏擊。痛挫兇鋒。該親王馬隊至平原曠野。可以縱橫馳擊。如遇山路水田。仍宜慎重進取。劉銘傳一軍。疊經諭令由蕭瑒一帶進剿。此時正可迎截。著曾國藩喬松年嚴飭該提督懷遵疊次諭旨。赴徐邳一帶剿辦。如逗遛不進。以致賊氛肆擾。卽行從重叅處。吳棠仍催令趙三元帶礮船駛入邳宿運河。赴東境之臺兒莊韓莊一帶防賊偷渡。俟江南援

兵到齊。悉令進紮邳宿一帶。探明賊蹤。越境會剿。不得稍分畛域。山東黃運兩河未設河防。黃翼升水師計可到浦。著曾國藩添撥礮船百餘號。歸黃翼升統帶。彭玉麟仍遵前旨帶領水師。均著由浦入東。兼顧山東黃河入直之路。如能阻遏河險。偏賊於黃運之間。可期一鼓蕩平。著張之萬閻敬銘查該省河道何處淺阻。趕緊挑通。以便舟師來往。毋令阻滯。此股逆匪晝夜狂奔。恐運道繇長。赴防不

及。卽可將此起水師留紮濟甯一帶。以防捻股日後再有竄越。安徽山東防務喫緊。喬松年務當督飭各軍嚴防蒙宿等處。與劉銘傳實力勦洗。閻敬銘督飭丁寶楨等扼紮要隘。毋任再行回竄。河北之防不可不嚴。吳昌壽卽赴豫省相機調派。並遵疊次諭旨。督飭河北鎮道等嚴密防範。河標兵弁著張之萬整頓調派防河。未可有名無實。吳毓芬一軍已到揚防。著李鴻章吳棠卽飭該道在揚鎮撫

張樹珊等軍。仍著曾國藩李鴻章催令迅速到浦。歸吳棠調遣。吳棠請於揚防軍需節省項下。月撥清淮餉一萬兩。著曾國藩飭令江南藩司於四月起。照數劃撥清淮防餉一萬兩。按月解清。不准愆期套搭。將此由六百里各諭令知之。○又諭雷正綰奏回匪勾結獵戶。將嘉峪關先行蹂躪。旋竄入肅州東關。勾結城內回民。在城上紮定。安肅道恆齡在城內接仗。勢甚危急。與恩麟前奏情形大略相

同雷正綰現已飛咨陶茂林於所部三十營內酌撥十餘營親自督帶馳赴西路勦辦與前次寄諭適相脗合即著都興阿雷正綰等飛檄陶茂林星速移軍赴甘郡肅州一帶相機進剿迅掃狂氛該提督西行後所有靖遠之防並由雷正綰抽撥勁旅會同陶茂林留防各營嚴為堵禦其安會適中之地應否移兵扼紮並著與曹克忠會籌隨時兼顧俟雷正綰續募楚勇到甘飭令於安會及省垣一

帶扼要布置即檄遣陶茂林留防各軍全數西征以厚兵力都興阿穆圖善雷正綰當懷遵前旨迅即規復甯夏靈州相機聯絡穩慎進取以次廓清河狄攻克關隘花馬池一帶為都興阿進兵後路關繫緊要前經諭令雷正綰分兵兼顧並著雷正綰酌量迅速調派蘭州省防及各軍糧路著恩麟妥籌布置並檄飭肅州民勇赴援迅解城圍至甘州府崇福所稟肅州回匪勾結高臺等處回匪圍撲

甘郡及東樂縣丞錢寶仁所稟各情互相歧異與恩麟前奏亦不相符著雷正綰恩麟等檄飭甘州府縣各官齊集兵團妥籌防剿並將甘州回匪變亂情形暨肅州城垣曾否解圍隨時偵探迅速馳奏至所稱漢民逞忿起事回民機變叵測致令互相殘殺於情事甚為切中該提督等兵威所及務在分其曲直持平辦理庶強橫者不能得志而良懦者不致含冤所以戡亂者在此所以弭亂之源者亦在此將此由六百里諭知都興阿穆圖善雷正綰並傳諭陶茂林恩麟曹克忠知之○上以常雩祀

天於

圜丘自是日始齋戒三日○甲戌諭軍機大臣等都興阿等奏肅州西甯大通等處緊急情形請催各路援軍赴甘暨請飭慶陽糧臺籌撥餉銀請調劉廷鑑差遣各摺片楊岳斌奏行抵襄陽遵馳赴甘一摺靖遠固原匪黨分

股北竄。甯郡賊黨復增。屢犯平羅。洪廣營及磴口糧路。在在堪虞。肅州嘉峪關。既被回匪占踞。恆齡成桂均經受傷。口外玉門敦煌。亦有回匪變亂之信。肅東百餘里外。賊勢猖狂。撫彝回匪滋擾。甘州城內叛亂。大通失守。永昌亦有回氛。非但關內外音信不通。而肅州一帶賊匪。又復駸駸東犯。甯夏軍事。諸多掣肘。若非厚集兵力。分路援應。則糜爛之勢已成。西陲大局。何堪設想。雷正綰所部自攻克

黑城子。收復鹽茶後。軍威尚振。昨據奏已派數營赴安會一帶。替出陶茂林十數營。赴肅甘等處進剿。當經諭令照辦。並令分兵兼顧甯夏後路。並傳諭曹克忠兼顧安會矣。茲覽都興阿等所奏。攻城正在喫緊。而援賊麇集。分擾平羅寶豐等處。意圖牽掣。是賊擾後路情形更緊。即著雷正綰等。懍遵昨日諭旨。妥速籌辦。都興阿等仍當穩慎進取。妥籌防範。不可為賊所乘。它沙金夫。雖尚無蠢動情事。

仍著飭令該處文武員弁。妥籌防範。以備不虞。肅州被匪占踞。後成桂等受傷。赴鄉有無捏飾。恆齡及在城文武員弁下落。均著恩麟查明具奏。據都興阿等奏。肅東百餘里外。賊勢猖狂。時有東竄之警。情形亦關緊要。陶茂林帶兵西進後。即著雷正綰飭令派赴安會等處員弁。與曹克忠督同陶茂林。留防靖遠。各營嚴密扼紮。截其東竄之路。以免蔓延。並著恩麟派軍。隨同陶茂林進攻甘郡。肅州毋

稍延緩。鶴齡一軍。現在行抵何處。著駱秉章查明。催令前進。迅赴肅州。鮑超之軍。是否已有成數。著催令趕緊赴甘。以厚兵力。甘涼肅連番告警。嘉峪關又被匪踞。情形危急。萬分成祿聯捷。均係西路大臣。必須設法先清關內。再圖整旅出關。疊經降旨嚴催。著該大臣等。星夜西發。不得片刻遲延。致干咎戾。都興阿軍餉。前據楊能格奏。到由慶陽糧臺支應。現在都興阿軍營用餉甚急。著楊能格查照。

鄂揚西安等軍章程給發。另按月撥銀一萬兩以備軍火賞卹之用。務須按數彙解。毋得愆期缺乏。其劉廷鑑一員。前經劉蓉甄別降旨革職查辦。現在都興阿營務乏員。著劉蓉飭令該革員馳赴都興阿軍營。以供差遣。楊岳斌既已行抵襄陽。著卽星馳就道。並檄令員弁勇丁。隨後繼進。迅抵甘省。與都興阿妥速籌商。以安西陲。一俟行抵陝境。卽行馳奏。將凝學所部。仍在豫楚之交。著吳昌壽仍遵前旨。催令該道隨同楊岳斌兼程西進。以期得力。將此由六百里諭知都興阿。穆圖善。雷正綰。駱秉章。楊岳斌。成祿。聯捷。劉蓉。吳昌壽。並傳諭恩麟。陶茂林。楊能格知之。○以江蘇捐輸軍餉。永廣太倉州學額一名。崇明縣十名。

大清穆宗繼天開運受中居正保大定功聖智誠孝信敏恭寬毅皇帝實錄卷之一百三十五

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十六

臣等謹將本年四月間各處賊匪情形恭摺具奏

竊臣等竊維本年四月間各處賊匪情形恭摺具奏

竊臣等竊維本年四月間各處賊匪情形恭摺具奏

竊臣等竊維本年四月間各處賊匪情形恭摺具奏

竊臣等竊維本年四月間各處賊匪情形恭摺具奏

奏件

同治四年乙丑四月乙亥諭軍機大臣等前

據瑞麟郭嵩燾奏龍巖南靖敗匪趨撲詔安  
黃岡饒平皆形喫緊茲復據奏稱探聞詔安  
縣城已為賊陷漳州逆匪數萬竄至平和麤  
溪地方並屯駐上下坪等處距楓朗僅及三  
四十里等語漳州等處逆匪不下二十餘萬  
現經閩軍層層布置東南北三面漸成合圍  
之勢賊之去路惟廣東一面現在詔安被陷  
潮州屏蔽已失饒平大埔等處均形喫重前  
諭瑞麟郭嵩燾責成李福泰方耀等軍扼要

紮守此時賊氛日逼亟須加意嚴防仍著督  
飭李福泰方耀等軍於閩粵交界賊勢趨重  
之處擇要扼紮迎頭截擊並催令卓興一軍  
迅速到防認真扼守毋令賊匪乘虛竄入吳  
棠現因髮捻竄入邛境清淮防務緊要未能  
赴粵瑞麟不得存五日京兆之見務當與郭  
嵩燾妥籌布置固守巖疆用副委任汪李等  
逆均係粵賊中渠魁雖經官軍圍逼而匪黨  
尚眾困鬪鋌走自在意中閩省此時兵力不  
為不厚左宗棠老於戎事自必成算在胸務  
須將此股逆匪就地殲除斷不可縱令闖入  
粵境或遁入海道致勦辦復行棘手賊勢既  
趨重西面左宗棠徐宗幹即當調派勁旅嚴  
密分布截其西竄之路以便方耀等軍專顧  
粵邊力保完善均著妥速籌辦近日勦辦情  
形並著左宗棠等迅速馳奏將此由六百里  
各諭令知之○又諭傳諭署福建臺灣鎮總  
兵官曾元福臺灣道丁日健丁日健奏督軍

按拏巨匪。並查辦善後。妥籌防海。及擒獲嘉義逆首等犯。正法各摺片。臺灣彰化內山匪黨。前經丁曰健督軍勦辦。將洪標等股踞逆悉數殲除。臺灣一律安定。現復嚴督各軍分路按勦。將著名股首莊明得。廖阿螺。及洪標之胞兄洪狗等擒獲。其潛匿坪林山頂之悍賊洪花。亦經官軍用槍刺斃。其妻李氏身受銃傷。均梟取首級示眾。復將草田莊等賊巢攻破。獲匪多名。並擒獲羅務等匪黨。均先後

訊明正法。嘉義匪首嚴辦。亦經曾元福派隊殲斃。獲黨多名。勦辦尚屬認真。著曾元福。丁曰健。查明所獲要犯洪狗。洪花等。是否的係正身。不得稍涉含混。致令漏網潛逃。復生他變。其在逃之要犯陳鯨。及零散餘匪。並著督飭地方文武員弁團勇。分路按拏。以期盡絕根株。永弭後患。一切善後事宜。著一併妥為籌辦。據丁曰健奏稱賊黨四處逃匿。未便屯兵廩餉。自應量為裁撤。卽著斟酌情形。隨時

遣撤。仍酌留兵勇。將潛匿之匪實力按捕。以期淨盡。漳州賊匪未平。深恐勾結渡臺。為入海之計。著曾元福。丁曰健。仍遵前旨。於海口要隘。妥籌防範。毋令闖入臺地。所有斬獲嘉義股首嚴辦等出力人員。著曾元福等查明保奏。毋許冒濫。○湖南巡撫譚世臨奏。永明痞徒滋事。現飭調兵查拏。得旨。著嚴飭李明惠等將為首要犯龔碇湖等嚴拏務獲。按律懲辦。仍一面解散脅從。妥為彈壓。免致激成事變。○以福建臺灣全境肅清。賞道員丁曰健。布政使銜總兵官曾元福。提督銜。○丙子常雩祀

天於

圍丘。遣惇親王奕訢恭代行禮。○諭軍機大臣等。閻敬銘奏賊蹤復竄海贛一帶。東省籌防情形。李鴻章奏飭催諸軍赴援。准徐各摺。此股竄匪。經僧格林沁追勦。由海汴折回邳境。復竄至贛榆東安莊等處。往來奔突。已成窮



寇無歸之勢。曾國藩李鴻章所派張樹珊張樹聲歐陽利見水陸等軍業已起程。剋期當可抵浦。劉銘傳周盛波等部亦由六安徑赴徐宿。是南路兵力厚集。即著吳棠於各軍到後相機調遣。與僧格林沁大軍聯絡夾擊。並酌量分撥水師於濟甯一帶扼紮。以杜賊沿河上竄之路。僧格林沁現已追賊至邳。著督飭馬步各軍乘勢力勦。仍穩慎進取。務將此股逆匪一鼓殄除。毋令再行回竄。如兵力不

敷。即飛催英翰詹啟綸等軍到營。從北面兜勦。與江南派援各軍合力夾擊。該處東濱大海。若能三面蹙之。必可就地殄除。僧格林沁當嚴密調派。毋失機會。東省嶧滕蘭莒各處與邳贛壤地緊接。該逆經西南兩路夾勦。恐仍圖從此北竄。著閻敬銘嚴飭派出之丁寶楨韓登泰兩軍實力防守。並著僧格林沁妥籌兼顧。彭玉麟仍遵疊次諭旨。帶領輕利礮船由浦入東。阻遏河險。毋稍遲緩。其河道淺

阻之處。並著咨會張之萬趕緊挑濬。現在水師僅有歐陽利見一軍赴浦。尚形單薄。仍著曾國藩等迅催黃翼升礮船星速前進。扼要防紮。豫省河南北各處防務著吳昌壽嚴密布置。並將境內餘孽埽蕩廓清。直隸距賊較遠。而大名等處防堵亦未可稍鬆。劉長佑仍當檄飭將弁認真防範。青州一帶為濱海要區。著閻敬銘咨會恩慶豫籌布置。宋景詩等夥黨王振聲糾眾圖亂。經閻敬銘密拏正法。

尚為妥速。仍當嚴飭各屬地方官嚴密訪拏。以消伏莽。而清內患。皖北蒙亳地方衝要。著喬松年調派得力將弁妥籌守禦。毋稍大意。將此由六百里各諭令知之。○山東巡撫閻敬銘奏遵查賊竄甯陽時。丁寶楨駐軍省南。先派參將莫組紳前往扼截。兵賊互有傷亡。實因兵寡未能痛勦。並非丁寶楨另有失利之事。報聞。○以刑部尚書綿森兼署兵部尚書。○以鑲藍旗漢軍都統西凌阿署正紅旗



漢軍都統○丁丑諭內閣

定陵工程處仍著恭親王會同寶璽總司稽查

○諭軍機大臣等勞崇光張亮基秦苗匪闖入玉屏經楚黔官軍會同克復及收復天柱勦辦思南府屬教匪各摺片黔省下游苗匪自陷天柱後竄擾思州青谿一帶復襲陷玉屏經周洪印督率楚師與葛良治所派鄉團會同進勦當將縣城收復惟教匪土匪尚有零星小股盤踞思州府屬後山洞著勞崇光等督令陳昌運派軍實力勦洗毋任蔓延此次玉屏失陷湖南總兵田宗揚及團首吳遇隆等均帶兵練駐紮西北門外何以並不援應乃稱各軍分投進勦正在鏖戰該匪緣梯而上遂入縣城情節殊為愴怵著勞崇光李瀚章等嗣後務飭黔楚官軍聯絡一氣不准稍分畛域鎮遠府屬瓦寨等俱為苗匪出入要隘湖南防邊各軍畫疆自守終不能杜賊竄越著李瀚章斟酌情形卽飭各軍節節進

屯貴州境內之瓦寨長吉木樛濫洞各隘以資扼守庶於防楚援黔均有裨益李瀚章未到任以前湖南防兵著石贊清妥籌調度張亮基身任封圻亦當力圖振作廓清疆圉毋得徒恃客兵致賊勢日形滋蔓天柱踞逆雖經陳昌運調派團勇馳往會勦該匪棄城而逃惟賊並未大受懲創著勞崇光等督飭陳昌運激勵士卒相機痛勦嚴守城隘毋得再有疏虞河西大堡及大小坵教匪分竄舒家渡官舟三尖堆等處疊經兵勇擊敗回巢若不乘勝為搆穴殲渠之計恐該匪去而復來又肆狡猾著卽嚴飭各軍設法進取將大堡大小坵各賊巢次第蕩平以清後患張亮基另摺奏病體難支請開署缺等語貴州地方糜爛已極該署撫豈得遽行引疾乞休為畏難思阻之計張亮基著賞假三箇月調理貴州巡撫著裕麟暫行護理將此由六百里諭知勞崇光張亮基李瀚章並傳諭石贊清知

之○以貴州玉屏縣城被賊竄陷旋卽克復  
革知縣唐日華守備談錫光把總楊正林外  
委張桂高職仍留營予殉難署知府龔世增  
縣丞金泰典史杜繼堯祭葬世職加等○予  
貴州官舟陣亡守備梁成珍祭葬世職加等  
○戊寅諭內閣朕奉

慈安皇太后

慈禧皇太后懿旨本日恭親王因謝恩召見伏  
地痛哭無以自容當經面加訓誡該王深自

引咎頗知愧悔衷懷良用惻然自垂簾以來  
特簡恭親王在軍機處議政已歷數年受恩  
既渥委任亦專其與朝廷休戚相關非在廷  
諸臣可比特因位高遠謗稍不自檢卽蹈愆  
尤所期望於該王者甚厚斯責備該王也不  
得不嚴今恭親王既能領悟此意改過自新  
朝廷於內外臣工用舍進退本皆廓然大公  
毫無成見况恭親王為親信重臣才堪佐理  
朝廷相待豈肯初終易轍轉令其自耽安逸

耶恭親王著仍在軍機大臣上行走毋庸復  
議政名目以示裁抑王其毋忘此日愧悔之  
心益矢靖共力圖報稱仍不得意存疑畏稍  
涉推諉以副厚望○又諭阜保奏吉林地方  
賭風甚熾請飭部變通舊例一摺賭博一端  
最為風俗人心之害定例本有明禁茲據阜  
保奏稱近來吉林地方無業游民開場聚賭  
者實繁有徒奸宄託跡其間往往釀成搶殺  
之案皆由差役圖賄包庇官司規避處分以

致賭風日熾亟應嚴申禁令以絕亂萌嗣後  
東三省地方賭博案件除官吏書役鄉地鄰  
佑訊有受賄縱容得贓徇隱情弊仍照例盡  
法懲辦外其旗民放頭設局並同場聚賭各  
罪名及官員失察徇縱或避重就輕各處分  
應如何從重定擬之處著該部分別覈議具  
奏○以正黃旗滿洲副都統察杭阿署正黃  
旗蒙古副都統○以得贓縱匪吉林巡檢戈  
煜革職訊辦○以河南馬山口勒賊出力賞

守備劉得勝等花翎驍騎校巴顏格爾等藍翎餘加銜升敘開復有差○己卯諭軍機大臣等劉長佑奏添調兵勇偵探賊蹤現辦情形一摺直隸地勢平行無險可扼自應於適中之地厚集兵力以資援應而遏奔衝該督現於威縣城內留駐兵勇一千餘名曲周清河屬境共駐兵勇二千餘名並飭副將崔福泰管帶兵勇各五百名駐防元城縣屬小灘地方策應開東長一帶防軍仍令徐廷楷於抽練兵內選備六百名聽候調遣辦理尚為周妥著卽督同臬司李鶴年嚴密巡防毋稍鬆懈聊城縣積匪王振聲在沙鎮傳帖聚眾已據閭敬銘奏稱將該匪訪拏正法而餘黨尚未盡除難保不散而復聚仍著該撫督飭地方文武嚴密餘黨悉數捕誅毋任一名漏網並著劉長佑於交界地方一體緝拏毋任竄入大名一帶勾結蔓延僧格林沁所寄劉長佑函內聲稱賊於初二日竄赴邳州經官

兵趕至復由東北遁過沂河旋又折自紅花埠向東南而逸等語此時海州贛榆一帶當又喫緊該匪被追窮急難保不由海口覓船遁入外洋著吳棠督飭該地方官將海州贛榆等處海口船隻先行提往他處毋為該逆搶擄歐陽利見水師業已起程赴浦黃翼升礮船仍著曾國藩李鴻章迅催前進均著歸吳棠調遣一面嚴堵裏下河水路一面嚴扼海口以防紛竄張樹珊等軍計可抵浦卽著吳棠督令張樹珊等與江北清浦所派諸軍水陸嚴防分投堵截沂郡日照等處海口卽由閭敬銘設法嚴防兗沂曹陸路亦由閭敬銘督飭丁寶楨韓登泰兩軍實力防守至賊匪竄向東南一隅逼近海濱僧格林沁正當乘此機會嚴飭各路援軍同時並舉聚而殲旃劉銘傳周盛波兩軍已由六安徑赴徐宿卽著吳棠飛速迎提相機調遣飭令會合僧格林沁之軍夾擊以期一鼓殄除英翰詹啟

綸等軍亦可由僧格林沁酌量添調至此股逆匪蹤跡飄忽奔突靡常經官軍痛勦難保不回竄皖豫喬松年吳昌壽務當於交界處所分布兵勇檄令在防將士嚴密扼守毋令匪蹤闖入本境致滋延蔓將此由六百里各諭令知之○又諭左宗棠徐宗幹奏官軍兩路進勦疊獲大捷現籌辦理情形一摺前據瑞麟等奏閩賊趨重西面恐以粵東為去路當經諭令左宗棠調兵分布截其西竄之路

茲據左宗棠等奏稱閩軍自永定至長泰北路要隘均有布置漳州東路有高連陞黃少春兩軍連日將賊眾擊敗腹地亦可無虞漳南一路有郭松林等軍扼截是東南北三面布置均尚周密惟西面之雲霄平和漳浦詔安等處賊氛甚熾左宗棠等亦慮及閩軍攻急必以粵東為退步徐圖逞其竄江下海之謀現已調王開琳康國器等軍嚴防永定一帶足以遏賊奔竄而婁雲慶一軍萬餘人現

在武平距粵較近正可移緩就急為江西助粵之軍著孫長紱即飭婁雲慶統帶所部迅速前進瑞麟郭嵩燾一面迎提相機調撥以固邊防饒平大埔為粵省衝要之路方耀一軍已經調回本境粵邊防軍亦不為薄瑞麟郭嵩燾務當督飭李福泰等實力嚴防如遇賊蹤竄近即飭各軍迎頭截擊毋得專待客兵致多貽誤汪逆既有竄江之意孫長紱亦當先事防維毋稍大意現在漳州之賊疊經

官軍痛勦其勢漸蹙左宗棠等仍當督飭高連陞王德榜劉典等軍乘勝進勦力拔漳城並將雲霄平和等處次第掃蕩毋稍延緩硃口銅山均係閩省海邊要口徐宗幹已調蕭瑞芳紅單船六號駛赴硃口左宗棠又調吳全美統帶紅單拖罾等船四十號駛赴銅山即著催令星速到防並督飭該提督實力嚴密梭巡不得稍有疏失石碼海澄等處即飭楊鼎勳等軍嚴密扼守以截侍逆南竄之路

粵省之汕頭海口瑞麟等亦當加意嚴防務臻周密將此由六百里諭知瑞麟左宗棠徐宗幹郭嵩燾並傳諭孫長紱知之○又諭恩麟奏甘省西南兩路賊勢蔓延請飭催川湖等省援軍並曹克忠攻勦鹽茶廳踞匪獲勝各摺片肅州逆勢猖獗經恩麟派兵援應在沙灘廟與賊接仗因眾寡不敵登時潰亂甘州回匪占踞犂圍察漢俄博二營永固堡城亦被獵戶攻陷洪水營回匪又復滋事該護督現已添調昆都倫蒙兵二三千名就近助勦肅州咨商陶茂林抽出數營徑赴甘州堵剿並咨催鮑超等軍趲程援應是肅州逆賊既張甘郡亦岌岌可危况該逆勾連撒回欲圖大逞僥援軍日久遷延必至益形糜爛前據都興阿等奏甘州城內叛亂肅州嘉峪關被匪占踞關內外音信不通肅州之匪又復東犯甯夏軍事掣肘疊經諭令雷正綰派兵前赴安會替出陶茂林十數營赴肅甘等處

進剿並諭恩麟派軍會擊即著雷正綰迅飭陶茂林督率所部十數營前赴肅甘等處與恩麟調派各軍會合進剿毋稍延緩都興阿穆圖善務當督飭相機進取攻拔甯夏雷正綰仍遵前旨兼顧甯夏後路迅克靈甯疏通北路前據楊岳斌奏業已行抵襄陽當經降旨催令迅速西進刻下甘省回氛日熾關內外信息不通亟應先清關內再圖進剿著楊岳斌懍遵疊次諭旨迅即趲程前進毋再遲延干咎鮑超一軍諒已部署起程著駱秉章催令迅速赴甘以資攻剿蔣凝學一軍已至楚豫之交著吳昌壽仍遵前旨飭令隨同楊岳斌大軍剋日西發並著楊岳斌李鴻章飛調金國琛李鶴章各率所部援軍迅由陝西鳳翔一路馳赴甘境毋稍遲緩肅州等處既有陶茂林等軍足敷剿辦蒙古兵歷次調赴西路均不得力恩麟添調之昆都倫蒙兵著毋庸調往以節糜費將此由六百里諭知都

興阿穆圖善雷正綰駱秉章楊岳斌李鴻章  
吳昌壽並傳諭恩麟陶茂林知之○以福建  
漳州勦賊獲勝予知府魏光邴等加銜升敘  
有差陣亡遊擊黃柳溪都司李文質守備羅  
福清等祭葬世職○予福建詔安殉難知縣  
趙人成祭葬世職加等建專祠家屬人等一  
併附祀○旌表守正捐軀直隸冀州民劉文  
黑女三連安平縣民王在庭妻劉氏○撥山  
西熟鐵五十萬斤解赴甘肅省城軍火局備  
用○辛巳

孝端文皇后忌辰遣官祭

昭陵○以吏部尚書朱鳳標理藩院尚書存誠

署兼管三庫事○壬午以京畿雨澤愆期

上詣

大高殿祈禱行禮○遣惇親王奕誼詣

時應宮恭親王奕訢詣

昭顯廟鍾郡王奕詒詣

宣仁廟孚郡王奕譔詣

凝和廟拈香○諭內閣前據倭仁等覆奏會  
議編修蔡壽祺所陳八條一摺內如廣言路  
勤召對復封駁振紀綱正人心五條或事屬  
已行或諸多窒礙業據倭仁等奏駁惟所稱  
勞崇光曾國藩等均係特簡重臣該編修以  
私見妄行訾薄礙難置議等語自係因各省  
軍務摺件並歷年諭旨例不發鈔者較多是  
以無憑置議據軍機大臣文祥等按照蔡壽

祺所陳各條將咸豐同治年間冊檔逐細詳  
查覆奏俱與蔡壽祺原陳情節不符誠如倭  
仁等所奏該編修以私見妄行訾薄朝廷用  
人行政均經博訪周咨詳細審慎至再至三  
從未嘗稍涉輕忽況曾國藩駱秉章等自咸  
豐年間以來歷任封圻勦平各省巨匪功績  
昭然曾國荃克復安慶金陵勦勞懋著朝廷  
於各該大臣等倚任方專亦豈該編修一人  
私議所能搖惑除蔡壽祺已另照華豐等所  
擬交部議處外其倭仁等議准之整團練一

條著各該地方官認真辦理以杜流弊其裁減釐局及軍營虛報戰功各節前已疊降諭旨令督撫及統兵大臣悉心稽查覈實奏報著再行申諭各該督撫暨統兵大臣懍遵前旨力除積弊以恤商民而肅軍旅○諭軍機大臣等吳棠奏賊蹤再撲沐宿境內官軍嚴防布置情形喬松年奏遵飭劉銘傳赴徐州請令英翰仍紮宿州閻敬銘奏賊匪復竄東境官兵迎賊接仗情形各一摺逆匪紛竄靡定往往乘虛奔突自竄擾海沭後南路兵力陸續雲集又有僧格林沁盡力躡剿該逆不得逞志於東南勢恐折而西北是以前諭僧格林沁督飭馬步各軍從北面兜剿毋令再行回竄茲覽閻敬銘所奏賊由郟城蘭費竄至嶧縣西南之褚頭林等處官兵接仗受傷經丁寶楨督軍追壓該逆直向正西狂奔丁寶楨已由鄒滕一路繞赴東平防賊北竄現在該逆已由嶧縣邊界西趨兗濟正當其衝

丁寶楨向稱知兵是以該撫令其出省剿賊現既退守東平去賊已遠兗濟一帶並無得力兵勇駐紮此時賊勢縱橫毫無阻遏任令長驅橫衝其將何所底止著閻敬銘遴選得力將弁增募勇丁於兗州濟甯一帶分投設防遇賊即擊一面檄令丁寶楨穩紮東平防賊北竄僧格林沁聞賊北竄之信諒已督隊跟追仍著該親王繞出賊前督飭將弁並東省兵勇極力兜剿將賊逼向東南庶可與淮徐之兵聯絡擊賊以期收聚殲之效邳宿清淮一帶防軍業經吳棠分路布置儻賊勢南趨即令各路兵勇隨處剪除毋令再行旁竄運河水師礮船如能由運入黃駛至東明長垣一帶亦可輔陸路兵勇所不及著吳棠等斟酌情形妥籌辦理吳棠前擬於濟甯一帶派撥得力師船駐紮遏賊由黃運兩河上竄之路已有旨照所請行此時賊氛甚緊著即迅速調派毋落後著直隸大名一帶在在與



東省毗連。前據劉長佑奏已於威縣曲州清河各境調兵駐防。著該督檄令在防各兵勇實力遏截。毋稍疏懈。該逆由兗境狂奔而西。若不盤踞東境。恐由曹單一帶循熟南趨。本日據官文奏鮑超所部勇丁在金口潰散。若該逆向西南奔竄。與此起潰勇勾結。所患更巨。吳昌壽此時想已抵豫。著嚴飭河北鎮道整頓兵練。力圖扼勒。毋稍大意。河標兵弁著張之萬抵署任後。訓練調派。分段設防。以期

周密。賊匪紛竄靡常。宿州當扼要之地。防守不可不嚴。喬松年已飭張得勝移紮泗州。朱淮森移紮臨淮。並催劉銘傳拔隊赴徐。該提督到徐州後。應即分軍出境迎擊。該撫業經函商僧格林沁。令英翰仍紮宿州。即著照所擬辦理。以期得力。將此由六百里各諭令知之。○又諭官文奏霆軍赴川路經鄂省金口地方。乘間潰散一摺。據稱總兵宋國永馮標統帶鮑超舊部十八營。由江西行抵漢陽。經

官文給發水脚。優加犒賞。派員護送前進。師次金口。該勇丁等不願西行。全行潰散。覽奏實堪駭異。直隸宣化鎮總兵宋國永甘肅涼州鎮總兵馮標有統帶之責。何至於全軍潰散。毫無約束。實屬咎無可辭。姑念從前尚有戰功。均著即行革職。並撤銷記名提督。仍飭前往鮑超軍營效力贖罪。以觀後效。其首先煽惑眾勇潰散之儘先參將歐陽輝。遊擊羅三元。都司李守澤。李受春。千總梅里光。均著

先行革職。嚴拏務獲。就地正法。以肅軍律。此起勇丁叛卒降眾。雜出其中。類多桀驁之徒。現在陸續投回者。雖有二三千人。而結隊上行者。尚屬不少。難保不聚而生變。該勇丁等現由威甯一路竄去。行走甚急。官文已派歐陽曇成大吉等軍拔隊跟追。繞前攔截。著即飛催前進。如該勇丁尚遵約束。除將為首之犯擒治外。其餘脅從之眾。即著妥為彈壓。分別安插。儻敢恃眾抗拒。即當合力兜拏。就地



殲除毋令逸入鄰境致貽後患其業經投回勇丁著官文分別遣散毋令別滋事端現在官軍既星夜跟追該勇丁等自必聞風急竄趨向靡定江西安徽湖南等省路路可通著曾國藩孫長紱喬松年李瀚章石贊清各派兵勇於湖北交界地方飛速探蹤攔截並飭各該地方官一體嚴防協力兜拏免致蔓延為患不可稍涉大意鮑超所部之勇既多潰散是出關一節勢難成行該提督於勦辦粵匪素著聲威現在福建漳州之賊尚在負隅並有西竄粵東之意前已飭令鮑超舊部婁雲慶等由武平赴粵援應若得鮑超前往督帶必更得力著駱秉章迅即傳知鮑超趕緊起程取道湖北一帶順便將已散勇丁招集若干申明紀律統帶赴閩勦賊以贖前愆毋庸前赴西路勦賊該提督素稱勇往諒不至遷延觀望貽誤事機也官文另片一件留中將此由六百里諭知官文曾國藩駱秉章喬

松年李瀚章並傳諭鮑超石贊清孫長紱知之○又諭聯捷奏行抵晉省督兵趨程前進並催調軍器一摺前因嘉峪關被匪占踞肅州甘州回黨變亂古城失守疊經諭令都興阿等撥兵援應陶茂林馳赴甘州進勦並命成祿總統聯捷諸軍星速西行現在聯捷業由晉省起程前進即著仍遵前旨探明該提督行抵何處飛速知照會師西進與甘省諸軍會合將肅州甘郡回氣次第掃蕩規復嘉峪關疏通要路以期剋日大舉毋稍延緩該營兵勇起程前進所需軍械實屬刻不容緩著沈桂芬迅飭該省藩司將未備軍械趕緊造齊派員解交聯捷軍營以資攻勦將此由五百里各諭令知之○又諭駱秉章奏官軍會勦階州踞逆續獲勝仗現籌攻城情形一摺階州城外賊壘疊經胡中和蕭慶高周達武等督軍進勦攻拔逆壘數處斃賊無算蔡逆困守孤城已成釜魚檻獸著駱秉章劉蓉

督飭在事各軍會合林之望所部聯絡一氣迅拔堅城盡殲羣醜至洮岷回匪既有竄至西固地界之信尤當飭令諸軍嚴加防範毋令得與階州踞逆勾結為患前據劉蓉奏階州城池二月內必可攻克現已四月中旬何以尚無捷音甘省回氛徧地亟應厚集兵力痛加勦戮前經諭令林之望於克復階城後卽飭所部迅援肅州若因一隅之地久攻不下三省兵力悉為牽掣以致甘省賊氛日熾

一日糜餉老師恐在事員弁不能當此罪戾也將此由六百里諭知駱秉章劉蓉並傳諭林之望知之○又諭駱秉章奏官軍攻勦滇黔各匪疊獲大勝一摺滇黔各匪不可數計時思竄擾川疆雖經川省之兵越境攻勦連番獲勝而川滇黔三省邊界袤延既廣防範稍疏難免此擊彼竄蔓延鄰疆勞崇光身任兼圻疊經諭令迅赴滇境督兵勦賊著懷遵疊次諭旨迅赴迤東督飭在防兵勇會同川

軍將各路逆匪次第翦除林鴻年亦當妥籌布置馳往昭通相機辦理滇省地方糜爛有年兵威不振駱秉章務當督飭在防各將士探蹤進勦不可稍分畛域劉嶽昭唐友耕所部各營著駱秉章酌量添撥以厚兵力黔省苗土各匪蟻聚蜂屯前據勞崇光等奏包茅仙被獲未知果否正身當經諭令查明嚴拏現在包才等已被曾志友擒獲正法包茅仙下落如何著勞崇光張亮基查明具奏一

面督飭黔省兵勇將各股逆匪實力掃蕩以期早日廓清駱秉章亦卽飭令許蔭棠等暨秀山防兵會同黔省各路兵練分投截勦迅殄鄰氛以固邊圉將此由六百里各諭令知之○予山東臨城驛陣亡都司楊西林守備郭齡鰲千總馬連勝把總董富經等祭葬世職加等○予山東甯陽陣亡千總沙振仁祭葬世職加等○予甘肅階州陣亡副將毛泰山等祭葬世職加等○予雲南許家河陣亡

守備胡錫嘯。把總蔡得勝等。祭葬世職加等。  
○癸未。以記名提督張詩日為直隸宣化鎮  
總兵官。周盛波為甘肅涼州鎮總兵官。○予  
山東萊陽等處陣亡殉難守備高鶴齡等紳  
民婦女六千九百六十五員名口分別旌卹  
如例。並予建祠。○甲申。

上御撫辰殿。陳帝帳。閱侍衛步射。○諭內閣。前  
因御史賈鐸奏請申明講約舊例。以正人心。  
降旨令順天府五城及各省督撫飭屬選擇

鄉約。於每月朔望。敬將

聖諭廣訓各條。剴切宣示。茲據御史張盛藻奏  
稱。前在湖北本籍時。常聞城鄉士民。多以講  
約為名。斂錢聚眾。燒香結盟。請飭嚴禁等語。  
朝廷申明講約舊例。原期闡明正學。藉以維  
風化而振愚蒙。若如該御史所奏各情。是不  
肖匪徒。轉得藉講約以售其離經畔道肆無  
忌憚之術。於風俗人心大有關係。且此等流  
弊。恐尚不止湖北一省為然。著順天府五城

及各省督撫。於申明講約舊例時。嚴密稽查。  
如有異端邪說。及一切斂錢聚眾燒香結盟  
等事。即著嚴行懲辦。以示杜漸防微至意。○  
又諭沈桂芬奏。請將人地未宜才力不及之  
州縣。分別撤任降補。以肅吏治一摺。山西岢  
嵐州知州玉良。聽斷偏徇。輿論未孚。著撤任  
留省。遇有相當缺出。酌量補用。前署高平縣  
知縣溫重綬。才淺識短。難膺民社。著留於山  
西。以府經歷縣丞降補。○派協辦大學士吏  
部尚書瑞常。吏部尚書朱鳳標。戶部右侍郎  
董恂。禮部右侍郎綿宜。兵部左侍郎畢道遠。  
內閣學士延煦。桑春榮。都察院左副都御史  
景霖。為殿試讀卷官。○補鑄安徽布政司經  
歷。銅陵縣知縣。巢縣儒學大通鎮巡檢各印  
信條記。從巡撫喬松年請也。

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十六

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百三十七

聖祖皇帝實錄卷一百三十七 聖祖皇帝實錄卷一百三十七 聖祖皇帝實錄卷一百三十七

聖祖皇帝實錄卷一百三十七 聖祖皇帝實錄卷一百三十七 聖祖皇帝實錄卷一百三十七

聖祖皇帝實錄卷一百三十七 聖祖皇帝實錄卷一百三十七 聖祖皇帝實錄卷一百三十七

聖祖皇帝實錄卷一百三十七 聖祖皇帝實錄卷一百三十七 聖祖皇帝實錄卷一百三十七

聖祖皇帝實錄卷一百三十七 聖祖皇帝實錄卷一百三十七 聖祖皇帝實錄卷一百三十七

敘修

同治四年乙丑四月乙酉策試天下貢士廖

同治四年

鶴年等二百六十五人於保和殿制曰朕以  
冲齡懋膺大寶四載於茲仰荷

昊穹篤祐

列聖詒謨上承

訓迪於

兩宮下肇昇平於四海惟思宵旰勤政以求治  
臻上理茲當臨軒策士式殷前席用集嘉猷  
虞書守執中之訓為道統所自開帝德王道  
時代雖殊其同條共貫者安在湯誥言降衷

恆性。專言理也。洪範言天陰隲下民。而五行庶徵。理兼乎數。其說之同異若何。董仲舒漢之大儒。朱子既以正誼明道二語。編入小學。而於天人三策。猶有未滿之辭。其意何指。王通著中說。學者擬之論語。而後人斥為僭妄。所指何條。唐臣韓愈推原性道。拔起於貞元元和之間。然其議論之未盡純者何在。宋之大儒。濂洛關閩。專以發明心性之奧。至其得力之處。教人之術。能揭其大要歟。元儒首倡者何人。繼起者何氏。其純駁優劣。能詳言之歟。明代理學錄孰為居首。其餘諸子。出處成就。又各不同。可一一悉數歟。守令為親民之官。安民必先察吏。保障繭絲。自古辨之矣。史記列傳。特標循吏。後史因之。其間又有或稱良吏。或稱良政者。能枚舉歟。龔黃召杜。尚已。此外有蒲鞭示辱者。有生魚懸庭者。有麥秀兩歧者。有民歌五袴者。有蟲不犯境者。有處膏不潤者。有提耳訓告者。可厯指其人歟。他

如尹思貞之刺青州。薛大鼎之轉滄州。包拯之知端州。王觀之知蘇州。楊仲昌之令孝義。李君夷之令醴泉。劉摯之令南宮。其治績可得聞歟。或謂漢委寄守令。不從中取。居官者得行法外之意。是以吏治為唐宋所不逮。然歟否歟。安民之法。莫先於弭盜。弭盜之法。莫善於保甲。說者謂保甲之制。權輿於周官。然歟。保甲之名。創自何人。漢之亭長嗇夫。唐之里正坊正。推其名。實與周制里宰鄰長鄙師不相遠。其實充其任者何人。且同一保甲之法。王安石行之而民擾。王守仁行之而民安。豈法之有效有不效歟。抑有治人無治法歟。弭盜之方。載諸簡策者。如韓延壽之治潁川。尹翁歸之守扶風。其法能備舉歟。他如村置樓鼓。縫衣為誌。相機制變。存乎其人。可引伸其說歟。歐陽修有禦盜四事。說者謂其中有探本之論。其要安在。整軍經武。國之大經。古者寓兵於農。師之取象。地中有水。所謂藏至

險於大順也。管仲相齊。參其國。伍其鄙。國則為軍。鄙則為農。說者謂兵民之分自此始。然歟。設兵之善莫如唐。馭將之善莫如宋。所謂善者安在。能詳其說歟。明邱濬謂宋之禁軍。不如漢之踐更。漢之踐更。不如唐之府兵。能引伸其意歟。于謙創團操之議。王驥定練兵之制。可備陳歟。今將整飭營伍。鼓勵戎行。必使汰其老弱。黜其驕悍。懲其惰窳。簡其精銳。以汰卒之糧。加精卒之餉。庶兵歸實用。餉不虛糜。果何道之從。凡茲四端。稽古以懋修途。考課以釐政績。除莠以清里閭。詰戎以靖邊陲。皆經國之遠猷。立政之要務也。多士力學有年。其各陳謠論。毋隱朕將親覽焉。○諭內閣。前因降調湖南巡撫。憚世臨將被叅案內。加抽鹽釐一節。據實陳明。並錄呈兩次稟件。又據大理寺卿胡家玉等。縷陳查辦鹽釐情形各摺。先後交部覈議具奏。茲據吏部奏稱。遵查各摺稟件。憚世臨在常德府任內。於咸

豐九年五月。出示加抽鹽釐。至十月始行具稟。與原叅並未上詳。擅自興辦。情節相符等語。此案憚世臨被叅各款內。加抽鹽釐一節。既據該部查明。實係加抽在先。具稟在後。其為有心掩飾。毫無疑義。憚世臨著仍照該部原議降四級調用。不准抵銷。○又諭馬新貽奏。查明失事。應行查辦各員。開單分別定擬一摺。前署浙江杭州府西防同知通判汪景純。署武康縣知縣候補縣丞張廷魁。代理宣平縣知縣試用未入流郭光儀。均係失事。應行查辦之員。惟該員等或駐工辦事。並無城守之責。或署任地方。本無城池可守。覈其情節。尚屬可原。汪景純著免其置議。張廷魁。郭光儀。均著革職。免其治罪。○諭軍機大臣等。都興阿等奏。逆回勾結固原大股竄匪。官軍分投勦辦。大獲全勝。陣斬首逆一摺。固原竄逆。趙平羅寶豐。欲斷磴口糧路。都興阿等派隊迎擊。追斬偽帥馬生顏。殲斃餘逆甚多。甯

夏踞逆。窺伺營盤。亦經擊退。其撲入磨石口之馬賊。經阿拉善親王貢桑珠爾默特。派協理台吉阿布哩接仗。頗有新獲。翁同書派令侍衛訥依楞阿等。帶隊由花馬池赴紅柳溝。途遇逆匪馬步多名。官軍衝殺。將賊截斷。刺殺偽平西王孫義寶。辦理均尚得手。寶豐平羅餘賊。恐尚不少。當此首逆就誅。賊氣已奪。不難乘勝削平。著都興阿。穆圖善。派隊接殺。務將援賊掃除淨盡。力克甯夏府城。毋任再有勾結。阿拉善親王貢桑珠爾默特。守卡殺賊。奮勇可嘉。著都興阿。先行傳旨嘉獎。仍著飭令嚴防各口。兼辦馱運。以濟軍需。俟靈甯一律肅清。定當渥膺懋賞。翁同書自委辦後路以來。竭力籌防。相機策勦。訥依楞阿。甫經到防。卽殲巨逆。均屬奮勉可嘉。仍著都興阿等。督飭該員等。認真防勦。未可始勤終怠。致誤戎機。雷正綰。卽懍遵前旨。迅攻靈州。力圖克復。以便與都興阿等會師甯夏。廓清北路。

毋稍遷延。將此由六百里各諭令知之。○又諭。都興阿奏。慶陽糧餉軍火。一切不能應手。請飭各路協撥餉項軍火。酌定數目。按月徑解軍營等語。甯夏地處邊外。沙磧遼闊。糧餉軍火。籌備較難。該營除正餉之外。並無閒款。而糧臺相隔太遠。往往亟需應用。派員赴慶催提。往返三四十日。亦不能如數籌撥。種種掣肘情形。深恐貽誤軍事。嗣後著劉長佑。駱秉章。吳昌壽。閻敬銘。沈桂芬。劉蓉。各將應解協撥甯夏軍營餉項軍火。自行酌定數目。按月徑解。都興阿軍營。卽由該營派員經理。以期緩急可恃。各該省旣自行斟酌定數。以後務須源源接濟。按月籌撥。毋誤要需。其五月以前所欠月餉。著李鴻章。照數找給。歸還都興阿墊款。至新舊禮字等營。統共作銀三萬兩。及卹賞等銀一萬兩。仍由慶陽糧臺按月撥解。卽著楊能格。妥籌支應。毋稍遲誤。將此由五百里諭知劉長佑。駱秉章。吳昌壽。閻敬

銘。沈桂芬。劉蓉。李鴻章。並傳諭楊能格知之。○又諭。都興阿等奏。磴口係辦糧總匯。平羅寶豐。均屬運糧要區。逆賊屢圖占踞。截我運道。刻下前敵各營。軍竈久虛。勇丁多有因飢思潰。而歸綏辦就米石。因無款墊發運腳。亦延不起解等語。都興阿等督兵進取甯城。攻勦正當喫緊之際。豈可停兵待餉。坐失事機。著沈桂芬迅速籌撥運費。解赴歸綏。剋日將辦就米石。星夜起運。不得再有耽延。並著德

勒克多爾濟就近派員督催護解。俾利進行而資接濟。將此由五百里各諭令知之。○以戶部尚書寶璣。羅惇衍。暫署翰林院掌院學士。○以甘肅黃河兩岸勦賊獲勝。殲斃首逆孫義寶。予委驍騎校永怡布等加銜升敘有差。○予甘肅甯夏陣亡副將王崇陞等祭葬世職加等。○丙戌。諭軍機大臣等。前因髮捻各匪。竄近清淮。諭令李鴻章酌度情形。應否出省。迅速馳奏。茲據李鴻章奏。清淮調到水

陸各軍。聲援已壯。裏下河及淮徐各郡。均可無虞。蘇省所派援閩各軍。須由海道。酌濟餉項軍火。江蘇邊境及蘇浙後路。仍當豫防。暫無庸出省督勦等語。所籌不為無見。卽著照所議辦理。惟髮捻股匪。現由山東滕嶧邊界西趨。有直撲兗濟之勢。黃翼升。歐陽利見等水師。據李鴻章稱。已據吳棠先期調撥。分布扼守。惟賊竄兗濟。卽距直境甚近。直隸僅有威縣曲周清河等處防兵三千餘名。元城縣

防兵千名。深恐兵力單薄。不敷堵禦。劉銘傳及周盛波所部各勇。合共一萬數千人。兵力有餘。畿輔地廣兵單。防堵正關緊要。著劉銘傳卽於所部勇丁內。挑選精銳數千名。迅速帶赴直隸。與劉長佑會商。分布直東交界地方。嚴密扼防。以固畿疆門戶。應給餉需。卽著吳棠。李鴻章。迅速籌款。豫行撥給。以利進行。此軍行抵東境。並著閻敬銘竭力籌措餉需。東海關稅銀。閻敬銘亦可酌提撥解。以濟此



軍食用。毋令停兵待餉。是為至要。劉銘傳本係直隸提督。該省防務。責無旁貸。務當懍遵諭旨。統兵北行。毋許稍涉遷延。致滋貽誤。張詩日昨已簡放宣化鎮總兵。直隸帶兵需人。著曾國藩迅飭該員。馳赴劉長佑軍營聽候調遣。河間景州一帶。與山東恩德一帶毗連。最關緊要。劉長佑前調天津通永兩鎮兵一千名。駐防景州。並調海口兵五百名。駐防吳橋。兵力仍恐單弱。劉銘傳抵直後。應如何添兵分布之處。仍著劉長佑酌量籌辦。甘省肅甘兩郡。回匪猖獗。劉松山前已簡放肅州鎮總兵。周盛波已簡放涼州鎮總兵。著曾國藩李鴻章飭令該總兵等。迅即馳赴新任。其劉銘傳周盛波所部勇丁。除劉銘傳帶赴直隸外。所餘兵勇。仍著曾國藩李鴻章吳棠迅速派員接統。由徐州一帶。探明賊蹤所向。迎頭截擊。詹啟綸一軍。尚有數千。徐州一帶。兵力儘數勦辦。著僧格林沁。吳棠飛速迎提。以資

攻勦。現在北路一帶空虛。僧格林沁務當繞向北路。偪賊南趨。毋令竄入畿疆。黃河一帶。仍著劉長佑。閻敬銘嚴密防堵。不可稍涉疏懈。准徐邳宿一帶。並著吳棠喬松年。令在防將士。力行堵遏。將此由六百里諭知僧格林沁。曾國藩劉長佑吳棠李鴻章喬松年閻敬銘。並傳諭劉銘傳知之。○又諭李鴻章奏。潞野尚未設關。請援案暫緩徵稅。另行籌款。辦運一摺。蘇州織造所管潞野關。自咸豐十年被賊焚毀後。至今尚未建署開關。前任織造文燠。現任織造錫祉。設法就巡徵稅。子口過多。商情未協。且所徵之稅。較之釐卡捐數。多寡大相懸殊。自應相時變通。以期功歸實際。著照李鴻章所請。准其援照杭州江甯各關停徵之案。將潞野關一體暫停徵稅。俟蘇省防軍盡撤。南北商貨流通。即行奏明。復歸舊制。所有織造衙門應辦大運等項工需。即由李鴻章於釐捐內酌撥銀錢。交該織造分別

緩急。量為辦理。每年撥款。以三萬兩為率。其一屆應辦之數。准其分作兩年辦運。不准延誤干咎。至織造養廉。及該衙門各項用費。著在釐捐項下。每月撥銀一千兩。俾資辦公。李鴻章卽傳知織造錫社。實力奉行。毋稍貽誤。將此諭令知之。○以盛京禮部侍郎清安出省巡邊。兵部侍郎聯康年班進京。命副都統慶春兼署禮部侍郎。工部侍郎桂清兼署兵部侍郎。○丁亥。諭內閣。前因倭仁等訊取降

調編修蔡壽祺親供。內稱夤緣一節。係指劉蓉而言。當經降旨令劉蓉明白回奏。茲據劉蓉遵旨覆奏。自陳起自草茅。未趨朝闕。於親貴之臣。未識一面。樞密之地。未達一纖。請嚴究誣罔根由等情。另片奏。蔡壽祺前在四川省城。因把持招搖公事。經前署四川總督崇實參奏。奉

旨驅逐回籍。後仍在四川自刻關防。徵調鄉勇。收召匪目陳八仙等。聚眾橫行。經該撫宣言

驅逐。該編修造詞羅織等語。蔡壽祺所參薛煥行賄一節。業經華豐等訊無實據。先行奏結。並將蔡壽祺交部議處。其劉蓉善於夤緣一節。先經華豐等訊取蔡壽祺供詞。亦稱得之風聞。並無實據。今據劉蓉遵旨明白回奏。各情與蔡壽祺並無實據之供相合。蔡壽祺業因奏參薛煥不實。經吏部議以降二級調用。不准抵銷。所有蔡壽祺參奏劉蓉不實之處。著從寬免其再行置議。惟劉蓉片內所稱

蔡壽祺在四川私刻關防。調勇招匪。挾嫌構陷各情。仍著交原派查辦此案之肅親王華豐等。傳到蔡壽祺研訊具奏。至朝廷聽言。必期詳審。劉蓉薛煥既被指參。豈能不加訊問。轉致大臣名節。無由共白。今劉蓉摺內。有請放歸田里等語。詞氣失平。殊屬非是。總之黜陟進退。朝廷自有權衡。非臣下所能自便。劉蓉所請。著毋庸議。○又諭。前據喬松年奏。鳳陽紳民稟請在臨淮地方。建立已故漕運總

督袁甲三專祠。當經降旨允准。嗣因曾國藩喬松年覆查孫家泰蒙時中等解赴臨淮死難情形。係張學醇奉袁甲三檄提。致隨苗逆說謀。該故漕督未能覺察。辦理不善。復經降旨撤去臨淮專祠。茲據曾國藩奏。據鳳陽府屬各紳民稟稱。袁甲三清廉勤苦。有拊循保障之功。辦理壽州紳練。誠有不善。而一省不掩終身。懇恩仍申前旨。免其撤銷等語。朝廷賞罰予奪。悉視其人之功過為權衡。毫無成見。既據曾國藩奏。該紳民等合詞籲請。是袁甲三駐軍臨淮。維持大局。尚有遺愛在民。不無微勞足錄。所有已故漕運總督袁甲三臨淮專祠。著加恩免其撤銷。以順輿情。○諭軍機大臣等。劉長佑奏。匪蹤回竄東境。現籌防剿情形一摺。賊蹤飄忽異常。奔竄靡定。現已由開河等處。向西南逃去。則入直入豫。皆可伺隙奔突。劉長佑現赴大名等處。相機防剿。卽著妥籌布置。毋令賊匪得由曹單一帶旁

趨。擾及直境。吳昌壽亦當派撥兵勇。在東豫交界處所。實力扼截。毋稍疏懈。黃河關繫緊要。劉長佑已飭大名鎮道。加意設防。並派撥兵練巡防北岸。布置尚為周密。而山東所轄河道較長。濮范一帶。伏莽未盡。尤應嚴密防範。著閻敬銘調派兵團。駐紮東省北岸。以杜偷越。而免勾結。豫省沿河地方。吳昌壽會同張之萬認真防堵。並飭河北鎮道。與大名防軍。聯絡聲勢。以期周密。僧格林沁前已追賊至紅花埠一帶。此時賊蹤回竄東境。勢漸北趨。僧格林沁當懷遵前旨。督帶兵勇。繞由北路。偪賊向南。庶可與清淮等軍。兩面夾擊。將此賊聚而殲旃。毋令往來竄擾。疲我兵力。丁寶楨等軍。已繞赴東平。正可就近擊賊。著閻敬銘嚴飭該藩司等。會同陳國瑞之軍。跟蹤追剿。毋誤戎機。其威縣等處防務。劉長佑仍當飭令李鶴年等盡力籌辦。不可稍涉大意。至山西地界。多與直隸接壤。亦應先事籌防。

著沈桂芬勤加偵探。扼要防堵。以保完善。將此由六百里各諭令知之。○又諭曾國藩奏遵派援軍。先後到防一摺。吳毓芬張樹珊等軍。經李鴻章吳棠等先後入奏。業已陸續到防。現在東南援軍四集。兵力已厚。西北一帶。兵勢單弱。賊匪屢犯東境。密邇直疆。非有知兵大員前往勦辦。不足以奪賊氣而靖寇氛。本日據劉長佑奏賊由東平濟甯折竄西南。大名開長防務。均形喫重。更須亟集援軍。以防賊匪奔突。著曾國藩檄令劉銘傳懷遵前旨。酌帶所部數千名北行。毋稍延緩。賊既由東平濟甯折竄西南。有渡黃上竄直境之勢。江南水陸援軍。俱落賊後。黃翼升歐陽利見水師。及彭玉麟等師船。曾否汴流上駛。如吳棠前奏駐紮濟甯一帶。扼之黃運兩河之交。著吳棠彭玉麟斟酌情形。相機迅速調派。不可再行遲延。落後。前因甘省回氛甚熾。金國琛劉松山均係甘省實任人員。是以催令各

赴本任。現在閩省汪李兩逆。悍黨尚多。設回竄江境。皖南徽甯兩處之防。關繫綦要。肅州鎮既已簡放有人。金國琛一員。卽著暫緩赴甘。俟閩省軍務底定。皖防稍鬆。仍卽飭赴本任。以專責成。將此由六百里各諭令知之。○陝西巡撫劉蓉奏。遵奉諭旨。籌撥都興阿穆圖善雷正綰陶茂林曹克忠各營正二月分餉銀軍火。仍竭力籌措。按月源源接濟。報聞。○安徽皖南鎮總兵官唐義訓因病解職。調甘肅肅州鎮總兵官劉松山為安徽皖南鎮總兵官。以記名總兵官程興烈為甘肅肅州鎮總兵官。○補鑄貴州仁懷縣知縣印信。從雲貴總督勞崇光請也。○豁免陝西咸甯長安三原富平涇陽臨潼渭南醴泉興平咸陽高陵盩厔鄠鳳翔大荔蒲城華藍田郿三水長武永壽武功甯陝孝義漢陰甯坪定遠二十八廳州縣被擾地方。節年民欠額賦有差。○戊子。

上御養心殿。召讀卷官入。親閱定進呈十卷甲第。○諭軍機大臣等。閻敬銘奏。賊匪渡運西竄。逼近黃河情形。並帶勇出省一摺。此時逆蹤逼近黃河南岸。難保不勾結水套匪徒。希圖北渡。亟應嚴行堵禦。閻敬銘已出省。馳赴河北東昌茌平一帶。卽著督飭派出各軍。實力嚴防。遇賊卽擊。不得稍有疏虞。致令匪蹤北渡。劉長佑現赴大名等處。著懔遵昨日諭旨。相機防勦。毋令竄入直境。僧格林沁全軍業已行抵鄆城。著卽繞由北路迎頭截擊。逼近南趨。庶可與清淮等軍兩面夾攻。以收聚殲之效。昨諭吳棠等將黃翼升歐陽利見水師。及彭玉麟等師船。相機調赴上游。著吳棠懔遵前旨。會商彭玉麟星速調撥上駛。於直東兩省扼要駐紮。以遏逆氛。劉銘傳並懔遵前旨。星速馳赴直境。毋再遷延。將此由六百里諭知僧格林沁。劉長佑。吳棠。閻敬銘。並傳諭劉銘傳知之。○軍機大臣寶鋆。文祥奏。軍

機處事務繁重。懇請各開總管內務府大臣之缺。以專責成。允之。○以戶部右侍郎崇綸為總管內務府大臣。○旌表守正捐軀湖南芷江縣民婦丁夏氏。○己丑。

上御太和殿傳臚。賜一甲崇綺。于建章楊霽。三人進士及第。二甲牛瑄等一百人進士出身。三甲吳汝綸等一百六十二人同進士出身。

○諭內閣。前因御史劉慶奏。參鄭親王承志狎優比匪各情。當交宗人府刑部提犯審訊。該衙門等訊明大概情形。請令該御史指實覆奏。旋據劉慶覆奏。承志不自檢束之處。係屬得自風聞。復經降旨。令宗人府會同刑部。按照所奏各情。再行提犯研訊。茲據奏稱。會同審明承志被參各款。並究出奉恩將軍有說事得賊等情。請分別定擬等語。此案劉興義卽劉義興。因伊祖曾充己革鄭親王府莊頭。聞承志襲爵。起意來京。營謀進府當差。託素識陳二卽馬冀陳。代求世襲奉恩將軍崇

芳引薦。並求頂帶。崇芳輒令劉義興孝敬鄭親王車贏銀兩。未經收受。崇芳得謝禮京錢二百吊。實屬不合。崇芳著革去奉恩將軍。照例折圈禁半年。圈滿後折罰養贍錢糧六箇月。三等護衛常英門千總金廣元。雖無與鄭親王聚會演唱情事。惟身任職官。輒演唱票戲。究屬有玷官箴。均已革職。所得杖罪。著免其發落。鄭親王承志。於崇芳代劉義興屢次央求賞給頂帶差使。情願送給車贏。該親王雖未收受。亦無賞給頂帶之事。惟當崇芳賄說之時。含混回答。並不正言拒絕。實屬不合。承志著交宗人府議處。鄭親王濟爾哈朗。功在社稷。承志由旁支特揀襲封親王。自應兢兢業業。勉紹箕裘。若稍不自檢。卽難免被人指摘。此次雖查無確據。該親王仍當力圖湔濯。用繼前徽。毋替先烈。懍之。○諭軍機大臣等。都察院奏廣東舉人馮典夔等。遣抱告以客匪焚掠。懇請妥為安插等詞。赴該衙

門呈訴。據稱客匪馬從濫等自倡亂以來。前後殺土民十餘萬。該匪退守五阮老巢時。勢頗窮蹙。而卓興意存袒護。並不認真辦理。迨客匪假意投誠。卓興輒捏稱恩平縣之那扶金雞水等處。與土鄉隔絕。稟請安插。帶領該匪在恩平縣占踞田莊。殺斃土人商民數百名。搶奪貨物。焚毀貨船數百隻。那扶金雞水土著村莊百餘。焚毀殆盡。殺戮開平新甯土人。擄掠婦女。不可勝計等語。所控各情。與毛

鴻賓郭嵩燾前奏安插客民。為土人擄殺數百之語。又屬兩歧。土客仇讐已深。處置稍不得宜。必將報復相尋。釀成巨禍。該客民等如果焚毀村莊。肆行殺戮。是就撫竟屬空言。而土民又豈肯相安無事。卓興辦理此事。是否意存偏袒。庇匪虐民。其客民妄肆焚殺。是否確實。著瑞麟郭嵩燾督同臬司秉公查辦。並將安插客民。妥議章程。毋致再生枝節。其該舉人等呈請改擇別處曠土遠地。分黨妥為

安插之處。並著斟酌妥籌辦法。毋得固執一偏之見。原摺呈均著鈔給閱看。將此由四百里各諭令知之。○閩浙總督左宗棠奏。遵查杭嘉湖三府漕額甚重。請按科則重輕。統減三分之一。下部議。尋議原減數目過多。擬請於三十分中減去八分。從之。○賞會試年老舉人鄔九如等三十六人。司業編修檢討學正職銜有差。○旌表守正捐軀山東惠民縣民婦孫甯氏。○庚寅。諭軍機大臣等。左宗棠

奏。官軍分路進剿。疊獲大勝。現籌辦理情形一摺。逆首汪海洋盤踞龍巖南靖永定交界之金豐等處。經官軍分路進攻。賊勢漸形窮蹙。左宗棠以彰城東北一帶。兵力尚單。添調總兵劉明燈等五營。由興泉赴安溪邊界進剿。該督亦帶親兵。由省城取道。趨赴前途督辦。著卽親督各營將士。將漳郡踞賊實力掃蕩。毋稍鬆勁。郭松林。楊鼎勳等軍。分紮海澄鎮門及廈門等處。與高連陞等各營。聯絡聲

勢。當可斷賊竄入海道之路。惟賊情詭譎異常。左宗棠須嚴檄郭松林等加意巡防。不可稍涉大意。漳浦之賊。既多轉入漳郡。正可令郭松林等分兵乘虛襲取漳浦。以清漳郡南路。此股逆匪。俱係積年悍賊。乘隙紛竄。是其貫技。左宗棠務當分兵布置。四面圍剿。將漳郡之賊就地殲盡。毋令逸出鄰境。致垂盡餘匪。又成燎原之勢。漳州西路官軍。雖屢獲勝仗。而地廣兵單。深虞旁竄。左宗棠前擬檄調

江西之軍。就近援剿。未知曾否到防。現在金豐及上中奎洋賊巢。尚未盡掃。苦竹山頂。尚為賊踞。卽著左宗棠檄飭各軍。乘勝攻拔。並著瑞麟。郭嵩燾。飭令李福泰。方耀。統帶所部。會合閩省西路各軍。先將雲霄和平詔安等處攻克。以斷漳賊西竄之路。俾李汪等逆。可就漳郡聚殲。方為妥善。婁雲慶一軍。現駐武平。兵力較厚。著孫長紱仍遵前旨。檄飭進赴粵境。瑞麟。郭嵩燾。迎提調撥。以固邊防。汪逆



屢有竄江之意。孫長紱務當嚴密布置。毋人竄入本境。將此由六百里諭知瑞麟左宗棠徐宗幹郭嵩燾。並傳諭孫長紱知之。○又諭李瀚章奏。通籌防剿大概情形。並電營散眾行至咸甯滋擾。張凱嵩奏。梧州官軍疊破賊巢各摺片。鮑超所部霆營勇眾。前據官文奏潰勇行至咸甯。逆謀始露等語。當經諭令官文李瀚章等。派兵截遏。茲據李瀚章奏稱。霆營前收降眾復叛。在湖北咸甯縣地方劫掠勢甚猖獗。是此起潰卒。已有聚而難散之勢。亟應乘其初起。迅速撲滅。官文前派出截之兵。是否足數分布。著嚴飭派出將弁。認真妥辦。將為首逆犯擒治。設法分散其黨。以免蔓延。岳州地控南北。李瀚章已飭趙煥聯帶勇一千餘名。馳赴岳州駐紮。即著督飭該臬司會同劉國斌等水師。分巡控扼。毋稍疏虞。仍察看緩急。隨時增兵助守。藉壯聲威。藤縣霍十八等起旗嘯聚。以岑溪之曇容南渡為總

巢。經道員蔣澤春吳光春等督軍進剿。疊破賊巢。辦理甚屬出力。著張凱嵩飭令蔣澤春等嚴督弁勇。躡捕霍十八務獲。並將自良蛟灣踞匪。剋日殄除。以清餘孽。至髮逆盤踞黔邊。勾結苗逆。互為聲援。久為粵黔湘三省之患。現在首民陳輝良等。雖經薙髮繳械。悔罪投誠。第收降最多流弊。著勞崇光張亮基。張凱嵩妥為籌辦。不得敷衍目前。致貽後患。逆首李七遁歸黔匪何二股內。賊目胡性聰亦竄入下江黔匪羅洪處。並著勞崇光張亮基。張凱嵩督飭黔粵各軍。躡緝務獲。以淨根株。湖南東西兩路防剿事宜。即著照李瀚章所籌辦理。該撫其實力實心。嚴密妥籌。以副委任。將此由五百里各諭令知之。○廣西巡撫張凱嵩奏。軍務未竣。請將本年軍政展緩舉行。允之。○以庸闇不職。革福建道員潘駿章職。○以福建龍巖等處剿賊獲勝。賞副將張福齊巴圖魯名號。餘加銜有差。予陣亡遊擊



鍾元興都司陳育訢守備周振源把總劉吉祥等祭葬世職加等。○以廣西勦滅黎村股匪賞都司歐見祥等花翎軍功黃鳳全藍翎餘升敘有差。○追予故副都統銜署烏魯木齊都統保恆祭葬卹廕如軍營病故例。○予福建苦竹陣亡參將文任重祭葬世職如總兵官例。○辛卯。

上奉

慈安皇太后

慈禧皇太后幸春耦齋侍早膳。○御紫光閣閱侍衛馬射。○諭內閣恩麟奏請將縱勇滋事借故脫逃之武弁查拏等語已革參將鄒本五前經陶茂林派令赴楚募勇行抵陝西咸陽藍田等處毆官毀署肆行搶奪情節最重疊經有旨交都興阿雷正綰拏辦乃該革弁於所部勇丁鼓譟散去之時託言帶兵追趕經陶茂林派弁往查日久並未回營難保非因所犯情罪重大藉故脫逃希圖漏網若不

嚴拏懲辦何以飭法紀而肅戎行已革參將鄒本五著湖南巡撫轉飭該犯原籍湘鄉縣嚴密查拏並著各省督撫暨各路統兵大臣一體嚴拏務獲卽行就地正法以昭炯戒。○諭軍機大臣等閻敬銘奏續探賊匪游弋黃河南岸分兵籌防暨密陳賊首兇狡情形各摺片賊匪在范縣東南連破民寨賊馬已竄至荷澤之甘露集奔突無定散布於荷鄆范濮之間界近開州閻敬銘已調齊水陸兵勇及柳城陽穀朝城范縣等處民團在黃河北岸聯絡布置著卽嚴飭派出各員弁嚴密堵截遇賊卽擊毋稍疏懈定安已率同韋應麒移赴開濮交界著卽咨令該副都統會同直省防軍扼要遏擊黃河水套伏莽尚多設被賊匪勾結渡河所患尤巨並著檄飭該處防兵隨時防維毋得稍涉大意賊匪為僧格林沁大軍所逼又有陳國瑞分兵抄截故往往避兵而行紛紛四竄著僧格林沁仍遵前旨

繞由北路截擊。務須穩慎進取。不可銳意輕進。賊自河南確山。竄至東境。東趨滕嶧。南竄海贛。又復折回。蔓延於范濮曹單一帶。急則晝夜狂奔。緩則數日屯踞。賊中髮捻各酋。皆著名悍寇。又兇狡善戰。往往以一騎夾一步。為團陣滾進。絕非從前擒匪志在剽掠者可比。其素所畏憚者。惟僧格林沁。故專意欲老其師。以逞其詭計。該親王轉戰數省。追奔逐北。使賊不暇喙息。而逆蹤飄忽靡常。轉瞬千

里。是專恃僧格林沁跟蹤追躡。尚恐徒疲兵力。亟宜增添勁旅。專派知兵大臣。統率諸軍。分為兩路。輪替兜剿。以期殄滅無遺。楚軍素稱能戰。惟曾國藩聲威素著。可以惟所指揮。前已有旨令曾國藩酌度出省。此時軍情更緊。燎原之勢已成。設再任其長驅奔突。有後追之兵。而無前截之兵。此防彼竄。累日經年。數省膏腴。悉供搜括。於中原大局。所關非細。曾國藩老於戎事。籌畫動中機宜。前次奏稱

分布各軍。專顧東西兩防。各專責成。期與北路僧格林沁。共收夾擊之效。可知該大臣於籌辦此股賊匪。亦已胸有成竹。與諭旨亦相脗合。著卽剋期出省。督率南路水陸援兵。偵探賊蹤。相機剿辦。其江南北應調何軍。出省後應駐何處督師。均著該大臣斟酌妥辦。僧格林沁轉戰數年。勤勞備至。南路既有曾國藩大支勁旅。卽著繞赴北面。屏蔽畿輔。添調馬隊。養足威望。與曾國藩會合夾擊。務須加

意持重。斷不可輕進失利。直隸防兵仍單疊經諭令劉銘傳統帶精兵數千。迅赴直隸。與劉長佑商辦防剿。該提督統兵自南而北。正可與賊相遇。卽可痛加剿洗。與僧格林沁之軍。兩面夾擊。並著懷遵疊次諭旨。星夜起程北上。毋再遲延。劉銘傳北來後。所部兵勇尚多。著曾國藩遴派得力將弁。妥為管帶。酌量調遣。以期得力。僧格林沁。曾國藩均係公忠體國。為朝廷倚任之臣。諒必能和衷共濟。力

持全局也。將此由六百里諭知僧格林沁。曾國藩。閻敬銘。並傳諭劉銘傳知之。○又諭孫長紱奏赴甘肅營叛逃。派兵扼要堵截一摺。前據官文奏。霆營勇眾潰散。行至咸甯。逆謀始露。當經諭令湖廣江西各省督撫。派兵堵截。茲據孫長紱奏。已派總兵萬泰。普承忠等。各帶兵勇。先赴義甯武甯扼守。並檄記名提督孫長國。率領礮船。巡防義武河面。又於鄱湖贛河。分路布置。截其竄皖竄閩之路。所籌尚屬周妥。第此起叛勇。其中降眾甚多。久經戰陣。現既叛跡昭彰。勢必鋌而走險。武義偏近興國通山。難保不乘虛竄突。朝發夕至。孫長紱派出各軍。務當檄令飛速到防。遇賊卽擊。不得稍涉稽延。致落後著。至援閩霆字各營。尤應防其煽惑。著左宗棠等飭令婁雲慶。妥為拊循。駕馭鎮定軍心。毋令生事。閩省賊氛。經各路官軍痛加勦洗。長圍之勢漸成。左宗棠等務當嚴檄各軍。合力兜勦。毋令回竄。

鄰疆。致成延蔓。江省地方緊要。此時叛勇近在楚疆。籌防尤亟。沈葆楨撫江數載。素得兵民之心。自應迅速回江。籌辦防勦事宜。以副眾望。著左宗棠。徐宗幹傳知沈葆楨。毋庸俟百日假滿。卽行前赴江省視事。該撫平日公忠體國。想必不瀆詞陳。請也。將此由六百里諭知左宗棠。徐宗幹。並傳諭孫長紱知之。○又諭崇實。駱秉章奏。屯弁聚眾滋事。當卽撲滅。全屯底定。各摺片。理番廳屬下孟屯增設守備。穆租索朗。及其子穆裕寬。潛蓄逆謀。剋扣屯餉。遂脅屯兵謀叛。濫斃多命。復擅調屯兵。盤踞廳城。擁眾抗拒。實屬罪大惡極。現經署同知吳羹梅等調集屯兵團勇。將首逆穆租索朗。及其子穆裕寬。擒斬正法。殲除黨與。五屯一律定靖。辦理尚為妥速。仍著崇實。駱秉章。飭令理番文武各員。將應辦善後事宜。妥為籌辦。務期永杜爭端。以弭後患。據該督奏稱假期已滿。目病尚未全痊。現值邊防喫

緊力疾視事等語。具見矢志公忠。以國事為己任。所有軍務重事。卽著由該督妥為籌辦。其日行事件。仍委藩司代拆代行。一面趕緊調治就痊。以慰廑繫。前因官文奏稱霆營勇眾行至湖北金口地方潰散。竄往咸甯。當經諭令駱秉章傳知鮑超趕緊取道湖北招集散勇。統帶赴閩剿賊。以贖前行。無庸出關剿賊。近日疊據李瀚章孫長紱奏報。霆營降眾復叛。在湖北咸甯地方劫掠。勢已猖獗。驛路

梗阻。該叛勇聲稱赴江索餉。實欲赴閩投賊。並欲勾結援閩霆軍等情。是該叛勇逆跡業已昭彰。亟應趕緊籌辦。此股叛黨係屬鮑超舊部。輒敢乘機煽亂。該提督雖已先行回川。究不能辭其責。湖北湖南江西等省。前派成大吉等軍。雖經分路扼截。難保不恃眾抗拒。乘機竄突。鮑超統領霆營。素為勇丁所信服。呼應較靈。必得該提督親往咸甯等處。曉以大義。休以利害。冀可聞風反正。消患甫萌。卽

著駱秉章傳知鮑超。懍遵前旨。迅速馳赴湖北一帶。會同成大吉等軍。扼截叛勇。協力兜拏。其自拔來歸。真心向順者。卽著分別招集。與前次投回勇丁。或酌留管帶赴閩。或貲遣回籍。均由鮑超相機妥辦。鮑超俟辦理叛勇事竣。卽著督軍入閩。毋稍延緩。婁雲慶等軍。由武平赴粵援應。並著該提督飛速知照。婁雲慶嚴密防範。毋令所帶勇丁。為叛勇煽惑。勾結。以杜亂萌。鮑超受恩深重。必當仰體此

意。剋日赴鄂。無誤事機也。將此由六百里諭知崇實駱秉章。並傳諭鮑超知之。○又諭恩麟陶茂林奏。移營追剿賊匪。疊獲大勝。克復鹽茶廳各摺片。並階州剿匪確情。紮營形勢。繪圖呈覽一摺。恩麟所奏陶茂林一軍。暫駐中灘。將撲營之賊擊退。並將王家集賊巢攻克。其圍攻陶世貴等營之賊。亦經官兵兩次擊退。並經陶茂林督兵進攻。將羊營寨張家營齊家營三巢平毀。剿辦尚屬得手。狄河並

撒拉各匪。句通洮岷各路夥黨。潛謀竄陷鞏昌。且狄河大股逆匪。傾巢而出。省城卽不免動搖。所有省城防守事宜。恩麟自當嚴密布置。豫籌防範。惟肅甘兩郡。及嘉峪關西甯等處。一片賊氛。若不早除。恐勢成燎原。將來益難收拾。前經諭令雷正綰酌撥數營。進紮會甯。以便替出陶茂林之軍。前赴肅甘進剿。著雷正綰仍遵前旨辦理。陶茂林俟雷正綰所撥兵勇到齊後。卽統率所部。與狄河一帶。以次進剿。前赴肅甘。至西甯一帶情形。近日未據王通奏報。仍著恩麟探明。隨時具奏。並著分派兵勇。前往援應。不得專顧蘭州。置省外州縣於不問。鹽茶廳回匪。經曹克忠剿敗。竄遁。都興阿。穆圖善當飭令該總兵迅速進拔。靈州。以期合兵。剿平甯夏。毋稍遲延。至恩麟所奏階州進剿髮匪。尚係正月以前情形。前據駱秉章奏陳。自正月至三月間。攻戰軍情。賊勢漸蹙。舊城山壘。賊眾出降。教場壩賊壘。

已經攻拔。惟隴家壩以南。尚有賊壘三座。城南尚有賊匪礮臺。若不先行攻克。則官軍為所牽掣。勢難嚴密合圍。其舊城壩賊壘六座。是否悉已剷除。並著恩麟查明具奏。階州城池。究竟何時可克。並著駱秉章。劉蓉。恩麟。檄飭在事諸軍。實力圍攻。剋期蕆事。不准再涉遷延。致滋貽誤。將此由六百里諭知都興阿。穆圖善。雷正綰。駱秉章。劉蓉。並傳諭恩麟。陶茂林知之。○以治軍嚴整。予山東參將王心安。以副將升補。○以河南汝甯等處剿匪出力。賞道員趙書升。二品封典。遊擊李大成。巴圖魯名號。知府劉成忠。都司楊繼才等。花翎。州判閔賁曾等。藍翎。餘加銜升敘。開復有差。○以四川理番廳。擒斬叛弁。賞署同知知縣吳羹梅。同知銜。與都司李耀龍等。均賞花翎。餘升敘有差。○予河南汝陽等處陣亡都司唐霖等。祭葬世職加等。○壬辰。諭內閣。管理戶部三庫事務。周祖培等奏。八旗承領兵餉。

等款。請申明舊例。嚴定章程一摺。前據鑲黃旗滿洲以該旗承領米折銀兩。內有低潮虧短。奏請查辦。茲據奏稱該旗解回低潮元寶四錠。令匠人等當堂燒練。委係高銀。仍如原數。當經該旗章京領回。內二錠旁翅。係該旗自行鎔化。致虧銀十五兩三錢。卽按奏定章程辦理。至該旗所稱實虧銀一百一兩零。查各項銀兩承領時。均係督率司員。眼同該章京逐平彈兌。各旗砵碼。亦與部庫較對相符。

不致虧短。請飭該旗自行查辦等語。著照所議辦理。此次該旗自行鎔化虧欠銀兩。業經照章補足。若不嚴定章程。各該旗難保無藉口庫虧。暗圖侵蝕情事。嗣後各該旗都統副都統每遇本固山應領餉銀等款日期。酌定一員。親身赴庫。並帶同章京。暨認識銀色人役。會同管庫大臣等監放監領。如該旗都統副都統是日不到。卽將兵餉暫行停放。俟各旗放竣。再由銀庫定期補放。其承領時如有

短少。照例由庫補足。出具並無短少低潮甘結承領。仍由該庫逐袋散給印花。由承領官自行封口運回。未領以前。責成在庫。既領之後。責成在旗。不准互相推諉。至各旗營領銀後。如經看有成色。應卽呈堂辦理。不得自行鎔化。以杜流弊。經此次嚴定章程之後。各該旗如有藉口庫虧。暗中侵蝕等弊。卽由該管大臣將承領章京。並承辦人等。嚴究叅辦。此旨著纂入則例。永遠遵行。○引見癸亥科散

館人員。得旨。修撰翁曾源。編修龔承鈞。張之洞。業經授職。二甲庶吉士許振禕。吳鴻恩。梅啟熙。郭懷仁。邊寶泉。陳振瀛。蔣維垣。朱迥然。張鵬翼。曹煒。夏子鐸。李端棻。李嘉樂。陳翼陸。爾熙。崔志道。郭芳。馮爾昌。呂式棟。周蘭宗。室奎潤。黃體芳。王緒。曾高學瀛。劉燁。解煜。周聲澍。鐵祺。劉曾俱著授為編修。三甲庶吉士鄭夢錦。文澂。段福昌。吳鎮許。廷桂。孫鳳翔。徐爾麐。張道淵。張觀準。俱著授為檢討。蕭世本。劉

子鏡光。圻羅振雲。黃彬。陳錦。王緯。景善。黃桂丹。俱著以部屬用。沈寶枏。任傳綸。鄒振岳。姚清祺。黃紹薪。胡昌銘。彭君毅。謝輔堦。湯獻祥。周維翰。饒佩勳。俱著以知縣卽用。○以兵部左侍郎畢道遠兼署戶部左侍郎管三庫事。○癸巳。

孝慎成皇后忌辰。遣官祭

慕陵。○

上復詣

大高殿祈雨。行禮。○遣惇親王奕訢詣

時應宮。恭親王奕訢詣

昭顯廟。鍾郡王奕詒詣

宣仁廟。孚郡王奕譞詣

凝和廟。拈香。○以神靈顯應。頒福建

天后宮扁額。曰慈航福普。○諭內閣。國瑞奏。

官軍進剿髮捻。督師重臣。遇伏力戰陣亡。現

籌勦辦一摺。髮捻逆匪。竄擾山東。由汶上縣

之袁路口過河。竄至鄆城西北水套一帶。句

結伏莽。糾約馬步數萬。勢甚兇悍。經僧格林沁督軍迎剿。將賊擊退。復督馬步進追。猝墮賊伏。該親王督率諸軍。奮力衝突。斃賊甚夥。乃該逆恃眾。層層包裹。僧格林沁於四月二十四日夜間。率隊衝出。又被該逆大股猛撲。在曹州城西力竭陣亡。覽奏曷勝悲悼。欽差大臣科爾沁博多勒噶台親王僧格林沁。於咸豐三年間督師剿賊。疊克臨清。連鎮馮官屯。高唐州等處。北路賴以肅清。嗣於十年間

整旅南征。轉戰直隸。山東。河南。安徽。湖北等省。掃蕩捻圩。殄除髮匪。擒斬巨逆。張落刑。苗沛霖等。不可勝計。軍麾所至。眾望允孚。朝廷以該親王頻年轉戰。士卒疲勞。申諭再三。令其持重。而該親王忠勇性成。視國事如家事。臨陣無不身冒鋒鏑。誓滅此賊而後已。方期天鑒忠忱。克竟全功。長承恩眷。乃猝遇賊伏。力竭陣亡。覽其死事情形。不禁為之隕涕。僧格林沁著賞給陀羅經被。照陣亡例。以親王



飾終典禮從優議卹。應得卹典。該衙門詳查具奏。任內一切處分。悉予開復。准其入城治喪。其靈柩回旗時。著沿途地方官妥為照料。並派乾清門侍衛克興阿、岳林、恩全、吉凌、迅卽馳驛前往該營迎護。賞給銀五千兩。由廣儲司給發。經理喪事。准其入祀京師昭忠祠。其死事地方。及該親王出師省分。均著建立專祠。生前事功。宣付國史館立傳。伊子伯彥訥謨祜俟百日孝滿後。卽著承襲親王。該衙

門無庸帶領引見。伯彥訥謨祜所遺貝勒。卽著賞給伊孫那爾蘇。以示篤念忠蓋之至意。尋議上。賜祭葬。諡曰忠。○又諭朕奉

慈安皇太后

慈禧皇太后懿旨。科爾沁博多勒噶台親王僧格林沁。蒙

宣宗成皇帝恩眷之隆。派充御前大臣。管理旗

營事務。

文宗顯皇帝御極以來。優加委任。咸豐三年。

特命勦辦髮逆。十年。督師南下。轉戰直隸山東安徽河南湖北等省。於今六載。親歷戎行。靡閒寒暑。屢殲巨憝。懋建殊勳。功在生民。志安社稷。頃因督戰陣亡。雖已加恩優卹。建立專祠。並入祀昭忠祠。尚不足以崇獎忠蓋。國家定制。王大臣中有公忠體國。超眾宣勞者。向有配饗之例。況僧格林沁為國宣力。忠勇性成。尤宜特沛殊恩。用慰忠魂。而昭異數。僧格林沁著加恩配饗。

太廟。以示朝廷軫念勳舊。有加無已至意。○又諭御史朱學篤奏。請將投效軍營降革廢員。嚴加釐剔等語。軍興以來。各省大營。差委需人。凡廢員之投入軍營者。原冀收其指臂之助。乃效力未久。薦牘頻登。甚至保擢升階。優於本職。夤緣取巧。流弊滋多。嗣後著各路統兵大員。及各直省督撫。於投營降革廢員。務當破除情面。嚴加釐剔。分別降革。咨回吏部及各原籍。不准濫行奏留。儻其中有效力戎



行才堪造就之員。卽著出具切實考語。送部引見。候旨錄用。仍不得概以打仗為名。遽予優保。致啟微幸。將此通諭知之。○諭軍機大臣等。國瑞奏。官軍接仗失利。親王僧格林沁力戰陣亡。現在收集兵勇。設法勦辦一摺。此股賊匪。雖係窮寇。內有牛落紅。張總愚。陳大濬。宋景詩。賴汶。洸等。皆著名賊首。兇狡異常。此次自汶上縣之袁路口過河。竄至鄆城西。北水套一帶。勾結鄆北伏莽。聚集馬步數萬。僧格林沁督軍擊退。乘勝跟追。不期伏賊盡出。層層圍裹。該親王力竭陣亡。覽奏曷勝震悼。該親王數年以來。屏蔽北路。屢滅巨股賊匪。惟以忠勇性成。有進無退。朝廷申諭再三。令其持重。亦不料其遽至於此。前經諭令曾國藩酌度出省。會師勦賊。現在事機愈迫。著卽攜帶欽差大臣關防。統領所部各軍。星夜出省。前赴山東。於北面擇要駐紮督勦。劉銘傳疊經有旨。令其帶勁旅數千名北進。諒已

起程。著卽繞赴北面駐紮。與劉長佑會商堵剿之策。不准稍涉遷延。致干重咎。逆氛如此猖獗。必圖北犯。大名等處。防務十分喫緊。深恐兵力單薄。劉長佑當通籌調派。分道扼防。毋令一賊闖入直境。開州等處。有黃河可扼。著督飭防兵民團。晝夜巡防。毋令偷渡。閻敬銘現駐東昌。茌平一帶。務當督飭兵勇。整頓團練。力遏寇氛。毋任北竄。如兵力不敷。著於各標內抽調。丁寶楨是否仍在濟甯一路。著閻敬銘飭令該藩司認真防範。扼要駐守。如再不得力。必當重治其罪。直東伏莽甚多。恐聞此信。盜賊蜂起。劉長佑閻敬銘當責成各路地方文武員弁。悉心防範。以期消患未萌。詹啟綸一軍。現在何處。著喬松年閻敬銘催令北來。牽制賊股。使不得銳意北犯。安徽河南。與賊氛逼近。喬松年當督飭英翰朱淮森等固守宿州臨淮等境。富明阿前有旨。令其緩程行走。現在計已行抵直隸。接旨後卽著

留於直隸。與劉長佑籌商堵剿。吳昌壽著卽帶兵出省。駐紮直東交界。會合直隸山東各軍。分投夾擊。殄滅巨股。其河北一帶。並著嚴飭該鎮道等整頓團練。賊來卽擊。毋稍鬆懈。清淮距賊不遠。吳棠久在該處。深得民心。頗著成效。將來曾國藩督師北上。糧臺當設於徐州清淮。為該大臣後路。著吳棠認真整頓兵勇。籌畫餉糈。以備徵調。水師輕利礮船。吳棠曾否酌撥若干。赴上游之濟甯運河及黃

河一帶。著卽迅速籌辦。兩江總督已有旨令李鴻章暫行署理。卽著前赴金陵接印任事。兩江任大責重。李鴻章務須悉心經理。仍隨時與曾國藩籌商。曾國藩軍營調兵集餉各事宜。該撫並當妥為籌畫。不得稍有遲誤。曾國藩於接奉此旨後。卽著先就現有兵力。帶領出省北上。其餘各路得力兵勇將弁。不妨陸續檄調。未可久待徵兵。致勞廑盼。總督印信。暫交藩司萬啟琛收存。毋庸俟李鴻章到

金陵交卸。該大臣公忠體國。久著勳勤。必能趕緊赴援。盡掃寇氛。綏靖北路。曾國荃諒已就痊。該大臣仍當勗以大義。令其來京陛見。候旨錄用。或酌量招集舊部。徑赴軍營。隨同帶兵剿賊。並著速行宣諭。以收臂指之效。僧格林沁所部蒙古官兵。國瑞當與之熟習。前次賞銀一萬兩。尚存糧臺。著卽先行散放。仍宣示朝廷德意。隨時妥為拊循。其受傷者宜令靜養。不必再行出仗。蒙古馬隊跟隨僧格

林沁多年。素知大義。此次僧格林沁陣亡。該蒙兵等自必倍加憤恨。力圖復仇。著國瑞將此旨摘錄。繙成蒙古文義。徧行宣示。欽差大臣關防。著國瑞暫行護理。濟甯一路。關繫緊要。務當收集各營兵勇。親加訓練。勉圖自振。國瑞於主將損失。未能督兵救援。厥咎甚重。此次僅予薄懲。已屬法外施仁。若再不知愧奮。自問當得何罪。全順。何建釐。陳國瑞。郭寶昌等下落。並著確切查明具奏。成保現在何

處。及此次不能力救主將之各官弁。著國瑞一併據實嚴參。毋稍瞻徇。本日派乾清門侍衛克興阿、岳林、恩全、吉凌、前赴軍營迎護僧格林沁靈柩回旗。並令偵探軍情。俟到營時。國瑞與之妥商辦理。准其會銜奏事。近日軍情賊勢。著卽隨時奏報。以慰馳繫。僧格林沁遺骸。為該家人等搶出。掩藏麥地。著國瑞、閻敬銘密派幹員率同該家人等前往尋覓。妥為棺斂。務使忠骨得以早日歸葬。是為至要。

本日又諭令阜保、特普欽各選調精壯馬隊五百名。馳赴直隸。著國瑞、劉長佑酌量調遣。將此由六百里加緊又緊諭知曾國藩、國瑞、富明阿、劉長佑、吳棠、李鴻章、閻敬銘、喬松年、吳昌壽並傳諭劉銘傳知之。○又諭直隸邊境多與東省毗連。防勦尤為緊要。劉長佑現在大名一帶駐紮。兵力恐形單薄。著崇厚迅速統帶洋槍隊一千五百名。配齊軍裝器械。卽日赴畿南一帶防勦。其應在何處扼要駐

守。著與劉長佑體察情形。會商籌辦。不准稍有延誤。天津防務亦關緊要。應如何豫行籌畫之處。著崇厚妥速布置。將此由六百里各諭令知之。○又諭鄭敦謹奏戴村壩工被匪拆毀。請展緩興修一摺。山東東平州戴村為運道全河關鍵。該處玲瓏石壩及三合土壩均多損缺。有礙運行。經前署河督譚廷襄等委員勘估興修。本年三月間賊匪突竄戴村。將三合土壩等處做就外築圍壩。全行決毀。

料物亦被焚掠。現值夏令。雨水較多。一時自難購料修築。惟本年試行河運伊始。亟須妥籌興辦。以利舟行。著張之萬督飭坐補運河道敬和及廳州各員。將玲瓏石壩等處損缺各工迅速購覓工料。及時修築。儻藉口被賊拆毀。任意稽延。致誤糧艘轉運。卽著張之萬指名嚴參。將此諭令知之。○命欽差大臣協辦大學士兩江總督曾國藩赴山東督師勦賊。以江蘇巡撫李鴻章暫署兩江總督。江蘇

布政使劉郇膏暫護巡撫。○以督師重臣陣亡。革救援不力將軍國瑞內閣學士恩承職。仍戴罪勦賊。山東巡撫閻敬銘布政使丁寶楨下部嚴議。○以籌運京倉米石出力。予福建道員耿日椿等加銜升敘有差。○予福建汀州殉難訓導楊晉熙祭葬世職。○調吉林黑龍江馬隊官兵各五百名。赴直隸軍營聽候調遣。○甲午。諭內閣前因勞崇光等奏參廣東大埔縣知縣陳慶麟有聞警先逃情事。

當經奉

旨將陳慶麟革職拏問。交勞崇光等嚴訊定擬。茲據瑞麟郭嵩燾奏。訊明該革員因大埔防費支絀。赴潮州府面求給發。該縣典史陳俊等。遂疑該革員先得連城警信。借端走避。稟請該管道府查辦。其實福建連城縣並無賊警。大埔及鄰近各州縣亦無賊匪竄擾。實非聞警先逃。業經革職。應無庸議等語。此案已革大埔縣知縣陳慶麟雖訊無聞警先逃情

事。惟當防堵喫緊之時。擅自赴府請發勇糧。致令民心驚惶。幾致貽誤大局。迨經道府面行申飭。遂懇求委員接署。跡近規避。僅予革職。不足蔽辜。陳慶麟著革職永不敘用。以昭炯戒。○諭軍機大臣等。文祥明慶奏豫籌軍需。請催辦硝斤等語。近日軍需緊急。各路軍營。奏請京局撥解火藥者。絡繹不絕。直隸山東河南等省。累年拖欠硝斤。雖疊經工部奏咨嚴催。尚恐解到需時。緩不濟急。亟應設法

豫籌。以備應用。順天直隸距京較近。著劉長佑萬青藜卞寶第於例應起解硝斤外。迅即遴委委員。分赴產硝處所。設局採辦淨硝數十萬斤。順天府限十日內。先行採辦十萬斤。火速解部。直隸省限一月內。將採辦硝斤儘數解部。毋庸拘定批數。儘採買價值稍有不符。准其酌量加增。作正開銷。仍不得藉端浮冒。至各該省欠解硝斤。已有三批。於去歲秋冬間咨報起程。尚未解到。並著劉長佑閻敬

銘吳昌壽查明行抵何處。嚴飭經過地方官妥為護送。惟趨前進。毋令在途稍有耽延。此項硝斤緊要。採辦與例解之款。不准牽混相抵。亦均不准遲延短少。如有前項情弊。定卽按照貽誤軍需懲辦。將此諭知萬青藜。卞寶第。並由六百里諭令劉長佑。閻敬銘。吳昌壽知之。○又諭劉長佑奏賊蹤竄逼黃河南岸。邊防緊要。現在遏擊等辦情形一摺。此股逆匪。東奔西突。剽悍異常。直隸地勢平行。防兵單薄。深恐難遏奔衝。劉長佑當懍遵前諭。督飭在防員弁。及水陸各軍。聯絡聲援。實力防剿。徐廷楫備調標兵五百名。著飭令卽速赴防。以實腹地。此外如有可調之兵。並著劉長佑斟酌調派。或添募精壯勇丁。藉厚兵力。總之賊匪早一日殄滅。卽可省無數餉需。不得以目前增餉為艱。因循貽誤。洛河船隻甚多。尤宜防其搶渡。著仍飛咨吳昌壽。飭將現泊船隻。挽入上流。劉長佑一面督飭兵團。竭力

守禦河岸。毋稍疏懈。東明孤懸黃河南岸。閻敬銘當飭曹州鎮總兵等相機援應。毋得稍分畛域。賊匪趨向靡常。山西之澤潞一帶。與直隸河南境地毗連。亟應豫籌防守。著沈桂芬偵探賊情。酌量調兵。扼要嚴防。以杜窺伺。正在寄諭間。據閻敬銘奏。重臣失利殉難。賊趨鄆城一帶。現在趕緊回省。布置省防各等語。賊匪已趨張秋之南。甯甯一帶。尚有丁寶楨兵勇扼守。難保該逆不乘間直犯省城。閻敬銘回省後。務將省城守禦事宜。嚴密布置。該撫亦不宜久居省城。何路軍情緊要。卽親赴何路督剿。其張秋至省一帶河岸。尤須妥籌扼防。毋令偷步。至灤口河身。由濟南一帶歸入黃河。距省甚近。該處為鹽船聚集之處。閻敬銘務當將此項船隻。提赴下游。毋令賊眾搶船北渡。丁寶楨帶兵剿賊。毫無成效。著責令就現有兵力。實力扼守濟甯。相機進剿。如再有疏失。卽當從重治罪。前經諭令吳棠

酌調黃翼升等輕利礮船駛入山東運河。及直隸黃河一帶助勦。茲據閻敬銘奏。東省兵勇無可再調。若得江南礮船速至。方能抽調各營相機戰守等語。是師船防河實為目前要務。著劉長佑閻敬銘飛咨吳棠迅速辦理。至礮船所泊地方。必須近在湖河水勢深闊之處。運掉方靈。且有退步。不致為賊扼據。並著與吳棠酌量妥辦。陳國瑞素稱勇敢。若能招集潰勇。歸閻敬銘調遣。必可成軍雪恥。著

閻敬銘查明陳國瑞現在何處。傳知該總兵將傷病趕緊調理。一面收集所部。速赴閻敬銘軍營。隨同勦賊。如賊勢北趨。並令陳國瑞繞赴北路。迎頭截擊。以遏狂氛。景德一帶空虛。劉長佑閻敬銘務當豫籌堵扼。不可稍涉疏虞。至親王僧格林沁殉難情形。屍身曾否覓獲。及全順等下落。仍著閻敬銘詳查迅奏。將此由六百里各諭令知之。○又諭。現在督師重臣陣亡。賊燄甚熾。官軍失利之後。勢難

驟振。本日據劉長佑奏。賊眾屯聚濮范荷澤一帶。窺伺黃河南岸。意圖北渡等語。直東地勢平行。兵力未厚。曾國藩距直東交界地方尚遠。一切尚需布置調發。恐未能一時遽到。楊岳斌已由樊城起程。前經諭令該督一入陝境。卽行馳奏。此時曾否入關。尚未據該督奏到。陝豫交界。距直東交界地方甚近。且所部兵勇業已成隊在途。著卽先其所急。移師東向。星夜馳赴直東交界地方。會同劉長佑

閻敬銘聯絡聲勢。力固畿疆門戶。毋稍遲延。觀望。蔣凝學一軍。前據吳昌壽奏。已令赴甘歸楊岳斌調遣。著將此軍一併帶赴直東一帶。以厚兵力。儻楊岳斌已行抵西安一帶。卽著暫行駐紮。聽候諭旨遵行。蒲州茅津渡。及陝州沿河一帶。均關緊要。晉省兵力尤不足恃。賊情飄忽異常。設若闖入晉境。大局所關非細。楊岳斌如在陝省駐紮。卽著派兵分紮各處。與晉豫各省兵勇聯絡扼堵。儻遇賊匪

西竄。無論秦晉。即可迎頭截擊。以圍兩省邊防。將此由六百里加緊諭令知之。○又諭。昨因直東防務喫緊。諭令崇厚統帶洋槍隊一千五百名。馳赴畿南。與劉長佑會商防剿。此起洋槍隊。崇厚統帶起程外。所有該處原練勇丁。卽著崇厚飭令天津道李同文隨時認真操練。務令技藝嫺熟。其天津防務。並著飭令該道員妥為籌辦。洋槍隊尚須添練。卽著責成李同文於天津蘆臺兩鎮標內。認真選擇添練。以資防剿。天津駐紮各國之領事官。向與中國道員平行。如海口通商事務。有應咨行事件。卽由李同文隨時咨行。其應行陳奏事宜。卽由該道員呈明總理各國事務衙門轉行奏聞。並著崇厚傳知該道員欽遵辦理。將此由五百里諭令知之。○又諭。瑞麟郭嵩燾奏。官軍越境規取詔安獲勝。現籌防剿情形。並信宜肅清。擒獲首逆各摺片。福建賊匪。自攻陷詔安。逼近粵境。經李福泰督率總

兵黃朝恩等分路進剿。追至詔安城下。殺賊無數。現在康逆盤踞苦竹將陽等處。並分黨進駐平和屬之麤溪。直逼金豐鄉。饒平大埔兩城。勢均喫緊。李福泰現擬分兵三路。責成卓興。翟國彥。方耀各分一路。防守柏嵩關。楓朗老虎關等處。布置尚為周密。卽著瑞麟。郭嵩燾。迅催卓興。馳赴潮防。與翟國彥。方耀聯絡聲勢。互相策應。實力防剿。毋稍疏懈。粵省邊防既固。婁雲慶一軍。卽可為遊擊之師。仍著催提前進。視賊勢趨重何處。卽飭迎頭截擊。遏其西竄之路。詔安雲霄平和等城。均與粵省毗連。瑞麟。郭嵩燾。仍當督飭李福泰等酌度情形。如兵力有餘。卽行分軍越剿。相機規復。不得徒以株守本境為了事。閩省各路防軍。兵力尚厚。左宗棠前奏調派劉明燈等馳赴安溪。該督督帶親兵。由省進剿。諒已星速前進。著卽督飭諸軍。實力痛剿。迅殄逆氛。惟該逆被官軍兜圍。勢必急思鋌走。一經竄



入他處。又成不了之局。正宜乘此賊未竄動之際。一面嚴飭各軍圍逼漳郡。牽綴賊勢。一面分兵。先將平和雲霄詔安等城設法規復。翦其羽翼。然後將漳州之賊合力兜剿。必可聚而殲旃。均著左宗棠。徐宗幹。相機妥籌辦理。信宜一帶賊匪。經副將曾敏行等進剿。先後斃匪數千。並將逆首李河孃等擒斬。信宜境內肅清。勦辦尚屬奮勉。仍著瑞麟等飭令地方文武。搜捕餘黨。加意嚴防。毋令西匪再

行闖入。現在西江既已肅清。馮子材即可馳赴廣西提督本任。著瑞麟等傳知該提督馳抵西省後。將該省各股賊匪。迅籌掃蕩。用副委任。將此由六百里各諭令知之。○以廣東信宜羅定等州縣地方肅清。予署知州知縣周士俊。署知縣黎正春。以同知直隸州知州用。並賞花翎。副將曾敏行等升敘有差。○

大清穆宗繼天開運受中居正保大定功聖智誠孝信敏恭寬毅皇帝實錄卷之一百三十七



大清穆宗繼天開運受中居正保大定功聖智誠孝信敏恭寬毅皇帝實錄卷之一百三十八

教習

同治四年乙丑五月乙未朔

上詣綏履殿問

慈安皇太后安平安室問

慈禧皇太后安至癸亥皆如之○諭內閣本日

據國瑞由六百里加緊馳奏劉銘傳等軍已由徐州移營北上並已將科爾沁親王僧格

林沁忠骸棺斂身後事宜業經妥為料理暫

停曹州府城各等語僧格林沁為國捐軀死

事甚慘眷懷忠蓋悲痛實深頃覽國瑞所奏

悲感之餘中懷稍慰即着國瑞閣敬銘分飭

所屬官弁小心照護俟伊子伯彥訥謨祜及

侍衛克興阿等到時多派弁兵隨同護送該

親王靈輓回京並著沿途地方官妥為照料

俟到京時再行親臨賜奠以慰忠魂○諭軍

機大臣等皖豫髮捻現在竄擾山東濮范曹

單一帶逼近開州長垣勢欲渡河而北僧格

林沁現在山東督軍戰歿於陣賊勢愈熾難

保不蓄意北犯各處伏莽甚多欲靖外匪必

先清內奸京師五方輻湊難保無奸徒涸跡

著存誠等密飭員弁於內外城各地面認真

盤查毋令匪徒得以藏匿並著萬青藜卞寶

第五城御史一體密飭所屬清查保甲嚴詰

奸宄以消患萌切須認真辦理毋得視為具

文將此各密諭知之○又諭前因僧格林沁

在曹郡追賊遇伏陣亡當經諭令曾國藩攜

帶欽差大臣關防統領所部各軍星夜出省

前赴山東於北面擇要駐紮督勦昨據劉長

佑奏稱賊匪竄至濮州荷澤范縣各屬境內

馬賊復竄開州屬境在黃河南岸試水深淺另股馬賊攻撲東明縣城均經官兵擊退閻敬銘奏賊匪已趨張秋之南有直犯省城之勢該撫現由東昌折回濟南防守各等語督師重臣失利陣亡軍情渙散遠近人心聞風震動土匪從而生心勢將到處蜂起現在南自曹郡北至東昌數百里間一片賊氛勢甚兇惡東省僅止丁寶楨所部三千人扼守濟甯能守而不能戰此外並無大支勁旅足資

攻勦賊眾盤踞該省縱橫自便濟南省城兵力甚單設被該逆圍攻勢亦岌岌可危且德州一帶於直隸河間接壤距京甚近尤恐蓄意北趨震及畿輔是江南北來援軍遲到一日則逆箠之鵠張日甚一日後患將不可勝言曾國藩李鴻章均係公忠體國大員素能顧全大局際此軍情萬緊之時自當多撥援師迅速北上前經諭令曾國藩先將總督關防交萬啟琛收存不必俟李鴻章到金陵後

交卸著卽就現有所部剋日統帶出省兼程馳赴山東一面檄調各軍一面先就現有之兵繞由賊匪北面向南徧勦保衛畿疆所有江北一帶及詹啟綸等防勦各軍均可酌量調遣分籌布置洋船由海道行走勢甚迅速李鴻章務當於所部各軍內商撥勁旅數支速派得力鎮將統帶由上海乘坐輪船北駛或由膠州登岸西趨濟南或由天津登岸由景德地方南趨東省均著李鴻章酌量迅速

辦理閻敬銘現回省城防守務當查拏奸細先清內患以待援師毋稍大意水套一帶尚有伏莽未靖著劉長佑會同閻敬銘嚴飭在防將士實力堵扼毋任勾結北渡致誤大局直隸地廣兵單劉長佑務須嚴密扼守大名一帶河岸毋任賊蹤偷越景州吳橋一帶兵力較單甚覺空虛並著劉長佑添兵防守劉銘傳本係直隸提督且疊經降旨催令挑兵數千迅赴劉長佑軍營著懍遵前諭辦理不

必再候曾國藩劉知儻再遷延觀望必重治該提督以貽誤軍務之罪本日復諭令官文等將楚北姜玉順所部九營飭令迅赴直東交界地方聽候劉長佑閻敬銘調遣著劉長佑等俟此軍到時咨商辦理何省軍情緊要卽由何省調往勦賊直隸地方平行曠邀並著劉長佑飭令地方文武辦理堅壁清野力行團練以助兵力務須由官督辦不可任聽紳民自行專擅以杜流弊國瑞現任濟甯著卽招集潰散撫綏將士重整軍威牽制賊勢一面與丁寶楨所部勦捕土匪毋令乘隙紛起前經明降諭旨派克興阿等四員馳驛前往該營迎護僧格林沁靈柩本日復准令伯彥訥謨祜偕同克興阿等馳驛前往著國瑞閻敬銘於伯彥訥謨祜等到東時妥為照料令其扶柩速行回京該貝勒一腔悲憤並著國瑞嚴敬銘留心防護毋令有冒險直前之舉鮑超所部霆勇八千行至楚北潰散現已

竄至江西義甯州恐其闖入皖南滋擾著李鴻章留心探訪飭令皖南防軍堵扼毋令竄入境內蘇省地方仍須分兵布置毋稍大意將此由六百里加緊又緊諭知曾國藩國瑞劉長佑李鴻章嚴敬銘並傳諭劉銘傳知之○又諭本日據國瑞馳奏尋獲僧格林沁忠骸安置曹州府城調詹啟綸兵前赴濟甯並劉銘傳已由徐州移營各摺片僧格林沁忠勇捐軀現經尋獲遺骸受傷至八處之多覽奏益深悲憤本日已明降諭旨令國瑞妥為棺斂俟伯彥訥謨祜會同克興阿等馳抵該郡時卽由國瑞派撥得力將士閻敬銘酌撥員弁妥速護送回京矣詹啟綸一軍卽著國瑞飭令迅速移赴濟甯與丁寶楨之軍扼截運河毋令賊眾搶渡並著國瑞招集潰散士卒整理器械拊循鼓勵以期重整隊伍惟此全軍挫失之後士氣驟難復振即使陸續收集亦當加意休養一時不可令其出隊閻敬

銘亦當飭令各路防兵分守黃運兩河毋任賊蹤搶渡以顧大局。劉銘傳業由徐州移營著卽迅帶所部繞赴劉長佑軍營力固畿南門戶。毋得片刻稽遲致干重咎。陳國瑞現在何處民寨著國瑞閻敬銘查明飭令該員收集散亡赴閻敬銘軍營聽候調遣卽由該撫飭令會同劉銘傳截擊賊匪遏其北竄之路。僧格林沁殉難情形國瑞此奏仍未甚詳細仍著國瑞續查具奏將此由六百里諭知國

瑞劉長佑閻敬銘並傳諭劉銘傳知之。○又諭孫長紱奏援閩霆營譁謀退回現籌撫馭一摺前因霆營抵鄂潰散生變疊經諭令湖廣等省督撫派兵扼截並將援閩霆營妥為拊循毋令煽惑滋事茲據孫長紱奏湖北叛勇已竄義甯州境內距新昌縣不遠現飭普承忠等迎擊援閩霆營鼓譟剗餉旋經婁雲慶撫定現由省局寬籌銀米妥為安輯各等語叛勇已至新昌其為圖由袁吉竄閩已可

概見著孫長紱飭令普承忠等乘其喘息未定併力迎擊並飭劉于濤督飭水師嚴防贛河毋任偷渡左宗棠亦當豫籌布置毋令此起叛卒由江入閩致滋延蔓援閩霆營因米糧缺乏譁謀剗餉雖經婁雲慶卽時撫定若非江省迅籌接濟亦無以救定軍心孫長紱當督飭省局寬籌銀米陸續接濟不得以省番從事致誤大局鮑超離營後霆營叛逃譁潰之事層見疊出朝廷念其前勞未忍卽行

加罪該提督宜如何感激圖報現在咸甯叛卒一意南趨婁雲慶所部各營退駐會昌白埠地方鮑超若再不迅速東下拊循約束萬一潰勇勾結閩氛又成不了之局該提督自問當得何罪著駱秉章傳知鮑超懍遵疊次諭旨剗日啟行星夜趲程前進馳赴鄂省探明潰勇趨向分別招集遣散並迅赴江西統領婁雲慶所部霆營入閩會勦力贖前愆至鮑超帶兵出關勦賊之命疊經有旨停止孫

長紱可卽傳知婁雲慶宣布各營俾軍心得以綏定不致別滋事端是為至要官文前奏有派成大吉等進截潰勇之語此時該勇已竄江境並著督飭成大吉等越境跟追會合江省官兵前後夾擊毋得稍分畛域姜玉順所部九營前據吳昌壽奏因轉餉多艱已令回防歸伍現在直東軍務緊急自應厚集兵力迅殄狂氛著官文卽飭姜玉順統帶所部九營迅赴直隸山東交界地方聽候劉長佑閻敬銘調遣其行裝口糧等項官文卽日籌款給發不得以餉絀為詞稍事遲玩東南軍事僅餘閩海一隅圍剿合宜可望盡殲醜類若霆營別有變局則逆匪乘機出竄必將餘燼復然左宗棠當妥籌兼顧防患未然不得稍分畛域貽患鄰省將此由六百里諭知官文左宗棠駱秉章並傳諭鮑超孫長紱知之○又諭成祿奏行抵固原由雷正綰籌撥六營剋日前進並請飭調穆圖善軍營馬步各

隊各摺片據稱該提督抵李旺堡行營面晤雷正綰具悉嘉峪關失守肅州糜爛甘涼二郡岌岌可危若非厚集兵力先扼甘涼則河西賊氛日熾且關外現無進兵之路必須節節掃蕩方能振旅出關所奏情形與都興阿等疊次奏報相符雷正綰現於所部各營內抽撥六營並籌給軍械馬匹銀兩等項交成祿統帶卽著如數抽撥俾資攻剿成祿派員先赴蘭州一帶添募新勇並剋日督隊進省所有募勇章程及進剿事宜卽著與恩麟會商妥辦惟甘省回民性情狡詐良莠難分該提督新募勇丁務須精加選擇不准夾雜回勇以杜後患並著成祿趕緊添練勇丁星速督隊西行陶茂林一軍諒已馳抵西路卽著與成祿之軍聯絡進剿節節掃蕩並著恩麟嚴飭地方文武及在防各軍合力兜剿聯捷已由晉省起程前進刻下想已行近甘境卽著探明成祿軍營星速前往會合進剿聯捷

所帶馬隊五百名。前已諭令統歸成祿統帶。足資調撥。穆圖善所部。攻勦甯夏。正在得手。未便分兵西進。成祿所請飭調金順等起馬隊之處。著毋庸議。鶴齡統帶川軍。尚未飭赴西路。仍著駱秉章飭令剋期飛速前進。毋再遲延。致干重咎。鶴齡到甘後。卽著成祿妥為調派。成祿俟聯捷等軍到齊。務當激勵將士。將關內肅甘等處賊匪。迅速勦滅。早日帶兵出關。肅清邊境。至甯夏軍情。近日未據都興

阿等奏報。著都興阿穆圖善雷正綰分飭各軍。迅速攻拔甯靈。剋日出關。大張撻伐。以紓朝廷西顧之憂。該將軍等責任綦重。必能迅奏膚公。速行藏事也。將此由六百里諭知都興阿穆圖善雷正綰駱秉章成祿聯捷並傳諭恩麟陶茂林知之。○又諭明誼等奏酌撥巴里坤哈密等處餉銀一摺。烏里雅蘇台至巴里坤。既有僻路可通。以後東路各城餉銀。卽可由此路運往。如有續到之餉。卽著明誼

麟興車林敦多布酌量數目。源源撥解。派員小心護送。並飛咨伊勒屯扎克當阿文麟等派員迎提。不可稍涉大意。伊犁久無奏報。自因道路梗阻之故。所有烏城現存應解伊犁餉銀。仍著俟該處委員迎提到日。再行轉解古城一帶。近日有無賊蹤回竄。著文麟嚴密防範。隨時具奏。將此由五百里諭知明誼麟興車林敦多布並傳諭文麟知之。○命醇郡王籌辦京城防範事宜。旗綠各營。均歸節制。

調遣。○以總管內務府大臣綿森管奉宸苑事。○以救護主將不力。革山東軍營翼長副都統成保職。仍留營。○賞湖北等省甲子科鄉試年老諸生陳本升等三十三人舉人副榜有差。○丙申。諭內閣禮部奏僧格林沁勦賊陣亡。奉旨以親王飾終典禮。議卹。應否輟朝等語。欽差大臣科爾沁博多勒噶台親王僧格林沁。督師有年。功勳卓著。此次勦賊遇伏陣亡。覽其死事情形。甚為悲愴。著卽輟朝。

三日以示悼念忠蓋至意。○諭軍機大臣等。殷兆鏞奏蘇州前年畝捐四斗。上年民間收租一石。捐錢八百餘文。甚至有不肯官吏私製弓步丈量。浮增畝數。著佃交糧者。民房多被大小員弁霸占。原主來認。輒稱入官等語。江蘇被賊蹂躪最深。新復地方。瘡痍未起。正宜休養生息。以紓民力。豈容不肖官吏肆行朘削。重困吾民。著李鴻章嚴密訪查。如有前項情弊。務當通飭所屬地方官。嚴行禁革。以拯遺黎而蘇民困。原片著鈔給閱看。將此諭令知之。○又諭前日據國瑞奏僧格林沁督軍追賊在山東曹州城西。遇伏陣亡。已有旨令曾國藩星夜帶兵赴東督勦。並令劉長佑等嚴密布置。以固畿疆。惟北路緊要。必須寬籌兵力。方足以資調遣。著麒慶連成於接奉此旨後。不動聲色。於熱河密雲地方。各挑選精壯兵丁二千名。配齊軍裝器械。選派得力大員管帶。勤加訓練。聽候調遣。該都統等惟

以彈壓土匪為名。萬勿稍事張惶。以致人心惶惑。將此由六百里各密諭知之。○又諭吳棠奏官兵徧賊回竄。現嚴邳宿之防。劉銘傳一軍由徐赴直。接濟兵食。江湖水師不便入黃。吳昌壽奏添兵渡河。嚴防北岸各摺片。賊蹤距清淮較遠。吳棠現派張從龍張樹聲等軍分扼宿遷等處之防。黃翼升水師暫泊邳宿之間。策應著卽與彭玉麟會商。妥籌布置。以期周密。賊匪北竄後。僧格林沁中伏陣亡。該逆麇集濮范荷澤一帶。山東兵力甚單。該漕督所派總兵趙三元統帶輕利礮船四十號。前赴濟甯。務卽催令迅速北駛。與東省丁寶楨等駐紮濟甯之軍。妥籌策應。劉銘傳現已由泗赴徐。挑隊赴直。著該提督懍遵疊次諭旨。迅速前赴直隸。與劉長佑會商勦辦。以固畿輔之防。直東軍情緊急。如再遷延致誤師期。該提督自問當得何罪。吳棠擬請就黃河船隻添置礮位。配以濱黃兵弁駕駛一節。



是否可行。著劉長佑閻敬銘妥為斟酌。並著吳棠於水師兵弁中擇其能入黃駕駛熟習地形者。趕緊辦理。庶於軍事有濟。閻敬銘現已折回省城。北路未免空虛。儻賊以虛聲恫喝。悉銳北趨。華冠朝觀一帶伏莽所在響應。直邊將有防不勝防之勢。著閻敬銘酌緩急。迅速添派勁旅。嚴備東昌張秋一帶。杜其聲東擊西之計。毋得稍有疏虞。致干重咎。豫省東路河防。考城蘭儀密邇山東曹單。最為喫緊。北岸則龍門口正當其衝。吳昌壽現派湯聘珍所部三千。會同崔廷桂及河北鎮道嚴密堵遏。南岸復有宋慶張曜等軍防守。尚屬周至。著嚴飭北岸防兵。與直隸官軍聯絡聲勢。遇賊即擊。並催調譚仁芳四營。迅由許州拔營前進。駛赴北路。擇要布置。以厚兵力。如賊勢西趨。並檄宋慶張曜各軍沿河攔截。毋稍疏虞。直隸防兵未厚。北路宣化大同等鎮標兵。除留本地彈壓勦捕土匪外。並著劉

長佑揀調數千。隨時聽候調遣。以期緩急可恃。本日又據祁寓藻奏畿輔防堵緊要。酌保人才。以資任使。所保之余承恩楊毓枬等十一員。著該督查明。是否均在直省。酌量器使。其提鎮以下實缺將弁。如有調赴他省軍營者。並著調回本任。以重職守。原單鈔給劉長佑閱看。山東東昌兗州泰安直隸大名河間等處。著劉長佑閻敬銘慎簡牧令。聯絡紳民。協勦。妥籌堅壁清野之法。以輔兵力。不逮傳振邦前隨僧格林沁勦賊屢著戰功。該員現在何處。著閻敬銘咨令赴東。會籌防勦。張曜一軍。素為捻氛所憚。能否飭帶所部渡河而北。與直東官軍聯絡擊勦。著吳昌壽酌量檄調。河南安徽之汝光潁亳一帶。為捻蹤潛匿之區。吳昌壽喬松年務即選派員弁。帶兵駐紮。消患未萌。此時賊勢披猖。僧格林沁以督師重臣。竟以追賊陣亡。各該省督撫提鎮當如何力圖整頓。痛殄逆氛。儻逆蹤竄擾何省。



該省督撫提鎮並不督兵出境實力助勦定當重治其罪不稍寬貸。曾國荃前已諭令來京陛見。或徑赴軍營。著曾國藩再行嚴催飭令酌帶親兵趕緊北上。毋庸另募新勇。稽延時日。並著李瀚章就近速行宣諭。剋日起程。正在寄諭間。據劉長佑馳奏賊勢猖獗。請令劉銘傳刻速前進。並請派曾國藩統師北上等情。與疊次諭旨適相脗合。所稱陳國瑞身受重傷。衝出重圍。暫投民寨。收集潰勇。復與追賊接仗。轉敗為勝。各等語。陳國瑞未能救援。僧格林沁本屬咎有應得。姑念其從前打仗奮勇。屢著戰功。且此次身騎俱受重傷。困苦情形。不無可憫。姑免置議。劉長佑惟當令其收集潰散。繞赴北面。努力擊賊。為僧格林沁復仇。該總兵部伍如距閭敬銘軍營稍遠。即著徑赴大名軍營聽候。劉長佑調遣此旨。即著劉長佑傳知。將此由六百里加緊諭知。曾國藩劉長佑吳崇閭敬銘吳昌壽喬松年。

李瀚章並傳諭劉銘傳知之。又諭官文奏霆營勇丁潰散滋事。派軍追勦。生擒匪首二名。現飭出境勦辦。一摺。另片奏請將霆營營哨各官分別革職。賞假免議。並變異私逃各員。請飭鮑超自行查明。分別叅辦等語。霆營勇丁路經鄂省金口地方。乘間潰散。至咸甯縣冒充官兵。戕害知縣羅琳。及其幕友家丁。在城鄉肆行擄掠。經提督唐仁廉等率勁卒馳勦。官文派成大吉等率營繼進。追至江西義甯州之藍圖嶺地方。該匪膽敢頭裹紅巾。設立卡座抗拒。唐仁廉等攀援上嶺。斃逆首陳大發等。生擒把總林文龍等二名。解省正法。成大吉隊亦至沿途斬馘頗多。解散尤眾。現已追至白沙嶺地方。著官文督飭成大吉等越境追勦。不得稍分畛域。並著孫長紱嚴飭水陸各軍認真堵截。毋任再有竄擾。以期一鼓聚殲。霆營副將孫得友參將閔玉林都司胡達等記名總兵副將鄧雲貴副將馬勝。

泰遊擊姜先兆下先兆劉致友赴官文衙署  
伏地請罪並求給假回籍省親治喪就醫該  
員等均未從逆尚有天良著照官文所請一  
併暫行革職假滿後仍赴霆營效力贖罪以  
觀後效記名提督唐仁廉等當霆勇潰散卽  
能帶兵追勦擒斬首逆功過尚足相抵均著  
加恩免其置議此外營哨各官或隨同背叛  
或乘間私逃均屬法無可貸著鮑超自行查  
明分別從重叅辦如尚有樸實奮勇材堪造

就者亦著該提督查明分別去留妥為經理  
該提督當懔遵疊次諭旨星夜馳赴江西探  
明潰勇尚有若干會同楚西各軍實力勦除  
毋貽後患如敢遷延必當治以約軍不嚴之  
罪懔之官文又片奏據記名提督姜玉順呈  
稱勝勇中營營官歐吉魁因秉性慈柔恐其  
不善約束改委副將聶光明接管詎該營都  
司李有年覬覦管帶所圖未遂糾約千總談  
義發守備王禮幅楊大有把總陳得高等藉

索餉為名將歐吉魁等毆傷並敢排列槍礮  
竟思抗犯實屬目無法紀經姜玉順究問明  
白當將李有年談義發王禮幅楊大有陳得  
高五犯立時正法各營賴以安靖辦理尚為  
妥速著官文傳知姜玉順隨時妥為彈壓毋  
任再滋事端正在寄諭間據駱秉章奏通籌  
兵餉緩急請飭鮑超一軍就近先勦河南髮  
捻各匪一摺鮑超舊部疊諭毋庸西行此時  
潰勇未清自應仍令督率所部由鄂赴江將

餘逆勦除再行相機進勦將此由六百里諭  
知官文駱秉章並傳諭鮑超孫長紱知之  
又諭雷正綰奏官軍連克官橋堡李旺堡老  
巢擒斬要逆並成祿抵營現飭督同鶴齡前  
進恩麟秦陶茂林部勇潰散賊匪圖撲安定  
曹克忠勦賊獲勝各摺片甘省回逆踰伏黑  
城子迤北東西兩山並堅踞李旺堡扼守中  
路經雷正綰分軍三路進勦疊將沿途各賊  
巢一律平毀乘勝攻拔官橋堡李旺堡老巢

生擒逆首木混等四十餘名。正法官軍直薄預望城老巢。曹克忠已進兵同心城。勦辦諒易得手。惟陶茂林所部勇丁。因索取積年欠餉。攜帶軍器號衣。紛紛潰逃者約數千名。省垣現已震動。逆匪復乘虛直撲安定縣城。陶茂林所餘十數營。退紮該縣城內外。兵力較單。恩麟現已飛咨雷正綰。轉調曹克忠之軍。星速馳援。該總兵所部現偪同心城老巢。攻勦正當喫緊。刻下能否抽赴安定一帶勦賊。或另有勁旅。可以調派前往。著都興阿穆圖善雷正綰迅籌妥辦。其營內潰勇竄逃何處。難保不為逆回誘煽勾結。著陶茂林恩麟設法招集。並飛檄各路軍營。及沿途州縣一體遏截。毋任滋擾。陶茂林現存各營。務當妥籌鎮壓。鞏固軍心。力守安定待援。毋再稍涉疏懈。成祿抵甘後。經雷正綰撥給六營。鶴齡亦已行抵秦州。目前省防喫重。安定危急。著成祿迅帶所統六營。督同鶴齡所帶川兵。迅即

取道安定。先解該城之圍。兼顧省城防務。聯捷管帶黑龍江官兵。前已據報由晉起程。並著成祿飛咨該大臣星速赴甘。會師前進。不准稍涉延緩。俟將安定等處逆匪埽蕩。即移師進勦肅州甘郡回逆。以期次第廓清。雷正綰一軍進攻預望。正在得手。距靈州僅三百餘里。著即乘勝進勦。與曹克忠所部迅拔預望同心兩城。規復靈州。即可與都興阿等軍聯絡進取。都興阿等仍當懍遵疊次諭旨。迅籌攻拔甯夏郡城。以牽賊勢。雷正綰各營糧運匱乏。著劉蓉遵照前旨。將該軍所需糧石等項。按月如數籌解源源運濟。以期士馬飽騰。毋許稍涉延玩。致令停兵待餉。坐失事機。曹克忠帶兵入甘。屢克城堡。近復將撲營賊匪擊敗。斬馘甚多。洵屬異常出力。著雷正綰恩麟傳旨嘉獎。諭令始終奮勉。以藏全功。將此由六百里諭知都興阿穆圖善雷正綰劉蓉成祿。並傳諭陶茂林恩麟知之。○引見副

將刁經明楊心純繆勝王顯發得旨均著暫留神機營差委○署陝西提督雷正綰奏已革陝西臬司張集馨病難速痊可否回京調理得旨著准其回京調理又奏訪察莊浪先後閉城拒兵係紳民各為身家起見並非由官主使前署平涼府知府鄭聲文代理莊浪縣丞李穰辦捐有效應請開復批鄭聲文李穰均著開復原叅處分又奏遵查洮岷回務不靖防勦喫緊土司楊元馬隊應請免調來

營報聞○命吉林副都統安住管帶馬隊赴直隸軍營以署甯古塔副都統慶林署吉林副都統○命山西在籍總兵官余承恩赴直隸軍營聽候總督劉長佑差委○改丁憂甘肅提督陶茂林為署任仍留營並賞銀三百兩治喪○以縱勇滋事革甘肅副將陳東霖職交湖廣總督官文審辦○丁酉

孝誠仁皇后忌辰遣官祭

景陵○諭內閣前因記名副都統翼長成保不

能救護僧格林沁業經降旨將其先行革職並令國瑞查明叅奏本日復據國瑞奏查明內閣學士翼長全順記名總兵營總何建鰲隨同僧格林沁死事情形甚慘亦經明降諭旨將該二員加恩從優賜卹矣其成保一員尚未據國瑞查叅因思僧格林沁以親王督師躬冒矢石屢蹈危機該營各將弁果能奮勇爭先不避艱險皆如全順何建鰲等何至令統帥大臣竭忠畢命總緣畏葸性成趨避

計熟遂敢玩視軍律置主帥於不顧殊堪痛恨若不從嚴懲辦何以肅法紀而振軍心卽如成保身為翼長出隊時自應隨侍僧格林沁左右何以四月二十五日夜間衝圍接仗並無成保在內亦未身受一傷其為首先潰逃情節顯然成保業經革職著卽拏問交閩敬銘嚴訊確情從重定擬毋稍寬縱至其餘臨陣退縮及援應不力各員仍著交國瑞確切查明據實叅奏○諭軍機大臣等國瑞奏

匪踞黃河水套。徧勒各處民圩。現在趕緊招集馬步。分路設法辦理。各摺片。崇厚奏遵旨先行起程。馳赴畿南一摺。逆匪竄至鄆城縣西紅川口。東至王家古堆。南至安興木。邊馬時犯曹州一路。號召伏莽。其勢甚張。國瑞已派諾林丕勒等帶馬隊繞赴曹州。會同成保富森保等招集馬步。並調詹啟綸一軍與宋慶之軍。由曹單取道曹州。會合陳國瑞等所籌尚妥。惟成保業已拏問。著卽飭令諾林丕勒富森保等馬步各軍。自荷澤以北黃河南岸。設法兜剿。誠恐該逆東竄。搶渡運河。劉銘傳一軍。已至單縣。著卽取道金鄉嘉祥汶上濟甯等處。由梁山一帶黃河南岸。向西兜剿。痛挫兇鋒。仍當穩紮穩進。不必貪功。俟大軍到齊。自不難一鼓剿盡。陳國瑞收集兵勇。誓欲出隊滅賊。並聞其連日獲有小勝。具見血誠勇敢。所有郭寶昌勇隊。均著陳國瑞統帶。昨已有旨將陳國瑞加恩免議。該總兵自當

知恩圖報。惟好謀乃可圖成。有忍始克。有濟著國瑞傳知該總兵。不可恃勇輕進。再有挫衄。現在曹州一路。兵力漸厚。而北路尚屬空虛。該總兵如能繞赴濟甯。會合丁寶楨等迎頭扼剿。固屬妥善。否則設法渡河。赴劉長佑軍營聽候調遣。並著酌度辦理。成保近年以來。帶兵殊不得力。自充當僧格林沁翼長。人心渙散。此次統帶黃旗親軍馬隊。首先潰退。僧格林沁死難。該員未受一傷。獨以身免。已降旨拏問。交閻敬銘審訊。著閻敬銘卽將該革員提省嚴訊。從重定擬具奏。不准稍涉瞻徇。代人受過。其餘在事潰退各員。仍著國瑞查明參辦。崇厚奏取道景州。前赴畿南。著卽催調洋槍隊伍。迅速赴景州一路扼防。仍隨時與劉長佑妥商進止。以固畿南門戶。昨諭劉長佑挑宣化鎮兵備調。其大同一路。能否抽調。著咨商沈桂芬妥籌辦理。賊氛既有黃運河阻隔。設防較易為力。劉長佑閻敬銘吳

昌壽務當督飭文武員弁晝夜巡防不可稍涉大意給事中劉毓楠奏河南開封府中河廳南岸新築圍堰一道工料不甚堅實僅伏汛漲發易致潰決稍有疏虞關繫非輕等語著張之萬親歷履勘認真趕緊修築以固藩籬曾國藩諒已迅籌出省著卽懷遵前旨剋日北上統率諸軍以期各將士有所稟承萬勿稍涉遲緩髮捻旣句通水套諸賊裹脅愈眾而行走甚速遠調勢將不及清淮駐紮之

歐陽利見張樹珊等軍及揚防之吳毓芬一軍可以調令北來較為迅速吳棠調赴濟甯之趙三元礮船四十號曾否到防著吳棠迅速調派清淮後路亦關緊要並著吳棠妥為布置應添兵勇著李鴻章另行抽調以作後勁彭玉麟前已到淮相度水道著卽會同吳棠妥籌調度進止機宜以期水陸均有準備劉銘傳軍餉仍著李鴻章籌解如一時援濟不及卽由劉長佑閻敬銘妥籌解濟毋令缺

乏直東餉項本不寬裕曾國藩所統各軍應需餉項該大臣務與李鴻章寬為籌備以利師行正在寄諭間據閻敬銘奏回省布置情形賊竄至汶上河西飭劉銘傳於東平汶上扼要嚴防等語與本日所諭辦法亦合著劉銘傳設法繞出賊前扼要堵剿不可令其北犯劉銘傳所帶兵勇究有若干如兵力不敷勦辦仍著趕緊續調所部以厚兵力閻敬銘另片奏自請從重治罪等語前因督師重臣

在該撫所轄境內陣亡已有旨將該撫先行交部嚴加議處該撫當力顧省垣督飭將士嚴防賊匪北竄之路毋得再有疏虞致干重咎懷之慎之閻敬銘片一件暫行留中再降諭旨僧格林沁舊有馬步若干現在收集若干劉長佑所部各路在防兵勇共有若干著國瑞劉長佑詳細開單奏聞將此由六百里加緊又緊諭知曾國藩國瑞劉長佑吳棠彭玉麟張之萬崇厚李鴻章閻敬銘吳昌壽並

傳諭劉銘傳知之。以鑲紅旗漢軍副都統穆輅署正紅旗護軍統領。予山東曹州陣亡內閣學士全順祭葬世職如尚書例。諡忠壯。總兵官何建鰲祭葬世職加等。諡果毅。均附祀欽差大臣僧格林沁專祠。戊戌諭內閣前因山東巡撫閻敬銘布政使丁寶楨於所轄境內未能加意協助致僧格林沁孤軍深入力竭捐軀業經交部嚴加議處因思髮捻各逆上年擾及湖北境內湖廣總督官文以欽差大臣督師勦賊其時楚師兵力甚厚如果調度得宜何難將該逆就地殲除乃該督督辦日久未能使賊大受懲創僅以驅之出境為了事致令該逆得以遠颺實屬咎無可辭前任河南巡撫張之萬責任封圻吏部左侍郎毛昶熙奉命督團勦賊於逆匪竄擾河南境內未能督率兵民協同截勦均以空言敷衍任令賊匪乘虛遠竄貽害鄰疆以致督師重臣戰歿於陣均有應得之咎追維前

事憤懣殊深官文張之萬毛昶熙著一併交部嚴加議處近來賊匪竄擾之地各該省督撫往往意存畛域以驅賊出境為了事以致此勦彼竄迄無了期實堪痛恨嗣後各該省督撫等務當協力同心互相策應於賊匪奔竄之路嚴密防維訂期合力夾擊庶幾軍務日有起色儻竟任其奔突不能遏截必惟各該省督撫是問言出法隨決不寬貸。諭軍機大臣等神機營王大臣奏派員採買硝斤試造火藥一摺據稱練兵以火器為先火藥一項尤須寬為籌備現在硝斤短絀擬派員前赴近畿州縣採買仿照工部現辦章程悉按市價所需價值在直省產硝州縣墊發即由該州縣報銷等語神機營教練火器因硝斤短絀火藥無從製造現當操演喫緊之際豈可稍有延誤自應照醇郡王等所請以期妥速著即飭令派出之遊擊長春酌帶弁兵迅赴直隸近畿州縣採辦淨硝二十萬斤隨



時撥派弁兵管解。由各該州縣遞送來京。如例價不敷採辦。卽仿照工部現辦章程。悉按市價購買。所需價值。無須交採辦之員攜帶前往。卽由直隸產硝各州縣。無論何款。提取墊發。由該州縣覈實報銷。著劉長佑。卽行知順天府。一體轉飭所屬各州縣。遵照辦理。毋得稍涉推諉。致滋貽誤。此次硝斤價值。因採買緊急。是以准令變通辦理。並著戶部。卽遵諭行。再御史張觀鈞片。奏行軍以餉糈為

先。請飭戶部。豫為直東兩省設法籌餉等語。現在山東軍情萬緊。直隸堵剿亦屬刻不容緩。該兩省庫款本不充裕。曾國藩統帶各路兵勇。北來剿賊。需餉尤多。必須寬為儲備。方可收飽騰之效。著戶部。卽通盤籌畫。為直東各軍設法籌撥款項。毋使缺乏。儻所撥各款。一時不能濟急。卽由該部酌提庫存銀兩。分別解濟。庶大兵雲集。不至有短絀之虞。將此諭知戶部。並由六百里諭令劉長佑知之。

○又諭前因北路防剿喫重。諭令阜保特普欽於吉林黑龍江挑選馬隊各五百名派員統帶。馳赴直隸。聽候調遣。茲復據醇郡王奏。神機營所練馬隊官兵。為數尚少。不敷派撥。請飭調吉林黑龍江馬隊各五百名。並查有協領常海佐領特爾清阿二員。曾經出師。堪以管帶等語。現在山東賊氛甚熾。畿輔重地。亟應豫籌防範。神機營現練官兵。馬隊尚嫌單薄。必須添調訓練。以厚兵力。著阜保特普

欽再於吉林黑龍江各挑選精壯馬隊五百名。配齊軍裝器械。卽派常海特爾清阿星速統帶赴京。聽候神機營調遣。不得稍有遲誤。其製辦軍裝等項銀兩。卽著籌款發給。准其報部作正開銷。吉林地方。馬賊甚多。阜保惟當督飭員弁。認真查拏。以期淨絕根株。不可稍事粉飾。致留隱患。將此由五百里各諭令知之。○又諭前因直隸山東軍情甚緊。疊經諭令曾國藩統帶援師。速赴山東。繞由北面



督勦賊匪現在賊匪盤踞曹郡蔓延鄆鉅濮范一帶勾結土匪勢熾日張東省兵勇寡不敵眾防不勝防直隸地勢平行兵力未厚尤恐賊蹤竄渡黃河震驚畿輔曾國藩接奉前次疊諭諒已籌調兵勇戒期啟行惟東省軍情刻不可緩該大臣接奉此旨務當剋日統帶親軍小隊輕騎就道兼程北上先就直東現有兵力妥籌調度其江南大隊援師儘可陸續檄調北來曾國藩聲威久著早到一日則直東人心早定一日李鴻章所部兵勇尚多除應留防蘇省外如尚有可調之兵務當盡數調撥揀派得力鎮將卽日管帶由輪船迅速北上俾曾國藩抵東時卽可歸其調遣以期無誤攻勦直東豫三省地方公事雖有本省督撫管理其各該省地方文武如遇有關軍務應行供支調度之件遲誤及不遵調度者卽著該大臣嚴叅治以貽誤軍務之罪該大臣值此時勢艱難斷不可意存謙抑仍

辭節制三省之命致往返再有耽延兵貴神速總以兼程繞赴山東北路調度一切保固畿疆為目前第一要務劉長佑閻敬銘亦當就現有兵力分防黃運兩河一面勦辦土匪保衛完善地方不得專待援師稍存鬆懈河套伏莽本未盡除現既為賊眾盤踞則該處土匪船隻均可資以渡河劉長佑閻敬銘務須籌備礮船多撥兵弁嚴密防守儻任賊蹤北渡必當重治該督撫之罪唐訓方現駐省垣保定一帶守禦事宜責無旁貸著責成該藩司悉心籌畫經理務須周密妥善吳昌壽前已有旨令其出省勦賊著卽會同劉長佑嚴密防堵河岸並嚴檄河北鎮道及在防兵弁加意遏守毋稍疏虞致干重咎劉銘傳已抵單縣諒可卽抵濟甯汶上一帶著卽酌量情形如賊氛甚熾將全部勇丁一併由周盛波統帶北渡陸續起程會合攻勦並著劉長佑閻敬銘審度賊勢會商劉銘傳迅速辦理

富明阿前已有旨令其留於直隸軍營。此時計已行抵直東地方。著卽迅速來京。毋稍延緩。直隸滄州河間及山東德州恩縣一帶。向有騎馬賊匪。並著劉長佑閻敬銘派兵嚴拏。毋令乘隙蠢動。告病總兵鄭魁士久經戰陣。現在是否在宣化本籍。著劉長佑傳令該員前赴軍營助勦。直隸山東河南近賊地方。卽由劉長佑閻敬銘吳昌壽飭令該地方官辦理團練。堅壁清野。俾賊無所掠。以助兵力。所不及曾國藩一軍。應需餉銀。本日雖已諭令戶部寬為籌備。仍著劉長佑李鴻章閻敬銘吳昌壽協力籌解。毋令缺乏。正在寄諭間。據喬松年奏報皖省近日軍情一摺。蒙亳一帶現有黃鳴鐸李南華等軍扼守。英翰張得勝等軍現在分防宿州雉河集等處。布置尚屬周妥。卽著該撫隨時會商吳崇聯。絡聲勢。以固邊境。將此由六百里諭知曾國藩富明阿劉長佑李鴻章喬松年吳昌壽閻敬銘並傳。

諭劉銘傳唐訓方知之。○又諭現在髮捻各逆竄入山東曹州一帶。勾結水套伏莽滋事。深恐各處土匪乘機竊發。畿輔重地防範不可稍疏。盛京熱河察哈爾密雲山海關古北口等處。切近京師。為東北屏蔽。毗連邊牆內外。漢回雜處。最易藏奸。難保無不法匪徒從中煽惑。且各該處向多騎馬賊匪。為患地方。此輩行跡詭秘。來去無常。更慮聞風滋擾。著玉明寶珣志和德椿麒慶阿克敦布廉至連成長善徐廷楷各於所轄境內。派撥得力兵弁認真巡緝。以清奸宄。而遏亂萌。尤須不動聲色嚴密查拏。毋徒滋擾民間。轉致人心惶惑也。將此由五百里密諭玉明寶珣志和德椿麒慶阿克敦布廉至連成長善並傳諭徐廷楷知之。○又諭御史張觀鈞奏請將投營之陳貫甲嚴密防範等語。前據閻敬銘奏稱東省臨邑人和團守備陳貫甲業經散團歸標。安靜當差。惟現在山東官軍失利。僧格林

沁陣亡。該守備無所震懾。萬一故態復萌。託故歸里。號召舊時團眾。肆行強橫。以滋後患。是誠不可不防。著閻敬銘不動聲色。留心察其行止動靜。嚴密防範。設法羈縻。不可稍涉大意。將此密諭知之。○又諭聯捷奏督兵前進。暫借陝省軍器應用。並陶茂林營勇潰散。竄及藍屋境內。擬卽帶兵協勦。各摺片。聯捷所帶之黑龍江官兵。旣乏軍器。自難責其徒手禦敵。聯捷請由陝省酌撥應用之處。係為因時變通起見。尚屬可行。卽著咨商劉蓉。先於陝省軍器內。酌量撥用。以利師行。昨據沈桂芬奏。已將戰箭火藥等件。趕造齊備。派員解赴聯捷軍營。俟此項軍器解到。卽可如數歸還陝省。前據恩麟奏。陶茂林部勇潰散數營。當經諭令陶茂林等。飛檄各路軍營。沿途州縣。一體遏截。茲據聯捷奏。陶茂林營中潰勇。擾及陝省寶雞迤東。復竄至藍屋境內。各等語。此起潰散兵勇。數日之間。已至陝境。且

沿途張貼告示。強索財物糧食。斷非語言所能招集。劉蓉現已派隊迎截。卽著督飭派出員弁實力截扼。聯捷擬整隊以待。儻潰卒侵犯省垣。卽行帶兵協勦。著照所請。相機會辦。不可徒託空言。聯捷帶兵無多。現在潰勇已及藍屋。其勢漸熾。且藍屋逼近南山。萬一縱令入險。則勦辦又形棘手。劉蓉身任陝撫。責無旁貸。卽著遴派得力兵勇。扼要嚴防。毋令潰卒出境。貽患鄰封。尤不得令其竄入南山。致滋延蔓。省城防守事宜。德興阿務當會同劉蓉熟籌妥辦。毋稍疏虞。湖北山西距秦甚近。官文沈桂芬亦當一體嚴防。毋令闖入。如此股潰卒。不能堵截。縱令出省。又如宋景詩故事。惟劉蓉德興阿是問。楊岳斌前奏有取道荆子關之語。現在遙計師行。定距入關不遠。偵探潰勇蹤跡。攔頭截擊。毋令竄近鄂境。至該督所部新勇倉卒成軍。心志未必能齊。此時霆營之勇。旣潰於楚。陶茂林之勇。復潰

於秦。儻竟聞風效尤。紛紛逃潰。於大局殊有  
關繫。楊岳斌當嚴飭帶兵各員。申明紀律。約  
束拊循。毋得稍涉大意。前因僧格林沁勦賊  
陣亡。東省匪勢甚熾。曾經諭令楊岳斌先其  
所急。移師馳赴直東會剿。如已行抵西安。卽  
暫紮候旨。想該督接奉前旨後。必能通籌緩  
急。請命而行也。將此由六百里各諭令知之。  
○又諭都興阿、穆圖善奏。近日勦辦情形。請  
飭晉省籌撥餉銀。並都興阿奏甘省籌勦機

宜各摺片。甘省紅柳溝等處賊匪。為官軍擊  
敗。甯郡回首。偽行乞撫。都興阿限以時日。令  
其交械獻城。撤圩輸糧。該逆仍復詭詞乞緩。  
是其詭詐情形。已可概見。現在受降既無把  
握。自應鼓勵將士。力行進攻。不准仍許投誠。  
懈惰軍情。致墮詭計。鹽茶廳餘匪。有圖竄中  
衛之信。都興阿當派兵要路遏截。毋令任意  
奔突。甯夏攻圍日久。尚未克復。深恐師老疲  
敝。都興阿、穆圖善當設法迅行攻拔。不可再

事遷延。雷正綰一軍。現已攻克鹽茶。進圖靈  
州。陶茂林一軍。本可直取肅甘。因所部勇丁  
潰散數營。安定一帶。賊勢較眾。尚復阻於西  
進。曹克忠所部。能否兼顧鞏昌。移援安定。著  
雷正綰妥籌商辦。恩麟亦當添籌兵勇。與陶  
茂林等互相聯絡。力顧省垣。俟蘭州附近地  
方肅清後。卽當鼓行而西。埽除肅甘。並嘉峪  
關逆氛。以通關外之路。並著恩麟寬籌餉銀。  
以濟軍食。鶴齡一軍。前已有旨令駱秉章催

令赴甘。仍著恩麟、陶茂林飛速迎提。飭令迅  
赴肅州。成祿所撥雷正綰六營。亦可由省城  
次第進取西路。以助聲威。至甘省回匪。到處  
皆有。都興阿等俟甯夏克復後。當與恩麟、陶  
茂林等會商。先擇最要處所。力行勦洗。其餘  
自可迎刃而解。穆圖善亦可於彼時酌量帶  
兵出關。楊岳斌俟抵甘後。兵力厚集。更可分  
路進剿。陳東霖所募楚勇兩營。在鄂境擄掠  
殺斃六命。業經降旨革職。著都興阿、穆圖善

於該革員到營時勒令將滋事勇丁交出追出原贓一併解交官文等審辦以肅軍律所有該兩營楚勇月餉仍著沈桂芬按照楚軍章程籌撥務須顧全大局不准再事推諉致渙軍心將此由六百里諭知都興阿穆圖善雷正綰沈桂芬並傳諭陶茂林恩麟知之○命欽差大臣曾國藩督辦直隸山東河南三省軍務地方文武員弁暨旗綠各營均歸節制調遣○授一甲一名進士崇綺翰林院修撰二名進士于建章三名進士楊霽編修○以湖南官軍肅清安徽英山等處出力賞副將洪致祥巴圖魯名號向文鼈等花翎知州陳祖襄等藍翎餘加銜升敘有差○己亥諭軍機大臣等劉長佑奏賊蹤漸向東竄現籌添派兵勇分布嚴防並陳國瑞現在曹郡招集潰散撥餉接濟各摺片濮范一帶伏莽甚多此時逆匪方張裹脅勾結勢漸東趨劉長佑恐下游河防空虛飭令副將崔福泰等分

帶兵勇自開州八公橋起至山東張秋鎮止沿河北岸節節駐紮具見不分畛域調度得宜著卽督飭在防員弁迅速進紮嚴密扼守惟兵力尚不甚厚賊至須互相聯絡併力協助方免疏虞張秋係黃運交匯之區深恐該逆勾結水套賊船穿黃入運徑行北趨著劉長佑閻敬銘籌備礮船在該處梭巡堵遏吳棠前奏有將黃河船隻改為礮船之議卽著揀派熟習火礮水師弁兵前赴直東軍營教練演放以資得力其運河一帶仍著吳棠懍遵前旨速派輕利礮船駛往防堵閻敬銘督飭丁寶楨嚴守運河毋令東渡山東省城防守事宜及張秋鎮東南一帶運河並責成閻敬銘實力嚴防不准稍涉疏懈劉銘傳仍遵昨日諭旨酌量軍情將周盛波全部統帶北來會合直東各軍相機防勦劉銘傳如已行抵濟甯卽著聯絡丁寶楨等軍嚴扼運河以遏賊衝陳國瑞現駐曹郡招集潰勇數千誓

志滅賊奮勇可嘉。劉長佑籌備糧餉軍械。前往接濟。實屬力顧大局。仍著隨時源源籌餉解濟。毋令招集之軍。仍至潰散。陳國瑞夙稱勇敢。惟官軍新挫。士氣不揚。劉長佑當傳知該總兵穩慎圖功。不可恃勇輕進。國瑞仍收集潰卒。力固運河。扼賊竄擾。現在東北各面。布置漸密。該逆無隙可乘。必將西循熟徑。擾及豫境。吳昌壽務當先事豫籌。派兵越境出奇夾擊。以勦為防。使賊首尾不能相顧。景州

一帶防務緊要。前已諭令崇厚統帶洋槍隊。前赴該處扼防。劉長佑當飛檄劉祺等軍。星速到景。協同防守。以厚兵力。將此由六百里諭知國瑞。劉長佑吳常閻敬銘吳昌壽並傳諭劉銘傳知之。○又諭富明阿奏瀝陳傷疾未愈。懇請來京就醫。並請調派京兵。挑選揚防得力員弁。帶赴直省堵剿各摺片。前因直東防勦緊要。諭令富明阿留於直隸。與劉長佑籌商堵剿。昨復諭令富明阿迅即來京。該

將軍現已行抵新城。距京甚近。即著仍遵初四日諭旨來京。並准其乘坐肩輿。以示體恤。所請調派神機營等兵赴直。並挑選揚防得力員弁。帶赴直隸之處。著俟該將軍到京後。再行籌辦。將此諭令知之。○又諭傳諭護江西巡撫孫長紱。孫長紱奏遵保援江出力員弁。併案請獎一摺。鮑超一軍。於上年秋間。踴毀許灣一帶賊壘。克復金谿。並收降陳炳文股匪。疊次獲勝。肅清瀘溪南豐兩縣。踴平大

洋渡中田賊壘。克復新城縣城。並將吳口渡

等處及甯都城外賊壘平毀。立解城圍。克復瑞金縣城。江西全境。一律肅清。該將士均屬著有勞績。惟宋國永馮標所統各營。已在鄂省金口一帶潰散滋事。現經官文派兵追擊。孫長紱派兵在江西境內截剿。此項滋事弁勇。礙難一律施恩。著孫長紱咨明鮑超。將此項弁勇查明開除。速行另繕清單。奏請施恩。至畧雲慶所部將士。是否均能安靜守法。著

孫長紱先行傳知該總兵宣諭在營將士。如果安靜守法者。均照所請給獎。一俟鮑超查明奏到朝廷。必當立沛恩施。以獎勤勞。○又諭楊岳斌奏抵陝催軍進發。劉蓉奏陶營勇潰散情形。昨已據聯捷馳奏。茲據劉蓉奏稱。該潰勇等推副將高選清為統領。沿途搶掠。竄近寶雞縣境。分股竄至藍屋縣之啞柏鎮一帶。並有由鳳翔城外零星東竄者。該潰勇等聚眾至六七千人。甘心叛亂。必將一意東趨。擾及完善。若不及早撲滅。必至蔓延為患。劉蓉已派遊擊王守基等軍。馳赴寶雞藍屋等處相機籌辦。著卽督飭各軍實力堵扼。勦撫兼施。將脅從之人分別遣散。南山一帶最易藏奸。若令該匪竄入。勦辦又形棘手。劉蓉務當添派兵勇。擇要扼截。毋令賊蹤闖入。楊岳斌既抵陝省。卽著督率親軍。先將此股潰勇迎頭截擊。並催齊後起之勇到陝。分路布

置。妥籌勦辦。聯捷所帶之馬隊。亦可由該督商同調派。總須將此起潰勇趕緊就地殲除。斷不可令其竄入鄰疆。釀成大患。前因直東軍情緊要。諭令楊岳斌移師會勦。現在陝西潰勇亟須勦辦。著該督卽將此事辦結後。再行候旨遵行。蔣凝學一軍。如已行抵陝境。卽由該督飭令隨同征勦。以厚兵力。其甘肅兩當縣境內。亦有潰勇二千餘人滋擾。並著楊岳斌等就近撥軍扼勦。仍飛咨雷正綰曹克忠分兵截擊。毋令與前股勾結。續行東竄。將此由六百里各諭令知之。○以陝西克復漢中等城出力。賞總兵官黃本瀛許源勝張榮華張仁泗副將徐桂榮陳文貴李得義參將劉鶴齡巴圖魯名號。都司周桐封等花翎。知縣霍勤烈等藍翎。餘加銜升敘有差。○予陝西漢南等處陣亡遊擊舒經畬等三十員祭葬世職加等。○予江西武甯陣亡殉難團勇王慶恩等暨婦女六百三十名口分別旌卹。



並立祠建坊如例。○庚子以雨澤未霽。

上於

大高殿設壇祈禱。親詣行禮。○遣惇親王奕誼詣

時應宮。恭親王奕訢詣

昭顯廟。鍾郡王奕詒詣

宣仁廟。孚郡王奕譞詣

凝和廟。禮親王世鐸詣

覺生寺。豫親王義道詣

黑龍潭。肅親王華豐詣密雲縣

白龍潭拈香。○諭軍機大臣等。國瑞奏偵探

連日賊情。將馬步兵勇分紮營盤一摺。逆匪

自竄入河套後。仍盤踞紅川口一帶。邊馬時

在鄆鉅曹州打糧。國瑞前派諾林丕勒等管

帶現有馬隊。又派營總達爾濟。由濟甯選帶

招集到營馬隊四百名。赴曹州會合陳國瑞

等步隊。著卽催齊。詹啟綸宋慶兩軍。相度地

宜。妥慎安營。力圖進剿。吳棠派來礮船五十

隻。已到濟甯運河。國瑞派員往汶上東平驗

看水勢。已飭令趙三元等。駛赴戴村壩安山

等處實力巡防。張秋一帶。黃運交匯之處。尤

為緊要。此項礮船。恐尚不敷分布。著劉長佑

閻敬銘。各就現有兵力。聯集民團。扼要守禦。

嚴密梭巡。毋稍大意。吳棠仍當續派輕利礮

船。交黃翼升等帶赴東境。交劉長佑閻敬銘

擇要布置。以資控扼。郭寶昌帶領步隊。隨僧

格林沁剿賊。不能護持主將。獨以身免。且從

前係陳國瑞部將。輒敢有誣陷陳國瑞之事。

其居心殊不可問。著陳國瑞卽將該革員拏

解濟南。交閻敬銘審辦。與前日拏問之成保

一併嚴訊。定擬具奏。毋稍瞻徇。陳國瑞打仗

勇往。屢立戰功。前此被人陷害。經朝廷鑒察

曲為保全。此次曹州之敗。復加恩免其置議。

並令統帶郭寶昌所部兵勇。該總兵自必能

感恩圖報。盡殄逆氛。渥膺懋賞。惟軍威新挫。

總須養足銳氣。方可進剿。斷不可恃勇輕進。



急於圖功。每遇軍情事宜。與人商辦。均須和衷共濟。勉之慎之。劉銘傳已由單縣拔營。是否已抵汶上濟甯一帶。總須繞赴北路。遏截賊氛。以固畿疆。仍須續調全部勇丁。由周盛波管帶。分起赴東。合併一處。以厚兵力。更操勝算。國瑞現在收集馬步各隊。共有若干。務須詳細分別開單。註明何項隊伍。迅速奏聞。不准稍涉含混。豫為將來冒銷地步。將此由六百里諭知國瑞。劉長佑吳棠閻敬銘並傳諭劉銘傳陳國瑞知之。○又諭前因北路防勦喫重。諭令阜保特普欽於吉林黑龍江挑選馬隊各五百名。又據醇郡王奏。神機營所練馬隊。不敷派撥。復諭令續調馬隊各五百名。茲據國瑞奏稱。吉林黑龍江近來派出官兵。多以西丹充數。黑龍江所派西丹。技藝雖屬生疏。乘騎尚稱熟習。吉林所派西丹。在本處俱係種地。不善馳驟。河南已經調到之兵。未見得力。傷亡逾半。詢之在營吉林黑龍江

員弁。據稱本處食餉官兵。尚敷選派等語。直東軍情緊要。必須得力勁旅。前來協助。方足以利攻勦。而殄寇氛。著阜保特普欽將先後所調馬隊。選擇食餉官兵。久經操練。技藝嫻熟者。如數挑齊。懍遵疊次諭旨。分別派赴京師。及直隸軍營。毋得以西丹老弱充數。將此由六百里各諭令知之。○又諭吳昌壽奏探明統兵大臣陣亡。現飭河北將弁嚴扼邊防一摺。所陳僧格林沁在曹州城西失利陣亡情形。與國瑞等疊次奏報大略相同。吳昌壽現因河防喫緊。飛檄河北鎮道。會同湯聘珍崔廷桂等軍。力扼龍門口。並分兵扼紮上下游。與直省大名防兵聯絡。遏賊偷渡。布置尚屬周妥。惟直東兩省。河身綿亙數百里。幾於防不勝防。東豫毗連之考城處所。僅有宋慶張曜等軍扼紮。兵力較單。亟應籌添勁旅。以資捍禦。著官文懍遵前旨。迅飭姜玉順統帶所部九營。星速赴豫。會同吳昌壽所帶楚軍。

嚴扼河防。如豫境防務漸鬆。姜玉順一軍。應否飭赴直東交界地方防勦。卽由吳昌壽妥籌辦理。僧格林沁軍營逃潰馬步兵勇。絡繹奔赴豫省。恐有奸宄溷跡其中。該親王部下桂錫楨一起馬勇。本係降眾。近日更恐與賊聯為一氣。假借官軍名目。貽害地方。著吳昌壽遴派得力武職精細明幹大員。分投盤查。妥為安置。毋任為逆匪煽結。致滋擾害。河南省城防務。及沿河要隘。仍著吳昌壽督飭湯聘珍等軍。及地方文武嚴密籌防。毋稍疏懈。吳昌壽請飭直東督撫。聯集民團。扼守河干。並接濟陳國瑞軍餉。已諭令劉長佑。閻敬銘迅辦矣。將此由六百里各諭令知之。○衍聖公孔祥珂服闋入覲。賞

御書福壽字。暨全史珍玩文綺。○以救護主將不力。山東軍營總兵官郭寶昌革職建問。○調察哈爾馬隊官兵一千名。暨馬一千匹。赴山東軍營差遣。○辛丑。諭內閣吏部奏遵議

巡撫藩司處分。請將閻敬銘丁寶楨均降三級調用等語。閻敬銘丁寶楨於髮捻竄擾所轄境內。未能助勦。以致督師重臣。力竭捐軀。咎實難辭。惟念該撫藩等均在東昌東平等處。分帶兵勇駐紮。一時救援不及。情尚可原。閻敬銘著加恩改為革職留任。丁寶楨本有革職留任處分。著加恩降為四品頂帶。仍留山東布政使之任。○諭軍機大臣等。步軍統領衙門奏請申明向辦十家戶舊章。以嚴稽

查一摺。京城地面。人煙稠密。良莠不齊。緝盜查奸。均關緊要。卽著該衙門申明舊例。實力奉行。並將稽查十家戶以及庵觀寺院大小鋪戶各款目。一律編記。鐫刻門牌。發交兩翼翼尉督飭協副尉等官。挨戶嚴查。明確。仍不時遴派司員筆帖式等。分旗詳細抽查。如與門牌校對不符。卽著查明參辦。另片奏請將五營堆撥添派弁兵等語。卽著嚴飭五營將領。加添弁兵。在十六門門外牆門暨交界處

駐紮認真盤詰。並責成該將領添派營員兵丁等。各在本營汛廳堆嚴密稽查。其城內地。面並著添派技勇兵丁。於夜間周密梭巡。仍令於日閒赴場練習技藝。該衙門惟當認真辦理。不得有名無實。稍形懈怠。尤不宜徒事張惶。致該兵丁等得以藉端擾累。將此諭令知之。○又諭許彭壽潘祖蔭奏請飭江蘇巡撫解落地開花礮。並揀諳悉製造火器之員。由輪船北上一摺。本日據軍機大臣呈遞崇厚給總理各國事務衙門信函。內稱現帶洋槍隊赴景州。技藝陣勢尚稱嫺熟。以之戰守。可望得力。現籌破賊之方。惟外國所製之開花礮。尤為制勝。聞戈登助勦時。所練洋槍隊。上海尚有千名。請飭江蘇巡撫查明調派。戈登雖去。仍可邀外國人幫同統領等語。現在賊勢嶋張。如其銳意北犯。以未經行陣之戰兵。當飄忽無常之悍寇。辦理毫無把握。疊經諭令李鴻章派隊北來。諒已認真籌辦。著即

查明戈登所練洋槍各隊。尚有若干。酌量派撥。迅即由輪船赴津。並將落地開花礮多為籌備。一併由輪船帶來。其帶隊洋人。應否酌派數員。隨同內地將弁管帶。如今其前來。必須妥籌章程。覈定餉項。以免臨時藉口。事後要挾等弊。丁日昌能否令其北上。如該員不能離滬。即另派妥員。帶領熟諳製造火器之匠役數人。趕緊前來。該撫一面籌畫調派。一面奏聞。毋稍延緩。至崇厚信函所稱英國營總。句得斯願意隨征。因畿南距津較遠。該營總現管理海口礮臺。須奉該國公使諭派。方可前往等情。已諭令總理各國事務衙門相機辦理矣。該營總既情殷報效。崇厚不妨令其赴營。隨時教練。如需外國幫同帶隊員弁。亦可令其酌帶若干。從前吉必勳葛泰隨征威縣等處。曾經立功。得邀懋賞。崇厚當仿照從前成案辦理。並傳知該營總等恪遵營規。隨同防勦。俟直東一律肅清。定加賞賚。至應

如何籠絡鈐制之處。該侍郎自應權宜辦理。現在該侍郎曾否到營。與劉長佑晤商防剿之策。東省賊情若何。並著隨時確探奏聞。以慰馳繫。將此由六百里各諭令知之。○又諭。有人奏。統兵大員。養賊貽患。請嚴行懲辦。一摺。據稱總兵張曜。統帶重兵。從未與賊接仗。上年十二月間。僧格林沁在寶豐擊賊獲勝。張曜統兵二萬有餘。並不進剿。遂使賊氛復熾。由魯山竄擾襄城鄆陵一帶。流入山東。致僧格林沁力戰捐軀。所帶兵勇到處搶掠。請飭查辦等語。張曜在河南帶兵。不能得力。疊經被人叅奏。昨有人奏稱該總兵為將弁中之錚錚者。其說未知孰是。張曜是否擁兵不進。縱勇搶掠。貽誤戎機。著吳昌壽確切查明。據實具奏。吳昌壽到任未久。無所用其迴護。現在該總兵與宋慶等軍。扼紮考城。該處兵力甚單。該總兵如果居心巧滑。實有遷延貽誤情事。該撫一面奏叅。一面另派得力大員。

前往接替。如張曜尚能得力。該撫亦不必因有人奏叅。致有先入之見。原摺著鈔給閱看。將此諭令知之。○又諭。閻敬銘奏。現在賊勢屯踞情形。請添撥重兵。速防東北。並調劉銘傳等由韓莊北來各摺片。該逆仍在范縣之羅家樓。南至濮州之紅川口。東至鄆境之水堡集。縱橫延蔓。百數十里之間。聞已築圩。土匪半多響應。句結已成。將圖久踞。若徧踞鄆鉅范濮之地。則南走豫境。北窺東昌。東伺濟甯。西犯開東。實有防不勝防之慮。閻敬銘布置省垣。拘定。現擬赴東平汶上濟甯。與丁寶楨一軍聯絡嚴防。惟勇數太單。不敷分布。著吳棠卽催令張樹珊分撥三四營。迅赴東平汶上一帶。歸閻敬銘調遣。其嶧縣韓莊以南兼須有兵駐紮。以防清淮一路。劉銘傳仍懾遵疊次諭旨。設法繞出賊前。扼要堵截。其周盛波全部勇丁。並著劉長佑催令陸續起程。繞赴濟甯汶上一帶。與劉銘傳合軍一處。以

厚兵力。曹州兵力漸厚。陳國瑞能否馳赴濟甯。與國瑞合紮一處。並著酌度情形辦理。濟甯一帶防務。著國瑞妥籌布置。黃翼升礮船十餘隻。駛至濟甯。因運河水淺。阻礙不靈。尚須陸軍防護。東省既有礮划。運掉較便。著閻敬銘擇要分撥。黃運兼防。以期萬全。無失大名。一帶防務。劉長佑仍當嚴密布置。不可稍涉大意。閻敬銘另片奏請調楊飛熊帶兵助勦等語。著官文飛飭副將楊飛熊統帶一二營。籌給行糧。星夜赴東。聽候閻敬銘調遣。姜玉順九營。並著催令速進。將此由六百里諭知官文。國瑞。劉長佑。吳棠。閻敬銘。並傳諭劉銘傳。陳國瑞知之。○又諭曾國藩奏。遵旨覆陳。霆營潰勇。及籌辦東豫捻匪情形。吳雲慶一軍。實係因飢生變。現查金口兵潰。原委各摺片。吳雲慶一軍。在上杭城外。糧絕而譁。幸江西隨發銀六萬兩。飢軍可免決裂。金口叛勇。現調劉連捷等軍。分路嚴防。布置尚為妥

速。卽著督飭派出各軍。嚴密防禦。毋令再滋事端。所籌東豫髮捻情形。該大臣具奏此摺。自係尚未接奉。僧格林沁陣亡後。續寄諭旨。現在該逆盤踞鉅野鄆城一帶。與河套之匪互相勾結。匪勢猖獗。北路軍情萬緊。著曾國藩。懔遵疊次諭旨。剋日統帶親軍。兼程北上。先就直東現有兵力。妥籌調度。以固畿輔藩籬。所稱水師礮船。不宜用於岸高河窄之地。清江至濟甯七百餘里。河道久淤。自臺莊迤北。隄岸愈高。河面愈狹。僅容一舟。牖口陡險。必須多人絞車而上。水師斷難施展等語。朝廷亦以河路淺窄。疊諭調撥輕利礮船。藉資協勦。吳棠所派礮船五十號。已到濟甯。運河業經國瑞調赴戴村壩等處扼守。嗣後應否再行續調之處。仍著曾國藩相度地宜。妥為調度。黃翼升。彭玉麟等軍。現應駐紮何處。扼要堵剿。並著統籌全局。相機布置。勦辦此股賊匪。自以設法四面合兵圍攻。聚而殲之。為

上策。否則如該大臣所稱。偪賊北竄。不如讓出運河之西。驅回皖豫之界。勦辦較易為力。亦合機宜。惟現在賊情。與前迥異。畿南一帶。防務萬分喫緊。直東等省現有兵力。甚形單薄。劉銘傳一軍。雖已行抵單縣。而匪眾兵單。亦尚不敷抵禦。天津所練洋槍隊千五百名。已由崇厚帶赴景州駐紮。本日復寄諭李鴻章。令將上海所練洋槍隊。並落地開花礮。酌量由海道赴津。以期迅速。曾國藩節制直東豫三省。督辦勦匪事宜。責無旁貸。務當星速進行。調度指揮。迅殲醜類。力顧北路之防。將此由六百里諭令知之。○又諭廣鳳奎昌奏。籌辦內遷舊服蒙古。並驅逐卡內潛居哈薩克。酌量時勢。權宜辦理一摺。科布多所屬之阿勒坦淖爾烏梁海游牧地方。現已照依議單。被俄人分去。前經諭令明誼等。如該蒙古部落中。有真心內附者。亟應擇地移於卡內住牧。茲據廣鳳等。詢據該蒙古總管莽岱等。

聲稱。阿勒坦淖爾烏梁海兩旗人丁。均係舊屬。懇准全行移入卡內住牧。廣鳳等以此項蒙古人數眾多。若全令移於卡內。不獨難於擇地安置。且於互換信約不符。恐該俄夷以收納降人。藉口尋釁。復飭司員等。向該總管劉切開導。講譯利害。該總管及兩旗人丁。現均允從。仍在卡外住牧。並令將應進貢皮。暫行停止。係因豫防邊患。隨時制宜。均著照所擬妥為辦理。其阿勒坦烏梁海游牧內潛居之哈薩克人等。現有搶刦牲畜各情。勢殊狡悍。著廣鳳奎昌。選派弁兵。嚴密防範。毋任滋生事端。並著咨明塔爾巴哈台參贊大臣。一俟西路軍務稍鬆。即行揀派妥員。帶領哈薩克公阿濟會同廣鳳等。所派曉事員弁。前赴阿勒坦烏梁海游牧地方。籌度時勢。將此項潛居之哈薩克等。分別驅逐撫輯。以靖邊圉。此次內遷舊服蒙古。外逐潛居哈薩克。因與大局窒礙。姑照所擬。權宜辦理。嗣後有無別

項情節。仍著廣鳳等隨時稽查奏聞。將此各諭令知之。○又諭滿慶等奏披楞聲言借路赴藏。與布魯克巴構兵。現籌辦情形一摺。披楞欲假道布魯克巴赴藏。貿易傳教。已將布屬之甲昔巴桑卡棟桑等處地方占奪。兩家交戰。各多傷亡。雖係蠻觸相爭。惟哲孟雄布魯克巴皆為西藏南方屏蔽。布魯克巴既有與披楞構兵之事。藏屬邊防。必須豫籌布置。滿慶等已責成江孜戴琿。並附近邊界各營官。以派兵赴瞻對為名。調集土兵操練。卽著認真訓練。嚴密布防。不可稍涉張惶。致動外夷猜忌。其布魯克巴欲求唐古特於兵目財帛三項內。幫助一項。以禦披楞。及披楞頭目稟稱欲借路赴藏各情。亦經滿慶等詳細指示達賴喇嘛妥辦。究係如何辦理之處。陳奏殊未清晰。披楞卽係英國。雖與中國相安。而唐古特番眾。又不願彼國之人。至藏貿易傳教。是巴屬求助。披楞赴藏。兩事均屬窒礙。

該大臣等務須細心斟酌。妥籌至善。卽將辦理之法。備細奏聞。景紋久已有旨飭令赴藏任事。如已抵藏。卽著與滿慶恩慶會商妥辦。將此各諭令知之。○予貴州興義殉難生員楊先夔等紳民婦女五百五十六名口分別旌卹如例。○壬寅。諭內閣。御史劉秉厚奏籌餉當用權宜。以濟時急一摺。所奏實屬非是。軍興以來。需餉浩繁。不得已藉捐輸以資接濟。疊經各直省督撫。將捐輸助餉之案。奏請獎勵。可見紳民中急公好義。情殷報效者。原不乏人。朝廷方以民力艱難。時深廛念。惟冀軍務早日平定。捐輸卽可早日停止。若如該御史所奏。令各省紳民人等。自十萬以至百萬之家。或十分而取其一。或二十而取其一。優給獎敘。酌予世職。日後由戶部具呈領還數百萬之餉。可計日而儲等語。儻照此辦理。必至紛紛擾累。弊實叢生。且亦無此政體。所奏斷不可行。○諭軍機大臣等。戶部奏遵旨。



酌籌直東軍餉一摺。據稱山東河南山西等省。向有協解僧格林沁軍餉。應令解歸曾國藩撥用。兩淮鹽釐項下。原有協濟月餉。仍令曾國藩就近酌提。並請於江海關稅銀內。提款動用。至部庫存項無多。勢難提銀接濟。直東軍餉。擬准令該兩省於應解京餉項下。酌量扣留各等語。直東軍務緊要。曾國藩統帶各路兵勇。北來勦辦。需餉甚多。自應寬為籌備。僧格林沁各營官兵。現已統歸曾國藩節制。所有山東每月協解該營月餉五萬兩。河南三萬兩。山西二萬兩。著閻敬銘吳昌壽沈桂芬。迅即籌備。按月如數解往。曾國藩直東軍營。不得稍有遲誤。其兩淮鹽釐項下原協月餉。曾國藩亦可就近酌量提用。惟前項協款。尚恐緩不濟急。該大臣先就近在江海關稅銀內。提銀二十萬兩。以資分給。即著李鴻章。劉卹膏。迅速如數撥解。毋誤要需。並將起程日期。先行奏報。曾國藩所帶各路兵勇數

目。並僧格林沁營中現存官兵若干。每月共需餉若干。著即查明咨報戶部。以便該部覈辦。直東軍餉。戶部無款可提。難以協濟。著閻敬銘於地丁項下。欠解本年京餉銀十五萬兩。留充該省軍糈。劉長佑即將長蘆鹽課及旗租項下。應解本年京餉銀內。各扣留五萬兩。以供防勦。其各省應解直隸固本軍餉。報解寥寥。現在直隸增兵募勇。需餉孔殷。若再視為具文。不思籌解。則餉項立見缺乏。著瑞

麟。左宗棠。駱秉章。李鴻章。李瀚章。徐宗幹。郭松壽。劉卹膏。孫長紱。迅將各該省積欠銀兩。趕緊照撥。剋期起解。官文。鄭敦謹。吳昌壽。閻敬銘。沈桂芬。除業經抵撥解過外。各將積欠應解之數。速行籌撥。各該督撫等務當權衡緩急。顧全大局。不得再分畛域。將此由五百里諭知官文。曾國藩。瑞麟。劉長佑。左宗棠。駱秉章。李鴻章。鄭敦謹。徐宗幹。閻敬銘。沈桂芬。吳昌壽。李瀚章。郭嵩燾。並傳諭劉卹膏。孫長



紱知之。○又諭李瀚章奏派軍堵剿霆營叛卒。並西路各軍收復天柱縣城一摺。孫長紱奏霆營未可調粵。及義甯兵圍截擊潰勇疊勝各摺片。霆營叛勇由鄂東趨。因湖南平江業經戒備。卽由通城等處竄入江西義甯州境。經該處兵圍迎頭截擊。疊獲勝仗。該逆敗回銅鼓營邊界。勦辦尚屬出力。銅鼓營為江西南交界之區。據李瀚章奏稱已派趙煥聯等扼要駐紮。足遏賊衝。卽著督飭派出各軍會同江西官軍兩面夾擊。官文仍飭成大古等督兵跟追合剿。毋令回竄鄂疆。此起叛勇數旬之內。裹脅至二三萬人。且有偽指揮檢點名目。是其甘心叛逆。實為法所難貸。官文李瀚章孫長紱務當督率各軍乘賊氛初起之時。迅速撲滅。毋得稍分畛域。致成蔓延。援閩霆營眾心未固。萬無再令赴粵之理。孫長紱所解餉銀六萬。是否已經勻放。近日該營軍心若何。孫長紱當籌畫餉銀陸續籌解。

母令再因飢餓逃潰。鮑超疊經有旨嚴催。令其速赴鄂省。將潰勇一事迅速辦理。著懍遵疊次諭旨。星夜兼程東下。招集舊部。率赴江西。分別勦撫。力贖前愆。儻敢稍涉遲延。貽誤軍事。恐鮑超不能當此重咎也。天柱縣城失陷。經周洪印等率兵進規。賊匪宵遁。遂將縣城收復。在事員弁尚屬著有微勞。著李瀚章秉公酌保。不得稍涉冒濫。至逸出各匪。勞崇光張亮基當飭副將吳勝金等實力搜捕。毋令餘燼復燃。李瀚章仍檄周洪印等酌撥兵勇分布要隘。以固疆圉。將此由六百里諭知。官文勞崇光張亮基李瀚章並傳諭鮑超孫長紱知之。○以鑲黃旗漢軍都統春佑署鑲藍旗蒙古都統。正白旗漢軍都統全慶署鑲白旗滿洲都統。予江西義甯陣亡守備王大用等祭葬世職加等。○癸卯諭軍機大臣等。劉長佑奏賊匪盤踞白結。時圖竄渡。必須添調重兵。嚴扼北犯一摺。據稱逆匪大股現

在鄆城荷澤鉅野及濮范沿河一帶周圍數  
百里盤踞勾結時圖竄渡又探有砍伐樹株  
搬運櫟木排造船筏之事種種詭譎情形不  
可殫述等語逆匪蓄意北渡雖經劉長佑沿  
河布置賊來窺伺屢經擊退惟防兵尚單儻  
大股麇集數路並進卽有難以策應之勢自  
應厚集兵力先固藩籬陳國瑞前已令其馳  
赴濟甯第濟甯兵力漸集且曹州距東明長  
垣甚近較赴濟尤形便捷卽著陳國瑞迅帶  
所部前赴劉長佑軍營聽候調遣藉壯聲威  
曹州府城著國瑞閻敬銘調撥兵勇妥籌兼  
顧至劉銘傳一軍疊經有旨諭令迅赴濟甯  
汶上助剿此時賊思北竄後路尤應有追躡  
之兵著仍遵前旨迅速拔營前進於濟甯汶  
上一帶或張秋鎮扼要地方實力扼守相機  
進剿卽著閻敬銘劉長佑飛速催提到防後  
卽行具奏該提督如再遲延卽著嚴叅懲辦  
賊既於蘆葦深處覓搶船隻則黃河之險與

我共之非多集水師船隻分段扼截不足以  
遏賊氛劉長佑現覓船十數隻練習開礮尚  
恐不敷分布著再添籌船隻與北岸陸軍犄  
角嚴防以資得力閻敬銘於防河船隻並未  
籌添設令賊匪偵知無備駛赴下游一帶北  
渡震動畿疆該撫自問當得何罪著將省城  
守禦布置一定卽赴濟汶等處將黃運兩河  
防守並添造礮船事宜妥籌辦理並與劉銘  
傳丁寶楨等軍嚴密扼防其張樹珊一軍及  
周盛波全部仍著喬松年吳棠催令赴東省  
以厚兵力現在賊氛正盛必須壁壘一新謀  
定後戰方能重振軍聲劉銘傳陳國瑞務當  
穩慎圖功毋稍輕進浪戰致有挫失詹啟綸  
一軍仍著國瑞催令前進至張曜宋慶等軍  
如能越境會剿既可杜賊竄豫之路又可與  
直東各軍兩面夾擊並著吳昌壽斟酌情形  
妥籌調派不得稍分畛域直東軍務喫緊曾  
國藩務當恪遵疊次諭旨星夜北來督兵剿

賊以副委任該大臣如因陸路行走遲滯或航海前來尤形捷速著曾國藩斟酌妥辦如業已起程則無庸議上海所練洋槍隊並落地開花礮仍著李鴻章迅速調集由海赴津毋稍遲誤徐宿一帶防軍陸續北調該處防守亦不可令其空虛著吳棠喬松年豫籌調派扼要設防將此由六百里諭知曾國藩國瑞劉長佑吳棠李鴻章喬松年閻敬銘吳昌壽並傳諭劉銘傳陳國瑞知之○又諭德興

阿奏甘省潰勇東犯陝境暨請飭聯捷暫駐陝省各摺片此項潰勇經劉蓉派令彭體道前往招撫該潰勇要求路票需索欠餉種種刁難現已趨至鄠縣迤東連夜舉放號火居民驚惶逃避距省城僅七十里亟應迅圖勦辦以伐狡謀前因劉蓉奏該潰勇甘心叛亂一意東趨曾經嚴諭該撫派兵實力堵扼並將脅從之人分別遣散現在勇眾已近省垣劉蓉並不亟思堵剿輒令其在城西牛洞梁

家橋等處地方就撫是其臨事毫無布置有希圖了事之心無論該潰勇設謀兇狡不肯甘心就撫即令詭詞馴順仍復肆意句結必致蔓延為患貽害鄰封該撫自問其能當此重咎耶著劉蓉懍遵前旨飭令派出之王守基等分路兜擊實力勦辦如實係脅從之眾一經懲創即肯將軍械馬匹呈繳者自不妨分別遣散以施法外之仁其省城防守事宜即著德興阿實力防維毋稍疏懈聯捷現駐

陝西省垣楊岳斌身任兼圻尤屬責無旁貸著即整頓隊伍會同劉蓉所派員弁合力進擊將不法潰勇盡力殄除以靖地方將此由六百里各諭令知之○又諭楊能格奏慶陽糧臺存餉撥解罄盡各省協餉無期請飭酌撥兩淮鹽課江海關稅課一摺甘省兵數日增餉源日竭雖經諭令四川河南山東山西等省按月撥解仍屬不敷支放都興阿一軍現在進攻甯夏雷正綰等軍於攻克黑城鹽

茶後進攻預望。勦辦正在喫緊。必須士飽馬騰。方能迅速藏事。著曾國藩李鴻章劉那膏於兩淮鹽課江海關稅課項下。查照從前協撥甘餉之數。籌銀各數十萬兩。趕緊陸續撥解。並於五六月間。先籌銀二十萬兩。分作兩批。迅解慶陽糧臺。以應急需。毋稍延緩。將此由五百里諭知曾國藩李鴻章。並傳諭劉那膏知之。○引見新科進士。得旨。一甲三名崇綺。于建章。楊霽業。經授職外。牛瑄。羅家勛。沈

成烈。宗室松森。韋業祥。張清華。吳仁傑。唐景崧。胡聘之。鈕玉庚。楊松。兆黃。毓恩。周開銘。汪鳴鑾。朱以增。黃煦。崔文海。費廷釐。楊紹和。張英麟。李士彬。曹秉哲。蕭晉卿。福臣。劉恩溥。李汝霖。藏穀。張端卿。崔煥章。彭泰。毓楊。頤。顧奎。施之博。屈秋泰。李鴻逵。易子彬。鄭守孟。顧雲臣。郝同。麓。董執。鄭溥元。胡元照。王廷輝。李璠。慶錫榮。逢潤。古。汪敘疇。鄔純嘏。溫紹棠。潘衍馨。徐進。王鳳池。劉鳳苞。朱福基。王先謙。周岱。

馮光勛。李緒昌。李用清。文治。林樾材。陳本枝。茹芝。柳長庚。啟秀。謝文啟。楊泰亨。黃中瓚。蘇維城。田翰墀。德生。霍鵬南。劉青照。楊超元。劉名瀚。王邦璽。甘杰。俱著改為翰林院庶吉士。張曾亮。陳毓秀。武震。歐陽烜。董對廷。焦駿楓。楊際雲。薛德恩。陸炳然。鄭東。黃桂。鍾尹。壽衡。吳岫。馮棻宗。施人鏡。許道培。李國琇。鍾大榮。侯封。錫王。錫元。孫紀雲。蕭育東。壽頤。傅鍾麟。龍文彬。周廷揆。朱丙。壽濮。文遲。盧秉政。呂元

勳。張榮。彭美。周瑞松。周慶恩。李應泰。任其昌。李仕良。劉雲。百勤。邢元愷。郝紹湯。曹鴻。蔭戴恩。溥。趙德麟。忠斌。崔澄寰。良鎮。張諧之。梁俊。李逢春。周蓉第。楊鉅。李桂。聯湯。慶源。宗室岳琪。黃峻。俱著分部學習。吳汝綸。金曰修。薛尚義。薛文華。傅炳墀。均著以內閣中書用。何壽增。姚步瀛。汪範疇。吳耀斗。周麟章。章先甲。陳省欽。熊茂林。陳子楷。蔡福謙。張鑣。袁汝度。黃鄭錦。楊遲。周鳴岐。陳衍昌。周淦。葉大同。沈恩。

華施錫衛李漆柳正笏黃光祥吳協中李美  
崧陳西庚李楓林吳朝彥崔丹桂劉濟瀛張  
鵬翥龍泉宋作賓鄧翰屏王佩文濮文昶胡  
輯瑞江壁向時鳴張家槐袁恩詔曾誼金錫  
蕃謝駿聲宋李豐李世珍張傑管近修張沈  
清董承乾杜逢庚張道經于宗翰周廷獻張  
建勳李嘉賓蔣會圖丁正文毛鳳五陳維愷  
林調陽嚴成儀斌敏韓詩藍向葵符為霖陳  
文鳳錢保衡方連翼王捷三呂式枚韓毓午  
華鍾祥尹開先隨福馬名義丁鎮西來鳳郊  
朱錫祺孫念召阮調元劉華邦蕭文輝楊倬  
雲謝雲龍陸新傳郭芳蘭侯長齡李德溥張  
肆三蕭玉春毛璋劉琪枝李逢源冷鼎亨孫  
夢麟鄭宗瑞張礪修余澍千張萬選李裕後  
李品亨陳烜甘啟運劉大方吳茂先劉學瀚  
蔡卓人章輔廷李福田柳祖彝俱著交吏部  
掣籤分發各省以知縣卽用兵部候補郎中  
王元晉著以郎中卽用戶部候補員外郎李

衢亨著以員外郎卽用戶部候補主事吳善  
寶刑部候補主事方學伊高傳循兵部候補  
主事傅大貞工部候補主事楊聯桂均著以  
主事卽用戶部學習郎中王魁鑒工部學習  
郎中葉毓榮均著俟報滿作為候補郎中後  
以該部郎中卽補餘著歸班銓選○命大學  
士周祖培都察院左都御史全慶教習庶吉  
士○江甯將軍富明阿到京命管神機營事  
○調正黃旗滿洲副都統額勒和布為鑲白  
旗滿洲副都統鑲白旗滿洲副都統德懋為  
正黃旗滿洲副都統正紅旗滿洲副都統阜  
保為鑲紅旗滿洲副都統鑲紅旗滿洲副都  
統托雲為正紅旗滿洲副都統正藍旗滿洲  
副都統綿宜為鑲藍旗滿洲副都統鑲藍旗  
滿洲副都統明善為正藍旗滿洲副都統○  
以正黃旗滿洲參領蘇章阿署鑲黃旗蒙古  
副都統委散秩大臣惠鑑署鑲黃旗漢軍副  
都統頭等侍衛常山署正黃旗滿洲副都統

科爾沁鎮國公棍楚克林沁署正白旗滿洲副都統。前任庫倫辦事大臣特克慎署正白旗蒙古副都統。正藍旗蒙古參領德明署正白旗漢軍副都統。散秩大臣恩來署正紅旗滿洲副都統。鑲藍旗蒙古參領察隆額署鑲白旗滿洲副都統。火器營翼長成惠署鑲紅旗滿洲副都統。正紅旗滿洲護軍參領興林署鑲紅旗漢軍副都統。鑲藍旗滿洲護軍參領環德署正藍旗蒙古副都統。○補鑄安徽

壽春鎮中軍遊擊關防。鳳陽縣縣丞條記。從巡撫喬松年請也。○予山東聊城等處殉難文生曾毓恆等紳民婦女二千一百一十六名口分別旌卹如例。並予建祠。○予湖北黃陂等處陣亡殉難文生葉肇唐等紳民婦女四百七十八名口分別旌卹如例。並予建祠。○撥山西礦十萬斤解赴直隸總督劉長佑軍營備用。○甲辰諭內閣御史陳廷經奏請簡派賢能督辦畿南團練並臚舉所知各摺

片。直隸為畿輔重地。疊經諭令劉長佑實力舉辦團練以輔兵力。所不逮。現在賊蹤竄抵山東曹單一帶。密邇畿南。尤當認真講求。以期有備無患。團練本地方應辦之事。豈容日久生懈。視為具文。著劉長佑督飭地方官吏勸諭所屬紳民實力舉行。務期官民聯為一氣。兵團相輔而行。以靖畿疆而禦外侮。該御史所保之前任河南布政使賈臻降調巡撫山東候補知府鄭元善候選道裘德俊候選

知縣張鏐前任總兵鮑雲翥守備李全有等均著交劉長佑差委以資得力。○諭軍機大臣等國瑞奏請添募勇丁勦賊並請將陳國瑞一軍仍歸調遣。請令張樹聲等全隊移紮汶東並收集馬步兵勇大概數目各摺。片賊匪仍在鄆鉅一帶盤旋。時圖竄犯北路。昨因直隸兵力甚單。諭令陳國瑞迅帶所部即日赴劉長佑軍營。令劉銘傳一軍於濟甯汶上一帶或張秋鎮扼守。著國瑞劉長佑閱敬銘

懍遵昨日寄諭。卽飛飭陳國瑞一軍。統帶全部赴直。仍歸劉長佑調遣。相機防勦。力顧北路。至山東地方。有收集馬步兵勇數千名。並劉銘傳一軍。詹啟綸一軍。又續調之周盛波。張樹聲等軍。豈尚不敷調遣。陳國瑞由曹考一帶。赴劉長佑大名軍營。其勢甚便。兼可為畿疆保衛。至所稱此時若有一隊集齊。或有一軍可恃。卽親督進勦。似難俟休養之兵心大定。訓練之技藝精熟。再行緩力圖功。漸回大局等語。朝廷豈不知賊氛甚惡。亟宜勦除。以清腹地。惟國瑞自度新集潰散之卒。遠來疲乏之師。能當此兇鋒方張之寇否。若一意進勦。勢必驅之北犯。國瑞其能當此重咎耶。為今之計。止宜養精蓄銳。各守本境。毋令四出滋擾。或間出輕銳奇兵。多方牽制。俟曾國藩大軍齊集。四面布置周妥。漸逼漸緊。可以聚而殲旃。否則俟劉銘傳到後。會商進勦。謀定後動。以期萬全無失。其募勇助勦一節。尤

須慎重。恐有奸匪溷跡。不可不慎之。又慎。所招潰散馬步。恐數目尚有虛報。必須切實稽查。嚴加甄覈。張樹聲等軍。前已令吳棠酌撥三四營赴東。國瑞請以全隊就近移紮汶東一帶。嚴防運河。著吳棠酌度調派。以資得力。劉銘傳一軍。於僧格林沁未經挫敗之先。卽已調令北來。何以初八日始由徐州起程。究竟已抵何處。著卽飛速前進。赴汶上濟甯一帶。相機防勦。如再遲延。定當重治其罪。不稍寬貸。黃運河防。均屬緊要。劉長佑嚴敬銘當懍遵疊次諭旨。妥籌防範。務將渡船提禁淨絕。並嚴防本境伏賊暗通消息。不可稍涉大意。本日御史陳廷經奏保員辦理直隸團練一摺。已明降諭旨。將賈臻等交劉長佑差委。該督當督率地方公正官紳。妥為經理。以輔兵力不足。毋得有名無實。徒滋擾累。正在寄諭間。據吳棠奏請調黃開榜赴營一摺。現在霆營潰勇。竄擾江西銅鼓營等處。黃開榜督

帶兵勇赴瑞州一帶勦辦。正當喫緊。未便令其北來。至淮徐兵單。疊經諭令李鴻章力籌調派。著吳棠仍卽咨商李鴻章。迅派得力兵弁。馳赴淮徐一帶防守。喻俊明水師。准其暫留桃宿鎮撫。吳棠另片奏挑選水勇二百名。整理大礮五十位。由濟甯馳赴直隸等語。著劉長佑派員迎提。並趕緊豫備船隻。俟此項礮勇到齊。卽行酌量配帶。以資防禦。將此由六百里諭知國瑞。劉長佑吳棠閻敬銘並傳諭劉銘傳陳國瑞知之。○以救護主將不力。革山東軍營副都統常星阿職。奪勇號溫德勒克西高福富森保。分別嚴議。議處革護軍參領奎祥等升銜。均留營戴罪效力。○

大清穆宗繼天開運受中居正保大定功聖智誠孝信敏恭寬毅皇帝實錄卷之一百三十八



大清穆宗繼天開運受中居正保大定功聖智誠孝信敏恭寬毅皇帝實錄卷之一百三十九

監修穆宗實錄臣等謹將穆宗皇帝實錄卷之一百三十九

臣等謹將穆宗皇帝實錄卷之一百三十九

臣等謹將穆宗皇帝實錄卷之一百三十九

臣等謹將穆宗皇帝實錄卷之一百三十九

臣等謹將穆宗皇帝實錄卷之一百三十九

教

同治四年乙丑五月乙巳諭內閣前因刑部

臣等謹將穆宗皇帝實錄卷之一百三十九

遵議定擬已革臬司李元度罪名當降旨發

往軍臺效力贖罪嗣據沈葆楨李鴻章奏該

員罪不掩功且母已七旬家無次子懇恩免

其發遣復交部再行覈議具奏茲據奏稱李

元度係軍務獲咎例不准其援免該部執法

辦理未便准行可否免遣之處請旨定奪等

語李元度前在湖北江西捏報克復城池革

職後復徧索軍餉不顧大局本屬咎無可貸

惟念該革員前此尚有可錄之功且係老母

孤子例得留養近據李瀚章奏該革員在平

江本籍堵剿叛卒逆蹤不敢入境岳屬得保

無事皆該革員集勇敏速布置周備之力亦

不無微勞足錄李元度著加恩免其發遣並

免交臺費銀兩○追予故都察院左副都御

史張芾於安徽徽州府城建立專祠提督周

天受訓導李應詔附祀○丙午諭內閣前因

張之萬毛昶熙奏遵保勒辦汝光捻匪各員

弁兵勇開單請獎曾經降旨均照所請給予

臣等謹將穆宗皇帝實錄卷之一百三十九

獎勵茲據御史謝膺禧奏稱此次保舉人員

未免冒濫况張之萬毛昶熙既因未能截勒

逆匪奉旨嚴議請飭部將河南此次保案撤

銷等語軍營保舉人員理宜覈實河南勒辦

汝光捻匪各官紳固屬著有微勞惟未能將

首逆陳大澹等即時弋獲致令餘燼復燃蔓

延鄰境而單開保舉員名為數甚多恐其中

不無冒濫著吏部即將此次河南保案撤銷

以昭公允○如其中有實在勞績未便概令湮

沒者。著俟此股擒匪剿滅淨盡後。仍由吳昌壽再行覈減酌保。○諭軍機大臣等。卓保奏遵旨挑兵赴直。應否撥給馬匹一摺。前因北路防剿緊要。諭令卓保特普欽於吉林黑龍江挑選馬隊各五百名。馳赴直隸聽候調遣。茲據卓保在於吉林烏拉等處挑選官兵五百名。派委協領瑞徵等管帶。定於五月十四日起程趕緊赴直。惟該官兵等均無馬匹。不足以資衝擊。自應酌量撥給。盛京大凌河所

蓄馬匹孳生甚多。儘可撥用。此起吉林官兵道出盛京。即著玉明恩合查明應需馬匹。就近在大凌河牧羣內挑選。分給該官兵等乘騎。不得以疲弱充數。卓保即飭令該官兵等剋期遄行。毋許逗遛騷擾。再吉林尚有調撥神機營操練官兵五百名。並黑龍江亦有調往直隸及神機營官兵各五百名。各該起官兵恐馬匹不敷應用。均著玉明恩合先期選備。將來如須撥用。即可照數給予乘騎。以利

平定縣志

軍行。將此由五百里各諭令知之。○又諭李鴻章奏籌辦大概情形。並密陳防剿機宜各摺片。據稱該撫所部諸軍分防蘇境三萬餘人。水師居多。不能遠調。陸師僅劉東璋潘鼎新兩軍各十營。王永勝劉士奇等十七營。曾國藩若再商調。似亦不能多派等語。現在賊眾屯聚濮范鄆鉅一帶。蔓延開東長境內。數百里間一片賊氛。劉銘傳及張樹聲周盛波三軍雖有一萬七千餘人。然合之一面則見其多。分之數百里間則見其少。賊氛現於黃河南岸。砍伐樹株。編造木筏。又於蘆葦深處覓搶船隻。蓄意渡河北犯。直東沿河一帶地廣兵單。防剿甚形喫緊。李鴻章仍當先其所急。多派勇丁聽候。曾國藩調遣。不得稍分畛域。直東豫三省前已有卡。諭令該地方官興辦團練。惟堅壁清野之舉。亦非一時所能猝辦。自應厚集兵力。方足以利攻剿。著李鴻章仍遵前旨。迅即多派兵勇洋槍各隊。並攜帶

開花炸礮由海道北上。或由膠州登岸。或由天津登岸。前赴直東一帶防剿。不准再事遷延。致誤大局。開花礮質雖笨重。仍可由黃運兩河運載軍營應用。並著該撫迅由海道運解天津。以備直東軍營急需。李鴻章所稱請於久在軍營帶勇著有成效文員中。慎選擢用督撫。不為無見。意亦必有所指。卽著李鴻章將平日知之有素。緩急可恃者。不拘官階酌量保奏。以備朝廷採擇擢用。該撫既經兼署兩江督篆。所有應辦事宜。自當隨時會商曾國藩悉心經理。其通商大臣關防卽著帶往江甯。將此由六百里諭令知之。○又諭吳昌壽奏出省馳赴河北扼要嚴防。並請飭崇厚駐紮齊河各摺片。所陳賊竄曹郡之羅口地方。分股擾及濮鄆。脅從民寨十餘處。紮筏造船。意圖北渡。與前日劉長佑所奏情形大略相同。該撫現已督帶譚仁芳等四營出省。由封邱至滑濬一路親履河干。察勘地勢。分

別戰守。所籌尚屬周妥。卽著飭令派出各軍及河北鎮道。調集兵勇實力嚴防。以顧北面藩籬。並可與直東各軍聯絡聲勢。會同防剿。以期殄此巨寇。其考城蘭儀防剿事宜。卽責成張曜。宋慶蔣希夷等合力固守。該處距東境較近。總須嚴飭該將士不分畛域。以剿為防。於剿辦方有裨益。仍著吳昌壽遵奉前旨妥籌調派。如果賊勢西趨。該撫卽抽調勁旅回顧省防。相機截剿。以杜逆蹤。紛竄黃河北徙之後。縣互河南直隸山東地面。北岸渡口豫省封邱所屬之尚店。已由吳昌壽派令楊聘珍等兵勇扼守。直隸山東河岸縣長。雖經劉長佑閻敬銘等調派兵勇分段設防。誠恐賊匪乘隙偷渡。圖逞狡謀。仍著該督等懍遵疊次諭旨。趕緊添造船隻。演放槍礮。無分晝夜梭織巡查。一面嚴飭沿河兵勇民團。遇有形跡可疑之人。認真盤詰。毋令奸宄潛跡偷渡。前諭崇厚統帶洋槍隊駐紮景州。以固畿

南之防。吳昌壽請令該侍郎駐紮齊河。自係為遠防。不如近勦起見。著該侍郎斟酌情形。慎籌進止。如劉長佑所派駐防景州之兵足敷扼勦。崇厚亦可進紮齊河以重河防。均著劉長佑崇厚妥籌具奏。將此由六百里各諭令知之。○又諭官文奏遵旨籌議月協甘餉數目。並謀勝左右兩營勇丁索餉滋鬧。分別懲辦各一摺。前因曾國藩奏稱甘肅之餉應責成江蘇江西浙江湖北等四省籌解。當經

諭令各該督撫等將每月能各接濟甘餉若干之處。速行覆奏。茲據官文奏稱該督督飭省局司道竭力籌措。每月除撥解蔣凝學一軍舊欠外。仍按月再籌銀三萬五千兩解交甘省等語。現在甘肅軍務正當喫緊。楊岳斌一軍人數較多需款尤鉅。自應寬為撥解以濟要需。即著照官文所議。每月除撥還蔣凝學一軍舊欠二萬兩外。按月再籌銀三萬五千兩派員解至甘省交楊岳斌軍營分撥接

濟。並著將協濟甘省軍裝軍火等項一併解交楊岳斌轉撥各營以歸畫一。經此次議定章程之後。該督務當督飭局員按月源源籌解。不准稍有帶欠。致干重咎。總兵李成謀所統謀勝左右兩營勇丁索餉滋鬧砍傷弁兵。並敢邀約馬步各營幫同鬧餉。情殊可惡。亟應嚴行懲辦。以肅軍律。惟念該總兵先因追勦靈營叛勇未及約束於前。回軍後即能設法開導。分別正法遣散。不至驚擾居民。辦理

尚為妥速。李成謀著從寬免其議處。該兩營營哨各官或隨同懲辦。或身受多傷。業經分別責處。著一併免其置議。仍著官文嚴飭李成謀將前後中三營及馬隊兩營申明紀律。勤加訓練。儻敢再滋事端。即著嚴參懲辦。毋稍姑容。將此由五百里諭令知之。○以正紅旗漢軍副都統裕瑞為正白旗護軍統領。○以乾清門二等侍衛穆騰額為正藍旗蒙古副都統。並管滿洲火器營事。未到任前仍以

鑲藍旗滿洲護軍參領環德署理○以記名副都統西蒙克西克為鑲紅旗蒙古副都統未到任前以內閣學士衍秀署理○以江蘇候補副將富勒渾泰為福州副都統○旌表守正捐軀河南陝州民史林祥妻宋氏○丁未遣官祭

關帝廟○諭軍機大臣等國瑞奏髮捻各逆東趨逼近濟甯請飭直隸撥兵防守鹽河閭敬銘奏賊渡運河東竄省防河防均形喫緊

崇厚奏馳抵景州分兵屯紮各一摺髮捻大股在鄆城縣屬之水保集紅川口等處麇聚四出焚擄偪勒民圩勢甚鴟張前股已至安居邊馬由長溝等處偷渡運河竄至濟甯土圍以外國瑞現與丁寶楨商派副將王心安等馬步各隊會合趙三元等所帶礮船水陸迎剿小有斬擒該逆旋即退回數里現在運河西岸賊蹤蔓延數十里濟甯防守甚屬喫緊閭敬銘所稱賊由汶上開河以北搶渡運

河邊馬已至甯陽西南滋陽西北大股亦即蜂至等情是兗州泰安屬境又有賊蹤滋擾該匪非由甯陽趨泰安長清之路直撲省城即恐由東阿長清窺伺大清河北岸是省垣及張秋以東鹽河一帶又屬萬分喫緊著國瑞督率現有兵勇與丁寶楨所部嚴守濟甯力扼運河東岸不得以水淺為詞任聽大股匪眾續行搶渡汶上滋陽一帶亦著閭敬銘責成地方文武聯絡紳團分布兵勇力籌堵

扼並嚴設省防以固根本力顧鹽河口岸遏賊北渡毋稍疏虞劉銘傳前已疊有寄諭催令迅赴濟甯汶上一帶防剿該提督竟任意遷延遲至本月初八日始由徐州起程殊堪痛恨著先行交部議處並著迅帶所部全軍星夜兼程繞由濟甯汶上以北偪向西南截剿儻再一味疲玩致誤大局必當重治其罪懍之慎之詹啟綸一軍仍著國瑞閭敬銘飛檄嚴催剋日馳赴濟甯如再延誤即著國瑞

閻敬銘嚴叅丁寶楨侯詹啟綸到濟甯後卽帶所部回赴濟南泰安一帶相機防堵陳國瑞一軍前已疊諭改赴劉長佑軍營著懷遵前旨統帶所部馬步各營卽日由開州東明一帶渡黃北上繞赴直隸大名軍營歸劉長佑調遣至黃河北岸自張秋以東縣長數百里水淺岸窄處處可虞東省兵力空虛情形異常危險如濮范一帶賊蹤合股東竄劉長佑卽當分飭所部於沿河合力夾擊或飭令

陳國瑞一軍於渡黃北上時移防張秋以東沿河口岸以固直隸邊防總以布置迅速毋分畛域是為至要周森藻所帶礮划卽著閻敬銘嚴飭游駛巡防仍恐不敷應用該撫務須添籌船礮力圖防河不得稍存玩忽自干咎戾昨有旨令崇厚酌量情形相機進紮齊河此時東省鹽河一帶空虛著該侍郎酌度情形統帶洋槍隊速赴齊河北岸防守並與該處紳團聯絡聲勢兼顧西面張秋一帶毋

稍疏虞前經疊諭李鴻章多撥援師由海道北上現在直東情形緊要如此著該撫懷遵前旨剋日撥兵起程不必等候曾國藩檄調以致遷延時日貽誤大局曾國藩亦當趕緊起程星速北上以慰廑盼蔣凝學一軍本日據楊岳斌奏有令其取道豫省赴陝之語此軍計現在未離豫省著吳昌壽迅卽飭令該道員迅速移營由豫赴直卽著劉長佑飛速迎提到時酌派防守沿河要隘以厚兵力本

日並諭令楊岳斌一體知照矣姜玉順一軍並著官文迅飭起程赴豫歸吳昌壽調遣不得遲延觀望將此由六百里諭知官文曾國藩國瑞劉長佑李鴻章吳昌壽閻敬銘崇厚並傳諭劉銘傳陳國瑞知之○又諭崇厚奏直省需餉甚鉅請飭山東山西等省協濟等語直隸地方本係缺額之區近年軍務頻興藩運兩庫羅掘罄盡現在大兵雲集除曾國藩統師北上糧臺仍歸江蘇辦理外其劉銘

傳陳國瑞姜玉順各軍餉均須由直籌給。本日復寄諭楊岳斌吳昌壽令將蔣凝學一軍飭赴直隸聽候調遣。兵數日增經費毫無所出。近年山東藩運兩庫收項較多。山西一省尚稱完善。奏措均易為力。著閻敬銘沈桂芬通盤籌畫。按月協濟直隸軍餉各三萬兩。趕緊妥解以濟要需。該撫等素顧大局。諒必能竭力籌撥共濟時艱也。將此由五百里各諭令知之。○又諭左宗棠徐宗幹奏官軍進逼

漳州大捷現籌辦理情形一摺。昨據李鴻章奏援閩蘇軍會合浙軍分路進逼。於四月二十一日克復漳州府城。此次左宗棠等所奏尚是漳州未克以前攻勦情形。諒已續有奏報在途。漳州之賊經官軍分路兜擊。朝廷早慮其乘間奔逃。別圖生計。李鴻章摺內有侍逆潛開西門而遁之語。是漳州雖經克復而渠魁仍未授首。必將與汪逆合謀計圖復逞。現在東南兩路局勢既尚穩固。東北一路亦

有劉明燈等聯絡扼守。而西面之漳浦雲霄詔安平和等城均為賊踞。該逆必思由北路竄走。已無疑義。粵省饒平大浦一帶雖有方耀等軍防守。尚恐兵力不敷分布。左宗棠等仍當分撥勁旅繞赴西路。會同粵軍迎頭攔擊。杜其竄越之路。永定一帶。有王開琳所部七千餘人。防守自尚周密。惟婁雲慶一軍業因索餉咆哮。旋經折回江西。是上杭武平一路未免空虛。著左宗棠酌量分兵聯絡。王開

琳一軍嚴密布置。毋令賊蹤偷越。總須將此股賊匪就地殲除。不得以驅賊出境為了事。仍一面飛咨廣東江西督撫嚴飭派出防軍實力遏截。毋稍鬆勁。將此由六百里各諭令知之。○又諭楊岳斌奏暫駐西安候旨遵行一摺。捻逆蔓延於濮范鄆鉅之交。時圖北竄。黃河北岸防守。雖經劉長佑等分路布置。而兵力尚單。不足以制衝突。楊岳斌如能親統全軍。迅赴直隸會剿。自足以迅殄賊氛。前因

甘省潰勇東犯已至鄂縣地方曾經諭令劉  
蓉妥籌剿辦並令聯捷暫駐西安會兵進擊  
現在此起潰勇是否剿滅抑已交械就撫甚  
深慮繫聯捷所帶之兵僅五百餘名且器械  
未齊難資禦敵陝省兵勇大半前赴階州省  
城兵力無多亦恐不敷截剿著楊岳斌酌量  
情形如潰勇未能遣散即留兵會剿盡力殄  
除以免顧此失彼之虞如陝省各軍足制潰  
勇死命即著親統全軍徑赴直隸會同劉長

佑合兵進剿保衛畿疆盡殲醜類該督所部  
勇丁即著隨時訓練以期得力將此由六百  
里諭令知之○以濫索供應革護送琉球國  
貢使委員福建參將富勒恆額職知府陳恩  
布知縣楊承恩下部議處○予福建漳州陣  
亡千總張得勝祭葬世職加等○戊申諭內  
閣華豐等奏遵旨會審降調職員供詞不符  
請飭查覈辦一摺降調翰林院編修蔡壽祺  
所供各節與劉蓉原奏該員在四川私刻關

防調勇招匪等情迥不相符自應確切查明  
以成信讞著崇實駱秉章按照劉蓉原奏及  
蔡壽祺供詞迅速詳查具奏所有蔡壽祺呈  
遞親供各件著刑部鈔錄咨行該將軍等據  
實查覆○又諭曾國藩等奏揀員請補徐海  
道淮揚道兩缺一摺據稱江南徐海河務兵  
備道一缺現當捻匪滋蔓一切防堵事宜均  
屬該道專責淮揚河務兵備道一缺裁撤之  
後復又新設事事創始非熟悉軍務河務之

員不克勝任請以遇缺題奏按察使張樹聲  
借補徐海道候補道吳世熊補授淮揚道等  
語著照所請張樹聲准其借補江南徐海河  
務兵備道員缺吳世熊准其補授淮揚河務  
兵備道員缺○諭軍機大臣等曾國藩奏遵  
赴山東剿賊並瀝陳萬難迅速情形一摺另  
片奏請另簡知兵大員督辦北路軍務等語  
前因僧格林沁在曹郡城西殉難北路馬步  
諸軍總統難得其人是以特簡曾國藩馳赴



山東一帶督師勦賊。茲據奏稱訓練軍士採買戰馬添造礮船勦辦不能迅速等語。統籌全局不亟亟爭旦夕之效。大臣謀國算無遺策。自應如是。惟賊勢方熾。近復搶渡運河擾及兗境。若徑由張秋一帶渡河而北。畿輔不免震驚。於大局殊有關係。僧格林沁舊部馬隊尚有千數。陳國瑞等步隊亦不下四五百人。現雖暫歸國瑞統帶。深恐調度不能得力。而直東軍情日緊。南望實切殷憂。曾國藩當仍遵前旨酌帶親兵迅速起程。以副委任。徐州扼南北之衝。濟甯州亦直東衝要之所。卽著該大臣擇要駐紮。以一事權。俾諸軍有所稟承。旗綠防兵亦不至散而無紀。方為妥善。至督辦軍務以規畫指揮為上。並不在乎身臨前敵。僧格林沁統兵追賊。日行七八十里。或百里不等。節經諭令該親王持重穩進。無如求效太速。視賊太輕。以致士馬俱困一敗不振。中外震駭。曾國藩謀定後動。朝廷並不

責令剋日奏功。但須權衡緩急。趕緊調派一支勁旅扼賊北竄。以固畿輔門戶。其一切應辦事宜。悉由該大臣隨時酌辦。直東豫三省文武官員如有不能得力。卽由該大臣隨時奏請更換。亦斷不可稍存拘泥之心。至山東本省並無得力之軍足資控制。節經諭令劉銘傳統赴濟甯汶上以北遏截賊蹤。現在賊已搶渡運河。張秋一帶尤關緊要。著曾國藩速飭劉銘傳統率所部由魚臺滕縣星速前進。力固北路之防。毋再延緩。至黃運兩河疊經責成劉長佑閻敬銘等嚴密防範。第河道紆長。該兩省兵力不敷堵剿。曾國藩仍當隨時咨行該督撫等妥籌策應。該大臣籌兵籌餉數載以來。勤勞備至。現值事機孔亟。正臣子竭忠報效之時。諒不忍以精力稍衰遽辭鉅任。至所稱勦辦未能迅速。不免物議紛騰。交章責備等語。所奏未免過慮。朝廷用人具有灼見。且理之是非自有公論。豈局外無端

之毀譽所能搖惑耶。將此由六百里加緊諭令知之。○又諭前因髮捻各逆竄入東省。恐各處土匪乘機竊發。曾經密諭盛京熱河等處派兵巡緝。近聞盛京吉林所屬地方騎馬賊匪動輒聚集數百人肆行擄掠。燒殺村民。並於各城附近地方行劫當鋪。官兵往往緝賊失利等事。是該管文武不能實力緝拏。已可概見。該將軍等何以並不上聞。當此盤查喫緊之際。仍敢狃於積習。縱寇養癰。儻致蔓延。其能當此重咎耶。卽著該將軍府尹等據實覆奏。一面速派得力弁兵協力兜剿。務將此股馬賊悉數擒斬。毋得此拏彼竄。任其奔逸為害。所轄境內稽查奸宄情事。仍懍遵前次諭旨不動聲色。嚴密巡防。毋稍疏懈。吉林地方現在捕緝馬賊。查拏土匪。挑選馬隊。均關緊要。所有喀爾喀分界事宜。卓保著毋庸前往。俟特克慎抵任後。卽著該署副都統前往辦理。將此由五百里各諭令知之。○又諭

聯捷奏請赴直豫分防黃河並繪具圖說呈覽一摺。聯捷所帶馬隊係專派援剿西路之師。刻下甘省待援孔亟。陶茂林營內潰勇已竄近陝西省垣。曾否勒辦肅清。抑令其交械就撫。著聯捷懍遵疊次諭旨。與楊岳斌會籌妥辦。一俟將潰勇辦竣。仍帶所部西行。與成祿等會師進援肅甘。疏通關路。次第廓清。西郵以副委任。毋庸赴直東防。河轉致徒勞遠涉。緩不濟急。楊岳斌仍遵前旨將近省潰勇與劉蓉等會籌辦理。如陝省諸軍足資鈐制。該督卽統所部取道河南徑赴直隸。與劉長佑等會籌布置保衛畿疆。將此由五百里各諭令知之。○又諭傳諭浙江提督鮑超。鮑超奏籌備西征。並到籍日期一摺。所稱招練新軍採買戰馬各事宜。非鉅餉不能集事。非數月不能成軍。前因霆營潰勇竄至江西銅鼓營一帶。疊經諭令該提督前赴江西分別招集遣散。著仍遵前旨毋庸西進。迅速由湖北

至江西探聽潰勇擾及何處。卽向何路速籌妥辦。此起潰勇就平後。仍卽統領婁雲慶所部霆營入閩會剿。該提督惟當懍遵。厯次寄諭迅速赴江。毋稍遲緩。干咎。○以署正白旗蒙古副都統特克慎署吉林副都統。散秩大臣吉和署正白旗蒙古副都統。黑龍江總管散都克多爾濟署甯古塔副都統。○己酉。諭內閣吏部等衙門。奏遵旨嚴議督勦不力各大員處分一摺。上年逆匪竄擾湖北湖廣總督官文以欽差大臣出省督軍兵力甚厚。乃日久毫無成效。任令該逆竄回東豫等省。前任河南巡撫張之萬身任封圻。吏部左侍郎毛昶熙督辦團練。於髮捻竄擾本境。徒恃有僧格林沁追逐之師。未能督率兵團協力截殺。以致賊匪乘虛遠竄。貽害鄰疆。均屬咎無可辭。本應均照部議各降三級調用。不准抵銷。惟念該督撫等於境內賊匪遠竄他省。係因該逆馬隊飄忽致疏防範。尚非有心貽誤。

官文著加恩改為革職留任。拔去雙眼花翎。撤銷太子太保銜以示薄懲。張之萬著降為三品頂帶。仍帶革職留任。處分暫留河東河道總督署任。毛昶熙著加恩改為革職留任。○諭軍機大臣等。李鴻章奏遵派兵將航海赴津。閻敬銘奏賊撲濟甯。籌辦省防。河防滋陽等境均有賊蹤。現擬籌添礮船各摺。片。李鴻章恐賊北趨震驚畿輔。派常鎮道潘鼎新帶所部淮勇十營由海道赴天津。實能視國如家。顧全大局。深堪嘉尚。該道卽日雇坐輪船赴津入境。必速著劉長佑先派大員在津迎護。預備剝船往大沽接運。再酌雇船隻車輛由天津陸續裝運南下。其開花礮隊酌挑輕利者帶赴行營。其笨重者卽留鎮津郡。軍情旦夕變遷。屆時何路緊要卽派赴何路防剿。均由劉長佑與該道酌商辦理。穩慎防剿。其在直隸時歸劉長佑調遣。俟曾國藩到東境卽歸曾國藩調遣。每月餉項著直隸山東

督撫按月各撥銀一萬五千兩。必須如數解濟。毋令缺乏。所有軍火一切要需。仍著李鴻章督令丁日昌隨時籌撥應用。滬關應解夏季京餉五萬兩。著准其作為該軍北援餉需。嗣後仍籌解十萬兩。以符本年戶部原派之數。賊匪竄撲濟甯。著國瑞、閻敬銘、繆遵十三日寄諭。妥籌防剿之策。並著迅催劉銘傳一軍及張樹聲等軍。由汶上、滋陽一帶節節進剿。該逆現自滋陽西境甯陽南境直至嘉祥。

徧滿運河東西兩岸。分作兩路。必有狡謀。閻敬銘身任封圻。平時毫無準備。任聽賊匪來往自如。實屬大員委任。著即督飭地方文武聯絡團練。認真防守。遊擊周森藻令其督帶礮船梭織巡防。並飭黃河北岸州縣添勇防守。省城防禦事宜。仍須嚴密布置。毋稍疏懈。國瑞收集各軍。前據奏稱已有馬步數千。究竟為數若干。能否得力。著與丁寶楨所部嚴守濟甯力。扼運河東岸。不得任賊偷渡。自干

重咎。官文、劉長佑、吳昌壽、吳棠、喬松年均當就派出兵勇固守本境。直隸既調有重兵。該逆不得逞志於直東。必圖肆竄。官文、吳昌壽、吳棠、喬松年。惟當於各該本境層層設伏。出奇截擊。以期聚殲。毋任他竄。如由何路竄突。定將何省督撫從重治罪。決不寬貸。劉銘傳、張樹聲、詹啟綸等軍。現抵何處。何以尚未到東。著曾國藩、吳棠、喬松年就近飛催。如有心延誤。即行從重參辦。昨據曾國藩奏接奉寄

諭。部署入東。擬於月內起程。先赴徐州。以徐州為老營。並赴濟甯察看。帶親兵三千人。並劉松山等軍。仍另募徐州之勇。添練馬隊。直隸山東河南三省。均須造船。分列河干。擬撥礮三百尊。分濟三省解至濟甯。由三省派船前來迎接等語。江南之船與黃河水性不合。亟宜斟酌船式。採辦木料。招募水勇。以成勁旅。著劉長佑、閻敬銘、吳昌壽妥為籌畫趕緊籌辦。並派撥船隻赴濟迎解。運到礮位分別

安放。惟此時運河東西兩岸多係賊氛。曾國藩於此項職位解東時。須派兵護送。探明道路。毋借寇兵而資賊用。此時東省情形日亟。蔓延愈廣。該大臣一日未到。諸將無所稟承。勢如亂絲。毫無頭緒。仍須趕緊布置起程。先駐徐郡。以劉銘傳、周盛波等軍為前敵。並迅派得力大員分道籌辦。以牽賊勢而固軍心。至未盡事宜。到徐仍可次第籌辦。該大臣定能領會此意。紓朝廷宵旰之憂也。正在寄諭間。據劉長佑奏。賊匪由汶上縣屬之袁路口徑渡運河。自己至西。始竣濟甯有兵扼截。自難飛越。誠恐折向東阿、東平等處。則自張秋、黃水穿運迤東。李連橋、魚山、滑等處較為喫重。東省毫無準備。處處可渡。且賊計多端。難保不佯作東行。復折西竄。劉長佑擬將派防開濮一帶兵勇抽調二三千名分赴東阿、齊河。協同東軍一體嚴防。實屬不分畛域。著國瑞、閻敬銘迅即籌派兵勇飛催南軍入境。與

直隸所派之兵合力防剿。不得專待客兵置身事外。另片奏逆竄張秋以東之北岸河防尤關緊要。該督已令劉祺營勇暨天津海口兩營官兵由景州赴荏平、齊河一帶。飭臬司李鶴年等會同副將崔福泰等所部標兵赴景。令楊毓枬率武安軍由范縣赴張秋。與張得祿等勦堵。所籌均妥。該督即赴景州與崇厚會商。如齊河等處軍情喫緊。崇厚即仍遵前旨帶洋槍隊赴齊河一帶以資控扼。大名防務劉長佑責成該鎮道等妥為辦理。不可稍涉大意。又片奏鄭魁士不能得力等語。鄭魁士著毋庸調赴軍營。前調之宣化鎮總兵張詩日、總兵余承恩著曾國藩、沈桂芬飭令該員等趕赴劉長佑軍營聽候調遣。將此由六百里加緊各諭令知之。○又諭李鴻章奏閩賊李汪兩逆人數眾多。現分竄粵東邊界。並有另股由福建永定上杭回竄江西之謠。難保不勾結霆營潰勇乘虛內犯。江楚邊界

須有重兵堵剿。若稍涉大意。該逆或由廣昌廣信一帶舊路竄入皖南。則蘇浙餉源重地防不勝防等語。前據李鴻章馳奏閩省官軍已將漳州克復。其漳浦南靖平和雲霄各城該逆亦斷難久踞。勢必西竄江境。希圖苟延。且霆營潰勇亦有赴閩投奔髮逆之說。現尚在銅鼓營一帶盤旋。會昌縣駐紮之婁雲慶一軍前亦因索餉思潰。雖經孫長紱籌解銀米勉強附循。此軍究未可深恃。現在江省防務最關緊要。左宗棠洞悉賊情。素顧大局。著卽迅撥得力勁兵繞出江西邊界合力兜圍。務將李汪逆股就地殲除。毋令闖入鄰疆。致滋延蔓。李鴻章派援閩省之郭松林楊鼎勳兩軍並著左宗棠飭赴江西湖南邊境以備迎剿而固腹地門戶。李瀚章所調之趙煥聯等計已到防。卽著嚴飭該員會同江軍將銅鼓營一帶叛勇殄除淨盡。仍隨時確探閩賊消息嚴密防範以備不虞。孫長紱亦卽督飭

諸軍迅將霆營叛勇剋日剿除廓清腹地。仍選派勁旅協同左宗棠派出之軍併力嚴防閩賊西竄。毋稍遲誤。將此由六百里諭知左宗棠李瀚章並傳諭孫長紱知之。○又諭駱秉章奏官軍越剿黔匪疊獲勝仗一摺。黔匪偽朱王聚眾二萬餘人盤踞正安州城。總兵李家福等督率所部進攻殲賊甚夥。立將安順場老鷹關攻克。遵義府城被圍甚急。仁懷桐梓綏陽正安等州縣偏地皆賊。亟應實力進剿以靖寇氛。劉嶽昭現在已抵松林。著駱秉章督同該藩司會同李家福等乘勝進攻。將正安州城迅圖克復。節節進逼。掃蕩而前。力解遵義之圍。以期次第廓清疆圉。黔省匪勢甚張。若僅恃州軍越境剿辦。此挈彼竄。尚不足以制其奔突。著李瀚章抽撥勁旅由銅仁松桃一帶進兵。與川省所派之軍分途進剿。則賊勢為我牽制。剿辦較易得手。勞崇光張亮基當就黔省現有兵力會同湘蜀官軍

協力勦洗殄除逆氣。毋得專待客兵。輒以兵餉兩絀為詞。致誤戎機。自干咎戾。將此由六百里各諭令知之。○又諭扎克當阿等奏。古城危急。旋探聞滿城被陷。暨南北兩路防務緊急。持叅救援不力。各員伊勒屯奏。古城被陷。奇台勢孤。各摺片。古城失守。奇台危急。前據文麟等奏到情形。大略相同。當經諭令都興阿等。派撥德祥、鶴齡等軍出關援勦。旋據報德祥之軍已抵哈密。本日扎克當阿等摺報內稱。恩麟改委參將成桂護理肅州鎮。德祥因等候交卸。未即起程。改派署遊擊尤光組帶兵出關。是否係發報日期在德祥未到以前。德祥及尤光組所帶援師現在曾否行抵哈密。著扎克當阿、伯錫爾飛速迎提。並著恩麟懍遵前旨。迅速赴援。毋稍遲緩。鶴齡一軍久已行抵秦州。前經諭令成祿督同該總兵所部。取道安定進勦肅甘踞匪。即乘勝規復嘉峪關。相機出關督勦。著都興、阿穆圖善

迅即飛咨成祿嚴飭鶴齡一軍設法赴援。成祿亦即統帶所部相繼前進。妥籌援勦。現在哈密、巴里坤兩城防務均形喫緊。著扎克當阿、伯錫爾、伊勒屯等各就存城兵勇。慎密防範。以待援軍。並檄飭文麟激勵兵團固守奇台。待援毋稍疏懈。該二城需餉甚急。前次運存科布多餉銀八萬兩。現經扎克當阿等會派員弁赴科迎提。著廣鳳奎昌即將此項餉銀提交該二城派來員弁。仍添弁兵沿途護解前赴哈密。一俟解到。即由扎克當阿等酌覈分撥以濟軍餉。奇台兵力單薄。並著廣鳳奎昌於科屬蒙古官兵內酌撥勁旅往援。其新疆南北各城現在情形。並著廣鳳扎克當阿等設法偵探。迅速馳奏。都興、阿穆圖善仍遵前旨。迅拔甯夏。即統帶重兵出關勦賊。並著恩麟將所需糧餉迅速寬為籌撥。以利軍行。其赴援古城不力遽行折回哈密之章京達薩杭阿著即行革職。至帶勇由奇台折回



之把總趙英傑及被擄之回目蘇皮蓋等並著扎克當阿等查明分別懲辦。將此由六百里諭知都興阿、穆圖善、廣鳳奎、昌扎克當阿、伯錫爾、伊勒屯並傳諭恩麟知之。○以翰林院侍讀學士王祖培充日講起居注官。侍講徐桐、右春坊右贊善翁同龢、署日講起居注官。○以正紅旗蒙古都統奕山署正紅旗漢軍都統。○撥吉林虎槍桿三千根解赴神機營備用。○蠲緩廣西容岑溪武宣貴橫永淳新甯賓歸順桂平宣化隆安崇善左養利永康甯明來賓遷江上林西隆天保蒼梧藤平南柳城象武緣凌雲西林北流興業三十二州縣暨太平安平二土州被擾地方上年額賦有差。○豁免哈密被擾屯田應徵糧石地課。○庚戌。

上復詣

大高殿祈雨壇行禮。○遣惇親王奕誼詣時應宮恭親王奕訢詣。

昭顯廟鍾郡王奕詒詣

宣仁廟孚郡王奕譞詣

凝和廟鄭親王承志詣

覺生寺豫親王義道詣

黑龍潭貝勒載治詣密雲縣

白龍潭拈香。○諭內閣御史汪朝榮奏請嚴禁外省人員混入五城團防希圖保舉一摺。五城設立團防局。向係各該城御史遴選籍隸順天之公正紳富及寄籍鋪戶人等充當局董。會同司坊各官緝拏盜賊。藉以保衛地面。若如該御史所奏。竟有籍隸外省之六部司員紛紛冒充順天籍貫蒙混入局。為將來保舉地步。實屬拋荒本務。居心卑鄙。著五城御史查明實係籍隸順天之紳富及寄籍鋪戶人等准其在局辦公外。其籍隸外省之京外大小各官如有冒充順天籍貫蒙混入局鑽謀保舉者。卽著指名奏參。儻該城御史及紳董等通同容隱。別經發覺。卽將該城御史



及紳董人等交部議處。並著各部堂官嚴飭該司員等嗣後各宜專心部務。如再混入團防局。卽照官員冒籍律懲辦。以肅官方而杜幸進。○又諭御史汪朝榮奏請將朱孫詒發往山東襄辦守禦事宜等語。朱孫詒前在湖南湘鄉縣任內辦理團練著有微勞。曾經疊加擢用。將該員升至浙江鹽運使。嗣因該員告病開缺。惟恐不能盡其展布。復經降旨發往多隆阿軍營差委。多隆阿身受重傷後奏請令該員赴部引見。該員久隸駱秉章屬下。朝廷因欲重用其人。特諭駱秉章將朱孫詒才具操守悉心評論以備簡用。嗣據駱秉章奏稱該員在湖南長沙等縣及寶慶府任內頗著賢聲。自升道員後性近乖張。議論每多謬妄。輕信善疑。前後判若兩人。可小知不可大受等語。朝廷用人務在覈實。若僅採擇虛聲易滋流弊。朱孫詒既經駱秉章奏稱有乖張謬妄請事。是其前後改轍已可概見。卽發

往軍營亦無裨益。汪朝榮所請將該員發交閩敬銘差委之處著毋庸議。○諭軍機大臣等。浙江省城貢院聞業經藩司蔣益澧捐廉創修。各屬官紳踴躍捐助。工程已完者十之七八。至五六月中可以告成。浙省鄉試自己未科後迄今已歷三科均未補行。今秋鄉試是否可以舉行。著馬新貽體察地方情形。如果閩省賊氛已遠。浙省邊防安堵。應否酌量舉行鄉試之處。卽著迅速奏聞。將此諭令知之。尋奏現在邊防安堵。請於本年八月補行辛酉壬戌兩科鄉試。其甲子一科展至丁卯科併辦。下部知之。○以江西捐輸軍餉永廣瑞州府學額四名。零都縣十名。永新縣八名。奉新縣三名。○以江西軍營捐輸欠餉永廣湖南江華縣學額四名。○以浙江金華等處剿匪出力復千總龍佐光職。以都司用。並賞花翎。○予甘肅甯夏殉難防禦塔爾哈春祭葬世職。○辛亥。諭軍機大臣等。崇厚奏調兵

馳赴荏平協防河岸並請派員辦理沿河民團神機營奏派兵前往河間駐防各摺片。前因吳昌壽奏請飭令崇厚進紮齊河。諭令該侍郎酌量辦理。茲據奏稱荏平一帶是東平東阿後路。自張秋以下大河北岸最為緊要。現在劄調駐景之天津大沽兩標兵及副將劉祺所募勇丁一營共一千五百名。派員帶赴荏平一帶駐紮。歸陳濟清統帶其洋槍隊一千五百名仍紮景州。與前敵遙為聲援等

語。昨據劉長佑奏逆匪渡運東竄。飛催劉祺營勇暨天津海口兩營官兵由景州拔隊赴荏平齊河一帶分駐協防。此次崇厚擬派兵勇當卽係劉長佑前奏劄調之兵。統俟崇厚與劉長佑晤面時相機布置妥籌調派。賊既渡運東竄。難保不直撲省垣。齊河不獨與濟南府城安危相繫。且路通景德尤為畿南屏翰。該處係大清河北岸扼要之區。非有重兵駐守不能扼賊北渡。劉長佑雖已派兵分防

齊河。仍恐兵力單薄。閻敬銘責無旁貸。自當籌添兵勇與直隸所派各營力扼要區以固畿疆門戶。不得置身事外致誤事機。荏平一帶該撫亦應添兵協力布置以扼要衝。周森藻等所部礮船數十隻並著飭令該員梭織巡查。毋得片刻鬆懈。東省兵力單薄。若厚集民團聯絡聲勢。自可輔兵力之不足。衛榮光前在侍講學士任內曾有聯絡鄉團防河緝匪之奏。是其於辦理團練尚有所見。著閻敬

銘卽飭衛榮光馳赴東昌荏平扼要處所督率各該地方官勸辦民團。與兵勇協力巡防妥為策應。知州張應翔既據崇厚稱其於辦團訓練尚為諳習。並著閻敬銘飭令該員辦理沿河一帶團防以期得力。畿南地面遼闊必須勁兵駐紮彈壓。現經神機營撥派官兵二千名交蔣臨照長春管帶赴河間一帶駐紮。歸崇厚節制。並可為該侍郎後路聲援。蔣臨照等均係曾經行陣之員。此項官兵駐紮

處所與崇厚相近。到防時著崇厚責令該員等將撥派之兵實力教練以備緩急。惟兵數僅止二千。如遇事機緊急必須調撥。亦須令全隊前進。不宜分撥太單致不得力。仍應一面飛速具奏。再由神機營另撥精兵前往駐紮。又據御史汪朝榮奏沿海水師營務廢弛。請飭提鎮等官勤加操演等語。沿海水師辦理海防至為緊要。若如該御史所奏種種廢弛弊竇叢生。若不嚴加整頓。何以肅營制而重海疆。著閻敬銘嚴飭水師員弁認真訓練。力除萎靡惡習。毋得視為具文。原摺著鈔給閱看。將此由六百里各諭令知之。○以廣東羅定等處殲擒巨匪。予提督馮子材總兵官關松志優敘。陣亡守備楊昌雲祭葬世職加等。○以督團守城民情愛戴。追予故直隸正定縣知縣周灝建立專祠。○壬子。諭內閣左宗棠等奏官軍攻克漳州南靖兩城一摺。福建漳州踞逆經官軍擊退後。仍分路築壘抗

拒。四月二十一日。高連陞等軍整頓進攻烏頭門。將賊壘十四座次第攻拔。殺賊萬餘名。生擒三四千名。乘勝追至東關槍礮環攻。賊壘十餘座同時被焚。該逆棄壘望城逃竄。高連陞等率各營躡蹤追剿。奪門殺入。曾玉明勇隊亦將石亭城卡攻破。殺入南門。侍逆李侍賢糾黨拌死格鬪。各軍巷戰逾時。斃賊數千。該逆遂向西門逃竄。當將漳州府城克復。王德榜督軍追剿至南靖縣城五里地方。該逆正與劉典一軍接仗。王德榜麾隊猛進。逆勢不支。奪路紛竄。劉典從東北門。王德榜從南門分路殺入。遂於二十二日將南靖縣城克復。餘賊分數路潰逃。各軍乘勢躡剿。斃賊無算。勦辦甚為奮勉。著左宗棠李鴻章等督飭諸軍盡力挖剿。殲擒巨逆以靖地方。○又諭徐宗幹奏丁憂撫臣請在籍終制據情代奏一摺。前任江西巡撫沈葆楨在江省數年士民愛戴。吏治軍務均能整飭。前因丁母憂

回籍。諭令該撫於百日後馳赴署任視事。茲由徐宗幹代為陳奏。懇請終制養親。情詞懇摯。覽奏惻然。不得不勉如所請。沈葆楨著准其在籍終制。以遂孝思。○諭軍機大臣等。曾國藩奏現在籌辦情形。請收回成命一摺。曾瑞奏劉銘傳軍抵濟甯。賊勢南趨。各摺片。曾國藩懇辭節制三省之命。具見謙抑。為懷不自滿假。惟東豫之軍。自僧格林沁戰歿後。軍無統轄。號令不一。最為兵家大忌。該大臣更事既多。成效夙著。若非節制直東豫三省。恐呼應未能靈通。毋再固辭。著俟李鴻章到江甯省城。趕緊督兵北上。籌辦一切。至所稱駐紮徐州。專辦十二府州捻匪。直隸獨處河北。應責成該督。另籌防兵。不可調南岸之師往來渡黃。河南山東兩省除歸陳克沂曹濟外。其餘各屬。應責成兩省巡撫。另籌防兵。不可使勒掇之師追逐千里。永無歸宿等語。著劉長佑閻敬銘吳昌壽。即照該大臣所籌。將應

行防守事宜。認真布置。妥為經畫。不得恃有曾國藩一軍。遂各置身事外。儻何路稍有疏虞。定惟各該省督撫是問。劉銘傳一軍已到濟甯。著該提督即往長溝東北至安居一帶紮營。國瑞丁寶楨所部。當與之互相聯絡。先遏賊竄運河之路。仍伺隙進擊。務在必勝。方足以寒賊膽。而伐狡謀。詹啟綸宋慶現在何處。何以尚無到曹州之信。著國瑞嚴催該總兵等。伺賊不備。於中路邀截。儻任意遷延畏葸不進。即著從嚴叅辦。賊因北路防守甚嚴。日漸南趨。金鄉嘉祥二縣及羊山等處。已有賊蹤。又有髮捻南趨沛縣。圖困豐縣。著曾國藩吳棠督飭周盛波張樹聲等軍。實力截剿。清淮後路。如兵力尚單。即著曾國藩李鴻章續行調派。以資厚集。此賊自南而北。絲互數百里。若得大支勁旅於中截斷。使之首尾不能相顧。較易破滅。著曾國藩等妥商調派。英翰之軍能否赴徐會剿。著喬松年酌量調令。

前進。曾國藩須俟李鴻章到江甯後面為交代。方能起程。著李鴻章迅即交卸撫篆。馳赴江甯接印視事。以便該大臣督兵赴徐。潘鼎新、淮勇並著催令由輪船赴天津。專顧河北一路。本日因甘省情形日亟。軍無統率。已令楊岳斌仍行赴甘。其蔣凝學一軍令折回河南。以防賊匪趨豫之路。著吳昌壽即將蔣凝學一軍調歸豫省妥為布置。姜玉順所部九營著官文趕緊派令赴豫歸吳昌壽調遣。不准再有遷延。豫省將此兩軍可以扼要設防。遇賊即擊。毋令闖入腹地。崇厚現在景州督帶槍隊。即著就現有兵力穩慎籌防。力顧畿輔門戶。仍隨時與劉長佑函商策應。毋稍大意。曾國藩另片奏請將李鶴章開缺辦理行營營務等語。李鶴章著准其開甘涼道缺。留於曾國藩軍營辦理營務。郎中李照慶著准其留營訓練徐州新勇。並著李鶴章飭令該員即赴曾國藩軍營聽候調遣。昨據賀壽慈

奏楚豫兩省寇患方殷。請令兩省督撫豫籌勦賊。並請責成蘇廷魁、唐際盛。襄理軍務等語。蘇廷魁、唐際盛於軍務曾否諳習。著官文、吳昌壽酌量委任以資臂助。原摺著鈔給官文、吳昌壽閱看。又片奏請令顧嘉衡兼辦南汝光一帶民團等語。顧嘉衡五守南陽。素得民心。著吳昌壽責成該員將南汝光一帶團練認真籌辦以固楚豫邊防。原片著鈔給吳昌壽閱看。又據御史王朝榮奏沿海水師營務廢弛。請飭提鎮等官勤加操練。著曾國藩、劉長佑、李鴻章嚴飭海疆水師員弁加意整頓。不得視為具文。原片著鈔給曾國藩等閱看。陳國瑞著仍遵前旨迅赴直隸歸。劉長佑調遣。昨據汪朝榮奏知縣邵承紀在陳國瑞軍營帶隊打仗屢著戰功。於山東全省地勢捻蹤出沒之區瞭如指掌。請交閻敬銘差委邵承紀是否在軍營出力。著陳國瑞即令該員前赴閻敬銘軍營聽候調遣。正在寄諭間。

據吳崇奏賊由曹境南竄徐西之豐沛地方。現調周盛波張樹珊等軍協力禦賊。與寄諭辦法適相脗合。著卽督令在防各將弁及地方文武先行固守乘勢兜擊。周盛波軍卽令在徐駐紮無庸北來。徐州接仗情形著吳崇迅速續報以慰馳繫。此賊已大股南竄。曹濟等處有無餘匪著國瑞閻敬銘查明具奏。並著督軍勦洗將土匪嚴行挖捕以靖奸宄而防勾結。龔文林礪勇到直著劉長佑妥為布置。賊眾或分或合倏南倏北往往以此等詭計懈我軍心。未可因其一意南趨疏防貽誤。將此由六百里諭知官文曾國藩國瑞劉長佑吳崇崇厚李鴻章喬松年閻敬銘吳昌壽並傳諭劉銘傳陳國瑞知之。○又諭前因髮捻竄擾山東曹州一帶諭令京師東北一帶各將軍都統於所轄境內巡緝奸宄以靖亂萌。茲據阿克敦布廉至奏察哈爾口外各旗羣地方業派兵弁嚴密巡邏。惟口內上下兩

堡各地方係萬全縣屬歸直隸管轄。請飭認真稽查聯為一氣等語。直隸萬全縣屬地居邊要。良莠不齊最易藏奸。著劉長佑飭令該管道府及該縣地方官於張家口上下兩堡一帶編查保甲嚴緝盜匪務與口外官兵聯絡聲勢妥為防範。該處距直隸省垣寫遠有鞭長莫及之勢。如有應行與口外地方籌備聯絡之處並著阿克敦布廉至卽行飭知以期便捷。儻該管道府及地方各官於所屬緝捕一切事宜並不實心辦理卽著阿克敦布等指名參奏。將此各諭令知之。○又諭前據李鴻章奏蘇軍會克漳州府城本日據左宗棠等奏官軍收復漳州南靖府縣兩城及攻克苦竹等賊壘並陳閩省腹地未清未能先顧鄰省各摺片。逆賊竄踞漳州閩省全局震動。經左宗棠調派主客各軍和衷共濟疊拔堅城實屬調度有方。深堪嘉尚。侍逆由南靖鼠竄已否成擒仍著左宗棠查明具奏。漳州

南靖克復。該逆分路逃逸。必將圖竄粵東。現在蘇軍由漳州進攻漳浦。以達雲霄。詔安與粵東黃岡等軍聯絡。浙軍分由南靖漳州追賊。以向平和與粵東饒平守軍聯絡。自不難乘此聲威。埽蕩而進。左宗棠現赴漳城。著卽督飭諸軍乘勝兜剿。如侍逆業經鋌走。務當盡力追躡。一鼓殄除。其王開琳康國器各軍。扼永定之撫溪湖雷上杭一帶。並著飭令將大浦等處之賊嚴密截剿。其汪侍兩逆合併之路。此時閩省腹地漸清。左宗棠素能不分畛域。必能與粵東官軍共謀夾擊。不至貽患鄰封也。廣東方耀李福泰等軍均已調回本境。此時賊勢西竄潮州。大浦之防極為緊要。瑞麟郭嵩燾務飭防邊諸軍嚴陣以待。賊蹤竄及卽與閩省官軍聯絡截剿。毋得任令闖入滋蔓。致干重咎。賊不得逞志於粵。恐尋熟路復趨江西。王文瑞等軍分扼永定上杭諒能固守江西藩籬。仍著孫長紱將毗連閩粵

邊界層層布置。毋稍疏虞。左宗棠仍懍遵十五日寄諭。揀派勁兵。繞出江西邊境。合力兜圍。以免旁竄。其郭松林楊鼎勳兩軍前據李鴻章奏。請飭令駐紮江西湖南邊境。以備迎剿。而固腹地門戶。現在該軍進趨漳浦雲霄一路。能否調赴江楚邊境。或另派一軍前往。顧全腹地之處。著左宗棠就近斟酌妥為調派。前據御史王朝榮奏沿海水師營務廢弛。請飭提鎮各官勤加操練等語。著瑞麟左宗棠等督飭該省提鎮力除積弊。毋得視為具文。如有衰弱庸劣之鎮將各員。卽著嚴參罷斥。以重海防。原片著鈔給閱看。將此由六百里諭知瑞麟左宗棠徐宗幹郭嵩燾並傳諭孫長紱知之。○又諭楊岳斌等奏剿撫潰勇分別正法留遣一摺。陶茂林所部勇丁潰逃入陝沿途搶掠。經劉蓉派副將彭體道等馳往曉諭馬隊頭目張起德蘇興隆經反復開導尚知悔悟。而步隊頭目高選青卽高汶義



桀驁不馴沿途蹂躪鄉村攻撲村寨。劉蓉會商楊岳斌德興阿調派馬步兵隊分投攔擊。張起德反戈相向。賊遁入堡。蘇興隆縛出首犯高選青。逆勇多就殲除。其餘呈繳馬匹器械給賞分起遣散。辦理尚為妥速。高選青即高汶義業經劉蓉等訊明正法梟示。張起德首先就撫。隨同勦捕。蘇興隆縛獻首逆。尚知愧奮。均著從寬免議。至竄赴甘肅兩當境內及百花川潰勇均已分別繳械就撫。而通渭等處尚有另股潰勇南趨徽縣小道。竄向略陽。復被前途攔阻折回。又有後起潰勇一千餘名陸續入陝。前隊已過鳳翔。著劉蓉即督飭劉督等分投勦辦。毋任紛竄。其有欲由棧道入川者。並著駱秉章飭屬一體防範。毋稍大意。前因直東軍情喫緊。諭令楊岳斌勦辦此起潰勇。後在西安候旨。現在賊勢東趨。劉長佑崇厚已派兵至山東界上防勦。李鴻章又派潘鼎新帶淮勇十營坐輪船北來。兵力

漸厚。甘肅軍情緊急。都興阿在甯夏久未得手。恩麟一籌莫展。連失嘉峪關肅州。而甘州又復告急。省城有坐困之勢。楊岳斌若不趕緊西行。恐局勢日非。將來愈難著手。著於接奉此旨後。剋日整隊赴甘肅省城接印任事。都興阿穆圖善等軍俟楊岳斌抵甘後即可酌量令其出關。是楊岳斌止須駐紮甘省督辦軍務。無庸出關。而於關外軍務亦有裨益。務將軍營惡習地方積弊認真挽回補救。煥然一新。並將交查事件秉公辦理。以副委任。劉蓉另片奏請令成大吉到直東一帶扼紮。該提督現在湖北辦理金口潰勇一事。尚未十分完結。且楚北空虛。恐將來餘賊再行回竄。亦不可不留兵布置。所請著毋庸議。本日據國瑞奏賊之前隊回竄豐沛等語。將凝學一軍由河南赴陝行尚未遠。著楊岳斌迅飭該道仍折回河南偵探賊蹤所向迎頭截擊。一俟直東等處髮捻肅清。此軍仍即飭赴甘



肅歸楊岳斌調遣。階州賊勢已威。何以至今尚未克復。本日劉蓉報內亦未奏及。著駱秉章劉蓉催令各軍設法攻拔。毋令日久生懈。致賊匪又行竄逸。將此由六百里各諭令知之。○又諭劉蓉奏訊明陶營弁勇潰散緣由。請派員查辦及密陳甘省積弊亟須整頓各一摺。陶茂林所部勇丁潰逃入陝。經楊岳斌等調派兵勇迎剿。將勇目高選青等拏獲。訊其潰散緣由。僉供由於陶茂林貪淫刻薄短缺勇額。縱擄民糧。捏報戰事各情所致。雖係一面之詞。惟劉蓉前已訪聞該提督前在鳳翔收納回女。所部將領紛紛效尤。其所設營官多派兄弟親屬充當。以專其利。勇數實不足額。又於製造旗幟號衣各項均將各勇月餉銀兩扣除。是高選青等所供各情必非無因。著楊岳斌於行抵甘省時將劉蓉所奏陶茂林貪污不法各重情逐一密查。據實參辦。毋稍徇隱。至甘省吏治軍務日久總無起色。

據劉蓉奏稱其弊實由於地方大吏督兵大員冒功冒餉。借軍功以納賄。藉軍功以肆虐等語。所奏不為無見。並著楊岳斌破除情面認真整頓挽救。務將從前積弊盡力肅除。如該省官吏仍敢故態復萌。不知振作。楊岳斌卽當隨時嚴參懲辦。不准稍事姑容。致負委任。雷正綰勇略素著。如果吸食鴉片。誠恐貽誤事機。著楊岳斌密查具奏。劉蓉摺二件均著鈔給閱看。將此由六百里密諭知之。○又諭恩麟奏查明肅州失事大概情形添兵馳剿及甯靈回逆屢撲中衛節次堵擊獲勝各一摺。甘省肅州逆回勾結獵戶占踞嘉峪關後。糾眾攻撲州城。知州陳墉出城彈壓。被匪拘執。該逆潛入東關。復勾結城內回弁馮添才劈開東門一擁進城。護總兵成桂拒戰受傷落濠。經民勇救護在南鄉民莊調治。是否聞警先逃。捏詞具報。暨戰拒跌落城外之署吏目劉秀挹有無捏飾具稟情事。均著恩麟

確切查明據實參辦。署安肅道恆齡是否被戕。暨各武職員弁下落著一併查明具奏。至署肅州知州陳墉被匪拘執。輒用安肅道關防印發稟函。捏稱肅州現已安靜。無庸調兵進剿。並偪令各鄉漢民降賊。抗拒官兵。甘心從逆。實為法所不容。抑係該逆假冒地方官銜名。思逞狡謀。著恩麟一併確查覈辦。肅州回氣甚熾。恩麟所派黎獻等軍。由甘州節次接剿前進。並抽調提屬官兵及張掖民團協助。卽著檄飭該道等聯絡進攻。並飭成桂會同劉秀挹激勵鄉團併力殲剿。以期克拔堅城。毋任逆匪久踞靈州。竄匪疊撲中衛縣城及廣武棗園等處。甯郡踞匪因被剿窮。感亦糾眾力爭中衛一路。冀圖西竄。甘涼雖經官軍節次堵擊敗走。惟梁生嶽所部數止一千五百餘名。合之都興阿所派王贊襄練勇亦僅四千餘人。兵力較形單薄。如該匪大股西趨。勢難抵禦。雷正綰一軍已由鹽茶北進。著

卽酌度軍情。抽拔數營。徑赴中衛駐守。力遏敗匪西竄。都興阿穆圖善當懷遵前旨。乘甯夏賊勢已蹙。迅圖攻拔。卽分兵兼顧中衛等防。鶴齡等軍已抵鞏昌。並著都興阿穆圖善雷正綰恩麟。催令迅援肅州。與諸軍協力進剿。俟肅州克復。仍令星速出關。恩麟請調之昆都倫等部落蒙兵。著仍遵前旨。毋庸調往。以節糜費。將此由六百里諭知都興阿穆圖善雷正綰。並傳諭恩麟知之。○以克復福建

漳州南靖府縣兩城。並克苦竹賊壘。賞提督高連陞郭松林白玉搬指各一箇。白玉翎管各一支。大荷包各一對。小荷包各二箇。火鏢各一件。按察使王德榜副將洪寶林王興明王德駿朱興榮參將馬宗駿董北海知府康熊飛知州楊嘉善巴圖魯名號知州包國挺等花翎。子陣亡參將鄭金麟都司張大勝守備周有泉等祭葬。世職加等。○以福建臺灣剿匪出力。賞道員曾雲峰都司李準芳等花

翎千總徐毓恩等藍翎餘加銜升敘開復有差。○以臨陣潰逃山東遊擊桂錫楨革職查辦。○追予江南江甯殉難布政使祁宿藻附祀將軍祥厚專祠。○予福建臺灣陣亡遊擊葉得茂等三十一員祭葬世職。紳民兵勇一千三百十九名賞卹如例。一併附祀道員孔昭慈專祠。○癸丑諭內閣山東曲阜縣先師林廟靈爽式憑觀瞻所繫同治二年尼山聖廟被匪損壞業經修葺完整現在東省逆氛未靖。

林廟所在關繫非輕著山東巡撫督飭地方員弁妥為防護行聖公孔祥珂職司奉祀亦當率屬認真防守毋得稍有疏虞至春秋祭祀鉅典攸關一切禮儀祭品尤宜整齊蠲潔用昭誠敬並著該撫嚴飭地方官敬謹察看每屆祭祀之期恪恭將事不得視為具文用副朝廷崇儒重道至意。○又諭張亮基奏前貴州學政吏部考功司員外郎陸仁恬在黔

數年士民信服前於逆匪竄迫省城時該員隨同張亮基等布置城防勤勞靡閒茲差滿交卸回京請將該員照京察一等例記名以道府用以示鼓勵等語京察為朝廷激揚大典在部司員悉由各該堂官考覈情勤分別優劣向無由外省督撫保列一等者且學政係特簡人員尤非督撫所能擅保張亮基率行陳奏實屬不諳體制所請著不準行。○諭軍機大臣等有人奏功臣宜知儆戒請嚴加

訓迪俾得保全等語據稱江蘇巡撫李鴻章戰功雖著而子惠未孚百姓之流離者未曾收恤地畝之荒蕪者未盡開墾不聞德政惟聞厚斂並以侍郎殷兆鏞前疏極言江蘇橫徵暴斂之害皆指李鴻章而言等語李鴻章自簡任江蘇巡撫以來疊克城池肅清全省厥功不為不大惟以該省事同創始委用之人較多則流品易雜籌餉之途稍廣則民怨易滋今軍務未竣待用孔亟抽釐之局自不

能全行裁撤。若如該侍郎所奏各捐未免太形瑣屑。至官親幕友遊客劣紳爭充委員。擅用令箭旗牌等事。紳董稍假事權。擅作威福。恐亦在所難免。著李鴻章將不肖委員嚴加裁汰。釐卡仍以歸併為主。俟軍務肅清再行次第撤裁。另片奏江蘇各項捐款加以各縣田捐歲可收銀四十萬兩等語。江蘇捐款雖繁。亦斷不能如所奏之多。究竟可得若干。如何開支。著李鴻章造冊報部覈銷。該撫受委

任之重。惟當體朝廷惻隱在抱之念。與民休息。以期日臻上理。以上各情有則改之。無則加勉。以無負諄諄誥誡之意。原摺片並殷兆鏞摺均著鈔給閱看。將此諭令知之。○又諭前令國瑞在山東招集潰卒。現在陸續歸營者諒已不少。惟其中良莠不齊。務須嚴加稽察。分別留遣。方免匪徒涇跡之虞。乃近聞該營中有投誠粵酋馬融和捻首劉添幅等雜處其中。並有遣劉添幅募勇徐宿之事。此等

降匪向背本無一定。即使真心效順。亦必察其動靜。歷久無他。始可漸加委用。若遽予以事權。則犬羊之性。難保不再萌異志。桂錫楨之事。可為炯鑒。馬融和現今尚未帶隊。即著國瑞妥為羈縻。徐化其反側之心。不可驟加委任。並設法將劉添幅檄調回營。毋庸在徐宿募勇。尤貴不動聲色。默為轉移。毋貽後患。將此密諭知之。○又諭陳國瑞奏現在整飭軍務偵探賊勢大概情形。並郭寶昌現赴濟甯遵旨拏解各摺片。所陳賊蹤由東路分竄與國瑞等前奏情形大略相同。前因直隸防務緊要。疊經傳諭陳國瑞迅赴直境歸劉長佑調遣。該總兵何日啟行北來。仍著劉長佑酌量迎提。嗣後軍營應辦事宜。並著傳知陳國瑞呈報該督覈辦具奏。毋庸由該總兵自行奏報。以一事權。其陳國瑞未抵直隸以前一切軍情。應歸國瑞間敬銘奏報。郭寶昌所部勇丁並飭令陳國瑞妥為鈐束。籌給月餉。

母令心懷疑懼。致滋事端。至襄辦營務之知縣楊育才。據陳國瑞奏稱。從前係苗逆謀主。心存叵測。恐與逆匪潛結滋事。楊育才著先行革職。交國瑞劉長佑確切查明。如該革員實有不法情事。卽在軍前正法。以昭炯戒。正在寄諭間。據劉長佑等奏。馳抵威縣。會籌防勦。並崇厚前赴東昌。駐紮請將東昌沿河文武均歸調度。閻敬銘奏。賊匪分股南竄。情形各摺片。逆匪盤踞濟甯之長溝地方。分股南趨豐沛等境。現在范濩一帶賊未淨盡。亟應合力併攻。盡殲醜黨。本日據陳國瑞奏。詹啟綸步隊及托倫布等。收集馬隊。均抵曹州。兵力較厚。著國瑞閻敬銘懍遵。昨日寄諭。檄飭諸軍將由曹赴濟之路。併力疏通。節節進勦。以遏匪蹤。回竄。劉長佑因東省防兵較單。飛檄護天津鎮春霖等軍。分赴茌平等處。布置該督與崇厚馳往東昌。察看沿河形勢。會籌設防。該督等不分畛域。深堪嘉尚。著劉長佑

將防務辦理周妥。仍卽馳回直境。崇厚卽著駐紮東昌。督辦防務。所有東昌一帶沿河地方文武。均著歸崇厚調度。以專責成。其神機營派去之圓明團。擡槍隊及巡捕營兵共二千名。應否仍駐紮河間。並著劉長佑崇厚酌量調派。陳國瑞一軍。據閻敬銘奏。現紮曹州正資得力。並著劉長佑酌度北路情形。如直境防兵已數分布。卽令仍紮曹州。扼勦。僅必須該總兵赴直協防。卽遵前旨。飛提北上。並妥為調派。以資兜擊。將此由六百里諭知國瑞。劉長佑崇厚。閻敬銘。並傳諭陳國瑞知之。○又諭孫長紱奏。叛勇竄撲袁郡。擊敗閩賊。圍困永定。派隊赴援一摺。霆營叛勇攻撲袁州府城。經官軍擊敗。由萍鄉竄逸。該逆裹脅已至萬人。若由吉贛以趨閩粵。恐與閩賊勾為一氣。勦辦更為棘手。著孫長紱督飭派出之席寶田等軍。會合成大吉等。協力兜勦。毋任滋蔓。婁雲慶所帶霆軍。由閩退回。經王文

瑞等奏放餉糈始行撫定。而汪海洋等逆復回竄永定。與李侍賢等股合圍老湘營。城內米糧缺乏。外無援師。其分紮城外之湘軍八營亦被圍撲折傷無數。情形危急萬分。婁雲慶赴援之軍能否得手。尚無把握。儻該逆擁眾西趨。則由閩竄江。又將不可收拾。著左宗棠迅飭漳州得勝之師馳赴永定上杭救援。截擊力解城圍。仍遵昨日寄諭繞赴江西邊境盡力兜圍。毋任擾及完善。孫長紱並飭席

平定卷三

三九

寶田趕將判勇撲滅回紮瑞金一帶以資扼守。撫建防兵關繫至要。並飭劉于浚水陸各軍嚴密布置毋稍疏虞。其曾國藩派往江西之劉連捷等軍。並即趕緊迎提。藉資戰守。賊既由大浦回竄粵東。方耀等軍能否分援永定以勦為防。著瑞麟郭嵩燾妥為調度。仍當慎固封守方為妥善。將此由六百里諭知瑞麟左宗棠徐宗幹郭嵩燾並傳諭孫長紱知之。○雲貴總督勞崇光等奏請調江南得勝

之師分道來黔以圖大舉。得旨著該督撫先飭本省之全祖凱張文德等軍盡力勦除。其進剿遵義之軍。若能與川軍併力廓清遵屬亦可通川黔之氣。藉佐聲援。該督撫當力為其難。毋得畏難思阻致負委任。又奏勦辦遵義大定等屬踞匪因兵單餉乏猝難成功。批著仍督飭莫超宗鄧爾巽等將遵義大定等屬踞匪次第翦除。省南屯軍扼賊尤當嚴為布置。黔省固屬瘠區。該督撫亦當就現有兵

平定卷三

六二

力聯絡鄉團力圖補救。毋得以餉絀兵單稍存諉卸。○以貴州廣順州城暨歸化營被賊竄陷旋即收復。予提督趙德光優敘。賞還已革副將盧希恆頂帶。革通判范顯謨遊擊胡現龍張樑職。仍留任留營。予陣亡道員于鍾岳祭葬世職加等。建專祠。員弁兵勇一併附祀。並追予于鍾岳父殉難知縣崇璟於省城建立專祠。鍾岳附祀。○予貴州廣順陣亡署知州何維炳祭葬世職加等。建專祠。縣丞曾

晉等十員祭葬世職。○予江蘇常熟等縣殉難文生楊溥孫等紳民婦女六十四名。口分別旌卹如例。○甲寅。以甘澍優霑。

上詣

大高殿行禮報謝。○遣惇親王奕誼詣

時應宮恭親王奕訢詣

昭顯廟鍾郡王奕詒詣

宣仁廟孚郡王奕譞詣

凝和廟鄭親王承志詣

豫親王

王

覺生寺。豫親王義道詣

黑龍潭喀喇沁貝勒德木齊扎布詣密雲縣

白龍潭拈香。

大清穆宗繼天開運受中居正保大定功聖智誠孝信敏恭寬毅皇帝實錄卷之一百三十九

實錄卷一百三十九

六十一

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十

欽定大清會典事例  
光緒二十九年五月  
奉 上諭 著李鴻章奏復漳浦縣城既經郭松林楊鼎勳等督兵攻克逆勢益衰勦辦較易得手惟該逆窮而思竄勢必折趨鄰省另圖生計現既有竄擾江西之信則甯都瑞金一帶防務最關緊要孫長紱務當飭令婁雲慶一軍嚴扼邊境毋令賊蹤闌入致滋蔓延左宗棠素顧大局自應派兵四面兜剿就地殲除不得畫疆自守如賊

教修

同治四年乙丑五月乙卯諭軍機大臣等李

清錄卷一百四十

鴻章奏援閩蘇軍克復漳浦籌辦情形並運解開花礮赴津擬派洋槍隊伍北上各摺片漳浦縣城既經郭松林楊鼎勳等督兵攻克逆勢益衰勦辦較易得手惟該逆窮而思竄勢必折趨鄰省另圖生計現既有竄擾江西之信則甯都瑞金一帶防務最關緊要孫長紱務當飭令婁雲慶一軍嚴扼邊境毋令賊蹤闌入致滋蔓延左宗棠素顧大局自應派兵四面兜剿就地殲除不得畫疆自守如賊

清錄卷一百四十

蹤已入江西即著親督全軍越境窮追務期與孫長紱派出各軍會合夾擊總以殄滅淨盡為度不可稍分畛域致令垂燼餘匪又成燎原之勢徐宗幹亦當督飭地方文武聯絡紳團以助兵力所不及本日已明降諭旨令劉坤一補授江西巡撫現值該省防勦喫緊之際該撫即著速赴新任毋庸來京請訓俟抵江西後即督飭將士嚴密布置以期速殄賊氛郭松林楊鼎勳兩軍即著左宗棠李鴻章迅飭繞赴江西楚南邊界杜截竄擾湘省之路應需糧餉即著李鴻章飭令丁日昌由江海關稅內酌籌解濟至落地開花礮為行軍利器李鴻章已派潘鼎新統領淮勇九營並開花礮隊一營北上著該撫飭令迅速由滬航海赴津現當直東軍務喫緊之時所有輪船雇價自難過與較值總以多行定雇速行開駛北來為要其礮子解津以後如須由陸路載運東省津門現有演習之礮車可期



載用輕便。不致運掉維艱。著李鴻章即將需用礮子多解赴津以備施放。並著派令熟練委員帶領匠役器具。由輪船一併赴津開局鑄造炸彈。以利攻擊。東省賊蹤雖有漸趨徐郡之勢。而留住曹郡者應亦不少。該逆蹤跡飄忽奔突靡常。難保不由徐郡回竄山東。現在軍情萬分緊要。李鴻章既於本月二十日由江路駛赴金陵。著曾國藩於交篆後迅即督帶親軍馳赴濟甯一帶居中調度。力籌防剿。毋再稽延。天津現有新練洋槍隊一千五百名調赴直東一帶防堵。足敷應用。蘇省洋槍隊止有千名。僅敷本地之用。即著仍留青浦。無庸調赴直隸。管帶洋槍隊之副將余在榜。袁九皋二員。亦著無庸再調。曾國藩等所奏請嚴禁大戶包攬漕價一片。著暫行留中。俟戶部將該督等覈減錢漕等摺議奏時再行明降諭旨。將此由六百里諭知曾國藩左宗棠李鴻章徐宗幹劉坤一並傳諭孫長綏

知之。○又諭成祿奏安定圍急。催兵助援。疏通蘭省東路以利西行一摺。甘省河西賊氛甚熾。逆回復糾合河狄之眾圍逼安定。陶茂林駐紮城中。僅止四營。合之分紮金縣靖遠之軍不足十營之數。儻該匪牽掣安定各軍分撲省垣。剿辦更形棘手。雷正綰現已分撥趙德正等二營歸成祿調遣。並飭劉正高等七營馳赴會甯。以解安定之圍。即著雷正綰嚴飭劉正高等統帶馬步七營奮力進剿。迅解城圍。並著成祿激勵趙德正等會合助剿。廓清東路。並飛調鶴齡等軍星速西行。以厚兵力。前因陶茂林潰勇逼近陝西省城。諭令聯捷俟將潰勇辦理完竣。即速西行。嗣據楊岳斌奏稱業已分別勦撫。刻下成祿所部僅止二營。不足以資攻剿。聯捷於接奉此旨後。即著統帶所部迅速西進。與成祿會兵一處。迅解安定之圍。毋得遲延干咎。前已諭令楊岳斌剋日由陝赴甘。即著懍遵前旨星速帶

兵前往。將各路回匪相機勦辦。並分兵會勦安定之匪。毋任滋蔓。都興阿穆圖善雷正綰迅即攻拔甯靈。以便督軍馳赴西路將安定一帶並肅甘等處回匪悉數殲除。肅清關內。以靖疆圉。其蘭州省城防務。即著恩麟督飭防兵嚴密防範。毋稍疏虞。成祿所部各軍應用糧草各項。恩麟督飭沿途各該地方官妥為接濟。儻該地方官不知緩急。玩誤軍糈。即由成祿知照恩麟查明懲辦。慶陽糧臺前存

應解烏魯木齊餉銀二萬兩。前據文煜奏稱已撥解涇州糧臺接濟雷正綰營餉。俟各省協餉解到提還歸款。現在成祿軍營需餉甚亟。即著楊能格迅速妥為籌畫。將前項應解銀二萬兩派員解交成祿軍營。俾充軍實。正在寄諭間。據都興阿穆圖善奏。各路軍情喫緊。援軍未至。並前敵後路籌勦籌防情形一摺。逆回以就撫佯緩我師。並未獻城撤圩。暗於各處挑濠築壘。從上游各渠放水。希圖淹

斷營路。情殊巨測。經都興阿嚴拒受降。並踞勘地形相機宣洩。一面催趲糧米固結軍心。辦理尚屬周妥。惟援甯竄匪勾結甯郡踞匪堅壁死守。分股撲犯廣武及石空寺堡勝全關等處。窺伺中衛甚緊。該將軍等劉派甯夏道三壽前往駐守。即著嚴飭該道員督率兵團實力捍禦。毋稍鬆勁。刻下賊情狡詐。尤須加意嚴防。都興阿等惟當蓄養銳氣。修築隄堰。換隊移營。設計穩慎。其花馬池定邊縣後

路賊匪。雖經翁同書等擊退向羊園山一帶奔竄。靈州大水阮等匪亦將合股向東南竄回陝西。是後路及東竄各匪均關緊要。即著雷正綰迅即督軍由東路前進直取靈州。兼顧慶防。與後路各軍聯絡聲勢。扼截東竄。以收夾擊之效。安定一帶情形喫緊。省垣尤為可慮。楊岳斌即迅由南路進省。以資鎮攝。並分兵援勦各路。毋事延玩。將此由六百里諭知都興阿穆圖善雷正綰楊岳斌成祿聯捷。

並傳諭恩麟。楊能格知之。○又諭前因甘肅布政使恩麟辦理回務狃和殃民。疊經被人叅奏。並據甘省生員胡第甲等聯名呈控。先後交熙麟多隆阿查辦。上年五月間復令都興阿秉公確查據實具奏。甘省回氛徧地。日益蔓延。若地方大吏能於初起之時妥為籌辦。何至釀成巨患。不可收拾。恩麟被叅各節。必須迅查嚴辦。方足懲養癰貽患之咎。都興阿現在進攻甯夏未能赴省。卽著無庸查辦。楊岳斌昨已命其馳赴蘭州。著該督於到省後。將恩麟被叅各款一併詳查具奏。不准稍有徇隱。叅摺五件。紳士信函一件。呈二件。均著鈔給閱看。將此各諭令知之。○以廣西布政使劉坤一為江西巡撫。廣西按察使蘇鳳文為布政使。降補道員嚴樹森為廣西按察使。○予浙江杭州陣亡知府甘應槐祭葬世職。○予江蘇各屬陣亡殉難同知銜馬垣等紳民婦女一千四百員名口分別旌卹如例。

○予浙江各屬陣亡殉難知縣李作相等紳民婦女七百七十二員名口分別旌卹如例。○丙辰。諭內閣御史胡毓筠奏吏治漸流廢弛。請申諭中外臣工力求實踐一摺。近因軍務未竣。時事多艱。屢經諭令中外臣工於應行應革諸政實力奉行。以期漸臻上理。數年之中。實心任事著有成效者固不乏人。而積弊仍未盡除。措施仍未盡善。總緣狃於積習。因循不振。致良法美意。皆隔閡不行。行者亦多虛應故事。玩愒日深。弊將胡底。亟應力加整頓。以肅紀綱。著再申諭中外臣工。嗣後於特旨通諭之件。並諸臣奏准應行應革各事宜。務當督飭所屬認真興辦。期於國計民生實有裨益。毋再稍涉因循。致滋流弊。以副朝廷勤求治理至意。將此通諭知之。○諭軍機大臣等。王明等奏疏防盜賊並追捕不力。各員請分別摘頂勒緝一摺。據稱開原之嵩山鋪聶家溝等處突有盜匪二百餘名竄擾。經

官軍擊勦追至鐵嶺界當鋪屯地方。該匪復由村內擁出多人。併力抗拒。官軍馬隊失利。賊卽搶掠器械而逸。鐵嶺縣之八里莊楊嵩年等四家均被該匪搶劫。並將高麗站驛馬搶去各等語。此奏恐尚有不實不盡。盛京為根本重地。似此盜賊蜂起。成羣結黨。竄逼城池。抗拒官兵。尚復成何事體。總由該地方官等平日玩愒因循。於緝捕要務並不認真講求。大吏亦惟知粉飾。不得已則以一叅了事。

以致養癰貽害。至於此極。實堪痛恨。著王明慶春志和德椿嚴飭派出官兵及各該地方官實力搜捕。務將此股盜匪悉數殲除。毋任一名漏網。儻再仍前玩泄。或以驅賊出境為了事。任令該匪肆意蔓延。罪有攸歸。必惟王明等是問。決不寬貸。開原鐵嶺一帶均與吉林毗連。難保逆匪不竄入該處。以為遠颺之計。著阜保派撥官兵協力擒捕。兩路兜勦。以期聚而殲旃。亦斷不准存此疆彼界之心。徒

以空言敷衍。將此各諭令知之。○又諭國瑞奏馬步官軍擊賊獲勝。嘉祥解圍。長溝攻克一摺。逆首牛落紅賴汶洸等竄向何處。卽著確探進勦。務將首犯弋獲。極刑處死。不得任令漏網。任化邦馬賊數千南竄。並未大受懲創。國瑞當督飭馬步各隊設法擊勦。不得以嘉祥長溝小捷稍涉鬆懈。或至逆眾回撲。致誤戎機。並傳諭劉銘傳陳國瑞當乘此聲威相機進逼。如曹州勦辦喫緊。陳國瑞卽暫駐

曹郡。不必折赴劉長佑軍營。並著劉長佑等會商妥為調度。張秋至利津河岸最關緊要。著閻敬銘懍遵疊次諭旨。豫備礮船嚴防偷渡。曾國藩運來礮位。閻敬銘卽派妥員迎提。以利攻勦。劉長佑崇厚仍當不分畛域。調派兵勇。協同山東防兵併力固守。毋任偷渡。賊不得逞志於東北。必將犯豫。吳昌壽當竭力防範。毋稍疏失。南竄一股。是否有張總愚在內。聞該逆欲回亳州豎旗。著吳崇就近督令

周盛波張樹聲等軍設法迎擊。喬松年令英翰等扼要嚴防。亳州等境伏莽。並須隨時控捕。毋令勾結。郭寶昌不顧主將。厥罪甚重。著國瑞仍遵前旨。解交閩敬銘嚴行審訊具奏。不准代為開脫。馬德昭是否在營。著國瑞查明具奏。將此由六百里諭知國瑞劉長佑。吳崇厚。喬松年。吳昌壽。閩敬銘。並傳諭劉銘傳。陳國瑞知之。○以疏防刦盜。並追捕不力。摘奉天防禦董永春。知縣瑞福。頂帶。驍騎校。

恩特合恩下部議處。○丁巳。

孝恭仁皇后忌辰。遣官祭。

景陵。○戊午。諭軍機大臣等。閩敬銘奏賊匪圍攻嘉祥。籌辦河防情形。並長溝獲勝。嘉祥解圍。暨詳陳團練流弊各摺片。官文奏遵飭姜玉順等軍赴直東援剿一摺。賊匪分股盤踞長溝。並圍攻嘉祥縣城甚急。經國瑞劉銘傳丁寶楨分派兵勇將長溝賊寨攻拔。陳國瑞詹啟綸兩軍亦與黃白旗馬隊將嘉祥之賊。

擊敗。力解城圍。與前日國瑞所奏情形大略相同。嘉祥縣官吏紳民固守旬餘。力保危城。尚屬著有微勞。著閩敬銘即行查明請獎。現在賊蹤雖向西南奔竄。而飄忽靡定。曹單濟甯一帶防務。仍當加意布置。如此時省防情形稍鬆。閩敬銘仍當相機出省。察看何路緊要。即向何路扼要駐紮。妥籌布置。至所稱張秋以東防務最關緊要。周森藻礮船二十四隻外。添雇民划五十隻。在彼巡緝。恐隄岸絲長不敷分布。著閩敬銘懍遵前旨。一面趕製輕便礮船。一面將曾國藩撥解直東之礮位及熟悉點放之人。派員星速迎提。駛赴該處一帶分防。以免疏失。劉長佑因東省沿河兵單。分兵越境赴該省沿岸防堵。該撫務當與之聯絡聲勢。合力同心。互相援應。以期兩有裨益。不可稍存意見。團練以堅壁清野。斷賊據掠。裹脅為要務。兼須由地方官督辦。不可由紳民自行舉行。以杜流弊。前經疊降諭旨。

詞意甚明。衛榮光兼署臬司。公事較多。既未能前赴東昌。所有沿河北岸一帶國防事宜。著閻敬銘卽令派出之道員衛齡等前往濟東等處妥籌辦理。現在賊蹤既擾及豐沛。則淮徐歸德及皖北宿州潁亳等處均形喫重。著吳棠督飭淮徐防兵嚴密堵扼。毋令賊匪東趨。擾及裏下河並清淮一帶。曾國藩卽趕緊出省馳赴徐郡居中調度。調集周盛波等軍迎頭截擊。喬松年督飭英翰等軍嚴扼宿州。並分兵駐紮潁亳。搜捕土匪。以防張總愚竄回該處。句結蔓延。張總愚既有回至亳州裝旗之語。且所帶止二百人。喬松年如能乘其不備。飭英翰等密速就地掩捕。最為上策。至楚北邊防亦宜豫籌布置。著官文卽揀派得力將士扼要駐守。以防該匪竄至。歸德一帶雖有張曜等軍駐守。仍恐不敷分布。陳州一帶與潁亳等處接壤。亦宜撥兵防守。吳昌壽自奏報出省後。迄今旬餘。未據將該省情形續報。著將河北防務布置妥協後。卽行渡河而南。擇要駐守。將歸陳一帶防勦事宜速籌辦理。至此股賊匪既不能渡河而北。則竄豫竄皖竄楚北江蘇等省皆不可定。各該督撫等務當於各該境層層設兵以待。俟大股竄近。橫出截擊。使其不能成隊。俟其遁回老巢。卽以重兵圍攻。聚而殲之。方是一勞永逸之計。姜玉順一軍前因直東兵勇漸集。足數應用。諭令吳昌壽將此軍調歸豫省。著官文

催令迅速起程赴吳昌壽軍營聽候調遣。楊飛熊現擬在襄樊招募兩營。著官文飭令挑選安分可靠勇丁成軍。不得如陳東霖招募赴甘之勇。沿途滋事。毫無紀律。俟楊飛熊將勇丁募齊後。卽飭令赴閭敬銘軍營。所有該營軍裝器械及兩月口糧。均著官文先為籌給。俾利遄行。前據吳昌壽奏稱僧格林沁所部馬隊在曹郡失利後。陸續散入豫境西行。現在此項馬隊曾否由該撫招集歸入東省。

大營著將現辦情形速行具奏。將此由六百里各諭令知之。○又諭左宗棠等奏官軍追剿竄賊大獲勝仗。連克平和等城。瑞麟等奏東路防軍剿賊獲勝。現籌辦理情形。李瀚章奏靈營叛卒竄至攸縣。即經官軍擊退。現飭分馳勦辦。鮑超奏傷疾舉發。籲懇續假。各一摺。平和等城既經克復。詔安一城。前據李鴻章奏。亦有探聞攻克之信。是閩省賊勢漸就肅清。惟李汪二逆合股奔竄。既不得逞。志於粵東。必將糾合大隊竄入江西。左宗棠當懷遵五月十八日諭旨。親督全軍越境追躡。務與江西防軍會合夾擊。殄滅淨盡。不得以驅賊出境。即為了事。瑞麟郭嵩燾仍督飭李福泰方耀等嚴督兵勇認真防剿。毋扭於大埔一勝遂生懈弛。劉坤一已簡放江西巡撫。著即恪遵前旨。速赴新任。將江省防守事宜嚴密布置。劉坤一未到以前。仍著孫長紱飭令王文瑞等軍實力扼剿。毋稍疏虞。婁雲慶所

部勇丁既經撫定。即可飭令該軍駐紮由閩入江要路。遇賊即擊。以壯聲勢。而固藩籬。靈營叛卒由江西萍鄉竄至湖南攸縣。雖經官軍擊退。而逆蹤已向安仁一路竄走。並渡河焚舟以阻追兵。其謀甚狡。著李瀚章督飭水陸防軍兼程追剿。相機分隊繞出賊前。迎頭攔擊。迅殄賊氛。席寶田一軍已抵茶陵。並著孫長紱檄令會合楚軍四面兜剿。以期一鼓殲滅。成大吉等軍前有旨令其越境追賊。此時行抵何處。仍著官文查明具奏。一面飭令探明潰勇趨向。相機合剿。不准遷延觀望。致干重咎。前因靈營勇卒背叛。疊經飛諭鮑超停止西征。毋庸出關。迅赴湖北辦理此事。此次鮑超籲懇續假。自係尚未接奉前旨。故有是請。現在叛勇已擾及攸縣安仁一帶。事機孔棘。著鮑超懷遵疊次諭旨。一面趕緊調治。一面束裝赴鄂。探明叛勇蹤跡。分別勦撫。遣散。即赴江閩勦除髮逆。以副委任。儻再遲延。



不前。任令舊部勇眾日益蔓延。自問當得何罪。此起叛勇蹤跡飄忽。若由郴桂一帶趨往西南。兩廣地方處處可通。與竄粵髮逆亦可勾合。為患更大。著瑞麟、郭嵩燾、張凱嵩各飭兵弁擇要嚴防。毋稍大意。將此由六百里諭知官文、瑞麟、左宗棠、徐宗幹、劉坤一、李瀚章、張凱嵩、郭嵩燾。並傳諭鮑超孫長紱知之。○以廣東大埔防勦出力。予副將方耀等升敘有差。○以湖南攸縣被賊竄擾。革知縣傅以綏。把總黃占魁職仍留營。○己未。補鑄安徽五河縣知縣福建松溪縣巡檢印信。從巡撫喬松年、徐宗幹請也。

上以夏至祭地於

方澤。自是日始齋戒三日。○庚申。諭內閣本日詹事府左贊善佈彥所遞摺件。未經呈明該衙門代奏。殊屬非是。惟覽其所奏尚無違礙字句。佈彥著從寬免其議處。嗣後各部院衙

門例不應奏事之員。遇有條陳事件。仍著按照舊例呈明該堂官代奏。不許擅自呈遞。並著奏事處查照向章。於不應奏事各員自行遞摺。毋庸接收。以符定制。○又諭御史夏獻馨奏請飭各省整頓保甲。以清治源一摺。安良弭暴之方。莫善於保甲。地方官果能恪遵成法。實力奉行。奸宄何由匿跡。若如該御史所奏。近來州縣等官往往履任逾年未曾編查鄉甲。或僅於城廂造冊。虛應故事。甚至以

無賴游民充當甲長。非但不能戢暴。而且多事擾民。以致良法美意漸成具文。殊非實事求是之道。著各直省督撫府尹嚴飭所屬講求舊章認真辦理。不准吏胥等藉端需索。並於考覈牧令之時。明示勸懲。隨時舉劾。儻敢陽奉陰違。仍蹈從前種種積弊。即著該督撫等從嚴叅奏。將此通諭知之。○又諭前因直隸提督劉銘傳赴濟甯汶上一帶防勦遲延。當經降旨將該提督先行交部議處。茲據兵



部議以降三級調用不准抵銷。係屬咎有應得。惟念該提督現在山東帶兵勦賊。尚知奮勉。劉銘傳著加恩改為革職留任。○又諭瑞麟等奏廣東惠潮嘉道鳳安自抵任以來。實心任事。與情感戴。嗣以軍務殷繁。積勞身故。請將該員追贈布政使銜。照軍營立功後病故例從優議卹等語。已故惠潮嘉道鳳安係積勞病故之員。所請未免過優。著改為照道員軍營立功後病故例從優議卹。○諭軍機大臣等。國瑞奏髮捻各逆日漸南趨。請將僧格林沁靈樞迎赴濟甯。覆陳投誠勇目實心報效。清淮礮船到濟。咨行直隸換船入黃。並統兵提鎮勇丁械鬪。不能彈壓各摺片。喬松年奏捻逆分竄。皖防加嚴。現籌防勦一摺。楊育才為苗逆謀主。前有旨革職。交國瑞劉長佑確切查明正法。何以任令逃走。著卽飭令陳國瑞嚴切追捕。並飭地方官一體嚴拏。訊明重辦。毋任漏網。劉添幅等既無為鬼為蜮。

情事。著國瑞隨時加意防維。以後儻有反覆。惟國瑞是問。劉添幅所募勇丁。卽著酌量裁撤。以弭後患。賊匪竄向城武定陶迤南。東平汶上濟甯均已無賊。國瑞自應督飭馬步跟蹤追勦。乃劉銘傳陳國瑞勇丁互相械鬪。殺傷多人。實屬不成事體。該員等均係提鎮大員。不思乘賊勢新挫之後。奮力追擊。而於勇丁互相鬪殺不能禁止。且各執一詞。殊失大員體度。本當從重治罪。姑念該員等均曾立功。免其深究。現在賊眾南趨。著陳國瑞迅帶所部會同托倫布溫德勒克西等馬隊各軍分投追躡。毋使羣賊得以喘息。滋擾完善地方。劉銘傳仍在北路相機駐紮防賊回竄。並探賊所向設法進勦。國瑞於該營勇丁械鬪一事。自稱望輕才淺。雖令不行。實有不足鎮服之勢。刻下濟南布置應已周妥。省防可以無虞。著聞敬銘前赴濟甯將各勇滋事情節查明具奏。不得稍涉偏徇。吳棠派龔文林管

帶礮船二十五隻已至濟甯。船身較大。不能北上。國瑞已令龔文林雇礮划裝載至沈家口停泊。著劉長佑趕卽雇覓入黃大船赴沈家口迎提。令其扼要駐紮。以資防勦。捻蹤向豐沛一路竄撲。疊諭吳棠等督飭周盛波等軍迎頭遏擊。本日據喬松年奏河南永城已有賊蹤。距雒河不遠。其為張總愚欲遁歸亳州老巢裝旗已無疑義。喬松年已飭各將士一體嚴防。並令易開俊一軍由宿蒙以至徐州待曾國藩調度。所籌尚妥。著卽督同英翰等認真防範。遇賊卽擊。並派兵駐守雒河集一帶。以防伏莽勾結為患。不准任其向北路回竄。一無堵截。賊蹤已至永城。去虞夏不遠。吳昌壽當督率地方文武嚴密防勦。毋任闌入腹地。其姜玉順蔣凝學等軍均卽派員迎提。以資得力。吳棠仍懷遵前旨飭周盛波張樹聲等軍將南向賊眾迎頭截擊。曾國藩此時應已起程。到淮必可迅速。卽當扼要駐紮。

南北兼籌。以期軍有統轄。不至漫無紀律。何日出省。著卽馳報以聞。用慰廑繫。賊氛去晉雖遠。若由曹考入豫。恐復窺伺晉疆。沈桂芬務當先事豫籌。未可漫無準備。前太僕寺少卿徐繼畬現在年力如何。如尚强健。該撫卽令其來京陛見。候旨錄用。僧格林沁靈柩仍在曹州。距賊甚近。國瑞欲移至濟甯以便北上。著國瑞一面派撥弁兵。一面知照克興阿等妥為迎護。與伯彥訥謨祜料理伴送來京。

以昭慎重。將此由六百里諭知曾國藩。國瑞劉長佑吳棠喬松年吳昌壽閻敬銘沈桂芬克興阿等並傳諭劉銘傳陳國瑞知之。○又諭林鴻年奏克復普洱府思茅廳兩城一摺。據稱署普洱鎮總兵田仲興於二月間與護迤南道夏家疇分路進兵。攻破磨黑賊營二十餘座。連破紅巖二臺坡等處賊營。直抵普洱城外。四面攻勦。遂於三月二十一日將普洱府城克復。並乘勝克復思茅廳城等語。滇

省糜爛已極。經林鴻年勉籌軍餉。飭令田仲興等相機進取。該文武員弁咸知奮勉。旬日之內克復兩城。是迤南一帶亦尚有能戰之將。可用之兵。若得該督撫等躬親督辦軍務。自更有起色。勞崇光辦理教民一案。現已完竣。何以尚在黔省逗遛。著卽懷遵前旨。迅赴迤東郡縣擇要駐紮。藉資調遣。毋得再事遷延。自取罪戾。前因賈洪詔株守成都一籌莫展。特簡林鴻年為雲南巡撫。該撫膺茲重任。尤當勉圖報稱。豈可復蹈賈洪詔覆轍。並著剋日馳赴昭通。會同勞崇光將滇省勦辦事宜妥籌布置。徐圖恢復。以副委任。滇省餉需支絀。駱秉章素顧大局。仍當隨時量為接濟。俾利軍行。劉嶽昭等現在進規正安州城。並著該督嚴飭諸軍節節掃蕩。務令滇黔兩省聲息相通。則勦辦自易得手。本日據貴州學政黎培敬奏到省之日。是夜城外卽有賊匪放火搶掠。並無官兵抵禦。平時濫練出入城

門。不服稽查。防守極為懈弛等語。省垣附近一帶賊徒肆擾。何以並不派兵勦辦。張亮基身為黔撫。所司何事。著卽迅督兵練出城勦洗。以靖地方。其不服稽查之練勇。並著嚴行懲辦。毋得任令騷擾。致居民畏練甚於畏賊也。將此由五百里各諭令知之。○又諭楊岳斌奏遵旨移師東向。並請開缺一摺。前因直東兵力漸厚。諭令楊岳斌剋日整隊仍赴甘肅省城。該督此奏。自係尚未接奉前旨。甘省賊氛甚熾。省城尤岌岌堪虞。亟須知兵大員前往勦辦。以支危局。著楊岳斌懷遵疊次寄諭。星速統帶所部馳赴甘肅省城接印任事。務將該省軍營惡習。地方積弊次第整頓。力挽頹風。以副委任。該督所部兵勇。惟當選擇精銳統帶赴甘。如有心志不齊。戰守均未能得力者。卽著隨時裁汰。毋須帶往。以免別滋事端。所請開缺另簡大員以專責成。現在甘肅事機孔棘。前諭該督赴直勦匪。一俟旅事

仍須前赴陝甘總督之任。俾資鎮撫。乃楊岳斌接奉馳赴直隸之旨。率請開缺專辦。勦匪事宜。未免意存趨避。有負朝廷委任。所請著不准行。隨營之知府華祝三等。即著該督帶赴甘肅以資差遣。將此由六百里諭令知之。○予廣東翁源陣亡知縣張興烈祭葬世職加等。○辛酉。盛京將軍玉明奏。馬賊出邊遠。近復探聞進邊竄擾。現已派兵會勦。得旨。據奏出邊遠。不過敷衍之詞。此股馬賊久

在邊內盤踞。興京為根本重地。設被滋擾。蔓延。該將軍等自問當得何罪。著即嚴飭豐恩等。悉數擒斬。據實覆奏。不准再以空言搪塞。○予安徽甯國等處殉難訓導樊熙朝巡檢王宗沂祭葬世職。傷亡外委葛廷魁祭葬世職加等。○予安徽徽州陣亡殉難從九品銜吳廷詠等紳民婦女十七員名口分別旌卹如例。○旌表守正捐軀直隸昌平州民婦劉劉氏。○壬戌夏至祭

地於

方澤。遣鍾郡王奕詒恭代行禮。○以神靈顯應。加湖南善化縣李真人封號曰普佑。○諭軍機大臣等。崇厚奏。布置河防。擬令神機營兵紮劉智廟。並設立水師一營各摺片。劉長佑奏。布置防守情形。請飭晉豫各撫合力防河。陝西撫臣協防豫晉交界。並請飭李雲麟等赴直各摺片。髮捻股匪現雖陸續南竄。難保不去而復來。黃河為天險要區。防務不可稍

疏。崇厚現已親赴張秋一帶與劉長佑察看情形。飭令署通永鎮陳濟清等分帶兵勇駐紮張秋等處。並將洋槍隊紮駐阿城鎮為後路策應。其魚山以下之滑口等處亦派副將王永勝等及東省標勇分路堵扼。布置尚屬周密。著崇厚即嚴飭帶隊各員實力巡防。不得以賊蹤稍遠。致形懈弛。神機營所派京兵二千名。即著照崇厚所請令其前赴劉智廟駐紮。聽候該侍郎調遣。周森藻雖帶有礮船

七十餘隻。其船身稍大。安有礮位者。僅有四隻。餘皆船小人單。崇厚現飭陳濟清另立水師一營。酌給銀兩募勇雇船。並飭天津道籌辦洋鐵礮數十尊運營。惟河道縣長仍恐不敷分撥。著問敬銘再行籌辦。水師礮船數十隻。選派得力將弁管帶。以期聯絡聲勢。毋稍遲緩。劉長佑因濮范一帶尚須添備船礮。已飭大名道范梁等雇船改造。著卽妥速籌辦。吳崇所撥礮位較重。運河乾涸難運。卽照所請暫留濟甯城內應用。劉長佑卽將天津存礮提解赴營。分撥黃河船隻。並將吳崇所派水勇先催赴直。余承恩到直時。卽著迅速招募成軍。以助兵力。所不及。劉長佑仍折赴大名相機調度。據該督聲稱賊在金鄉嘉祥一帶被陳國瑞截擊。復遁至鄆濮等處。著國瑞卽行督飭馬步各軍力行堵遏。偪之南趨。聞敬銘飛檄丁寶楨隨同截剿。毋令再行北竄。已革知縣楊育才前據國瑞奏稱已由陳國

瑞軍營逸去。仍著劉長佑國瑞一體嚴拏。務獲現據直隸擒獲賊探供稱該逆欲由直豫交界之處伺閒搶渡。以入山西。著沈桂芬嚴飭前派防邊文武各員嚴密巡察。毋稍疏懈。劉長佑吳昌壽於直豫交界沿河一帶聯絡籌防。毋得稍分畛域。賊匪旣思入晉。難保不思由豫竄秦。黃河為秦晉兩省扼要關鍵。自當力籌扼守。以固該二省藩籬。並著沈桂芬籌撥精銳得力兵勇越境防堵河岸。吳昌壽分撥兵勇。俟賊蹤竄近豫境。卽行迎頭截剿。毋令向西北奔竄。並籌備礮船來往梭巡。毋令賊蹤北渡。陝省潼關地方本日已諭令楊岳斌劉蓉派兵防堵。以固西秦門戶。劉長佑所請之員外郎楊澍道員陳鳴志亦諭令李瀚章飭令該員等帶得力將弁十數人前赴直隸軍營矣。李雲麟現已前赴西路。該督請令前赴直隸軍營之處。著毋庸議。本日復據祭酒丁培鎰奏請派兵數千駐防青州一摺。

現在賊勢南趨。去青郡較遠。無須多兵駐紮。惟防禦不可稍疏。著閻敬銘酌量籌派兵勇。與青州駐防兵丁聯絡堵禦。將此由六百里各諭令知之。○又諭文麟奏官弁練勇收復濟木薩城垣。請催官兵西剿。並擒獲賊諜。現籌堵剿。暨請留革員差委各摺片。濟木薩城為回匪屯糧之地。文麟派令恩錦、陶珥等各帶練勇相機前進。出其不意。將濟木薩城池收復。得獲雜糧一萬數千石有奇。惟城西三臺一帶尚有馬賊窺伺。且文麟拏獲漢奸。訊有逆回索煥、漳糾合黨眾前往瑪納斯堵兵。並有分紮阜康、吐魯番、迪化等情。是該逆現雖棄糧逃走。難保不仍圖東竄。文麟務當督飭在事員弁嚴扼三臺等處要隘。實力堵剿。毋稍疏虞。東路防守事宜。扎克當阿、伯錫爾仍須嚴密布置。並知照伊勒屯、何瑄一體嚴防。不可稍有疏失。陶珥、恩錦著照文麟所請暫留營中差委。以觀後效。儻始終不能得力。

卽著仍遵前旨嚴叅治罪。不得曲為解免。前據扎克當阿等奏德祥等候交卸鎮篆。改派署遊擊尤光組帶兵出關。迄未起程等語。本日復據文麟奏前聞肅州頭起官兵已抵哈密。至今並無音信。是德祥之軍行抵哈密一節。尚係傳聞之詞。萬一賊蹤東犯。大局將不可問。著恩麟懍遵前旨。迅催德祥、尤光組等由嘉峪關等處埽蕩而前。剋日出關。所需餉銀。並著恩麟源源籌濟。鶴齡一軍前已行抵秦州。著成祿調到該總兵所部。取道安定進剿。肅甘踞匪出關。勦賊西路賊氛甚熾。成祿部眾無多。卽合趙德正、馬天祥二營及鶴齡之軍。亦恐不敷調遣。雷正綰續派之提督劉正高等七營。若於安定解圍後。由成祿統帶西行。兵力自可足用。著該提督咨商雷正綰妥籌調派。聯捷所帶馬隊五百名。並著迅帶赴甘。與成祿合兵一處相機前進。不准再事逗遛。自干咎戾。昨已有旨令楊岳斌挑帶精

銳兵勇馳赴甘省接印任事。著該督恪遵疊次諭旨。剋日赴甘。不得稍有遲誤。階州踞逆至今尚未殲除。著楊岳斌、劉蓉、恩麟嚴飭在事員弁迅速攻克階城。盡殲醜類。若再日久無功。必當從重治罪。甯夏郡城久攻未下。著都興、阿穆圖善督飭各軍勇猛圍攻。迅圖克復。甯夏及階州等城如能攻克。庶可勝出兵力。勦辦甘回。以期次第戡定。該將軍督撫等務當仰體西顧之懷。奮勉圖功。毋得稍涉因循。致負委任。巴里坤等城餉銀業據明誼等分撥銀兩由僻路解往接濟。其科布多所存餉銀著廣鳳奎、昌探明道路設法籌解。毋令缺乏。塔爾巴哈台前有回匪變亂之信。數月以來伊犁亦杳無奏報。近日情形究竟若何。並著廣鳳等隨時偵探確情據實具奏。本日據劉長佑奏擒獲賊探。訊知該逆欲由直隸交界之處伺間搶渡以入山西等語。已諭令沈桂芬先事圖維。山陝界隔一河。潼關等處

亦須豫籌布置。著楊岳斌、劉蓉選派兵勇扼要駐紮。或於楊岳斌帶赴甘肅之勇隊內酌留數營。並派得力將領統帶扼紮潼關。以備不虞。毋得稍涉大意。將此由六百里諭知都興、阿穆圖善、雷正綰、楊岳斌、劉蓉、成祿、聯捷、廣鳳奎、昌扎克當、阿伯錫爾並傳諭恩麟、文麟知之。○直隸總督劉長佑奏請調候選員外郎楊澍。江西道員陳鳴志赴直隸軍營差委。允之。○補鑄浙江提標中軍參將布政司經歷照磨按察司經歷照磨司獄。衢州處州等府同知。紹興府經歷。山陰諸暨桐廬松陽等縣知縣。嘉興秀水海鹽上虞甯海龍游平湖桐鄉山陰會稽餘姚等縣縣丞。嚴州府建德壽昌遂昌諸暨仙居常山等縣儒學。平湖嘉興秀水石門等縣主簿。青鎮漁浦湖鎮等巡檢各關防印信條記。從閩浙總督左宗棠請也。○癸亥。諭軍機大臣等。吳崇奏賊蹤南竄皖境調兵防扼一摺。逆匪張總愚等由蕭



永交界之苗村橋地方。南竄宿境之龍山石弓山一帶。欲由蒙宿等處裹脅民眾東撲清淮。刻下徐防正當喫重。張樹珊一軍既經到徐。著吳崇卽飭該總兵會同姚廣武分路出隊力扼要衝。以杜竄突。桃源縣境之成子河圩為清淮東南門戶。防守尤關緊要。吳崇前派張從龍龔耀倫等軍扼紮。尚嫌單薄。現又暫調周盛波一軍協同防守。著卽飭令嚴密扼防。相機截剿。一俟曾國藩到徐。此軍應如

平定卷四十四

三二

何進剿。仍由曾國藩酌量調遣。賊蹤已竄蒙宿一帶。該處本有英翰張得勝等軍扼守。近日何以未據奏報接仗。喬松年前奏商令曾國藩飭調之易開俊一軍。由宿州蒙城一帶出境前赴徐州。正可迎頭截剿。著喬松年卽飭易開俊會合英翰等軍分路截擊。毋令竄入腹地。致滋延蔓。永城既有賊蹤。歸德一帶正形喫緊。張曜宋慶等軍前駐考城一帶。相距尚不甚遠。著吳昌壽酌量情形。抽調一軍

飭令探蹤迎剿。力遏寇氛。現在逆匪既分南北兩股。濟甯長溝之賊。近復遁回鄆濮一帶。是豫省兩路防務均關緊要。吳昌壽將河北防守事宜布置就緒後。仍當渡河而南。督飭各軍分投堵遏。並將近日防剿情形詳細具奏。姜玉順蔣凝學兩軍由楚赴豫。正可由陳州一路進發。著官文嚴催該兩軍飛速前進。不得稍有逗遛。吳昌壽一面迎提。俟抵豫境卽酌量何路賊勢較重。飭令由何路迎剿。毋

平定卷三十三

三

稍鬆勁。將此由六百里各諭令知之。○又諭劉蓉奏官軍攻克階州城池。殲除首逆。並遣散潰勇完竣。陝境肅清。雷正綰奏攻克下馬關等處賊巢。擬卽進攻靈州。並縷陳餉絀情形。暨曹克忠軍營缺餉。請飭陝撫撥解各摺。片。蔡啟雨逆竄踞階州。負嵎死守。經胡中和蕭慶高等督率兵勇四面合圍。攻克城池。將蔡逆及全股悉數殲除。謀勇兼優。實堪嘉尚。至啟逆梁城富是否被武字營擒獲。抑已乘



間逸出。仍著駱秉章劉蓉督飭在事員弁查明實在下落。據實具奏。川陝甘三省兵力。為階城一隅牽掣已久。今既擒渠埽穴。即可分路移兵。俾資得力。胡中和一軍。前據駱秉章奏。俟階州克復。移防敘南一帶。現在應如何調遣之處。著駱秉章酌量川省情形。妥籌辦理。雷正綰一軍。餉需異常支絀。駱秉章素能不分畛域。著每月酌量源源協濟。以資飽騰。昨因擒逆有渡河窺晉之謀。諭令楊岳斌酌留數營防守潼關。杜賊竄擾秦晉之路。此時蕭慶高等軍已克階城。自可調回陝省。於潼關等處擇要扼紮。以便替出楊岳斌之兵。全赴甘省。林之望所部勇丁。疊經諭令毋庸遣撤。往援肅州。現在安定等處軍情喫緊。著楊岳斌恩麟傳知林之望。統帶張華全軍先赴該處會合。成祿雷正綰所派各軍力解安定之圍。即行馳赴蘭州相機前進。階州善後事宜。著楊岳斌恩麟飭屬妥為籌辦。務令流亡

平定縣志卷一四

五

復業。毋得視同具文。半角城預望城下馬關等處。久為回逆巢窟。經雷正綰督飭各軍奮勇進攻。疊克堅巢。勦辦甚為得手。即著該提督與曹克忠各軍分路並進。直擣靈州。肅清北路。都興阿穆圖善督兵圍攻甯夏郡城。日久未下。殊屬延玩。著即激勵兵勇奮力圍攻。迅圖殲事。不得再事遷延。致干重咎。昨因成祿兵力太單。諭令雷正綰將派赴安定之劉正高等七營於解圍後。由成祿酌帶西行。第雷正綰先後派撥十二營駐防安定一帶。現在雷正綰乘勝進規靈州。兵力未厚。若由川省酌撥數營進駐安定一帶。則雷正綰先後派出各營仍可酌量調回策應。著駱秉章斟酌情形。妥籌調撥。陶茂林營中潰勇。由兩當南趨者。業經漢南地方官弁分別遣散押送回川。後起潰卒亦均遣回原籍。其漢南一帶。仍著劉蓉嚴飭各府廳營縣隨時確探防範。將餘匪搜捕淨盡。並著駱秉章飭令地方有

平定縣志卷一四

三六

司將遣散勇丁妥為安插。毋令生事。雷正綰移軍北進。轉運益艱。必應寬籌糧運。方能源源接濟。不至枵腹荷戈。著恩麟、楊能格飭屬就近籌運糧草。毋令缺乏。前因雷正綰營中糧運緊要。諭令劉蓉飭林壽圖派員督辦。何以尚未辦理。著劉蓉督令林壽圖實心區畫。妥籌接濟。不得稍存吟域之見。致誤事機。陶茂林部眾潰散。所存無多。現在曹克忠一軍營數日增。糧餉兩絀。該總兵打仗向稱勇往。

雷正綰

三

若令飢軍無食。譁潰堪虞。著劉蓉即將陝省按月解供陶茂林餉項。軍火改解曹克忠軍營。並製造帳房數百架。一併解往。以濟要需。毋稍貽誤。將此由六百里諭知都興、阿穆圖、善雷正綰、楊岳斌、駱秉章、劉蓉。並傳諭恩麟、楊能格知之。○陝西巡撫劉蓉奏辦理甘省潰勇等事。與德興阿意見不合。據實上聞。得旨。朝廷於各該臣工是非曲直及人品心術自有鑒別。該撫惟當實事求是。為所當為。不

矜才。不忤物。亦復何恤人言。○以克復甘肅階州城。提督胡中和、總兵官蕭慶高得旨嘉獎。並賞白玉翎管各一支。玉柄小刀各一把。火鍊各一件。大荷包各一對。小荷包各二箇。知州黃鼎已圖魯名號。餘加銜升敘有差。予陣亡參將盧勝祥等。祭葬世職加等。○以陝西克復城固等城出力。予總兵官李盛貴等加銜升敘有差。○予山東曹州陣亡守備周茂常等祭葬世職加等。○予浙江嘉興合門殉難文生馮高勳暨母俞氏並眷屬等分別旌卹加等。

雷正綰

三

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十

實錄卷一百四十

三十九

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十一

穆宗皇帝實錄卷一百四十一 同治四年乙丑閏五月甲子朔 上詣綏履殿問 慈安皇太后安 平安室問 慈禧皇太后安 至癸巳皆如之 諭軍機大臣 等曾國藩奏督兵出省日期 喬松年奏匪入 皖境接仗情形 閻敬銘奏賊股竄出東境現 在籌辦礮船 吳昌壽奏髮捻竄近豫疆帶兵 渡河策應各一摺 賊首張總愚等竄蒙亳一 帶官軍迎戰於龍山 頗有斬擒 賊由王家窯 南遁 著喬松年督飭英翰等軍向南跟追 並

批行

同治四年乙丑閏五月甲子朔

實錄卷一百四十一

一

上詣綏履殿問

慈安皇太后安 平安室問

慈禧皇太后安 至癸巳皆如之 諭軍機大臣

等曾國藩奏督兵出省日期 喬松年奏匪入

皖境接仗情形 閻敬銘奏賊股竄出東境現

在籌辦礮船 吳昌壽奏髮捻竄近豫疆帶兵

渡河策應各一摺 賊首張總愚等竄蒙亳一

帶官軍迎戰於龍山 頗有斬擒 賊由王家窯

南遁 著喬松年督飭英翰等軍向南跟追 並

仍防牛洪等股續至。務將該逆截斷。毋任合併。易開俊一軍。卽照喬松年所擬。駐紮蒙宿一路。會同英翰等合力勦洗。東境已無賊蹤。著吳棠。閻敬銘。檄令陳國瑞一軍。躡勦該逆後隊。牽制賊勢。直東兩省。現時固不可無重兵防守。將來兼須有往來擊勦之軍。以資策應。未經到防之潘鼎新一軍。宜仍留直隸鎮守。劉銘傳所部。仍令駐紮山東濟甯一帶。專顧北路。其往來擊勦之軍。或派余承恩。或派

陳國瑞。均由劉長佑。閻敬銘。酌度辦理。閻敬銘欲繕軍籌餉。以圖自強。並派知府曹丙輝等。就河內各船。改造試用。失之東隅。收之桑榆。仍未為晚。卽著與劉長佑。崇厚。妥商辦法。以期一勞永逸。吳昌壽因賊竄蒙亳。欲為四面擣巢之計。又以鄆鉅之賊竄過曹縣。前股已至劉口。宋防岌岌可慮。飭張曜等繞前截擊。並抽調湯聘珍一軍渡河。與張曜等會合。一面親督譚仁芳四營渡河。視賊所向策應。

所籌均妥。著卽嚴檄張曜等認真防勦。毋令賊蹤深入為患。蔣凝學軍距豫不遠。該撫卽飛提到營。以資厚集。姜玉順等九營。屢次諭令官文飛飭赴豫。何以尚無到豫消息。究竟已至何處。該省軍情甚緊。兵力甚單。儻有疏虞。關擊非淺。著官文仍嚴催該提督星速赴豫。如有意遲延。卽行嚴叅懲辦。歸陳各屬。距賊甚近。吳昌壽當督飭地方文武。整頓兵團。以資防禦。河洛為關陝門戶。與晉省僅隔一

河。吳昌壽已派徐邦道一營。西紮虎牢關。仍恐兵力單薄。著沈桂芬整頓防兵。嚴扼要隘。不可稍涉大意。曾國藩督師出省。想已到清淮一帶。卽著進駐徐州。相機調度。該大臣必有成算在胸。到徐後軍情賊勢。隨時馳報。以紓南顧之憂。東境無賊。道路已通。國瑞卽督率兩盟馬隊。與克興阿等護送僧格林沁靈柩回旗。所有欽差大臣關防。國瑞卽親齎回京恭繳。其溫德勒克西等馬隊。仍著留於山

東卽由國瑞酌派一員統帶。仍令暫行駐紮曹考一帶。聞色爾固善治軍。謹嚴兼有謀勇。可否派令統帶此項馬隊之處。著國瑞酌量辦理。此起馬隊。曾隸多隆阿部下者居多。曾國藩知之有素。必能妥為駕馭。現應如何調遣之處。卽著妥為布置。曾國藩未經調派以前。如直隸山東有警。亦可由劉長佑閻敬銘暫行酌調。閻敬銘仍遵前旨。馳赴濟甯一帶。整頓防兵。稽察伏莽。務將善後各事宜。妥為布置。前諭查辦劉銘傳陳國瑞勇丁械闖一節。疊經降旨。令劉銘傳駐東防守。陳國瑞追賊出境。該二員不能約束。已有旨嚴行申飭。可以無庸查辦矣。將此由六百里各諭令知之。○又諭。前因曾國藩奏請責成江浙楚鄂等省。協濟甘餉。當經諭令各該省豫籌定數。疊據官文馬新貽等。將月協餉數奏明。茲復據曾國藩奏。統計協甘銀數。除揚防節省項下月解甘餉三萬兩外。浙江江蘇湖北湖南

每月可得十萬五千兩。為數已不為少。請將東征局務裁停等語。楊岳斌現已飭令卽日赴甘。勦賊軍餉最關緊要。既經各該省自行酌定協餉數目。當必確有把握。該督撫等務須按月源源接濟。不得稍涉遲延。帶欠致有停兵待餉之虞。楊岳斌一軍。每月得此有著鉅款。士飽馬騰。惟當激勵諸軍。奮勉圖功。埽蕩羣醜。方為不負委任。並嚴飭各營官。於領到月餉。實放實銷。毋蹈浮冒剋扣等弊。東征局務。卽照曾國藩所請。將局卡概行停止。仍著擇貨物數種。暫留釐金數成。增寫本省釐票內。作為協甘之餉。如月收漸旺。仍著李瀚章儘數多解。不必拘定月解一萬兩之數。於甘省餉需。更有裨益。將此由五百里各諭令知之。○以安徽肅清皖南出力。賞總兵官陳裕英。易德麟。章合才。二品封典。總兵官洪德發。副將曾潤。學劉三友。潘運璋。喻中德。李榮貴。胡秀世。李前復。王福順。李官祿。王俊南。趙

仁和。高興發吳起元參將胡文貴楊玉迪周國勝官日迎李就山李正泰朱德開賴明芳劉長春翟金元朱寶隆劉時雨巴圖魯名號知府劉傳祺副將賀能起等花翎知州邵醴泉等藍翎餘加銜升敘開復有差。○乙丑諭內閣前因江西巡撫沈葆楨丁憂降旨賞假百日穿孝俟假滿時改為署理江西巡撫嗣據該撫滙請開缺終制情詞懇切不得不俯如所請茲據孫長紱奏稱據在籍紳士侍郎

李道生等呈稱該撫蒞江數載德澤及於軍民上年賊犯腹地該撫調度有方立時埽蕩今軍務未盡平復鄰氛時虞窺伺請令沈葆楨來江督辦防勦等語自係實在情形沈葆楨撫江數年軍民愛戴該省密邇寇氛防勦實未能稍鬆從前曾國藩胡林翼張芾李續宜等皆以親喪破格奪情諸臣雖疊請終制朝廷以得人為重未允所請皆墨經從戎膚公克奏沈葆楨仍當念古人金革母避之義

迅赴江西督辦防勦事務毋再固辭。○諭軍機大臣等孫長紱奏擊退萍鄉叛勇閩匪膚聚上杭等處現籌守禦並韓進春一軍鼓譟奔潰各摺片西征叛勇由萍鄉竄至攸縣茶陵經席寶田等軍截擊該匪折向安仁狂奔旋由龍海塘竄往郴州屬境著李瀚章激勵將弁實力勦除毋令再行蔓延他處該逆雖已敗竄湘省難保不由桂東桂陽折回江境孫長紱仍當嚴密防守檄飭劉勝祥等軍嚴

扼該逆回竄之路以固邊防汪海洋李侍賢等逆現踞上杭武平嘉應等處此次嘉應州境被匪竄入何以未據瑞麟郭嵩燾奏報卽著瑞麟等督飭官軍迅速埽蕩該逆現竄何處並著隨時奏報以聞賊氛逼近贛甯江省東路之防倍形喫緊著左宗棠仍遵前旨不分畛域督飭官軍越境追勦迅殲醜類以期次第廓清蘇省援閩之郭松林楊鼎勳二軍仍遵前旨飭赴江閩交界處所駐紮以遏賊

氛回竄腹地之路。參將韓進春所部勇丁因失火鼓噪。肆搶商販。闖入糧臺。搶去辦米銀八十餘兩。該參將飭令營官交出滋事匪勇。乃各勇丁概行焚營而去。奔往高排墟等處。聲言欠餉數月。必須發足等情。實屬目無法紀。韓進春著先行革職。勒令將滋事營官勇丁拏解來省。分別懲辦。並著孫長紱督飭張岳齡等將欠餉如數放給。妥為遣散。毋令再滋事端。並將為首滋鬧勇丁嚴行懲辦。以儆效尤。將此由六百里諭知瑞麟左宗棠徐宗幹李瀚章郭嵩燾並傳諭孫長紱知之。○又諭貴州學政黎培敬奏督撫大吏措置乖方。並陳林自清練勇殃民各摺片。據稱勞崇光貌託和衷。內多偏聽。張亮基遇事乖謬。忌刻多私。任聽其子張臚壽及陸傳應之子陸佑勤朋比為奸。復引用總兵林自清為心腹。認作義子。以致軍務吏治日就隳弛。林自清練勇。徧布省城及各州縣。淫掠殃民各等語。勞

崇光張亮基經朝廷簡任封圻。到黔歲久。地方軍務毫無起色。每藉口鄰餉不濟。畏難苟安。其不能振作有為。已可概見。茲據該學政奏參勞崇光等徇私偏聽。縱賊殃民各情。如果屬實。殊為大負委任。著駱秉章卽飭臬司趙長齡馳赴黔省。按照黎培敬所奏各節。嚴密確查。據實參奏。不准稍涉徇隱。林自清窮兇極惡。部勇姦淫擄掠。無所不至。並著妥慎查辦。以杜亂萌。四川臬司著駱秉章派員署理。原摺片著鈔給閱看。將此由五百里諭令知之。○旌表守正捐軀奉天遼陽州民婦張王氏。○緩徵山西解州歉收地方節年民借倉穀。○丙寅。上御撫辰殿。陳帝帳。閱侍衛步射。至庚午。皆如之。○丁卯。諭軍機大臣等傳諭護江西巡撫孫長紱。孫長紱奏遵保收復崇仁等縣。出力員弁。開單請獎。一摺。其鄧子垣陳鳴志二員。所請以臬司記名簡放。與吏部新章不符。

未經照准已准給清字勇號其餘均照該藩司單開所請悉予恩施矣惟韓進春所部勇丁業經鼓操肆搶紛紛潰散未便再敘前勞因該藩司所開單內未將江忠朝等各營分別敘明恐往返駁查致各營出力之安分弁勇不得早邀恩獎是以悉照單開所請先行概予獎敘著孫長紱於接奉此旨後先將江忠朝等營安分出力弁勇分別查明將獎敘恩旨先行宣布以示鼓勵其韓進春所部滋事潰散勇丁及不能約束之營官等均著詳細查明將所奉諭旨暫停宣示一面迅速奏明聲請扣除以昭懲儆所有劉典王開琳兩軍出力員弁勇丁仍著孫長紱知會左宗棠迅即查明保奏俾免向隅尋孫長紱奏查明前保韓進春所部員弁請將董德春等官階翎支悉予扣除下部知之○又諭瑞雲奏餉項支絀暫借庫款銀兩濟急一招涼州滿洲營官兵應領俸餉未能按季關領瑞雲現將

將庫儲馬價銀八千兩分作兩次放給官兵以濟眉急俟關領每季餉銀時勻作五次歸還係為量時變通起見著照所請辦理其莊浪城官兵餉糈歷年積欠甚多瑞雲所請暫動莊浪庫存馬價銀四千兩分起支放續籌歸還之處事同一律亦著照所請行至甘肅藩庫積欠涼州莊浪官俸兵餉已至數年該處籌防回匪將士晝夜辛勤若任令枵腹荷戈豈能望其用命著楊岳斌督飭恩麟趕緊

設法籌款源源接濟並嚴飭武威平番等縣趕辦本色口糧隨月供支毋許稍有遲誤將此由五百里諭知楊岳斌瑞雲並傳諭恩麟知之○以江西克復崇仁等城出力賞提督徐生德李榮發徐良塽鄭喬隆邊曉堂李運勝總兵官戴奉聘蕭得龍副將鄧善居鍾元興一品封典提督江上喜龍萬貴總兵官彭德勝李祥松曹福勝鄧長來劉能用唐占彪吳泰盛副將王政坤夏春實鄧善企李光連



江忠珀黃忠勝李光明李邦仕喻起英陳清泰參將鄧吉陞鄧善富陳周翰王全福楊祖志周易龍鄒興發蔡國喜道員鄧子垣陳鳴志巴圖魯名號道員周寬眾副將羊寅等花翎都司劉聚勝等藍翎餘加銜升敘開復有差○予陝西漢中陣亡遊擊楊玉和等祭葬世職○予江西建昌傷亡把總張康林祭葬世職○予江西永甯等處陣亡殉難生員劉嗣源等紳民婦女一千七百三十七名口分

今旌卹如例○戊辰諭內閣兵部奏遵議未能力救主帥各員請將正黃旗蒙古副都統溫德勒克西伯都訥副都統高福均革職不准留營成都副都統富森保革職留營等語溫德勒克西等隨同親王僧格林沁剿匪未能竭力救護實屬咎有應得姑念該員等追勦疲乏係由賊眾兵單所致溫德勒克西高福均著加恩改為革職留營富森保事後尚知愧奮著加恩改為革職留任○又諭駱秉

章奏請將庸劣不職各員請旨革職一摺四川松潘廳同知文桂居心險詐巧於趨避署打箭鑪同知候補知州張大勳嗜利妄為不洽輿情前華陽縣知縣王兆雋居心貪酷辦事任性鄧都縣知縣吳錦銓性情卑鄙聲名惡劣候補知縣李榮臨踰閑蕩檢行止有虧均著卽行革職永不敘用○諭軍機大臣等醇郡王等奏巡撫五營官兵過形疲弱請改挑旗兵操練一摺據稱巡捕營備操之官兵二千名經該王在南苑閱看該五營官兵精壯無多過形疲弱按冊點驗名次不符半多舛錯參差與臨時雇替者相似器械一切亦俱短缺且多不堪使用卽揀選操練必難得力等語覽奏殊堪詫異京師設立五營弁兵為數鉅萬與旗兵相輔而行原以捍衛本根巡捕奸宄責任綦重該營統領總兵等宜如何認真整頓以重營務且歷年以來稔知該營漸形廢弛疊經嚴諭申飭何嘗再三不料

該營官等竟如此疲玩因循毫無顧忌平時既多缺額臨時則雇替頂充老弱疲羸濫廁兵籍直同兒戲際此軍興十有餘載各省寇賊未平東豫密邇京圻賊蹤時虞北竄萬一有警此等疲癯殘疾之師戰守兩無足用安望其緩急可恃且庫帑支絀何堪以有限之餉供此無用之兵耶該統領總兵等曠官溺職泄沓成風直視國家戎政竟同膜外殊可痛恨若繩以軍律豈能當此重咎耶嗣後著

存誠崇綸恆祺將巡捕五營官兵立限半年力加整頓如該營官等膽敢仍前玩泄卽著該管大臣嚴叅懲辦務須激發天良於限內認真訓練使成勁旅俟技藝稍嫻再由神機營王大臣酌量挑選儘再積習相沿視誥誡為具文將來限滿挑選時如查出該營兵丁仍係故態必將步軍統領總兵等嚴行治罪決不寬貸懍之慎之將此諭令知之○又諭劉長佑奏暫駐開州督造礮船簡練兵馬以

防賊匪回竄及劉銘傳陳國瑞兩軍互鬪後尚駐長溝相持未動喬松年奏陳近日軍情請飭周盛波等督兵來皖助勦各摺片東省賊匪經劉銘傳陳國瑞等擊敗後悉數南竄惟該逆飄忽靡常現雖距直省稍遠防務究未可遽鬆劉長佑現駐開州督造礮船著卽嚴飭大名道等購辦木料加工修造期於經久可用並著該督將在防各軍勤加操練以備不虞劉銘傳陳國瑞兩軍互鬪前經國瑞

奏請派閻敬銘查辦該兩軍滋生事端劉銘傳等不能約束本有應得之咎前諭閻敬銘無庸查辦已屬恩施格外陳國瑞自應知感知愧恪遵前旨追躡賊蹤劉銘傳亦當誡諭將士謹守營規不得與陳國瑞部勇較長絮短同室操戈何以尚在長溝相持不下豈謂朝廷不能執法從事耶著國瑞閻敬銘傳知劉銘傳陳國瑞毋庸聽候查辦卽飭陳國瑞剋日督隊馳赴蒙宿一帶追勦若再遷延卽

行從重叅處其劉銘傳一軍前有旨飭赴曹  
考駐紮以作後路聲援並著曾國藩相機調  
派。馮河北岸之高鑪集被賊襲破以致英翰  
營盤有腹背受敵之勢雖經喬松年調派易  
開俊張得勝等督勇前進合力勦洗而賊勢  
太盛仍恐兵力不敷周盛波尚在徐州卽著  
曾國藩吳棠檄飭該提督迅帶所部前赴宿  
州一帶會勦毋誤事機郭寶昌一軍前已飭  
交陳國瑞統帶茲據喬松年奏請派總兵康

錦文管帶來皖等語郭寶昌與陳國瑞積不  
相能此軍隸於陳國瑞部下恐難得力著國  
瑞卽派康錦文帶赴皖省助勦陳國瑞亦卽  
統所部前進吳昌壽著卽帶兵馳抵歸德一  
帶嚴扼賊氛毋令竄越李鴻章所派潘鼎新  
一軍約計程期卽日可抵大沽直隸有潘鼎  
新一軍山東有劉銘傳一軍是該二省兵力  
已厚此時亟應豫籌辦法將來以何項作為  
本省防兵何項作為本省遊兵又應將何項

作為出省會勦之兵層層布置接應不窮於  
勦辦流寇較有把握著劉長佑閻敬銘妥籌  
具奏將此由六百里各諭令知之○又諭駱  
秉章奏官軍攻克階州斬擒首逆及越勦黔  
匪攻克正安州城一摺所陳周達武等軍攻  
克階州城垣蔡逆被亂軍殺斃啟逆身受三  
傷經武字營營官周家盛擒獲等情與劉蓉  
前奏大略相同現在階城已克劉嶽昭之軍  
越境攻克正安州正當乘此聲威節節掃蕩  
著駱秉章迅卽檄調階州得勝之軍分赴黔  
邊會合劉嶽昭所部力解遵義之圍次第殲  
除踞匪俾滇黔聲息相通卽可飭劉嶽昭赴  
雲南東路勞崇光張亮基亦當督飭黔軍會  
同川兵實力勦洗豈得專待援師一籌莫展  
貽誤事機正安州城新復亟須公正廉明之  
員前往撫綏及辦理善後一切事宜並著張  
亮基遴委妥員署理正安州缺以資治理前  
因雲南軍事方殷疊經諭令勞崇光馳赴迪

東扼紮督辦計至三月有餘諒該督早經奉到何以勞崇光至今尚未覆奏著仍懍遵前旨迅赴滇省迤東一帶扼要駐紮相機調度毋許飾詞延緩致負委任將此由六百里各諭令知之○又諭瑞麟郭嵩燾奏官軍越境勦賊克復平和詔安兩城及大埔防兵疊獲大勝現籌防勦情形一摺據奏侍逆大股撲犯粵境林保一軍於四月二十七日會同閩軍將平和縣城收復其詔安踞匪復經官軍於五月初一日由北路烏山溪東一帶迎擊殺傷甚多隨將縣城克復該逆盡撤永定之圍直趨上杭等語前據左宗棠奏攻克平和皆敘閩軍戰狀並未敘及粵軍並云僅有詔安一城擬卽派郭松林楊鼎勳等軍前往規取此次瑞麟等所奏攻克平和詔安兩城與左宗棠所奏互異且云逆賊有二十餘萬之多方耀血戰數十里誅賊萬餘人語意近於鋪張著左宗棠迅將平和詔安如何攻克是

否會同粵軍之處詳細查明具奏瑞麟等所保出力之方耀等著俟左宗棠奏到再降諭旨瑞麟等所稱已派卓興專駐嘉應以固惠潮門戶並飭林保等移紮平鎮一帶扼守著卽督飭各軍嚴密防勦並著左宗棠仍遵前旨不分畛域越境追勦迅殲醜類俾江粵諸境一律廓清以副委任此此由六百里各諭令知之○又諭前因李鴻章奏拏獲投賊洋人白齊文等請旨飭遵當諭令該衙門妥議

具奏茲據總理各國事務衙門奏稱此次給予署美國使臣衛廉士照會內歷述白齊文屢次罪狀應查照前議卽行正法該使覆以白齊文既經投賊美國不應庇護惟可否歸在中國嚴辦應請國政訓示如何辦理再為照知等語該使所稱恭請國政訓示一語自係因甫經接署公使之任一切未敢自專尚在情理之中自應俯如所請除俟該國照知到日卽由總理各國事務衙門覈辦及餘犯

解交各該領事嚴辦外。其白齊文一犯。著左宗棠、李鴻章暫行嚴密押禁。聽候辦理。此次訪拏出力之稅務司等。並著李鴻章查照江浙等省打仗出力之外國員弁。給予功牌前案。妥為製辦。分別給領。以示鼓勵。原摺著鈔給閱看。將此由四百里各諭令知之。○以安徽高鑪集被賊襲入。革參將李得勝職。○以克復貴州正安州城。賞布政使劉嶽昭頭品頂帶。總兵官謝景春一品封典。參將謝景星。

楊廣順巴圖魯名號軍功。賀國璧等藍翎。餘加銜升敘有差。予陣亡都司成茂清等四十五員祭葬。世職加等。○己巳諭內閣。前據巡視中城給事中瑞亨等奏。遵查五城團防。請照舊章辦理。及御史汪朝榮奏。團防須由民捐民辦。外省紳董不得把持。各一摺。當降旨。交都察院堂官妥議具奏。茲據奏稱。團防兼用外省京官。本係咸豐年間奏定章程。辦理歷年悉臻妥協。並無外省京官冒籍把持。各

弊。未便驟議更張等語。京師五方雜處。土著較少。必專責本籍紳民辦團。反多窒礙。所奏自係實在情形。即著照所請。仍按舊章辦理。汪朝榮所奏。著毋庸議。惟任事責於得人。保舉不宜冒濫。嗣後五城御史務須慎擇紳董。毋使人浮於事。如有始勤終惰。跡涉招搖者。即著隨時查參。即或著有微勞。亦必覈實酌保。僅巡城御史有容隱瞻徇等情。並著都察院堂官隨時叅處。○又諭楊岳斌奏甘省吏治需人。查有降調之員。尚堪棄瑕錄用等語。降調湖南巡撫惲世臨。著即發往甘肅交楊岳斌差遣委用。○諭軍機大臣等。楊岳斌奏遵旨赴甘請飭蔣凝學一軍仍歸調遣。調撥鮑超所買戰馬。令唐際盛兼理督餉。請飭甘省暫停募勇各摺片。楊岳斌於本月初一初二等日。督率所部西行。擬由東路進省。接印視事。到省後當懍遵疊次諭旨。將防勦事宜。交查案件。安速籌辦。以副委任。山東賊股分

竄劉口永城歸陳喫緊豫省現無重兵蔣凝學一軍已疊次諭令赴豫歸吳昌壽調遣著俟河南肅清再令該道赴甘楊岳斌此時惟當就現有兵力力圖自振以期壁壘一新階州現已攻克林之望等軍尚能得力該督抵甘後即可就近檄調各營勇丁紛紛滋事自應暫停招募著該督卽行飛咨都興阿雷正綰等營一體照辦以節糜費而免滋擾鮑超所買戰馬前准曾國藩調赴軍營本日已諭

知理藩院將蒙古捐輸馬匹於距甘較近處所挑選一千匹撥赴楊岳斌軍營著俟解到後認真訓練以資得力李桓舊病未痊鄂省後路糧臺亦可不必另設著照所請派唐際盛兼綜其事該督卽咨行官文飭該司妥辦可也另片奏甘省吏治需人等語除李鶴年卞寶第均係現任大員不准調往外已有旨將惲世臨發往甘省交楊岳斌差遣委用矣將此由五百里諭令知之○庚午諭軍機大

臣等國瑞奏先餉兩盟馬隊護送僧格林沁靈樞回京俟將各項馬步兵勇安插卽行回京一摺現在天氣炎熱僧格林沁靈樞自應早日回京國瑞已派令諾林丕勒管帶兩盟馬隊三百八十餘名隨從克興阿等護送啟行卽著飭令沿途小心照料以期妥協溫德勒克西等馬隊俟色爾固善到東卽交令管帶暫駐曹考一帶聽候曾國藩調遣至各項招集馬步兵勇疊經諭令國瑞開單呈覽此

次所奏馬步各隊或云數百餘名或云數千餘名究竟有馬官兵若干無馬官兵若干以及各項馬步各隊實在確數總未詳細開單呈覽詞意含混實屬顛預馬步兵勇既有六千餘名之多自應量為安插並著派得力將領分營管帶方不至散而無紀該營現在所存兵勇著卽查明確數分撥直隸山東兩省各若干名開列清單咨交劉長佑閻敬銘分配各營以資防勦下餘兵勇若干名許州底

營官兵數百名。並八漢礮位。及各局置辦軍火等項。均著趕緊清釐。除酌留直東二省兵勇外。其餘應留兵勇軍火。均著造具清冊。面交曾國藩接管。俟交代清晰。卽著迅速來京。其欽差大臣關防。卽派委員先行齎送回京。所有應行事件。仍鈐用從前木質關防。曾國藩此時計已行抵徐郡。所有國瑞應交曾國藩馬步各隊及軍火等件。卽著該大臣飛速迎提。以資攻勦。毋任遷延觀望。現在暫駐曹

二

二

考之色爾固善所帶馬隊。應如何酌量留防及進勦之處。著曾國藩妥籌調遣。前據阿克敦布等奏稱。遵調山東軍營馬一千匹。已派員管解進口。前赴山東。著曾國藩卽行派員迎提。歸該大臣調撥應用。將此由六百里各諭令知之。○又諭恩麟奏北路回匪圍攻中衛縣城。及道員黎獻督兵西勦獲勝。克復高古城等處賊壘情形。並回民闖入大道搶掠。旋經解散。暨籌備雷正綰軍糧各摺片。中衛

縣城與省城西甯甘涼等郡處處相通。為兵糧轉輸要地。現在北路回匪分股圍撲該縣城池。並撲犯梁生嶽營盤。勢甚猖獗。萬一中衛有失。其患不可勝言。雷正綰全部現已進規靈州。相距中衛較近。著該提督斟酌軍情。抽撥勁旅數營。迅往援勦。以保危城。成祿及鶴齡等軍。疊經有旨諭令進勦安定之圍。再行西行。著楊岳斌恩麟催令前進。如安定業經解圍。卽著雷正綰將派赴安定之軍調回數營。前赴中衛接替。藉資得力。楊岳斌抵省後。並著分撥勁兵前往援勦。至梁生嶽營盤有無失事情形。並著楊岳斌恩麟查明具奏。黎獻帶兵二千進勦肅甘等處賊匪。沿途節節獲勝。勦辦尚合機宜。惟兵力太單。必應步步為營。穩慎圖功。方無挫失之患。著楊岳斌恩麟飭令黎獻激勵兵團。將黎園永固等處賊匪次第殲除。再行酌度軍情。妥籌進取。大馬營千總馬國慶甘心從逆。實出情理之外。

並著檄令黎獻設法捕拏。訊明實情。盡法懲治。高古城回匪。經官軍攻克後。挖戮無遺。新城堡亦即克復。辦理尚屬迅速。其署古城千總祁延林。是否被賊裹脅。抑係有心從逆。並著飭令黎獻訪查詳確。據實奏參。西路回民藉口漢團未散。突入大通縣城。大肆搶掠。倉庫監獄。一併被劫。被傷人命甚多。雖據回目馬壽等悔罪投誠。呈交贓物。而監犯及首惡並未捆獻。斷難憑信。該回民詭詐多端。總欲

撤去漢團。得以肆行無忌。萬不可墮其術中。恩麟現因兵力不敷。勦辦暫准投誠。即著嚴飭達昌。責令該回目等將起事首惡。及劫放監犯。立即交出。不准藉詞宕延。致墮詭計。各鄉團練。仍應聯絡整備。不可輕議裁撤。如果該回眾尚知悔罪息事。亦不可無端肇釁。著玉通恩麟。隨時飭令該地方官。先事豫防。妥籌辦理。西甯一帶。防守事宜。並著玉通認真妥辦。所有大通縣城被擾情形。仍著恩麟確

查具奏。雷正綰一軍。需用口糧麥麵。即著恩麟飭令慶陽所屬一州四縣。設法勸辦運供。楊能格即就近督同慶陽府知府。嚴飭所屬實力勸辦。源源運送。毋令缺乏。雷正綰所需月餉。支絀異常。並著楊能格飛催各路協餉。隨時撥解。毋稍延緩。恩麟仍當設法接濟。以應要需。前據吳昌壽楊岳斌。先後奏稱甘肅派往各省募勇。沿途滋擾等語。著都興阿。雷正綰查明約束。不嚴各員。據實參奏。現在甘

省兵勇。已為不少。足敷勦辦。所有派往各員募勇之處。即著暫行停止。吳昌壽楊岳斌。原片各一件。著鈔給都興阿。雷正綰閱看。將此由六百里諭知都興阿。穆圖善。雷正綰。楊岳斌。玉通。並傳諭恩麟。楊能格知之。○予甘肅石空堡陣亡守備魯剛。泰署千總李韞。把總雷國珍等。祭葬世職加等。○辛未以望雨仍殷。

上復於



大高殿設壇祈禱。親詣行禮。○遣惇親王奕誼詣

時應宮。恭親王奕訢詣

昭顯廟。鍾郡王奕詒詣

宣仁廟。孚郡王奕譞詣

凝和廟。睿親王德長詣

覺生寺。豫親王義道詣

黑龍潭。克勤郡王晉祺詣清漪園

龍神祠。順承郡王慶恩詣靜明園

龍神祠。鄭親王承志詣密雲縣

白龍潭。拈香。○諭軍機大臣等。李瀚章奏擊

退霆營叛勇。楚境肅清。賊蹤竄粵一摺。此起

叛勇。由攸縣竄陷安仁興甯。經張義貴等追

勦。將賊擊退。復經陳士杰周興隆在小良田

百丈嶺等處截擊。擒賊無算。勦辦尚為得力。

惟賊現由粵東竄去。則樂昌一帶。必須有攔

截之兵。方不至延蔓為患。前因賊蹤飄忽。恐

其竄入兩粵。滋擾地方。曾經諭令瑞麟等派

兵防堵。此時賊蹤已竄粵東境內。瑞麟等務當飭令派出防軍。實力扼截。一鼓殲除。李瀚章亦當督飭陳士杰帶兵越境。會同粵軍。覘賊所向。合力兜勦。不得稍分畛域。其屯紮柳宜之和字威信等營。並著李瀚章相度機宜。妥籌調派。此賊既悍且眾。奔竄靡定。或由粵東竄江。或仍回竄楚境。以入粵西。均不可不豫為防範。李瀚章劉坤一。尤當派撥兵勇。嚴扼本境。劉坤一未到任以前。孫長紱責無旁

貸。並著張凱嵩先事籌防。毋稍大意。將此由六百里諭知瑞麟李瀚章劉坤一。張凱嵩郭嵩燾。並傳諭孫長紱知之。○以鑲黃旗蒙古都統明慶署正紅旗滿州都統。○以湖南官軍擊退叛卒。賞按察使陳士杰巴圖魯名號。遊擊趙勝國等花翎副將張義貴等升敘有差。革防堵不力知縣李龍章。萬時若。千總滕加吉。把總何朝棟。職仍留任。予陣亡都司鄒洪興祭葬世職。○追予湖北隨州陣亡都司

戴耀堂外委潘承恩祭葬世職生員詹鍾福等紳民婦女一百八十一名口分別旌卹如例均予建祠○壬申諭軍機大臣等李鴻章奏潘鼎新一軍由滬航海赴津並余在榜一營難再撤回一摺潘鼎新一軍業已到津卽著劉長佑飭令雇備船隻由水路前赴張秋一帶扼要駐紮余在榜洋槍隊一營卽已北來卽令與潘鼎新一同駐守直東交界要地聽候調遣前經諭令直隸山東每月各撥銀一萬五千兩為該軍餉項著劉長佑閻敬銘督飭藩司源源解濟如尚不敷直隸准於天津關動支山東准於東海關動支必須寬為籌備不可稍有遲延缺乏等事已革道員童埏既據李鴻章稱其廉明精細能耐勞苦於直東情形較熟卽派童埏經理此軍糧餉藉資得力並著崇厚督同該革員妥為辦理崇厚駐軍東昌於此軍可以聯絡聲勢設有緩急當通融接濟毋令孤軍遠役呼應不靈也

劉長佑在開州督造礮船著卽趕緊辦理賊匪如有由豫回竄消息或水套伏莽應須勦捕著俟潘鼎新等軍稍為休息酌量布置調遣曾國藩此時應已到徐蒙亳一帶賊勢若何當有奏報在途潘鼎新等駐師張秋係為屏蔽北路惟此起勁軍駐於無賊之地甚為可惜著該大臣酌量調派以期布置得宜前諭劉長佑閻敬銘將本省防兵遊兵及出省會勦之兵妥籌具奏著仍遵本月初五日諭旨趕緊籌議奏聞如皖豫賊匪回竄本境或有土匪勾結起事均惟該督撫是問將此由六百里各諭令知之尋劉長佑奏刻下賊蹤較遠山東曹考一帶已有劉銘傳重兵駐守大名鎮道所部兵勇及直字六營擬作為本省防兵余承恩陳濟清等作為本省遊兵潘鼎新一軍作為出省會勦之師得旨潘鼎新一軍已於本月初九日寄諭曾國藩及該督酌量布置調遣該督此奏正與寄諭脗合著

卽函商曾國藩如應令其駐紮東豫交界卽一面調派一面奏聞惟此軍月餉仍應懍遵初九日寄諭寬為籌備不可稍有遲延帶欠以免貽誤閻敬銘並著該督一體知照飭遵○又諭聯捷奏由陝拔營前進請飭山西按月撥餉各摺片陝陶陶營潰勇業已辦竣聯捷自當迅赴甘肅會合成祿所部剋日西征該大臣現已分隊起程著卽督率馬隊步勇馳赴安定一帶會同成祿及雷正綰所派各軍盡力勦辦一俟安定肅清卽與成祿由肅甘等處節節進剿為出關之舉不得以在陝坐待軍器稍事遷延該大臣月餉每月需銀八千餘兩此後軍行漸遠甘省蹂躪之區籌畫非易著沈桂芬按月撥實銀八千五百兩解交聯捷軍營務須源源接濟毋使停兵待餉致誤要需將此由四百里各諭令知之○又諭楊能格奏雷正綰一軍進逼靈州需糧孔亟請飭陝西省於鄰近甘肅各州縣動撥

書奏卷一百一

五

倉儲迅解糧臺並請飭陝省鄰近北山州縣勸捐米麥解交糧臺轉運大營等語雷正綰所部會合曹克忠魏添應各軍指日可達靈州所需軍糧一切亟應寬為籌備著劉蓉迅飭鄰近甘省各州縣於常平義倉存儲內無論米麥雜糧每屬各撥解一二千石共作為二萬石之數飛速解交涇州慶陽糧臺轉運至環縣分局收存備支此項運腳均准其作正開銷其鄰近北山州縣並著劉蓉轉飭各該地方官會同雷正綰委員妥籌勸捐實在米麥解交糧臺以濟要需楊能格於陝省糧石解到時卽酌覈各營所需源源轉運並著俟甘省二麥登場糧價稍減仍設法寬為勸捐採買留備供支將此由五百里諭知劉蓉並傳諭楊能格知之○又諭張凱嵩奏擊退泗城竄匪追擒首逆邊圍肅清官軍進規那檀山澤賊巢生擒賊渠各一摺逆匪廖萬服等由滇黔邊境回竄西林縣界經知府鄧雲

書奏卷一百一

五

襄等督率兵團。實力進剿。當將廖萬服楊通潮擒獲。勦辦尚為得手。逆首廖萬服。楊通潮著就地極刑處死。以申國法。而快人心。泗城現雖肅清。而按捕遺孽。安撫地方。在在均關緊要。即著張凱嵩督飭屬員。妥為辦理。此股餘匪。悉向廣南竄去。若不按除淨盡。難保不灰復燃。又逞其兇狡之謀。蔓延滇粵毗境。著勞崇光嚴檄廣南府知府帶領兵練。會同粵西官軍。協力勦洗。痛殄逆氛。並著張凱嵩

廣東通志

卷一百一十五

督飭派出官軍。越境追剿。務將此股餘匪悉數聚殲。毋任一名漏網。逆首孫茫廣。梁安邦盤踞那檀山澤等處。經劉坤一率師進攻。疊平逆壘。梁逆現已成擒。那檀不難即下。自可騰出兵力。以合山澤之圍。著張凱嵩激勵將弁。即將那檀山澤等巢。迅速攻拔。以期次第廓清疆圉。劉坤一業已簡放江西巡撫。著張凱嵩傳知該撫迅赴新任。毋稍延緩。那檀等處防剿事務。如接替無人。即著馮子材前往

督辦一切布置機宜。仍著張凱嵩會同籌商。妥為辦理。將此由六百里各諭令知之。○署兩江總督李鴻章奏賊氛密邇。請將本年軍政展緩舉行。從之。○閩浙總督左宗棠奏防勦喫緊。請將本年軍政展緩舉行。從之。○以詹事府詹事魁齡少詹事伍忠阿為內閣學士兼禮部侍郎銜。○癸酉。諭內閣。都察院奏。己革馬蘭鎮總兵慶錫等。以代父鳴冤。懇請昭雪等詞。赴該衙門呈訴。據稱故父者英。於咸豐八年間。派往天津辦理事件。桂良等奏令回京。行至中途。經惠親王等奏。奉旨嚴訊。又經王大臣等會議具奏。酌擬定為絞監候。詎肅順一人單銜具奏。請即正法。傳奉諭旨。賜令自盡。實由肅順一人妄奏所致。請代奏昭雪等語。著刑部覈議具奏。○命刑部左侍郎靈桂。都察院左副都御史賀壽慈。馳往直隸易州。查辦事件。

廣東通志

卷一百一十五

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十一

書集百四十一

書集

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十二

敘修

同治四年乙丑閏五月甲戌諭內閣前因浙

江疊遭兵燹

小民流離失所諭令左宗棠將

杭嘉湖三屬應徵漕糧稅則查明各按重輕

分成奏請減免嗣據奏請將杭嘉湖三屬漕

糧酌量覈減經戶部議覆統按原額於三十

分中減去八分業經降旨允准茲據左宗棠

馬新貽奏稱查明杭嘉湖三屬漕糧除南糧

並白糧春耗兩款毋庸議減外杭州府九州

縣額徵米十七萬八千一百八十九石零擬

減米二萬五千七百三十五石零嘉興府七

縣額徵米五十八萬七千四百七十五石零。擬減米十四萬五千四百十六石零。湖州府屬除孝豐一縣向不科米。應免覈減外。其餘六縣額徵米三十八萬十四石零。擬減米九萬五千六百十三石零。通計杭嘉湖三屬共減米二十六萬六千七百六十五石零等語。加恩著照所請。各按科則重輕分別上中下三則一律永遠減免。以紓民力。自此次減免之後。該督撫務當督飭各該州縣按照奏定新章覈實徵收。斷不准有浮收抑勒等弊。至大戶包攬及一切陋規。概行禁革。以除積弊。該督撫卽刊刻謄黃。徧行曉諭。務使實惠及民。用副朝廷軫念民艱至意。○諭軍機大臣等。王明等奏岫巖匪徒滋事。派兵勦捕情形一摺。大孤山匪首劉訪等藉團聚眾。飲錢復仇。致釀多命。雖經該處官弁設法擒獲。而餘黨徐五卽徐中理。劉錦愷等聞拏逃入附近南島盤踞。官兵往捕。輒敢糾眾抗拒。施放槍

礮。形同叛逆。必應趕緊殲除。免致滋蔓。著王明等添調得力官兵。派委妥員統帶。馳往大孤山實力進剿。將徐五等悉數捕獲。盡法懲治。以絕根株。已獲之首犯劉訪。並著於李全工等到案後。研訊確供。卽行就地正法。毋令久稽顯戮。至該犯械鬪復仇。係在同治二年。何以至本年正月始據該委員等稟報。並不立時叅辦。顯係意存捏飾。該將軍等於所屬地方共見共聞之事。並不認真查辦。輒復一意顛預。釀成巨患。殊堪痛恨。此後儻再不振刷精神。將徐五等全行擒捕。勦除淨盡。必將該將軍等從重治罪。金州副都統希拉布應查之案。前經派令王明、寶珣查辦。日久未據奏結。實屬任意疲玩。著王明等迅速查明具奏。至開原等處盜匪。仍著懷遵前旨。一面據實覆奏。一面趕緊擒捕。悉數殲除。不准稍有因循粉飾。將此各諭令知之。○以吉林協領安圖為金州副都統。○乙亥。以神靈助順。頒

甘肅涼州府

關帝廟扁額曰福佑河西。○諭軍機大臣等。駱秉章續報克復階州。擒獲啟逆各摺片。與劉蓉前奏大略相同。逆首梁城幅等著俟解到川省後。卽由駱秉章派員將該犯等處以極刑。以申國法。越舊夷匪出巢滋事。勢頗猖獗。西昌會理等處土匪。亦復蜂起。周達武一軍著俟松潘番務完竣後。卽著駱秉章酌度越舊等處情形。何路喫緊。卽先調此軍馳往何路勦辦。前因雷正綰進攻靈州。兵力不敷。而安定被圍。又復喫緊。諭令駱秉章酌撥數營進駐安定。以便雷正綰所派各營。卽可調回。茲據該督奏稱湘果右軍乏人統帶。擬卽遣撤此軍。素稱得力。如現在尚未遣散。卽著該督另派得力將弁統帶。前赴安定助勦。以厚兵力。昨據給事中趙樹吉奏。川省因地方官閉糶。商民受困。幸各處發倉平糶。權濟一時。今春又值天旱。米價復騰。自成都至夔巫

數千里間。斗米賣至五六千一二千不等。若不早為之所。深恐激成變故。請飭四川總督酌發倉穀。嚴禁閉糶。以濟民食。各等語。卽著駱秉章斟酌情形。如果必須平糶。卽著飭令地方官酌發倉穀。以平市價。並出示嚴禁所屬各州縣地方。不得再行遏糶。俾商賈暢行。以資接濟。其既發之倉穀。仍俟秋冬後。飭屬設法買補。原摺著鈔給閱看。將此由六百里諭令知之。○以四川官軍克復甘肅階州出力。賞總兵官周達武白玉翎管一支。玉柄小刀一把。火鐮一件。大荷包一對。小荷包二箇。總兵官楊占魁一品封典。總兵官黃友忠副將李成一。王金志。沈迎祥。劉顯良。李發祥。參將劉鶴齡。周家盛。宇文秀。何世華。胡國珍。王九齡。江忠誥。遊擊張華。道員蕭德綱。知府江忠淑。巴圖魯名號。知州周康祿。守備蕭玉田等花翎。主簿周澤昌等藍翎。餘加銜升敘。開復有差。予陣亡參將劉德源。遊擊李文彬。都



司李王發守備陽振國千總傅華昌。把總沈炳楚等祭葬世職加等。○以甘肅涼州肅清。賞佐領積忠額等藍翎。餘加銜升敘有差。○予四川節年陣亡殉難府經歷夏錫霖等暨紳民婦女四千七百四十五員名口分別旌卹如例。○丙子。諭軍機大臣等。吳昌壽奏。查明統兵大員被叅各節。均無實據。並請將應解曾國藩月餉。留豫津貼各摺片。張曜被叅各節。既經吳昌壽查明。並無養賊貽患及所帶兵勇到處搶掠實據。卽著無庸置議。該撫現飭赴歸德一路防剿。務飭該員嚴密堵剿。迅掃妖氛。庶不至再為人指摘。賊氛現在蒙亳。逼近歸陳。吳昌壽此次摺報。何以未將賊勢軍情敘及。著卽隨時偵探具奏。姜玉順一軍。經官文飭令留紮楚豫之交。惟遠防不如近剿。萬一豫疆有警。仍著吳昌壽檄調。視何路緊急。卽由何路迎剿。毋得置之無賊之地。蔣凝學所部軍餉。已由湖北月解三萬兩。惟

豫省餉需竭蹶。此軍餉銀。著官文寬為籌備。源源接濟。並由湖北派員專管此軍支發。毋令缺乏。僧格林沁舊部。現在均隸曾國藩麾下。河南應解該軍協餉。自未便遽行停止。仍著吳昌壽酌量緩急。隨時接濟。不得視同膜外。將此由四百里各諭令知之。○丁丑。諭內閣。國瑞奏續查負義昧良。畏蒞偷安各營員。據實叅辦一摺。前因僧格林沁陣亡。業經降旨。將未能保護主帥之外火器營副烏槍護軍參領奎祥。革去副都統銜。並保升參領。茲據國瑞奏稱。查該員身充戈什哈章京。為該親王親隨官兵領袖。乃於該親王突圍後。卽至曹州城內。比聞該親王遇害。該員仍復安坐曹州。並不出城尋覓忠骸。事前既疏於保護。事後復畏蒞偷安。視同膜外。實屬負義昧良。奎祥著卽行革職。從重發往軍臺效力贖罪。以示懲儆。巡捕營儘先都司千總王英奎。健銳營委前鋒參領吉和春。外火器營儘先



空花翎護軍校保山。黑龍江佐領西林儘先  
佐領驍騎校哈爾吉善儘先防禦甲兵吉立  
善俱係充當戈什哈。突圍時並未受傷。均各  
私回濟甯。殊出情理之外。以上五員。均著卽  
行革職。候補主事開缺。刑部筆帖式玉琦任  
意巧避。畏葸偷安。著一併革職。副烏槍護軍  
參領倭什本。佐領連喜。向隨已革記名副都  
統成保辦理營務。聲名狼藉。畏葸無能。倭什  
本著以烏槍空花翎降補。連喜著以驍騎校  
降補。並拔去花翎。參領西成。副護軍參領玉  
全。差使滑懈。人品平庸。西成著以驍騎校降  
補。並拔去藍翎。玉全著以護軍校降補。○諭  
軍機大臣等。左宗棠等奏收復詔安。首逆乞  
降。截勦雲霄漳浦竄賊。疊獲大勝。首逆就殲。  
並截勦大股。及劉典一軍攻克南靖各摺片。  
丁汰洋投誠。已照左宗棠所請賞給守備銜。  
著卽令其督率挑留悍卒隨隊攻勦。如不得  
力。仍當嚴行懲辦。遣散降人。沿途能否安靜。

著咨明各督撫督同地方官嚴加約束。以免  
復行勾結。李侍賢是否被水衝歿。仍著查明  
實在下落具奏。汪海洋一股人數尚眾。現在  
上杭一帶盤踞。高連陞等軍已駐盧峰。劉清  
亮軍亦剋日繼進。著該督卽飭諸軍設法進  
勦。並杜其旁竄之路上杭距粵東之大埔饒  
平。江西之會昌長甯等處均屬切近。著瑞麟  
等督同李福泰將潮防各軍實力整頓。方耀  
等軍如能出境會勦。卽著該總兵等奮勉圖  
功。為一勞永逸之計。賊氛逼近贛甯。江省東  
路之防倍緊。前諭調郭松林楊鼎勳二軍赴  
江閩交界處所駐紮。該督曾否調派。叛勇去  
江已遠。席寶田等軍現紮何處。著孫長紱酌  
度情形。趕緊調赴贛甯一帶扼防。左宗棠仍  
遵前旨。不分畛域。派兵赴江迎前兜截。毋任  
闖入完善。劉典一軍聲威甚壯。應如何調派  
之處。著該督妥為調度。以期速竟全功。同膺  
懋賞。永定獵射四各營失陷詳細情形。仍著

查明具奏。王開琳已革職留營。著卽飭令收集各營。迅赴江西贛州防剿。立功自贖。儻再有疏虞。定卽從重治罪。將此由六百里諭知瑞麟。左宗棠。徐宗幹。郭嵩燾。並傳諭孫長綏知之。○又諭都興阿。穆圖善。奏中衛被圍。甯夏滿城喫緊。回匪滋擾。後路運道。飭軍堵截。並青海蒙古王公等呈遞稟詞。常陞奏慶昫因病出缺。逆回圍撲滿城各摺片。中衛為入省要衝。現被逆匪圍攻。萬分喫緊。都興阿等

擬抽兵由阿拉善草地繞越進剿。及派員會同該旗籌運糧米。卽著迅籌妥辦。雷正綰所部進規靈州。距中衛較近。著懍遵前旨。酌度軍情。迅抽勁旅數營。由南路赴中衛援剿。如成祿及鶴齡等軍進援安定。業已解圍。並著雷正綰將派赴安定之軍。調回數營。前往助剿。以厚兵力。甯夏回逆。因慶昫病故。圍撲滿城。勢甚兇狡。本日已將穆圖善調補甯夏將軍。著都興阿。穆圖善先其所急。抽撥得力數

營。繞赴滿城。將撲城之賊擊退。疏通糧路。卽由中衛進取。會合雷正綰所派援軍。節次掃蕩。都興阿等營後路。時有回逆在紅柳溝等處。四出滋擾。窺伺運道。蓄謀甚謫。雖經官軍連日雕剿。獲勝。仍恐該逆乘隙肆擾。餉道堪虞。著都興阿等嚴檄翁同書各軍。扼要堵截。慎固定邊之防。疏通餉運。以待援師。毋稍鬆懈。楊岳斌前據奏報。於閏五月初一日起程赴甘。著疾到省後。酌撥數營。迅赴中衛助剿。

青海蒙古王公及阿家呼圖克圖等所遞稟詞。均以西甯狃於議撫。玉通等為逆回箝制。府城情形危殆。請撥重兵往辦。著楊岳斌就近派委明幹大員。酌帶勁兵。馳赴西甯。相機妥辦。西甯現在回匪情形。及梁生嶽營盤有無失陷。均著該督查明速奏。甯夏滿城防務。仍著常陞激勵存城兵團。嚴密布置。與都興阿。穆圖善之軍聯絡聲勢。固守待援。毋得稍涉大意。阿家呼圖克圖稟詞一件。著鈔給楊

岳斌閱看。將此由六百里各諭令知之。○調  
荊州將軍穆圖善為甯夏將軍。○命開復提  
督馬德昭赴欽差大臣曾國藩軍營聽候差  
委。○以浙江廣東官軍克復福建平和等城。  
按察使劉典得旨嘉獎。賞白玉柄小刀一把。  
白玉搬指一箇。大荷包一對。小荷包二箇。火  
鑰一件。副將張福齋同知楊鼎勳等花翎總  
兵官方耀等升敘有差。投誠賊目丁汰洋以  
守備用。革失陷營盤總兵官王開琳職。仍留  
營。予陣亡總兵官丁長勝祭葬世職加等諡。  
剛介。附祀湖南道員王鑫專祠。遊擊陳觀光  
祭葬世職加等。○追予直隸安徽河南山東  
等處陣亡都統舒通額諡威毅。副都統恆齡  
諡壯烈。蘇克金諡莊介。台吉克興額諡威烈。  
章京那木薩賴諡貞恪。並侍衛隆春等均附  
祀欽差大臣僧格林沁各省專祠。○予故甯  
夏將軍慶昫祭葬卹廕諡莊恪。○予故欽差  
大臣僧格林沁舊部陣亡弁兵護軍校增瑞

等一千十五員名賞卹如例。○戊寅諭內閣。  
馬新貽奏覈減金華衢州嚴州處州四府屬  
浮收銀米一摺。浙江省各屬浮收錢糧。疊經  
左宗棠等查明奏請覈減。茲復據馬新貽奏  
稱。查明金華府屬共減去錢十五萬六千一  
百餘串。米五百二十餘石。衢州府屬共減去  
錢十萬三千九百餘串。米六十五石。嚴州府  
屬共減去錢六萬一千九百餘串。處州府屬  
共減去錢六千八百餘串。洋銀八千二百餘  
圓。米一百二十餘石等語。卽著照覈減新章  
辦理。永遠遵行。嗣後地方官吏。斷不准別添  
名目。於定章之外任意需索。紳民人等亦須  
遵照定章完納。不得再分大戶小戶。致滋偏  
重。該撫仍當隨時查察。儻有前項情弊。卽著  
從嚴叅辦。以重國賦而恤民瘼。○諭軍機大  
臣等。御史王朝榮奏長蘆鹽務廢弛。應遴員  
官運一摺。據稱直隸永平府七州縣官引口  
岸。由各該州縣自行領運。近日假手丁胥。百

弊叢生。請飭直隸總督轉飭長蘆鹽運使遴選公正明幹之員。自籌運本。前往永平府屬試行官運。以期暢行。並責令該委員議定每年酌交餘課各等語。鹽課為國家正供。自應隨時釐剔弊端。以期經久可行。該御史所奏情形。是否確實。所陳各節。是否可採。著劉長佑斟酌情形妥籌辦理。原摺著鈔給閱看。將此諭令知之。○又諭有人奏風聞江蘇海門廳同知李煥文於咸豐十一年在海門設立

江防局。僅募礮船兩隻。信任局董沈器之等分肥冒獎。並遇民間訟事。罰捐充餉。甚至局董挾勢詐害民命。又復與紳民在公署挾妓飲酒。請飭查辦等語。各省設局收捐。原以助軍餉之不足。地方官吏自應潔己奉公。以期款歸實用。若如所奏扣餉吞捐種種貪污各情。如果屬實。大干法紀。卽著李鴻章按照所參各節。確切查明。據實參辦。毋稍徇隱。原片著鈔給閱看。將此諭令知之。尋奏遵查已革

同知李煥文尚無吞捐扣餉及挾妓飲酒各情。已革縣丞沈器之等亦無分肥冒獎等弊。惟李煥文身膺民社。輒敢濫受萬民衣織。應請照違制律杖一百。業經革職。應無庸議。沈器之等尚有已捐未繳應行罰賠之項。應俟追繳全完。另請開復。從之。○又諭官文奏援甘楚勇潰散。現辨情形。吳昌壽奏髮捻廣聚毫東。飭兵進剿。並函商江皖兜剿各一摺。蔣凝學一軍。行抵襄陽。復藉口索餉。紛紛逃潰。

已散至八營之多。現在折回省城。形同叛逆。深堪痛恨。官文現飭姜玉順督率所部迎頭遏截。著卽飭令該員相機辦理。如抗不就撫。卽著痛加勦洗。並將為首滋事之犯。速行擒斬。以儆兇頑。被脅逃歸各勇。務須妥為撫輯。以安善良。前經疊降諭旨。令官文、楊岳斌飭令此軍折赴豫省勦擒。歸吳昌壽調遣。是蔣凝學所部各營。業已停止赴甘。現在未散各勇。尚有十一營。著官文飛飭傳知蔣凝學將

疊次所奉諭旨。曉示各勇。以安眾心。本日據吳昌壽奏稱。擬在豫省添募勇丁數千。無庸借資楚勇。請令蔣凝學一軍。卽在樊城駐紮。聽候朝命等語。豫省既可就地募勇。自無須遠調客軍。所有蔣凝學一軍。卽著留於鄂省歸官文調遣。並著飭令此軍移紮鄂省東北邊境。以便堵截皖匪竄入楚北之路。並責令蔣凝學將現在未散勇丁妥為駕馭。所有蔣凝學應得處分。著暫行寬免。儻再不能約束。致所部勇丁續行逃潰。卽著官文將該員嚴叅治罪。其現存未散之十一營欠餉。仍著官文酌量情形。籌款補給。姜玉順一軍。現辦潰勇。未能赴豫。官文已改調飛虎四營援豫。卽著飭令迅速起程。並著吳昌壽趕緊迎提。以厚兵力。髮捻麇聚毫東。英翰雉河之軍。四面受敵。吳昌壽現飭張曜等軍星夜馳援。並咨商吳棠派兵出濰溪口臨渙集一路。構其東北。喬松年派兵由潁上太和攻其東南。合江

皖豫三省兵力。殲此醜類。所籌尚合機宜。著曾國藩迅派銳師相機進剿。吳棠喬松年各派兵勇分路並進。會同豫省官軍。將此起賊匪四面兜圍。勦除淨盡。毋令乘間旁竄。又成不了之局。吳昌壽俟募勇成軍。卽率赴歸德一帶迎頭攔擊。杜其竄豫之路。昨據國瑞奏已令康錦文統帶郭寶昌舊部赴皖助剿。喬松年務卽飛催前進。與英翰一軍聯絡夾擊。毋稍遲延。將此由六百里各諭令知之。○湖廣總督官文奏遵保凱撤營員。赴直差委。查有副將譚秀元。參將駱萬春。久歷戎行。堪勝委用。得旨譚秀元駱萬春均著馳赴直隸。交劉長佑差委。○以荊州右翼副都統巴揚阿為將軍。○予山東沂州各屬陣亡殉難紳民婦女二千二百七名口分別旌卹如例。○豁免浙江長興建德淳安壽昌分水五縣被擾地方新舊額賦。○己卯諭內閣。從來除暴安良。全在地方官實心經理。庶能防患於未萌。

登斯民於衽席。直隸之大順廣等郡。山東之  
兗沂曹濟東昌臨清等府州地方。向多不逞  
之徒。盤踞勾結。隱為民患。近年以來。雖經該  
督撫派兵按捕。將著名首惡次第殲除。而根  
株仍未淨盡。聞本年擒匪竄擾曹州一帶。該  
處匪徒。頗有從而響應者。皆由地方官平時  
因循苟且。玩視民瘼。良善者不知體恤。桀驁  
者不加懲治。以致良莠不分。無所觀感。遇有  
緩急。遂不能鼓勵人心。同仇禦侮。此等情形。

難逃朝廷洞鑒。著劉長佑。閻敬銘。查明現任  
直隸之大順廣道。山東之濟東泰武臨道。兗  
沂曹濟道。於吏治軍務。辦理能否勝任。如不  
得力。卽著另揀賢能之員。酌量保奏。候旨簡  
用。責令督同該府州縣。大加整頓。保衛地方。  
並令曹州大名兩鎮。選派得力弁兵。協同按  
緝伏莽。以靖亂萌。仍不得藉端滋擾。為害閭  
閻。至直東兩省。附近河套州縣地方。較為難  
治。必須得人而理。聞近來各該州縣。率多畏

難規避。該督撫亦遂徇情遷就。輒委庸懦之  
員。濫竽充數。安望其能撫輯民生。消除奸宄  
耶。著劉長佑。閻敬銘。於通省牧令中。遴選材  
能幹濟者。或調補。或委署沿河各缺。責令實  
心任事。如能於一二年內。地方公事著有成  
效。准由該督撫奏請破格施恩。分別獎勵。以  
昭激勸。總期吏治民風。日有起色。以靖地方  
而除隱患。○又諭劉長佑奏。交審案內。究出  
兩造供詞。與原案不符。並有牽涉言官等情。

請交部就近審辦一摺。所有已革給事中。博  
桂原案內。牽涉之范梈仁等。著熱河都統  
等衙門。迅速分別查拏解部。歸案訊辦。並著  
直隸總督。將全案人證卷宗。解交刑部。研訊  
確情。定擬具奏。○諭軍機大臣等。曾國藩奏。  
擒眾南趨。皖軍被圍。擬派重兵援勦一摺。另  
片奏。籲懇收回節制三省成命等語。昨因毫  
東賊氛甚熾。諭令曾國藩等派兵進勦。茲據  
奏稱。張總愚糾合任柱。牛落紅。賴汶洸等股。

匪銳意攻撲雉河營盤。易開俊駐紮蒙城。以兵單未敢馳援等語。是髮捻各股合而為一。爭此要隘。萬一官軍營盤援絕潰散。則淮北一片逆氛。益難收拾。曾國藩現調劉銘傳馳回徐州。以拯皖北之危。即著飭令該提督星速起程赴皖。力解雉河之圍。毋稍遲滯。溫德勒克西等馬隊。前有旨交色爾固善統帶。由曾國藩調遣。現在皖事孔棘。必須添調馬隊。以壯軍聲。著國瑞即飭色爾固善率領所部馬隊。迅赴曾國藩軍營。此外馬步各隊。除國瑞酌留山東防剿外。餘著一併交曾國藩軍營聽候酌撥。援皖糧臺軍火等件。均著交曾國藩軍營應用。吳崇喬松年。吳昌壽仍遵昨日諭旨。合兵會剿。以期聚而殲旃。陳國瑞劉銘傳兩軍。曾有互鬪之案。此時同赴皖北剿賊。該提督總兵等夙知大義。諒不敢以私廢公。惟東省兵力尚薄。儻賊匪乘虛回竄。甚屬可虞。陳國瑞一軍。如尚未起程。即著國瑞傳

知暫留山東駐紮。遏賊回竄。毋庸赴皖。如業已起程前進。該軍應否駐紮淮徐一帶。堵遏賊蹤。抑調回山東之處。著曾國藩斟酌妥為調派。其東省防守事宜。閻敬銘當嚴密布置。不得稍有疏虞。劉銘傳一軍。既已赴皖。直東防兵尚單。潘鼎新一軍已到天津。並著劉長佑崇厚。飭令駐紮直東交界地方。俾資策應。曾國藩因節制三省。任大責重。復懇請收回成命。具見謙抑之忱。第賊氛猖獗。時事孔艱。事權不專。則一切調度事宜。深恐呼應不靈。該大臣惟當力任艱鉅。與三省督撫和衷籌畫。將此股賊眾剋期殄滅。彼時三省軍務既平。自可無庸該督節制。既為其實。毋避其名。萬不可存顧慮之心。再有瀆請。將此由六百里諭知曾國藩。國瑞劉長佑吳崇閻敬銘喬松年吳昌壽崇厚。並傳諭劉銘傳知之。○又諭文麟奏。逆回猖獗。請飭催援兵進剿。並接仗失利情形各摺片。濟木薩收復以後。文麟



派令兵勇分防三臺等處。疊次接仗。旋以寡不敵眾。紛紛潰散。大股賊匪。現在阜康盤踞。勢將東犯。奇台一帶。情形甚為危急。非得接應之兵。迅速前往。大局何堪設想。德祥尤光組等軍。疊次催令赴援。現在究已行抵何處。著楊岳斌。恩麟。查明飛催前進。不得任意遲延。成祿此時當已行抵安定。聯捷亦已督隊赴甘。著卽催提鶴齡一軍。將安定一帶道路疏通。會合西行。由肅甘出關。勦賊毋稍遲延。

觀望。致誤事機。黎獻一軍。進勦甘州回匪。兵力尚單。著楊岳斌。恩麟。檄令林之望。卽移得勝之師。迅赴肅甘。聯絡黎獻之兵。合力進擊。將該處回匪撲滅。庶以後出關之軍。不致梗阻。都興阿。穆圖善。速將甯夏等處賊匪奮力勦除。以便抽兵出關。該將軍等總當力顧大局。迅籌辦理。以紓朝廷西顧之憂。援兵未到以前。文麟仍當激勵民勇。固守奇台。濟木薩等處。毋稍疏失。巴里坤。哈密等城。並著文麟。

隨時知照該城大臣等嚴密籌防。以備不虞。將此由六百里諭知都興阿。穆圖善。楊岳斌。成祿。聯捷。並傳諭恩麟。文麟。知之。○以京口協領文全為荊州右翼副都統。○庚辰。諭內閣。色揚阿奏。請將擅用行營木戳之副都統。交部議處一摺。荊州左翼副都統薩薩布回旗。莽親行至襄陽。移發咨文。擅用舊存行營木質關防。殊屬不諳體制。薩薩布著交部議處。所存關防。著黑龍江將軍飭令就近繳銷。

尋兵部議。薩薩布應照不應重杖八十公罪。降二級留任。得旨。著銷去尋常加二級。免其降級。○諭軍機大臣等。瑞麟。郭嵩燾奏。東路沿邊防軍。追賊獲勝。賊由上杭繞道竄入鎮平。現飭各軍分路堵勦一摺。康逆由永定屯聚上杭。經副將林保等節節進擊。賊勢不支。竄至鎮平。現屯上都象洞等處。該署督撫現飭李福泰。移紮嘉應。飭卓興。嚴堵龍川縣之老隆。以固惠韶。令林保等分守隘口。杜賊走。



興長嘉應之路。方耀等軍。飭赴鎮平協攻。所  
籌均尚周妥。著卽督飭在事各員弁實力勦  
辦。務期與江閩各軍會合。痛殄餘氛。毋留遺  
孽。侍逆李侍賢前據左宗棠等奏。有被水衝  
歿之說。茲據瑞麟等奏。在永定自刎。究竟已  
否身死。仍著查明實在下落具奏。該督撫每  
於具報勝仗一次。必隨摺保舉多員。此次姑  
念該員弁等出境勦賊有功。從寬照准。惟逆  
眾由閩入粵。粵省各軍。何以不能堵截入境  
之路。著責令方耀等認真防勦。勿令旁竄。嗣  
後保舉務須覈實。遇有小勝。暫行存記。俟此  
股賊匪殄盡。方准彙案保獎。將此由五百里  
各諭令知之。○又諭勞崇光奏查明滇省臨  
安漢回互關緣由。現籌兵餉。剋期赴滇。一摺。  
雲南臨安漢練梁士美等懷挾私忿。與省回  
構釁。雖經勞崇光檄令止鬭息爭。尚未能聯  
為一氣。馬如龍有志向上。力尚能箝制諸回。  
而回民賦性梗頑。仍多首鼠兩端。游移莫定。

馬如龍勢處孤危。誠恐遲久生變。亟須督撫  
大吏馳赴滇垣妥籌鈴束。馬如龍有所稟承。  
自必倍加奮勉。不特所部回眾易於懾服。卽  
臨安漢練見馬如龍奉令惟謹。亦不至再生  
異議。勞崇光現擬於黔省各營內酌撥兵一  
千名。並籌餉銀二三萬兩帶往。卽著與張亮  
基等會籌迅辦。剋期起程。馳赴滇省東路實  
力辦理。毋得以兵餉未裕為辭。竟至徒託空  
言。有負委任。仍嚴飭梁士美。馬如龍等。蠲除  
私忿。聯絡進取。一以勦除杜逆為事。將迤西  
郡縣次第廓清。以靖邊圉。滇省軍事一切著  
該督懷遵疊次諭旨。與林鴻年和衷商辦。毋  
得稍存意見。致誤事機。將此由六百里諭令  
知之。○又諭勞崇光等奏請將發遣要犯。由  
經過省分依次接解等語。貴州田興恕案內  
應發新疆之革員張茂萱。卽張心培。謝葆齡。  
均係獲罪要犯。勞崇光等以道路遼遠。經過  
地方軍務未靖。動須繞越。解官未能熟悉路

徑深恐疏虞。請援照廣西成案。由四川陝西甘肅依次接解。自屬實情。著照所請。一俟黔省將張茂堂等解至四川省城。卽行由川解陝。由陝解甘。駱秉章楊岳斌劉蓉務飭各該省所派委員。小心接遞押解。毋稍疏忽。嗣後遇有發遣官犯。一體照辦。俟軍務肅清。再照舊章辦理。黔省前解赴川之已革武舉陳和鈞一犯。著駱秉章卽行一併赴解。田興恕是否尚在四川省城。並著崇實駱秉章將該革

員速行起解。毋得日久稽延。將此由五百里各諭令知之。○以禮部左侍郎察杭阿兼署戶部左侍郎管三庫事。工部右侍郎毓祿兼署刑部左侍郎。○以廣東大溪等處勦匪獲勝。賞千總鄧安邦巴圖魯名號。遊擊黃相奎等花翎。總兵官翟國彥等加銜升敘有差。○以貴州黎平勦辦髮苗各匪獲勝。賞副將楊廷桂一品封典。遊擊孔憲隆巴圖魯名號。把總潘昇以守備用。並賞花翎。餘加銜升敘開

復有差。投誠賊目陳輝良更名朝綱。賞六品翎頂。○以故科爾沁博多勒噶台忠親王僧格林沁靈柩回京。行抵直隸良鄉縣。命御前大臣景壽往奠茶酒。○予雲南各屬陣亡殉難武生張鑄等紳民婦女一百七十八名口分別旌卹如例。○辛巳。諭軍機大臣等。總理各國事務衙門奏據總稅務司赫德呈稱。番禺縣第四號巡船。有漏稅洋藥二百餘箇。經粵海關扞手頭目鮑朗查拏。並起獲番禺縣

旗幟燈籠軍營礮火等件。又差票二紙。其為該縣巡船無疑。平日走私。諒不止此一次。該縣何得毫無覺察。難保無知情故縱。從中漁利情弊。著瑞麟郭嵩燾師曾訪查確實。迅將此案人犯全行拏獲。將洋藥船隻照例入官。並查取番禺縣職名。照案叅處。以清弊竇。原摺著鈔給閱看。本日復據御史潘斯濂奏粵省捕務因循。盜風日熾。請飭督撫認真整頓一摺。若如所奏南海番禺順德三縣。劫案甚

多獲案者不過十之一二。州縣官置民事於不問。實堪痛恨。著瑞麟、郭嵩燾按照單開逐一清查。嚴飭地方文武上緊緝拏。如捕務不能振作。卽行從嚴叅辦。另片奏桑園圍為粵省糧命最大之區。當西北兩江之衝。稍遭缺陷。工鉅費繁。向有生息銀兩。以為歲修之費。近年將本息銀兩全數提用。從此歲修無措。水患難免。於兩縣生民大有關係等語。著瑞麟、郭嵩燾將咸豐四年提用桑園圍原撥帑本暨歷年存庫息銀一項。查明已還未還各數目。設法歸款。照舊發商生息。為禦災捍患之計。原摺片單均著鈔給瑞麟、郭嵩燾閱看。將此諭知瑞麟、郭嵩燾並傳諭師曾知之。○盛京將軍玉明奏金州副都統希拉布先經遵旨撤任提訊。因供詞不符。未能奏結。希拉布現因丁艱回京穿孝。應俟百日服闋。催令歸案候質報聞。○以雲南拏獲土匪。賞按察使趙煥聯巴圖魯名號。○予浙江各屬陣亡

殉難知縣余寶茶等紳民婦女一千一百九十七員名口分別旌卹如例。○壬午上復詣

大高殿祈雨壇行禮。○遣惇親王奕誼詣

時應宮恭親王奕訢詣

昭顯廟鍾郡王奕詒詣

宣仁廟孚郡王奕譞詣

凝和廟睿親王德長詣

覺生寺禮親王世鐸詣

黑龍潭克勤郡王晉祺詣清漪園

龍神祠順承郡王慶恩詣靜明園

龍神祠喀爾喀扎薩克親王達爾瑪詣密雲

縣

白龍潭拈香。○諭軍機大臣等國瑞奏分撥

兵勇火器開單呈覽。並糧臺積銀數目。候旨

移交。喬松年奏皖北賊勢益熾。現飭各軍遏

剿。吳昌壽奏豫軍節節進紮。催調援師會剿

各摺片。逆匪盤踞高鎮集一帶。圍攻雉河龍

山等處營盤。賊勢甚重。喬松年現飭英翰易開俊等軍。穩守待援。吳昌壽亦飭張曜宋慶等軍。進紮亳州。迤東之白水河等處。為節節進剿之計。此股賊匪。向以往來奔突。為長技。以致此剿彼竄。迄無了期。現在該逆麇聚於皖北境內。正可乘其攻奪營壘之時。設法牽制。一面會合江皖豫之兵。四面兜圍。絕其竄越之路。方可聚而殲旃。曾國藩前已行抵清江。著即飛速赴徐。催提劉銘傳一軍。星夜南

下東  
卷之三

三

行。籌商進剿。其皖豫兩省之軍。應如何擇要扼紮。會合進兵之處。均著曾國藩商同喬松年。吳昌壽妥籌調派。總期層層布置。將此股賊匪就地殲除。斷不可失此機會。致令乘間他竄。又難收拾。清淮防務稍鬆。所有張樹珊等軍。即著吳崇飭令迅赴皖境。合力攻剿。不得稍分畛域。雉河等處營盤。現雖尚能堅守。惟恐援兵日久不至。致有疏失。喬松年仍當一面督飭各軍穩慎固守。一面飛催援軍剋

下東  
卷之三

三

期會剿。以期迅殄賊氛。現在直隸已有新調之吉林黑龍江馬隊各五百名。而河南兵力尚單。國瑞擬將托倫布所帶馬隊官兵四百九十六員名。撥交劉長佑之處。著改撥河南。交吳昌壽酌量調遣。以利攻剿。其烏爾圖那遜等馬隊官兵弁勇一千三百餘名。著國瑞挑撥精銳數成。馳赴雉河集。交喬松年相機調遣。其餘即著移交閻敬銘調遣。富森保馬隊三百餘名。並善慶兵一百八十餘名。著統交吳昌壽調遣。以厚兵力。吳昌壽一面催提此項兵勇到齊。即令赴皖助剿。汴梁各局製造軍火匠役。吳昌壽亦可酌量提用。至擬留之山東勇丁四千名。其中頗多降眾。約束不嚴。恐至聚而生事。著酌留兩營。由閻敬銘統帶。餘著撥交曾國藩調遣。國瑞擬請撤遣各營馬步官兵。及將葛開泰等營撥歸崇厚調遣。並撥帶礮位軍火器械之處。均著照所請辦理。即著國瑞咨明各該省督撫。按照單開

數目。收明應用。其存儲陳州府庫餉銀二十萬兩。著交曾國藩查明存案。如江皖豫三省何路軍需緊要。卽由該省商同曾國藩酌量提撥應用。國瑞單開之河南山東局存之軍火器械。著曾國藩酌量調取。詹啟綸一軍。現紮碭山。並著該大臣酌量調派。歸德糧臺所存之五萬兩。並著國瑞飭令盧朝安撙節支放。覈實報銷。毋許稍有冒濫。吳昌壽另片奏請調馬德昭等語。馬德昭前已降旨交曾國

書來卷五十二

三三

藩調遣。卽著該大臣飭令前赴吳昌壽軍營差遣委用。將此由六百里各諭令知之。○釋遣戍軍臺已革按察使張學醇。命赴欽差大臣曾國藩軍營聽候差委。○癸未。諭軍機大臣等。戶部奏遵議都興阿軍營餉需一摺。都興阿一軍。攻勦甯夏。餉需甚殷。前曾諭令各省自行酌定數目籌解。仍恐虛懸無著。自應指撥專餉。以資接濟。卽著照戶部所議。所有甯夏馬步各營。除原有定餉者。仍照舊撥解

外。新募楚勇六營。仍由官文鄭敦謹按月撥銀二萬兩。揚州新到兩起馬隊。及英字選鋒等營。統計十四營。月餉共需四萬三千兩。兩淮鹽課項下月撥協甘餉銀二萬兩。著曾國藩李鴻章劉卹膏飭令兩淮運使卽將此項銀兩。徑解甯夏軍營。無庸解赴江北轉撥。山西河東道本有月協甘餉。著沈桂芬飭令該道按月劃出二萬三千兩。徑解都興阿軍營。其餘仍解慶陽糧臺。江蘇山西應解協甘餉

書來卷五十二

三三

銀。卽可將此次所撥銀兩。照數劃除。以清款目。都興阿前請每月籌備賞卹雜費等銀一萬兩。著楊能格仍由慶陽糧臺按月籌解。經此次指撥之後。庶餉項既有專供。不至復虞匱乏。著官文曾國藩李鴻章鄭敦謹沈桂芬劉卹膏楊能格各將指撥都興阿所部各營月餉。按月如數解交甯夏軍營。毋稍推延。致滋貽誤。所有督催轉運及支發動用一切事宜。卽著都興阿責成景廉實力稽查。仍飭臬

齊總數。詳晰造報慶陽糧臺覈銷。以昭畫一。將此由五百里諭知官文曾國藩都興阿李鴻章鄭敦謹。沈桂芬。並傳諭劉卹膏楊能格知之。○又諭聯捷奏。遣撤患病官兵回旗。並請補調將領一摺。黑龍江官兵隨同聯捷赴甘。內有患病者三十一名。並傷病舉發之記名副都統副管花尚阿未能隨營西進。聯捷現擬將此項官兵遣撤。卽令花尚阿管帶回旗。著照所請辦理。該營現在帶兵需人。請將

齊齊哈爾協領

三十四

齊齊哈爾協領扒子。布特哈佐領薩呢布。調赴西路。著特普欽卽飭該二員迅赴聯捷軍營聽候調遣。現在黑龍江官兵。調赴神機營及直隸軍營者。為數已多。聯捷所請調撥黑龍江馬隊二三百名之處。著俟直東軍務完竣時。再行酌量撥往。將此由四百里各諭令知之。○以玩誤軍需。陝西知縣托克紳。馬綸。下部嚴議。○追予山西垣曲殉難幕友胡清彥等男婦二十四名口分別旌卹如例。附

祀道員張錫蕃專祠。○調察哈爾牧羣馬四百匹。解赴伊犁參贊大臣聯捷軍營備用。

齊齊哈爾協領

三十五

大清穆宗繼天開運受中居正保大定功聖智誠孝信敏恭寬毅皇帝實錄卷之一百四十二

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十三

敕修

同治四年乙丑閏五月甲申諭內閣本日科

爾沁博多勒噶台親王僧格林沁靈柩到京  
著派醇郡王帶領侍衛十員卽日前往奠醊  
並奉

慈安皇太后

慈禧皇太后懿旨以僧格林沁歷荷

三朝恩眷朕御極以來該親王連年在河南山

東等省督師勦賊懋建殊勲公忠體國

慈懷優眷倚畀方殷迺於本年四月間在曹州  
府力戰陣亡茲值靈柩旋京愈深悲惋

命朕於二十六日親臨賜奠用申

慈悃以示優崇○諭軍機大臣等楊岳斌奏行

抵涇州未及分兵駐守潼關一摺前諭楊岳

斌於帶赴甘肅之勇隊內酌留數營扼守潼

關現在該督業已由涇州進發隊伍先驅計

程愈遠自未便紆道折回現在髮捻各匪擾

及蒙亳等處難保不被擊西竄潼關一帶防

務緊要著劉蓉派兵前往扼紮以固邊防毋

稍疏虞階州現已克復蕭慶高一軍能否調

赴東路並著劉蓉懍遵前旨酌量辦理安定

雖已解圍而甘省逆氛徧地尚肆鴟張著楊

岳斌統率所部迅赴蘭州省城妥籌勦辦

蕩逆氛以副委任將此由六百里各諭令知

之○乙酉蠲免福建甯化建甯永定武平龍

溪漳浦南靖長泰平和詔安雲霄龍巖長汀

上杭同安漳平甯洋海澄連城邵武清流歸

化泰甯順昌永春安溪永安將樂光澤大田

德化沙甌甯建陽浦城崇安三十六州縣暨



汀軍邵軍等同知溪口泉上華封佛曇峰布  
仁壽麻沙嵐下峽陽各州同縣丞所屬被擾  
地方額賦有差○丙戌諭內閣前因文祥等  
奏威遠隊需用火藥擬請用簡易之法移交  
火器營試辦當經諭令火器營王大臣妥籌  
辦理茲據醇郡王等奏稱查看得京西磨石  
口迤西前房子地方堪以建房設碓引水造  
藥所占地畝僅及一項於引灌田疇仍無阻  
滯該處係肅親王華豐府內之地當經派員

將所繪地圖向該王商辦詎該王堅稱不能  
占用厲色拒絕現在別無合用之地請寬予  
限期另行採訪等語設碓造藥一事實為簡  
易之法於軍需大有裨益現既勘有地址自  
應趕緊試辦乃華豐輒懷私意堅辭拒絕殊  
堪詫異臣之事君但力所能為之事理當竭  
誠圖報公而忘私矧華豐誼屬宗親受恩尤  
重其平日高爵厚祿坐享贏餘而於國家公  
事漠不關懷實屬居心鄙吝不知大體華豐

著交宗人府議處以示懲儆所有磨石口迤  
西前房子地方華豐祖遺之此項地畝即著  
查清四至造冊交明管理火器營王大臣全  
行入官將設碓造藥之事妥速籌辦其該處  
地畝所得租息即著作為製造火藥一切津  
貼等用尋宗人府議華豐應革去所兼職任  
得旨華豐著革去宗人府宗令領侍衛內大  
臣其餘差使均著加恩免其開去以示薄懲  
○又諭前據勞崇光等奏生擒首逆包茅仙

酌保出力各員一摺當經降旨將署知府陳  
昌運等給予獎敘茲據勞崇光張亮基奏拿  
獲包茅仙正身請將前次保案撤銷一摺據  
稱上年八月間銅仁府屬兵練擒獲包茅仙  
之弟包小三因該犯畏罪自刎未取生供該  
處紳民誤認為包茅仙正身經該地方官申  
報嗣經查訪包茅仙尚未就獲復行懸賞購  
緝經把總余杰芳等於本年正月間在寨轉  
地方將包茅仙正身殲斃並殺斃夥匪五十



餘名。生擒包林林等十二名。查驗屬實。所有勞崇光等前次誤保之署知府陳昌運等獎案。著卽撤銷。其續獲包茅仙正身出力各員。著該督等查明另行擇尤奏獎。毋許冒濫。圍首李丕基、雷洲等有無與包茅仙暗通往來情事。仍著張亮基督飭該地方官詳細研訊。毋稍枉縱。○諭軍機大臣等。德勒克多爾濟等奏。蒙古官兵擊退竄匪。現飭嚴防一摺。甘肅回匪糾合逆黨千餘名。擾及花馬池定邊一帶邊牆。希圖竄越。經在防蒙兵督隊迎剿。殺斃回匪七十餘名。現在該逆仍在花馬池定邊一帶分股盤踞肆擾。該處邊防遼闊。設被該匪越出邊牆。東竄蒙古地方。蔓延愈廣。更難收拾。仍著德勒克多爾濟等嚴飭在防蒙兵勤加偵探。嚴密扼守。遇賊卽擊。毋令匪蹤偷越。並咨知都興阿兼嚴後路之防。方為妥善。此項蒙古官兵因所領口糧短絀。情形甚為拮据。雖經各該旗扎薩克王公等量力

捐輸。尚恐緩急難恃。沈桂芬照依本境防兵章程。改放津貼。不敷人馬日用。該官兵等防勦正在喫緊。豈能枵腹荷戈。著該撫於該官兵等應領口糧外酌量加增。一面飭催歸綏道趕緊籌給。俾資接濟。將此由五百里各諭令知之。○又諭勞崇光、張亮基奏覆陳黔省現在情形。仍請飭撥餉需一摺。前因黔省餉需萬窘。曾諭令曾國藩等分撥釐金。妥為接濟。嗣據曾國藩奏通籌全黔大局。請俟川湘防務稍鬆。路東章、李瀚章分任雲貴之事。當經諭令該督撫等會商酌定。再行降旨辦理。現在貴州近省。捐為安謐。而各股匪眾出沒靡常。防勦仍屬喫緊。分兵四出。需餉甚多。若再不迅籌接濟。萬一飢潰變生。其勢益難收拾。著李瀚章迅速設法籌款。源源解濟。不得以東征釐局裁撤為詞。稍涉推諉。其從前奉旨每月協濟之餉。仍須如期而給。不准稍有遲誤。路東章已派劉嶽昭等軍援黔。卽著將

該營餉糈寬為籌備。其每月應解黔餉並著按期陸續接濟。力顧大局。至粵東鎮平等處。現有髮逆竄擾。震營潰勇。又竄至樂昌一帶。防剿正當緊要。能否酌提釐金協濟黔省之處。著瑞麟、郭嵩燾妥籌辦理。勞崇光、張亮基身受封圻。責無旁貸。仍當就現有兵力認真防剿。不准以餉需支絀為詞。自甘頹靡。將此由五百里各諭令知之。○以驗收海運漕糧完竣。予兵部尚書載齡、倉場侍郎宋晉優敘。

餘加銜升用有差。○以蒙古官兵防剿甘肅花馬池賊匪出力。賞台吉旺楚克等升銜頂帶有差。○以貴州綏陽縣城被賊竄陷。革知府張日崙賊。仍留營。予陣亡副將張萬書、知府邵維新、祭葬世職加等。建專祠。千總徐鼎標外委田立勳。併附祀。○丁亥。諭內閣。本年九月二十二日。

皇考文宗顯皇帝

皇妣孝德顯皇后梓宮。永遠奉安。

山陵。朕於九月十七日恭奉

慈安皇太后

慈禧皇太后啟鑒。所有應行典禮並一切事宜。著各該衙門及直隸總督敬謹豫備。○命恭親王奕訢仍恭理

文宗顯皇帝

孝德顯皇后喪儀。命協辦大學士吏部尚書瑞常、戶部尚書羅惇衍馳赴山西查辦事件。

○江甯將軍富明阿因病請開缺回旗調理。

允之。並賞食全俸。○旌表守正捐軀直隸阜城縣民趙福成妻鄭氏。○戊子。諭內閣。前因都察院奏已革馬蘭鎮總兵慶錫等為伊故父耆英鳴冤。死由肅順激怒妄奏。請代奏昭雪一摺。當經降旨交刑部覈議具奏。茲據該部奏稱耆英因事獲咎。先經惠親王等奏參正法。嗣經恭親王惇親王會同大學士六部九卿遵

旨定擬。量予未減。定為絞監候。入於情實。肅順

因意見不合仍請卽行正法

文宗顯皇帝飭紀加恩不忍棄之於市賜令耆英自盡

聖訓煌煌久經垂示所有慶錫等代父懇請昭雪之處未敢擅議等語此案耆英以獲咎大員蒙

文宗顯皇帝棄瑕錄用宜如何激發天良力圖報稱乃因桂良等奏請令該員回京耆英不候

諭旨擅自折回冒昧糊塗實屬自速其死我

文宗顯皇帝博採眾議權衡至當僅予賜死思盡情法兩全之道所有慶錫等呈請代父鳴冤懇恩昭雪之處業據刑部查明原案覆奏著毋庸議惟肅順因意見不合輒單銜奏請卽行正法原奏內稱苟延歲月儻以病亡獲保首領等語措詞不倫在肅順當時無非欲藉以攬權立威使朝臣莫敢誰何以遂其罔上行私之計業經欽奉

硃諭駁斥肅順亦因另案正法肅順之子耆不淮其出仕以昭炯戒諭軍機大臣等戶部奏請催本年京餉以供開放一摺上年該部奏撥本年京餉銀五百萬兩截至本月初十日除河南山東等省閩海江海等關初限報解足數其山西等省江漢等關或解未及半或絲毫未解實屬疲玩既據該部奏稱本年五月以前放款業經敷衍無誤此次姑免其參處惟此後放款尚鉅如各該省仍前延宕必誤要需所有欠解之山西地丁銀一百萬河南地丁銀十五萬湖北地丁銀十六萬五千湖南地丁銀十二萬廣東地丁銀二萬五千長蘆鹽課銀二十萬河東鹽課銀十五萬羨餘銀五萬山東鹽課銀四萬鹽課項下加價銀十萬地丁抵解加價銀五萬兩淮鹽課銀十萬直隸旗租銀三萬廣東運庫應繳新舊兩息銀二萬五千湖北荆宜武襄鹽釐銀四萬五千福建茶稅銀十萬粵海關稅銀十

五萬。閩海關常洋兩稅銀七萬。江漢關稅銀二十七萬。江海關稅銀十萬。天津關常洋兩稅銀四萬。東海關稅銀二萬。共有三百萬兩之多。著各該將軍督撫鹽政通商大臣監督務將欠解銀兩。統於年內埽數解齊。並督飭藩運各司。趕緊籌畫。分起報解。儻再有稽延致誤。開放即著該部指名嚴參。另片奏現在神機營添練兵勇。秋閒恭屆奉安。

山陵。各衙門借用之款甚鉅。本年京餉。即各省埽數解京。已覺不敷周轉。請另行添撥等語。自係實在情形。所有該部擬行添撥之廣東積年鹽課銀十萬。釐金銀五萬。司庫雜款擬抵運庫報撥銀五萬。兩浙鹽課銀十萬。兩淮鹽課銀十萬。四川按糧津貼銀五萬。湖南鹽釐銀五萬。臨清關稅銀五萬。江海關洋稅銀十五萬。閩海關洋稅銀二十萬。浙海甯波口洋稅銀五萬。福建茶稅銀五萬。共銀一百萬兩。著各該省督撫鹽政監督等各按照指撥。

數目督飭藩運各司設法籌畫。務於年內解到。以濟要需。毋得飾詞延宕。致干咎戾。將此由五百里諭知直隸江蘇浙江福建湖北湖南河南山東山西廣東四川各將軍督撫鹽政通商大臣。並傳諭粵海關監督知之。又諭閩敬銘奏駐營兗州。酌擬安置國瑞所撥各勇隊。請分撥陳國瑞等餉需各摺片。東省雖已無賊防禦。未可稍鬆。閩敬銘現派王心安四營。往駐金嘉及濮范一帶。惠慶等二營。

往駐定陶城武曹單一帶。即著該撫檄飭各該員等嚴密堵禦。並將土匪次第擒捕。以靖地方。前據國瑞奏分撥馬步各隊。已諭令將托倫布及富森保所統馬隊撥赴河南助剿。其留防山東之烏爾圖那遜等所統馬隊內挑撥精銳數成。交喬松年相機調遣。至擬留山東之勇丁四千名內。酌留兩營。由閩敬銘統帶。餘著撥交曾國藩聽候調遣。茲據閩敬銘奏國瑞撥歸山東馬隊官兵一千餘名。現

在東防稍緩而皖省軍務正當喫緊擬咨商曾國藩如調之赴援可期迅速等語自係尚未接奉前旨此項馬隊既可無須酌留東省應否一併調赴皖省協勦之處著曾國藩閻敬銘體察情形相機辦理國理所留步勇兩營著閻敬銘詳加甄覈分別撤留務期有裨實用毋令別滋事端劉銘傳軍旣已南下潘鼎新一軍自應留於直東交界地方以免空虛而資保衛如何位置之處著曾國藩劉長佑閻敬銘會商調派陳國瑞等軍協餉閻敬銘請將晉省之餉專濟康錦文一軍豫東兩省之餉專濟陳國瑞一軍卽著照所請行本日據給事中孫楫奏統籌直東大局並請飭崇厚慎選馬步各摺片據稱髮捻結黨豎旗向在八月以後恐交秋北擾直東等省又遭蹂躪誠不可不豫為之防陳國瑞及江南調到各軍應駐曹單金魚之間嚴加堵禦濟甯並紮一軍以為應援蘭鄭一路責成江北以

重兵扼守邳宿山東亦於峒嵒紅花埠左右駐兵應之以固藩籬等語所籌是否允當著曾國藩閻敬銘酌度地宜會籌妥辦曹州水套湖團久為通逃淵藪長槍會歷年旣久結夥尤多據該結事中奏稱近復演戲蒞盟插旗伐麥肆行無忌各情若不於髮捻未至之先及早撙捕將來為賊嚮導外患內訌為害不可勝言著劉長佑閻敬銘督飭官軍會籌勦辦以靖亂萌毋得粉飾養癰貽後日無窮之患崇厚現在招募馬勇惟近聞桂錫楨所帶馬勇有從賊南竄者有四出逃匿者若涸跡其中悉來應募貽禍非淺著崇厚於所招馬勇務須確切訪查慎加遴選毋令奸人涸跡致墮詭謀原片著鈔給崇厚閱看將此由六百里各諭令知之以京口副都統魁玉為江甯將軍吉林協領富和為京口副都統命前任湖北布政使莊受祺山東道員鍾文赴欽差大臣曾國藩軍營聽候差委己

丑

上臨故科爾沁博多勒噶台忠親王僧格林沁  
第賜奠○諭內閣理藩院等衙門奏遵議督  
師重臣卹典請旨遵行一摺本月二十一日  
科爾沁博多勒噶台親王僧格林沁靈柩旋  
京朕奉

慈安皇太后

慈禧皇太后懿旨於本日親往賜奠賸懷忠藎  
悲惋愈深允宜再沛殊施以彰優禮僧格林

沁之孫那爾蘇所襲貝勒著再加恩作為世  
襲罔替伊次孫溫都蘇並著賞給輔國公用  
示軫念舊勳有加無已至意著照所擬賜  
卹○又諭馬新貽奏敬舉所知各員懇請調  
赴浙省以備委任一摺除分發補用道馮禮  
藩業經左宗棠奏調來浙著即留於浙江以  
道員候補外翰林院編修王凱泰補用道袁  
保慶著江蘇河南巡撫分飭各該員迅赴浙  
江均以道員留於浙江補用直隸州知州靳

芝亭陳祖襄通判史致煒升用直隸州知州  
朱觀光均著准赴調赴浙江交馬新貽差遣  
並准各按本班留於浙江補用 諭軍機大  
臣等特普欽奏請留三都克多爾濟並請另  
行簡署甯古塔副都統缺等語三都克多爾  
濟既於呼倫貝爾地方情形熟悉且查辦喀  
爾喀巴爾虎爭界之案均係該員經手著准  
其留於黑龍江以資臂助甯古塔副都統已  
派烏勒興阿署理著特普欽即飭該員迅赴  
署任以重職守本日因署吉林副都統特克  
慎病故喀爾喀爭界一案無人前往查辦已  
將恩合簡放吉林將軍早保著俟恩合到任  
後即行束裝前往將此案妥為查辦務期兩  
造折服不准含糊了事致日後再有反覆早  
保將此案辦理妥協後即行來京供職恩合  
自簡任副都統為日尚淺因其平日辦事頗  
能認真緝捕尚屬勤奮吉林地方馬賊縱橫  
土匪出沒與盛京黑龍江毗連時虞滋蔓該

處地方事宜甚為緊要。是以將恩合特行簡任將軍。此係朝廷不次之擢。該將軍於到任後。務卽將該省軍政馬政及勦捕各事嚴加整頓。力圖報稱。毋得稍自滿假。致蹈愆尤。有負委任。將此各諭令知之。又諭曾國藩奏派委司道大員。經理交代事件。並迎提各項軍馬及賊萃皖境。應先駐臨淮。後赴徐州各一摺。所籌均屬妥協。卽著該大臣飭令李榕前往濟甯。將僧格林沁原部馬步各隊及應行交代之件逐一承領。俾國瑞得以交卸。回京。曹濟等處敗兵游勇極多。不可無重兵鎮壓。所有潘鼎新一軍著卽調赴濟甯駐紮。仍兼顧曹考一帶。以固直東門戶。現在羣賊雖聚於皖境。而北路防務仍不可稍鬆。劉長佑崇厚閻敬銘當各就現有兵力。勤加訓練。認真整頓。以備不虞。英翰因雒河被困。先帶二十餘騎退至西陽集。雒河自更危急。易開俊臨敵患病。英翰求援甚切。曾國藩自因馳赴

臨淮。督率各軍力解雒河之圍。務將此股逆匪悉數殲除。以收一勞永逸之效。本日據左宗棠奏閩境肅清。請將援閩之郭松林楊鼎勳兩軍回蘇。候調業已降旨照准。如皖省兵力不敷。卽著曾國藩李鴻章酌量調派。以資得力。清淮一帶向為該匪所窺伺。吳棠仍當隨時檄飭各軍嚴密防守。不可以賊蹤漸遠稍涉懈弛。曾國藩另片奏豫省防勦緊要。現調陳國瑞帶兵暫赴歸德駐紮等語。陳國瑞一軍業已調赴歸德。卽著歸吳昌壽調遣。不必再赴皖境。各該省協撥陳國瑞一軍之餉均著解交吳昌壽隨營糧臺。由該撫派員經理。源源撥給。毋令缺乏。現在直東皖豫據該大臣籌辦情形尚臻周密。惟山西省兵力空虛。防堵亦不甚可靠。沈桂芬亦非知兵之人。捻逆乘虛奔突。是其熟技。況該省完善又素所垂涎。該大臣務須調出勁旅一支。兼防秦晉門戶。更臻妥善。將此由六百里各諭

令知之。○又諭左宗棠等奏官軍勦賊獲勝全閩肅清現飭越境追勦請調援閩得力之軍回蘇及查李侍賢下落各摺片汪逆由上杭中都敗走先竄鎮平復由粵東邊界竄去有直趨嘉應州之勢左宗棠已飭康國器及關鎮拜各部粵勇五千人由峰市追勦此軍到粵必可得力著瑞麟郭嵩燾督飭方耀等會同閩軍認真擊勦李福泰已移紮嘉應諒已早有布置即著飭令該藩司等三面兜擊

以期一鼓殄除毋任再有竄逸高連陞黃少春劉清亮等軍暫駐武平稍為休息仍著左宗棠飭令覘賊所向實力遏截以資得力汪逆本謀竄江未必久留粵境孫長紱務當懍遵疊次寄諭將贛防密為布置督飭派出諸軍與左宗棠所派之王開琳一軍實力防勦毋任逆蹤竄近邊界劉典一軍或由汀赴贛或徑赴南安截其由江西竄湖南之路著左宗棠斟酌軍情緩急調派李侍賢一犯或云

衝殺或云被擒或云自刎尚無實在下落仍著查明具奏郭松林楊鼎勳二軍即照所請飭令迅速回蘇聽李鴻章調遣崑壽已放杭州將軍著俟到任後將旗營一切事宜妥為經理以副委任將此由六百里諭知瑞麟崑壽左宗棠徐宗幹郭嵩燾並傳諭孫長紱知之○閩浙總督左宗棠等奏閩省餉需支絀請將各營所出兵缺一時無庸募補俟軍務平定再行斟酌辦理允之○以錦州副都統

恩合為吉林將軍廣東陸路提督崑壽為杭州將軍正白旗漢軍副都統烏勒興阿署甯古塔副都統以署浙江提督高連陞為廣東陸路提督記名提督黃少春署浙江提督調江蘇蘇松鎮總兵官李起高為廣西左江鎮總兵官以記名總兵官楊鼎勳為江蘇蘇松鎮總兵官○以福建塔下勦賊獲勝賞道員康國器布政使銜予陣亡都司劉振伍祭葬世職如參將例以福建攻克岳阮等



處匪巢。賞遊擊楊玉書巴圖魯名號。予陣亡副將黃璧守備陳家晉祭葬。世職加等。○庚寅。諭內閣。本年入夏以來。雨澤愆期。頗形亢旱。疊經降旨設壇祈禱。雖聞澤頻霑。農田仍未深透。現在節近大暑。待澤尤殷。睹茲風燥日炎。實深憂懼。因思致旱之由。必有所自。朝廷綜理庶政。終日乾乾。固無事不以敬。

天勤民為念。今乃恆暘示儆。未能速沛和甘。意者恐懼修省之忱。有未摯歟。抑用入行政之

閒。不無闕失歟。昨覽御史張觀鈞所奏。勿徒修祈禱之文。仍宜盡省躬之實等語。與朝廷之意。正相脗合。朕奉兩宮

皇太后深宮戒懼。惟當益加修省。冀格

天心。在廷臣工。亦應交相惕厲。黽勉從公。毋負期望。並著有言責諸臣。摠誠獻替。凡有裨於國計民生者。直言毋隱。以備朝廷採擇。見諸施行。至京外問刑衙門。現辦各案。並著趕緊清釐。不得稍有積壓拖累。以消侵戾而迓休

和。○諭軍機大臣等。喬松年奏皖北近日軍情一摺。捻匪圍攻雉河營。盤甚急。日日添營。勢益兇狠。雉河營中糧米。僅敷現月食用。岌岌可危。英翰既離雉河。前赴西陽。集合軍回救。則設法運送糧米入營。為第一要著。喬松年務當督飭英翰。並激勵易開俊。張得勝等軍。奮勇進攻。以便護送糧米。運入雉河。毋得遲延。觀望。致干重咎。至賊匪大股。廣集雉河。正可乘此機會。四路進剿。為聚而殲。旃之舉。

張曜宋慶兩軍。已抵亳州。周盛波一軍。已抵宿州。卽著曾國藩吳昌壽。迅催各軍。星夜前往雉河。解圍通餉。一面飛提劉銘傳康錦文諸軍。趕緊赴亳。一俟諸軍到齊。卽可將圍攻雉河之賊。四面兜剿。曾國藩仍遵昨日諭旨。馳赴臨淮。指揮調遣。務將該逆就地圍殲。毋令再行他竄。清淮等處防兵。如可分調。卽著吳棠酌撥數營。馳援皖北。不可稍分畛域。並著曾國藩李鴻章。將由閩回蘇之郭松林楊

鼎勳兩軍酌量調援亳州以厚兵力蒙城圍練既能守圩殺賊卽著喬松年激勵鼓舞以期兵民合力眾志成城將此由六百里各諭令知之○又諭國瑞奏糧臺事務未能深悉請飭閻敬銘令盧朝安據實報銷一摺據稱自幫辦僧格林沁軍務以來整頓軍務等事是其專責於稽覈度支礙難過問糧臺收發數目據盧朝安籠統開報並未詳細分晰請飭該員將原存銀兩數目及支發正雜各款

數目作速據實報銷等語國瑞自隨僧格林沁出師山東以來既有幫辦之名營中事無鉅細自應周知前於奏報僧格林沁陣亡摺內亦稱其在邳州行營分放月餉並有赴濟甯將一切軍火糧餉布置等語此次忽稱稽覈度支礙難過問且於本日另摺內奏稱僧格林沁軍營向章從不找發積欠吉林等處遣撤官兵亦經酌給津貼此次又稱歸德有存儲二十萬兩有奇據盧朝安聲稱若將欠

項放竣及應發雜支能否有贏尚難懸揣等語此項存銀國瑞前於奏報陳州另款存儲銀二十萬兩時並未提及遲至此次方行入告僧格林沁軍營既無找還積欠章程所謂欠項雜支各節又係何等款目層層轉轄殊欠清晰僧格林沁軍營糧臺前經閻敬銘奏請專歸盧朝安經理所有一切收發款目自屬責無旁貸現在該營馬步兵勇均經國瑞開單奏明確數分別散遣糧臺卽應撤去所

有前後各項支發正雜等款著閻敬銘嚴飭盧朝安將存發銀兩逐款詳細稽覈分晰開報不准稍有冒濫並著迅速清算完結毋任日久耽延致滋流弊國瑞原摺著鈔給閻敬銘閱看將此由五百里諭令知之○調盛京副都統慶春為錦州副都統以記名副都統富平阿為盛京副都統○辛卯諭內閣禮部奏各省選拔生請考紛歧請旨辦理一摺向來各省拔貢朝考均於選拔之次年定限考

試其有事故後期者止准在部補考咸豐十一年辛酉科選拔本應於同治元年會齊考試因軍務未竣或考選停留或入京梗阻曾經禮部奏明展至同治四年彙齊補考上年因四川等省選拔生呈稱旅費維艱實難久候加恩准其先考以示體恤現在復有四川等省選拔各生到京呈懇考試本應飭令靜候各省報齊時再行補考惟念該生等均係寒儒未諳朝廷體制今既長途跋涉遠道赴

軍機大臣等

二十五

京額懇考試情尚可原所有現到應考之選拔生著格外加恩准其先行考試此後未考各生著俟禮部另定年分與未經報齊各省之選拔生併作一次考試不得紛紛赴京隨時瀆請先考以肅政體另片奏四川等省選拔生內有曾報患病及丁憂在會考後者可否一體朝考等語著准其歸入各該省無事故各生一體補行朝考下屆不得援以為例

○諭軍機大臣等麟翔奏直隸藩司解到工

程銀兩由載華發放雜款長蘆銀兩解到無期恐誤開工吉期請飭下直隸總督轉催迅解並據載華奏稱辦公不知緩急先將藩司所解之銀發放澆灌樹株等項以致要工不能及時修辦並陳明此次所收銀兩由該貝子一人點放失於詳慎自行檢舉請交宗人府嚴議各等語此項工程銀兩業經麟翔傳知廣恩庫不准改放何以載華並不酌量緩急會商辦理將解到銀四千兩儘數發放雜

軍機大臣等

二十六

款其中顯有蒙混冒領侵蝕款項情弊亟應徹底根究以重庫款即著靈桂賀壽慈提集管庫司員人等嚴切訊究據實參辦並將發放之款如數追繳以期無誤要工載華業已任滿著飭令聽候查辦俟此案辦理完竣再行回京麟翔等摺二件均著鈔給閱看將此諭令知之○又諭都興阿穆圖善奏官軍馳援甯夏滿城立解城圍楊能格奏慶防官軍攻克鐵角城疊獲勝仗各一摺送回糾黨築

壘圍撲甯夏滿城經都興阿等親督官軍攻拔賊壘多處斃賊二千餘名城圍立解其緊靠郡城之西門橋各賊壘復經官軍一律平毀偏城而營卽著都興阿穆圖善乘此聲勢激勵兵勇迅將甯夏郡城剋日攻拔不得再有耽延致干咎戾楊能格當設法籌款將甯夏官軍糧餉源源轉運毋令缺乏固原竄逆圍擾中衛此股不除於甯夏一軍終形掣肘著雷正綰懷遵前旨督飭援軍迅解中衛之

圍埽蕩逆氛以收夾擊之效毋稍遲誤慶防官軍分路勦賊攻克鐵角城逆果挫斬逆酋哈伏威等尚屬奮勉所有歷次尤為出力員弁准由楊能格彙案保奏不准稍有冒濫回逆詭譎異常現在東竄保安縣境並圖窺伺安化縣元城鎮難保不牽綴我師暗為甯靈倚角著楊能格督飭魏添應等相度機宜實力防勦並著劉蓉添撥兵勇馳赴延安鄜州安邊保安等處扼要堵截不得稍有疏虞前

據德勒克多爾濟等奏稱回匪千餘名擾及花馬池定邊一帶邊牆希圖竄越當經諭令德勒克多爾濟等咨明都興阿兼嚴後路之防此時甯夏官軍進紮西門正在得手之際該將軍仍當分撥兵勇將花馬池定邊一帶回匪先行勦除肅清後路毋任甯夏大營兵勢為所牽掣將此由六百里諭知都興阿穆圖善雷正綰劉蓉並傳諭楊能格知之○予山東章邱等處陣亡殉難八品銜王景瑞等

紳民婦女四千六百三十三名口分別旌卹如例 壬辰諭內閣本年九月二十二日

皇考文宗顯皇帝

皇妣孝德顯皇后梓宮永遠奉安據欽天監奏謹擇於九月二十日卯時由隆福寺行宮奉移至

定陵隆恩殿等語前已降旨朕於九月十七日

恭奉

慈安皇太后

慈禧皇太后啟鑒敬於十九日駐蹕隆福寺行宮恭詣

几筵前奠酒行禮二十日恭奉

皇考文宗顯皇帝

皇妣孝德顯皇后梓宮至

定陵隆恩殿二十一日祇謁

昭西陵

孝陵

孝東陵

景陵

裕陵禮成後敬詣

定陵隆恩殿

几筵前行遷奠禮二十二日奉安禮成恭請

神牌還京

升祔

大廟朕於九月二十五日還宮所有恭奉

梓宮由隆福寺行宮至

定陵永遠奉安及

神牌還京均著毋庸另備御道至應行典禮並一切事宜著各衙門及直隸總督敬謹豫備  
諭軍機大臣等阜保奏盜匪出竄添兵追剿一摺奉天鐵嶺開原一帶賊匪突由圍場出竄擾及吉林界放牛溝屯擄殺差役署長春廳通判博霖調練剿捕於靠山屯接仗失利被拒斃五六十名另股竄至蘇瓦延站北奢嶺口經協領富明阿帶兵追至半拉山門邊外太陽溝斃賊二十餘名番役傷亡六十餘名該匪逃往北荒此股賊匪分竄吉林邊界者為數僅百餘人或數十人輒即傷斃官役至七八十名之多可見該地方官平時毫無準備跳梁小醜亦不能制實屬可惡阜保摺內所稱盜匪百餘人又另股七十餘人恐尚不止此數該處為兩省毗連處所此拏彼竄最易藏奸著阜保迅飭添派之佐領那斯洪阿等督帶兵役覘賊所向實力兜擒不准存五日京兆之見並著玉明調派官兵會同

堵剿擒捕務期盡絕根株不准因循貽患其  
蒙古地方並由玉明知照一體督兵嚴防毋  
任闖入恩合已簡放吉林將軍著俟慶春到  
任卽行迅赴吉林將剿捕事宜妥為調派慶  
春著迅速前赴錦州新任毋庸俟富平阿到  
任交卸並著阜保飭令富平阿卽赴盛京副  
都統新任以重職守以上各員均著毋庸來  
京請訓將此由六百里各諭令知之○以吉  
林長春廳疏防竄匪摘通判博霖頂帶○予

軍機處存案

三十一

浙江杭州殉難協領隆鏘等官紳婦女九百  
十二員名口分別旌卹如例○癸巳諭軍機  
大臣等張凱嵩奏梧州官軍疊破賊巢生俘  
首逆現飭擒捕餘逆一摺逆首霍十八獷悍  
兇橫倡亂潯梧積年漏網匪徒紛紛響應經  
張凱嵩派令蔣澤春等增軍集練一月之間  
擣穴擒渠殲斃著名匪首多人辦理尚為得  
手著卽飭令吳光春會同粵東派來之曾敏  
行一軍剿捕梧州餘匪賀三元會同覃遠璉

募勇捕拏潯州餘匪毋得稍留餘孽致貽後  
患現在潯梧已可漸次肅清而那檀山澤大  
兵合圍劉坤一已放江西巡撫卽須赴任蔣  
澤春一軍應否飭赴那檀山澤之處著張凱  
嵩酌度調派以資得力另片奏鎮安府屬有  
小張三等匪滋擾經知府興福督率兵團剿  
辦頗有新擒餘匪奔回馬隘著卽督飭該府  
整頓兵練乘勝擣巢及時撲滅首匪陸潤庭  
自應准予自新惟此輩忽圍忽賊終不可恃

軍機處存案

三十二

仍著隨時察看如能始終奮勉再行酌量加  
恩以示鼓勵將此由五百里諭令知之○予  
安徽蒙城殉難知縣宋維屏祭葬世職加等  
○予陝西鄠縣陣亡殉難知縣王在雍等紳  
民婦女一百五十五名口分別旌卹如例

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十三

實錄卷一百四十三

三十三

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十四

改修

同治四年乙丑六月甲午朔

上詣綏履殿問

慈安皇太后安平安室問

慈禧皇太后安至壬戌皆如之○諭內閣軍機

大臣會同吏兵等部議覆兩江總督曾國藩  
等奏請添設安廬道員等缺一摺著照所請  
安徽省准其添設安廬道一員分巡安慶廬  
州二府滁和兩直隸州卽著作爲安廬滁和  
道其原設之鳳廬潁道著改爲鳳潁六泗道  
分巡鳳陽潁州二府六安泗州兩直隸州仍

兼鳳陽關監督以重職守咸豐五年曾因皖南軍務緊要將徽甯池太廣道暫加按察使銜並添設皖南鎮總兵准其會銜專摺奏事俟軍務告竣道員仍歸舊制總兵作為額缺現在江浙肅清皖南安謚除皖南鎮業經作為額缺外所有徽甯池太廣道暫加按察使銜著即撤銷亦不必與該鎮會銜奏事用符舊制雒河集濱臨渦河地當衝要並著照該大臣等所擬添設渦陽縣治藉資彈壓鳳臺

縣與壽州同城殊為無益著即將縣治移於下蔡鎮俾沿淮要區得所控扼宿州之龍山地勢極關緊要並准其添設遊擊一員仍歸壽春鎮節制所有添設各官應行分建疆界設立佐貳營汛及一切應辦事宜仍著該督等奏明辦理○又諭八旗都統等會同戶部等部奏遵議沈桂芬條陳籌費移屯恤旗民而實邊防一摺據稱旗人聽往各省之法道光年間曾經籌辦有案現擬量為推廣以裕

旗人生計請嗣後旗人有願出外營生者無論降革休致文武官員及未食錢糧本食錢糧舉貢生監暨兵丁閒散人等准由該都統給照前往如願在外省落業准其呈明該州縣編為旗籍其服官外省之降革休致文武各員及病故人員之子孫親族人等無力回京者亦准一體辦理所有詞訟案件統歸該州縣管理如有不安本分滋生事端者即由該地方官照民人一律懲治其願入民籍者

即編入該地方民籍文武考試章程俟應試有人再由督撫體察情形奏交該部覈議至八旗兵丁人等在外落業者並准其調補綠營馬戰守兵各等語所籌尚屬周妥即著八旗都統將此次推廣辦法逐節出示曉諭俾眾咸知以裕生計而示體恤沈桂芬摺內所稱獨石口外之紅城子開平等處張家口外之興和新平等城可以籌費移屯一節現在該處情形如何有無可闢地畝著各該將軍



都統督撫等認真籌畫。務須變通盡利。因時制宜。不准畏難苟安。一奏塞責。一俟查勘確實。卽行迅速具奏。○諭軍機大臣等。劉長佑奏直隸防務較鬆。請將防軍分別撤留一摺。髮捻各匪均已回竄皖亳。相距直境較遠。所有直隸防軍。並防河練勇。均可暫行遣撤。以節經費。著卽照劉長佑所擬將宣化鎮標各營兵丁先行撤歸。以重邊防。山東張秋迤西各軍仍撤回直境。交余承恩管帶訓練。以期得力。張秋以東各軍卽咨商崇厚酌量撤留。長龍三板船隻。河面尚可駕駛。卽著督飭委員趕緊照式添造。將吳棠派來水勇礮位安設成營。並將曾國藩前撥大礮百尊派員迎提。以備巡防之用。此股賊匪雖經南竄。防範不可稍疏。仍著督飭留防各兵勇嚴密堵遏。並著將李鶴年留於防所。以資督率。劉長佑著暫行回省。潘鼎新一軍前已有旨令其駐紮濟甯防守。仍可與直隸防軍聯絡聲勢。互

相援應。另片奏請將李榮發等三員留直差委等語。記名提督李榮發副將李昌連戴盛寬均著准其留於直隸差委。此項投效人員果能帶兵得力。將來補授該省各缺。固可收得人之效。如果不能得力。該督仍當奏明撤回。湖南本籍毋得瞻顧情面。稍事遷就。將此由四百里諭令知之。○直隸總督劉長佑奏直省需餉甚繁。所有甘肅協餉委難兼籌。請俟庫款稍充再行解濟。得旨著准其暫緩撥解。一俟庫款稍充仍行源源接濟。毋稍推諉。○乙未上復詣大高殿祈雨壇行禮。○遣惇親王奕訢恭祀天神壇。恭親王奕訢恭祀地祇壇。醇親王奕譞恭祀太歲壇。鍾郡王奕詒詣時應宮。孚郡王奕譔詣昭顯廟。鄭親王承志詣

宣仁廟貝勒載治詣

凝和廟肅親王華豐詣

覺生寺禮親王世鐸詣

黑龍潭克勤郡王晉祺詣清漪園

龍神祠順承郡王慶恩詣靜明園

龍神祠怡親王載敦詣密雲縣

白龍潭拈香○諭內閣欽天監監正音德訥

奏清理庶獄請將情罪較輕之軍流人犯並

徒杖各犯分別減等寬免一摺著刑部查照

向章酌覈辦理○諭軍機大臣等德興阿奏

請飭撥欠餉購買馬匹酌加馬隊兵餉請飭

發官員俸銀各摺片據稱陝西藩庫欠發滿

營官兵餉銀為數甚鉅請飭撥給銀五千兩

派員由山西前往綏遠歸化一帶採買馬四

百匹所籌尚妥著劉蓉即飭藩司於六月內

將前項銀兩如數撥給以應要需此項馬匹

經過山西綏遠歸化等處均著免其納稅並

著德勒克多爾濟沈桂芬桂成飭令各該州

縣豫備棚廠應付草豆此外概不准濫應德

興阿於此項馬匹到營後務須認真操練不

得有有名無實此次購買之款即著免其造冊

報銷德興阿所稱擬挑練馬隊兵一千名請

照舊章按八成五支放即著照所請辦理滿

營官員情形艱苦所有該營俸銀並著劉蓉

自本年春季起每季按照部定七折六扣章

程給發毋令缺乏將此由五百里各諭令知

之○以涼州協領圖明額署西安左翼副都

統○丙申諭內閣本年九月二十二日

文宗顯皇帝

孝德顯皇后梓宮永遠奉安

定陵所有蒙古王公受

皇考厚恩至優極渥伊等感戴

先恩自必同來叩謁惟念該蒙古王公遊牧各

有應辦事件且道途遙遠往返跋涉未免勞

苦所有御前乾清門行走之内外扎薩克蒙

古王貝勒貝子公台吉等均著加恩無庸奏

請前來。卽著理藩院傳知遵行。以示體恤。蒙古至意。○又諭。前因雨澤愆期。諭令京外問刑各衙門。清釐庶獄。以消積戾。茲據給事中劉毓楠奏。各省株連無辜人證。應迅結省釋。並各州縣應行解省要犯。不得任意遲延。各等語。各省京控案件。凡發交各該督撫督臬提訊者。均應提省研鞫。以昭慎重。惟案內干連人證。往往有無辜之輩。或緣事牽涉。或被原告挾仇誣指。一經傳案。胥役訛索百端。甚至到省羈押。動經數年。延不訊結。死亡相繼。無可控告。實堪矜憫。總由各該省積習相沿。視京控為無關緊要案件。漠不關心。各州縣於應解要犯。反因差役賄賣捏病。藉故延不起程。轉致無辜干證。先期羈省。冤抑莫伸。殊堪痛恨。嗣後著各省督撫於京控案件。仍責成臬司親提訊問。各省首府發審之案。務令嚴定期限。隨到隨結。無干人證。立予省釋。不得任情積壓。濫行拖累。各州縣應行解省要

犯。不准託故耽延。儻查有案經數年任意延宕。及州縣解犯遲延者。卽著該管上司從嚴叅辦。以清案牘。而重人命。○諭軍機大臣等。曾國藩奏請調馬隊官兵到皖助剿。吳昌壽奏。豫軍攻克廖樓。龔李莊賊寨。直抵義門。張曜等進擊獲勝。各摺片。僧格林沁營中馬步各隊。疊經有旨令赴曾國藩軍營。妥籌分布。並諭令將擬留山東之勇丁四千名。酌留兩營。由閻敬銘統帶。餘著撥交曾國藩調遣。嗣據閻敬銘奏。馬隊無庸留東。復經諭令一併調皖協剿。由曾國藩等體察情形。妥籌調度。卽撥歸吳昌壽喬松年之兵。該大臣亦可斟酌緩急。一律檄調。托倫布等曾否帶兵赴豫。著吳昌壽催令迅赴曾國藩軍營。聽候調遣。溫德勒克西等馬隊。著曾國藩查明相機調派。並催劉銘傳等速行赴援。毋稍延緩。英翰因雉河被圍。退至西陽集。現在各軍曾否漸集。雉河營盤能否固守。著喬松年嚴飭英翰

等疏通餉道設法解圍如雉河有失定惟英翰是問豫軍進剿獲勝擒斬首廖和尚攻克廖樓龔李莊已抵義門距雉河不過數十里張曜宋慶等軍分途進擊獲勝頗有斬擒著吳昌壽督飭該總兵等乘勝進剿會同江皖各軍力解雉河之圍務各迅速進兵以成三省會剿之局如有遷延退縮卽著曾國藩等指名叅奏毋稍姑息如賊因被剿西竄曾國藩喬松年吳昌壽兼須酌派勁軍於皖豫各境嚴行遏截官文前奏調飛虎四營赴豫已至何處卽著催令趕緊入豫歸吳昌壽調遣姜玉順辦理蔣凝學所部潰勇能否竣事成大吉等軍現紮何處賊匪恐被擊南趨鄂省防務未可鬆勁著官文妥為布置毋令竄越將此由六百里各諭令知之○欽差大臣曾國藩奏懇收回節制三省成命得旨仍遵前旨毋再固辭○以安徽義門剿匪獲勝賞守備李永芳巴圖魯名號餘加銜升敘有差

○撫恤琉球國遭風難夷如例○丁酉諭內閣前因華豐等奏會審降調翰林院編修蔡壽祺所供各詞與劉蓉原奏不符請飭下四川總督詳查具奏以憑覈辦當經降旨諭令崇實駱秉章據實查覆茲據崇實等奏查明各緣由據實覆奏一摺仍著原派王大臣華豐等查覈辦理○又諭長善奏請將接收官馬覈實查驗並操練馬隊隨時舉劾一摺所有解到馬匹卽著長善驗選精壯以資應用至訓練馬隊尤宜認真校閱該教練章京及演習技勇之弁兵等如果操練得力著准長善酌保數員毋許冒濫儻差操不力卽著嚴叅懲辦毋稍徇隱○又諭駱秉章奏廣東省墳山禁步請飭遵照例定丈尺辦理以杜爭端一摺四川總督駱秉章本籍廣東花縣有前明所葬祖墳同治二年正月間該縣文生鄧輔廷於切近墳旁盜葬骨壇三穴經該族眾控縣清理該地方官並未丈量率行擬結

復經駱秉章咨明廣東督撫覈實查辦旋據郭嵩燾咨稱該省通行章程無稅官山塋葬以穿心四丈為限計由墳心量數至邊每面實止一丈鄧姓原開墳穴在該督祖塋一丈以外照依定章無可科罪駱秉章復咨查禮部刑部嗣據各該部咨稱定例庶人塋地九步穿心十八步凡發步皆從塋心數至邊鄧輔廷盜葬該督祖塋之處係在例文禁步之內應照例科罪是郭嵩燾所稱該省現行章程係與禮部定例不符廣東省多有無稅官山與別省情形不同墳塋禁步自應恪遵定例辦理若概用本省章程以前後左右各得一丈為準恐倚勢侵占者得所藉口盜葬之風益熾流弊伊于胡底著瑞麟郭嵩燾申明舊例通飭各屬嗣後審斷墳山案件無論官民均照例定禁步為限毋得率以本省定章定讞以致爭端難息流弊滋多並著該督撫將鄧輔廷盜葬之案迅即按照定例丈尺覈

實定擬具奏不准稍涉迴護尋奏駱秉章咨查祖墳侵葬一案經花縣押遷事已了結粵東每以侵葬訐訟擬請飭部覈准凡有力紳民照依山糧科則詳報升科立案即准作為私地管業並准照例定步數開拓墳塋其未經呈報者仍照省例科斷無論紳民均以橫直二丈之內不准進葬為率下部議從之○諭軍機大臣等官文奏鄂省現辦防守請將常星阿等馬隊調回楚疆並密陳各路勇丁情形等摺據稱前派飛虎四營剋日赴豫該營於奉檄後沿途遲滯又復枝梧不欲前進細察情形亦不可遽令前往惟有趕緊遣散以節糜費等語飛虎四營既不願赴豫即令勉強從事亦難期其得力著即分別遣撤安置惟不可令其沿途生事致貽他省之患吳昌壽現已開招豫勇著即認真訓練並將綠營兵丁妥為簡練務使一兵得一兵之用如須調何省知兵將領即著指名檄調以資臂

助常星阿溫德勒克西等馬隊已交曾國藩等調遣皖省軍務方殷需用孔亟未便調回楚境著官文就現有兵力大加整頓以防逆蹤竄越姜玉順一軍令駐黃安麻城距豫切近如豫省有警卽檄令出境會剿不得任令觀望致誤戎機將此由五百里各諭令知之○又諭恩麟奏探查關外回匪變亂情形並嘉峪關城經民勇收復及狄河回匪勢已窮蹙亟應攻取老巢成祿等奏請飭楊岳斌先

派十營交成祿統領並請飭雷正綰迅檄譚玉龍帶兵前來進剿各摺片狄河回匪前在安定被創窮蹙自應乘機攻取老巢嘉峪關雖經收復而羣賊萃於肅州城內出關之路尚未疏通是甘省軍務在在均關緊要楊岳斌前已行抵涇州著卽督飭所部馳赴蘭州將各路軍情通盤籌畫酌派兵勇進取狄河回匪老巢迅將州城克復成祿等奉旨西征責無旁貸著俟楊岳斌抵省後迅卽督同聯

捷馬隊進取肅州疏通道路乘勝出關勦辦以副委任如兵力不敷著楊岳斌撥兵助剿雷正綰前撥六營尚有四營未到仍著該提督速飭譚玉龍管帶四營前赴成祿軍營以資進剿川兵幫辦營務處之陳慶有及鶴齡行營親兵六十餘人最為狡猾留於軍營殊屬無益卽著成祿將陳慶有等弁兵遣撤回川歸伍安西玉門敦煌等州縣回匪變亂並民勇收復嘉峪關詳細情形著楊岳斌確切查明據實具奏陶茂林奏勇因索餉潰散賊卽乘虛撲營自請治罪一摺營勇潰散是否因欠餉過多抑或因該營弁剋扣侵蝕所致仍著楊岳斌恪遵前旨確查具奏俟奏到時再降諭旨將此由六百里諭知楊岳斌雷正綰成祿並傳諭恩麟知之○又諭恩麟奏請飭催各省協餉開單呈覽一摺撥甘並進剿新疆諸軍現已陸續到甘需用甚鉅該省東西州縣多遭蹂躪捐輸既無可勸釐金所收

亦屬無幾。若非各省力籌接濟，餉需匱乏，飢軍譁潰堪虞。各該省疊奉諭旨，先撥急需之款，自應趕緊解濟，以備供支。著瑞麟、劉長佑、駱秉章、李鴻章、閻敬銘、吳昌壽、沈桂芬、劉蓉、馬新貽、郭嵩燾、孫長綏，按照恩麟單開將欠解協甘急餉，趕緊籌措，源源接濟，毋再遷延推諉，致誤戎機。恩麟原單著分別鈔給各該省督撫等閱看。另片奏曹克忠一軍餉項奇絀，帳房軍火亦不敷應用，甘省無款可撥，萬難籌濟，請飭陝西撫臣撥解等語。著劉蓉將應解曹克忠一軍餉銀，並軍火帳房等項，竭力籌畫，隨時報解。毋令稍有缺乏。將此由五百里諭知瑞麟、劉長佑、駱秉章、李鴻章、閻敬銘、吳昌壽、沈桂芬、劉蓉、馬新貽、郭嵩燾，並傳諭孫長綏知之。○護陝甘總督恩麟奏北路降回復謀不軌，現經鎮臣曹克忠殄戮無遺，得旨仍著飭令曹克忠隨時訪察，妥為防範，不可稍涉大意。又奏查閱陳墉兩次稟函，皆

以肅城之變，由官民激成，恐係逆回授意，詭詞緩兵，俟查明再行具奏。批：仍著確查起事實情，並嚴拏陳墉到案訊究。○伊犁參贊大臣聯捷奏體察關內回民情形，似宜隨勦隨撫，未可專恃兵力，得旨著卽乘機利導，分別勦撫，妥為辦理，惟不可一意主撫，將就了事。粉飾養癰，致貽後患。該大臣仍當迅速赴甘，合力勦辦，不准遲延，致負委任。○以江西甯都州城解圍，並撫州等府防勦出力，賞知府金魁梅、都司余長勝等花翎，守備黃學淵等藍翎。餘加銜升敘開復有差。○以甘肅安定縣城解圍，予提督劉正高遇缺提奏，署知縣胡國棟以知州用，與署守備秦兆祥均賞花翎。餘升敘開復有差。陣亡副將胡海萬等十一員，祭葬世職加等。○予江西各屬陣亡殉難生員陳二南等紳民婦女四千六十八名口分別旌卹如例，並予立祠建坊。○予江西義甯被戕武舉帥從龍賞卹如例。○戊戌諭



內閣前因本年九月二十二日

皇考文宗顯皇帝梓宮

皇妣孝德顯皇后梓宮永違奉安

山陵鑒儀衛應行豫備各項校尉用款甚鉅當經降旨諭令直隸總督長蘆鹽政無論新舊欠款迅速湊撥銀四五萬兩於五月以前解交該衙門應用茲據鑒儀衛奏稱迄今一月之久僅據直隸解銀四千餘兩其長蘆利銀絲毫未解請旨嚴催欠款以濟要需等語該衙門應行豫備各項校尉飯銀等款銀兩均關緊要前經降旨勒限嚴催至今限期已過仍屬解交無幾實屬任意延玩著直隸總督長蘆鹽政迅將前次飭撥銀四五萬兩務於六月以前解交該衙門以備要差之用儻再批解遲延或解不足數卽著該督將各該州縣等指名嚴叅勒限催解毋得視為具文致干重咎○諭軍機大臣等崇厚奏分別撤留防兵並請將所節兵餉修築大沽礮臺一摺

直東地方平靖西路防兵已經次第酌撤崇厚現擬將東路防兵撤回洋槍隊及津海通永三營官兵歸伍酌留直字前後右等營馬步勇隊並現辦之水師礮營均歸陳濟清統領巡防所籌均屬周妥卽著飭令春霖等將洋槍隊等營官兵分起管帶回津以節經費大沽礮臺英國既將退出卽可將撤回之洋槍隊並海口官兵分派駐紮崇厚俟查驗水師礮船後著卽起程回津將接收礮臺各事宜妥為辦理該侍郎前次奏准由長蘆運庫勻撥之盛京餉銀並山海東海兩關洋稅此時洋槍等營既經撤回歸伍一切軍火餉需均可節省卽著照所請將此項節省之款作為修補大沽礮臺添辦礮位之用一俟礮臺工竣後應需防兵月餉由崇厚覈定數目奏明按月照撥其餘撥款卽可概行停止其潘鼎新不敷月餉崇厚已如數解足卽著知照劉長佑查覈以清款目將此由四百里諭令



知之○以吏部尚書朱鳳標兼署戶部尚書都察院左都御史全慶署吏部尚書刑部右侍郎譚廷襄署管戶部三庫事○以鑲黃旗漢軍都統春佑署正藍旗滿洲都統○以江西捐輸軍餉永廣安福縣學額五名上饒縣三名○己亥諭內閣由山東撤回哲里木昭烏達兩盟蒙古官兵轉戰有年實屬出力現在撤回游牧著沿途妥為應付其管帶蒙古官兵之協理頭等台吉諾林丕勒著加恩挑在乾清門行走卽著理藩院前期傳知經過地方官妥為照料該蒙古官兵等亦不得沿途任意騷擾○又諭御史丁浩奏請飭各省督撫甄別牧令以蘇民困而肅官方一摺州縣為親民之官全在任用得人方能整頓地方體恤民隱俾閭閻均安樂利亂源亦無自而萌矧各省被兵地方甫經收復民力彫殘尤須勤能廉潔之員實心經理庶能培養元氣惠及黎元近來各省州縣中循良素著者

固不乏人而庸惡貪劣濫膺民社者仍復不少如該御史所稱恣意誅求玩視民瘼於民間詞訟案件聽斷不公甚至借敲扑以作威福借苛斂以償私債種種情形實堪痛恨各省督撫大吏經朝廷特簡自當以整飭官方為要務乃往往於到任之始叅劾數員聊以塞責久之情面漸熟卽復意存迴護以致不肖之員無所畏懼於吏治民生大有關係嗣後各直省督撫於州縣各官務須破除情面嚴加甄別如有貪劣不職之員卽著隨時叅劾從嚴懲處不得稍有瞻徇用副朝廷澄敘官方至意將此通諭知之○又諭大理寺少卿于凌辰奏盜墓賊匪擾害無忌請飭部酌議重定罪名一摺據稱近來盜墓之案層見疊出皆在附近京城等處西山一帶幾無完冢到案之犯類皆避重就輕卽有開棺見屍情事亦承認鋸縫鑿孔查該犯等盜刳棺內財物手所難到之處勢不能不另用鐵器碎

骨折肢允殘萬狀若僅照鋸縫鑿孔之例罪止擬軍轉無以動其畏法之心誠恐糾匪愈眾別滋事端各等語盜匪發掘墳墓例禁甚嚴仍敢結夥成羣罔不畏法覈其情節較之明火劫奪財物者尤為殘忍應如何加等治罪之處著刑部會同都察院大理寺覈擬具奏○又諭駱秉章奏匪徒聚眾謀叛全數撲滅一摺四川匪徒何紹先卽何紹中等假託扶乩聚眾謀叛膽敢溷入安岳縣城劫獄毀庫經該地方官會同民團將首要各匪悉數捕獲其何紹先等三十九犯均經訊明正法縣境一律肅清何繼韓何繼霖二犯均係逆犯子弟年俱幼穉著仍行監禁俟成丁時發遣新疆酌撥種地當差其餘律應緣坐之家屬及有無應行籍沒入官之財產暨因變逸出自行投歸例應減等之監犯戴沅磬等著刑部按律定擬具奏○諭軍機大臣等有人奏河南杞縣知縣查以謙貪酷異常於糧銀

加增折收勒比產行投稅濫刑斃命藉端訛索並霸占民女為妾幕友家丁撞騙招搖無所不至鄆陵縣知縣徐士鐸與惡紳王姓結拜弟兄招搖納賄縱容家丁倚勢陵人其家丁周姓等起意圖姦致兩女同時自盡藉辦兵差派車斂錢鄉閭不堪其苦各等語縣令為親民之官若如所奏貪酷各款大為地方之害著吳昌壽按照所奏各節嚴密訪查如果屬實卽行從嚴叅處以肅官常而重民命

原片著鈔給閱看將此諭令知之○又諭瑞麟郭嵩燾奏髮逆竄入鎮平縣城調軍進剿暨靈營叛勇竄擾南雄信豐地方現籌勦辦及粵省軍餉竭蹶萬難協濟甘餉各摺片孫長紱奏遵覈協甘餉數及現籌防勦情形各摺片鎮平解圍復被康逆等股闖入賊勢驟張瑞麟等現派黃添元鄧奮鵬及卓興等軍扼紮龍和長樂要隘飭李福泰駐紮嘉應策應方耀等聯軍進取徐圖恢復鎮邑所籌尚

妥卽著督飭各軍實力防勦截其旁竄之路  
一俟援兵齊集卽行會同進擊聚而殲旃左  
宗崇當迅催閩軍入粵會合粵省兵勇兩面  
夾擊盡埽賊氛不得以賊已出境遂置粵事  
於不顧孫長紱所派之席寶田王開琳兩軍  
均已到贛卽著飭令擇要嚴防如粵賊竄近  
邊境卽行迎頭截擊不准稍有疏虞鎮平文  
武下落著瑞麟郭嵩燾查明具奏至郭松林  
楊鼎勳兩軍現在行抵何處瑞麟等所奏咨  
調蘇軍由潮嘉一路進防江楚及孫長紱奏  
請俟該兩軍到江咨商左宗崇調撥之處是  
否可行著左宗崇李鴻章斟酌調派毋失機  
宜如郭松林等業已赴蘇應如何添派勁兵  
赴粵赴江防勦卽著左宗崇妥籌兼顧不得  
稍分畛域靈營叛勇竄至南雄信豐地方萬  
一與康逆等股合併一處為患甚巨鮑超因  
傷病舉發疊經有旨嚴催尚未據奏報起程  
瑞麟等惟當督飭朱國雄等就現有兵力視

賊所向跟踪追勦以靖地方瑞麟等所奏粵  
省軍餉竭蹶楊岳斌請撥釐金目前萬難協  
濟等語自係實在情形第甘省地瘠民貧軍  
餉萬分支絀瑞麟等仍當力為其難設法源  
源接濟不准稍涉推諉孫長紱奏每月協濟  
甘餉二萬兩尚須俟防務稍鬆以後若他省  
悉皆如此甘餉終恐無著仍著劉坤一孫長  
紱寬為籌畫隨時協撥不准以本境防務為  
詞膜視甘餉將此由六百里諭知瑞麟左宗  
崇李鴻章劉坤一郭嵩燾並傳諭孫長紱知  
之○又諭德勒克多爾濟等奏花馬池等處  
賊勢狡猾防兵力單請飭都興阿兼嚴後路  
之防一摺花馬池等處界連蒙古邊牆逆匪  
盤踞該處為數過多復由靈州竄至數千均  
在附邊聚集必須趕緊勦除方免蔓延別境  
德勒克多爾濟等現調伊克昭盟官兵協防  
歸綏本境沿河口岸並令駐紮托密訥爾之  
烏蘭察布盟官兵五百名豫備調遣為渡河

進勦之用。惟蒙古官兵未習戰陣。本難得加設。有緊急。該將軍等仍當添調歸綏兩城官兵。嚴密防勦。毋稍疎懈。至歸綏防兵力。本單薄。陝甘邊外蒙兵。亦不足恃。設該匪由草地東竄。或由陝省邊內向東滋擾。恐完善地方。又被蹂躪。都興阿統率全軍。勦辦甯夏股匪。是其專責。此股逆回。本由甯靈敗竄沿邊之花馬池定邊。及依勒圖。哈克依等處盤踞。肆擾。著卽責成。都興阿。穆圖善。將此股賊匪奮

力勦洗。以期肅清。後路僅令賊蹤竄入鄰境。致勦辦又形棘手。惟都興阿。穆圖善。是問。恐該將軍等不能當此重咎也。定邊為陝境衝要地方。劉蓉現派段登雲在彼防守。仍恐兵力不敷。著劉蓉趕緊添調得力將士。馳往防勦。其由定邊迤東沿邊空虛之處。亦須添兵防堵。毋稍疏忽。並著楊能格督飭在防官兵。合力夾擊。雷正綰。勦辦甯靈賊匪。自當將該逆就地殄盡。不得以驅賊他竄為了事。儻仍

縱令靈州賊股續竄花馬池等處。則該提督咎亦難辭。懷之慎之。綏遠城及晉陝沿邊一帶。如有應行添兵防堵之處。著沈桂芬酌量情形辦理。並著阿克敦布。廉至於察哈爾沿邊等處。豫行派撥官兵。籌備防範。將此由六百里諭知。都興阿。穆圖善。雷正綰。德勒克多爾濟。桂成。沈桂芬。劉蓉。阿克敦布。廉至。並傳諭楊能格知之。○又諭駱秉章奏兵丁途中滋事。請將統兵將官革職一摺。鶴齡奉調帶

兵赴甘。自應紀律嚴明。迅速前進。乃途中竟有逗遛騷擾情事。實屬未能得力。著嚴飭該總兵嗣後務須約束兵丁。毋令滋事。如再不知愧奮。卽著據實嚴參。其縱容兵丁之營弁及滋事之兵丁。卽飭令查明按名交出。盡法懲治。毋得稍有徇庇。以肅軍律。另摺奏。安岳縣匪徒謀叛。全數撲滅等語。此起匪徒聚眾起事。其勾結黨與必多。雖將首從各犯撲滅。尚恐有漏網餘匪藏匿未獲。著駱秉章嚴飭

該管地方官會同民團實力按捕以盡根株將此由六百里諭令知之○陝西巡撫劉蓉奏派兵赴定邊一帶防剿及屢擊竄回獲勝得旨著嚴飭段登雲等會同各營認真剿洗如果賊勢猖獗卽著添兵協剿毋令闖入陝境○以翰林院侍講學士惠林侍讀寶森充日講起居注官○以約束兵丁不嚴暫革四川總兵官鶴齡職仍留營○以勒捐擅受陝西知縣斯錫玉典史王垣革職訊辦徇隱知縣馬升豫下部嚴議○以四川安岳疏防叛匪署知縣趙基革職留任賞勦捕出力團總楊義疇等藍翎予被戕未入流湯澤沛賞卹如例○予廣東鎮平陣亡都司徐桂祖梁五全祭葬世職加等○庚子諭內閣王明等奏請將在途需索逗遛之帶兵官員交部議處一摺副都統銜卽補總管佐領特爾清阿統帶黑龍江第二起官兵赴京行至法庫站地方多索例外車馬等件並在站遷延四日之

久實屬有心勒索任意逗遛該將軍等奏請議處尚屬過輕特爾清阿著改為交部嚴加議處以示懲儆○諭軍機大臣等喬松年奏奪回高鑪集要隘並攻克張圩賊壘一摺高鑪集為雉河後路要隘張圩又為高鑪集之羽翼乃賊所必爭之地經喬松年督飭張得勝等奮力進攻均卽克復辦理尚為得手著卽飭令英翰張得勝等進兵迅解雉河之圍雉河糧道已通自應派兵協同守禦以期萬全無失俟各路援軍並集卽可內外夾擊共殄逆氛前據吳昌壽奏張曜等軍於克復廖樓等集後直抵義門茲據喬松年奏該軍尚為賊阻著吳昌壽嚴飭張曜宋慶等設法前赴義門解圍副將劉先文仍著喬松年飭令堅守待援毋稍鬆懈曾國藩諒已駐軍臨淮著催齊劉銘傳張樹珊等軍約期進攻務將雉河逆壘悉數掃除並須豫計賊竄之路派兵布置如逆股由皖豫竄突喬松年吳昌壽

當督率在事員弁實力遏截。儻有疏虞。定惟該撫等是問。將此由五百里各諭令知之。○又諭成祿恩麟奏進剿紅圍等處賊匪獲勝。攻毀賊巢。並請將帶兵失利之署總兵梁生嶽摘頂各摺片。紅圍賊氛距省甚近。經官軍進剿。攻毀賊巢。敗匪竄至中衛靖遠交界之石硤子鎖罕頭一帶。梁生嶽一軍。又在中衛之勝金關等處接仗失利。中衛之匪一日不除。於甯夏軍情終形掣肘。著雷正綰懍遵前旨。迅由中衛節節進逼。埽蕩逆氛。並著都興阿。穆圖善懍遵疊次寄諭。迅將甯夏郡城剋日攻拔。轉戰而前。以收兩路夾攻之效。恩麟仍督飭派出之鶴齡等軍將紅圍竄出敗匪悉數殄除。毋任一名漏網。中衛帶兵失利之署甯夏鎮總兵梁生嶽。未能妥籌守禦。雖因賊眾兵單所致。究屬咎有應得。著摘去翎頂。以示薄懲。楊岳斌前已行次涇州。著卽懍遵前旨。馳赴蘭州。將各路軍情通盤籌畫。妥為

辦理。將此由六百里諭知都興阿。穆圖善。雷正綰。楊岳斌。並傳諭恩麟知之。○盛京將軍玉明奏依限追獲高麗堡被搶驛馬。仍飭嚴拏在逃各犯。得旨。所奏顯有捏飾情形。此次姑免深究。嗣後奏報事件。務當實事求是。不准一字欺飾。在逃各犯。仍著上緊緝拏。毋任漏網。○兼署兩廣總督瑞麟等奏肇慶府土客鬭案。辦理為難。得旨。土客仇釁已深。為患滋大。該督撫身為大吏。總當力求補救之方。以期挽回氣數。斷不可因辦理棘手。稍存畏難之心。○伊犁將軍明緒奏。回匪互相勾煽。巴燕岱城被攻。危險得旨。此摺所奏。係巴城未陷以前之事。與現在情形不同。一俟兵力漸集。該將軍仍當設法規復該城。以通糧路。○山西巡撫沈桂芬乞假省親。以布政使王榕吉暫護巡撫。○以安徽攻克張圩賊壘。復副將唐萬清等職。賞都司葛桂林。巴圖魯名號。守備郁存仁。花翎。○予甘肅中衛等處陣

亡協領拴林都司馮守勳雲騎尉馬兆瑞子  
總王思明等祭葬世職加等○辛丑諭內閣  
前因都察院奏巡視西城御史奎英親赴屬  
官衙門私放看押人犯當經降旨將奎英撤  
退巡城差使派周祖培綿春會同都察院堂  
官研訊具奏茲據周祖培等奏稱遵卽提集  
案犯研詰確情分別定擬此案已革西城副  
指揮張廷藩經已革護軍慶元為私換銀兩  
交坊看押之李建基央求取保願給坊內上  
下錢文雖未議定確數輒卽聽受屬託實屬  
貪鄙業經革職著無庸議解任御史奎英經  
坊官稟知街道廳將李建基拏獲看押輒親  
赴該坊釋放已屬有違定制復屬李建基至  
私宅見面令取具連環保結代為辦理雖訊  
無受賄情事究屬曲法徇情跡涉卑鄙奎英  
著卽行革職不准援免管理街道御史佛爾  
國春將李建基飭坊拏押輒聽王二屬託停  
止帶城訊問雖未曲法實屬不合著交部照

例議處李建基等應得罪名均著照所擬辦  
理○又諭前因萬青黎卞寶第奏遵查給事  
中博桂奏文安縣兇犯寇玉林與衙役劉沅  
和朋比為奸各情並無實據當以案關捏詞  
誣陷牽涉言官降旨交刑部嚴行審訊並先  
後將戶科給事中博桂等解任革職歸案審  
訊茲據該部奏稱審明言官聽屬受賄並以  
財行賄各犯按律定擬具奏一摺此案博桂  
聽從全銀池卽全渭西懲憑以寇玉林等不  
法各情率行入奏業據胡沅澄等僉供用銀  
一百六十兩博桂以風憲官得賄四十五兩  
實屬枉法著照該部所擬從重改發黑龍江  
效力贖罪雖據稱母老丁單仍不准其留養  
該革員於熱河范梈鼎一案尚有牽涉著先  
行擬結暫緩起解仍著該部催提范梈鼎一  
案人證嚴行審訊分別辦理已革刑部司獄  
黃振鐸聽從劉得立關說過付著從重發往  
軍臺效力贖罪胡沅澄等應得罪名均著照



所擬辦理○諭軍機大臣等有人奏僧格林沁在山東督師勦賊經四十餘州縣閭閻敬銘安坐省城不為援應並飭州縣不准支應口糧該親王函致該撫赴曹助勦該撫藉防河為名竟往東昌迨該親王殉難疾馳回省將家眷裝扮民婦送往署齊河縣知縣李均署中李均與該撫係屬親戚以候補知縣久署齊河美缺該撫將其列入賢能奏保升階丁寶楨在曹縣防堵迄未與僧格林沁會合亦

從未獲一勝仗所部勇丁在濟甯焚搶肆無忌憚兗沂曹濟道盧朝安隨國瑞駐紮濟甯於僧格林沁追勦喫緊之時該道約同城官員逢迎國瑞開筵痛飲演戲三日該親王山問之來正在恆舞酣歌之際候補道王繼庭聞係閭閻敬銘私人以官為幕居住撫衙本係坐辦文案該撫列入勦賊案內免補知府保升道員各等語以上各情是否屬實有無其事著曾國藩詳細嚴密訪查據實具奏毋稍

徇隱原摺片著鈔給閱看將此密諭知之○予江西故禮部左侍郎王思軾入祀鄉賢祠從巡撫沈葆楨請也○壬寅

上詣

奉先殿

壽皇殿行禮○諭內閣前因內閣學士殷兆鏞給事中王憲成先後陳奏江蘇橫徵暴斂之害當經諭令李鴻章裁汰委員歸併釐卡將捐款收支數目造冊報部並禁革浮增田畝

占居民房等弊茲據李鴻章覆奏江蘇水陸兵勇約有七萬餘人不得不藉捐項以供軍餉目前江境雖已肅清而援勦各省及分防本境兵數仍未稍減需餉甚繁釐捐勢難裁撤所立卡座均經明定章程於總卡收捐分卡驗票每千錢取三十四十不等實無十里五里設卡重徵及十錢抽三之事釐卡委員仿照兩湖辦法官紳並用一有弊竇立予參撤亦無擅作威福情弊釐捐一項前數年歲



收約有三百萬兩。近來日以減色。衰旺牽算。月不過二十萬兩。其餘收支各款。業已疊次開明報部。從無如原奏所稱歲收銀四十萬之數。至辦理租捐。丈量田畝。並無抑勒浮增情事。居民房屋。亦經次第給領等語。江蘇地方新復。該省兵勇。留防要隘。及援應鄰疆。一時斷難裁撤。全賴釐捐等項。藉資接濟。李鴻章自簡任江蘇巡撫以來。於辦理軍務及地方事宜。均能振作。有為。不避嫌怨。茲覽所奏各節。尚係實在情形。該撫惟當事實心經理。期於國計民生。均有裨益。以無負朝廷委任之意。至京卿科道。遇有敷陳。亦應訪查確切。據實入奏。若如殷兆鏞摺內所稱。難頭擔糞等項。皆有捐款。實覺言之過甚。王憲成片內。則稱江蘇各項捐款。歲可收銀四十萬兩之數。亦事所必無。該學士等。徒以離奇荒唐之詞。率行陳奏。冀圖聳聽。假公濟私。要譽鄉黨。本應治以妄言之罪。惟當此言路宏開。若

遽予嚴譴。恐抒陳謫論者。轉因有畏阻之心。殷兆鏞呈。憲成所奏。均毋庸議。嗣後言事各員。務須詳察事理。輕重覈實具奏。毋得捉影捕風。言過其實。用副朝廷實事求是至意。

○諭軍機大臣等

定陵工程需餉緊要。前經諭令各該省督撫等迅速籌解。統限於上年十二月內。如數解清。茲據恭親王等奏稱。各省欠解餉銀。除四川陝西兩省均已陸續交清欠款外。廣東粵海關欠解銀二十七萬兩。僅匯解銀五萬兩。河南欠解銀三十一萬兩。僅解銀十二萬兩。二省共欠餉銀尚有四十萬兩之多。現在定陵暨

順水峪工程。雖已告竣。尚有欠放之款。大宗顯皇帝

孝德顯皇后梓宮。定於九月二十二日奉安。所有一切執事。守護官員兵丁。亟應趕緊添設。興修禮部內務府八旗營房等工。專侍廣東

河南欠餉解齊方無貽誤請飭各該督撫等  
分批起解以重要工各等語

定陵工程將次告竣應發欠款及興辦營房等  
工均屬刻不容緩該督撫監督自應激發天  
良移緩就急於萬分棘手之中務當依限籌  
解以期無誤要需著瑞麟郭嵩燾師曾迅將  
粵海關所欠餉銀二十二萬兩分為五批起  
解限定五箇月埽數解齊並著吳昌壽迅將  
河南所欠餉銀十八萬兩分為四批起解限

軍機處

三八

定四箇月埽數解齊經此次嚴諭之後如敢  
故違定限再行蒂欠卽著恭親王等照例從  
嚴叅辦以昭炯戒將此由五百里諭知瑞麟  
吳昌壽郭嵩燾並傳諭師曾知之○又諭武  
隆額奏塔城回匪變亂戕官刦庫現在調兵  
援剿立解城圍一摺塔城回匪變亂搶刦庫  
存軍械戕害參贊等官糾眾圍撲城垣勢甚  
猖獗武隆額甫蒞斯地竟能以數百飢疲之  
兵登陴固守並調集蒙古援兵聯絡團眾奮

力夾擊立解城圍忠勇可嘉卽著督飭在城  
員弁兵勇並調到援軍相機進剿將禮拜寺  
回匪悉數殲除以靖疆圉第該匪人數甚眾  
且恐哈薩克安集延附回各匪乘虛襲城武  
隆額尤當穩慎圖功不可恃勝輕進是為至  
要轉世喇嘛棍噶扎勒參率兵援塔轉戰無  
前其勇往之忱實堪嘉尚應如何優加獎勵  
之處著與此次在事出力人員一併查明迅  
速具奏候旨施恩以示賞不踰時之意前據

軍機處

三九

廣鳳奎昌奏由綏遠城解到伊犁餉銀五萬  
兩又據明誼奏新疆餉銀除陸續解往科城  
並分撥各城外餘存銀五萬兩專備伊犁兩  
城迎提各等語現在伊犁塔爾巴哈台軍情  
均甚緊急非有鉅款餉項不足以勵眾志而  
解倒懸著明緒武隆額各派妥員帶兵前往  
科城迎提餉銀廣鳳奎昌酌派兵弁妥為護  
送明誼等趕將餘存銀五萬兩速卽運解赴  
科交廣鳳奎昌源源設法分解伊犁兩城以

資接濟。毋得稍有遲誤。將此由六百里各諭令知之。○以惇親王為宗人府宗令。○以正紅旗滿洲都統義道為鑲黃旗領侍衛內大臣。○以正白旗漢軍都統全慶署鑲黃旗漢軍都統。鑲紅旗蒙古都統景壽暫署正藍旗滿洲都統。○以正藍旗漢軍副都統文俊暫署右翼前鋒統領。鑲黃旗蒙古副都統果勒敏署正紅旗蒙古副都統。○調葉爾羌參贊大臣武隆額為塔爾巴哈台參贊大臣。賞伊犁佐領額騰額副都統銜。為葉爾羌參贊大臣。前伊犁同知崇熙頭等侍衛為伊犁領隊大臣。○予塔爾巴哈台被戕參贊大臣錫霖領隊大臣博勒果素暨章京富勒斐音圖等祭葬世職如陣亡例。○予江蘇蘇州等屬殉難生員蔣貽鈞等紳民婦女一百四十二名口分別旌卹如例。並予立祠建坊。○癸卯以神靈助順。頒河南桐柏縣

淮瀆神廟扁額曰威鎮淮源。山東濟甯州

開帝廟扁額曰聖武布昭。汶河

龍神祠扁額曰神功昭應。○諭內閣前因曾

國藩李鴻章奏請將江蘇太倉鎮洋二州縣

漕糧改徵折色。當交戶部妥議具奏。茲據該

部遵議覆奏。漕糧為天庾正供。定例不准輕

議改折。近來江西湖北等省雖有改徵折色

之案。亦出於一時權宜。究非經久之法。況江

浙所運粳米堅緻耐久。尤非江浙諸省之稷

粟可比。非此不足以供儲蓄。且江浙漕額業

經加恩分別酌減。計每歲減運之米已不下

七十萬石。即使全漕起運。京倉所入已太減

於前。自不應再議改折。致倉儲復形短絀。即

謂太倉鎮洋二州縣產米較少。而該二屬向

徵正耗米九萬餘石。今已減去賦額三分之

一。止徵正耗米六萬餘石。民力已紓。自應照

常起運。以符舊制。所有該督撫請將太倉鎮

洋二屬改徵折漕之處著毋庸議。○以鑲藍

旗蒙古都統世鐸署正黃旗領侍衛內大臣。

○命左春坊左庶子梁肇煌提督雲南學政  
○以國子監祭酒瑞聯為浙江鄉試正考官  
翰林院編修董兆奎為副考官太僕寺少卿  
丁紹周為福建鄉試正考官國子監祭酒丁  
培鑑為副考官○以四川續捐津貼永廣眉  
仁壽洪雅三州縣學額各二名簡崇慶綿竹  
南充廣安三臺中江蓬溪名山宜賓富順邛  
大邑瀘合江十五州縣各一名

實錄卷一百四

四三

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十四

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十五

此卷係同治四年六月甲辰諭內閣福建督糧  
道周揆源邵武府知府吳紹吉江蘇徐州府  
知府汪堯辰均著開缺由該督撫飭令來京  
交吏部帶領引見○又諭御史賈鐸奏風聞  
刑部卑役人等有庇匪賄賣情事請飭該堂  
官嚴密訪查等語據稱去歲順天府拏獲盜  
墓韓姓等犯經刑部鎖頭趙六過贓賣放本  
年西城奏交盜墓之案該部復任聽賊犯翻  
供並不實心研究覽奏殊堪詫異近來盜匪  
發掘墳墓及搶劫等案層見疊出屢經諭令

欽 此

同治四年乙丑六月甲辰諭內閣福建督糧

實錄卷一百五

一

各衙門嚴拏重辦。若如該御史所奏。刑部卑役人等串通徇庇。往往勾結書吏。化有為無。避重就輕等弊。是該犯等於被獲到官後。仍得行賄買放。必至胥不畏法。益無忌憚。何以除暴安良。著刑部堂官督飭司員等。嚴加查察。如有各項情弊。卽將該書吏。卑役盡法究治。毋存瞻徇迴護之見。以懲積蠹而戢盜風。

○諭軍機大臣等。御史賈鐸奏京師地方馬賊肆行無忌。風聞上月京營地面拏獲馬賊。

實錄卷一百四十五

二

李傻子等在參將衙門看管。本月初一日。被賊黨搶回馬賊八名。城西南紅門地方。回匪聚眾搶掠。上月三十日。有回匪在右安門外截搶驢羸。拒捕之事。該匪等肆行搶掠。實緣京城內外俱有窩藏之處。其窩主復交通各州縣馬快。步軍統領衙門番役。各營汛兵。以及順天府大班捕役。私相包庇。故敢來去自由。毫無忌憚。請飭拏辦等語。近畿一帶馬賊蜂起。疊經諭令順天府直隸總督等。飭屬嚴

實錄卷一百四十五

三

拏。諄諄告誡。至再至三。迄今馬賊並未斂跡。膽敢於輦轂重地。明目張膽。搶劫公行。尚復成何事體。著萬青藜。卞寶第。劉長佑。督飭屬員。務將騎馬賊匪。實力查拏。認真搜捕。毋再視為具文。以致有名無實。並著步軍統領衙門。順天府五城清理保甲。訪拏窩主。俾馬賊無所託足。仍嚴密訪查。該兵丁胥役等。如有包庇賣放等情。立即從重治罪。至紅門回匪人數眾多。如步軍統領等衙門。前往捕拏。未能箝制。卽著知照神機營王大臣。派委弁兵協同緝拏。以靖地方。原片均著鈔給閱看。將此各諭令知之。○又諭有人奏。參四川署太平縣知縣姚元霍。夤緣得缺。貪酷性成。與參將唐大有借駐兵為由。勒捐多款。唐大有復致書署知府唐炯。為之揄揚。濫報勝仗。屢膺保獎。新甯縣知縣陸有蕃。與署典史等在署聚賭。聲名狼藉。請飭嚴查。參辦等語。所陳姚元霍等貪酷營私各情。是否屬實。著駱秉章

確切查明。據實奏。毋得稍涉瞻徇。原摺著鈔給閱看。將此諭令知之。尋崇實等奏。查明署太平縣知縣姚元霍並非夤緣得缺。亦無與參將唐大有借故勒捐濫報勝仗之事。惟該員派捐防費。不洽輿情。已於甄別案內奏請革職。應請免其置議。又查新甯縣知縣陸有綦抵任兩年。尚無劣蹟。未聞其在署聚賭。典史黃振源。葉樹桐。汎弁陳棟材。亦皆安分。並無同賭情事。報聞。○又諭喬松年奏豫軍

連破賊壘。力解義門之圍。並皖軍攻復江口。集一摺。所辦均尚得手。曾國藩已到臨淮。周盛波。劉銘傳。已抵蒙宿。該大臣飭由龍山。石弓山進取。著喬松年。吳昌壽。督飭英翰。張曜等會合淮軍。約期進攻。前諭曾國藩檄調山東馬隊。諒已調到。著卽妥為布置。以便馳剿。賊眾一經擊敗。必圖分竄。賴毫一帶。尚嫌空虛。必須豫為部勒。使該逆進不可勝。退無所歸。自無難一鼓殄滅。義門解圍詳細情形。著

吳昌壽查明具奏。將此由五百里各諭令知之。○以玩忽專擅。察哈爾總管根敦扎普。委員棟魯普等。下部議處。○乙巳。諭軍機大臣等。宗厚奏查演水師礮船完竣。請撤神機營馬隊回旗。並請籌留防勇隊餉項各摺。片。署通永鎮陳濟清所造水師礮船。經宗厚調赴張秋。黃運交匯之所。操演駕駛。均屬靈便。著宗厚。閻敬銘。檄飭該署鎮將此項水師加意講求。認真操演。俾成勁旅。道員劉策先。既據

宗厚奏稱於山東地理民情。尤為熟悉。卽著飭令幫辦陳濟清巡防各事宜。宗厚現將各營槍隊。及津海通永官兵。檄令分起撤回。並俟淮勇渡黃後。將會防局裁撤。卽於初九日。由東昌起程回津。均著照所擬辦理。定安所帶神機營馬隊四百餘員名。著劉長佑飭令管帶回旗。所有每月餉乾。應如何撥給陳濟清。以充軍實之處。著劉長佑。閻敬銘。會籌辦理。宗厚酌留勇隊四營。現歸陳濟清統領。每

月餉需。著劉長佑、閻敬銘會商撥解。源源撥濟。毋令稍有缺乏。將此各諭令知之。○又諭有人奏黔省吏治敗壞。由於督臣勞崇光撫臣張亮基各存意見。措置乖方所致。勞崇光以黔事非其專責。徒事顛預。張亮基治兵治吏。忌刻多私。任聽其子張臚壽及湖南降補通判陸傳應之子陸佑勤朋比為奸。專擅威福。以林自清為義子。諸事徇庇。林自清窮兇極惡。所帶之練。姦淫擄掠。無所不至。商紹祖係勞崇光巡捕。委署仁懷廳缺。縱令門丁周添源姦淫苛索。並不叅撤。定番州缺出。張亮基則以失守城池之德慶委署。到任後復兩次失守。沈西序於大定失守。棄城脫逃。張亮基輒准其養病回籍等語。勞崇光、張亮基膺朝廷簡任之重。宜如何勉竭公忠。力圖報稱。若如所奏各節。殊屬大負委任。貴州教民一案。勞崇光前已辦結。著卽懷遵疊次諭旨。趕緊馳赴滇省。會同林鴻年籌畫進取。毋得觀

望遷延。並不准以守候銀兩勇丁為詞。稽留黔省。自干罪戾。勞崇光前因任用私人。獲咎豈可復蹈故轍。所有商紹祖前在仁懷廳劣蹟。卽著據實查叅。毋稍徇隱。林自清前由川省遣撤回黔。解其兵柄。藉杜亂萌。張亮基因係義子。復用林自清招聚練勇。該總兵本係獷悍之徒。所部練勇。又不諳紀律。擾害居民。張亮基既能招之使來。自不難麾之使去。著卽飭令林自清將所帶各練妥為遣散。悉數歸農。如敢滋生事端。或日復一日不能遣散。惟張亮基是問。並著傳諭該總兵破除積習。勉為良將。現在軍務未竣。需材甚殷。毋得自暴自棄。致不能保全始終也。疆吏子姪干預公事。最足滋流弊。而壞官常。張臚壽既招物議。豈可仍留黔省。著張亮基迅卽飭令回籍。陸佑勤如非該省職官。卽著驅逐出境。德慶沈西序失守情形。並著查明叅奏。又有人奏普洱思茅各府廳現已收復。事機可乘。亟須



督撫大吏赴滇逐一妥辦等語。著將原摺鈔給勞崇光閱看。摺內所陳四條。該督當斟酌現在情形。妥籌辦理。將此由六百里各諭令知之。○又諭。駱秉章奏遵覆臬司赴黔礙難查辦。並被叅督撫情形。確實一摺。本日已有寄諭。先令勞崇光速行赴滇。並責令張亮基將林自清練勇先行遣散矣。大定遵義。既多阻隔。著駱秉章卽飭劉嶽昭援黔之軍。疏通道路。實力進剿。將遵義大定等處匪徒一律

殲除。以期與貴州省城消息相通。劉嶽昭兵力餉需不足。均著該督力籌協濟。毋任缺乏。趙長齡卽准其暫緩赴黔。貴州近日情形。駱秉章隨時探奏。以聞。勞崇光前已覆奏籌兵赴滇。今又有旨嚴催。自不敢稍事耽延。林鴻年身任滇撫。豈容安坐川省。一籌莫展。著懍遵疊次諭旨。迅赴東昭一帶相機辦理。若再畏葸遷延。定當重治其罪。前有人奏滇省應辦事宜。如籌銅本撥省兵等條。是否可行。著

林鴻年妥為經理。原摺著鈔給林鴻年閱看。將此由六百里各諭令知之。○增設四川貢院號舍一千間。添設同考官受卷官各二員。彌封謄錄對讀官各一員。從總督駱秉章請也。○丙午以甘澍優霑

上詣

大高殿行禮報謝。○遣恭親王奕訢恭祀

天神壇。鍾郡王奕詒恭祀

地祇壇。孚郡王奕譞恭祀

太歲壇。賽因諾顏扎薩克親王達爾瑪詣

時應宮。鄭親王承志詣

昭顯廟。貝勒載治詣

宣仁廟。貝子載容詣

凝和廟。肅親王華豐詣

覺生寺。禮親王世鐸詣

黑龍潭。克勤郡王晉祺詣清漪園

龍神祠。順承郡王慶恩詣靜明園

龍神祠。科爾沁鎮國公棍楚克林沁詣密雲



縣

白龍潭拈香。○諭內閣前因員外郎喀呢音布呈控

陵寢司員冒領工項。並該管大臣及司員等勒索書吏錢文等款。當經派令靈桂、賀壽慈前往查辦。茲據訊明各情。按律定擬具奏。此案書吏魏城汰等。經管祭祀牛羊園務。承領餽養豆草。輒將豆草剋減。變價使用。一切送給該管各官銀錢。均由豆草項下支給。侵蝕官

項。毫無忌憚。自應按律分別懲辦。魏城汰、牛書田均著照擬斬監候。張泳明著照擬杖一百。流二千五百里。李增、蔡榕均著照擬杖一百。流二千里。閻泳詳著照擬准徒五年。該犯等所得銀錢。照例勒限監追入官。俟限滿有無完繳。再行照例分別辦理。貝子載華奉恩輔國公恩弼、泰甯鎮總兵麟翔於屬員承領工程。扶同舞弊。侵用銀兩。並向書吏索取銀錢。身為大員。不料有此敗檢之事。實屬辜負

國恩。載華、恩弼均著照所擬杖一百。流三千里。交宗人府查照例案懲辦。麟翔著卽革職。從重改發黑龍江充當苦差。員外郎定昌等或侵用修工銀兩。或收受書吏銀錢。均屬有玷官箴。員外郎定昌、郎中錫章、王恆均著革職。發往黑龍江充當苦差。郎中瑚雅里、主事松齡、文秀均著革職。發往軍臺效力贖罪。員外郎多平、主事廷弼均著照所擬流徒罪名。卽行解京。交宗人府照例分別懲辦。員外郎

恆興、賢麟均著卽行革職。郎中寶貴、德新、員外郎恆德均著交部照例分別議處。以上各員應追之贓。照例著追分別入官給主。其例應解部轉發各員。卽解交刑部勒限著追。俟限滿有無完繳。再由刑部分別覈辦。怡親王載敦前於守護陵寢時。曾經錫章代交魏城汰等送銀一百兩。著載敦明白回奏。載華家人劉恩勝等得受銀錢。均著照所擬罪名完結。另片奏案內得

受書吏賦銀之郎中托克托泰等或已升調或已降調請飭交刑部就近訊辦等語。卽著刑部查明案內應訊各員傳集訊辦。書吏魏城汰等並著解送刑部備質。另摺奏遵訊大員那放要工銀兩並有侵蝕情弊分別定擬罪名並聲明各該員均於限內將贓如數完繳等語除載華恩鰥麟翔瑚雅里定昌多平廷弼文秀松齡均歸前案從重辦理外員外郎成連郎中德延富彬員外郎景福達郎阿郎中文博融恰布恆福員外郎貴祥主事炳瑞員外郎達凌阿主事春霖員外郎明業主事扎拉芬福善員外郎英續主事果仁布內管領恆泰翼長祥麟福壽阿克丹布防禦雙明巴彥泰托克托歡慶昌均著卽行革職免其治罪。主事志全著交部照例議處。餘著照所擬完結。尋宗人府議上載華等罪名得旨貝子載華奉恩輔國公恩鰥均著照所擬先行革去世職仍按照閒散宗室初次犯流三

千里罪名例折園禁二年免其枷責○又諭前因御史丁浩奏叅河南候補道徐恆曾候補知府黃衡候補同知何桂芳貪劣各款當經諭令吳昌壽查辦茲據該撫將該員等被叅各款查明具奏此案河南候補道徐恆曾查無納賄弄權誣陷已革總兵吳再升及搶掠馮天杰財物等情惟以捐納知府到省試用未及兩載連得保獎未免過優徐恆曾著撤銷以道員存記簡放之案仍以知府歸河南候補班補用以示限制候補同知黃衡查無賁緣隨營指餉漁利及納賄代人營求保獎等事惟每向得保人員前自謂係由該員揄揚所致跡近招搖實屬不知檢束黃衡著卽革職拔去花翎其被叅私在河北抽釐入己一款是否實有其事著吳昌壽將該革員提省訊明照例懲辦至候補同知何桂芳前在光州知州署任內防勦甚為得力平日居官尚好所叅誣良為匪需索銀錢草菅人命

以及廣添捐局侵吞公項等款均查無其事。卽著免其置議。○諭軍機大臣等吳昌壽奏豫軍進剿倪村店獲勝攻克程家園等處賊寨雒河解圍撤兵回防歸陳各摺片雒河賊匪因張曜等軍節節進剿皖軍亦由高鑪集進剿獲勝該逆兩面受敵力難支持逆首賴汶沈李允斗落紅等退至雒河西南張村鋪任柱張總愚退至雒河西北劉奶奶廟雒河重圍立解該匪被剿窮蹙難保不竄赴豫東或由光固潁六一帶窺伺鄂疆吳昌壽現已檄調張曜陳國瑞等軍分撤歸陳以防邊境著卽督率該總兵等實力堵禦毋令賊蹤闖入並著官文鄭敦謹迅速派兵嚴扼皖鄂邊界閻敬銘分布兵勇力扼曹郡以固邊境喬松年嚴督英翰諸軍截擊力杜旁竄鄰疆以免紛擾前經諭令吳棠酌撥兵勇進顧皖境著卽飭令派出將士進遏徐宿一帶毋任賊匪東竄徐郡至曾國藩節制三省各路軍營

均歸調度自當統籌全局將賊匪全股從遠處四面兜圍使重疊網羅不能衝突方足制其死命著卽嚴檄各營馬隊及劉銘傳等軍迅速追剿一面分兵繞前截擊以杜紛竄京餉待用孔亟關繫緊要吳昌壽仍當將河南應行解京之餉銀十五萬兩派員起解不得截留本省所有豫營應用餉銀前據國瑞奏僧格林沁糧臺留存歸德陳州兩處餘款各二十萬兩著查明已動用若干餘著曾國藩吳昌壽將此項存款提用十五萬兩接濟豫餉該撫所調諸練造礮之火器營空花翎永安等十一員名並請留銅噴礮二尊著卽咨明王亮辦理將此由六百里各諭令知之。○又諭伊犁等城自逆回變亂以來調兵募勇需餉孔殷亟應設法籌撥以濟軍實著閻敬銘吳昌壽卽將部撥山東地丁項下欠解元年京餉銀十萬兩河南地丁項下欠解元年京餉銀十萬兩迅速各派妥員解交山西遞

解科布多收存。知照各城分提應用。所有本年指撥新疆軍餉共銀三十五萬兩。前撥本年新疆經費作為新疆軍餉共銀四十萬兩。並上年原撥未解餉銀。即著官文、劉長佑、駱秉章、閻敬銘、吳昌壽、鄭敦謹、王榕吉、迅飭各該藩司次第籌撥源源解往。毋得再行延宕致誤要需。將此由六百里諭知官文、劉長佑、駱秉章、閻敬銘、吳昌壽、鄭敦謹並傳諭王榕吉知之。○以伊犁勦賊獲勝賞佐領圖瓦強

阿等花翎驍騎校錫拉春等藍翎協領達春泰等加銜開復有差。○丁未諭內閣文謙奏籌借款項修理撥房請將看管撥房之守備先行撤任並請明定章程予限興修各摺片著照所請。所有馬蘭鎮兩營坍塌撥房四十九處計房六十七間。滲漏五十四處計房一百二十八間。共估需銀八百十三兩零。著准其由永濟庫存項下借銀八百兩。於本年秋間遴派委員覈實興修。務期工料堅固以資

經久。此項借款即著自明年為始由營庫公費項下按年節省分作十年歸款。自本年修整之日為始。限定六年後方准查辦興修。如限內查有坍塌拆毀情形即責令該管備弁及本段兵丁賠修完整。此次廢弛看管地面之左營守備冷祥即著先行撤任查辦。該汛千把外委各弁即由文謙查明任事久暫分別懲辦。○諭軍機大臣等林鴻年奏川餉不撥勢難輕進請先紮川滇邊境暨請派員辦理糧臺並鎮雄失守旋即收復等摺片。滇省

糜爛已久。自思茅普洱克復後尚屬有機可乘。林鴻年自應懍遵疊次諭旨迅赴滇境以便就近調度。惟所陳餉糈支絀亦係實在情形。現在欲籌滇餉非由川協濟更無別策。是以屢經諭令駱秉章隨時量為接濟。該督素顧大局斷不至置滇事於不顧。著仍遵前旨先籌給銀數萬兩俾林鴻年得以起程前進嗣後仍每月設法源源接濟俾無缺乏。林鴻

年卽迅赴昭通。裹糧前進。分撥各軍士次第辦理。庶期滇事日有起色。所陳治滇回在先。勦後撫馭滇練在先。恩後威。該撫到滇後。卽可次第見諸施行。方不至空言無補。道員楊重雅。沈壽榕。旣據林鴻年稱其可用。卽著交該撫差委。以資臂助。賊撲鎮雄州城。署參將張兆綬防禦不力。以致失守。經李延忠調集團練。將州城克復。張兆綬身在城中。不能嬰城固守。攜眷先出北門。以致失事。是否尚有別項致寇劣蹟。著勞崇光。林鴻年查明叅奏。李延忠雖有地方之責。惟州城失守之時。該知州並未在城。聞警馳回。將州城克復。尚與尋常失守者不同。著從寬免其置議。仍著責令督率團練。將城內逸出之匪迅速殲除。以靖地方。出力團眾。著林鴻年擇尤請獎。毋許冒濫。該州文武下落。並著查明具奏。勞崇光身任兼圻。屢經諭令赴滇。且徵兵籌餉。尚不至如林鴻年之難。仍著懍遵前旨。迅速起程。

馳赴迤東。與林鴻年籌商辦理。不得遷延貽誤。致干重咎。將此由五百里各諭令知之。○又諭六月初二日。接到明緒四月十五日摺報。當經諭令總理各國事務衙門及戶部速議具奏。初七日。又接明緒四次摺報。已明降諭旨。將協領達春泰等優獎矣。伊犛城中米薪全賴巴燕岱金頂寺各城接濟。現在金頂寺被匪占踞。巴燕岱已經失陷。伊城局勢岌岌可危。明緒惟當督飭額騰額。崇熙等。就現有兵力。激勵拊循。認真防勦。該將軍自到任以後。堅忍苦守。深得軍民之心。竟能以少擊眾。實堪嘉尚。其屢次打仗出力之員弁兵勇。卽著查明保奏。候旨施恩。巴燕岱失守情形。明緒前報尚未遞到。仍著將詳細情形據實具奏。昨據武隆額奏。錫霖博勒果素已被石金斗米慶等。誑至城外寺內遇害。該掌教等心甚叵測。如敢再至伊城。明緒必當將其拏辦。以免再墮奸計。又據奏塔城業已解圍。明

緒所派援塔之布爾和德。即可檄令調集援兵。察看伊犁等處。何路軍情緊急。相機勦辦。綏定等西五城。仍著督飭該城員弁。極力守禦。據明緒奏。鐵色克正言拒絕回匪。意欲借附俄兵之便。率領哈薩克前來助勦。藉圖轉圜等語。鐵色克哈薩克是否可靠。明緒當於籠絡之中。寓防範之意。本日據總理各國事務衙門奏。遵議伊犁假道運餉。及借兵助勦情形。已向俄國公使面商。假道運餉。該公使

業經允諾。明緒續到摺報數件。卽係由俄國送來。並據俄國使臣聲稱。該國邊界官咨報。科布多餉銀。已由伊犁派員由俄境迎提。雇覓俄人駝隻運送等語。是借道運餉一節。該公使尚無異議。卽著將此項餉銀。是否已由俄境起解。現在辦理情形。由五百里迅速具奏。戶部前後奏撥新疆餉銀共一百三十五萬。內專撥伊犁軍餉銀二十萬兩。現因軍務緊要。復奏撥山東河南地丁項下欠解元年

京餉銀各十萬兩。本日業經諭令閻敬銘。吳昌壽迅速籌解。其前撥餉銀。亦諭令直隸四川湖廣總督。山東山西河南湖北各巡撫。次第籌解。以濟要需矣。所有擬定各省之餉。如陸續解到科城。卽著廣鳳奎。昌迅速知照。明緒派員迎提。由俄境臺站運送。如中國臺站道路已通。卽仍由舊道行走。以期迅速。總理各國事務衙門片奏。俄兵如肯助勦。償與該分界大臣同時並至。應令明緒查照該衙門

前奏。徑向俄使調取地圖摺。令其補繪二分。詳細覈對。以為展緩之計等語。著明緒。明誼。麟興等。豫籌防範。不可顧此失彼。是為至要。至哈薩克助回為虐。自毋庸再議。安插卽著該將軍等。隨時察度情形。相機妥辦。現在俄國臺站。既允代遞公文。所有此次寄諭一分。及明緒所查疊次批發各件。暨所降諭旨。除交兵部由中國臺站照舊遞送外。並令軍機處將本日寄諭另繕一分。並將歷次批發

各件另繕清單一併封交總理各國事務衙門加封轉交俄國公使。用俄文加封。由兵部發交恰克圖。送交俄國臺站。轉遞伊犁。明緒此後摺報亦可照此辦理。一分由中國臺站馳遞。一分由俄國臺站轉遞。以免遲延遺失。塔城雖已解圍。現在沿卡臺站能否照舊遞報。並著明緒武隆額隨時察看情形。斟酌籌辦。將此由六百里各諭令知之。○以正藍旗漢軍副都統文俊為泰甯鎮總兵官兼總管內務府大臣。○戊申諭軍機大臣等。閻敬銘奏現飭馬隊兵勇赴徐。並裁減步勇。籌辦礮船。請飭傅振邦前赴軍營各摺片。留東馬隊該撫現飭由兗赴徐聽候調遣。步勇遣撤一千名。酌留一千名。所設礮船因北方木料工匠一切異宜。擬在清淮購買。以久習之戰艦為新設之水師所籌。尚屬周妥。即著照所擬辦理。東省伏莽最多。尤應嚴密搜捕。以清盜源而靖地方。著閻敬銘督飭各路防軍認真

按緝。並飭各該地方官加意拊循。庶幾潛移默化。不至再滋事端。潘鼎新淮勇全軍即日可抵濟甯。此軍餉項本諭令直東兩省分籌解濟。現在該軍既駐濟甯。該撫尤應竭力措撥。源源接濟。儻因餉需不繼。致令潘鼎新一軍譁潰滋事。必惟閻敬銘是問。雉河賊匪竄至柘城等處。該撫現飭王心安曹正榜各營於曹單一路扼要嚴防。如兵力尚嫌單薄。應如何添撥勁旅。協同守禦。力遏該逆紛竄之處。著閻敬銘相機辦理。傅振邦不敢自耽安逸。求賞軍營差使。著閻敬銘傳知該提督前赴曾國藩軍營聽候差遣。將此由五百里諭令知之。○又諭瑞麟郭嵩燾奏匪眾尚踞鎮平。現籌合勦。霆營叛勇復由江甯粵派軍勦辦情形各摺片。康逆盤踞鎮平。官軍疊於五星橋等處獲勝。並將九嶺茶園一帶賊巢掃蕩。辦理尚為出力。惟該逆以敗殘之餘。欲為困獸之鬬。出其悍黨四路牽掣。非厚集兵力。



不足制其死命。瑞麟等現將毗連鎮平各要隘密布兜圍。江閩諸軍亦分紮交界地方。著卽督飭諸軍迅將大柘石正之賊先行掃除。然後以全力進攻康逆。郭松林楊鼎勳二軍前已諭令斟酌調派。該軍如尚未回蘇卽著飛調。由雲霄取道嘉應進剿。康國器等軍著左宗棠飭令會合攻剿。毋任再有竄突。霆營叛勇復由江西邊界竄入廣東和平龍川之江廣亭。並擾及興甯屬之十三都司等處。數

不盈萬。時思歸入逆股。現經該督撫飭令黃添元等移紮老隆等處。絕其內犯及回竄之路。又令方耀抽撥勁旅親赴龍虎墟會商吳贊誠等乘該匪初至亟圖撲滅。匪數無多諒不難一鼓殄除。斷不可令其勾結康逆大股致成不了之局。該匪等或江或粵剽疾兇狡現在江境是否肅清如有遺孽著孫長紱飭令地方文武挖剿並令席寶田王開琳等軍出境防剿毋任回竄。將此由六百里諭知瑞

麟左宗棠徐宗幹郭嵩燾並傳諭孫長紱知之。○以鑲藍旗漢軍副都統毓祿暫署右翼前鋒統領。頭等侍衛常山為正藍旗漢軍副都統。○以江蘇捐輸軍餉永廣江都縣學額四名。甘泉縣二名。○以廣東三水縣紳民力保危城永廣學額二名。○己酉諭軍機大臣等。玉明等奏盜匪回竄調兵剿捕一摺。榆樹臺聚匪北竄毛家大城等處。復折回吉林境界。向伊通河竄逸。其前在小城子擊敗之匪

由楊樹河子竄出邊外。協領恩科帶兵尾追。玉明等復添派佐領叢登甲等馳赴英額邊門一帶迎頭堵剿。著卽責令派出員弁認真剿洗。不准稍涉鬆懈。並令恩科等於兩省接壤地方及威遠堡沿邊實力截擊。毋任一名漏網。並知照蒙古吉林各地方一體兜拏會剿。該將軍等身任重寄務須力圖振作。以清盜源。如所派兵弁玩視捕務日久無功卽著指名叅辦。儻再令回竄擾害惟玉明等是問。



將此各諭令知之。○又諭都察院奏據山東館陶縣武生李金鐸呈控該縣匪徒路思田等係賊首蘇洛坤門徒。曾隨宋景詩謀反。經地方官拏獲。尚未懲辦。現聞宋景詩投入髮賊。將次渡河回擾東省。路思田、張添城等復與勾結。暗通消息等語。東省伏莽甚眾。宋景詩以漏網渠魁。復思勾結滋擾。蓄謀殊為兇譎。著閻敬銘按照李金鐸所控情節。嚴密確查。如果屬實。卽將該匪徒路思田等上緊緝拏。盡法懲治。仍嚴飭東境在防員弁。實力堵截。毋任賊蹤回竄。以戢奸宄。而遏亂萌。原呈著鈔給閱看。將此諭令知之。○又諭有人奏陝西藩司林壽圖莅任兩年。諸務廢弛。終日燕處衙齋。沈湎於酒。本年春間。在福建會館邀集同官。演戲數日。巡撫劉蓉初任封疆。公事尚多未諳。凡有舉劾。半聽該司。而該司以此得意。任意施為。以致參劾不公。物議騰沸。省中編造長聯。內有木偶中丞奸雄方伯之

句。並有誹謗詩詞。到處傳誦。又有人奏劉蓉於蔡壽祺一案。回奏摺內。大言不慙。有乖臣禮。且摺內申明從前胡林翼密保之詞。忘其洩漏之罪。請旨嚴行懲辦。各等語。陝西省甫遭兵燹。滿目瘡痍。撫藩大吏。自以奠安民生。經營善後為急務。若如所參林壽圖各節。但以飲酒宴會為樂。於招撫開墾一應善後事宜。並未興辦。殊屬大負委任。劉蓉林壽圖在陝。有無廢弛公事。貽誤地方之處。著瑞常、羅惇衍、秉公嚴密訪查。據實具奏。至劉蓉於蔡壽祺一案。覆奏摺內。詞意失平。近於負氣。曾於本年四月奏到之日。明降諭旨。申飭其非。惟據參從前胡林翼密保該撫之語。該撫何以知之甚詳。敕入覆奏摺內。其聞自何人。何處洩漏。並著瑞常、羅惇衍查詢具奏。原摺二件。均著鈔給閱看。將此密諭知之。○又諭勞崇光等奏天柱縣城復被賊陷。與楚軍會等。勦辦情形等語。貴州天柱縣城。自上年十一

月收復後。本年二月。復被賊陷。分股出竄。楚師會靖兩營同時敗潰。賊遂麇集梗洞牛場。偏近靖州。會同縣地方。大肆焚掠。經都司吳勝金會合楚軍。疊破牛場北嶺等處。踞賊進取縣城。賊始棄城而遁。該匪來去無常。伺隙復熾。總緣黔省官軍兵力單薄。未能大挫兇鋒。以致縣城屢失。楚邊亦警報頻仍。現在湖南東路之防。業已稍鬆。自應厚集兵力。越境會剿。以期一勞永逸。著李瀚章飭令周洪印

分撥楚軍。進紮黔境。浦洞長吉瓦寨木樑一帶。以剿為防。妥籌進取。如兵力不敷。迅即添兵赴援。毋得稍分畛域。並著勞崇光張亮基督飭本省防兵。聯絡楚師。力籌夾擊。儻徒恃客兵。毫不自知振作。致令地方旋復旋失。竟同兒戲。該督撫等自問所司何事。吳勝金駐防天柱。何以並不固守。分兵進屯邦洞。致為賊困。復失縣城。是否聞警移軍。遁詞掩飾。著勞崇光張亮基查明參辦。將此由六百里各

諭令知之。○又諭張亮基奏請撥各省釐金以抵協餉一摺。據稱黔省攻剿綏陽大定等處。現正得手。而餉需已竭。請飭湖南於東征項下。每月定撥三萬兩。按月解黔。廣東於釐金項下。每月先解黔一萬兩。四川於瀘州重慶兩處釐局。每月各提五千兩。均於厯欠協餉內扣數劃抵等語。黔省軍需前據曾國藩奏請專責湖南供給。嗣以楚東防務正急。尚未定議。惟黔省現在窘迫情形。日甚一日。必

須亟為籌解。以免譁潰之虞。著瑞麟駱秉章李瀚章郭嵩燾按照該署撫指撥各款數目。趕緊籌解。不得藉詞延宕。湖南東征局名目業已裁撤。即著李瀚章於本省釐金項下按數撥給。以上各省協款。均著按月源源解濟。統俟湖南專力濟黔之議定有章程。屆時可否停止。再行奏明辦理。其劉嶽昭援黔一軍。月需餉項。仍著駱秉章力籌兼顧。湖南防務已鬆。地方漸就安謐。所有該省餉需。應如何

專力謀黔之處。卽著李瀚章悉心斟酌請旨遵行。該省與黔省唇齒相依。廓清黔賊。卽所以安靖楚疆。李瀚章尤當畛域不分。共支危局。將此由五百里各諭令知之。○雲貴總督勞崇光等奏報川黔官軍會同收復正安州。得旨。仍著該督撫嚴飭在事文武。會合川軍。迅將綏陽大定一帶賊氛埽蕩。毋稍鬆勁。○以前任浙江巡撫曾國荃為山西巡撫。未到任前。仍以布政使王榕吉護理。○以克復貴

州黔西州城。予署提督趙德昌總兵官趙德光優敘。賞知州徐承勳花翎。守備毛宗亮等藍翎。餘加銜升敘有差。予陣亡知州夏成業。把總楊遇春。外委李文彪。祭葬世職。加等。復傷亡已革知縣晏澄原官。予祭葬世職。○以解運四川鉛本無誤。賞同知銜知縣高以莊花翎。○予貴州獨山陣亡總兵官江有貴等祭葬世職。加等。○庚戌諭內閣。劉長佑奏募勇官員在途騷擾。請飭查辦等語。候補總兵

魏得春。經雷正綰派令前赴直隸招募馬勇。輒敢潛行出口。在蔚州一帶採買馬匹。進口時不服盤查。毆辱守口員弁。並在望都新樂等縣地方。沿途縱勇滋擾。勒索供給。藐法逞兇。肆無忌憚。若不從嚴懲辦。何以肅軍律而儆效尤。著雷正綰查明從嚴參辦。其都司劉得勝。守備楊國玉。趙長盛。丁得祿。吳東來等五員。是否係雷正綰所派。有無蒙混情弊。著一併查明分別參辦。○諭軍機大臣等。有人

奏興京重地。馬賊猖獗。擾及

陵寢一摺。據稱興京城西十里有東西二堡。均距

永陵不及半里。本年四月間。突有馬賊一百五十餘名。由鐵嶺開原一路焚掠。五月初九日。在興京廳城東新兵堡。勒索鋪戶錢二萬九千貫。並搶去永福當本架貨錢四千餘貫。附近人民聞風惶恐。老幼男婦紛紛逃匿。致陵內享殿碑樓等處擁擠人滿。初十日。賊眾直

撲

陵街並用言嚇索錢文三萬五千貫復於十一  
十三等日在葦子峪鹼廠杜姓伙房等處勒  
索鋪戶錢文毆斃差役滋擾清河城一帶地  
方委員毓魁追擊失利賊又折回托伙洛地  
方經鐵嶺縣知縣瑞福等督帶兵役團勇擊  
賊先勝後挫陣亡官兵十餘名被搶槍斃火  
藥多件居民房屋俱被焚燒匪眾由英哥門  
而去現赴花園一統河等處藏匿並未大受

懲創等語覽奏實深詫異盛京吏治捕務廢  
弛日甚屢經飭諭該將軍等實力緝捕認真  
整頓若如所奏賊匪明目張膽肆行無忌竟  
至震及

陵寢並有

永陵祭品於去臘被搶一次之語種種情形實  
堪髮指該將軍等於此等重大情事並未據  
實奏聞一味玩忽顛預殊堪痛恨著單懋謙  
卽行馳往興京按照原奏各情詳細確切查

明據實具奏事關重大諒該尚書必不敢一  
字諱飾代人受過自干重咎也原摺著鈔給  
閱看將此由四百里密諭知之○直隸總督  
劉長佑奏報遵旨回省日期並籌辦留防事  
宜得旨仍應隨時督飭李鶴年及文武員弁  
認真操防不得因賊蹤已遠稍涉疏懈○辛  
亥諭軍機大臣等曾國藩喬松年奏雉河援  
軍大捷立解重圍吳昌壽奏擒逆竄至太康  
督飭各軍緊躡兜勦各一摺現在任柱張總  
愚匪股已由商邱柘城竄至太康縣屬之安  
平寨馬廠明光集等處向正南西南一帶紛  
竄邊馬擾及睢州界內是逆匪已繞出官軍  
之前鋌而走險且賊騎我步遲速懸殊勦辦  
殊形棘手吳昌壽現檄張曜等軍由鹿柘緊  
躡賊蹤相機繞擊令陳國瑞截賊北竄而自  
留省垣力顧根本所籌均合機宜卽著督飭  
張曜等繞出賊前遏其西竄黃河防守事宜  
並著會同張之萬妥籌兼顧毋稍疏虞曾國

藩所派追賊之張得勝史念祖等軍現在行抵何處著卽飛飭前進會合豫軍兩面夾擊惟豫省四達平原利用騎戰曾國藩當添撥在營馬隊跟蹤追勦方不至著著落後其牛落紅等股想尚庸集皖境卽著曾國藩喬松年派兵勦洗並於潁州等處扼要嚴防毋為賊所牽掣賊匪大股西竄曾國藩擬仍駐紮徐州恐於調度一切鞭長莫及應否相機前進之處著斟酌辦理軍情瞬息萬變該大臣

有節制三省之權責無旁貸想自能熟籌妥辦仰副委任也賊供有欲西竄鞏汜一帶直撲潼關圖竄三秦等語豫省兵力無多張曜等軍又成尾追之勢若非重兵迎頭攔擊則中原之禍正有未艾著官文鄭敦謹迅速派撥勁兵越境赴豫截遏賊匪西竄之路儻敢畛域攸分致匪蹤擾及秦晉必惟官文等是問虎牢關老健坡等處為入陝要路吳昌壽務當派撥兵勇督飭鞏汜地方官聯絡紳團

嚴密扼防並於陝州閿鄉一帶節節設防杜其竄秦之路潼關為陝省門戶著劉蓉趕緊派撥重兵力籌防堵並於商雒一帶分兵扼守要隘以防賊由旁路趨入武關至風陵茅津渡一帶為秦晉交界要隘亦著劉蓉王榕吉派兵嚴防互相聯絡毋令賊蹤竄入其澤潞一帶如風門坳等處隘口均著王榕吉逐一嚴防不得稍形鬆懈晉省地方富庶賊匪覬覦已久王榕吉於地方軍務責無旁貸務宜慎益加慎妥籌布置以固疆圉曾國藩片奏請將陳州存銀二十萬兩分為四處勻濟等語卽著照所請行惟前因河南餉需支絀曾諭令於歸陳兩處存餉內提用銀十五萬兩現在陳州存銀內僅分給五萬兩尚恐不敷卽著曾國藩吳昌壽查明歸德存銀尚有若干儘數提歸豫省應用曾國荃已簡授山西巡撫曾國藩當屬該撫勉圖報效作速赴任毋以病辭將此由六百里諭知官文曾國

藩喬松年吳昌壽鄭敦謹劉蓉並傳諭王榕吉知之○又諭瑞麟郭嵩燾奏官軍疊破賊壘平遠肅清現籌進剿鎮平一摺康逆大股盤踞鎮平縣城分黨擾及平遠縣屬經方耀帶兵進剿連將石正超竹大柘等處賊壘埽蕩淨盡平遠縣境一律肅清剿辦甚為得手現在康逆雖踞鎮平其勢已成孤立亟應乘此聲威盡殲醜類著瑞麟等飭令李福泰迅籌規復毋失事機惟該逆死黨尚眾必須四

平遠縣志

卷五

面兜剿方能一鼓蕩平康國器等軍前經左宗棠派赴嘉應進剿著即會同翟國彥一軍由東路進攻與方耀等西路之軍同時並進自可聚而殲旃其長甯安遠一帶尤恐該逆繞越著孫長紱飭令劉典王開琳兩軍由贛州一路移軍前進以剿為防期與粵軍併力夾擊高連陞等軍即著左宗棠檄令由武平赴粵會剿其郭松林楊鼎勳兩軍如尚未回蘇瑞麟左宗棠等即可遵照前旨飛調該軍

由雲霄取道前進以期厚集兵力該督撫等務當不分畛域迅奏膚公投誠之朱興隆准其更名朱朝安留營效力仍著瑞麟等隨時防範毋稍大意霆營叛勇因守十三都司築圍自固瑞麟等現已責成卓興剿辦此股並有鄭紹忠遙為聲援不難撲滅僅任其竄逸或煽惑土匪再肆鴟張即惟卓興等是問瑞麟等另片奏開平土民復有聚眾往攻赤水客民之事現派郭祥瑞前赴肇慶府屬查辦

平遠縣志

卷五

等語那扶金雞赤水等處客民既經安插何以開平土民復行啟釁著瑞麟等飭郭祥瑞體察情形妥籌辦理莫息爭端倘有不遵約束恃強抗違無論為土為客均著一體懲辦毋稍遷就將此由六百里諭知瑞麟左宗棠徐宗幹郭嵩燾並傳諭孫長紱知之○浙江巡撫馬新貽奏已革都司屠盛興擾害閭閻訊明先行正法得旨著飭拏黃得根等務獲從嚴究辦○命阿勒楚喀副都統德英來京

陞見○以浙江縉雲縣紳民隨同克復城池  
永廣學額三名○以安徽雒河集解圍賞布  
政使英翰總兵官康錦文協領密成副將丁  
得勝參將李顯明方元清遊擊牛師韓都司  
劉廷幹守備李先義巴圖魯名號知州張盛  
愷等花翎餘升敘有差○予浙江各屬陣亡  
殉難知府豫立等十九員祭葬世職各家屬  
男婦等分別旌卹如例○予浙江杭州殉難  
文生陳裕源監生陳芳樹賞卹如例○壬子

軍機處

三八

諭軍機大臣等恩麟奏岷州回逆變亂分股  
竄往洮州並探聞哈密失陷各摺片甘肅岷  
州城垣於閏五月初六日突被外來回匪千  
餘人竄入將署知州增啟戕害旋於初八日  
出城竄往洮州該州回弁李發珍丁泳安等  
亦麇聚死黨占踞洮城甚為猖獗亟須添撥  
重兵勦辦前據楊岳斌奏報於閏五月初一  
日起程取道涇州此時何以尚未到省殊屬  
玩延著懍遵前旨星速馳赴蘭州將該省應

軍機處

三九

辦軍務地方各事宜妥籌迅辦切勿遷延不  
進貽誤事機洮州回氛甚熾陶茂林等軍俱  
為近省賊勢牽掣未能調撥著楊岳斌恩麟  
卽飭張華所部階州得勝之師會合趙桂芳  
勇丁馳往洮州併力圍剿迅殲醜類甯夏賊  
勢已蹙雷正綰軍已徧靈州著都興阿穆圖  
善雷正綰迅將甯靈各城攻拔以孤賊勢現  
在探聞哈密已陷逆蹤愈形蔓延著成祿聯  
捷迅帶所部進剿肅州踞匪卽行取道出關  
蘭州省防及各要隘並著都興阿楊岳斌等  
籌撥弁兵隨時兼顧仍飛飭成祿等軍剋期  
出關進剿文麟駐紮奇台一帶距哈密較近  
著卽探明匪蹤實力防剿洮州逆弁李發珍  
丁泳安等並著楊岳斌督飭各軍嚴密查拏  
懲辦署知州增啟被戕及涇州文武官紳眷  
屬被脅各確情著恩麟查明彙呈楊岳斌迅  
速馳奏哈密變亂情形及扎克當阿等下落  
並著都興阿楊岳斌文麟等確查迅奏將此



由六百里諭知都興阿穆圖善雷正綰楊岳  
斌成祿聯捷並傳諭恩麟文麟知之○癸丑  
以翰林院侍讀學士繼格為詹事府詹事

實錄二

甲

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十五

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十六

祭

同治四年乙丑六月甲寅諭內閣朕奉

慈安皇太后

慈禧皇太后懿旨科爾沁博多勒噶台親王僧  
格林沁自咸豐三年督軍勦辦髮逆綏靖畿  
疆復於十年統師南下轉戰直隸山東安徽  
河南湖北等省疊平逆首張落刑苗沛霖等  
巨股埽蕩羣兇殊勲懋建實為有功國家之  
臣前已加恩配饗  
太廟以示優崇因思我朝歷屆辦理軍務凡功  
勲卓著之臣均於告成以後圖像紫光閣以



彰懋績。現在南北各路軍務。雖未告歲。而如僧格林沁之勳績昭然。本應在繪像之列。今乃中道戰歿。未獲目覩成功。追念忠良。彌深眷注。僧格林沁著先行繪像紫光閣。並著南書房翰林撰擬贊詞。以示表揚。忠烈垂諸久遠。至意。○又諭前據吏部奏。駁降調湖北巡撫嚴樹森保奏湖北承辦局務各員。請照定章撤銷獎案。改為照例議敘。當經降旨依議。茲據官文鄭敦謹奏稱。湖北自興辦牙帖釐金以來。曾經彙保三次。均已照准。此次自咸豐九年起。至同治元年止。所收銀數。較前踊躍。各該員等承辦局務。時逾三年。不無微勞足錄。若將保案概行撤銷。不足以昭激勸。請仍照原請給獎等語。軍興以來。湖北省辦理牙釐。接濟本省軍需。及各路協餉。十餘年來。日有起色。於餉需不無裨益。該局員經理其事。頗為出力。所有嚴樹森前次保奏之局員。湖南補用知府但湘良等。所得保獎。均著准

其仍照原案給予獎敘。惟該省所保局務各員。人數過多。此次姑允所請。嗣後官文等務。當擇其實在得力者。酌量保奏。不得臚列多人。濫予優獎。以昭覈實。○諭軍機大臣等。孫長紱奏。逆匪竄擾長甯縣境。旋經官軍擊退一摺。興甯逆匪。竄入江西長甯縣境之留車墟。經江軍擊退。賊向廣東龍川縣上坪墟一帶竄去。銓字營隨同周寬世等力戰卻賊。不無微勞足錄。著准孫長紱擇尤保獎。毋許冒濫。現在賊眾數萬。廣聚龍川。毗連鎮平。與定南龍南。相距均不甚遠。霆營叛勇。若與合股。賊鋒益張。設被往來竄越。則剿辦更形棘手。孫長紱已飭席寶田周寬世等軍。合力堵禦。即著督飭該臬司等。以勦為防。毋任該逆繞越。王開琳一軍。新湘營既須整頓。老湘營何以亦有索餉爭鬧情事。著左宗棠等迅速籌發該營餉項。以固軍心。孫長紱即飭王開琳趕緊整飭隊伍。剋日到防。由贛州一路督軍

前進與粵軍併力夾擊。共殄窮寇。粵境賊氛正熾。著瑞麟、郭嵩燾、懷遵前旨。催調各省援軍。會合本省之兵。四面兜擊。迅拔鎮平縣城。翦除巨憝。毋令賊蹤紛竄。更益蔓延。將此由六百里諭知瑞麟、左宗棠、徐宗幹、郭嵩燾並傳諭孫長紱知之。○又諭都興阿等奏官軍攻勦竄踞各逆。續獲勝仗。現籌布置情形。一摺。甯城踞逆。經官軍疊次懲創。並失西門橋要隘。勢已窮蹙。惟南路一面。尚未合圍。難保

不由此竄遁。都興阿等現擬將賊匪所決之水。宣洩疏通。即於南路扼紮數營。截斷援賊。所籌尚合機宜。即著該將軍等激勵將士。迅速進攻。四面合圍。將此股醜類聚而殲旃。毋得稍有疏虞。致賊匪鋌而走險。又形滋蔓。靈州大水坑一帶踞逆。時擾定邊。阻截餉道。其謀甚狡。都興阿等當酌撥勁兵。通道運餉。毋令後路稍有疏失。中衛城圍雖解。而匪蹤飄忽。仍恐去而復來。雷正綰當督飭各軍。節節

進剿。與梁生嶽等軍聯絡一氣。兩面夾擊。毋失事機。穆圖善片奏。請飭阿拉善王貢桑珠爾默特、鄂爾多斯貝勒扎那濟爾迪各旗。備辦駱駝一千隻。作為轉運軍糧之需。即著都興阿傳知該旗王貝勒等如數豫備。俾資轉運。將此由六百里各諭令知之。○又諭穆圖善奏。請飭催山陝兩省欠餉。並請令四川督臣按月撥銀接濟等語。據稱甯郡地處極邊。米糧轉運維艱。需款甚鉅。轉瞬又屆秋冬。皮

棉衣等項。亦須籌款製辦。即使山陝兩省協餉按月解到。僅敷採買軍糧之用。現在該二省欠餉。各積至四月之多。兵勇衣食無資。若不寬為籌解。必至貽誤事機。各等情。現在穆圖善所部各軍。攻勦甯夏。正在得手。所需餉銀。亟應趕緊籌解。以濟眉急。即著駱秉章於四川省每月籌撥銀一萬兩。按期解交穆圖善軍營。毋稍延緩。山西省每月協濟餉銀二萬兩。楚勇餉銀六十餘兩。新募親兵後營衛

隊營餉銀六十餘兩。陝西省每月協濟餉銀二萬兩。卽著劉蓉、王榕吉迅速設法籌撥。源源解濟。以收飽騰之效。至山西省前欠該營協餉。已由穆圖善咨商該省巡撫。於應解欠餉內動銀。在太原省城措辦皮衣寒衣各七千二百件。其餘銀兩。仍派員解赴包頭。由該將軍派員採買糧石。陝西省前欠協餉。已由穆圖善咨商該省巡撫。派員在延榆綏廊一帶。會同該將軍委員及地方官。按照時價運脚一切。卽在協餉內劃扣。並著劉蓉、王榕吉妥籌辦理。將此由五百里諭知駱秉章、劉蓉。並傳諭王榕吉知之。○以江蘇寶應縣捐輸軍餉。永廣學額五名。○以安徽捐輸軍餉。永廣宿松縣學額六名。望江縣二名。○予甘肅甯夏陣亡副將陳東霖遊擊袁士林祭葬世職加等。○乙卯。以神靈顯應。加廣東新會縣戴公封號曰康佑。○諭內閣。前因湖北武昌城守營參將楊光普陣亡。該員長子培英失

散。查無下落。當將楊光普所遺世管佐領及議卹應得雲騎尉世職。令該員次子匯英承襲。茲據鑲藍旗漢軍奏稱。培英現由湖北咨送回旗。其匯英承襲各職。可否改歸培英承襲等語。培英既係楊光普長子。所有匯英承襲之世管佐領兼一雲騎尉世職。均著改歸培英承襲。○又諭御史張觀鈞奏。請將盜墓已獲未結各犯。無論奉旨先後。均照新章辦理。一律斬決梟示。並現在聚眾盜墓各犯。比照盜案。分別首從辦理。該地方員弁。有能拏獲各犯。卽照拏獲盜案議敘請獎各等語。著刑部會同都察院大理寺。彙入大理寺少卿于凌辰奏。請重定盜墓人犯罪名摺。一併覈議具奏。張觀鈞另摺奏。請飭刑部將已獲未結盜墓各犯。嚴行訊辦等語。並著刑部堂官督飭該司員等從嚴審訊。不准任令該犯等飾詞翻供。致涉輕縱。○諭軍機大臣等。本日據御史張觀鈞奏。訪聞盜墓要犯。請飭密拏

懲辦一摺。據稱訪聞順天府屬著名盜墓賊匪。已有三十三人。除石同賢等八名業經拏獲外。未獲者尚有李一子等二十五名之多。各犯多有與西城司坊宛平縣書役交通者。恐其聞信先逃。請密飭嚴拏等語。近來附京一帶盜墓之案。層見疊出。總由該地方官並不認真查拏。遇有事犯到官。承審之員。又復任聽該犯翻供。含混了結。以致該匪等肆行無忌。縱惡養奸。莫此為甚。著步軍統領衙門

順天府選派幹員。將摺內所陳之李一子等父子五人。並李榮景。馮石黃氏三名。密速掩捕。拏交刑部。嚴行審辦。並將該匪夥黨葉二黑等。逐一按名拏獲。不准一名漏網。儻任其聞信先逃。定惟該管官是問。至西城及宛平縣書役有無交通匪犯情事。著步軍統領衙門順天府於拏獲該匪等到案時。嚴行審訊。並將該犯等所犯積案。悉數究出。不得任其略認數案。即行含糊了結。原摺著鈔給閱看。

將此各諭令知之。○又諭駱秉章奏官軍攻勦滇黔各匪。續獲勝仗一摺。總兵李有恆一軍。攻勦滇境之花椒崗等處賊巢。連獲勝仗。攻破崗寨。將逆首卓洪堃等擒斬。餘黨殄滅無遺。副將許蔭棠迎勦黔省苗號各匪。屢挫賊鋒。勦辦甚屬得手。所有在事出力員弁團勇。著駱秉章查明彙案保奏。候旨施恩。黔匪旋滅旋起。必應次第戡定。方能永絕亂萌。現在劉歡昭已統所部入黔。攻克正安州城。進

規桐梓綏陽等處。冀解遵義之圍。著駱秉章即飭該藩司乘勝進兵。節節掃蕩。張亮基恪遵疊次諭旨。迅速派兵會勦。以收夾擊之效。不得專恃川兵。自甘頽靡。駱秉章仍當於階州撤回各軍內。酌量調遣。分道出師。先清黔邊之患。其許蔭棠一軍。應由何路進勦黔匪之處。並著妥籌調度。毋失機宜。勞崇光前已有旨催令赴滇。即著迅速起程。毋稍延緩。將此由五百里各諭令知之。○又諭駱秉章奏

川省庫款支絀。請飭催湖南協餉一摺。川省每歲應用軍餉。以及例支之項。需銀五百餘萬之多。所入地丁課稅等款。不敷支放。欠發各軍兵餉。為數甚鉅。現在滇黔兩省苗教各匪。時虞竄越。松潘越巂番夷各匪。正在分路勦辦。必須餉項充足。方足以資周轉。而利攻勦。湖南應解協餉。並未絲毫解到。川省情形拮据。時有掣肘之虞。著李瀚章嚴飭藩司。查明部撥協濟四川乙丑年兵餉銀九萬兩。暨積欠己未庚申辛酉壬戌癸亥甲子等年協餉銀六十七萬兩。共銀七十六萬兩。無論何款。迅速籌撥若干。分起委解。嗣後仍須按數源源協濟。毋令匱乏。將此由五百里諭令知之。○四川總督駱秉章奏。擒獲逆首偽啟王梁城幅等。訊明就地正法。報聞。○以江蘇集團禦賊。永廣上海縣學額四名。寶山縣二名。○予雲南花椒崗陣亡都司曾集發等祭葬世職加等。○追予湖北武昌殉難參將楊光

普母李氏。妻高氏。旌表如例。○予江西故四川按察使張思鏜。入祀鄉賢祠。從巡撫沈葆楨請也。○賞江西等省甲子科鄉試年老諸生康遇春等七十四人。舉人副榜有差。○丙辰。遣官祭火神廟。○西甯辦事大臣玉通。奏循例派員前赴玉樹番族會盟。並查勘被創番族。妥為撫馭。得旨。惟當嚴飭該主事等。小心謹慎。毋許有勒索騷擾等事。並會同川省委員。公平審斷。不可稍有偏倚。致啟該番族等輕視之心。○以驗收海運漕糧完竣。予戶部左侍郎吳廷棟。倉場侍郎鍾岱等議敘有差。○旌表守正捐軀四川城口廳民婦桂張氏。○調察哈爾牧羣馬五百匹。解赴直隸總督劉長佑軍營備用。○丁巳。諭內閣。御史穆緝香阿奏。左右侍從。宜豫加慎選。一摺。據稱。歷代朝政之失。半由宦寺。宦寺進身之始。每以小忠小信。便捷逢迎。善其固寵邀恩之計。及至黨與

已成。則驕肆專橫。竟有百計不能除之者。請防微杜漸。選擇忠正老成。萬不可使年輕敏捷之人。常侍左右。庶將來親政之時。不至受其欺蒙。盡惑等語。所奏不為無見。前代閣寺之患。史不絕書。社鼠城狐。足為殷鑒。我朝列聖相承。不但不准此輩干預公事。並不稍假辭色。是以宮庭靜謐。讒諂面諛之輩。無所施其伎倆。二百餘年。永絕斯患。我兩宮

皇太后垂簾以來。恪承家法。遠絕僉士。曾明降

諭旨。飭令總管內務府大臣隨時稽察。毋使萌蘖潛滋。茲覽該御史所陳。深以此輩或邀寵任。貽誤事機。慮遠思深。誠得履霜堅冰之意。仍著總管內務府大臣。督率總管太監。認真查察。如有此等便僻側媚之輩。惑聰亂明。妄肆簧鼓。即著據實直陳。嚴加懲辦。毋得因循畏事。退有後言。儻該總管太監扶同徇隱。並著該大臣一併嚴叅究辦。以期侍御僕從罔匪正人。用副朝廷遠佞閉邪之意。○諭軍

機大臣等。文麟奏賊匪東犯奇台失守。請將各員分別查辦。並聞哈密被陷。及回目投誠各摺片。逆回糾大股東犯官軍在三臺接仗。先勝後挫。旋因眾寡不敵。致奇台縣城失守。文麟退紮巴里坤。復聞哈密失陷。現在招集兵勇。約有三十餘眾。擬設法先攻哈密。以通糧道。即著文麟與訥爾濟會籌進剿。奇台哈密並陷。文麟一軍孤懸坤城。亟須關內重兵馳往助剿。成祿聯捷所部。均在蘭坦一帶。為

近省回勢所牽。必須楊岳斌到省布置。諸軍始可剋期前行。著楊岳斌懍遵前旨。星速赴省籌辦。即飛檄成祿聯捷統帶各營進剿。肅州踞逆。通道出關。即赴哈密援剿。毋許稍涉延緩。都興阿穆圖善雷正綰當懍遵疊諭。迅拔甯靈兩城。即可酌撥兵勇。協同成祿等軍節節埽蕩。以壯聲援。鶴齡等軍現在何處。並著都興阿楊岳斌恩麟等檄催前進。文麟自請治罪之處。著加恩寬免。縣丞陶珣署迪化

州知州孔昭恆。於奇台失守後。不知去向。著文麟嚴密查拏。解交刑部治罪。陸布沁阿喜爾回目等。赴文麟軍營投誠。並願幫同打仗。著文麟妥為駕馭。以堅其向化之忱。穆圖善奏請將甯夏將軍印務。交常陞暫行護理。卽著照所請辦理。湘果右軍。前據駱秉章奏業已遣撤。不能派赴甘省。並據奏稱。臬司林之望所部勇丁。多係秦隴土著。樸實耐苦。進攻階州等處。深資其力。都興阿雷正綰楊岳斌等。兵力如尚不敷。卽著就地選募。較之客勇尤為便捷。前據劉長佑奏。雷正綰派赴直隸招募馬勇之總兵魏得春等。潛行出口。不服盤查。並縱勇滋擾。當經降旨令雷正綰查明叅辦。該署提督務宜破除情面。從嚴懲辦。以儆效尤。毋稍迴護。扎克當阿等下落。仍著文麟查明具奏。將此由六百里諭知都興阿穆圖善雷正綰楊岳斌成祿聯捷。並傳諭恩麟文麟知之。○以甘肅攻克鹽關賊巢出力。賞

副將高月桂。趙逢信。張明富。曹金銀。參將祝勝祥。傳用金。巴圖魯名號。遊擊保明等。花翎守備姚正高等。藍翎餘加銜升敘有差。○以甘肅奇台縣城被匪竄陷。革知縣恆頤典史胡承業。把總王洪職。恆頤胡承業仍留營效力。○贈故奈曼扎薩克郡王德木楚克扎布親王銜。賜祭葬如親王例。命貝勒德木齊扎布。公棍楚克林沁。往奠茶酒。賞銀二十兩治喪。○戊午。諭內閣。前因曾國藩等奏請將蘇松等屬地漕錢糧一體酌減。當經諭令戶部妥議具奏。茲據奏稱。漕項一款。額徵正銀六十餘萬兩。實為辦運要需。歷屆海運成案。除動支漕贈等銀外。尚須另提津貼。若將漕項隨同正漕覈減。必至運費不敷。多提津貼。湊用。是減一分漕項。卽增一分津貼。於民生仍無裨益。至地丁一款。額徵正銀一百四十餘萬兩。該省每歲支銷各項。及一切水旱賑恤等款。咸取給於此。今若減去二成。僅歲存一

百十餘萬兩。以蘇藩之財。供蘇省之用。猶虞不給。而部庫提項。鄰封協濟。又難保其必無轉輸無術。必至另設名目。重困閭閻。與其迫民間以額外之追呼。何如還民間以分內之輸納等語。所奏係屬實在情形。蘇松田賦最重。至我朝酌中定則。並兩次豁除浮糧六十萬兩。上年蘇省底定。復永減漕額數十萬石。所以軫恤黎元者。無微不至。今曾國藩等所請地丁漕項併減二成之處。如果損上益

下。有裨民生。亦何忍屯此膏澤。第國家制用有常。總當通籌全局。量入為出。方可行諸久遠。況恤民之政。不在減定額。而在裁浮收。上年左宗棠奏。杭紹嘉湖四屬地漕銀一百八十二萬餘兩。覈減浮收銀五十七萬餘兩之多。可見該地方官平日違例取盈。重為民困。曾國藩李鴻章等。惟當於蘇省地漕等款。仿照浙省辦法。斟酌情形。覈實刪減浮收。庶民力可望日紓。而正供不至虧缺。其如何酌量

刪減之處。即著該督撫等迅速籌辦。妥議具奏。再聞蘇省徵收銀米。向有大小戶名目。輕重不均。最為漕糧積弊。推原其故。總緣州縣官違例浮收。地方紳衿得以挾持短長。包完短交。流弊百出。而馴良之戶。則官吏任意抑勒。以為挹彼注茲之計。事之不均。莫此為甚。並著該督撫等。督飭州縣各官。潔己奉公。不准絲毫妄取。儻仍有大戶包攬短交等弊。即著該地方官執法嚴辦。毋稍姑容。○漕運總

督吳棠奏。現派副將吳鳳柱。閃鳳來統帶馬隊。仍紮灘溪口。並飭各軍嚴防清淮一帶要隘。得旨。捻匪現雖西竄。仍著該督飭令該副將等。嚴防灘溪口。肅清徐宿伏莽。並嚴飭各軍。扼守清淮一帶水陸要隘。以防匪眾回竄。毋稍大意。○命恭親王總理行營事務。○命賽因諾顏扎薩克親王達爾瑪管中正殿事。○調鑲黃旗領侍衛內大臣惇親王為正黃旗領侍衛內大臣。以鑲藍旗蒙古都統世鐸



為鑲黃旗領侍衛內大臣。○以協辦大學士吏部尚書瑞常為閱兵大臣。○調正白旗蒙古都統文祥為鑲白旗滿洲都統。以伊犁將軍明緒為正白旗蒙古都統。未到任前。以正黃旗蒙古都統載容署理。○補鑄貴州定番州知州印信。儒學條記從雲貴總督勞崇光請也。○予陝西盤崖殉難翰林院庶吉士路桓祭葬世職加等眷屬人等。分別旌卹如例。○己未。諭內閣。宗人府奏。已革貝子載華。已革奉恩輔國公恩弼。所遺之爵。分別請旨辦理。各一摺。除恩弼所遺之爵。已依議揀選合例人員。帶領引見承襲外。至載華原係過繼貝勒奕綺為嗣。承襲貝子。今既犯事革爵。本支內別無合例承襲之人。若竟停其襲封。則伊祖慎靖郡王無人承祀。言念及此。良用惻然。著宗人府於

高宗純皇帝位下支派內。揀選輩分相當之人。承嗣奕綺。其應如何襲爵之處。即著宗人府

將揀選人員。帶領引見。照例辦理。○又諭宗人府。奏遵查奉恩鎮國公奕詢。奕謨。應否設立包衣佐領等官。例無明文一摺。據稱例載王公子孫內。現又晉爵為王公者。不另給佐領恩封之爵。鎮國公分內。應有滿洲蒙古佐領各一員。今奕詢奕謨係恩封之爵。應否設立包衣佐領等官。仍應由該旗辦理等語。所有奕詢奕謨應行應辦事件。著歸入惠郡王門上包衣佐領管理。奕詢奕謨分內。即著毋庸另行設立。○諭軍機大臣等。王明等奏請將疏防盜匪之旗民地方官。分別議處革職。並捷捕營添設馬匹暨藍翎長缺各摺片。盜匪由鐵嶺縣當舖屯竄。至興京廳屬之新兵堡及東西堡一帶。訛詐搶奪。復在鹼廠地方拒殺差役。興京為根本重地。該匪等竟敢於附近一帶。明目張膽。肆行滋擾。總由該將軍等平日吏治廢弛。緝捕疏懈。以致盜賊縱橫。毫無顧忌。且新兵及東西等堡被擾。係何月

日。此股賊匪。人數究有若干。摺內均未詳敘。僅據聲稱。先後拏盜十四名。亦無首犯在內。種種含混粉飾。殊堪痛恨。新兵及東西等堡。距興京究有若干里。該將軍等僅稱距城甚近。尤屬含糊。以上各節。均著該將軍逐層詳細迅速覆奏。並著將此股盜犯。趕緊跟追。勦捕。務期挖殺淨盡。不准一名漏網。儻再任意廢弛。並不實力追捕。徒以欺隱消弭為事。恐不能當此重咎也。所請添設捷捕營馬二百

匹。並添設藍翎長八缺。均著照所擬辦理。大孤山股匪。現在勦辦若何。王明等務當懍遵前諭。嚴督在事文武。速行勦滅。並將首匪徐五等全行捕獲。毋再遷延。致干咎戾。將此由四百里各諭令知之。○以緝捕不力。革奉天防禦景溥。博凌阿。驍騎校依凌阿。西勒敏。通判英錫職。知縣榮昌等下部議處。○以承緝逾限。奉天防禦董永春。知縣瑞福。下部議處。○庚申。調山西按察使鍾秀為陝西按察使。

仍留署山西布政使。陝西按察使陳湜為山西按察使。○

上以孟秋時享

太廟。自是日始齋戒三日。○辛酉。引見四川等省補行朝考拔貢生。得旨。王保基等九名。以知縣試用。廖興哲等二名。交吏部詢問。以教職佐貳等官分用。○旌表守正捐軀直隸清苑縣民李存周女粉姐。煥姐。四川仁壽縣民婦

向李氏。○壬戌。

上以孟秋時享

太廟。前期親詣行禮。○諭軍機大臣等。吳昌壽奏擒匪竄至許州。西趨襄郟。追勦情形各摺。片。捻蹤剽疾異常。由扶溝等處直向西趨。雖經張曜等軍跟蹤緊躡。於許州進擊獲勝。而逆眾並未大受懲創。吳昌壽現令陳國瑞一軍。與張曜合力追擊。著即嚴飭該總兵等奮勇進勦。毋稍停緩。賊已徑趨襄郟。西近汝洛。

北近禹密等處。恐其由此路撲犯秦晉。吳昌壽已派譚仁芳督帶楚勇四營。馳赴河汝交界之臨汝白沙等處。擇要駐紮。務當飭令繞出賊前。與張曜等追師兩面夾擊。並飭扼守虎牢關之副將徐邦道嚴密堵遏。老犍坡一帶亦須加意嚴防。以杜賊匪竄擾秦晉之路。洛河等處船隻。前據吳昌壽奏稱。業已提歸北岸。著卽督飭地方文武。實力奉行。不得有名無實。賊匪志在窺伺秦晉。陝州一路該撫亦應豫籌防範。黃河南北兩岸。尤須加意嚴守。儻賊蹤竄渡北岸。則晉省澤潞邊隘處處喫緊。勢將防不勝防。吳昌壽責無旁貸。自應設法力籌防守。並速辦礮船。梭織巡邏。毋任搶渡。潼關守禦。卽著劉蓉趕緊派撥重兵駐紮。以備迎勦。風陵茅津渡一帶。為秦晉兩省要隘。劉蓉王榕吉。仍當懍遵前奉諭旨。會督兵勇嚴密防守。澤潞兩郡山口要隘。王榕吉當添籌得力兵將分防。務須慎益加慎。不可

稍涉大意。至襄郟西南。路通宛郡。與商雒一帶毗連。武關要隘。既須扼守。南山興安商州等處。亦須豫籌兼顧。著劉蓉分派兵勇。於秦豫交界處所。擇要防堵。毋任賊匪闖入邊境。前經諭令官文。鄭敦謹派兵越境赴豫迎擊。著卽懍遵前旨。迅撥得力將士。由襄郟等處馳赴南陽。會同豫軍合力夾擊。不得稍分畛域。遲延觀望。致干咎戾。賴汶洸任柱等股匪。續由太和邊境竄入淮甯。盤踞焚掠。吳昌壽現派李世玉等帶兵。由省馳援陳郡。著卽飭令實力勦除。以清後路。擒逆股匪。由皖竄豫。喬松年何以並不派兵出境跟追。如果尚有畛域之見。卽屬有負委任。現在髮捻股匪。麇聚豫疆。該省兵力不敷。勦辦著曾國藩喬松年迅飭張得勝。吏念祖等軍。馳赴豫省。會合李世玉等。將賴汶洸等股匪勦除淨盡。並著曾國藩添派官軍。並飭副都統托倫布。富森保等馬隊。星馳前赴吳昌壽軍營。聽候調遣。

其春壽及烏爾圖那遜兩起馬隊亦著曾國藩喬松年速飭赴豫助剿毋稍遲緩皖北是否尚有踞匪官軍現在剿辦情形若何及如何布置一切情形即著迅速馳奏此後皖鄂防剿事宜官文等當隨時具奏毋得仍前濡緩致朝廷久深殷盼曾國藩並著遵奉前旨酌量情形擇要前進駐紮以便就近調度吉林黑龍江等處馬隊調赴各路軍營為數過多屢據該處將軍等奏稱邊防緊要兵力空虛請停調撥吳昌壽所請令善慶前赴吉林等處挑選兵丁二十名之處勢難允行著即飛提曾國藩軍營及喬松年所部馬隊赴豫分撥調度相機剿辦並就地添練馬隊以期制勝所請於陳州款內提用銀十五萬兩之處現在賊勢趨重豫省該處軍餉較他省需用尤亟著曾國藩即行如數撥給俾無缺乏將此由六百里諭知官文曾國藩喬松年吳昌壽劉蓉鄭敦謹並傳諭王榕吉知之○又

諭瑞麟等奏康逆攻撲嘉應州屬經官軍擊退現在移軍進剿張凱嵩奏遵飭劉坤一迅赴新任南甯一軍暫行遵員接統各一摺康逆大股廣聚鎮平來虛竄擾嘉應分撲白渡石峰徑兩處營盤經方耀等軍馳往援剿連獲勝仗該逆全數退回鎮平方耀全軍現已進紮新鋪墟漸薄鎮城力圖攻剿即著瑞麟郭嵩壽督飭該總兵等統兵進剿迅拔堅城盡殲醜類康國器所部閩軍自松源移赴嵩山瑞麟等已派鄧安邦等軍徑抵嵩山以為閩軍嚮導即著左宗棠徐宗幹檄飭康國器會合粵軍節節進逼將鎮城踞匪悉數掃蕩以清餘孽郭松林楊鼎勳所部蘇軍如尚在閩境並著左宗棠飭令速赴嘉應會合進剿不可稍分畛域致誤戎機前據瑞麟等奏霆營叛勇已困守十三都司何以此次又與花旗合股擾及平越汶水等處可見卓興等剿辦不力致被賊匪竄突瑞麟等務當嚴飭卓

興鄭紹忠等軍。實力兜勦。毋稍鬆勁。並著孫長綏嚴飭在防各軍。併力堵勦。毋任竄越。霆營叛勇等股。尚在長甯龍川一帶。江西軍務喫緊。劉坤一自應遵旨赴任。以資調度。張凱嵩現派同知劉培一接統南甯軍務。並派知府覃遠璉幫同辦理。即著張凱嵩將南甯一軍暫交該員統帶。妥籌攻勦。提督馮子材前已飭赴廣西本任。現在諒已啟行。著瑞麟郭嵩燾。催令該提督迅速前進。俟馮子材到後。即著張凱嵩將南甯一軍交該提督總統。以一事權。將此由六百里諭知瑞麟。左宗棠徐宗幹。劉坤一。張凱嵩。郭嵩燾。並傳諭孫長綏知之。○又諭。訥爾濟奏。奇台哈密失陷。巴城孤危。請兵救援。並扎克當阿戰亡。現籌攻守各摺片。成祿奏。新疆事棘。請旨飭撥兵餉。俾得迅速西征一摺。奇台哈密失陷。賊勢鴟張。巴里坤滿漢二營兵丁。僅有一千餘名。文麟招集民勇。亦不足一千之數。訥爾濟文麟現

擬統帶兵勇。進規哈密。以勦為防。第兵力太單。若非關內大兵剋日赴援。恐情見勢屈。巴城亦難保守。成祿已抵蘭州。即可督兵西進。趕緊出關。前經諭令雷正綰酌撥劉正高七營。歸成祿調遣。即著迅速撥往。以厚兵力。該營糧餉。並著楊岳斌督同恩麟籌款給發。毋令缺乏。其成祿現帶之馬天祥趙德正二營。前曾諭令恩麟籌發餉銀。何以兩月之久。尚未支給分釐。著楊岳斌恩麟。迅速籌給。發不准再事延誤。聯捷行抵何處。未據奏報。著即剋期前進。與成祿合兵一處。早日出關。毋得稍涉遷延。都興阿穆圖善雷正綰當懍遵疊次諭旨。迅拔甯靈兩城。即可酌撥兵勇。協同成祿等軍。節節掃蕩。以壯聲援。儻該將軍等以出關為畏途。致甯夏等城久稽克復。必治都興阿穆圖善以糜餉老師之罪。決不寬貸。前據廣鳳等奏。蒙古官兵未習戰陣。又無應手利器。勢難再行撥調等語。所奏係屬實在情

形。訥爾濟擬調烏科蒙兵三十之處。恐亦無濟於事。訥爾濟文麟。惟當就現有兵力。相機防剿。以保危城。其扎克當阿戰歿情形。並著查明。迅奏。前據恩麟奏稱。探聞嘉峪關收復。餘賊併歸肅州。近日黎獻一軍。進剿情形。若何。林之望一軍。現抵何處。著楊岳斌。恩麟。催令督隊前進。會合黎獻所部。迅將肅州踞匪撲滅。以通關內之路。現在哈密既經失陷。賊氛去關甚近。若再與關內之匪勾結一氣。勒

軍機處

奏

辦更形棘手。楊岳斌此時計可抵省。著即將關內關外情形。熟籌布置。其應如何調撥兵勇之處。咨商都興阿。穆圖善。雷正綰。迅速籌辦。不得互相推諉。致有顧此失彼之虞。新疆餉銀。疊經戶部奏撥。除山西等省之餉。均由綏遠城出口。解往烏里雅蘇台等城轉運外。其四川應解餉銀十六萬兩。本令由甘肅解往。著楊岳斌。咨催駱秉章。迅速撥解。即作出關兵餉之用。至湖北等省協解甘餉。前經奏

定數目。即為有著之款。並著楊岳斌。分別催提。以資分撥。甯靈一帶賊勢甚重。且有東竄之意。定邊花馬池一帶。防務尤為喫重。都興阿。雷正綰。務當先其所急。派撥勁旅。會合翁同書所帶之兵。實力截剿。不得任其偷竄。能將後路肅清。於進剿甯靈。亦可無虞掣肘。該將軍等當善體此意。妥籌辦理。訥爾濟。文麟。另摺奏稱。若欲剿滅新疆回匪。必須數十萬精兵。百千萬帑項。尚需數年征殺。數年教養。

軍機處

奏

請飭王公大臣九卿科道等。熟思妥議。應緩應急之處等語。新疆回匪變亂。自應急籌剿辦。有何可緩之處。訥爾濟等所奏。不知其是何居心。實屬糊塗冒昧。此後如不盡心竭力。勉任其難。必重治訥爾濟等。以推諉貽誤之罪。扎克當阿。四月初二日所發摺內。有都司鍾齡業經遵旨正法等語。所辦甚是。至縣丞陶珙。署迪化州知州孔昭恆。並著於拏獲後就地正法。其烏城失守案內之知縣文光。裕

厚現在有無下落。並著查拏研訊。遵照前旨辦理。將此由六百里諭知都興阿。穆圖善。雷正綰。楊岳斌。成祿。聯捷。訥爾濟。並傳諭恩麟。文麟知之。○廣西巡撫張凱嵩奏。俘獲逆首霍十八等正法。報聞。○以整飭營務。打仗奮勇。開復副都統銜。雙城堡總管善慶。原叅處分。並賞還頭品頂帶。仍以副都統簡放。○以廣東石峰徑防守不力。暫革副將林保職。仍戴罪效力。予陣亡都司楊仁。守備王熊彪。千總鄭紀勳。林恩。黃點。祭葬世職。○修造直隸額設暨續增漕糧剝船。從驗米大臣載齡等請也。

大清穆宗繼天開運受中居正保大定功聖智誠孝信敏恭寬毅皇帝實錄卷之一百四十六

民國八年十一月三日議決案：「一、天津新聞報開辦者餘林院等既學士特將此事上為小事外務部及內務部大士等應即查辦此事各  
 理及天津府府等處之學事及十七號等知五級開事知五級開事三十八日有書報二條故查理其議云：六十九日外務部新聞開事轉：開六士等其議應即  
 正以與新聞報之官理等：此事多事的大日新聞公事知一：開事人：六級已等十七大員官定報報院內理理日議之府注云太子太傅留餘等此  
 十七日已等：六級已等十七大員官定報報院內理理日議之府注云太子太傅留餘等此  
 十八日已等：六級已等十七大員官定報報院內理理日議之府注云太子太傅留餘等此  
 十九日已等：六級已等十七大員官定報報院內理理日議之府注云太子太傅留餘等此  
 二十日已等：六級已等十七大員官定報報院內理理日議之府注云太子太傅留餘等此  
 二十一日已等：六級已等十七大員官定報報院內理理日議之府注云太子太傅留餘等此  
 二十二日已等：六級已等十七大員官定報報院內理理日議之府注云太子太傅留餘等此  
 二十三日已等：六級已等十七大員官定報報院內理理日議之府注云太子太傅留餘等此  
 二十四日已等：六級已等十七大員官定報報院內理理日議之府注云太子太傅留餘等此  
 二十五日已等：六級已等十七大員官定報報院內理理日議之府注云太子太傅留餘等此  
 二十六日已等：六級已等十七大員官定報報院內理理日議之府注云太子太傅留餘等此  
 二十七日已等：六級已等十七大員官定報報院內理理日議之府注云太子太傅留餘等此  
 二十八日已等：六級已等十七大員官定報報院內理理日議之府注云太子太傅留餘等此  
 二十九年已等：六級已等十七大員官定報報院內理理日議之府注云太子太傅留餘等此  
 三十年已等：六級已等十七大員官定報報院內理理日議之府注云太子太傅留餘等此  
 三十一年已等：六級已等十七大員官定報報院內理理日議之府注云太子太傅留餘等此  
 三十二年已等：六級已等十七大員官定報報院內理理日議之府注云太子太傅留餘等此  
 三十三年已等：六級已等十七大員官定報報院內理理日議之府注云太子太傅留餘等此  
 三十四年已等：六級已等十七大員官定報報院內理理日議之府注云太子太傅留餘等此  
 三十五年已等：六級已等十七大員官定報報院內理理日議之府注云太子太傅留餘等此  
 三十六年已等：六級已等十七大員官定報報院內理理日議之府注云太子太傅留餘等此  
 三十七年已等：六級已等十七大員官定報報院內理理日議之府注云太子太傅留餘等此  
 三十八年已等：六級已等十七大員官定報報院內理理日議之府注云太子太傅留餘等此  
 三十九年已等：六級已等十七大員官定報報院內理理日議之府注云太子太傅留餘等此  
 四十年已等：六級已等十七大員官定報報院內理理日議之府注云太子太傅留餘等此  
 四十一年已等：六級已等十七大員官定報報院內理理日議之府注云太子太傅留餘等此  
 四十二年已等：六級已等十七大員官定報報院內理理日議之府注云太子太傅留餘等此  
 四十三年已等：六級已等十七大員官定報報院內理理日議之府注云太子太傅留餘等此  
 四十四年已等：六級已等十七大員官定報報院內理理日議之府注云太子太傅留餘等此  
 四十五年已等：六級已等十七大員官定報報院內理理日議之府注云太子太傅留餘等此  
 四十六年已等：六級已等十七大員官定報報院內理理日議之府注云太子太傅留餘等此  
 四十七年已等：六級已等十七大員官定報報院內理理日議之府注云太子太傅留餘等此  
 四十八年已等：六級已等十七大員官定報報院內理理日議之府注云太子太傅留餘等此  
 四十九年已等：六級已等十七大員官定報報院內理理日議之府注云太子太傅留餘等此  
 五十年已等：六級已等十七大員官定報報院內理理日議之府注云太子太傅留餘等此  
 五十年已等：六級已等十七大員官定報報院內理理日議之府注云太子太傅留餘等此

太廟遣孚郡王奕譞恭代行禮。

慈安皇太后安平安室問

慈禧皇太后安。至壬辰皆如之。○諭軍機大臣等。劉蓉奏定邊防軍疊勝。遵旨添兵防守要隘。回首赫明堂心懷叵測。派兵分防邠隴等處。並遵派勁兵前赴潼關防堵。各摺片甘省回匪盤踞靈州大水院等處。時赴定邊交界之區肆行擄掠。經該處防兵截擊殄斃多名。

防範隨時咨商雷正綰設法鈐制相機解散以期消患未形其邠隴鳳略一帶卽著劉蓉檄令總兵劉玉興等軍迅速赴防扼要駐紮並令蕭慶高分兵嚴防藉資策應擒匪竄至許州徑趨襄郟距陝漸近劉蓉現派劉厚基統帶五營前赴金陵關駐紮相機截剿卽著督率劉厚基實力扼防毋稍懈弛惟兵力尚嫌未厚劉蓉能否酌量添撥協守以壯聲威之處著迅速籌辦劉蓉另摺奏遵籌雷正綰



軍食已飭甘泉等縣湊撥倉糧二萬石。並飭北山附近州縣勸捐米糧。惟運費無款可籌。請飭慶陽糧臺自行籌辦等語。卽著楊能格籌備運腳自行轉解。以裕軍糧。將此由六百里諭知楊岳斌劉蓉並傳諭楊能格知之。○又諭劉蓉奏雷營軍糧需費繁重。請飭催各省協撥月餉。並請飭撥湖南釐金協濟甘餉。各一摺。雷正綰一軍進攻靈州。因甘省向不產糧。是以諭令劉蓉督飭藩司將雷正綰軍

營糧食寬為籌備。茲據劉蓉奏庫款竭蹶。積欠累累。若再採辦甘省軍糧。斷難籌此鉅款。轉運之費繁多。亦屬難辦。所奏自係實在情形。惟雷正綰攻勦靈州賊匪。正當喫緊。甘省購糧維艱。設因餉需不繼。貽誤戎機。所繫誠非淺鮮。著官文鄭敦謹王榕吉各將月撥雷正綰協餉。按月如數委解慶陽糧臺。卽由楊能格將此項餉銀採買糧石。轉運雷正綰軍營。以資兵食。至所稱陝省彫敝特甚。懇撥湖

南釐金協濟甘餉。以紓陝力。各節陝甘兩省唇齒相依。理宜竭力援甘。惟陝省自遭逆回之變。地方彫敝。過甚。人民多未復業。土地荒廢。戶鮮蓋藏。以頻年積困之區。責令強協鄰省。深恐力不能支。反滋貽誤。從前曾國藩奏請裁撤東征釐局。當以所奏係為體恤商情。培養元氣起見。用特允其所請。諭令將東征局卡概行停止。仍酌擇貨物數種。暫留釐金數成。作為協甘之餉。原為甘省需餉浩繁。必須寬為籌備。方可收飽騰之效。現在各省指定之款。既不能悉數如期解到。而陝省又不能就近兼籌。短絀情形深為可慮。劉蓉請仍撥湖南釐金暫資接濟。俟兩三年後隴境肅清。再行奏請停止。其通盤籌畫。實為大局起見。著李瀚章斟酌情形。實心區畫。儻能有裨國用。無損民生。卽將東征局釐金照舊抽收。接濟甘餉數年。俟隴省軍務肅清。再行停止。於西北大局甚有裨益。髮捻現在西窺秦晉。

本日據劉蓉奏派劉厚基統帶親兵五營駐紮金陵關兵力尚恐單薄。晉省風陵渡一帶自必設有防兵。著王榕吉飭令在防兵將與劉厚基防軍聯絡堵禦。以壯聲勢。將此由六百里諭知官文。鄭敦謹。李瀚章。並傳諭王榕吉知之。○甲子諭內閣。孫長紱奏保在省會辦軍務籌備餉需司道局員。開單請獎一摺。上年匪竄江省。經前任巡撫沈葆楨調度各軍協力禦侮。得以轉危為安。其打仗出力各

員。一經奏請獎敘。無不立沛恩施。至在省司道各局員。籌餉勸捐。係屬分所應為。該護撫甄鋪張勞績。濫保多員。實屬有意見好。所請著不准行。○諭軍機大臣等。都興阿等奏分營圍勦甯郡。並雷正綰軍進勦失利一摺。雷正綰自進勦靈州後。久未見其奏報。茲覽都興阿等所奏。該軍於初七日攻打金積堡失利。由惠安堡退至韋州。所部零落。不成隊伍。曹克忠不知退在何處。魏添應一軍亦退至

姬家園地方。是該軍此次挫敗情形甚重。賊勢益肆。鴟張甯靈回匪。皆將狡焉思逞。而都興阿等後路花定一帶。尤為可慮。都興阿現派都司李大楷前赴韋州。查探雷正綰等軍情。著即將甯郡前敵各營。一面布置穩慎。一面迅速抽撥重兵。回援後路。與雷正綰等軍相機援勦。毋稍遲誤。雷正綰趕將所部潰勇設法招集。力圖整頓。剋期再舉。該署提督素稱善戰。軍律尚嚴。何以敗衄至此。難保非為

該回求撫所誤。此後當妥為防範。萬不可輕為議撫。致墮狡謀。甘肅軍情日緊。楊岳斌何以仍無抵省信息。實屬延緩。著趕緊馳赴省城。與都興阿、雷正綰等咨商調度。迅籌策應。其金積堡失利情形。及曹克忠現在何處。並著雷正綰迅即馳奏。橫城、花馬池定邊一帶人心惶惶。該處兵力本不甚厚。此時賊勢更熾。若再乘銳東竄。勢必掣動全局。著都興阿嚴飭翁同書督率各軍。加意嚴防。遇賊即擊。

劉蓉仍飭駐防定靖一帶之同知鄔太愚等軍會同甘省防軍扼要堵剿毋稍疏虞山西邊外防務亦關緊要德勒克多爾濟王裕吉務當會商妥籌將綏遠城等處之防嚴密布置毋得臨渴掘井致滋蔓延將此由六百里諭知都興阿穆圖善雷正綰楊岳斌德勒克多爾濟劉蓉並傳諭王裕吉知之○盛京將軍玉明奏偵探盜匪出邊飭兵追剿得旨著嚴飭恩科等會合吉林蒙古官兵一體兜剿總期殄滅無遺毋再以空言敷衍又奏請將稟報盜匪遲延城守尉清凱議處批清凱著交部議處所報被擾情形恐有不實不盡仍當嚴密查訪設法辦理毋徒以一叅了事○以江西南安府城解圍並龍南等處防剿出力賞總兵官劉平壽巴圖魯名號知府黎兆棠守備曾毓元等花翎縣丞曾傳鑑等藍翎餘加銜升敘開復有差○以湖南擒誅叛將曹元興出力予千總鄒萬年等升敘開復有

差○以江西各屬陣亡殉難生員金桂林等紳民婦女一千三百五名口分別旌卹如例○乙丑諭內閣李鴻章奏請將已革道員家產發還等語已革署浙江甯紹台道張景渠前在關道任內動用浙海關第四五結二成扣款當經降旨將該員家產查抄備抵茲據奏稱該員前在甯波道任內尚得民心且聯絡弁兵乘閒克復鎮海並克甯波紹興各府城著有勞績前欠銀兩現已分結交清所有張景渠查抄家產著准予發還收領○又諭滿慶恩慶奏扎什倫布扎薩克喇嘛呈進年班貢物一摺本年輪應扎什倫布呈進貢物之期惟現在西甯一帶道路尚未疏通所有該喇嘛此次年班貢物著俟下屆年班時一併呈進以示體恤○諭軍機大臣等恩合奏招佃開種牧廠地畝並開挖河道工竣暨擬請安設營汛事宜各摺片廣甯屬界牧廠荒地經恩合招佃認租照依近年吉林章程分

則收取押荒銀兩撥給盛京等處兵丁分領津貼並將牧廠地內洩水河道溝渠開挖完竣辦理均甚妥協所有動用押荒銀兩等款著免其造冊報銷並免由佃民名下著追歸款恩合現赴吉林新任慶春業已到錦該處尚未招佃之荒地即著慶春督率委員依勒通阿等照章妥辦其牧廠東北隅高山子地方接連牧廠曠閒荒甸一段約可開地數萬畝經恩合委員丈勘附近居民聲稱內有旗民納課田地詰以何人承領輒又不能指實難免有影射情弊著玉明寶珣德椿轉飭各該地方官認真清釐畫明地段除實係旗民納課田地外餘騰荒段均撥歸牧廠一律招佃徵租其義州教場曠閒處所約可墾地萬餘畝並著慶春迅行查辦招佃起租作為該城兵等伍田如有侵占含混等弊並著覈實經理所有隨同恩合招佃墾荒調挖水道節年在事出力人員著恩合確切查明覈實請

獎毋許冒濫恩合擬於新開牧廠地畝之盤蛇驛安設營汛由盛京揀派佐領一員作為總管驍騎校二員作為委防禦東西界官帶兵二百名駐守專司催科捕盜事宜並酌擬章程十七條均尚周妥即著照所議辦理著玉明遴派委員前赴該處先將衙署營房興修完竣即揀派總管界官帶兵駐守以資捍衛恩合所擬章程各條著抄給玉明等閱看並由該將軍悉心經理此外如有未盡事宜仍即隨時籌畫奏明辦理將此各諭令知之○又諭李鴻章奏援閩蘇軍航海回滬現今暫紮鎮江再商調遣一摺郭松林楊鼎勳等援閩之十六營崎嶇轉戰疲憊異常業經凱撤回蘇自應暫行休養郭松林謀勇夙優受恩深重自必以國事為急現已降旨賞假四箇月回籍料理葬事屆期即著銷假以副委任所有松字營兵勇著暫交楊鼎勳兼統前赴鎮江駐紮聽候會商李鴻章相機

調遣髮逆馬隊頗多行蹤飄忽曾國藩前奏扼要設防分道兜剿務使該匪東出西沒皆不能出吾網羅之外深得致人而不致於人之法現在該匪分竄豫境南股已抵淮甯西股徑趨襄郟雖經吳昌壽飭令陳國瑞張曜等督勇追剿恐難遏截兇鋒晉省完善之區並無得力勁旅設被竄擾關繫非輕著曾國藩速派劉銘傳等軍循河西上酌量水陸兩路孰為便捷馳赴洛陽以西一帶扼要駐紮

與秦晉防兵聯絡聲勢相機防剿俾賊不得分竄擾及完善劉蓉王榕吉各宜懍遵疊次諭旨督飭將弁嚴密防剿毋得稍有疏虞自取罪戾曾國藩是否已回駐徐郡皖豫各軍若何布置所調馬步各隊曾否齊赴豫境追躡賊蹤該大臣務當隨時馳奏以慰廑念在籍中允馮桂芬才識若何品行有無可取李鴻章自必知之甚悉著即據實奏聞前任御史薛鳴皋是否尚在山西並著王榕吉查明

具奏將此由六百里諭知曾國藩李鴻章吳昌壽劉蓉並傳諭王榕吉知之○又諭前因勞崇光張亮基奏報擒獲逆首包茅仙正身摺內稱據獲賊供稱銅仁團首李丕基雷洲有與包逆暗通往來等情當降旨交張亮基研訊茲據都察院奏該團首李丕基等遣抱以挾恨唆誣等詞來京呈訴據稱係甘佃目團首李國士挾伊勸捐之嫌買唆逆黨包林林誣扳湖南周鎮輕聽賊供勢將用剿等語此案李丕基等是否通賊抑係被誣仍著張亮基親提人證秉公確查究辦未可遽信一面之詞興師動剿致滋他變並行知李瀚章飭令周洪印遵照辦理可也原呈稟二件均著鈔給閱看將此諭令知之尋曾璧光奏查明團首李丕基實係從逆捏詞京控希圖掩飾業經拏獲訊明正法下部知之○暫署兩江總督李鴻章奏丁憂署福建陸路提督郭松林呈請開缺回籍終制得旨郭松林帶兵

素能得力。在江浙等省屢著戰功。著毋庸開缺。賞假四箇月回籍。一俟假滿。卽前赴江蘇軍營聽候調遣。○以蒙混收捐革江蘇署知州熊嘉澍。署知縣沈方煦職。○予江蘇蘇州合門殉難在籍知縣石峻華祭葬世職。眷屬人等分別旌卹如例。並建專祠專坊。○予江南江甯殉難民人方傑妻譚氏。張省菴妻賀氏。旌表如例。○予江西各屬殉難教諭張其琳等紳民婦女二千五百六十八員名口分

別旌卹如例。○予四川重慶等處節年陣亡弁勇一千一百四十員名賞卹如例。○丙寅諭軍機大臣等。王明等奏擬添官兵勦賊現辦情形一摺。據稱奉省東路托伙洛等處賊匪竄至大輞子溝八家子一帶滋擾。經協領恩科帶兵追勦。僅斃賊數名。旋為另股賊匪衝突失利。軍械失落。所獲礮車復被賊匪奪回。現經添兵前往助勦等語。此股賊匪聚集至數百人之多。竟至擾及興京附近一帶。實

屬形同叛逆。若不及早蕩除。為患何可勝言。自應廣籌經費。添派重兵。將該匪勦除淨盡。以期永絕後患。王明等於恩科所帶馬隊三百餘名。復添派協領古尼音布。德印。帶馬步兵一千名。馳往勦洗。是兵力較前已厚。惟器械必須精利。打仗必須實力。且必須分作正兵奇兵。使前後左右均有接應。隊伍紀律均須約束嚴明。切不可貪賊所遺財物。致為所乘。恩科之由勝而敗。王明等當引為前車之

鑒。庶免再蹈覆轍。駐省之備派官兵千名。固須逐日認真操演。而城內人煙稠密。奸宄潛伏。尤宜設法稽查。免致省城虛實為賊所悉。至派往之恩科等所統之兵。總宜嚴飭盡殲賊匪。為度不准以山深林密。駐守邊界。豫為託詞。諉卸地步。懍之將此各諭令知之。○又諭劉長佑奏。遵查大順廣道及沿河州縣尚堪勝任。並酌保賢能以備簡用一摺。大順廣道范梁。既據該督奏稱該員平日留心吏治。

於綏境安民諸事頗能認真前次帶勇駐紮開州防堵尚無貽誤卽著無庸更換惟該處毗連東境向為教捻各匪出沒之區全在地方官振作有為將境內潛匿匪徒查拏淨盡方能消患未萌免致勾結外匪貽害地方卽著該督嚴飭該道督同府州縣各官實力整頓保衛生民儻敢因循怠惰仍著劉長佑隨時奏明更換毋稍姑容單開酌保之徐繼鏞楊毓枬段廣瀛等三員卽著該督擇其尤為

得力者委令幫同該道范梁妥為經理以重地方開州知州楊詠春等均能督團禦賊於附近河套各缺尚堪勝任並著該督責令該員等隨同范梁實心經理仍隨時留心察看毋稍遷就儻能始終不懈卽著該督酌量保奏不准冒濫將此諭令知之○又諭劉長佑奏請飭撥留防兵勇月餉等語直東交界留防各起兵勇並水師馬隊統計尚有一萬有餘需款甚鉅前經撥定山東山西兩省每月

協濟銀三萬兩以資應用劉長佑現以潘鼎新一軍駐紮濟甯係在山東地面該軍月餉請改歸東省就近應付卽於應解直隸協餉內劃抵惟潘鼎新軍餉前本諭令直東兩省籌濟若專歸山東支放直隸不復與聞萬一接濟不及將任聽該軍譁潰漠不關心殊非通力合作之意且直省設須調用此軍必至呼應不靈所有潘鼎新軍餉仍著劉長佑兼顧卽山東協餉有時或未能剋期照撥劉長佑仍當隨時設法籌給不許推諉至山西應解協直餉銀既據劉長佑奏稱量為通融每月暫先停解一萬兩為數較少自易為力著王榕吉卽將協解直隸月餉自本年五月起按照二萬兩之數每月迅速委員解交直隸以濟要需經此次酌減之後王榕吉必須按月照數籌解毋得稍有短絀致滋貽誤將此由五百里諭知劉長佑並傳諭王榕吉知之○又諭前因潘鼎新統帶淮勇各營由津赴



東所有該軍餉項當經諭令直隸山東兩省接濟所有山東應解直隸協餉每月三萬兩著閻敬銘迅速籌解俾劉長佑將應解潘鼎新餉按數接濟庶免貽誤大局至山東應解潘鼎新軍營月餉仍著閻敬銘按月解交不准稍有延緩將此諭令知之○又諭明緒奏巴燕岱古城失守塔城危困伊犁孤危並已革伯克通賊大股賊匪攻城督兵解圍情形各摺片巴城失陷穆克登額全家殉難亦

經降旨優卹建祠所有隨同殉節之文武員弁著明緒卽行查明奏請賜卹古城失守後道路梗阻聲息難通疊經嚴催成祿鶴齡等出關援剿文麟於奇台哈密失守後有先勦哈密之議已諭令訥爾濟文麟竭力妥辦明緒務須設法偵探以期消息相通明緒以塔城緊要派布爾和德調兵援救甚屬急公著卽飭令會同武隆額等合力勦辦迅解城圍布爾和德卽准其署理庫爾喀喇烏蘇領隊

大臣以專責成東路既經屢次獲勝賊眾敗遁明緒務當督飭在事各員弁統帶得勝兵勇進規綏來縣城為得步進步之計但須穩慎圖功未可恃勇輕進回眾數萬攻撲伊犁並有哈薩克助逆明緒派額騰額等分隊堵禦數月之中屢次獲捷該回復撲綏定馬兵博清額臨陣退縮明緒立斬以徇官兵爭先效命殺賊並將紅衣賊首殲斃城圍立解逆匪旋又撲城亦經調到官兵奮力勦洗明緒

調度得宜深堪嘉尚仍著隨時訓練認真防範毋稍大意哈薩克助逆必須重加懲創察哈爾官兵徵調不至且與回匪有暗中勾串情事著將該總管等指名嚴叅以杜取巧所需餉項已諭令廣鳳等速解並諭知戶部寬為籌備矣另片奏借俄兵勦賊兩次行文西悉畢爾衙門據江達拉里來咨抑揚其詞種種觀望請飭下總理各國事務衙門諭以大義等語借兵相助一節前據明緒奏到卽經



諭令總理各國事務衙門。告知該國住京公使。妥商辦理。昨據該衙門奏稱。連日與俄使晤商。並往來函覆情形。該使以該國邊界多事。意甚為難。雖未明言不允。而推諉之情。已在言外。是借兵一事。都中辦理殊無把握。且利害相等。後患亦不可不防。自未便過於相強。明緒辦事尚能實心。如能就近與西悉畢爾衙門相商。通融辦理。朝廷亦不為遙制。該使函內既有購買槍礮等情。及中國所欲苟

為該國所能。宜無不允等語。明緒惟當斟酌情形。相機商辦。諸凡能稍資其力。均可為目前戰守之助。其哈薩克助逆為患。俄國已將其帶兵頭人拏去。正可因勢利導。俾其力除此股匪徒。與伊犁亦不無裨益。並著明緒妥為籌辦。至所稱拏去之哈薩克頭人。是否卽係綽坦。著明緒設法查明具奏。將此由六百里諭令知之。○又諭明緒奏餉需艱窘。請飭科布多參贊大臣。如有餉項解到。迅借由俄

國邊卡轉解伊犁等語。前據廣鳳等奏。已將伊犁餉銀五萬兩。交伊犁委員三音布等。由俄國臺站轉解回伊。惟現在該城軍務緊急。需餉甚繁。一切支應。刻不容緩。著廣鳳奎昌嗣後遇有解到科城之伊犁餉銀。無論多少。陸續知照伊犁委員。解由俄國邊卡轉遞。務期隨到隨解。毋誤急需。將此由五百里各諭令知之。○引見各省考取優貢生。得旨。王伯方等二十九名著。以知縣用。王敬銜等十九

名著。以教職用。○護陝甘總督恩麟奏。哈密賊勢猖獗。辦事大臣扎克當阿陣亡。安西震動。得旨。扎克當阿之子。著恩麟飭屬妥為護送入關。安西一帶防守事宜。著督飭玉斌等妥籌辦理。毋稍疏虞。又奏。曹克忠進勦金積堡。獲勝。昨據都興阿等奏。雷正綰一軍進攻金積堡。失利。已諭令該提督招集陝勇。力圖整頓。恩麟務當速籌糧運。源源接濟。毋得顛預誤事。○賞已革正紅旗漢軍副都統富

勒敦泰藍翎侍衛。為伊犁巴燕岱領隊大臣。○以雲南楚雄協副將麟志為臨元鎮總兵官。○以甘肅河州等處集團防隘。疊著戰功。賞千總嚴紹先等藍翎。餘升敘開復有差。○以伊犁擊賊獲勝。立解城圍。賞領隊大臣崇熙等副都統銜。佐領烏勒德春。伊克坦布。巴圖魯名號。員外郎增智。遊擊張忠等花翎。筆帖式烏爾圖那遜等藍翎。餘加銜升敘開復有差。○以伊犁東路勦賊獲勝。賞佐領薩琳

泰等花翎。章京錫拉春等藍翎。○以勾通賊匪。革伊犁署伯克阿布都魯素愛瑪特職。○予巴燕岱城殉難領隊大臣穆克登額祭葬。世職加等。建專祠。○以遺愛在民。追予甘肅泰州陣亡知州托克清阿謚剛烈。並入國史循吏傳。○予湖北雲夢殉難壽民戴修恭等男婦十一名口。分別旌卹如例。○丁卯諭內閣。文謙奏請借撥銀兩。供辦要差一摺。本年九月二十二日。

文宗顯皇帝梓宮

孝德顯皇后梓宮奉移

定陵永遠奉安。所有風水禁地內。經由道路。應搭橋梁。修墊道路。暨擇要修理行宮等處。各項工程。所需錢糧。均係要款。著直隸總督飭令藩司。無論何款。迅即借撥銀一萬二千兩。派員解往。以濟要需。不准遲延短少。此項借款。著文謙於此次差竣後。將用過銀兩細數。造具清冊。咨送直隸總督藩庫。查照泰甯鎮

恭辦

慕陵永遠奉安成案。照例覈銷。○又諭據張亮基奏。分發陝西候補知縣白振采。前經調赴貴州。勦賊出力。得有保舉。曾奏請將該員原保官階。帶赴陝西。接准吏部咨稱。以與例不符。應撤銷送部引見。該員隨營三載。隨同克復黔西州城。甚為出力。懇仍照原請獎勵等語。白振采雖係分發陝西人員。經張亮基奏明。帶往貴州差委。與中途逗遛藉稱投效者

不同。且貴州亦係軍務省分。尚非規避取巧。白振采疊次保舉原案。准其帶往陝西。改為補知縣缺。後以同知直隸州知州遇缺卽補。並賞加運同銜。仍著暫留貴州。俟軍務稍靖。再行赴部引見。○又諭前據張集馨奏。陝西懷遠縣知縣鄒常泰病軀纏棧。諸事廢弛。當經降旨將該員勒令休致。茲據劉蓉奏。稱查明該員樸實穩練。精力正強。並無廢弛公事。亦無疾病。原奏係一時之誤。實堪起用等

語。前任陝西懷遠縣休致知縣鄒常泰著開復原官。仍留陝西補用。前署陝西延榆綏道何丙勳於屬員之是否勝任。並不細察。輒誤聽人言。將該員稟請撤任。以致鄒常泰竟遭廢斥。實屬疏忽。何丙勳著交部議處。○諭軍機大臣等。有人奏髮捻各匪竄入東境。巡撫毫無布置。藩司縱勇殃民。恐誤大局。一摺。據稱張總愚等股由河南竄入東境。旋擾江南。贛榆復回竄山東。郟城等境。僧格林沁盡力

追勦。閭閻銘安。坐省城並不發兵守隘。任賊奔突。致該大臣遇伏陣亡。藩司丁寶楨帶勇出省。行至蘭山縣。聞賊竄江南。並不擇要駐紮。遏賊歸路。輒卽折回。嗣後出省防堵。離賊甚遠。始終未與賊遇。並縱令兵勇淫掠焚擄。閭敬銘置之不問。各等語。以上所奏該撫等措置失宜。各情。如果屬實。殊負委任。卽著曾國藩按照所奏各節。確切查明。據實具奏。毋稍徇隱。另片奏。山東郟城縣知縣周士溥於

賊匪攻撲楊家圩之時。並不督率兵勇。力為援救。以致被匪攻陷。肆行殺戮。情殊可恨。著該督一併查明。參辦原摺片均著鈔給閱看。髮捻各股賊匪由皖北竄擾豫境以後。近日賊匪情形。並勦辦機宜。久未據該大臣奏報。並著迅速馳奏。以慰廑繫。前有旨將陳湜調補山西按察使。令其辦理防務。本日據王榕吉奏到籌防情形。復諭令吳昌壽派兵會同山西防兵。聯絡堵勦。以壯聲勢。惟山西兵加

究恐單弱。仍著曾國藩飭令劉銘傳等軍馳赴豫省西北一帶。繞出賊前。擇要堵禦。以固秦晉之防。將此由五百里諭令知之。○又諭王榕吉奏派兵籌防。並添撥礮位。扼守沿河要隘。一摺。山西潞澤一帶。自風門口東灘渡。以及平陸縣之茅津渡。永濟縣之風陵渡。中間大小數十口。縣互六百餘里。與陝西之潼關。河南之靈閼陝州。均止一河之隔。王榕吉因處處設兵。無此兵力。現撥銅鐵礮位二百尊。挑選礮兵六百名。派參將恩瑞押運河干。分段安設。並於安礮處所。堅築土壘。俾兵勇得以護身。所籌尚合機宜。即著督飭鄧裕生及恩裕等。妥籌布置。不得有名無實。徒託空言。並著王榕吉檄飭楊寶臣。馳往垣曲等處。會同和昌激勵兵團。認真防守。風陵渡為西南入晉門戶。並著責成李慶翱。王巨孝等。協力嚴防。不得稍有疏失。至濟源縣之風門口。地居要害。王榕吉已撥遼州防兵五百名。前

往駐守。吳昌壽亦當酌派勁兵。協同守禦。毋令容兵孤懸。新調山西按察使陳湜。前有旨令其接辦防堵事宜。該臬司不日即可到晉。所有晉省防務。王榕吉務當與之熟籌妥辦。俾免疏虞。本日據武隆額奏。塔爾巴哈台回匪變亂。勦辦喫緊。惟經費支絀。飢軍潰散。堪虞。請飭山西巡撫於部撥新疆銀四十萬兩。先行籌撥銀三萬兩。內扣銀一萬兩。即由山西採買茶布。由烏里雅蘇台科布多草地一併轉解來塔。以便搭放兵餉等語。著王榕吉按照武隆額所請。迅速動款採買。派員解赴塔城。毋許遲誤。干咎。將此由六百里諭知吳昌壽。並傳諭王榕吉知之。○又諭武隆額奏圍攻禮拜寺。逆回情形。一摺。塔城回匪變亂。經武隆額督兵固守城池。轉世喇嘛帶領馬隊奮勇攻勦。均堪嘉尚。該逆盤踞禮拜寺。堅守不出。其勢自己窮蹙。且寺內匪眾僅有三百餘人。無難併力圍攻。悉殲醜類。著武隆額

督飭官軍奮勇進剿。務將該寺逆回悉數殄除。斷不可任其乘閒他竄。復形滋蔓。哈薩克為回匪勾結。屢次擁眾內擾。亦經轉世喇嘛帶兵擊散。難保不去而復來。仍著武隆額加意嚴防。督飭官軍扼紮要隘。遇賊即擊。毋令匪蹤深入。轉世喇嘛棍噶扎勒參打仗勇往。應如何優獎之處。著武隆額仍遵前旨迅速查明具奏。土爾扈特蒙古官兵武隆額於調到後。務須申明紀律。加之訓練。以期得力。伊犁佐領巴霞先經明緒派令統帶土爾扈特兵剿賊。全行潰散。嗣經武隆額疊次嚴催。帶兵赴援。置若罔聞。駝馬處章京主事職銜巴彥圖。於回匪變亂之時。私自出城逃走。並將關防遺失。且揚言塔城已失。惑亂眾心。情殊可惡。巴霞、巴彥圖均著即行革職。該二員現由土爾扈特遊牧潛赴科布多烏里雅蘇台一帶隱藏。著明諱麟興、車林敦多布、廣鳳奎昌一體嚴密訪查。於拏獲訊明後。即行就地

正法。以昭炯戒。革員陳孚恩現在明緒處。隨同辦事。崇熙已簡放伊犁。領隊大臣武隆額請調該二員辦理文案之處。均毋庸議。署領隊郭羅那督兵擊賊。以致遺失關防。情尚可原。著免其議處。將此由六百里各諭令知之。○護陝甘總督恩麟奏。民團挖獲逆回致署武威縣知縣汪培慶書信。現經撤任查辦。得旨。汪培慶著即調省查訊。惟書信情節支離。顯有誣陷情弊。恩麟當督屬認真研鞫。務成信讞。○雲貴總督勞崇光奏。苗教各匪竄擾餘慶署。知縣黃啟蘭剿賊獲勝。得旨。仍著飭該署令等激勵紳團。嚴密防剿。毋稍鬆勁。○以陝西肅清全境出力。賞知府呂雋孫等花翎千總李洪勝等藍翎。餘加銜升敘有差。予陣亡外委張得勝祭葬。世職加等。○以甘肅涇州防剿出力。賞參將范銘巴圖魯名號。都司孫登策等花翎。從九品劉振采等藍翎。餘加銜升敘有差。○予甘肅肅州陣亡道員恆

齡護總兵官遊擊德祥遊擊英蘭祭葬世職加等○追予甘肅固原合門殉難道員萬金鏞祭葬世職加等萬金鏞眷屬十八名口暨官紳男婦一百三十四員名口分別旌卹如例○追予甘肅鹽茶廳陣亡署總兵官參將萬年新祭葬世職如總兵官例同知莊裕崧祭葬世職如道員例照唐胡枚等祭葬世職予甘肅甯朔被戕知州劉湛祭葬世職加等以貴州石阡府城被賊竄陷旋即收復

免府經歷李雲昇查辦予陣亡署知府嚴謹署都司陳定元從九品嚴誠祭葬世職加等均建專祠○豁免陝西乾甯陝孝義鎮安四廳州縣被擾地方上年未完糧石○戊辰諭內閣戶部奏請將捏造部文冒領地畝人犯飭部從重定擬一摺戶部管理各項地畝關繫錢糧出入乃近年以來竟有不法之徒捏造該部印文希圖冒領地畝舞弊營私目無法紀疊經該部查出先後奏交刑部審訊惟

刑部律文緣情定法輕重各殊儻該犯等飾詞狡展避重就輕則作奸犯科者必至益無忌憚著刑部於定案時查照例案從重定擬毋得稍涉寬縱以彰憲典而儆效尤○予山東曹州陣亡把總劉振英祭葬世職○予山東曹州等處陣亡殉難紳民婦女四千九百四十四名口分別旌卹如例○己巳諭軍機大臣等前據崇實駱秉章疊奏藏兵搶掠騷擾圍攻土司住寨等情先後諭令景紋將此

項土兵壓令折回茲據景紋奏瞻首侵占各土司邊界擾塞川藏大道久為邊患今經被害難夷約會藏兵收復土司各地圍攻瞻首老巢勦辦正在得手礙難遽行撤回現派員彈壓等語駱秉章前奏瞻對已與明正土司具結息爭景紋又稱藏兵攻打瞻匪正在得手不日可以勦滅所奏情形互異現在瞻對究竟是否尚在構兵史致康係熟悉情形之員其所稟現在情形與景紋有無異詞著崇

實駱秉章查探確情。據實具奏。此項藏兵。既據景紋奏稱。暫難撤回。卽著該大臣飭令派出各員。前往彈壓。妥為開導。務令該兵各安本分。恪遵約束。毋令滋生事端。擾害地方。該兵人數眾多。若駕馭失宜。恐滋尾大不掉之虞。景紋惟當督飭委員。設法防維。不可稍涉大意。該大臣現由裏塘前進。卽著星速進行。趲程赴藏。毋稍逗遛。以副委任。將此由五百里各諭令知之。○以鑲白旗滿洲都統倭什

琿布暫署正白旗蒙古都統。鑲白旗滿洲副都統何永安署鑲黃旗護軍統領。鑲白旗蒙古副都統福鈐署正藍旗護軍統領。正紅旗漢軍副都統增慶兼署鑲紅旗漢軍副都統。○庚午諭內閣。奕劻等奏。

陵寢外圍牆垣。聞有坍塌。應否修理。請旨遵辦。一摺。據稱查看圍牆。自正關城起至葦子峪止。共坍塌劈倒三十段。計長五十餘丈。牆垣甃頂脫落一層至二三層不等。共一千二百

九十餘丈。水洞木樁殘缺損壞處所甚多。所需工料錢糧。永濟庫無項可籌。若暫緩請修。誠恐日久情形愈重。修費更鉅。各等語。毓祿現在赴

陵查工。該侍郎到工後。卽著會同奕劻載岱文謙。將此項外圍牆垣坍塌情形。一併敬謹查勘。奏明辦理。○諭軍機大臣等。鮑超奏力疾起程日期一摺。霆營叛勇。現與花旗股匪合併。竄繞興甯一帶。大為江粵邊境之患。鮑超

擬於六月二十八日。力疾起程。赴鄂募勇。往勦。具見以國事為重。惟兵在精不在多。鮑超此次召募新勇。尤當慎重簡選。嚴明約束。務使增一勇得一勇之益。總以三四營為率。不准再多。尤不准再以無賴之人。雜廁其間。致貽後患。宋國永覆轍具在。該提督當時時引以為鑒。不可稍涉大意。所有該營一切應用餉項。卽著官文鄭敦謹李瀚章孫長祿妥為籌畫。設法協濟。俾利進行。康逆大股尚踞鎮



平叛勇又於江粵交界出沒無常。鮑超一軍應由何處先行進兵。並著與左宗棠等妥商辦理。鮑超到江西後一切進止機宜。即著歸左宗棠節制。以一事權。婁雲慶所帶各營。本係鮑超舊部。將來即可仍由該提督調度。庶呼應靈通。勦賊必更得力。將此由五百里諭知官文。左宗棠。鄭敦謹。李瀚章。並傳諭鮑超。孫長絨知之。○又諭雷正綰奏兵精缺乏。疲餒致挫。自請嚴議一摺。雷正綰與曹克忠兩軍進攻金積堡回巢。因糧運不繼。兵眾飢疲。冀力破逆巢。因糧於賊。致為堡外伏賊包抄。後路兩面受敵。傷亡員弁勇丁二千餘名。軍械多為賊擄。覽奏曷勝憤懣。統兵大員。全在謀定後動。出奇制勝。方能所向有功。雷正綰於官軍進攻金積堡時。地係河套。水草全無。後路糧道既為賊匪分股阻截。附營溝渠。又為賊眾所掘。水道被洩。致官軍飢渴交乘。兩次被堡外伏賊包抄。後路究屬先事未能審

慎。致令全軍挫衄。損折良多。該提督自請嚴議之處。本屬咎有應得。姑念該提督此次力行進攻。尚無退縮情事。著從寬改為交部議處。嗣後該提督務當收集散勇。重整軍威。力籌攻克金積堡。為陣亡員弁勇丁雪此憤恨。上兵伐謀。總須以計畫為先。不可徒恃血氣之勇。至糧運為軍行要需。楊岳斌。恩麟。務當力為籌解。源源接濟。不可稍緩須臾。致令飢軍譁潰。並著楊能格趕緊就慶陽一帶迅速採買糧石。設法運解。分濟雷正綰。曹克忠各營。不得推諉延緩。致誤大局。陣亡員弁勇丁著雷正綰查明請卹。將此由六百里諭知楊岳斌。雷正綰。並傳諭恩麟。楊能格知之。○又諭林鴻年奏暫移川滇邊界。候撥餉需。再圖進取一摺。林鴻年留駐川省。為時已久。現在滇省巡東事機順手。自應剋期前往辦理。以慰該省士民之望。林鴻年擬赴敘州地方。暫為駐紮。相機節節規取。所見尚是。惟餉需無



著自不能不藉川省協濟。前經疊諭駱秉章隨時量為接濟。諒該督必已竭力籌畫。川省現在勦辦黔匪。固須寬籌餉項。而林鴻年既進規滇省。餉需亦必不可少。駱秉章總當力顧大局。先行籌給銀數萬兩。以後仍按月源源撥濟。俾辦事不至棘手。林鴻年即迅速前進。次第籌辦。不得以待餉為辭。遷延觀望。致干咎戾。另片奏請將逾限之已革府州縣各員。隨營效力等語。著照所請。所有已革激江府知府朱鴻等三員。均准其隨營效力。以贖前愆。儻不能得力。即著林鴻年隨時參撤。將此由五百里各諭令知之。○予江南江甯殉難知府瞿敬邦祭葬。世職文生張繼庚等賞卹如例。合門殉難文生王金洛暨眷屬三十名口分別旌卹如例。並建專祠專坊。○予湖北咸甯被戕知縣羅琳祭葬。世職加等。○予安徽婺源殉難從九品戴鴻藻等紳民婦女二千八百十九員名口分別旌卹如例。○辛

未

孝靜成皇后忌辰。遣官祭

慕東陵。○諭內閣御史汪朝榮奏道光十二年

七月間。曾奉

宣宗成皇帝諭旨。令督撫以至州縣各衙門。將

雍正六年六月十七日。

世宗憲皇帝所頒興利除弊舒民氣而召

天和諭旨一道。俱恭錄一通。懸諸大堂。隨時懷

省。現在江浙兩省新復地方。衙署均被焚毀。

請飭照舊恭錄懸挂等語。著該督撫於新設

衙署。將道光年間所奉

上諭。敬謹照舊恭錄。懸挂大堂。並飭所屬州縣

一體遵照。俾觸目警心。監

成憲而資治理。○又諭御史汪朝榮奏

陵差期近。請嚴禁擾累。以恤黎元一摺。本年

山陵大差。蹕路所經。除道清塵。以及豫備各項

車輛。勢不能不藉資民力。惟恐承辦各州縣

假手吏胥。分外苛歛。藉國家力役之征。削民

自肥殊堪痛恨。著順天府府尹直隸總督嚴飭承辦各州縣及辦差官員。務須潔已奉公。儻查有藉差科派。擾累閭閻者。卽著指名嚴叅。其隨行太監校尉。並各項廝役人等。隨駕外出。間或恃眾橫行。沿途滋事。情尤可惡。著內務府鑾儀衛各堂官。先行曉諭首領太監及校尉等。毋得恃眾滋事。如有強取民間什物者。一經查出。卽照搶奪例治罪。至

神牌道路及御路墊修工竣後。卽須嚴禁一切

官役人等往來踐蹋。如敢違犯。卽著總理行營王大臣管道大臣內務府鑾儀衛各堂官。隨時拏辦。毋稍寬縱。○又諭御史汪朝榮奏常年例貢。請飭各直省督撫酌請停緩等語。自軍興以來。各直省地方。多遭蹂躪。所有例應呈進貢品。如福建浙江等省之橘柑等貢。一經該督撫隨時奏請緩進。無不降旨允准。原為百姓元氣未復。故不忍以供億之煩。重累吾民。今據汪朝榮所奏各節。與朝廷周恤

民隱之意。亦尚脗合。嗣後凡被兵省分。常年例貢。力難籌辦者。仍著各該省督撫等隨時奏請停緩。以示體恤。○又諭昨據雷正綰奏官軍進攻金積堡敗挫。自請嚴議。當以該署提督從前頗著戰功。從寬改為議處。本日覽楊岳斌所奏甘省情形一摺。始知雷正綰近來打仗。既不如前勇往。又不能約束兵丁。申明紀律。沾染軍營習氣。不自振作。致有金積堡之敗。深負委任。咎有應得。著固原提督雷

正綰著撤去黃馬褂。撤銷勇號。並撤去幫辦軍務。歸楊岳斌節制調遣。以示薄懲。儻再不。知自愛。奮勉圖功。卽著楊岳斌嚴叅懲辦。○諭軍機大臣等。本日據官文等奏楚省東西兩路防務。同時喫緊。布置情形。喬松年奏近日軍情。各摺逆捻自雉河解圍後。分為兩股。一由亳州竄向永城。一由亳州竄向太和。經張得勝英翰分路追殺。太和民團到處截勦。殲斃甚多。並經官軍將銅叉樓等圩攻破。步

賊埽除殆盡。馬賊均經竄逸。現據喬松年聲稱永城一股竄至開封所屬之太康縣。太和一股竄近陳州之周家口等語。惟上月二十九日已據吳昌壽奏到。賊由太康扶溝等處竄過許州。直向西路撲至襄城郟縣。雖經張曜陳國瑞兩軍跟蹤緊躡。已未能繞至賊前。後股賴汶洗等續由太和邊境竄入淮甯。吳昌壽雖派李世玉等帶兵由省馳援陳郟。亦恐落賊之後。前經諭令喬松年派撥皖兵。越境追剿。著卽懷遵前旨。迅派得力將士馳往豫境。會合李世玉等將賴汶洗等續竄股匪合力追剿。該逆日向西趨。且前股張總愚等業已竄至襄郟。後股賊匪勢必續向西趨。意圖歸併。喬松年不得以防賊回竄為詞。意分畛域。能將賴汶洗等股匪越境剿除。則該逆自無從回竄皖境。至曾國藩身任統帥。責無旁貸。前經疊諭該大臣籌撥一軍兼顧晉省。並令劉銘傳等軍馳赴豫省北路。繞出賊前。

防賊竄越秦晉之路。又令派撥馬隊馳赴豫境助剿。復以賊去徐郡甚遠。令該大臣酌量前進駐紮。乃該大臣日久迄無奏報。於近來皖豫軍情及各路如何布置情形均未陳奏。歷次所奉諭旨亦未答覆。實屬疲玩。因循若欲藉此獲咎。冀卸節制三省仔肩。何以仰副朝廷倚任之重。諒該大臣公忠體國之心。何忍出此。鄂省黃麻羅田諸路官文已派成大吉等軍扼守要隘。著卽飭令嚴密防堵。毋令汝甯股匪闖入邊境。並飭駐紮老河口隨棗等處各軍俟賊離邊稍近卽出境迎頭截擊。與豫軍合力夾剿。官文等所稱與吳昌壽會剿之語。總須認真辦理。不得有名無實。徒事紙上之談。吳昌壽亦當嚴督張曜等將張總愚等股匪盡力追剿。毋稍鬆勁。並嚴扼賊匪竄赴秦晉之路。正在寄諭間。據劉蓉馳奏逆匪由郟縣向西南大路圖竄魯山南召等處。請飭官文速撥重兵駐紮浙川荊子關一帶。

劉厚基一軍因西路回氣甚熾未能卽赴潼關請飭吳昌壽防守鞏汜等處等語賊騎剽疾異常既據獲犯供稱有窺伺鞏洛之意則虎牢等處要隘並陝州各要路吳昌壽仍當豫籌嚴防並嚴扼黃河口岸毋稍疏虞劉蓉因雷正綰等軍為金積堡回匪所挫逆勢猖狂鳳邠一帶邊防喫緊令劉厚基五營先行暫紮鳳翔惟東面潼商一帶空虛特甚殊為可慮著卽迅飭劉玉興等軍速赴鳳翔替出

劉厚基之軍星馳潼關東面之金陵關扼守並由該撫迅籌添兵馳赴商雒一帶嚴防要隘若專恃鄰省之兵代為防守境外設被賊蹤闖入本境必至貽誤大局懍之慎之至鄂省兵力尚敷出境防勦之用與其專守本境以待賊至不若越境迎勦豫行扼截以固藩籬官文鄭敦謹務當速撥重兵馳赴三省交界之浙川廳荊子關一帶嚴密扼截俾賊眾不得闖入商雒鄖陽等處與豫省追兵兩面

夾擊吳昌壽飭令派出之陳國瑞等軍繞前截擊杜其竄入秦晉之路均著迅赴事機不可延緩劉蓉因楊岳斌兵力單薄甘省軍情甚緊請飭蔣凝學一軍赴甘助勦之處蔣凝學所部除開餉遣散外現存各營如能赴甘亦可稍厚兵力著官文酌量情形辦理將此由六百里各諭令知之○又諭喬松年奏本年擒匪竄皖雉河被圍官軍防勦兼施不敷分布先後添募馬勇九百餘人步隊九千餘

人水勇五百餘人彼時急則治標不暇計及餉項現在設防已久欠餉益多雖准曾國藩撥給陳州存款銀五萬兩而後難為繼若非鉅款接濟終慮有飢潰之虞請飭江蘇等省籌撥餉項各等語著李鴻章劉卨膏閻敬銘王榕吉文明等各將應解皖省協餉儘力設法籌撥解濟俾供要需不准稍有延誤將此由五百里諭知李鴻章閻敬銘並傳諭劉卨膏王榕吉文明知之○又諭楊岳斌奏甘省

軍務糧餉吏治民生大概情形。並曹克忠接仗失利各摺片。甘省用兵日久。而匪勢愈熾。地方情形日益彫敝。皆由帶兵各員習氣太深。地方大吏諸事廢弛。種種情形實堪痛恨。雷正綰曹克忠兩軍近因進剿金積堡失利。弁兵傷亡頗多。現在士氣新挫。逆倭必至益張。楊岳斌當責令雷正綰等申明紀律。重振軍威。再圖進取。以贖前愆。河狄一帶賊勢最重。從前總以兵力不敷。未暇兼顧。楊岳斌現

擬先剿狄河。再圖西北。卽著調撥各軍妥籌剿辦。前因黎獻一軍進剿肅州賊匪。兵力過單。諭令林之望移軍助剿。嗣又據恩麟奏調張華一軍赴洮州剿賊。該兩軍現在行抵何處。仍著楊岳斌酌量調派。劉正高沈大興等所部淫擄焚殺。經楊岳斌拏獲三人正法。所辦甚是。該二員何以拔營他徙。並著查明叅辦。嗣後如有不遵調遣及縱勇騷擾情事。卽著按照軍法懲辦。庶幾壁壘一新。於軍務方

有起色。定邊花馬池一帶時虞賊匪東竄。並著與都興阿妥籌兼顧。至該督所陳於軍務則先懲擾害。再汰疲羸。於糧餉則先籌採買。再議轉輸。於吏治則先儆貪墨。再振因循。於民生則先去煩苛。再謀招墾。均能切中窾要。該督受朝廷重寄。惟當實力實心。次第籌辦。以副委任。曹克忠此次進攻賊堡。因無援失利。情尚可原。著免其議處。前據莊浪城守尉慶志奏參恩麟袒護屬員東瞻泰砍傷兵丁。玩誤餉糈。並陶茂林所部之勇到處擾害等語。著楊岳斌彙入從前交查各案。一併查明具奏。原摺著鈔給閱看。將此由六百里諭令知之。○又諭劉蓉奏請催各省協甘軍餉。以圖補救一摺。據稱雷正綰曹克忠等軍進攻金積堡賊巢。遇伏失利。退紮預望城。各營挫衄之餘。米糧軍火等項。事事乏缺。必須寬籌餉項。隨地採辦。隨時製造。方能重新壁壘。轉危為安。慶陽防軍前經雷正綰調去六營。同

時挫敗。此項餉銀到後。恐該逆聞而生心。請飭徑解陝西藩庫收存。轉解各等語。慶陽糧臺支應各營餉項。需用浩繁。現在甘軍新挫。糧餉兩缺。尤屬刻不容緩之需。該督撫等素顧大局。自應設法趕緊籌解。以紓朝廷西顧之憂。卽著駱秉章吳昌壽閻敬銘王榕吉迅將協甘欠解之款。各先籌撥銀數萬兩。派員星速解交陝西藩庫。此項餉銀到後。卽著劉蓉隨時知照楊能格委員提撥。並派員就陝

甘交界州縣採辦米糧分撥接濟。並著劉蓉將欠解甘餉隨時籌解。以贍飢軍。將此由五百里諭知駱秉章吳昌壽閻敬銘劉蓉並傳諭王榕吉楊能格知之。○又諭劉蓉奏援甘協餉緊要請飭催各省迅解等語。楊岳斌奉命西征。於行抵西安時。先後由陝庫借撥銀六萬兩。均議俟各省協餉解到時扣留歸款。迄今已逾兩月。各省協餉並未解到。陝庫本甚拮据。去此鉅款。已難周轉。而楊岳斌統率

全軍抵甘。正值雷正綰等勦辦靈州回匪失挫之後。賊鋒甚張。而狄河等處之匪。逼近蘭州。尤為肘腋之患。當此局勢緊急。非餉項充裕。何以激勵戎行。著官文鄭敦謹將湖北月解之三萬兩。李鴻章將揚防節省項下月解之三萬兩。劉卨膏將江蘇月協之一萬兩。其江西浙江湖南等省協款。並著劉坤一馬新貽李瀚章孫長絃各籌兩箇月餉銀趕緊委員撥解到陝。由劉蓉轉運前進。以濟要需。儻

敢稍事延宕。致西北大局日就決裂。該督撫等其能當此重咎耶。懍之。將此由六百里諭知官文李鴻章劉坤一馬新貽鄭敦謹李瀚章並傳諭劉卨膏孫長絃知之。○予安徽義門陣亡協領密成外委唐慶華祭葬世職加等。予肅金積堡陣亡總兵官周有貴周有文參將秦久勝董逢春遊擊保明祭葬世職加等。○壬申孝懿仁皇后忌辰。遣官祭。

景陵○諭內閣戶部奏東網鹽引請飭查明奏報等語向來各州縣經徵鹽課督銷鹽引分別已未完議敘議處定例本極嚴明此次山東巡撫閻敬銘請將以前未准部覆各年奏銷一併扣除是否專指咸豐九年以前抑九年後各案概行請免聲敘殊未明晰若專指九年以前則九年以後仍須議處辦理未免兩歧若將九年後一併免議又覈與例義不符且上年正月該省造報咸豐六年鹽引南運商邱等州縣連年隻引未銷顯係各州縣督催不力所致儻該管上司仍復任聽含混造報曲為開脫處分該各屬恃無考成誰復認真督運尚安望嵯政日有起色耶著閻敬銘督同該運司詳細查明某州縣未完若干何年積引若干並該部指駁各情逐一分析查明覈實奏報以杜弊混而重課款○諭軍機大臣等吳昌壽奏豫省兩路官軍擊賊獲勝現飭進剿一摺髮捻賴汶沈牛落紅等由

淮甯竄至西華紛擾扶溝臨潁及許州屬之秋湖栗園一帶疊經官軍進剿獲勝陳郡所屬已無賊蹤該逆由舞陽西去勢將與前股勾合捻匪張總愚等經張曜等由許州向南追剿該逆奔往襄城郟縣旋至寶豐魯山盤踞南裕交界之橫山神林大店等處並由葉縣入山我軍疊將橫山等處克復該逆聞風南遁逆匪蔓延豫省腹地勢甚鴟張亟須實力進攻為一鼓殲擒之計著吳昌壽嚴檄張曜等軍務將張總愚等股匪就地殄除毋令竄入鄰省又成不了之局吳昌壽現由尉氏前赴許州即著迅速前進居中調度毋誤戎機鄂豫壤地毗連該逆由豫而鄂俱係從前往來熟徑官文等前派成大吉等軍分路扼守即著嚴飭各軍認真防堵毋令匪蹤闖入並著官文鄭敦謹抽撥勁旅以剿為防迅速飭赴豫疆會合吳昌壽派出各軍協力夾攻迅殲醜類逆蹤離皖雖遠必須皖軍越境追



勦方可制賊奔突以期聚而殲旃著喬松年  
懍遵前旨迅派得力將士馳赴豫境合力會  
攻皖豫軍情及各路布置情形著曾國藩統  
籌全局妥為調度隨時奏報以聞將此由六  
百里各諭令知之○又諭孫長絃奏叛勇被  
擊竄逸已赴粵軍乞降現在籌防情形一摺  
叛勇與髮逆在吉祥墟拏括糧食分派不均  
互相鬪殺既合復分叛勇竄長甯被勦遁往  
平遠進退失據遂向粵軍乞降經方耀收受

計七千餘人現令前赴嘉應州石灰港聽候  
處置著瑞麟郭嵩燾督飭方耀妥為區畫其  
有家可歸者酌量遞解遣撤如係無業游民  
卽遣散亦恐復為賊須分營安插令與官兵  
相輔而行不可稍涉疏虞致貽後患汪逆仍  
踞鎮平添造木柵望臺意在伺隙而動著卽  
督飭在事各軍設法攻勦務須四面兜圍毋  
令再有竄逸髮逆竄往老龍街有圖犯惠州  
之意此股現係何人勦辦卓興現在何處能

否跟擊並著該署督撫責令迅速勦辦毋稍  
鬆懈左宗棠等當懍遵疊次諭旨飭令康國  
器等會同粵軍將鎮平踞逆悉數殄除毋留  
餘孽鎮平偏近江西之會昌長甯孫長絃已  
令席寶田扼紮會長邊界並令婁雲慶等嚴  
防龍定南安王開琳迅紮會長著卽督令席  
寶田等扼要駐守遇賊卽擊毋稍大意將此  
由六百里諭知瑞麟左宗棠徐宗幹郭松燾  
並傳諭孫長絃知之○河南巡撫吳昌壽奏

請調遣戍釋回己革按察使張學醇改赴河  
南軍營差委允之○命甘肅布政使恩麟開  
缺聽候查辦以按察使林之望為布政使候  
補按察使楊能格為按察使○補行同治元  
年軍政山東卓異官二員不謹官一員才力  
不及官一員分別議敘處分如例○以勇丁  
索餉滋鬧江西都司羅寅王大魁把總賈以  
標葉隆仁鍾安高革職拏辦



大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十七

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十八

秋

同治四年乙丑七月癸酉漕運總督吳棠奏

湖河水漲擬啟車運等壩洩水得旨著督飭  
該管道廳等官隨時察看相機辦理毋稍疏  
懈○派戶部右侍郎董恂兵部左侍郎崇厚  
辦理比利時國通商事務○甲戌

慈安皇太后聖壽節遣官祭

太廟後殿

奉先殿遣官祭

文宗顯皇帝

孝德顯皇后暫安寢殿○

上率王以下文武大臣詣

慈寧門行慶賀禮。眾官於午門外行禮。○諭軍機大臣等。駱秉章奏官軍進攻黔匪。疊獲勝仗。一摺。官軍自攻克正安州城後。由松坎趨婁山關。轉戰而前。進扼綏陽後路。一面分兵由正安直進。以擊綏陽之前。兩路夾攻。劉嶽昭一軍。連克綏陽西路之觀牛崗杉壩。並厚水金雞寨。小白巖各處賊巢。續將七寶寨迴龍寺菩薩廟等處賊營攻破。殲戮殆盡。其東

路之磨壩蔡缸崗賊巢。亦經李家福一軍攻毀。勦辦尚為得手。著駱秉章卽飭劉嶽昭等軍。乘此聲勢。速將綏陽城池克復。疏通川黔道路。並著勞崇光。張亮基。迅速派兵。會同川軍。合力夾擊。將遵義一帶匪巢。悉數掃除。毋稍鬆勁。此次出力員弁。准駱秉章擇尤保奏。將此由五百里各諭令知之。○予貴州綏陽等處陣亡都司劉立瑞等十二員。祭葬世職。加等。○乙亥。諭軍機大臣等。前因玉明等奏

稱賊匪聚眾。擾及興京東西堡等處。摺內聲敘情形。未能詳悉。諭令該將軍等詳細覆奏。茲據該將軍等查明覆奏。據稱東西兩堡。卽係

陵街。距興京城僅止十里。玉明等前次摺內。並未聲明。實屬意存含混。且東西兩堡被擾。事在五月初旬。玉明等直至六月中旬。事隔兩月之久。方行入奏。據稱賊退後。屢經嚴催地方官詳報。因一時未能查驗明確。以致稽遲。

顯係藉詞諉卸。事事粉飾。已可概見。該匪等於沿邊內外各處。任意焚搶。且敢於

山陵附近地方。聚眾強索錢文。玉明等先事既未能豫防。各屬稟報遲延。又復飭催不力。實屬咎無可辭。王明德椿。並前任副都統慶春。前兼署奉天府府尹志和。均著交部議處。現任兼尹寶珣。雖於閏五月十二日始行接任。已在東西各堡等處被擾之後。惟未經先行具奏。亦屬咎有應得。著一併交部議處。此股

盜匪並未大受懲創。若不迅速掃蕩。為患非細。著玉明嚴飭帶兵各員。實力窮追。會同吉林所派官兵。務將此股勦除淨盡。不准再事敷衍。致干咎戾。杉松河等處被擾情形。著詳細查明具奏。匪犯徐五。仍回大孤山盤踞。該處實在情形。究竟若何。如賊勢猖獗。必須及早設法。陸路兵力。若不能制。勢須輔以水師。威京山東水師。俱不足恃。玉明等當酌量賊情。奏請調派沿海得力水師移勦。不可稍涉

諱飾。將此由四百里各諭令知之。又諭。成祿奏邊疆告急。擬就現有兵力。剋日西征。請飭迅籌兵餉。並河北賊匪麇集。撥兵助勦。各摺片。據稱敦煌等縣告急。擬統馬天祥趙德正二營。及新募衛隊一營。節節西向。會合黎獻之兵。規復肅州。請飭楊岳斌籌撥糧餉。軍火。並撥兵替回川兵三營各等語。前據楊岳斌奏黎獻一軍進逼肅州。惟兵力過單。驟難得手等語。成祿若能率師西進。與黎獻合兵

一處規復肅州。則將來大軍出關。可無後顧之虞。自是目前第一要著。第該提督所領。僅有三營。合之鶴齡川兵。亦不過六營。現在賊竄蔡家河。鶴齡一軍。腹背受敵。成祿派令馬天祥等拔隊往援。而自率衛隊一營。跟蹤進。是此項兵力。尚為河北賊氛牽掣。西征一節。仍屬紙上空談。殊為非計。著楊岳斌迅派數營。替回成祿各軍。俾得剋日西發。並將軍火帳房等項。妥籌接濟。毋令缺乏。成祿請飭

楊岳斌設立糧臺分局。轉運供支之處。並著該督設法辦理。俾免餉糈不繼之虞。成祿聯捷。仍當統領所部。星速西行。不得以待兵待餉為詞。任意延宕。雷正綰一軍。新有金積堡之敗。恐難分兵協助。且聞該營將驕卒惰。非力加整頓。亦難壁壘一新。前調劉正高七營。能否再調。著楊岳斌酌量辦理。至劉正高不候調度。拔營東去。有無抗違規避情形。即著楊岳斌查明奏。成祿摺內有中衛之賊竄

擾大靖之語。該處距涼州不遠。河西三郡。關繫緊要。著楊岳斌斟酌情形。撥兵堵剿。毋稍疏虞。昨已明降諭旨。將恩麟開缺。聽候查辦。著楊岳斌將交查該藩司前後被叅貽誤各節。認真查辦。據實具奏。將此由六百里各諭令知之。○以吉林雙城堡總管善慶為杭州副都統。○追予杭州陣亡副都統關福祭葬世職。杭州乍浦殉難駐防官兵婦孺一千五百八十名口分別旌卹如例。○丙子。諭軍機

大臣等。曾國藩奏遵覆歷次諭旨一摺。據稱張總愚賴汶洸等分竄情形。與吳昌壽等前奏大略相同。該大臣已檄調劉銘傳軍赴周家口。又添調烏爾圖那遜等馬隊援陳。並令周盛波一軍駐毫。將托倫布等各馬隊整頓赴豫。請飭湖北河南督撫於豫之鞏洛宛鄧楚之隨棗黃麻各駐勁兵一支。攔頭迎剿。各等語。所籌均屬周妥。現在張總愚股已竄魯山南召。由葉縣入山。向南奔竄。賴汶洸等由

舞陽西去。勢將與前股句合。吳昌壽已出省駐許州督剿。著懷遵初九初十日諭旨。嚴督張曜等認真追剿。官文等迅派成大吉等軍扼守黃麻等處要隘。務與吳昌壽會師合擊。不得任令賊蹤闖入。致滋延蔓。曾國藩以劉銘傳等軍駐周家口徐州等處。防賊回竄。變尾追之局。為攔頭之師。以有定之師。制無定之寇。固屬老謀深算。惟賊趨西南一路。陳州現無寇蹤。豫省之兵。甚形單薄。若不迅籌遊

擊之師。協力追剿。恐賊眾寡未易得手。劉銘傳烏爾圖那遜已到陳郡。即著飭令進至洛陽以西。擇要駐紮。賊來則擊。以固山陝門戶。易開俊周盛波等軍內著酌量調派一軍駐紮周口。以資接替。其托倫布富森保達爾濟帕克巴扎普等馬隊多起。現在休息亦已數月。著該大臣挑選精壯者。分隊配齊馬匹軍械。飭令前赴河南。歸吳昌壽調遣。以厚追師之力。其疲病不堪者。或即遣撤。或留徐州

陸續整頓以期一兵得一兵之用該大臣因淮水盛漲未能赴徐現屆秋爽水涸當可徐圖拔隊進紮徐州居中調度鈔錄查辦民圩告示各條皆救時急務即著督飭委員悉心妥辦不得有名無實皖省無賊著喬松年飭英翰等軍赴豫助勦毋分畛域曾國藩另摺奏徵休防軍索餉詳請自請議處並請將唐義謨等分別懲處等語唐義謨代統唐義訓之軍任聽各營譁謔甚至毆辱大員實屬庸

懦不職著卽革職提營審訊定擬皖南鎮總兵唐義訓請假歸葬久未回營實屬遲延鞏秦階道金國琛假歸省墓遷延太久均著交部議處曾國藩自請議處之處著加恩寬免惟各營自霆營潰變之後紛紛效尤此風斷不可長該大臣務須嚴密查辦懲一儆百不必稍存姑息致貽後患將此由六百里各諭令知之又諭林鴻年奏請飭催滇省協餉並會辦捐輸及請獎楊威宗等各摺片滇省

軍務日亟餉項無出本省既無可自籌之法不得不藉外省捐輸協餉以為進取之謀四川原設滇省捐輸著駱秉章飭令川藩與林鴻年行營藩臬兩司及總辦捐輸之蕭浚蘭等一體會印會辦仿照川省援甘捐輸辦法以期鼓舞其湖北湖南山西三省現經林鴻年派員前往設局勸捐並著官文鄭敦謹李瀚章王榕吉各飭藩司查照四川藩司會同陝西委員勸辦之法一體舉辦庶捐務日形踴躍至浙江江西廣東湖南四川山西粵海關等處積欠滇餉合計在六百萬兩以上滇省整格待哺各該省豈容坐視著駱秉章馬新貽孫長紱郭嵩燾李瀚章王榕吉師曾酌量緩急速為籌撥即得十之一二以贍滇軍亦可以資接濟各該省關毋再置之膜外致誤事機昭通為籌辦滇事要區楊威宗楊先芝等均能卓著戰功該撫當妥為籠絡駕馭使其奮勉圖功以資指臂該撫身為滇撫屢

催進紮昭通。輒以兵餉為詞。昭通士民非不可用。惟在該撫身履其地。自可以資振作而勵同仇。若遠居鄰省。徒責他省之膜視。而該撫已先畏難苟安。朝廷亦安賴封疆大吏為耶。將此由五百里諭知官。各駱秉章。馬新貽。鄭敦謹。李瀚章。林鴻年。郭嵩燾。並傳諭孫長紱。王榕吉。師曾知之。○欽差大臣曾國藩奏謝授曾國荃山西巡撫恩。得旨。山西防務緊要。曾國荃到後。正可督同陳湜籌辦一切。仍

著該大臣迅速催令起程北上。毋稍延緩。○護山西巡撫王榕吉奏。遵旨嚴防邊境。得旨。仍著隨時相機實力辦理。毋稍鬆懈。陳湜計可到省。遵旨與之會商辦理。以期悉臻妥善。○以雲南龍寶山等處。勦匪獲勝。賞護總兵官楊盛宗。巴圖魯名號。參將楊先芝。副將銜。○丁丑中元節。

上詣

奉先殿

壽皇殿行禮。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵。遣官祭

文宗顯皇帝

孝德顯皇后暫安寢殿。○遣官祭

端慧皇太子園寢。○諭內閣。楊能格奏。雷正

綰調魏添應一軍。相率進剿。該臬司無從阻止。致有挫衄。實緣任重權輕。不足以資節制。且於各省咨催餉項。亦屬呼應不靈。請另簡大員前來辦理等語。所奏殊不成話。楊能格以廢員擢用臬司。命在慶陽辦理糧臺。兼辦防務。並准專摺奏事。昨復降旨。將其補授甘肅臬司。不得謂之任重權輕。如果雷正綰調度無方。該臬司何妨於事前叅奏。乃因魏添應兵敗。既恐朝廷降罪。復以慶陽糧臺防務辦理棘手。思欲藉此息肩。此等肺肝。難逃洞鑒。若不加以懲處。何以杜規避而儆效尤。楊能格著交部嚴加議處。尋議楊能格應照規避私罪例革職。得旨著加恩降為四品頂帶革職留任。仍辦理慶陽糧臺事務。○諭軍機大臣等。前因伊犁需餉孔亟。諭令戶部寬為籌撥。茲據奏稱。僅據山西山東直隸解過銀二十六萬兩。其餘河南四川湖北三省分毫未解。查新疆軍餉。撥多解少之故。半由湊解。

不易。半由餉道不通。必須於道路較近省分指撥。實在有著款項。擬在山西本年應解京餉內。劃撥銀二十萬兩等語。著王榕吉趕緊籌措。即於本年應解京餉內。劃撥銀二十萬兩。派員解交綏遠城。並著德勒克多爾濟於此項餉銀解到時。轉解科布多。即由廣鳳奎昌察看情形。或派員徑解伊犁。或仍照前次運餉道路。借由俄國卡倫行走。均著廣鳳奎昌妥籌辦理。其本年歷次奏撥新疆軍餉。共五十五萬兩。前撥新疆經費。改為軍餉銀四十萬兩。及上年原撥未解餉銀。著官文劉長佑駱秉章閻敬銘。吳昌壽鄭敦謹王榕吉督飭各該藩司。次第籌解。除山西應解新疆各城餉銀自行解交綏遠城轉解外。其直隸山東河南湖北四省。均著各該督撫派員解交山西巡撫。由山西巡撫解交綏遠城。遞解科布多。聽候新疆各城自行酌撥。至四川原撥新疆餉銀。本令其由嘉峪關解往。現在安肅

一帶不靖。轉運維艱。著駱秉章將原撥新疆餉銀二十一萬兩。派員解交陝甘總督。卽由駱秉章知照陝甘總督。就近解交烏魯木齊提督成祿。伊犁參贊大臣聯捷應用。前據官文奏。請免解甯夏新疆餉銀。諭令戶部速議具奏。茲並據奏稱。擬將指撥文麟鹽釐四萬兩。免由湖北撥解。改由此次奏撥山西之伊犁軍餉二十萬兩內。以十六萬兩徑解伊犁。聽候提用。以四萬兩劃解文麟軍營。其湖北

應解都興阿月餉。仍令該省遵照前議籌撥等語。著官文、鄭敦謹、王榕吉卽照該部所議妥為辦理。經此次籌撥之後。各該督撫等務當竭力設措。源源接濟。儻再遷延推諉。貽誤戎機。置新疆大局於不問。恐該督撫等不能當此重咎也。將此由五百里諭知官文、劉長佑、駱秉章、德勒克多爾濟、閻敬銘、吳昌壽、鄭敦謹、廣鳳奎、昌並傳諭王榕吉知之。○又諭楊能格奏官軍失利。慶陽兵單。請飭陝省防

兵助剿。並自陳任重權輕。請另簡大員辦理。各摺片。楊能格因魏添應一軍。經雷正綰調往助剿。致有挫衄。輒以權輕任重。不足以資節制等詞。嘵瀆不已。悻悻之意。見於章奏。該臬司以廢員經朝廷錄用。並不力圖報稱。輒敢藉端諉卸。實屬大負生成。現在雷正綰軍新挫。復由韋州退紮預望城。賊勢蔓延。均距慶陽不遠。籌餉籌防。至關緊要。該臬司尤當激勵士卒。會集民團。力圖戰守。儻再意存推

諉。致慶陽糧臺稍有疏失。必將該臬司從重治罪。雷正綰既歸楊岳斌節制。該軍敗後。應如何調派勁旅。杜賊旁竄。及慶郡喫重。能否分兵兼顧之處。並著楊岳斌妥籌策應。毋誤事機。劉蓉所派駐防定靖廊州各營。與慶陽聲勢不相聯絡。著劉蓉飭令總兵楊得勝四營進紮廊州之王家角。合水之太白苗村。扼要防堵。與慶陽防兵相機截剿。毋稍貽誤。將此由六百里諭知楊岳斌。劉蓉並傳諭楊能



格知之。○又諭楊能格以廢員起用。不思勉力報稱。輒以任重權輕。呼應不靈。藉詞規避。其為不能得力。已可概見。本欲另簡大員替代。惟慶陽防務方亟。督餉事宜。亦無熟手。可以經理。是以仍令暫行管理糧臺及慶陽防務。楊能格本係棄瑕錄用之員。究竟能否勝任。著楊岳斌詳細訪查。據實具奏。此外甘肅道府各員內。何人可勝兩司之任。何人可以辦理糧臺防務。並著詳加考覈。酌保數員。候旨錄用。將此諭令知之。○戊寅。諭內閣。前因員外郎喀呢音布呈控

陵寢司員冒領工項案內。有怡親王載敦前於守護

陵寢時。曾經錫章代交魏城汰等送銀一百兩之語。當經降旨令載敦明白回奏。茲據該親王奏稱。自咸豐十年正月接任。至同治元年十一月三年期滿交卸。任內未敢妄為。錫章代交魏城汰等送銀一百兩之事。係何年月

交於何人之手。請飭刑部查訊等語。著刑部即提集錫章、魏城汰等。研訊確情。據實具奏。○諭軍機大臣等。閻敬銘奏奉水陸籌防情形。並請令藩司暫行回省一摺。黃運兩河防堵。必須礮船分段扼守。方可得力。該撫既稱吳棠遣派來東之長龍三板船隻。於黃河水性駕駛合宜。現復由東省續添數隻。共計二十四隻。並擬添製三板十隻。以資分布等語。著即督飭管帶將領認真巡哨。總兵趙三元回浦購辦續添船隻。即著閻敬銘咨行吳棠。飭催該總兵迅速購齊。駛回山東。以資統率。周森藻舊帶礮船。即著留於張秋渡口防守。該處為由運入黃要口。務須實力巡哨。不得以賊蹤較遠。稍形鬆懈。陸路西南邊境。以濟甯曹州為扼要。該撫所擬分派各營駐紮各路。布置尚屬周密。惟東省勇丁多係新募。未經戰陣。閻敬銘現駐兗州。務當督飭各營將領認真訓練。以期一兵得一兵之用。不可有名

無實。漸就廢弛。滕嶧蘭郊一帶土匪。仍須力加撙捕。務絕根株。以清內患。省城地方緊要。丁寶楨即著先行回省。辦理本任公事。並籌辦餉需。以專責成。其所統湘勇千名。即著閻敬銘酌量裁撤。將此由五百里諭令知之。○又諭瑞麟。郭嵩燾奏逆匪廣聚一隅。現籌合力進剿一摺。康逆汪海洋盤踞鎮平。分築賊壘。積糧自固。為堅守之計。瑞麟等以賊勢合則兜剿易盡。兵勢分則力薄難支。所見甚是。該逆自江閩遁入粵東。其勢本已窮蹙。若不合力會剿。迅圖撲滅。鉅走固屬可虞。且此股一日不除。則江閩防軍。即一日不能遣撤。老帥糜餉。東南軍務。終未了局。左宗棠前僅派康國器一軍。進紮粵境。兵力究嫌單薄。即著添派後路防軍。剋日進發。會同粵軍。進規鎮平。毋稍延緩。孫長紱亦即飭令席寶田等軍。前赴粵境。與閩粵官軍。三面圍逼。使該逆無路可竄。以期一鼓殲除。左宗棠。徐宗幹。孫長

紱。接奉此旨。即當迅速調派。督飭各軍。同時並進。不得存此疆彼界之見。意存觀望。貽誤事機。瑞麟。郭嵩燾。仍當督飭李福泰。方耀等軍。併力進攻。務將此股賊匪就地殄除。毋任再行他竄。花旗賊匪。與康逆分股。踰伏龍川。長樂交界地方。如果真心就撫。亦須相機妥辦。斷不可稍涉大意。致貽後患。霆營叛勇。前據孫長紱奏稱。已向粵軍乞降。此次瑞麟摺內。則稱汪海洋結霆營叛卒為輔翼等語。究竟霆營叛勇是否就撫。仍著瑞麟。郭嵩燾查明具奏。甘肅西甯鎮總兵黃武賢。上年七月間。賞假兩箇月。回廣東原籍省覲。令其假滿赴任。現在歷時已久。尚未見該員赴任。著瑞麟。郭嵩燾查明該員現在是否在籍。催令迅速赴任。毋稍遲延。將此由六百里諭知瑞麟。左宗棠。徐宗幹。郭嵩燾。並傳諭孫長紱知之。又諭德勒克多爾濟等。奏移添官兵防剿沿邊竄匪。並借銀籌給兵食一摺。歸綏等處

地方遼闊與甘省邊境毗連現在定邊花馬池一帶均有回匪盤踞沿途口隘防堵不可稍鬆德勒克多爾濟等現將磴口迤東之駐紮蒙兵調赴沿邊與伊克昭盟官兵在花馬池一帶擇要協防並將烏喇特三旗官兵三百名移紮磴口迤東另調烏蘭察布盟官兵二百名協同防勦所辦尚屬認真惟兵力尚嫌單薄必須添撥勁兵方足以資堵勦著都興阿穆圖善迅撥精兵數營出賊不意從間道疾馳至定邊花馬池一帶協同翁同書之軍實力勦洗仍一面佯攻甯夏使賊不疑該處係甯夏軍營後路糧運所關該將軍等必須迅速撥兵掃蕩方免延蔓楊岳斌身任兼圻責無旁貸應如何分兵策應之處並著斟酌情形通盤籌畫不得顧此失彼曹克忠一軍係屬勁旅儻能權其輕重酌派前去尤覺可恃德勒克多爾濟等仍當就現有兵力勤加訓練嚴密巡防毋得稍涉大意蒙兵無管

帶得力之員卽著桂成酌帶歸綏等處在防官兵若干前往蒙古地方會同貝子扎那格爾第等統帶蒙兵偵探賊蹤認真防勦桂成起程後員缺應否派員署理著德勒克多爾濟酌量奏聞至大同鎮官兵昨據王榕吉奏已選調一千名飭赴歸化城聽候興奎調遣等語卽著德勒克多爾濟等迅速迎提俟此項官兵到防責成興奎隨時操演相機調遣以壯聲威本日明降諭旨令慶德來京大同鎮總兵以馬陞調補太原鎮總兵以蔣臨照調補馬陞前由熙麟調赴慶陽軍營現在晉省防務緊要必須實缺專閫大員前往整率著都興阿楊岳斌查明馬陞現在何處傳旨令其卽赴新任以資得力馬陞如統帶有兵卽著一面派員接管一面飭令赴任慶德須俟馬陞到後方准來京卽著王榕吉傳知兩盟蒙古官兵欠餉日久飢潰堪虞德勒克多爾濟等現將寄存哈密餉銀四萬兩借款支

發口糧馬乾亦係萬不得已之舉。著王榕吉卽將此次動撥銀兩如數籌解歸款以備巴里坤軍營提用。其歸綏兩城蒙古官兵應需餉銀並著王榕吉源源設法籌款接濟不得稍有缺乏。該蒙古官兵器械如不齊全並著德勒克多爾濟等製備發給。新放肅州鎮總兵程興烈著都興阿穆圖善催令迅赴新任毋許遲延干咎。將此由六百里諭知都興阿穆圖善德勒克多爾濟楊岳斌桂成並傳諭

王榕吉知之。○兼署兩廣總督瑞麟奏廣東省防勦喫緊請將本年軍政展緩舉行從之。○命山西大同鎮總兵官慶德來京調太原鎮總兵官馬陞為大同鎮總兵官直隸天津鎮總兵官蔣臨照為山西太原鎮總兵官。○裁烏魯木齊理事通判員缺從都統平瑞請也。○己卯。

文宗顯皇帝忌辰遣官祭

暫安寢殿。○諭軍機大臣等本日據伯彥訥謨

祐奏稱家人頭等護衛額卜圖諾爾布家丁松阿哩等向隨伊父僧格林沁軍營恩養有年本年四月間僧格林沁在曹州追賊失事該家人止知顧惜身命以致家主陣亡雖因昏夜倉卒未能救衛究屬保護不力罪有應得業由國瑞移交山東巡撫擬罪請飭就地正法等語著閻敬銘親提該家人額卜圖等三名嚴訊確情按律定擬具奏前據國瑞奏副都統成保遇賊潰逃總兵郭寶昌不能救

護主帥厥咎甚重疊經降旨將該員等革職交閻敬銘嚴訊確情從重定擬迄今尚未據該撫審擬具奏並著閻敬銘迅速訊明懲辦毋稍寬縱將此諭令知之。○又諭昨有旨將蔣臨照調補山西太原鎮總兵著劉長佑崇厚傳知該員迅赴新任直隸天津鎮總兵本日已將陳濟清補授矣。陳濟清現在督帶水師礮營及馬步各隊巡防直東邊境未可遽易生手著仍留防所暫緩赴任劉長佑等當

飭令該員將在防兵勇認真操練。俾成有用之師。力圖報稱。天津鎮總兵員缺。著派春霖署理。務將營伍一切事宜隨時整頓。不得稍有廢弛。將此各諭令知之。○理藩院奏科爾沁親王伯彥訥謨祜可否隨爵承襲。博多勒噶台王號著加恩准其隨爵世襲罔替。○命科爾沁親王伯彥訥謨祜在御前大臣上學習行走。○以記名總兵官陳濟清為直隸天津鎮

總兵官。○庚辰諭軍機大臣等。李瀚章奏遵旨裁撤東征局。請酌留鹽茶二項。歸本省局卡抽收。其餘各物酌留四成。作為協餉等語。所籌尚屬妥洽。本月初一日。據劉蓉奏請飭撥湖南釐金。協濟甘餉。當經寄諭李瀚章斟酌情形。儘能有裨國用。無損民生。即將東征局釐金照舊抽收。接濟甘餉數年。俟隴省軍務肅清。再行停止。李瀚章此奏。自係尚未接奉前諭。鹽茶為釐金大宗。著照所請。毋庸議。

減全數。歸併湖南本省局卡抽收。其餘各色貨物。據稱擬於向收東征釐稅內。一律酌留四成。增寫本省釐票內。作為協餉。惟甘省兵多餉絀。待用孔殷。即使以酌留之四成。專協甘省。尚恐為數不多。不足濟事。著李瀚章仍遵前旨。悉心籌畫。儘能照舊抽收。接濟甘餉。於西陲大局。自有裨益。儘情形實有窒礙。或局面係屬已成。即著將鹽茶兩項。及各色貨物。酌留之釐金。儘力解甘。俾該省得此有著之款。可收實效。萬勿稍分畛域。致誤師行。將此由四百里諭令知之。○湖南巡撫李瀚章奏報東西兩路防剿情形。得旨。該省兩路防務布置尚妥。仍著嚴飭劉連捷。周洪印等軍分投堵剿。毋稍鬆懈。又奏。請將索餉滋事之都司何勝斌等革訊。批。何勝斌。楊大福著先行斥革。交該撫從嚴懲辦。在逃之崔林沅等犯。並著嚴拏。務獲究辦。毋任一名漏網。以儆效尤。以鑲黃旗蒙古副都統果勒敏暫署

正白旗滿洲副都統○添鑄江蘇淮揚鎮總兵官關防補鑄四川松潘鎮總兵官中營遊擊松潘廳同知漳臘營參將平番營守備各關防條記從總督曾國藩駁章請也○辛巳諭內閣毓祿奏遵旨查勘

陵寢工程一摺

孝陵龍鳳門門扇工程情形較重自應亟為修理以肅觀瞻著交本年承修另案大臣趕緊興修其

陵寢外圍牆垣並據毓祿會同奕劻等查明亦應趕緊修理即著該管大臣督飭石門工部司員就近辦理應需工料銀兩准其由戶部支領另片奏此次查勘圍牆等工援案請於本年方向相宜之處先行興修其方向不利者俟明春續辦以昭慎重等語即著照所擬敬謹辦理○諭軍機大臣等前因滿慶恩慶奏訊明造意糾奪已革總堪布人財脅眾拒捕之首犯吐多卜降巴請即在藏正法當諭

令俟福濟景紋到藏後再行請旨辦理茲復據滿慶等奏以福濟業已奉旨回旗景紋又無自鑪出口確信未便使訊明要犯久稽顯戮等語此案雖經滿慶等訊明確情惟前既有令福濟景紋查辦之旨若不候訊結先行正法恐無以折服該犯之心現在福濟雖已回京而景紋前次奏報已行抵裏塘不久當可到藏仍著滿慶等將吐多卜降巴妥為羈禁不得稍涉疏虞並著景紋於抵任後即親提研訊請旨辦理將此各諭令知之○壬午諭內閣前據崇實駱秉章奏查覆降調編修蔡壽祺被劉蓉叅奏在四川省時招搖各款一摺當經諭令原派王大臣華豐等查覈辦理茲據華豐等會同查覈並訊明蔡壽祺供詞定擬具奏此案蔡壽祺雖查無私刻關防擅調鄉勇及收招匪目等情惟以丁憂人員各處遊行不即回籍守制且在四川任意逗遛干預徵調團勇公事其為不安本分已可

概見該員前於咸豐十一年間經署四川總督崇實以該員早經服滿仍寄寓省城並戴用四品頂帶屢次屬為吹噓凡事干預招搖又以臺諫中不乏交識等語誇張聳聽並倡言募勇等款奏曾奉

文宗顯皇帝諭旨將該員勒令回籍不准在四川逗遛欽此現據華豐等將崇實駁棄章覆奏各節查覈訊供請將蔡壽祺按照罷閒官吏在外干預官事杖八十律擬以杖八十該員身列清班不知檢束奏請即行革職等語蔡壽祺著照該王大臣等所擬即行革職仍遵

文宗顯皇帝諭旨勒令回籍不准在外逗遛招搖滋事陝西巡撫劉蓉於奉旨明白回奏之件語多過當有乖敬慎且於記憶未清之語率行入奏著交部照例議處尋議劉蓉應照言官條奏失體私罪例降一級調用無庸查級紀議抵從之○又諭據步軍統領衙門代

奏候選知府龍瑞圖條陳各摺所請申明團練舊章一條前曾疊諭各省督撫實力舉行矣若殿試策內不拘字數止取淵博同治元二年間已兩次明降諭旨宣示龍瑞圖所奏應毋庸議其所稱從九品未入流等員請照教官之例歸本省選補則屬窒礙難行佐雜微員雖無民社之責而於地方事宜亦各分任若令本省之人辦本省之事公私交涉不免弊竇叢生於吏治大有關係至科場迴避

例禁綦嚴所以杜弊端拔真才也若父兄衡文而子弟應試雖未必竟敢徇私舞弊而嫌疑之際終覺無以自明士子進身之始應亦不願出此况迴避士子果係真才則學業本優下屆即可取中遲速豈在一科何至一經頓挫遂成廢物龍瑞圖所請於鄉會兩場迴避士子另編字號取中之處有違定例斷不可行至該員所陳雲南地方軍務情形各件尚屬詳細不無可採該員服官雲南有年見

聞所歷較為熟悉。龍瑞圖著發往雲南。交勞崇光林鴻年差遣委用。○諭軍機大臣等。候選知府龍瑞圖。在步軍統領衙門呈遞封奏。所陳滇省始末情形。及漢夷民情。現籌辦法。及請於滇省事平後。設立夷學各摺片。詳加披閱。雖文理冗長瑣屑。而於滇禍始末情形。言之尚為詳盡。其歷陳漢民之困苦。夷民之可用。及楊玉衡。楊盛宗。梁士美。李維垣等之堪任驅策。與該督撫等前後奏報。尚屬相符。

是龍瑞圖所言。不無可採。至所呈前遞蕭浚蘭三檄辦法四十三條。亦係得自親身閱歷。非同臆斷。本日已明降諭旨。將該員發往雲南。交勞崇光。林鴻年差遣。即著勞崇光。林鴻年將伊條陳各節。斟酌情形。妥籌辦理。以收集思廣益之效。馬復初。楊振鵬。據稱實為叛逆首犯。如果屬實。即著勞崇光。林鴻年設法嚴拏。訊明正法。以寒賊膽。至滇事平後。請設夷學一節。亦用夏變夷之法。並著屆時酌量。

機宜奏明請旨辦理。前據林鴻年奏請飭楊重雅籌辦滇餉。已降旨允准。此次龍瑞圖所請飭令該員於川東各屬撥借銀兩。接濟滇餉之處。是否可行。著駱秉章。勞崇光。林鴻年。斟酌妥辦。另片奏請飭川省捐餉十萬餘兩。解濟甘餉等語。有無窒礙。並著駱秉章通盤籌畫。妥議具奏。甘滇回氛。偏地非有鉅款餉需。軍務難望日有起色。駱秉章素顧大局。想必能不分畛域。力任其艱也。龍瑞圖摺片六

件。均著鈔給閱看。將此各諭令知之。○又諭。明緒奏回匪。張伊犁被圍甚急。無餉無糧。萬難堵拒。一摺。據稱回匪自攻陷巴燕岱城。後兇燄愈熾。連日圍撲大城。經明緒督率兵弁盡力堵禦。屢次獲勝。無如半載有餘。軍餉分文不到。現在羅掘罄盡。縮食減糧。不過苟延目下。情形萬分危急等語。覽奏殊深焦灼。前據廣鳳等奏。將所存伊犁餉銀五萬兩。交伊犁差員三音布等領解。於閏五月十六日



自科起程。由俄國臺站行走。計期應已解到。但杯水車薪。仍恐不濟於事。所有本月十五日諭令王榕吉。將本年應解京餉內。劃撥銀十六萬兩。著王榕吉迅速籌解。不得稍有遲誤。並著德勒克多爾濟。遵照前旨。於此項餉銀到城時。趕緊派員轉解。科布多。卽由廣鳳奎昌察看情形。或仍照前次運道。由俄國卡倫行走。經過烏里雅蘇台地方。卽著明誼等派委妥員。接解轉運。以利進行。明緒得此鉅

款。務當激勵軍士。奮力堵剿。將近城賊。疊次第掃除。肅清邊境。方為不負委任。至借俄兵助剿一節。疊經總理各國事務衙門。向該國住京公使妥商。該公使意存推諉。迄無成議。仍著明緒恪遵本月初四日寄諭。就近與西悉畢爾衙門通融商辦。至伊犁糧餉。一時不能應手。可先向俄國借貸濟急。槍礮火藥等件。亦可向伊國購買。銀兩或一時不敷。亦可賒辦。俟餉到歸還。均經住京公使允諾。明緒

當遵照六月十四七月初四等日寄諭辦理。成祿聯捷等軍。曾否拔營前進。著楊岳斌催令該提督等。迅由肅州轉戰出關。將關外各城踞匪痛加剿洗。牽制賊勢。亦可稍紓伊城之急。如成祿等兵力不敷。並著楊岳斌添派勁旅。攻取肅州。俾出關軍隊後路疏通。勦辦更易得手。前諭駱秉章將原撥新疆餉銀二十一萬兩。解交陝甘總督。就近轉交成祿聯捷等應用。此項餉銀。係該提督等出關勦賊

亟需之項。駱秉章素顧大局。諒必剋日飭司批解。以濟要需。將此由六百里諭知明緒。駱秉章楊岳斌。德勒克多爾濟。明誼。麟興。車林。敦多布。廣鳳奎昌。並傳諭王榕吉知之。

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十八

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百四十九

欽  
修

同治四年乙丑七月癸未諭軍機大臣等有

人奏參天津道李同文於歲修剝船銀兩全  
行入橐並不修理以致船隻朽壞裝運時每  
至全船沈溺該道於臺城獲鹿清宛易州等  
州縣任內虧空至今交代全未清結徵收海  
關稅該道任用子弟以多報少育嬰堂向有  
官地由天津道派員收租該道到任後止派  
過未入流余嘉選一次以後俱派官親家丁  
收管以致乾沒並需索天津河間二府屬陋  
規節壽銀兩素所差委皆親友陳重毛其昌

宋淵涇等其妻舅夏震並無勞績一年中保獎兩次信用劉玉奎等四出招搖以為耳目家丁擅賞功牌要有夫之婦為妾並前在易州任內買部民之女為妾種種劣蹟請飭查辦等語著劉長佑按照所奏各節確切查明據實具奏不准稍有徇庇原摺著鈔給閱看將此諭令知之○又諭楊能格奏慶防官兵會攻金積堡失利並現在賊情屬令雷正綰穩慎進取各摺片雷正綰金積堡之敗疊經

都興阿雷正綰楊岳斌先後入奏本月十五日覽楊能格所奏魏添應一軍經雷正綰調往助剿以致失利雷正綰由韋州退至預望城距慶陽不遠該臬司此次所陳各情係在前次奏報之先該匪竄踞吳慶鎮後日夜紛竄掠糧距慶郡八九十里存城之勇不過數百人設被該匪乘虛窺伺關繫非輕著楊能格仍遵前旨就現有兵力拊循激勵會合民團實力防守毋稍疏懈其陝省所派駐紮鄜

州之楊得勝四營著劉蓉仍遵前旨檄令進紮鄜州之王家角合水之太白苗村會合慶陽防兵相機扼截以期聲勢聯絡庶剿辦較易得手雷正綰新挫後所部零落不成隊伍尚須收集訓練蓄養銳氣方可再圖進攻雷正綰既歸楊岳斌節制調遣一切進止機宜即著該督酌量調度穩慎進取毋任輕率失事再蹈從前覆轍楊能格片片奏請催慶陽餉銀等語已諭令駱秉章等迅速撥解此項

餉銀行抵陝境如道路業已疏通即可徑解慶陽糧臺無庸先交陝西藩庫再行轉運以免紆折其陝西應解慶陽糧餉仍著劉蓉妥速籌解毋令缺乏將此由六百里諭知楊岳斌劉蓉並傳諭楊能格知之○又諭據楊能格奏慶陽糧臺情形危急各處協餉或經截留或解不足數現在各營五月以後餉銀概未支放羣情惶懼請飭四川指撥月餉河南山西山東等省將欠餉撥解等語慶陽糧臺

餉需本極支絀。近因雷正綰等軍進勒金積堡回巢失利。該逆時圍東犯。各營攻勦正在喫緊之際。若令枵腹荷戈。深恐飢軍譁潰。大局更難收拾。必須亟籌有著之款。以資接濟。楊能格請飭四川於地丁項下或津貼項下。每月指定徑解慶陽糧臺餉銀五萬兩。卽著駱秉章督飭藩司竭力籌畫。酌定數目。按月專解慶陽糧臺。以供支放。不得以協甘餉銀牽混統解。亦不准他處截留。其河南山東山西等省指撥慶陽糧臺三十萬兩欠解之款。並著吳昌壽、閻敬銘、王榕吉迅速沒法撥解。毋得稍有遲延。致誤大局。本月初九日。曾經諭令該督撫等將甘省餉銀解交陝西藩庫。由劉蓉知照楊能格委員提撥。原因逆蹤東竄陝甘交界。道路恐未疏通。此後各該省委解甘省餉銀如探明道路並無阻滯。卽著徑解慶陽糧臺。毋稍延誤。否則仍解交陝西藩庫隨時轉運。將此由五百里諭知駱秉章、吳

昌壽、閻敬銘並傳諭王榕吉知之。○又諭本日據聯捷奏密陳甘省北路現辦回務情形。一招據稱雷正綰辦事任性。所部勇丁率多驕縱貪殘。前次克復固原黑城子半角城等處皆係回眾獻城。攻拔預望城亦藉降回之力。該提督每入一城一寨輒陵虐降回。縱勇擄掠婦女貲財。卽本身亦不免此等情事。既不能力誅頑梗。又不能綏撫善良。降眾寒心。叛回側目。以致金積堡乞降之眾恐勇丁入

堡蹂躪竟至臨時反覆各等語。以上所陳該提督貪財漁色各情如果屬實。於軍務大有關礙。雷正綰本有交查案件。卽著楊岳斌彙入前案確切查明。據實具奏。毋稍徇隱。據聯捷奏稱該提督所部勇丁為數甚多。甘省產糧甚少。不敷食用。轉瞬秋冬飢寒交迫。譁潰堪虞等情。此項勇丁雖經潰退。楊岳斌仍當督飭該提督選擇精壯認真訓練。俾成勁旅。以資攻勦。其淫掠滋事勇丁卽應隨時遣撤。

免致再生枝節。雷正綰一軍前已有旨。交楊岳斌調遣。並著斟酌情形。妥籌辦理。聯捷另片奏雷正綰營中三四五品頂帶翎支皆由該提督任意賞戴。實屬專擅等語。著楊岳斌一併查明具奏。原摺片均著鈔給閱看。將此諭令知之。烏里雅蘇台將軍明誼等奏。指撥塔爾巴哈台餉銀二萬兩。已於六月二十八日派員解交科布多。再由該處添兵解送。報聞。伊犁參贊大臣聯捷奏。追辦會甯竄

匪移軍進紮安定。得旨。即將安定一帶賊匪迅速掃蕩。仍遵前旨。會同成祿之軍前赴肅州一帶節節剿洗。以期廓清西路。毋稍稽延。又奏遵旨張貼謄黃。將回匪分別勒撫。據奏各情已悉。惟回匪屢以乞撫為緩兵之計。聯捷仍應會同楊岳斌分別良莠。相機妥辦。不可輕率從事。○甲申。諭內閣。左宗棠奏。特參年力就衰之司道。請旨革職一摺。福建布政使張銓慶年邁健忘。左宗棠派令周開錫

吳大廷會辦通省釐稅局務。該藩司於各務一意推諉。於軍餉緩急。從不過問。錢糧為藩司衙門專責。並不設法催徵。較上屆更短解四分之三。團總証匪甯縣民葉尾婢為土匪前署甯甯縣知縣趙人同。未經訊供。即批飭正法。趙人同於署延平府知府任內。經左宗棠撤任查辦。案尚未結。而張銓慶復委該員代理建甯府事。該藩司於閏五月因病稟請開缺。用八百里排遞。左宗棠以其不知緩急。

未即批示。旋於六月具稟起病。實屬昏憤糊塗。意存戀棧。督糧道周揆源年已七十有餘。衰庸充位。於時事漫不經心。擅那前任興泉永道任內釐項。剽抵南米。與張銓慶互相辯駁。尤屬卑鄙。張銓慶周揆源均著即行革職。以肅官常。張銓慶尚有經手未完事件。著左宗棠飭令趕緊清釐。再行回籍。○又諭前因左宗棠奏保克復遂安援勒江山肅清衢郡出力各員。請予獎勵。並續據該督奏稱。以事

隔兩年請免加考。臺經降旨照請獎勵。並免其加考。副據吏部以所保各員。無攻克城池。擒斬要逆字樣奏駁。茲復據左宗棠奏稱。咸豐十一年間。浙江淪陷。僅存衢州一城。勢甚危殆。該督提軍入浙。轉戰而前。在事各員。艱險備嘗。共擋危局。於東南時局。不無小補。將原保各員。開單呈覽。懇請仍概照原請給獎等語。此案浙軍由開化馬金進攻遂安。攻克縣城。疊次解圍。獲勝。戮其勞績。尚與克復城

池。准保新章相合。所有此次出力之主事。夏獻綸等。並著仍准照該督單開原保各官階給獎。惟此案係同治元年奏保。吏部何以至同治四年始行奏駁。實屬遲延。嗣後該部於此等事件。務須明定章程。立限辦理。不得任意積壓。至該督所稱吏部章程。除攻克城池。擒斬要逆。其餘不准優保。及籌餉轉運出力人員。止准保奏議敘兩條。均欠平允一節。著該部卽行妥議具奏。○又諭勞崇光等奏官

軍克復大定府城一摺。貴州遵義號匪竄陷黔西州。後於上年十一月間。分股闖入大定府城。經勞崇光等檄飭鄧爾巽等帶兵馳往集練。會擊先後殲賊無算。本年閏五月間。署提督趙德昌等收復黔西州城。乘勝進規。大定會合鄧爾巽等分路進取。該匪出城抗拒。官軍合力兜剿。賊眾敗退。二十七等日。趙德光在城外塔山紮營。斷賊糧道。趙德昌等復督隊圍攻。賊勢窮蹙。六月初八日。鄧爾巽分

軍設伏。並派莫雲青等同趙德昌等在西門截殺。趙德光率眾所開東門。麾軍並進。賊猶拚死抗拒。官軍分投掩殺。餘匪狂奔。奪獲旗幟器械無數。救出難民一千餘名。當將大定府城收復。其由瓢兒井來援賊眾。亦經該文武派隊躡擊。擒斬甚多。勒辦尚屬得手。所有尤為出力之總兵趙德昌。趙德光。均著交軍機處記名。遇有提督缺出。儘先提奏。○諭軍機大臣等。左宗棠等奏官軍越境剿賊獲勝。

賊匪圖由閩竄江並興泉永漳等處勒匪情形各摺片汪逆盤踞鎮平復分撲嘉應州經康國器督軍援剿將白渡新鋪墟一帶賊壘賊卡平毀該逆復以江西粵東邊界防兵甚多圖由閩邊分竄江西遂分兩大股出撲巖前緒股坳官軍營壘連日經高連陞等軍奮勇血戰計斃悍賊千數百名該逆仍退回鎮平盤踞所奏情形較廣東前奏更為詳盡鎮平地方險瘠該逆勢難久踞終必遂其竄越

江西之謀康國器一軍由嘉應州一路進剿本嫌單薄此時賊既擬由武平竄江高連陞黃少春駐紮巖前中赤之師劉清亮駐紮武平下壩之師均距鎮平僅數十里正可迎頭進擊就地殲剿以杜其入閩之計且汪逆猜恨日甚驅除異己賊目多不附之其勢自將內訌正可乘機就其遺黨輸誠者使之內應尤易得手著左宗棠卽飭高連陞等得勝之師移營進逼鎮平與康國器軍及粵省官軍

兩路夾擊毋失事機其武平上杭各路應防處所仍著該督厚集兵力節節布置毋令旁逸並著瑞麟郭嵩燾令李福泰督方耀等軍併力進攻以成合圍之勢其江西之會昌長甯等處孫長拔已飭席寶田等扼要嚴防著仍遵前旨飭令前赴粵境與閩粵官軍三面圍逼以期一鼓殲除毋稍觀望福建興泉永漳等處民俗獷悍動輒乘機蜂起經左宗棠督飭地方各員將永春同安興化龍溪各屬

匪徒勒洗平毀巢穴辦理甚屬認真仍著左宗棠徐宗幹飭令地方文武儘力擒捕毋留餘孽將此由六百里諭知瑞麟左宗棠徐宗幹郭嵩燾並傳諭孫長拔知之○又諭勞崇光等奏官軍克復大定府城一摺大定府城攻克賊蹤由黔西等處分竄復有孤兒井援賊數千伺隙欲逞著勞崇光張亮基裕麟嚴檄趙德昌鄧爾巽等實力進攻將黔西遵義等境賊次第掃除並飛飭川省援黔之劉

嶽昭等軍合力夾擊。盡殲醜類。滇省軍務情形甚為緊要。勞崇光應卽懷遵。疊次諭旨。馳赴黔省。扼要駐紮。將軍務地方各事宜次第妥辦。以副委任。不得藉待餉為詞。再稽時日。將此由六百里諭知勞崇光。張亮基。並傳諭裕麟知之。○又諭裕麟奏黔省軍務大概情形。請飭四川等省協撥餉需一摺。據稱黔省苗教各匪蜂起。日成負隅之勢。皆由官軍餉匱兵飢。不能擣穴擒渠所致。而士卒尚為可用。將領不盡無能。誠得糧足餉充。以次規取貴定等處。可收事半功倍之效。請飭各該省將協餉源源報解。俾得及時勒賊。以維大局等語。黔省餉需匱乏。亟應迅籌協解。著駱秉章查照張亮基原請。在瀘州重慶兩處釐局內按月撥解黔省銀一萬兩。如數趕緊籌解。湖南東征局現已裁撤。裕麟所請在該局按月先撥黔省銀三萬兩。著李瀚章悉心酌度。該省於援黔尤屬責無旁貸。如可以指撥。無

論何項迅卽籌解。以濟要需。並著官文瑞麟。李鴻章馬新貽鄭敦謹郭嵩燾劉卹膏孫長綬將廣東湖北江西浙江江蘇歷年積欠奉撥協黔兵餉銀兩陸續籌解。毋得稍分畛域。置黔事於不顧。將此由五百里諭知官文瑞麟駱秉章李鴻章馬新貽鄭敦謹李瀚章郭嵩燾並傳諭劉卹膏孫長綬知之。○閩浙總督左宗棠等奏沈葆楨患病未能卽赴江西得旨卽傳知沈葆楨趕緊調理。一俟稍愈卽

行起程前赴江省督解防勦事務。又奏遵查臺灣逆匪陳啞狗實由總兵曾元福生擒正法前署提督林文察相距較遠以致奏報歧異報聞又奏獵射四營盤失陷實因子藥執石俱盡營官熊常富不能設法堵禦致勇丁死亡過半應請革職拏問從之。○以故貝勒奕綺繼子輔國將軍載鈞降襲奉恩鎮國公。○以福建按察使王德榜為布政使。興泉永道邵廷枏為按察使。○以克復貴州大定府



城賞知府鄧爾署副將池有蓮守備王飛熊。巴圖魯名號遊擊俞士瀛等花翎。餘升敘有差。予鎮亡副將賈必祥都司李發貴徐永著。把總何士德祭葬世職加等。革失守城池。隨同克復之道員沈西序署知府同知劉正朝。府經歷張永謀職。劉正朝仍留營。免已革署副將遊擊奎先。都司伊興阿遣戍。留營戴罪效力。予福建巖前等處陣亡副將湯復春。通判龍朝翼遊擊黃春田等祭葬世職加等。

都司朱得福等祭葬世職。○追予湖南東安合門殉難歷任知縣李右文。趙榮祺。建立專祠。眷屬幕友分別旌卹如例。予甘肅甯陽殉難教諭馬賓陽祭葬世職眷屬人等分別旌卹如例。○撫恤琉球國遭風難夷如例。○乙酉諭軍機大臣等。駱秉章奏籌撥滇餉。及請將道員仍留川省。並探聞貴州知縣勒派團民各摺片。四川籌辦滇省。惟唐友耕。劉嶽昭兩軍現在劉嶽昭克復正安。昨復據勞崇

先等奏報克復大定府城。唐友耕分布江基要隘。一俟攻拔。綏陽進解。遵義之圍。將大定一帶肅清。則川黔邊境卽固。該兩軍卽可合力以圖滇事。緩急情形。自應如此辦理。劉嶽昭入黔境後。連戰皆捷。自可功收破竹。掃蕩而前。著駱秉章卽飭該藩司迅速進兵。趕將遵義大定一帶軍事辦竣。卽與唐友耕會合進兵滇境。其川黔邊境。屆時仍著駱秉章另派勁兵嚴防要隘。以備不虞。至滇餉一節。據駱秉章奏唐友耕。劉嶽昭兩軍每月餉項軍火。不下六萬餘兩。入滇後。仍由川省支發。此外林鴻年別無兵勇。其在川收捐。及他省協撥。儘可供零星用款。而川省入不敷出。勢難以一省供兩省之用。固屬實在情形。惟滇省瘠苦之區。如川中力量。但可多籌。仍著駱秉章酌量寬為撥解。以期力持危局。林鴻年已擬進紮川滇邊境。現復由駱秉章等給行貲一二萬兩。自不能再藉口餉需。遷延不進。卽

著該撫迅速進駐昭通。就地先行籌畫布置。一切與勞崇先和衷商辦。方不負封疆之寄。不得再行坐待。唐友耕等軍擁護前進。始行起程。懷之四川候補道楊重雅。既熟悉川省地方情形。且有經手事件。著照該督所請。准其仍留四川。無庸赴滇差遣。貴州署仁懷縣知縣洪姓。任聽書吏蒙蔽。糾約會匪王么太。任志邦等數百人。在寨壩拆毀民房。搶拏糧戶。勒派需索。民不聊生。覽該團民賀廷羽等

所呈該知縣告示。殊堪駭異。該知縣既稱詳明各大憲。何以該撫等於此等方員。不行奏。竟毫無聞見至此。該知縣究係何名。著駱秉章會同張亮基。裕麟迅即將其撤任。確切提訊。從嚴參辦。不准該撫等稍涉迴護。將此由五百里諭知駱秉章。張亮基。林鴻年。並傳諭裕麟知之。尋裕麟奏。遵查署知縣洪用勳。前因辦理不善。業已撤任。其糾約會匪。搶拏糧戶。尚未據紳團具控。該縣因勒賦勸捐軍

糧藉端抑勒。任性橫行。應請革職查辦。從之。又諭前因滿慶等奏請頒給諾們罕羅布藏青饒汪曲敕印。諭令理藩院查案妥議具奏。茲據奏稱。羅布藏青饒汪曲並非曾經得世。亦非奉特旨頒給。覈與成案均未相符。惟查西藏商上原有承辦藏務掌管黃教額爾德蒙額諾們罕印信一顆。歷任掌辦商上事務。呼圖克圖等均經鈐用。嗣經西甯辦事大臣將此印呈交到院。今羅布藏青饒汪曲已

經協理商上事務。可否即將掌辦商上印信頒給等語。即著照理藩院所議。將掌辦商上印信先行解交四川總督衙門。著駱秉章會同崇實暫行封存。至羅布藏青饒汪曲是否為徒眾所服。其於商上事務能否勝任。並應否接用商上事務印信。著景紋詳細察看。確查羅布藏青饒汪曲如能勝任服眾。堪以發給商上事務之印。即據實奏聞。再行就近派員赴川承領此印。轉交諾們罕羅布藏青饒

汪曲祇領。仍俟達賴喇嘛及歲接任時。立予  
撤退。所遺掌辦商上印信。卽由該大臣等會  
同達賴喇嘛封存商庫。以符定制。將此各諭  
令知之。○命禮親王世鐸總理行營事務。○  
丙戌。諭內閣。巡視西城御史台斐音等奏。拏  
獲盜墓重犯。請交部嚴訊等語。李大雨卽李  
榮。劉倉兒戴考田六卽田順兒等犯。俱係盜  
墓多次。積慣猾賊。均著交刑部嚴行訊辦。看  
墳人張四有收受李大雨卽李榮銀兩情事。

據供並未知情得贓。殊難憑信。著一併交部  
嚴訊究辦。至李大雨卽李榮供內有用錢五  
百千在刑部打點官司。又用錢二十八百千  
在順天府打點官司之語。此等兇犯。竟敢交  
通衙署。飢法過賊。無怪其明目張膽。肆無忌  
憚。著刑部卽將該犯所供前情。究係何人受  
賄。徹底訊究。盡法懲治。不得化有為無。稍涉  
徇縱。○諭軍機大臣等。官文等奏。髮捻各逆  
分徧楚境。現在分軍防剿一摺。吳昌壽奏。賊

匪分擾汝宛。勒辦情形。並將勒辦匪圍之文  
武各員奏處各摺片。前股竄豫。捻逆由裕州  
唐縣趨向鄧州。復折回西北。竄近鎮平之賈  
宋一帶。張曜等督軍追剿。疊有新獲。惟賊蹤  
剽疾異常。奔突靡定。吳昌壽現飭張曜等軍  
合隊緊追。並飭譚仁芳由寶豐一帶。直出鎮  
平。迎頭攔截。務當認真扼堵。不可令其竄入  
秦楚境內。尤不可任其乘間折竄汝洛。致秦  
晉之防。又形喫重。並著官文。鄭敦謹。飭令楊

朝林之軍力。願卽防。其襄樊光化隨東等處  
防軍。卽由官文等飭令統帶各員嚴密防扼。  
並檄姜玉順速赴新野。會合豫軍出境迎剿。  
其續竄豫境之後股。賴陳牛李各逆。由西平  
竄至遂平上蔡汝陽等縣。攻破民寨多處。經  
豫省副將王文行等迎剿獲勝。吳昌壽現駐  
許昌。居中調度。著卽飭令王文行等乘勝追  
剿。並飭參將黃祥興統帶陳國瑞所部各營  
拔隊由郢城進剿。毋令該匪紛竄鄰境。湖北

麻城黃安等處逼近賊氛。官文等現已派成  
大吉一軍。移紮孝感。就近策應。並令梁洪勝  
暫紮岐亭。著卽督令該將士等實力堵截。以  
固邊防。俟逆匪全股趨有定向。楚北邊防稍  
鬆。卽飭鄂師全行出境。會合豫軍四面兜剿。  
以冀盡殲醜類。官文等所陳堅壁清野之法。  
實為剿辦流賊要著。務當實力奉行。不得有  
名無實。豫省賊氛日熾。兵力較單。劉銘傳一  
軍。仍著會同藩遵奉疊次諭旨。飭令迅速繞

前截剿。先將賴陳等股。會合蔣希夷各軍。剿  
除淨盡。再行馳赴汝洛一帶。扼賊竄越秦晉  
之路。不得再事延緩。致誤事機。陳國瑞在郢  
城剿賊之後。所部散去五營。又久病未愈。未  
經出隊。該總兵帶隊殺賊。素稱勇敢。仍著吳  
昌壽於妥為羈勒之中。加意籠絡。令其奮勇  
立功。張學醇與陳國瑞有舊。現已赴豫。吳昌  
壽可卽令該員勸諭。必當倍加踴躍也。商水  
縣扶蘇寺寨眾。將差赴湖北之協領依勒吞

等截入寨中。並行李盤費文書路票一併棄  
去。旋將依勒吞等殺害。此事殊堪髮指。若謂  
疑係邊馬邀截入寨。而該協領等有文書等  
件可憑。卽或未敢遽信。亦應送交地方官查  
明辦理。乃竟敢擅自殺害三品大員。已屬目  
無法紀。該縣知縣聯魁。責令寨首交出正兇。  
復敢散出傳帖。糾約各寨共相抗拒。迨該縣  
邀同參將蔣希夷帶兵彈壓。再三開導。該寨  
膽敢開礮。擊傷勇丁不少。蔣希夷進兵圍寨。

始據縛獻兇犯八名。復經蔣希夷入寨。挖殺  
要犯二十餘名。此等莠民。豈復可以理論。該  
縣等臨之以兵。係屬正辦。卽將希夷聽信該  
縣之言。移兵圍寨。亦豈得謂之冒昧。乃吳昌  
壽既稱該寨情同叛逆。又請將聯魁等分別  
撤任摘頂議處。實屬辦理錯誤。自相矛盾。所  
請著不准行。此事是否。卽係王崇德主謀。抑  
另有從中主使之。人所縛獻之八名。是否的  
係兇犯。此事始末詳細情形。仍著吳昌壽查

昨據實具奏此外幫同抗拒之首要各犯卽著吳昌壽查明拏獲並現獲各犯一併從嚴懲辦。如果查有謀叛情形卽著用兵勦除免貽後患。其安分良民仍當分別撫綏用資觀感。將此由六百里各諭令知之。○又諭張之萬奏上南應汎工程萬分喫重現督道廳竭力搶護一摺據稱南岸上南應鄭下汎十堡一帶無工處所因河勢困注塌埽潰隄情形緊要正在搶辦間風雨頻番全河溜勢側注

湧激起洶非常湍急以致該工新築埽工先後墩墊隄身同時匯塌隨築隨墊隄頂僅存丈餘現在親督道廳竭力搶護並催藩司撥款接濟各等語該廳河岸逼近省垣工程甚關緊要現在河流側注埽工塌墊僅存一綫長隄情形萬分危險張之萬身任河督責無旁貸卽著督飭道廳營汎各員弁實力搶護毋稍疏懈該廳險工疊出需款浩繁卽著吳昌壽嚴飭藩司迅速籌款接濟以重要工將

此由四百里各諭令知之。○又諭王榕吉奏回逆擾及鄜州晉省西路邊防喫重擬卽親往布置並將分防隘口繪圖呈覽一摺陝省鄜州一帶既經告警晉省蒲州府屬之榮河等縣絳州所屬之河津縣與陝境均止一河之隔自應實力嚴防王榕吉現今和昌楊寶臣李慶翔等添兵益礮前往西路協力助守俟陳澧到省後卽先赴西路次赴南路相機籌辦惟該省沿邊周圍著名要隘大小五十

六處著名渡口大小六十三處通共防兵不及一萬未免地廣兵單該護撫惟當確探賊蹤何路喫緊卽將距賊稍遠之防兵調集一處併力防剿庶移緩就急兵力不至過形單薄至邊外民團能否助防蒙古官兵是否足恃並著德勒克多爾濟隨時察看認真訓練聯絡民團以壯聲勢不得粉飾因循有名無實王榕吉片片奏新任臬司陳澧素稱知兵現在奉旨辦防必須有得力之兵供其指揮

方能調度合宜。請將撥赴甯夏之楚勇一千調回晉省等語。此項楚勇如能調回山西歸陳湜統帶可收兵將相習之效。若都興阿酌量情形妥籌調撥。近日甯夏戰狀若何。久未奏報。並著都興阿隨時馳奏。將此由五百里諭知都興阿。德勒克多爾濟並傳諭王裕吉知之。○以正紅旗蒙古都統奕山兼署正黃旗蒙古都統。○以翰林院編修王澐署日講起居注官。○以四川大足擒獲逆匪予知縣

饒順等升敘有差。○追予四川定遠陣亡道員黃純熙於合州萬古場建立專祠。○丁亥仁宗睿皇帝忌辰遣官祭

昌陵。

上詣

壽皇殿行禮。○諭內閣徐宗幹奏請將查辦命案遲延之知縣及干預詞訟之在籍京員一併革審一摺。據稱長樂縣民陳和呈控福清縣民林貓弟等將伊胞弟陳灼謀害移屍埋

滅知縣胡毓熙等得受賄錢延宕不辦等情。復據投遞悔呈聲稱賊款得自傳聞止求命案伸冤旋有在籍刑部主事鄭韶庚面見該撫求將陳和控案迅速發落並以陳和係伊戚屬等詞開具節略當面呈遞等語。案關官吏被控得賄延閣命案紳士干預訟事均應徹底根究胡毓熙著先行革職提同全案人證並案內牽控之接署知縣謝昌霖一併詳細審辦鄭韶庚著暫行革職歸案審訊。○諭

軍機大臣等德興阿奏旗營馬隊兵餉請仍發實銀並請發旗員俸銀及探聞金積堡失利潰勇逃至藍屋各摺片。前據德興阿奏西安八旗官兵添設馬隊一千名照八成五章程發給實銀及官員俸銀亦請照章支發。當經降旨允准。茲據奏稱准撫臣劉蓉咨送據林壽圖具詳摺彙擬於八成五兵餉內搭放四成票銀官員俸銀察看庫款情形接濟各等情查前次領過票銀每銀一兩僅易銀一

錢有零為數減少。是有添餉之名。而無實惠之濟。馬匹餵養無資。不免瘠羸倒斃。現值邊患未靖。偶有緩急。羸馬飢軍。何以禦敵。所奏自係實在情形。所有此項馬隊兵餉。即著劉蓉嚴飭藩司林壽圖遵照八成五章程按月支發實銀。不准絲毫蒂欠。以期士飽馬騰。足資訓練。儘仍任意遷延。飾詞枝梧。即著德興阿劉蓉據實奏。以儆玩弛。據德興阿奏稱。省標副參各員。每年薪水。均有數百兩之多。

而旗員於馬乾米折外。僅賴俸銀一項。尚不能按季給發。未免偏苦較甚。懇請如數給發等語。並著劉蓉督飭該藩司將八旗官員按季應領俸銀。如數給發。毋再延宕。金積堡失利後潰勇二千。由隴州奔竄藍屋。德興阿現已布置防堵。即著劉蓉將詳細情形具奏。並與德興阿妥籌防範。毋任紛竄。將此各諭令知之。雲南巡撫林鴻年奏報起程日期。並陳川餉未撥。進止兩難。得旨。著懍遵前旨。迅

赴昭通一帶相機籌辦。兵餉一切。業經疊諭駱秉章設法協撥。該撫惟當與之和衷商榷。妥籌辦理。○追予浙江杭州殉難州同許學陸知縣許樾身妻朱氏。許佳身女祥姑等分別旌卹如例。○戊子諭內閣。前因御史張觀鈞奏興京重地。馬賊猖獗。當經諭令單懋謙馳往查辦。並飭玉明等詳查具奏。嗣因玉明等覆奏各情。意存含混。業經降旨將該將軍等交部議處。茲據單懋謙奏稱。遵即馳赴興

京調齊案卷。查得本年五月間。馬賊自鐵嶺界回竄。後復由舞鳳樓進邊。竄至興京城東新兵堡等處。勒索鋪戶錢文。焚掠民房。官兵接仗失利。後雖小有斬擒。賊匪並未大受懲創。仍由威遠堡門竄出。往花園一統河等處。藏匿。賊首王洛疖疔等多名。均未緝獲等語。興京重地。突有馬賊肆行滋擾。疊次勒索鋪戶。燒毀民房。該將軍等平時既疏於防範。迨至盜賊充斥。又未能督飭弁兵實力勒捕。復

任令賊首遠颺。是其於地方捕務廢弛已極。玉明寶珣德椿均著再行交部分別議處。仍著督飭該處員弁認真緝捕。務將首犯王洛疋等按名弋獲。嚴行懲辦。以靖地方。毋再疏懈。○諭軍機大臣等。畿輔重地。馬賊肆擾。劫奪之案頻聞。盜風迄未少息。本年九月奉

安

山陵朕奉  
慈安皇太后

慈禧皇太后親往行禮。所有經過地方。必須整齊嚴肅。方足以昭敬慎。著萬青黎。卞寶第。劉長佑。嚴飭地方文武員弁。督率馬勇。晝夜巡查。拏捕伏莽。肅清地面。山海關地方緊要。恐有盜匪出入。尤應認真稽查。著長善。督飭弁兵將各處隘口實力巡防。遇有成羣結隊形跡可疑之人。卽行拏辦。不准虛應故事。將此各諭令知之。○又諭單懋謙奏遵旨馳赴興京詳查賊匪滋擾情形一摺。所陳本年四月

間。馬賊由鐵嶺竄至八家子。一路焚掠出邊。復於五月間突至新兵堡。勒索鋪戶。搶劫永福當本並竄入

陵街官兵與賊接仗。屢被擊敗。搶去槍礮大藥等件。焚毀民房數百間等情。與御史張觀鈞原奏大略相同。較之玉明等七月十三日覆陳更為詳盡。玉明身為將軍。委任甚重。寶珣德椿均有地方之責。任令賊匪橫行。擾及陵寢重地。殊屬不成事體。現在該匪由威遠堡

竄出。往花園一統河等處藏匿。賊首王洛疋。顧洛疋。徐占。霍彪子等俱未緝獲。捕務廢弛已極。玉明等若不知愧。知奮力圖振作。自問當得何罪。著該將軍等嚴飭地方文武員弁盡力拏辦。務將賊首王洛疋等悉數弋獲。餘匪一律殲除。以靖地方而衛

陵寢嗣後如有匪蹤竊發。一經訪聞。或被參劾。定將玉明等從重治罪。決不寬貸。將此由四百里各諭令知之。○又諭楊岳斌奏酌量



近日情形一摺。雷正綰等軍在金積堡挫敗後。都興阿等規取甯夏。現仍相持不下。賊勢負隅如前。甯夏等處一日不克。則都興阿。穆圖善全軍俱為牽掣。該將軍等督師進攻甯夏。閱時甚久。雷正綰。曹克忠等軍均萃於東北一隅。兵力亦不為不厚。乃曠日持久。師老無功。雖疊據奏報。業已進紮城根。並時獲勝仗。而甯夏郡城總未攻拔。似此頻兵不進。觀望遷延。亦安望其恢復各城。次第肅清疆圉。

耶著都興阿。穆圖善。懍遵疊次諭旨。激勵將弁。將甯夏郡城速圖規復。其靈州等處賊匪。並著以次掃蕩。迅殄逆氛。儻再靡餉老師。毫無成效。該將軍等豈能當此重咎耶。關外地。方糜爛匪勢日張。極須添兵協剿。以資厚集。著楊岳斌傳知成祥聯捷。令其統率所部星速出關。毋再畏難苟安。節節耽延。致負朝廷委任。楊岳斌務當統籌全局。於各路防剿機宜妥為布置。將近省一帶逆匪。先圖撲滅。以

固省防。再行分路剿辦。以期隴省軍務日有起色。另片奏參縱勇殃民之總兵劉車龍等。本日已明降諭旨。將劉車龍。劉正高。照所請分別革職嚴議矣。據該督奏各情。殊堪痛恨。著楊岳斌將該已革總兵等。嚴行懲辦。以肅軍律。其犯事勇弁。並著飭令雷正綰趕緊查辦。按律嚴懲。毋任一名漏網。劉正高等潰勇。現往東南逃竄。著楊岳斌嚴檄沿途地方官嚴密防範。並飭帶兵員弁實力堵禦。毋令

滋生事變。貽害鄰疆。將此由六百里各諭令知之。又諭楊岳斌奏甘省防剿喫緊。必須得力人員各赴實任。請飭安肅道蔣凝學。鞏秦階道金國琛。迅速赴甘。以重職守等語。蔣凝學因勇潰未能赴豫防剿。曾有旨交官文差遣。嗣因劉蓉奏。甘省軍情甚緊。請飭蔣凝學一軍赴甘助剿。復諭令官文的量情形辦理。茲據楊岳斌奏。稱已飭飭該員另選壯勇千人赴甘。以資調遣。著官文迅飭蔣凝學統

帶所部星夜赴甘。不得稍有遲延。全國琛假歸省墓。現已回營。其所部勇丁。於索餉案內有無應行查辦之處。著曾國藩李鴻章迅即查明。飭令全國琛將部勇分別撤留。星速管帶赴甘助剿。將此由五百里各諭令知之。○以睿親王德長貝子載容總管內務府大臣瑞常錦森春佑為內大臣。○補鑄安徽廣德州知州貴州正安州知州施秉縣知縣邛水縣丞福建海門社巡檢各印信條記。從總督

勞崇光巡撫喬松年徐宗幹請也。○以縱勇殃民革甘肅總兵官劉車龍職。不准留營提督劉正高下部議處。○句到新疆貴州廣東廣西福建情實罪犯停決福建新犯一人廣東斬犯一人絞犯一人餘二十四人予勾。○己丑諭軍機大臣等萬青葵下寶第奏馬賊聚眾入口請通飭嚴拏文謙奏馬賊竄薊等辦剿捕並擬派兵丁梭巡大道各摺片覽奏殊堪駭異直東地面間有馬賊竊發不過三

五成羣及十餘人夥劫行旅從未有聚眾至一二百名在畿輔近地滋擾之事。茲據萬青葵等奏稱本月二十等日有馬賊二百餘名由遵化玉田竄入寶坻縣境該縣會營督兵迎擊衝入賊內被裹把總劉永勝亦被槍傷經民團等夾擊賊始往東南竄逸二十四日竄入薊州境屬之邦均一帶游駛距隆福寺不過三四十里該匪膽大橫行殊堪髮指已諭令神機營酌派弁兵星馳前往剿捕著劉

長佑嚴飭通永鎮督兵會剿並著萬青葵下寶第督率地方文武就現有兵力激勵民團合力兜剿務將此股賊匪悉數殲除毋令一名漏網崇厚現在大沽海口著先派天津鎮帶兵出城察探賊蹤相機迎擊並著崇厚將經手事件趕緊妥辦應否親自督兵候旨遵行惟賊蹤飄忽靡定一聞官兵出擊難保不竄逃出口暫行踰伏長善連成徐廷楫均有稽查間隘之責著各督飭所屬弁兵認真堵

禦截賊歸路。毋令出口。如該副統統等防禦不力。任令該匪出口遠颺。將來查明必當從重懲處。並著嚴密巡查。不准再有續行滙入各口蔓延為患。隆福寺

暫安殿旗綠兩營守護兵不滿百。文謙現派中軍遊擊立祥帶兵五十名。前往駐守。會同防範。著奕助載岱。文謙並察杭阿等。督飭守護弁兵晝夜巡防。本日復諭神機營酌派官兵前往守護。以昭慎重。並著劉長佑速飭通永

鎮派兵數十名。會同文謙所派之兵。自通州起至薊州大道聯絡巡緝。遏截賊氛。至該匪聚集至數百人之多。平日窩藏之所。亦必不少。此次執持槍礮。竄入內地。係由何路經行。何人暗地號召。著各路帶兵大員。於拏獲賊匪時。嚴詰該匪由何口而入。頭目共有幾人。窩藏共有幾處。據實詳細奏聞。本日有旨諭知步軍統領等衙門。力行保甲。稽查奸宄。其京城外順天府直隸所屬地方。並著萬青藜

卞寶第劉長佑嚴飭各屬一體力行保甲。以清伏莽。整頓團練。以輔兵力。不准虛應故事。有名無實。將此由四百里諭知奕助。載岱。察杭阿等。萬青藜。卞寶第。劉長佑。崇厚。文謙。長善。連成。並傳諭徐廷楷知之。○又諭本日據萬青藜。卞寶第。文謙。各奏馬賊聚眾入口。糾黨至二百餘人。擾及遵化。玉田。薊州。寶坻。一帶。經官兵前往勒捕。該逆膽敢執持槍械。接仗拒敵。猖獗異常。覽奏曷勝詫異。馬賊闖入內地。竟至數百名之多。為患何可勝言。且薊州一帶。密邇隆福寺。本年奉安

山陵為期已迫。似此寇盜充斥。尚復成何事體。玉明身任盛京將軍。平時於地方盜賊公行。一味粉飾。揆厥馬賊之由。實堪痛恨。昨因單懋謙馳奏。查悉興京馬賊滋擾情形。已降旨將玉明。寶珣。德椿。交部議處。本日復降旨將玉明開缺。以恩合署理盛京將軍。其吉林將軍仍令阜保暫行署理。並諭神機營派撥勁

兵迅即前赴薊州一帶。會同直隸順天府所派兵弁協力勦捕。以期淨盡。恩合前曾屢次帶兵勦賊。甚為得力。現以盛京緊要。為地擇人。該將軍務將地方捕務事宜。力加整理。並即揀選精練。妥籌策應。如馬賊被勦逸出關外。即當實力兜圍。聚而殲旃。毋任漏網。該將軍如已起程。前赴吉林。無論行抵何處。即著趕緊折回盛京。以資控制。早保現有查辦已爾虎爭界事件。如已起程。亦著趕緊折回吉林。著任以重職。守玉明著俟恩合到任後。即行來京聽候部議。富明阿前已告假回籍。如病尚可支持。即一面迅速奏聞。一面暫駐吉林。聽候諭旨。如已行抵黑龍江。即著特普欽傳知該將軍遵照。阿勒楚喀副都統德英。前已令其來京。陛見著阜保飭令迅即來京。毋稍延緩。將此由四百里各諭令知之。尋富明阿奏傷疾加重。實難支持。遵赴吉林暫駐。聽候諭旨。得旨。覽奏情詞懇切。仍准其回旗調

理。又諭前因御史賈鐸奏京師地方馬賊肆行京城內外俱有窩主。當經諭令步軍統領等衙門清理保甲。嚴拏窩主。將著名各犯協同緝捕。迄今月餘。尚未據各衙門奏獲一犯。捕務廢弛。已可概見。其清查保甲。恐亦未免奉行故事。此事疊經詳諭。仍復有名無實。尚復成何事體。頃據文謙萬青藜等奏。近有馬賊二百餘人。由寶坻竄入薊州境內。在邦均一帶往來窺伺。該處逼近畿疆。難保無匪徒潛入都城。探聽消息。且恐不乏窩藏容隱之處。目前編查保甲一事。萬不能不認真辦理。以為正本清源之策。即著步軍統領衙門五城御史。剋日舉辦。實力稽查。如有形跡可疑之人。立即拏究。並密訪窩頓。從重究辦。務使奸匪無所託足。不准稍涉顛預。有名無實。自干咎戾。其疊次飭拏各犯。並著立限嚴緝。毋得任令遠颺。將此各諭令知之。○又諭喬松年奏。遵陳派兵赴豫情形一摺。河南境內

捻逆現分股竄擾汝宛。距皖較遠。若令皖軍前赴豫省。迤西助剿。轉餉殊難。康錦文一軍所需餉項。向係晉省供支。喬松年現將該軍調赴許州。聽吳昌壽調遣。以便就近迎提。晉餉。卽著曾國藩吳昌壽酌量軍情賊勢。何處喫緊。與前調赴豫之烏爾圖那遜馬隊全軍分投調撥。飭令扼要防剿。以杜賊蹤分竄之路。並著官文鄭敦謹懷遠前督。迅飭姜玉順所部馳赴新野一帶。會合豫軍夾擊。並嚴飭襄鄖等處在防各軍實力堵遏。以固邊防。楚北現已戒嚴。豫省光固一帶。防務亦形喫重。喬松年現飭張得勝黃秉忠兩軍。前赴固始駐紮。作策應楚豫之師。並令英翰仍帶所部暫駐潁州。以顧後路。卽著督飭該藩司等相機援應。實力巡防。喬松年所陳捻匪勢同流寇。宜攔擊不宜尾追。必須堅壁清野。多為備豫。以防其剽掠馳突。現聞賊已入山。如能相度地勢。擇要堵截。俾其不至逸出。卽可乘機

撲滅。所籌尚合機宜。並著曾國藩喬松年吳昌壽會籌辦理。將此由五百里各諭令知之。護江西巡撫孫長祚奏查探髮逆叛勇趨向現籌防剿得旨賊踞鎮平。席寶田周寬世王開琳等軍遠防不如近剿。著仍遵前旨。嚴飭前赴粵境。與閩粵官軍三面圍逼。以期一鼓殲除。克竟全功。毋稍觀望。○命盛京將軍玉明開缺聽候部議。調吉林將軍恩合署盛京將軍。仍以戶部左侍郎阜保暫署吉林將軍。○庚寅諭軍機大臣等本日據奕劻等奏稱賊匪竄擾薊州一帶。並回竄東北。派兵巡緝各摺片。察杭阿等奏稱防護隆福寺情形。一摺與昨日文謙所奏情形大略相同。騎馬賊匪竟敢聚眾攜帶槍礮。由邊外闖入遵化玉田寶坻縣境。復竄入薊州境內之邦均一帶游駛。距隆福寺不過三四十里。膽大橫行。至此已極。此股匪徒。聞由喜峰口邊外竄入。著麒慶迅速查明具奏。現在賊蹤已向東北

折竄。並著麒麟慶趕緊揀派得力官兵。馳赴喜峰口邊門。截其回竄。毋令一名逸出邊外。仍飭令帶兵將領加意巡緝。如有邊外續來匪股。即行嚴密堵剿。不得任令再由此路竄入內地。儻有疏虞。惟該都統是問。將此由四百里諭令知之。○又諭。此股馬賊。聞入遵化薊州一帶。肆行搶掠。現又向東北一帶逃竄。並未大受懲創。難保不去而復來。必應悉數挖拏。殲除淨盡。本日神機營官兵。已由醇郡王

奏派馬步隊共一千餘名。馳往勒捕。並酌派馬步各隊。即日隨同尚書文祥前往隆福寺暫安殿。妥籌防護。以昭慎重。著劉長佑恪遵昨日諭旨。迅飭通永鎮督兵會剿。萬青蓉。下寶第。督飭所屬。激勵兵團。合力兜剿。務將此股賊匪全數弋獲。毋任一名漏網。夾助載銓。文謙。察杭阿等。督令守護弁兵。晝夜巡防。不得稍涉大意。將此由四百里各諭令知之。○又諭。前據張亮基奏。法國主教胡縛理。辦理興

義回匪撫局。執迷不悟等情。當將原摺批令總理各國事務衙門議奏。茲據奏稱。本年閏五月間。曾經法國總譯官豐大業。以貴州興義府匪首求該省主教作保。俱願投降等詞。向該衙門呈遞。當經駁斥。並函致崇實。駁乘章。令其密致勞崇光等。慎重防維。毋為所惑。嗣據崇實等覆稱。因恐中途洩露。未經函知。現經該衙門將張亮基所奏各情。與法國使臣伯洛內閱看。已商允該使臣函致胡縛理。不得干預該省軍務。是該公使亦以胡縛理辦理招撫之事為非。並無異說。著勞崇光。張亮基。裕麟。傳知胡縛理。將法國傳教人向來所持諭單。聲明開導。遇有地方公私事件。及現在勒捕事宜。毋令從中干涉。致多棘手。至劉鴻魁集團勒賊。何以旋被殺害。究係殺自何人有無主使。並該員是否實有縱練殺斃教民之事。仍著勞崇光。張亮基。裕麟。查明據實具奏。不准稍有隱飾。總理衙門摺一件。單

四件均著鈔給閱看。將此由四百里密諭勞崇光。張亮基。並傳諭裕麟知之。尋勞崇光奏遵查劉鴻魁意在邀功。因胡縛理協辦招撫不利於己。起意謀殺教士。任國柱未成。適因勒捐激變。捧昨民人致被戕殺。得旨。前已有旨。諭令張亮基斟酌機宜。維持大局。勞崇光現雖赴滇。仍當傳知胡縛理等。嗣後不得再行干預地方公事。並飭令地方文武。遇有鬧涉教民之案。持平辦理。毋稍偏枯。○句到四

川情實罪。犯停決斬犯六人。絞犯一人。餘三十六人予句。○辛卯。諭內閣。惇親王奏。請嚴緝奸宄。以靖京畿。一摺。輦轂重地。理應嚴肅。惟京城五方雜處。難保無奸匪涇跡。亟宜設法拏辦。以靖地方。著步軍統領衙門。順天府。五城御史。各飭所屬員弁及司坊等官。無分畛域。晝夜嚴查。遇有形跡可疑之人。立即盤問。拏交刑部訊辦。此次申諭之後。各該衙門務須實力奉行。不得視為具文。儻互相推諉。

泄洩自如。定行從嚴懲辦。懷之。○諭軍機大臣等。魁玉奏。江甯駐防衙署兵房。尚未興造。及請撥款籌辦京口善後各等語。江甯駐防撥補兵額。現雖暫緩南下。而營制久廢。仍須及時興復。魁玉以按額應添造兵房一萬餘間。公廨官署二百餘所。工程浩大。鉅款難籌。擬先蓋兵房數百間。續再接辦。自係必不可緩之事。著李鴻章迅即籌款。與魁玉會同妥辦。並將旗營善後各事宜次第興辦。毋得日久稽延。遂至因循廢弛也。至京口駐防。較江甯規模稍備。額數齊全。而餉需久缺。廬舍全無。兵丁棲止乏所。困苦已極。亟應將善後事宜作速辦理。著劉銘傳趕緊派委委員。將應行修葺官署兵房。履勘工程。籌款興造。其額設器械。尚未齊備者。一律製補。俾得早復營制。而免流離。將此諭知魁玉。李鴻章。並傳諭劉銘傳知之。○又諭。張凱嵩奏。官軍偪攻那檀山。澤賊巢情形一摺。逆首孫仁廣盤踞那

檀山澤兩處。官軍分路進攻。疊有新擒。孫逆或接戰輒逃。或伏巢不出。亟應乘其窮蹙之際。併力圍剿。以期一鼓殲除。劉坤一所部之軍現已歸劉培一接統。並經張凱嵩派令道員覃遠。連會同勒辦。卽著張凱嵩督飭劉培一等嚴密布置。奮力進攻。務將此股賊匪迅速剿除。毋令日久負隅。致兵力為所牽掣。張凱嵩擬俟添募湘勇到粵。親赴南甯督剿。自必更臻周密。一俟孫逆一股勒平後。卽分派

各軍將鎮安太平等處賊匪次第掃除。廓清疆圉。馮子材現已抵任。近因貴州黎平都勻苗匪猖獗。柳慶一帶邊防。亦關緊要。卽著張凱嵩傳知該提督妥籌防剿。毋稍疏忽。俟黔防稍鬆。或須該提督移軍督辦之處。仍著張凱嵩酌量具奏。將此由五百里諭令知之。○江西巡撫劉坤一奏。交卸南甯軍務。起程赴任。得旨。該撫所奏各守各疆。未免勞師糜餉。且恐防久生懈。亟須會合閩楚各軍越境圍

剿等語。極合機宜。與歷次寄諭閩浙江西各督撫諭旨均暗相脗合。著於到任後約同各該省督撫分路進兵。合力圍攻。以期一鼓作氣克竟全功。○以廣西潯州勒匪出力。賞道員李均三品封典。提督鄭長希已圖魯名號。知府劉楚英守備覃士雄等花翎。知縣趙沃等藍翎。布政使蘇鳳文等加銜升敘。聞復有差。○予廣西各屬陣亡參將王有元等二十九員祭葬世職。○予廣西貴縣殉難訓導馮

會李炳南祭葬世職。○壬辰。以神靈默佑海運平穩。頒直隸天津府海神廟扁額曰寰海鏡澈。天后廟扁額曰贊順敷慈。風神廟扁額曰功昭聖若。○諭內閣。前任詹事府中允馮桂芬著來京交吏部帶領引見。○人諭曾國藩奏。曹南未能救護主將之總兵同罪異罰。補行糾參一摺。浙江處州鎮總兵陳國瑞。隨同親王僧格林沁帶兵剿擒。與



郭寶昌分統左右兩翼。本年四月間。僧格林沁在曹州府南境追賊陣亡。郭寶昌等救援不力。均經降旨分別懲處。朝廷因陳國瑞向來打仗尚屬奮勇。且於曹南之戰。身騎俱受重傷。從寬暫免置議。茲據曾國藩查明陳國瑞與郭寶昌均充翼長。不應同罪異罰。惟念其接仗受傷。尚可稍從末減。陳國瑞著撤去幫辦軍務。褫去黃馬褂。責令戴罪立功。以示薄懲而觀後效。○又諭。曾國藩奏總兵患病懇請開缺一摺。江南徐州鎮總兵詹啟琨安徽壽春鎮總兵易開俊。均著准其開缺調理。惟易開俊於閏五月間呈請開缺養病。正值捻逆圍攻雒河。該總兵不候該督批示。徑赴徐州軍營稟請驗病。實屬擅離營次。本應治以應得之罪。姑念該總兵曾經打仗受傷。右目已成瞽廢。情尚可憫。易開俊著從寬撤去勇號。以示薄懲。○諭軍機大臣等。曾國藩奏遵覆歷次寄諭。並請飭中外臣工。會議勦捻

事宜一摺。據稱周家口為八面受敵之地。不可無重兵鎮駐。若令劉銘傳西進。恐無益於晉。而有損於豫。所見亦是。劉銘傳一軍。著仍令駐紮周家口。如賊蹤回竄。卽責令帶兵勦擊。該大臣現令張錫嘏招募淮北之勇。備他年征剿西北之用。此軍若招有成數。加以訓練。可先派赴楚豫交界助剿。前諭整頓馬隊。已有幾起。堪以赴豫。著卽查明一面調往。一面奏聞。該督前奏查辦民圩。堅壁清野。及直皖東豫等省。均設有勁兵。雕剿截擊。均是勦辦流寇要著。想已通飭各省一體辦理。如何布置之處。並著遇便陳奏。逆匪竄入湖北之東陽後股。由臨潁郟城折回上蔡。並有將竄周口之說。賊蹤飄忽不常。亟應四面兜剿。著官文。鄭敦謹。喬松年。吳昌壽。懷遵。疊次諭旨。催督各軍合力夾擊。該逆曾否復竄。周口及連日各軍接仗情形。曾國藩等隨時馳奏。以慰廑念。曾國藩以北路防河之法。西路堵剿

之方均非力所能逮。請飭山西河南速辦舟師守禦黃河。亦為當務之急。著吳昌壽、王榕吉派員查勘黃河地段。何處應行添設船廠。即仿照直隸山東添造礮船辦法。咨商辦理。以資得力。曾國藩辦賊之法。前摺已見大概。惟軍情變幻靡常。豈能遙制。著仍隨時與各用兵省分督撫籌商妥辦。以期克竟全功。所請飭九卿科道八省督撫會議之處。著毋庸議。另摺奏參陳國瑞未能救護主將。已降旨將該員撤去幫辦。褫去黃馬褂。稍示薄懲。該提督能否改過。仍著該大臣隨時察看。多方策勵可也。將此由五百里諭知官文、曾國藩、喬松年、吳昌壽、鄭敦謹。並傳諭王榕吉知之。○盛京將軍玉明等奏。勦辦新民廳盜匪。賊擒過半。得旨著嚴飭帶兵員弁趕緊拏務。獲不准一名漏網。○兩廣總督瑞麟等奏。廣東恩平縣客民與土民仇釁日深。現在派員前往曉諭解散。得旨著嚴飭王澍等相機妥

辦。不准敷衍了事。又貽後日無窮之患。○以記名總兵官董鳳高為江西徐州鎮總兵官。記名提督李祥和為安徽壽春鎮總兵官。○予故前任吏部右侍郎王茂蔭祭葬如例。

大清穆宗繼天開運受中居正保大定功聖智誠孝信敏恭寬毅皇帝實錄卷之一百四十九

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十

臣等謹將本年八月內奉 上諭旨開列於左  
八月二十日奉 上諭旨 著德勒克多爾濟奏遵旨迎提防兵並擬俟桂成起程時揀派綏遠城協領穆精阿署理歸化城副都統得旨桂成馳抵該處後著卽偵探賊蹤相度地勢會商扎那格爾第等嚴密布置兩城防守事宜著德勒克多爾濟督同穆精阿妥籌辦理毋稍大意○甲午諭軍機

同治四年乙丑八月癸巳朔

上詣綏履殿問

慈安皇太后安平安室問

慈禧皇太后安至壬戌皆如之○綏遠城將軍

德勒克多爾濟奏遵旨迎提防兵並擬俟桂

成起程時揀派綏遠城協領穆精阿署理歸

化城副都統得旨桂成馳抵該處後著卽偵

探賊蹤相度地勢會商扎那格爾第等嚴密

布置兩城防守事宜著德勒克多爾濟督同

穆精阿妥籌辦理毋稍大意○甲午諭軍機

大臣等崇厚奏選派馬步官兵馳赴薊州一帶會捕馬賊長善奏賊匪突竄入口請將驍騎校等官議處文謙奏賊由遵薊東竄情形順天府奏訪得賊匪居址姓名請飭飛速掩捕各等語馬賊聚眾多人突入喜峰口肆擾遵化薊州寶坻一帶復行東竄出關經過州縣地方任賊橫行毫無阻遏雖有官兵追捕未受懲創若不認真堵遏任賊肆意出沒其患何所底止劉長佑身任封圻責無旁貸著

懔遵疊次諭旨迅派兵弁會同順天府所屬地方文武員弁合力勦辦崇厚已派鄧啟元管帶馬步三百餘員名馳赴薊州東路一帶捕拏並密派姚懷德訪查窩藏勾結之人知會各路官兵按捕此股賊匪倏忽往來必有窩藏之處且難保無各州縣蠹役串通消息卽著照崇厚所擬嚴飭派出各員知會各路官兵密速按捕以遏亂萌長善連成徐廷楷均有稽查關口之責著懔遵前旨遴派明幹

員弁官兵於要隘各口嚴加堵禦並隨時盤詰奸宄庶免該匪出入自由長善於山海關教練馬兵諒已著有成效本日所請將防守不力之驍騎校等官分別議處已明降諭旨照所擬辦理仍著嚴飭該員等加意巡防如敢仍前玩忽致賊匪任意往來必將該員等從重治罪不僅以參處了事現在賊蹤離關不遠匪首諒在其中並著劉長佑長善等密飭派出兵勇一體捕拏務獲毋令遠颺將此

由四百里諭知劉長佑崇厚長善連成並傳諭徐廷楷知之○又諭萬青黎卞寶第奏查得馬賊來蹤暨賊首居址姓名請飭飛速掩捕一摺據稱此次馬賊係由八溝等處搶刦標車旋自喜峰口闖入關內現在寶坻縣知縣於城南大窪地方生擒馬賊一名供稱伊等夥眾共一百七十八人內有為首二人一名張三係錦州紅羅山人一名張玉係平泉州臭水院人又有忙牛營子十餘人都不知

姓名請飭飛速掩捕等語該匪等糾集多人闖入關門若非地方官吏平日養癰成患何至盜匪結黨橫行目無法紀至於此極此時既將蹤跡訊有端倪亟應趕緊拏以除奸究著恩合玉明寶珣德椿慶春麒慶均各密派兵勇分往供出住址將張三張玉等犯嚴密掩拏務獲並將忙牛營子從賊逆犯及其餘夥黨嚴究姓名按名弋捕不准一名漏網更不准機事不密致令賊首聞風遠颺賊蹤

飄忽無常難保不在關外地方滋擾並著恩合麒慶等嚴飭所屬隨時偵探捕拏儻該將軍等泄沓成風縱盜養奸致地方實受其害定必執法嚴懲不貸萬青黎等摺均著鈔給閱看將此由四百里各諭令知之○又諭本日據文謙奏探聞馬賊出口及添派兵丁守護隆福寺

暫安殿情形崇厚奏派兵赴薊會緝賊匪萬青黎等奏查明賊蹤請通飭嚴緝各摺片隆福

寺

暫安殿處所經奕劻等並文謙先後添派旗綠各營兵丁現在統計共有三百數十名本日諭令奕劻載岱文謙並察杭阿等於文祥到時將防護事宜會商妥籌辦理文祥此時計已馳抵隆福寺所有應辦事宜自可與奕劻等詳慎妥商其所帶之神機營兵四百餘名即著留於隆福寺附近地方擇要駐守現據文謙奏稱賊由遵化州煙園店至遵安縣之

刀馬棧向邊界東路逃竄詢據路過行人所稱或由刀馬棧或由喜峰口或由鐵門關逃逸均尚未見的確萬青藜等奏稱據寶坻縣獲賊詢供則稱賊由八溝喇嘛廟五十家子等處竄入喜峰口文祥現抵隆福寺於賊匪蹤跡及竄擾情形就近探訪自必知之更悉賊匪如已出口現在屯踞何處應如何追捕並知照熱河都統就邊外附近地方一體截拏會捕之處諒已妥籌辦理榮祿所帶之神

機營官兵即著文祥飭令探明賊蹤酌派馬隊追擊或應在何處扼要防紮之處亦著相度辦理崇厚聲稱現派馬步隊三百餘名赴薊州東路會同地方文武捕拏並派守備姚懷德改裝易服密訪匪蹤等語所籌尚妥其所派之兵三百名並著文祥留於薊遵一帶防緝應在何處擇要駐守隨時斟酌情形辦理文謙摺片並崇厚萬青藜等摺均著鈔給閱看將此諭令知之○又諭此股馬賊聞風

逃竄未受懲創離邊必不甚遠昨日已由神機營派兵隨同文祥前往隆福寺妥籌防護本日復據崇厚奏稱已派都司鄧啟元帶馬步隊三百餘員名赴薊州東路探蹤捕拏聲勢自己聯絡奕劻等派防葛頭等處要隘兵三百餘名仍應嚴飭實力防守不可稍涉大意所有隆福寺一帶防護事宜並著奕劻載岱文謙察杭阿等會同文祥詳慎妥籌以期周密將此各諭令知之○又諭本日據文謙

奏賊由遵薊東竄是順天所屬已無賊蹤惟此股馬賊剽疾異常出沒靡定若不隨時偵探認真查拏則乘閒而入又將去而復來且順天所屬五方雜處最易藏奸更難保無不法匪徒暗中窩藏勾結萬青藜等身任地方責無旁貸即著督飭所屬力行保甲嚴查奸宄以靖亂萌毋得玩世因循致形廢弛懷之慎之至查拏賊首本係秘密之事萬青藜等於此等事件不用封奏獨不慮外間傳播漏洩風聲致賊匪得有信息先期遠颺何大意疏忽若此除卞寶第現在通州外萬青藜著傳旨申飭將此各諭令知之○以疏防馬賊山海關驍騎校穆琳防守尉錫昌防禦吉忠阿分別嚴議議處○句到奉天江西陝西情實罪犯停決奉天斬犯二人餘三十人予句○乙未諭軍機大臣等文祥奏馳抵邦均探悉賊蹤竄逸撥兵梭勘各情形一摺長善奏派兵守隘並查訪馬賊來路行蹤可否督兵

駐紮羅文峪各摺片據文祥奏稱賊由喜峰口進關沿遵王等州縣竄入寶坻繞至邦均之陳家莊滋擾經文謙派兵與該處團練會擊追至別山及燕山口槍殺八名賊由遵化之煙園店竄至遷安之樂陽一帶勢欲出口現在薊州暨馬蘭鎮一帶均無賊蹤等語與文謙萬青藜等昨日所奏情形大略相同賊匪是否已經出口尚難豫定文祥現帶馬步各隊趕赴隆福寺並分派榮祿英良管帶馬

隊繞由玉田燕山口向遵化迤東一帶探蹤勦捕著即飭令榮祿等會同崇厚文謙所派官兵實力梭緝長善所奏熱河地面八溝一帶尚有馬賊六七百人等語文祥俟抵隆福寺後一面將防護事宜妥慎布置一面即將長善所奏賊情詳細探明近邊一帶各口防兵務須均勻分布徒聚一處則勢難兼顧榮祿等所帶各馬隊礙難遠勦如賊匪業已出口相距較遠即著將此項馬隊並崇厚所派

官兵分布近邊一帶周密巡查如口內各要隘有崇厚等所派官兵足資接替即可將榮祿等所帶馬隊撤回其應留應撤均著文祥相機酌辦長善所奏密派官兵在山海關隘口防守巡緝情形所籌尚妥即著照所擬認真辦理不得有名無實該副都統擬請於巡閱羅文峪時親督官兵駐紮防守即著屆時赴羅文峪一帶擇要駐紮以期周密至山海關地方亦甚緊要著揀派得力協領等員認真

真巡守毋稍大意長善摺一件片二件均著鈔給文祥閱看至馬賊執持火器由熱河邊外闖入喜峰等口有三百餘人之多八溝一帶尚有馬賊六七百人不等麒慶身任熱河都統何以毫無聞見並不派兵勦捕殊堪詫異著即懷遵昨日諭旨迅撥重兵將此股巨匪趕緊撲滅毋得稍留餘孽並將口內馬賊力行截擊不得縱令出關與八溝股匪合併該都統既已疏防於前若再不力將此股匪

徒撲滅任令他竄豈能辭咎長善片一件著鈔給閱看昨據萬青藜等奏賊首張玉係平泉州臭水院人本日文祥奏馬賊頭目係楊五巴等是否即係平泉州臭水院一股並著麒慶查明具奏將此由四百里各諭令知之○人諭劉長佑奏南路防務較鬆擬調臬司回省並請將舊部將弁暫予留營各摺片賊蹤已竄豫省直境防務較鬆既據劉長佑奏稱東西兩路水陸聲勢聯絡邊防益固即著

照所請調臬司李鶴年回省以便該督出省督辦橋道及巡緝事宜惟賊蹤雖遠防務未可稍弛仍著嚴飭大名鎮道統帶文武各員認真操防並令楊毓楫管帶所部實力巡防以期有備無患黃仁遺等遠道來直自可及時錄用未便阻其報效之忱惟楊岳斌抵任後所部僅五千人不敷差遣揆度軍情緩急甘省需人尤亟著劉長佑於黃仁遺等各員弁內擇其尤為得力者酌留數員以資臂助

其餘均著赴楊岳斌軍營聽候調遣以遂其奮勇從征之志諒該員弁等敵愾情殷必能踴躍前往也另摺奏派兵巡緝馬賊等語朝廷因該督老於戎行故特簡來直以期整頓營務壁壘一新用收殺敵致果之效邇來馬賊於遵薊一帶肆意橫行雖有神機營官兵前往勦辦並有崇厚等所派之兵協同捕緝究屬該督分內之事不得因各路兵勇漸集稍存膜視著懷遵疊次諭旨迅速派兵會同

地方文武員弁趕緊訪拏悉數肅除儻敢稍事延緩致令匪蹤任意出沒日益蔓延該督其能當此重咎耶懷之本日據長善奏馬賊入口後三屯營遊擊萬祿出城迎擊眾寡不敵被執至遵化州屬之燴糕店經該處開店回民楊三巴等說合始行釋放並有偏刦實抵縣幫銀二千兩之事又綠營汛地大半空虛有閒操臨期雇募充數事畢即行分散等語著劉長佑確實詳細具奏毋稍徇隱原片

一件著鈔給閱看將此諭令知之○又諭成祿奏即日西征堵剿竄匪迅籌添兵以資接濟一摺甘省北路水阜河等處經楊岳斌撥營駐紮將成祿所部全行替回成祿現令鶴齡川兵作為頭起於七月十五日拔營而自率衛隊及馬天祥趙德正二營即日向西進發擬馳抵平番探賊所向迎頭截擊即著督率各軍相機進取節節掃蕩早日出關毋得藉口兵單餉絀稍涉畏憚因循至直隸綠營

官兵現因防捻緊要不能遠調吉林馬隊徵調太多疊經該將軍奏明邊地不可空虛停止再調成祿請調直隸官兵三千及吉林馬隊一千之處均著毋庸置議本日據劉長佑奏記名提督黃仁遺等二百餘員名赴直投效已諭令酌留數員差委其餘均令前赴甘省聽候調遣俟此項將弁到甘成祿即可咨商楊岳斌酌量調取以資得力成祿另片奏請留遣員差委等語所有已革之總兵慶瑞



副將王夢麟參將鄒學鏞知縣竇型副將楊永魁通判秦自德均著准其暫留成祿軍營以供驅策赴新疆時乘便帶往成祿片奏請飭陝撫製辦棉衣袴五千件迅速解甘等語已諭令該省巡撫趕辦邊地苦寒自應豫為綢緞此項棉衣未經解到以前著楊岳斌先飭甘涼所屬各州縣分派迅辦無面大皮襖五千件陸續解送成祿軍營俟陝省棉衣袴解到即可留作甘省軍士之用成祿請飭山

西等省每月籌解銀二萬兩各該省月協甘餉為數已屬不少豈容增此鉅款本日已諭令該督撫等酌量情形每月解銀數千至所需火藥等件已諭令王榕吉等籌解矣將此由五百里各諭令知之○又諭成祿所部各軍現由甘省取道西進剋日出關剿賊需餉浩繁必須寬為籌備方不至停兵待餉致誤軍行即著官文駱秉章劉蓉吳昌壽鄭敦謹王榕吉於各該省按月各籌撥銀數千兩酌

定數目一面奏聞一面迅速派員如期運解成祿軍營源源接濟毋稍延緩將此由五百里諭知官文駱秉章劉蓉吳昌壽鄭敦謹並傳諭王榕吉知之○署吉林將軍阜保奏遵派右翼協領永壽署喀城副都統德英展限赴京得旨覽奏均悉既派永壽前往署篆著仍催德英將緝捕操防等事宜趕緊部署交代迅速來京不必俟三十日限滿始行起程○山東巡撫閻敬銘奏查辦兗州東昌等處逆絕各產完竣得旨據奏分別抵撥兵餉添資書院斟酌均尚妥協即著照所擬辦理沂屬蘭費等縣荒地並著查明覈辦○陝西巡撫劉蓉降調擢四川按察使趙長齡為陝西巡撫以四川候補道楊重雅為按察使○以勸辦軍械出力予直隸知府卞寶書等升敘有差○命陝西製辦棉衣袴各五千件山西陝西撥火藥各五千斤解赴烏魯木齊提督成祿軍營備用○

上以祭

社稷壇自是日始齋戒三日○丙申秋分夕

月於西郊遣定郡王溥煦恭代行禮○諭內閣

宗人府奏前任副都統宗室惠密之嗣子榮

普係在恩詔以後承繼現據呈請補廕查與

定例不符應否議駁請旨等語榮普著照例

毋庸補廕○又諭長善奏馬賊闖入關內布

置未周自請議處等語此次馬賊擾害遵化

玉田各州縣山海關失於防範長善固屬咎

無可辭因思該匪在熱河等處聚黨成羣已

非一日該處都統何以漫無覺察及擾至直

隸所屬之遵化玉田順天所屬之寶坻等處

該地方官事前既疏於防範事後又不能迅

速掩捕實屬不成事體若不將該管上司量

加懲處勢必至相率因循釀成巨患兼管順

天府府尹萬青藝府尹卞寶第直隸總督劉

長佑熱河都統麒慶山海關副都統長善署

直隸提督徐廷楷均著交部議處以示懲儆

尋議萬青藝卞寶第劉長佑徐廷楷均降一

級留任長善麒慶均降二級調用得旨均著

准其抵銷○又諭前因劉蓉奏丁憂起復知

縣唐正恩前於瀘化縣任內政聲卓著民情

素洽請留於陝西補用業經降旨允准嗣據

吏部以例案不符議駁茲復據劉蓉奏稱該

員服闋到陝後委署三原縣事到任以來規

畫地方利弊俱有條理復與涇陽縣會修龍

洞渠要工未便改委他員致有貽誤等語自

係為地擇人起見唐正恩著仍准留於陝西

補用免交分發指省銀兩○又諭前因陝西

城固縣城失守降旨將略陽營遊擊王其發

四川儘先遊擊楊發祥革職拏問交劉蓉嚴

行審訊茲據訊明該遊擊等於城固縣城被

陷時俱在城外禦賊因眾寡不敵勇丁枵腹

力戰傷亡過多王其發身受重傷楊發祥力

不能支致被衝散委無棄城逃走及臨陣退

縮縱勇搶掠等情請免其治罪准予留營等

語已革遊擊王其發楊發祥均著免其治罪准其留營效力以觀後效○又諭前因穆圖善奏參湖北參將胡得成因病請假取巧規避當經降旨革職茲據劉蓉奏稱該參將因病請假以距營較遠未及守候批示與有心規避擅自離營者不同該參將現在陝省頗著勤勞人亦謹飭請開復原參革職處分仍留陝省撫標右營遊擊署任等語副將銜湖北候補參將胡得成雖非有心規避究屬不候批示著改為開復參將原官准其留於陝西撫標右營遊擊署任仍帶革職留任處分毋庸賞還副將銜以示限制○諭軍機大臣等御史夏獻馨奏京城八旗地面向設柵欄一千一百餘道日久損壞實多外城柵欄廢弛已久致明火盜劫糾結往來毫無覺察請飭申明舊例嚴密稽查等語著步軍統領衙門順天府五城御史嚴飭所屬員弁及司坊等官於安設柵欄處所一律修補完整並責

令兵役人等實力稽查專司啟閉儻查有疏懈情事卽行從嚴懲辦以戢奸宄而昭嚴肅原摺著鈔給閱看將此各諭令知之○又諭長善奏大股馬賊竄出鐵門關官兵追擊接仗情形一摺據稱賊眾從灤陽竄至三岔口由東北奔出鐵門關官兵追出關外迎頭抄擊至桃樹嶺地方該匪傷亡十數人現已遠竄又探聞口外哈達地方賊目丁起龍張洪禮邀集馬賊數百人在於八溝各處結黨成羣並有欲來報復之語著麒麟慶懌遵疊次諭旨迅撥重兵認真撲滅以期淨絕根株賊目丁起龍張洪禮在於八溝地方結黨嘯聚若不趕緊剿除必至釀成巨患並著該都統卽行查明迅速籌辦若任令遠颺貽害他處必治該都統以應得之罪懌之劉長佑身任封圻責無旁貸著卽遴選能帶馬隊之戰將數員挑派得力馬步隊數百名馳往八溝地方會同熱河兵弁痛加剿洗毋稍懈怠馬賊雖

竄出鐵門關難保不去而復來長善務當督率弁兵嚴防關隘並於附近一帶地方多設偵探遇賊卽擊所有邊牆倒塌地方各小口著劉長佑麒慶長善派員查勘設法堵禦為一勞永逸之計本日又有人奏賊擾遵化署知州恭鈞並不帶役堵禦轉給與酒食大張筵席任其飽颺而去等語如果屬實實屬不成事體著劉長佑查明據實奏片一件鈔給劉長佑閱看將此由四百里各諭令知之

○又諭長善奏大股馬賊竄出鐵門關現已遠颺又探聞哈達地方有賊目丁起隴張洪禮邀集馬賊數百人在八溝各處結黨成羣並有欲來報復之語已諭令劉長佑麒慶認真剿辦矣昨諭文祥將榮祿所帶馬隊及崇厚所派官兵分布近邊一帶周密巡查仍著懍遵前旨將應留應撤官兵相機分別籌辦哈達地方賊目丁起隴等情形若何麒慶曾否派兵剿辦能否得力並著密派妥弁前往

偵探如熱河兵不得力應否添調之處並著酌度奏聞長善摺片二件著鈔給閱看將此由四百里諭令知之○又諭玉明等奏協領接仗失利現籌援應情形一摺開原屬之九社孫家臺等處疊有賊匪三百餘人竄擾焚掠昌圖廳屬又有盜匪二百餘名前往焚劫該匪復從吉林東山向來盜首烏蕊李匪黨五百餘名占踞偏梁屯等處其開原城西古城子明安碑等處復有另股賊匪一百四五

十名協領恩科等由明安碑渡河往擊未及渡齊為賊所乘陷於水淖器械多失該協領統兵七百餘名遇百數十名之賊遽至敗衄雖屬不識地利其懦弱無能亦可概見恩科著暫行革職戴罪剿賊以觀後效目前昌圖開原等處一片賊氛恩合計可抵任卽著確探賊情應否親帶勁旅出省督剿並著酌量辦理恩科現已失利飭令整頓隊伍會同協領古尼音布等馳往昌圖偏梁屯等處力殲

羣醜並移會吉林將軍派兵兩面夾擊務將烏應李等犯首擒斬以絕根株明安碑等處股匪著飭令協領德印會同開原尉縣追擊毋任紛竄添調之錦州義州馬隊卽揀得力之員統帶以為援應孫家臺等處賊匪現竄何處並著恩合等設法兜剿恩合經朝廷特簡於地方軍務必須實力整頓破除情面將弁中如有畏葸遷延卽行嚴叅懲辦省中標兵緝匪諸事該將軍尤須會同寶珣等認真辦理匪犯徐五回踞大孤山現在情形若何如須水師助剿卽遵前旨奏調恩合未到任以前玉明責無旁貸不得存五日京兆之見自干咎戾奉省為根本重地總由地方官平日養癰貽患以致賊匪橫行寶珣德椿儻再不知振作精神力圖補救厥咎甚重朝廷豈能曲貸也將此由五百里各諭令知之○又諭劉蓉奏擊退甘回進攻吳旂鎮勦辦甘省逃勇探明擒逆竄擾情形分防潼商等處並

張家川竄回猖獗各摺片甘省逆回由合水竄入邠州所屬之王家角經邠太愚楊得勝整軍進剿該逆聞風遁回而吳旂鎮大股逆匪尚盤踞未動該處逼近陝邊定請卹保一帶均虞竄越劉蓉現飭楊得勝駐兵河上原以防賊回竄邠太愚率所部四營進攻吳旂鎮踞逆惟兵力較單必須甘省分兵會合始能收夾擊之效劉蓉請派魏添應一軍會同截剿惟該軍前在金積堡敗挫後能否再振著楊岳斌督同楊能格斟酌情形就近調撥一軍會同邠太愚等將吳旂鎮踞逆實力勦洗毋留餘孽靈州金積堡之匪擾及紅柳溝羊圈山等處劉蓉現派陶茂森帶兵千名馳防柳樹澗著楊岳斌飭令翁同書將甯條梁所駐防兵移紮柳樹澗以資厚集劉正高所部潰勇由汧隴竄至鄠縣經邱時成彭體道等督隊勦殺殲斃數百名餘眾七百名棄械悔罪勦辦尚屬認真所有擒獲之首犯王得

順等即著劉蓉訊明正法以昭炯戒。劉蓉以該潰勇等擅敢相率逃逸復於沿途擄搶若准其回籍恐甘省各軍效尤更無固志現仍勒令文元興等帶此項投誠潰卒回甘歸伍所見固是但此等潰勇留在軍營徒糜餉需恐難得力著楊岳斌酌量驅策分別去留毋令再萌故態。張家川逆回前已為雷正綰勦除此時復有逆回數千竄踞著楊岳斌派兵馳勦劉蓉即飭蕭德揚劉玉興等軍迅於汧

龍擇要堵禦毋令闖入河南張總愚等股竄入宛境蔓延南陽鎮平鄧州等處內鄉浙川一帶俱有邊馬肆擾是陝省商南防務尤形喫重劉蓉已派劉厚基督率五營駐防武關一帶黃加焜招募兩營扼堵漫川關著即嚴飭各員會同該處地方團練嚴密布置毋稍疏虞其潼關防務並著迅催黃鼎之軍趕緊馳赴金陵關妥為備禦秦豫壤地毗連逆蹤時虞西竄豫省各軍業經屢諭吳昌壽迎頭

堵擊毋令竄陝矣。昨因劉蓉於前次回奏蔡壽祺所參摺件語乖敬慎已照部議將該撫降一級調用並開放趙長齡為陝西巡撫趙長齡到任尚需時日陝省東西兩路邊防喫緊劉蓉在任一日即係責無旁貸僅敢存五日京兆之見致誤疆事必將劉蓉再行治罪懍之將此由六百里諭知楊岳斌劉蓉並傳諭楊能格知之。○漕運總督吳棠奏據藩司稟稱曾國藩批飭清淮防務已鬆防兵大可

裁減查清淮為南北通衢本年秋收已歉冬後更虞宵小竊發擬將得力之兵勇酌留六七千名其餘各隊漸次遣撤得旨著照所請即咨商曾國藩妥籌辦理毋致顧此失彼又秦湖河續漲趕啟高郵各壩宣洩仍飭道廳竭力搶護批仍著督飭該管道廳分投加鑲極力搶護所需經費著與李鴻章籌商撙節提用覈實報銷。○賞已革內閣學士恩承五品頂帶交神機營差委。○補鑄浙江杭州協

副將紹興協副將金華府通判經歷儒學武義浦江等縣知縣金華蘭谿東陽永康等縣縣丞東陽縣儒學各關防印信條記從巡撫馬新貽請也○以奉天開原昌圖等處被匪竄擾城守尉賡瑞通判奎壽知縣榮昌下部議處以疏防弁勇滋事革陝西總兵官李成一等職仍留營摘提督蕭集山等頂翎○予陝西城固被戕副將顏明亮祭葬世職加等丁酉祭

先師孔子遣大學士倭仁行禮○欽奉

慈安皇太后

慈禧皇太后懿旨太常寺卿奕慶著在弘德殿行走教習清文○諭軍機大臣等文祥奏督同馬步各隊馳抵隆福寺大概情形一摺此次馬賊由邊口竄入該管官業已疏防於前途該匪回竄並不撥兵嚴密堵禦任令竄出鐵門關搶去礮位擡槍營務廢弛已極著文祥迅即查明據實奏該匪形蹤詭秘雖經

官兵追躡並未大受懲創難保不去而復來隆福寺

暫安殿防護最關緊要本日已令福興馳往統帶神機營守衛馬步官兵所有應行籌辦各事宜著文祥迅速妥為布置俟福興到防後將防務交該都統接管即行回京覆命並著將崇厚派出之馬步隊三百餘員名調赴遵化州擇要駐紮其榮祿等所帶馬隊已派赴遵化一帶確探賊蹤俟各要口情形查探明確後文祥如察看現在兵力足敷分布即著飭令榮祿等帶隊回京至所稱薊東一帶酌留兵隊沿邊各口添兵守禦使該匪不敢再來窺伺所籌甚合機宜本日據麒麟慶奏查明馬賊入口情形現派佐領穆濟楞帶兵赴喜峰口扼截已嚴飭該都統督率各營認真堵剿並令劉長佑添派官兵將邊牆一帶各隘口嚴密設防矣麒麟慶摺著鈔給閱看將此由四百里諭令知之○又諭麒麟慶奏查明馬賊

入口現辨情形一摺該都統平時於所轄地方漫無覺察任賊縱橫迨至接奉寄諭始鋪敘兵勇追剿賊蹤飄忽等詞入奏以圖掩飾昏憤顛預實屬可惡現在此股馬賊竄出鐵門關搶去擡槍礮位在分水嶺地方屯踞並聞口外哈達地方有賊目丁起隴等馬賊數百成羣結黨是否卽係該都統摺內所稱自清河溝等處竄來之匪著卽懷遵疊次諭旨飭令佐領穆濟楞等帶領馬隊官兵將喜峰

口邊門一帶嚴密截剿並一面督飭八溝等營將丁起隴等賊盡力殲除儻再形同犖犖致馬賊再行入口必將麒慶從重治罪劉長佑身任封圻徐廷楷統轄綠營於賊匪竄入內地地方文武漫無準備已屬不成事體又復任令遠颺搶掠關門槍礮來去自如肆無顧忌不識該督等所司何事著迅遵前旨添派官兵將邊牆一帶各關口如遵化之鮎魚池冷水嶺山查峪沙寶峪馬頭峪羅文峪遷

安之喜峰口鐵門關等處以及不甚著名歧出邊口擇要堵扼嚴加備豫儻謂賊蹤已去仍無布置致賊復行入口或另股續行竄入恐該督等不能當此重咎也懷之將此由四百里諭知劉長佑麒慶並傳諭徐廷楷知之○又諭王榕吉奏臬司到任商辦防務陳湜奏馳抵晉省與撫臣商辦防堵事宜請於楚軍內擇尤為得力之員酌派數員來晉各等語前據劉長佑奏記名提督黃仁遺等二百

餘員名由湖南赴直隸軍營投效當以甘省需員帶兵已諭令劉長佑擇其尤為得力者酌留數員其餘令赴楊岳斌軍營聽候調遣茲覽王榕吉等所奏請調陳湜舊部楚將劉長佑將前次到直之黃仁遺等二百餘員名開單知照王榕吉陳湜其中如有陳湜舊部得力之員准其調赴晉防此項人員內如無該臬司舊部卽不必勉強遷就調往致滋



穴濫此外或有尚在本籍及他處軍營之員亦准陳湜與該護撫籌商酌調以資得力所陳擬將楚軍教練之法酌採條目咨行各鎮協分飭所屬弁兵於常操外按照新章認真操演尚屬簡便易行惟須認真辦理方可漸次收效陳湜將臬司公事稍為料理即著馳赴澤潞蒲州等處察看地勢兵情如有應行更張之處隨時與王榕吉籌商妥辦以副委任將此諭知劉長佑並傳諭王榕吉陳湜知

之○又諭張之萬奏祥河廳祥符汛大河溜勢由十四堡對岸灣折北趨直射十五堡奔騰浩瀚勢甚湍激致順隄七八兩埽陡墊入水其八埽後起至十六埽後止大隄裂縫七十餘丈現在竭力搶鑲工程萬分喫緊需費浩繁前經譚廷襄奏明在開歸河北二道應領壬戌年找撥不敷銀款內酌數行司籌撥並經行令該藩司將同治二年南岸上南廳邵家寨搶工不敷指撥壬戌年另案不敷三

成現銀二萬五千兩同治三年北岸黃祥二廳搶工不敷指撥壬戌年另案不敷三成現銀一萬二千五百兩先行籌發迄今分釐未撥請飭迅行籌撥等語祥河廳險工疊出並上南等處待款孔殷亟應寬籌經費以濟要需著吳昌壽轉飭藩司迅將前項准撥之款照數籌解毋再玩延並由張之萬迎提到工酌覈動用仍督飭該道廳等將應鑲埽各工實力搶辦俾一律均臻穩固不准稍有疏虞昨據劉蓉奏捻首牛落紅等由內鄉西竄浙川廳之板橋川商南防務視潼關尤形喫緊劉蓉已飭劉厚基率所部赴武關一帶扼紮並檄黃加焜等軍扼守漫川關金陡關等處已諭令劉蓉嚴密防範惟兵力較形單薄並著吳昌壽督飭豫省各軍實力遏截夾擊毋令擾及鄰境完善地方近日軍情著隨時確探馳奏將此由四百里各諭令知之○以湖北漢川縣捐輸團練永廣學額七名○以

江西永甯縣捐輸軍餉永廣學額四名○以廣東潮陽縣捐輸軍餉永廣學額一名 戊戌祭

大社

大稷遣醇郡王奕譞恭代行禮○諭內閣前據伊犁參贊大臣聯捷奏陝西布政使林壽圖莅任兩年諸務廢弛終日燕處衙齋沈湎於酒巡撫劉蓉諸事聽信以致叅劾不公物議沸騰並據御史陳廷經奏劉蓉於蔡壽祺一

案回奏摺內大言不慚有乖臣禮且摺內申明從前胡林翼密保之詞忘其洩漏軍機之罪請旨嚴行懲辦當經特派瑞常羅惇衍馳赴陝西嚴密訊辦茲據奏稱或事屬子虛或實有其事請交部議處等語此案既據瑞常羅惇衍查明林壽圖於陝西善後各事宜均經隨時剴飭各屬籌辦亦無沈湎於酒實據其叅劾各員或由劉蓉特叅或由藩臬會詳非盡出林壽圖一人意見已革通判松齡等

以被叅屈抑等詞稟訴經瑞常等逐層研詰並剴飭林壽圖據實聲覆均非無故叅劾其李紹曾所稟輪署到班不委各情亦係懷疑妄稟全屬子虛均著無庸置議惟林壽圖因福建會館會祭天后演戲宴請同鄉各官於部選通判松齡到任日期不遵部限署知縣謝輔纓張惶賊勢多報勇數僅予撤任停委均未允協林壽圖著交部議處劉蓉於瑞常等傳旨面諭後即自知前奏措詞失平俯首

引咎所稱胡林翼密保之詞雖據呈出胡林翼原信係由該前撫鈔給閱看究屬不合除胡林翼業經病故無庸議外劉蓉著交部議處署涪化縣知縣謝輔纓於回匪竄擾縣境雖防守尚稱嚴密而張惶虛報亦屬咎有應得著交部議處尋議上得旨前任陝西巡撫劉蓉著照部議降一級留任該撫業經另案降調此次應得處分著該部照例註冊林壽圖著降三級調用毋庸查級紀議抵謝輔纓

著卽行革職○諭軍機大臣等。文祥奏酌擬布置防緝情形。並京兵駐紮遵化及拾獲賊匪結盟小摺鈔錄進呈。各摺片遵化還安為沿邊口隘要衝。文祥現今天津兵勇暫紮還安。令榮祿等各處按查。事竣酌留所帶馬隊駐紮遵化。並以口外地方遼闊。京兵情形不熟。飭令榮祿等實力巡防。毋得貪功輕進。與初三日寄諭脗合。卽著照所擬辦理。至此次賊匪聞風遠竄。並未大受懲創。且於竄出鐵

門關後。在分水嶺地方搶刦標車。若不設法按剿盡絕根株。其患何所底止。文祥另籌殲除辦法及防護事宜。卽著妥籌具奏。至拾獲賊匪結盟小摺。所載匪徒姓名住址。是否隨意捏造。抑係有心仇扳。本日已寄諭劉長佑。崇厚。麒慶。長善。閻敬銘。派員嚴密訪查。如果屬實。卽行拏獲究辦。將此諭令知之○又諭。據文祥奏稱薊州文武與該匪接仗後。拾獲結盟小摺。內開有山東直隸等處之人註寫

籍貫地址。繕單呈覽等情。此股馬賊膽敢聚眾搶刦。擾及近畿一帶。並與直東各匪結盟。難保不勾結為患。更恐此外另有匪徒潛匿各境。與該匪暗中聯絡。亟應設法按拏。以弭後患。卽著劉長佑。麒慶。閻敬銘。迅速派委員弁兵丁。按照單開名姓住址。明查暗访。務將結盟匪黨悉數按名弋獲。不准有名無實。任令該匪漏網。致干重咎。並著崇厚。長善。將天津永平各犯。就近查拏。毋稍推諉。原單均著鈔給閱看。惟此單係屬該匪遺失。是否捏造。偽名抑或意存仇扳。必應查訪明確。方不至濫拏無辜。單內所開遵化縣自係卽遵化州。福連一名。是否蒙古旗人。沙珍一名。是否回民。抑係僧人。並著劉長佑等密行訪查具奏。斟酌妥辦。總期無枉無縱。以昭覈實。至古北口官兵與賊接仗。官兵首先潰敗。以致標車被刦。文祥已咨查該提督將帶兵不力之員。據實嚴參。並著劉長佑。麒慶查明詳細情形。

參奏母稍徇隱將此由四百里各諭令知之  
己亥遣官祭

文昌帝君廟○諭內閣朕奉兩宮

皇太后懿旨現在天氣漸寒八旗兵丁生計維艱殊深軫念所有該八旗兵丁等著加恩賞給一月錢糧卽由戶部按照現行放款事例迅速籌給以示體恤諭軍機大臣等吳昌壽奏賊蹤分竄東股竄及阜陽西股仍在唐縣官軍剿辦情形一摺另片奏陳國瑞患病請假兩月等語東股賴陳等逆經參將王文行等追剿截殺賊由沈項一帶擾及阜陽西股捻匪本由唐鄧竄擾鎮平折竄鄧鎮交界之黑龍集地方意圖久踞經張曜等整旅進擊斃賊甚夥匪眾棄壘東走張曜率隊追擊屢挫賊鋒該匪遂向東南竄去已至唐縣之井樓水虎劉等處卽著吳昌壽嚴飭張曜等力圖進剿將唐縣境內踞匪悉數殲除其東竄阜陽之賊並著吳昌壽督飭王文行等實

力追擊相機剿除惟豫省兵力止有此數東西分勦實有應接不暇之勢官文等前奏調姜玉順一軍直赴新野會合豫軍剿賊何以至今尚未入豫喬松年前奏遵派康錦文一軍前赴許州何以迄無抵豫消息實屬玩泄均著傳旨申飭現在竄擾阜陽賊匪逼近潁州喬松年當飭令英翰等實力迎擊曾國藩迅飭劉銘傳周口一軍會合兜擊盡殄賊氛成大吉等軍並著官文鄭敦謹飭令由孝感一帶節節進兵以勦為防不得自顧疆界再涉延玩其西股竄至唐縣者與隨襄相去甚近官文鄭敦謹當飭劉維楨等軍認真堵剿毋令賊蹤入楚一面飛飭姜玉順帶兵出境會剿不得再事因循貽誤疆事豫省剿賊利在馳騁需用馬隊甚殷著曾國藩懍遵前旨將馬隊迅速整頓續行添撥赴豫交吳昌壽調遣以厚兵力陳國瑞現在患病著賞假兩箇月准其前赴清江就醫回籍省墓假滿卽

令速赴豫省聽候調遣將此由六百里各諭令知之○又諭據瑞麟等奏官軍擊敗花旗股匪並擬現復鎮平情形一摺花旗股匪被江西截擊回竄龍川等處託為就撫以款我師經瑞麟等飭令卓興等移營進剿斃賊多名現仍令該將弁跟蹤追剿所辦尚合機宜惟康逆在鎮平與霆營叛卒互相援應並有由嘉應出竄之意設與花旗合股同竄南雄信豐勢必再擾江楚瑞麟等雖調派副將朱國雄等移紮連和並添募楚勇馳赴南雄扼守而進倡鎮平之軍止有方耀康國器兩軍尚形單薄未可以操必勝之權閩粵接壤之區雖嶺路崎嶇而高連陞等軍何以日久未到著左宗棠等嚴飭各軍迅速馳赴粵省會同進剿以期速復鎮平前諭孫長紱飭令席寶田等軍越境會剿劉坤一並有會商粵閩督撫派兵合剿之奏計程當抵新任並著迅速催令贛州防軍入粵以厚兵力毋稍遲誤

花旗剿敗之餘易於殄滅若將此股速籌剿除則不至專待客軍方能蕺事著瑞麟等嚴飭卓興等奮勉攻剿不得稍涉鬆懈致任竄逸偽天將譚富自拔來歸殊可嘉尚著准其更名隨營效力儘能殺賊立功並著瑞麟等奏請獎敘將此由六百里諭知瑞麟左宗棠徐宗幹劉坤一郭嵩燾並傳諭孫長紱知之○以右翼前鋒統領伯彥訥謨祜為鑲藍旗漢軍都統○予河南唐縣等處陣亡千總張玉豐把總蔣尚友等祭葬世職加等○予直隸阜城等處陣亡殉難文生杜捷三等紳民婦女五千一百八十六名口分別旌卹如例○緩徵甘肅皋蘭靖遠隴西會甯安定涇崇信七州縣被災被擾地方上年額賦○庚子遣官祭關帝廟○諭內閣御史朱學篤奏各省京控案件延玩未能迅結請飭部嚴定逾限處分以清積獄一摺江南山東等省京控案件疊

經發交各該督撫將軍提訊究辦乃有重大  
案情虛懸數載並未訊結實屬玩世嗣後著  
直省督撫將軍等於交審案件督飭各員勒  
限完結毋得任意延宕其有逾限不結等情  
應如何嚴定章程從重議處之處著該部妥  
議具奏尋吏部奏遵議交審案件逾限未結  
處分應照舊章辦理惟提解遲延處分向例  
較輕應酌量加嚴以杜避重就輕之弊從之  
又諭御史朱學篤奏已革運司營私亂法

請飭押解回籍等語已革候補鹽運使金安  
清前因藉捐肥己屢列彈章經曾國藩等查  
明奏請革職茲據該御史奏稱該革員現仍  
匿跡揚州與地方官紳夤緣來往並使親友  
濫入捐局坐食厚俸侵蝕釐金實屬怙惡不  
悛金安清業經革職著永不敘用並著李鴻  
章劉鄩膏卽派員將該革員押解前赴浙江  
原籍交地方官嚴加管束毋許出外滋事  
又諭前因御史丁壽昌等先後奏叅護理陝

甘總督恩麟等偏聽議撫縱賊擾民並都察  
院奏甘肅增生胡第甲等呈控大吏狃和殃  
民各情均經諭交楊岳斌秉公查辦茲據楊  
岳斌逐條確查分別酌擬具奏此案撤任甘  
肅布政使前護理陝甘總督恩麟於陝回變  
亂之初既未能嚴扼邊防迨賊蹤竄入甘境  
狄河回匪相繼滋事復輕聽革員成瑞和祥  
狃於議撫致甯夏固原等城疊被淪陷生民  
慘遭荼毒嗣又奏報不實濫保多人且平時

於升調補署各缺動輒瞻徇吏治日就廢弛  
實屬欺蔽昏庸辜恩溺職深堪痛恨恩麟業  
經撤任著卽行革職已革提督成瑞開復道  
員和祥經恩麟委辦回務偏於主撫迨回眾  
屢叛輒以漢民挑釁為詞飭令各城鄉散團  
繳械致回逆橫肆殘殺村舍為墟復敢危言  
恐嚇稟報欺蒙貽誤事機實難辭咎和祥業  
經病故著仍行追奪官職成瑞著仍發往黑  
龍江充當苦差不准各統兵大員奏留隨營

並由楊岳斌卽行起解。已革捐職幕友彭沛霖經前署督沈兆霖奏參發往黑龍江充當苦差。歷時四年。疊經有旨嚴催起解。仍敢逗遛甘肅省城。往來督署。並夤緣入成祿軍營。希圖免罪。實屬怙惡不悛。目無法紀。彭沛霖著不准留於成祿軍營。卽行解赴黑龍江充當苦差。永遠不准釋回。該革員家產並著查封入官。變價充餉。毋庸給還。勒休參將松林已革護參將李友伏守備劉建勳已革署西甯鎮總兵楊永魁以勦賊武弁相率迎合縱寇殃民。弛備喪師。實堪痛恨。除松林業已勒休。李友伏楊永魁業經分別革職遣戍。均無庸議外。劉建勳著卽行革職以示懲儆。○又諭楊岳斌奏訪查劣蹟昭著各員請旨革職等語。甘肅卽補知府葛以簡踰閑蕩檢。行止不端。試用通判鄭聲文巧滑鑽營。聲名惡劣。署永昌縣知縣李廷輔卑鄙乖謬。眾論不齒。署金縣知縣劉淇夤緣奔競。志趣卑污。署安

定縣知縣胡國棟貪酷任性。不協輿情。均著卽行革職。各該革員中尚有被控之案。著楊岳斌逐案嚴加審訊。俟定案後再行奏請分別治罪。○又諭聯捷奏途次接據回民呈詞請飭地方官妥為曉諭開導等語。自陝回滋事以來。延及甘省。該回民等豈盡無良。或住居村莊。房屋被賊焚毀。或恐其勾結家屬。被官扣留。茲覽生員王家琇等呈詞並具連環保結。請准安業實堪矜憫。朝廷於漢回赤子初無歧視。如果實係良回。豈能任其流離顛沛而不為之所。王家琇等著楊岳斌查明飭地方官妥為安置。並懷遵疊次諭旨。刊刻謄黃通行曉諭。毋令一夫失所。○諭軍機大臣等。劉長佑奏馬賊任意出沒跟蹤會勦並遵旨飭查萬祿等被參各情。設法堵禦邊口各摺片。馬賊由鐵門關竄出八溝一帶。尚有馬賊數百人聚散無定。劉長佑現在添調提標馬步兵二百名交參將趙喜義管帶。並由徐

廷楷加派勇敢將弁前赴八溝一帶會剿卽著嚴檄該員等會同熱河派出官兵協力進剿悉數殲除毋得稍涉疏虞致令馬賊得再奔竄入口劉長佑俟李鶴年回省擬卽酌帶南路馬步隊數百名先行馳赴永東遵薊一帶查勘邊隘卽照該督所擬於出省後妥籌堵剿一俟布置周密再行折回查勘橋道毋稍大意遵化遷安等處邊牆關口紛歧劉長佑務當嚴檄派出弁兵認真防守晝夜巡邏力扼該匪竄越之路毋得有名無實任令賊蹤來往自如致干咎戾萬祿章燦恭鈞等所報剿賊被圍登時擊退各情與原參情節迥不相符著劉長佑秉公查明如所參屬實卽行從嚴懲辦毋稍寬縱賊由鐵門關逃逸其時何弁駐守並附近鐵門關等口不能堵禦之員弁均著查明從嚴參辦將此諭令知之○又諭楊岳斌奏哈密賊眾意圖東襲嘉峪關聯捷奏剿辦會甯安定股匪進軍救援北

路繪圖呈覽各摺片奇台陷後文麟退紮巴里坤徐圖進剿哈密已據文麟前次奏報該逆兇鋒日熾其欲攻取坤城東襲安西敦煌玉門直趨嘉峪關自在意計之中文麟兵力單薄若關內無兵接應誠恐一意東竄匪勢日張且嘉峪關前次曾被關外獵戶襲踞又肅甘一帶一片回氛若內外勾結為患何可勝言成祿聯捷鶴齡本係出關之軍現在楊岳斌以甯靈股匪分竄涼州商令成祿鶴齡由涼州進發卽著該提督迅速整軍掃蕩而前剋日西剿並著楊岳斌飭令黎獻之軍將肅州城垣迅行攻拔肅甘一帶無警成祿及鶴齡各軍卽可取道出關相機剿辦毋得再事遷延聯捷現因曹克忠失利後經楊岳斌商令進援北路該大臣已進紮蕭河城收復石山灘等處回村上下回民百餘里均已就撫著卽迅由鹽茶廳等處探明賊蹤力圖剿洗惟回逆狡詐多端甘省諸軍屢因議撫債



事可為前鑒。聯捷萬不可稍涉大意。致墮狡謀。出關兵力不厚。又為肅甘回匪牽掣。而甯靈自雷正綰曹克忠敗後。匪勢又復蔓延。楊岳斌身任封圻。自當統籌全局。應如何添兵北路。騰出聯捷一軍。會合成祿西行之處。著該督妥籌調度。聯捷另片奏。逢次接據回民呈詞。請飭妥為安插等語。已明降諭旨。交楊岳斌飭令地方官妥籌安插矣。朝廷於回民初無歧視。如果安分良回。地方官何得一概驅除。致令相率從賊。但逆回詭譎百出。動以乞撫施其詭計。亦不可不嚴為之防。惟在地方官辦理得宜。庶可望其觀感。不致墮其狡謀。嗣後著楊岳斌細心查覈。如實係真心向化者。方可寬其既往。予以自新。萬不可再蹈從前覆轍。其私通逆回之彭慶漳著該督嚴飭查拏。即行正法。毋任漏網。將此由五百里各諭令知之。○大學士祁寯藻因病請解職。得旨准其開弘德殿差使。以大學士致仕。仍

加恩支食全俸。以正白旗漢軍都統全慶署正黃旗漢軍都統。鑲白旗漢軍都統存誠暫署鑲紅旗漢軍都統。正白旗漢軍副都統明春署正白旗護軍統領。○予山東泰安陣亡國子監典籍武文培祭葬。世職加等。建專祠。家屬人等旌卹如例。一併附祀。○予山東泰安殉難直隸知縣蒯遜齡聘妻孔氏旌表如例。○予山東平原等處陣亡殉難廩生劉希曾等紳民婦女二千六百五十八名口分

別旌卹如例。並予建祠。○辛丑

太宗文皇帝忌辰遣官祭

昭陵 壬寅

上詣

奉先殿

壽皇殿行禮。○諭軍機大臣等。昨據文祥奏。籌辦馬賊並關內外地方情形各摺。片本日復據長善奏。遵籌固守關隘並派兵巡防一摺。所奏尚係實在情形。即著長善嚴飭所屬各

口防守尉等認真稽查。遇有賊警飛速馳報。派兵捕剿。僅有仍前玩忽各情。並著長善從嚴叅辦。該副都統所派出之兵一百名。應如何駐紮之處。著文祥等酌辦。理。文祥俟福興到後。布置妥協。卽行交代回京。長善摺著鈔給文祥閱看。將此各諭令知之。○又諭楊能格奏慶陽各營分布要隘。截賊東竄一摺。逆回由吳旂鎮下竄鄯州王家角等處。經張得勝等軍截擊。該逆由鐵邊城竄回。其靈州大水

阮定邊紅柳溝之賊。時在元城鎮東西兩川民村搶糧。楊能格現派魏添應馳赴元城鎮察看地勢。會合陝軍夾擊。惟因雷正綰進攻李旺堡。飭調韋州紅德城各營前往助剿。紅德城一帶賊眾路歧。僅止智宇兩營駐防。甚形單薄。著楊岳斌將雷正綰所部各軍。應留應調酌量添撥。毋令顧此失彼。甯夏久攻未下。都興阿。穆圖善務當督率各軍力圖攻拔。仍一面將定邊花馬池一帶竄匪分軍堵

蕩肅清後路。何得曠日持久。頓兵堅城。劉蓉前派楊得勝駐兵河上原。防賊回竄。並令鄔太愚率所部進攻吳旂鎮。著卽飭令會合慶防各軍實力攻剿。截賊東竄之路。楊能格亦當督飭各軍嚴扼要隘。不得任令賊蹤紛竄。是為至要。將此由五百里諭知都興阿。穆圖善。楊岳斌。劉蓉。並傳諭楊能格知之。○署兩江總督李鴻章奏遵籌御史陳廷經奏請整頓綠營製造軍火各節。現在置辦外國鐵廠

機器併局製造。並飭派京營弁兵學習。以修武備。下所司知之。又奏遵查海門廳同知李煥文等被叅各款。請革職嚴訊。如所請行。○以兩淮鹽運使李宗羲為江南江甯布政使。

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百五十

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百五十一

同治四年乙丑八月癸卯

太祖高皇帝忌辰遣官祭

福陵諭軍機大臣等據訥爾濟奏擊退賊匪  
出力員弁開單請獎及飭催大兵出關並齋  
信回王伯錫爾令其安撫回眾及請將緊要  
文報由烏里雅蘇台專遞各摺片又據何瑄  
奏巴里坤接仗獲勝及餉絀情形各摺片巴  
里坤援兵未至該領隊大臣能督飭現有兵  
力以少勝多辦理尚屬得手現雖回匪已退  
難保不勾結復來成祿一軍著卽懍遵前旨

迅由涼州取道進發。並著楊岳斌妥籌調度。騰出聯捷之軍。催令該參贊迅速前進。其鶴齡之軍。並著迅催出關。俾巴里坤待援之情。有所指望。不得再事遷延。致干重咎。回子郡王伯錫爾本有幫辦之責。訥爾濟現在致書。令其安撫哈密回眾。若能措置得宜。自當優加賞賚。著訥爾濟於探明該郡王住址後。並將此旨傳諭。使之有所觀感。鎮迪道文麟。於奎蘇戰敗後。退至三塘湖居住。其恒怯已可

概見。並著訥爾濟查明詳細情形。據實具奏。巴里坤臺站被擾。文報不通。訥爾濟已改設北路臺站。所籌甚妥。即著將六月十九日所發摺報。補行具奏。該處與烏里雅蘇台接壤。著明誼等籌商。設法安置蒙古軍臺。改道行走。以資接遞。何瑄所奏餉缺情形。實堪廛念。著訥爾濟籌商接濟。並著明誼等於解到軍餉。設法撥解。毋稍遲誤。將此由六百里諭知。明誼麟興。車林敦多布。楊岳斌。成祿。聯捷。訥

爾濟。並傳諭何瑄知之。○以候補按察使吳坤修為安徽按察使。○以江西萬安縣捐輸軍餉。永廣學額六名。○以湖北漢陽縣捐輸團練。永廣學額一名。○以巴里坤擊賊獲勝。賞協領伊勒屯。巴圖魯名號。防禦金貴等。花翎驍騎校連福等。藍翎。餘升敘免罪有差。摘潰退佐領恆昌等。頂帶。予陣亡委前鋒校瑞慶等。五十四員。名賞卹如例。○甲辰。遣官祭黑龍潭。

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園

惠濟祠

河神廟。○以神靈顯應。加伊犁城劉猛將軍封號曰普佑。○諭內閣御史朱鎮奏。畿輔重地。小醜肆行。請嚴飭各該管文武。迅速擒拏。

一摺本年七月間突有騎馬賊匪由邊關闖入內地該地方文武等未能實力堵截業經降旨將萬青黎等交部議處並令飭屬一體認真緝拏此股賊匪膽敢於畿輔重地往來游弋且行蹤飄忽靡常難保不復圖滋擾著萬青黎卞寶第劉長佑麒慶長善連成徐廷楷各飭所屬地方文武員弁實力緝拏務將此起馬賊次第弋獲悉數殲除以靖畿疆如日久不獲必將該管地方文武從嚴懲處並

著嚴飭沿邊各隘口員弁等一體認真防範儻再任令匪徒闖入一經查明該匪係由何處進口暨擾及何處地方定將該管上司及地方員弁等一併從重治罪決不寬貸○又諭前因江西武甯縣城失守將護理九江鎮總兵萬泰革職茲據曾國藩等奏稱當武甯失守時瑞州屬縣已陷安慶未復湖北黃州等處亦為賊踞該員督飭將弁防禦九江府城得保無虞其失守統轄屬縣處分情節較

輕且其功堪掩過請開復原官等語已革護理九江鎮總兵萬泰著准其開復原官以資觀感○諭軍機大臣等崇實等奏裏塘夷案辦理完竣所轄臺站均已安設並飭藏兵暫緩折回各摺片裏塘夷案經崇實等督飭史致康辦理完竣當招回各土司所管百姓復業一面飭令正土司與堪布格桑喇嘛等公舉頭人另充副土司暨崇喜土司以絕葛藤並將勾結瞻酋藉快私忿之副土司拉旺策

勵土把總銜任曾工布一併斥革發往前藏充當苦差均著照所擬辦理在逃之崇喜土司拉旺任曾著崇實等飭屬嚴拏務獲究辦毋任漏網其應辦善後事宜即著飭令史致康妥為辦理以便景紋起程前進迅赴新任前因藏兵騷擾諭令崇實等即行撤回茲據奏稱藏兵與各土司現已逼近瞻酋老巢若即行撤退瞻酋恐又鳴張請飭暫緩折回等語此項藏兵如由該將軍等飭令會同眾土

司勦滅膽對。則藏兵藉口向內地索餉。自係意中之事。誠不可不豫為之防。著照崇實駱秉章所擬暫緩劄飭折回。姑聽其與各土司自行攻勦。俾免另生枝節。裏塘善後一經辦理藏事。即著檄令史致康馳赴瞻對境內。體察情形。妥為駕馭。毋令別滋事端。駱秉章目疾未愈。本日已明降諭旨。無庸開缺。賞假四箇月安心調理。四川總督著崇實暫行兼署。遇有緊要公事。仍著崇實與駱秉章隨時商酌妥協辦理。將此由五百里各諭令知之。○綏遠城將軍德勒克多爾濟等奏邊民多係寄居團防難恃。蒙古官兵防守沿邊人地相宜。得旨既屬相宜。即著該將軍設法籌給餉需。飭令認真防勦。桂成抵該處後。並著相度地勢。將滿蒙旗綠官兵。均勻布置。隨時訓練。遇有賊眾闖入。即痛加勦擊。不可粉飾因循。致負委任。○四川總督駱秉章因病請假。以成都將軍崇實兼署總督。○以四川裏

塘夷案辦理完竣。復已革道員史致康職。○予江西各屬陣亡殉難都司楊世英等紳民婦女二十五十員名口分別旌卹如例。○旬到湖廣山東情實罪犯停決湖廣斬犯一人。山東斬犯二人。餘二十九人予勾。○乙巳遣官祭昭忠祠。○諭內閣。前因署直隸提督徐廷楷疏防馬賊竄入關口。當降旨將該署提督交部議處。茲據文祥奏稱。該署提督經文祥咨令派兵兜勦賊匪。並查詢所屬邊牆各

口情形。迄今既未撥派官兵。又未將所屬邊牆繪圖咨送。實屬玩視軍情。不以緝捕為重。徐廷楷著再行交部議處。以示懲儆。如再玩泄從事。定行從重治罪。○又諭孫長紱奏請將庸劣不職之知縣分別革職。勒休一摺。江西奉新縣知縣保齡。心地糊塗。丁役用事。瑞昌縣知縣楊林盛。公事廢弛。均著即行革職。廬陵縣知縣吳朝宗。年力衰頹。難期振作。建昌縣知縣葉旭昌。關茸無能。崇義縣知縣郭

宸肆意鑽營。試用知縣馮桂森性情貪鄙。均著勒令休致。○諭軍機大臣等文祥奏遵籌分別撤留兵丁及查明馬賊出口情形。請將徐廷楷交部議處各摺片。已明降諭旨。將該署提督再行交部議處矣。所陳布置邊門各口及內地各要隘。均屬周妥。已照所擬寄諭福興劉長佑。麒麟慶長善連成萬青黎卞寶第。崇厚恩令阜保。並傳諭徐廷楷一體照辦。其健銳等營馬步五百餘名。卽由文祥帶領回

京。以備將來隨扈。及留備京城應用。文祥一俟福興馳抵該處。卽著交替回京。並將一切布置機宜。妥為告知福興。以期周備。將此諭令知之。○又諭直隸沿邊北面自遷安至遵化大小關口五十六處。僅喜峰口駐有旗兵二百名。羅文峪冷口旗兵數十名。此外綠營所轄僅有官兵百數十名。分布數十處關隘。何能濟事。現在

定陵奉安伊邇。自應於遵遷一帶擇要留兵防

守。以扼其衝。遷安屬之灤陽三岔口為進關要隘。灤河橋為薊遵遷三屬門戶。尤應分兵駐守。以固藩籬。文祥所籌扼要分防之法。布置甚為周妥。卽著照所擬除火器營威遠隊馬步四百餘員名。於隆福寺紮營駐守外。其長善所派槍兵一百餘名。卽紮喜峰口。與該處駐防旗兵二百餘名會同巡守。直隸提標馬步三百名。駐紮鐵門關。通永鎮標馬步三百名。駐紮灤陽三岔口。崇厚所派馬步三百名。駐紮灤河橋。遊擊陳啟棟所帶督標馬隊二百名。駐紮遵化。兼防羅文峪一帶要口。吉林馬隊一百名。駐紮平安城子。兼顧豐玉薊東各路。用資聯絡。並由山永協派撥得力官兵百餘名。於永平府大路一帶梭巡。薊州文武及順屬東路廳各於所屬汛地帶領原派兵勇實力巡查。長善於九月間不必在羅文峪駐守。專防鐵門關迤東山海關迤北各口。以扼東來之匪。其羅文峪迤西邊口及內地

扼要各處。並著連成徐廷楷各就汛地派兵巡守。劉長佑所派劉祺劉景芳等馬勇三百五十餘名。卽留於蹕路迤南。擇要巡防。以上各兵除蹕路迤南之兵。由劉長佑隨時酌調外。其餘遵遷各處及守護兵丁。均著歸福興調遣。並著劉長佑萬青藜卞寶第崇厚長善連成徐廷楷分飭派出各員弁。懍遵福興調度。如有玩誤。卽由福興嚴叅治罪。至馬賊飄忽。迨聞警派兵追剿。賊已遠颺。該大臣等尤

須多設偵探。互相知照。遇有賊蹤。由何口竄入。卽由福興於各該處就近調派。飭令馬隊追剿。步隊扼截。務令聚殲。毋任漏網。盛京吉林熱河為馬賊積慣出沒之區。該將軍都統等。平時任賊縱橫。致煩內地兵力。實屬可惡。嗣後著恩合阜保麟慶督飭所屬。實力查拏。務絕根株。如有馬賊東來。竄近邊門。卽一面飛速知照防邊官兵。一面派兵追擊。毋任來去自如。熱河尚有丁起隴等賊目。麟慶所派

馬步隊三百餘名。著毋庸駐紮喜峰口。卽行撤回。將本境馬賊迅行肅清。毋再玩泄干咎。現在皖豫擒匪。未能及時撲滅。直隸南路防務亦關緊要。劉長佑擬於隨扈時。再行抽調南路官兵。則該處未免空虛。卽著毋庸抽調。以免顧此失彼。徐廷楷於文祥咨令派兵兜剿。並查詢所屬邊牆各口情形。並未咨送。亦未派兵。平日辦事顛預。玩視軍情。已可概見。本日已降旨。將該署提督再行交部議處。如

再不知振作。仍前玩泄。定卽從重治罪。不貸。懍之。將此由四百里諭知福興。劉長佑麟慶長善連成萬青藜卞寶第崇厚恩合阜保。並傳諭徐廷楷知之。○又諭喬松年奏擒蹤回犯皖境。迎擊獲勝。並派隊會剿情形一摺。擒逆陳大禧等東竄之匪。回竄皖省阜陽縣境。經英翰派道員史念祖等督隊進至迎仙店迎擊。賊向劉家窯一帶敗遁。官軍雖小有斬擒。並未大加懲創。喬松年現調張得勝一軍。



從固始前往並催克蒙額所部從潁州繼進以期合力痛勦著曾國藩迅飭劉銘傳周口一軍與喬松年所調張得勝等軍會合截擊並著吳昌壽飭令王文行等實力追勦務將阜陽境內竄匪悉數就地殄除此股內有著名匪首牛落紅任柱等並當會檄皖豫諸軍設法兜擒按名弋獲毋任漏網康錦文一軍曾否馳抵許州著曾國藩吳昌壽酌度軍情行令該總兵折赴皖邊由賊後路夾擊以厚

兵力其西竄唐縣股匪著吳昌壽嚴飭張曜等力圖進勦並著官文鄭敦謹懍遵疊次諭旨迅檄姜玉順所部卽赴新野一帶會同豫軍夾擊毋再株守本境其隨棗邊防並當督飭劉維楨等軍認真防禦毋稍疏懈將此由五百里各諭令知之○又諭孫長紱奏遵旨調派各軍赴粵會勦一摺據稱林逆竄往長樂程逆尚踞龍川興甯交界地面康逆由鎮平移糧東石地方似有他竄之意現飭令婁

雲慶等會籌援勦而兵力甚單且須兼顧江境惟有步步為營以勦為堵請特派重臣進駐粵境節制三省各軍督勦等語康逆一日不除粵境一日不靖江閩邊防迄無了期自應合三省兵力圍逼夾攻迅圖殄滅第主客各軍營數既多職分又各不相下且該將領進止機宜須俟各該省督撫指揮調度勢必遷延觀望坐失事機左宗棠廓清浙閩威望素著著卽督率高連陞等軍馳赴粵境調遣

三省之軍相機合力攻勦所有江西廣東援勦各軍均著歸左宗棠節制以一事權務將鎮平踞匪剋日殲除林程諸逆次第掃蕩俾粵省一律肅清全功克竟方為不負委任汪海洋以殘敗餘孽竄踞鎮平粵軍進攻數月迄未得手殊屬疲玩著瑞麟等嚴飭李福泰方耀等認真攻勦迅拔堅城如敢再事因循卽著左宗棠從嚴叅辦劉坤一計期應已抵任並著恪遵前旨檄飭江境防軍入粵會勦

聽候左宗棠調遣以期迅速藏功。孫長紱另片奏訪聞崇仁等縣有匪徒假喫齋為名。冀圖滋事。現經文武員弁拏獲齋匪汪碌保等。訊辦等語。匪徒傳教最易煽惑愚民。不可不嚴拏懲辦。惟現獲各犯供詞多有參差。難保無不實不盡。仍著孫長紱督飭承審各員細心研鞠。務得確情。如果結黨傳徒謀為不軌。即當盡法懲治。務絕根株。該犯供出之匪首朱明月等業經孫長紱分咨浙江等省一體

查拏。著俟咨覆到時即將作何辦理之處迅速奏聞。將此由六百里諭知左宗棠瑞麟徐宗幹劉坤一郭嵩燾並傳諭孫長紱知之。○以正紅旗漢軍副都統增慶署正黃旗護軍統領。丙午諭內閣前因署直隸提督徐廷楷於馬賊竄入境內意存玩視。不以緝捕為重。業經降旨將該署提督再行交部議處。茲據文祥奏稱馬賊竄入內地均在直隸提督所轄境內滋擾。為時十日之久。該署提督未

派一兵堵剿。屢經文祥飛催調撥標兵。隨同一體兜剿。遲之又久。始行咨覆。而於隨同京兵進剿之處悉置不問。且以聽候總督查覈之語為搪塞。延緩地步。情殊可惡。徐廷楷著摘去頂帶。交部嚴加議處。尋議徐廷楷應於原議降一級留任例上從嚴加等。議以革職留任。得旨准其抵銷。○諭軍機大臣等。前有旨將蔣臨照調補山西太原鎮總兵。諭令劉長佑崇厚諭知該員迅赴新任。現在該員曾

否赴任。如尚在天津。即著崇厚一面傳知暫緩起程。聽候諭旨。一面即行奏聞。儻業已起程。並著劉長佑查明該員如尚在直隸境內。亦即行知暫緩前進。奏明候旨。將此由五百里各諭令知之。○又諭據文祥奏拏獲馬賊供出賊目開單請飭嚴緝。並訊出藏匿賊夥之鄉長請一併嚴拏等語。玉田縣所獲騎馬賊紀盛汶所供賊目黃洛幅等五十餘名。均有籍貫住址。按照單開派員密緝。不難盡數

弋獲著劉長佑。麒慶慶春長善查照單內所開各賊名。派委妥員。嚴密緝拏。不准一名漏網。並不得稍露風聲。致令遠颺。騎馬賊任意往來。麒慶等既不能控緝於平時。而劉長佑等又犯無一獲。若並此次單內所開不能緝拏。該總督都統等其何顏自安耶。至紀盛汶所供藏匿賊夥之辛三。辛四。係建昌松家仗子鄉長。尤非尋常盜犯可比。該縣知縣平日既失於覺察。若再不能拏獲。則其罪更無可

逭。著麒慶添派兵役。刻卽往拏。於拏獲後。派委幹弁解京嚴訊。毋得稍有疏虞。致干重咎。文祥原片二件。單一件。均著鈔給閱看。將此由五百里各密諭知之。○又諭本日據御史劉毓楠等奏陳河南軍情賊勢。請飭鄰省督撫合兵會剿一摺。馬賊飄忽無常。轉瞬馳騁數百里。與髮逆占踞城池盤踞固守情形迥不相同。曾國藩設兵四鎮。欲待賊匪竄至皖境迎擊圍剿。惟賊匪往往避兵而行。曾國藩

欲以有定之兵。制無定之賊。恐擒匪大股。未必肯竄向重兵屯紮處所。自投羅網。且豫省賊眾兵單。以步追馬。非獨勢不相及。且恐奔逐疲勞不能喙息。反至為賊所乘。致地方團堡民寨勢力尤形單弱。全恃官軍緊偏賊後。使匪眾不暇久駐攻圍。庶團民堡寨可期保全。若無官軍分段駐紮。到處迎剿。後路追兵。又復步不及馬。任賊騎縱橫滋擾。勢必到處殘破。田禾悉被踐毀。不獨賦稅無出。軍餉之

匱乏堪虞。且恐將來天寒河凍。賊匪竄渡河北。擾及晉省。震動畿疆。以現在軍情而論。豫省固宜實力追剿。曾國藩亦宜另籌大支遊擊之師。往來策應。以衛民生而遏賊餒。該大臣前奏徐州添練馬隊。現在有無就緒。若業已成軍。卽著擇員統帶。進紮豫省適中之地。往來遊擊。以助豫省兵力所不及。兼可扼賊匪回竄皖省之路。徐州距豫省西南相隔千里。鞭長莫及。曾國藩亦宜進駐許州。就近調

度庶豫鄂皖三省均可呼應靈通斷不可拘泥前奏南汝洛陝不能顧及之說。清淮現在平靖。吳棠即可進駐徐州。為曾國藩後路接應。以上各節。均著曾國藩酌度情形。悉心妥議。迅速覆奏。其郭松林。楊鼎勳兩軍。現在鎮江休息。著曾國藩。李鴻章會商。能否由江路赴楚。抑可由陸路赴豫之處。並著酌量調派。迅速奏聞。如曾國藩移紮許州。則鄂省各路將士。亦著均歸曾國藩節制調遣。以一事權。

吳昌壽並著俟曾國藩到許州後。移營前進。親督張曜等軍。迅將南陽股匪就地掃蕩。不可縱令他竄。官文。鄭敦謹尤當懍遵。疊次諭旨。迅飭防邊將士。出境會剿。不得畫疆自守。自干咎戾。其後股竄撲阜陽之賊。曾國藩。蔣松年。務當督飭諸軍。會合豫省王文行等軍。合力夾擊。先將此股殄盡。以期併力移師。防剿南陽股匪。毋稍延緩。將此由六百里各諭令知之。○又諭。御史劉毓楠等奏本年捻匪

由皖竄豫巡撫吳昌壽始以防守省城為名。縱容馬兵任意騷擾。蘇廷魁。陳國瑞。勸令出城。不得已往紮許州。未接一仗。陳州紳民請救。不遣一兵往援。總兵張曜任令兵勇搶殺。在底閭寨擄掠婦女。該寨難民槍斃兵勇一名。張曜偏袒脅寨民。獻出高思義一人償命。勒索賄銀四百兩。皆由吳昌壽調度無方。以致張曜肆行不法。遂平縣知縣文玉勒捐被訴。該撫有心袒護。置之不理。鄧州知州黃縉昌

貪劣。該撫已飭王文常署理。旋因有人請託。立將委牌撤回。似此瞻徇情面。難望整頓吏治。各等語。中州為天下樞紐。現值捻匪肆擾。尤在封疆大吏。實力圖維。迅速勦辦。方能蕩寇綏疆。該御史等所奏。如果屬實。於軍務吏治大有關係。著曾國藩將吳昌壽。張曜。被參各節。嚴密訪查。據實具奏。毋稍徇隱。劉毓楠等原摺著鈔給閱看。將此諭令知之。○署吉林將軍阜保奏。盜匪竄擾吉林。蒙古霍羅站

佈爾庫邊門等地方焚搶向昌圖帶子溝一帶北竄現派兵馳赴伊通左近巡緝得旨疊經諭令恩合派兵移會吉林將軍兩面夾擊著卽遵照前旨多派官兵嚴飭富明阿永讓等會同盛京官兵探賊所向出邊實力勦辦務將賊首擒獲盡殲醜類不准敷衍了事○句到直隸山西熱河情實罪犯停決直隸斬犯二人絞犯一人熱河絞犯一人餘二十四人予句○丁未以神靈顯應加貴州省城南

八將軍封號曰佑國○諭軍機大臣等左宗棠徐宗幹奏閩軍勦賊獲勝一摺汪逆竄伏鎮平疊經閩粵各軍圍逼勢孤力竭其勢斷難久踞現在東南北三面已成長圍之勢惟西路西南路可通興甯長樂龍川閩軍尚難兼顧自係實在情形卽著左宗棠剋期進紮將江粵各軍應如何布置務臻周密之處相機妥辦迅速肅公左宗棠起程以後閩省邊防事宜徐宗幹當隨時咨商左宗棠認真籌

辦卓興一軍勦辦花旗股匪情形若何著瑞麟郭嵩燾嚴飭實力進剿迅圖撲滅以便騰出兵力合攻鎮平毋得曠日持久顧此失彼劉坤一孫長紱當恪遵疊次諭旨檄飭江省防軍進紮粵境合力圍攻鎮平以竟全功毋得徒事防守本境左宗棠另片奏王開琳等所部各營餉絀爭鬧情形軍營餉需刻不容緩江省於該軍應發之餉何以任意遲延直至該營滋鬧始行發給適開譟索之端孫長紱於此事辦理實屬不善嗣後新老湘營及婁雲慶所部各營餉銀著劉坤一等源源撥解毋令缺乏將此由六百里諭知左宗棠瑞麟徐宗幹劉坤一郭嵩燾並傳諭孫長紱知之又諭都興阿等奏抽兵布置後路及前敵勦賊獲勝並請飭總兵移紮勝金關及借撥糧臺銀兩各摺片定邊花馬池兩處為甯郡後路都興阿已派西蒙克西克等嚴防定邊等處並寄信鄂爾多斯貝子扎那濟爾迪

併營扼紮花定後路情形稍鬆。惟該匪出沒無常。不可稍涉大意。仍著都興阿等嚴飭西蒙克西克於定邊一帶。妥為防範。並傳諭翁同書於花馬池扼要固守。遇賊卽勦。毋許稍有疏懈。貝子扎那濟爾迪統帶蒙古官兵。扼要築營。亦著該將軍等知照德勒克多爾濟。轉飭該貝子。務與官軍聯絡聲勢。以壯兵威。甯郡雖獲勝仗。而回匪尚未大受懲創。都興阿等進攻日久。迄無成效。何以表率將士。著

卽申明軍律。迅圖攻克。不得再事遷延。致干重咎。鹽固敗匪與甯夏踞逆。相為聲援。狡惡已極。卽著該將軍等剴飭總兵曹克忠。趕緊整併數營。扼紮勝金關。以杜敗匪西竄。並著設法撥兵。將此股逆匪就地殲除。毋使擾及他境。該總兵失利之後。軍裝器械全失。並著楊岳斌由省撥給軍裝銀米。以資接濟。都興阿等營中卹賞雜支銀一萬兩。前經戶部議於山東地丁項下籌撥。惟道途遙遠。解到無

期。營中待用孔亟。著楊能格仍於糧臺按月借撥銀一萬兩。一俟協餉解到。再行停止。成祿等軍前已疊諭楊岳斌酌撥勁兵接替。催令出關。現在巴里坤待援情形緊迫。仍著楊岳斌懍遵前旨。派兵接替。催令成祿等剋期出關。毋使有所藉口。任意延宕。將此由六百里諭知都興阿。穆圖善。楊岳斌。並傳諭楊能格知之。又諭訥爾濟奏勦辦東西兩路賊匪。派兵擇要防堵。並佐領恆昌救援失利。請

催大兵出關。文麟奏軍務掣肘。接仗失利。親赴東路請兵各摺片。覽訥爾濟文麟所奏。與前次奏報情節相符。巴里坤城大兵單。東西兩路賊匪勢甚鴟張。文麟進勦東路之兵。又復在奎蘇接仗失利。該城孤懸絕域。已成腹背受敵。非得大兵剋日進勦。斷難肅清邊境。前已屢諭成祿聯捷。並鶴齡等軍迅速出關。勦賊本日復諭令楊岳斌迅速前進。訥爾濟惟當會同總兵何瑄嚴飭滿漢官兵民勇。隨

時偵探賊蹤嚴密防守毋稍疏懈文麟所奏親身繞道東路速請大兵進剿等情覽奏殊堪詫異該道員前因兵勇潰散退至三塘湖地方雖該處舊糧無存不能招募民勇亦當收集潰兵再圖進取何得遽赴東路請兵置身事外且出關之兵業已屢次降旨嚴催亦毋庸該道員親往迎接文麟身任地方即使他往將來地方有失該道員罪亦難辭文麟惟當擇要駐守與訥爾濟等會商籌剿相機

妥辦不得擅離職守自外生成將此由五百里諭知訥爾濟並傳諭文麟知之○又諭駱秉章奏敘永官軍越勦滇黔各匪疊勝勞崇光裕麟奏定番州屬土匪謀逆督軍攻破賊巢生擒首逆並陳遵義地方官紳為仇委員就近查辦張亮基奏欽奉諭旨據實瀝陳各摺片滇黔各匪注意川疆欲圖飽掠經總兵李有恆等將滇匪疊次勦勝並擒斬賊首蕭大扁刀軍前正法副將許蔭棠一軍攻勦黔

匪亦屢獲勝仗辦理甚為得手仍著駱秉章督飭各軍以剿為防力固邊圉定番州屬土匪程尚汶等以與吳寶齋睚眦微嫌膽敢聚眾謀仇乘機謀逆實屬罪大惡極該文武等督兵勦捕兼旬之內擣穴擒渠不至釀成巨患辦理尚屬妥速按捕餘匪及善後事宜並著飭屬妥為布置遵義地方據勞崇光等奏稱士習甚壞官紳為仇恐川軍凱撤之後內外交訐現飭藩司劉嶽昭就近查辦等語劣紳固須懲創亦必須地方官辦事秉公方能折服其心格頑化梗該督撫惟當持平妥辦不可稍有偏倚或擇其劣蹟昭著者叅辦數人則懲一儆百其餘自知歛跡張亮基覆陳黔省情形摺內語多過當殊屬非是該撫於地方軍務果能事事妥協何至致謗招尤卽局外之人不知局內之苦亦當引咎刻責方合止謗自修之義而乃嘵嘵瀆辯歷敘衰病自請罷斥欲以負氣之詞作乞身之計此等



伎倆豈能逃朝廷洞鑒耶。張亮基既於黔省情形言之鑿鑿。即著於假滿後。實心任事。力為其難。不得稍涉推諉。勞崇光現在逗遛何處。即著懍遵前旨。剋期赴滇。毋再託故遲延。致干咎戾。將此由五百里諭知駱秉章。勞崇光。張亮基。並傳諭裕麟知之。○浙江巡撫馬新貽奏籌議海運經費。請以減存行月南月各米變價。以及杭嘉湖三府行月食米折徵甯紹等府本折月糧等款抵備。不必另提正款。亦無庸再議津貼。下部議。從之。又奏遵議戶部咨稱浙江漕截銀兩。如何量為覈減。查漕截原為給幫濟運。現在海運經費。既不准動用別款。舍此無款可籌。請照舊辦理。如所請行。○戊申月食。○諭軍機大臣等。文祥奏籌辦剿除馬賊。務使淨絕根株。請飭盛京等處各豫派得力兵弁聽調一摺。據稱馬賊根株多在口外。如東省之昌圖廳八面城熱河之八溝哈達等地方。回民甚多。賭風尤熾。往

往飽掠一次。即聚賭數月。計十冬月間。防疏財盡。又值大路車輛通行。正其出擾之際。宜多雇眼綫。節節設探。請飭盛京吉林熱河張家口各豫派得力官兵。及善於緝捕之員。管帶聽調。並將駐紮遷安遵化官兵。留防不撤。屆時眼綫得有賊匪糾約信息。立赴神機營呈報。派兵會捕。各該地方文武豫備緝捕兵勇。臨期合力堵截。零星逸匪。准民間截拏請賞。伏賊並通信黨與。責成地方督同差役拏

辦各等語。所籌甚屬周密。著恩合阜保劉長佑。麒麟慶。阿克敦布。廉至等。悉心妥議。如該大臣所奏辦賊之法。實有把握。即著各派得力兵五六十名。備調兵三四百名。派善於緝捕之員管帶。聽候調撥。該匪於十冬月間。必復出擾。務各密派眼綫偵探。懸示重賞。節節設探。不必專用官兵。以防該匪知覺。如得有賊匪糾約信息。即飛報神機營及各該處。密飭派定各兵。會同勒捕。各地方文武屆時如不



早為豫備緝捕兵勇。合力堵截。定將該管上司從重治罪。決不寬貸。其逸出零匪。准民間截拏請賞。其伏而未出之賊。並勾引通信黨與。責成地方官立向差役嚴追。所識賊匪姓名住址。赴各該處。責令民間捆出。並許從前容忍賊匪及脅從之人。拏賊贖罪。均與自首無異。即九月後該匪並不出巢。亦應如此辦理。恩合等其各振刷精神。將文祥所陳剿除馬賊之法。詳細嚴密妥籌。迅速覆奏。聽候諭旨。合力舉辦。為一勞永逸之計。此外恩合阜保劉長佑。麒慶。阿克敦布。廉至。如另有盡絕根株妥善之策。亦不妨詳細密陳。以期集思廣益。此旨及鈔摺。恩合等於奉到時。不准有一字洩漏。文祥原摺。著鈔給閱看。將此由四百里各密諭知之。○護山西巡撫王榕吉奏。晉省防務較鬆。擬赴歸綏一帶。查看沿邊情形。得旨著即將歸綏一帶關內外防務。會商德勒克多爾濟妥為布置。總期有備無患。可

戰可守。不至虛應故事。其西南防務。仍飭陳湜等實力辦理。○己酉。諭內閣。馬新貽奏。查明浙省失事。應行查辦各員。分別定擬一摺。署象山協副將德祥等七員。於賊竄浙江象山等縣。未能力守。均屬咎有應得。惟該員等失事情節各有不同。或責任專城。功不掩過。或身受重傷。隨同克復。或先期奉調。離汛本無城守之責。或竭力抵禦。汛地未經失陷。自應酌覈情罪重輕。分別懲辦。所有單開之調

署象山協副將福建興化協副將德祥。分防東陽城守汛金華協左營千總王得勝。均著革職。發往軍臺效力贖罪。署象山協左營都司李國標。署象山協右營守備王桂生。均著革職。免其治罪。仍留營效力。升署嘉興協都司處州鎮標左營守備邵英。豪業經革職。著免其治罪。嘉興協右營守備侯秉誠。署安吉營守備王承杰。均著免其置議。○諭軍機大臣等。卞寶第奏。籌擬防捕馬賊章程。責成順

屬直隸聯絡聲勢。申明協緝不力處分。請飭直隸總督一體辦理。東北關門缺口。請飭山海關等處會商妥議奏覆等語。順屬二百里外。通屬直隸管轄。若不妥為聯絡。此拏彼竄。終不濟事。各該州縣積習已深。斷不肯破除成見。著萬青藜卞寶第劉長佑嚴飭所屬。認真辦理。保甲村團。如果保甲齊。匪徒自無處藏匿。村團整飭。賊蹤卽不至蔓延。遇有馬賊蹤跡。務須通飭各州縣不分畛域。合力追捕。並申明鄰封協緝不力處分。舊例儻有鄰封知會不卽兜拏。照協緝不力例從重叅處。該兼尹府尹總督。設使瞻徇情面。不卽將屬員叅處。必當治以應得之罪。決不寬貸。至所稱東北兩關門及邊牆缺口。不下七十餘處。請飭直隸總督派員查看。將易於行走處所。就本地土石搬取堆砌。酌派弁兵看守。或多設陷阱。以阻賊馬等語。關門缺口處所。已屢次諭令劉長佑等妥為查勘修補。著劉長佑

長善連成徐廷楷各就地方情形。妥為辦理。應否增兵設礮。嚴定章程。仍著會商速奏。本日復據長善奏遵旨訪拏結盟賊匪。並擬駐紮羅文峪。籌借關稅銀兩各摺片。著仍遵前旨。卽駐山海關。飭令派出槍兵一百名。周密巡防各口。所需口糧等項。准其移咨山海關監督。於關稅項下借撥。仍由長善分年扣歸原款。佐領佛爾國春赴灤州一帶。查拏單開馬賊。務飭不動聲色。嚴密掩捕。毋任聞風遠颺。口內回民多與口外馬賊交通。不清其源。盜風何由而息。該副都統本有查拏奸究之責。卽著會同地方官吏。實力奉行團練保甲。毋再姑息養奸。將此由四百里諭知萬青藜卞寶第劉長佑長善連成。並傳諭徐廷楷知之。○護山西巡撫王榕吉奏。遵查前任御史薛鳴皋在籍病故。報聞。○蠲免浙江蘭谿縣荒廢地畝山塘上年額賦。○庚戌諭內閣。前據載敦明白回奏。以前於守護

陵寢時並無收受錫章代交魏城汰銀兩情事。請飭刑部查訊。當經降旨交刑部嚴訊具奏。茲據奏稱。訊明各供。錫章代魏城汰等送給載敦銀一百兩。係載敦家人王百順私自收受。並未向載敦告知各等語。正藍旗包衣怡親王府四品佐領王百順前於充當護軍校時。輒敢私向書吏收受贓銀。雖於限內已將贓銀完繳。亦難免罪。王百順著卽行革職。怡親王載敦。訊無得贓情事。惟失察家人收受

書吏銀兩。亦屬疏忽。著交宗人府照例議處。○諭軍機大臣等。勞崇光裕麟奏。勦辦苗匪。疊勝餘匪退歸水城地方。設法分別勦撫。一摺。大定府屬免場苗匪。經官軍擊敗後。分竄安順府屬各州縣肆擾。旋竄郎岱廳屬之大巖腳一帶。知府畢大錫等督兵攻勦。疊挫兇鋒。陣斬匪首黃姓楊姓。餘匪敗遁。安順府屬已經肅清。勦辦尚屬得手。該匪受創之後。仍退往水城舊巢。亟應乘機勦撫。著卽督飭鄧

爾巽等集練堵剿。一面察看情形。如能真心悔禍。始可設法招撫。予以自新。不得敷衍了事。致貽後患。其郎岱與水城接壤地方。尚有土匪。並著飭令畢大錫等分軍擒捕。淨掃餘氛。將此由五百里諭知勞崇光張亮基並傳諭裕麟知之。○以開復按察使席寶田為貴州按察使。○予故貴州按察使承齡祭葬卹廕加等。如軍營病故例。○辛亥諭內閣。前因御史舒明奏。請詳查黑地。以清弊源。而重升科等語。當交戶部議奏。茲據奏稱。此案直隸保定府屬雄縣之劉通李郎等村。淀河淤地。同治三年六月間。曾據雄縣民人沈道福赴部呈報。認種升科。當因恐其有關河道。行令直隸總督飭查報部。尚未據該督咨覆。今該御史舒明奏請查辦黑地。是否卽係此項地畝。應由該督飭屬查明。總以有無妨礙河道為斷等語。著直隸總督迅卽飭屬併案勘查。此項河淤地畝。儻有關礙河道。而現已私墾

者卽行禁止。清出界限。以防水患。如勘無關礙河道。卽查丈段落。報部升科。毋稍含混。○諭軍機大臣等。寶珣德椿奏賊匪分擾。擬募標勇助剿一摺。賊匪在新民廳屬大名屯等處盤踞肆擾。寶珣等業經會同王明飭催義州錦州官兵。並派協領豐恩帶兵一百名。馳往勦捕。又恐賊眾兵單。不能制勝。擬雇募標勇六百名。派知州張鼎鏞等統帶前往。會合攻剿。第此項標勇。倉卒召募。平日不嫻紀律。

能否得力。殊無把握。王明寶珣德椿惟當督飭張鼎鏞等。嚴明約束。實力挖捕。毋得有名無實。徒糜餉項。至恩科所帶之兵。雖不得力。亦須力加訓練。申明軍律。飭令進剿。重振聲威。毋任閒曠。省城防勦事宜。寶珣德椿當密為布置。靜以待動。不得徒事張惶。恩合著懍遵疊次諭旨。迅速馳赴盛京。將捕務一切認真整頓。不准稍有耽延。寶珣等另片奏緝捕經費支絀。擬將戶部庫存海防用贖銀一萬

八千餘兩。搏節動用。作為募勇之資。其前派官兵一千名所需口糧。仍由船規項下支發等語。均著照所議辦理。將此由五百里各諭令知之。○又諭前據文祥奏。分派官兵駐紮要隘。當諭令福興於各官兵到防後。妥為調遣。現在鐵門關駐紮之直隸提標兵三百餘名。三岔口駐紮之通永鎮兵三百餘名。尚未到防。著福興催調赴防。按照文祥所擬駐紮。並著於邊口附近之處。多派偵探。以期周密。

劉長佑前奏。於隨扈時。調撥南路防兵。前赴東路堵剿。已諭令毋庸抽調。該督計當起程。著卽將所派劉祺劉景芳等馬勇三百五十餘名。照文祥所擬。在蹕路迤南。擇要巡防。仍遵前旨。將南路臨洺等處防兵。不必抽調。飭令仍紮原處。免致南路空虛。轉有疏虞。將此各諭令知之。○又諭明緒奏。伊犁被圍緊急。請飭俄兵助剿。由俄國匯兌餉銀。並請大兵赴援一摺。伊犁被圍緊急。官兵寡不敵眾。該

將軍屢催俄兵助剿。該夷曾以借兵之事。再不必提說見答。此事屢經諭令總理各國事務衙門。與該國使臣會議辦理。而該使詞語枝梧。並未將借兵一事切實回覆。茲覽該將軍所奏該夷乘人之危。刁難顯露等詞。是其不肯助剿之意。已可概見。若再勉強令其協剿。勢必枝節橫生。貽後日無窮之患。該將軍所請催借俄兵助剿之處。著毋庸議。察哈爾右翼副總管等。膽敢與賊勾通。移營就賊。實

屬形同叛逆。左翼官兵因此觀望。不肯來城。其心亦不可問。察哈爾營右翼總管鄂爾墜。特依副總管車林多爾濟均著卽行革職。左翼總管昂克察依。副總管巴彥達賴並著一併革職。其右翼之從逆官兵等。著明緒嚴密查拏。按名弋獲。卽行正法。以昭炯戒。違令不到之左翼官兵。一併嚴行查辦。其由俄國匯兌銀兩一節。現飭總理各國事務衙門。與該公使商議。如商議妥協。再行諭知。明緒遵照。

辦理伊犁兵力單薄。疊經諭令成祿等迅速出關。大兵指日可到。明緒惟當就現有兵勇。妥籌布置。堅守待援。毋得稍涉疏虞。新疆尚未到任各員。除崇恩常明慶明奎章扎拉芬先後奏請願隨聯捷出關剿賊。俱經降旨允准外。其常緒李雲麟卽著兵部查明咨行沿途地方官催令星速赴任。儻再遷延不進。卽由該部奏參治罪。將此由六百里諭令知之。○又諭據明緒奏伊犁被圍緊急。餉絀兵單。

請飭催各省迅解餉銀等語。著劉長佑崇實駱秉章閻敬銘吳昌壽王榕吉懍遵前旨。迅派委員按數撥解。伊犁軍士飢疲已極。此項餉需係刻不容緩之款。各該督撫等務當實力籌措。源源接濟。毋得遷延推諉。致干重咎。並著德勒克多爾濟明諲麟興車林敦多布廣鳳奎昌於餉銀解到時。查照疊次諭旨。迅卽委員轉解。毋稍遲誤。將此由五百里諭知劉長佑崇實駱秉章德勒克多爾濟明諲麟

興車林敦多布廣鳳奎昌閣敬銘吳昌壽並傳諭王榕吉知之○以伊犁冰嶺勒匪出力賞厄魯特總管蒙庫巴雅爾副都統銜副總管巴圖鄂奇爾等二品頂帶○予伊犁陣亡協領塔欽布佐領富爾遜布防禦烏爾圖扎普等祭葬世職○壬子遣官祭賢良祠○諭軍機大臣等據福興奏派防鐵門關之直隸提標兵三百餘名先經劉長佑奏明交參將趙喜義管帶前赴八溝勒賊鐵門關現無防兵福興已飛飭遊擊阿洪阿所帶之通永鎮標兵三百餘名徑赴鐵門關駐紮並飭原駐灑河橋之天津鎮標兵三百名進紮灤陽三岔口自係為移緩就急起見惟灑河橋為薊遵遷三屬門戶必應分兵駐守福興請於通永鎮標再行選派馬步兵三百名赴灑河橋駐紮著劉長佑即行挑派交得力將弁管帶星馳赴防不准稍有遲延其趙喜義所帶之兵是否業經出口並著劉長佑查明如去口

未遠或即將原擬派防鐵門關之提標兵三百名折回防所仍可照文祥前擬分派天津鎮兵即可仍駐灑河橋通永鎮標下亦可毋須另行添調均著福興劉長佑斟酌辦理就現在情形而論總宜將各隘口嚴密防守聯絡聲勢未可輕舉妄動趙喜義所帶之兵如果進勒劉長佑亦當飭令會合熱河弁兵穩慎妥辦不可稍涉大意致有疏虞將此各諭令知之○予安徽宣城陣亡殉難監生王其

清等紳民婦女四千一百七十五名口分別旌卹加等

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百五十一

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百五十二

同治四年乙丑八月癸丑諭內閣前因盛京

將軍玉明等於賊匪聚黨肆擾疏於防範事  
後復意存含混奏報遲延當經降旨將玉明  
等交部分別議處茲據兵部等部議奏請將  
該將軍等分別革職降留等語盛京將軍玉  
明奉天府府尹德椿貽誤地方責無旁貸均  
著照部議革職現任錦州副都統慶春前由  
山海關副都統簡調盛京到任未久前署兼  
管奉天府府尹志和甫到署任均著加恩改  
為革職留任仍降為三品頂帶兼管奉天府

府尹寶珣孝滿赴任雖在失事之後惟未於奉旨飭查之先具奏亦屬咎有應得著照部議降二級留任不准抵銷至玉明寶珣德椿另案處分仍著該部再行覈議具奏○又諭本日據郭嵩燾奏滬陳多病塞訕懇請開缺另簡能員接任一摺覽其另片所奏一條滬言廣東軍務貽誤之由據稱不敢以因病乞休不一縷陳內有粵東事務局如臣愚弱非所勝任疾病因循徒滋怨謗內計之心竟無可

為自效之術等語一條遵履御史潘斯濂奏請整頓捕務及提用桑園圍生息銀兩請設法歸款內有該御史加之苛論總由思信未孚謬思整頓動輒得咎請予罷斥等語詞意均涉負氣該署撫另摺所以奏請開缺之故大率由此除將摺片內所陳各事宜交左宗棠另行查辦外郭嵩燾以運司權署巡撫將及兩年委任不為不專如果粵東軍務吏治實有貽誤為難之處該署撫不妨據實陳奏

請旨遵行至御史潘斯濂所陳各節有關民生利病朝廷豈能不問該署撫如果辦理得宜亦不妨剴切直陳何至以無可自效謬思整頓等詞冒昧入奏殊失立言之體且該署撫從前並無陳奏病狀摺件乃因負氣之故輒請開缺調養曉曉置辦此風斷不可長郭嵩燾著不准開廣東巡撫署缺並傳旨嚴行申飭諭軍機大臣等孫長紱奏婁雲慶席寶田兩軍現議取道赴粵會剿並籌防後路

情形一摺康逆汪海洋久踞鎮平伺隙圖逞近因侍逆李侍賢窮蹙往投索還舊黨互相猜忌汪海洋於七月初三日夜遂將李逆殺斃其黨與多懷疑貳機事大有可乘亟應撥調重兵合力兜剿以殄餘孽前已諭令左宗棠督率高連陞等軍馳赴粵境督勦江廣援軍均歸節制現在席寶田所部精捷營議由澄江墟出平遠縣之東石婁雲慶所部霆字營議由長甯八尺墟出平遠縣之大柘分道



並進會合閩省防師實力圍偏兼截該匪圖竄江省會昌瑞金之路卽著劉坤一孫長紱飛檄該兩軍迅卽取道入粵歸左宗棠調度相機合剿孫長紱現咨行周寬世統銓字營進扼篁鄉堡王開琳統新老湘營移守鵝公墟以固長甯安遠藩籬並將防守南安之祥字營移防定南至南安為江粵咽喉咨明楚省另撥一軍填紮並著照所擬會籌妥辦劉坤一計程應已抵任著卽將到江日期並邊境防守情形隨時確查具奏將此由五百里諭知劉坤一並傳諭孫長紱知之○又諭郭嵩燾奏請准開缺一摺另奏廣東軍務約有數誤請將督署幕友徐灝擯退請飭左宗棠督辦鎮平賊匪並覆奏御史潘斯濂條陳各片郭嵩燾與瑞麟意見不合致多掣肘何妨據實陳奏乃竟稱疾乞退殊失和衷之道其所陳廣東軍務致誤之由如李福泰粉飾軍情鎮平失守二十餘日李福泰並未稟報方

耀防堵平遠數月聞賊至而先期避去致令全軍潰散卓興駐省兩月索餉二十萬由老隆調赴興甯徑報率勇歸家已而復稱各勇均經召回瑞麟概不查問長樂失守惠州戒嚴郭嵩燾欲駐紮惠州瑞麟將會商之司道面斥且對眾宣言巡撫欲加整頓卓興方耀將反如果實有其事實屬有意掣肘幕友徐灝係屬何人郭嵩燾但請擯退而未明言其如何盤踞把持敗壞風氣廣東盜風近來能否稍戢桑園圍等處生息銀兩已否歸還前有旨諭令左宗棠馳赴鎮平督辦軍務將廣東江西福建三省兵勇節制調遣刻下計已接奉此旨卽著就近將郭嵩燾所參各節確切訪查該署督撫因何不協究竟為公為私據實覆奏請旨遵行粵省軍務方殷若疆臣各存意見不能和衷將士復粉飾軍情不肯盡力大局何堪設想左宗棠秉心公正諒不肯稍涉偏徇代人受過郭嵩燾摺片四件均

著鈔給閱看本日又據孫長統奏宴席兩軍現議取道赴粵並探聞李侍賢為汪逆刺斃兼殺其舊黨偽王宗天將等五人現在李逆舊黨猜忌益甚機有可乘等語左宗棠當懷遵疊次諭旨迅速赴粵將江西閩粵各軍妥為調度以期早日竣事李逆是否被殺並著查明具奏將此由五百里諭令知之○密雲副都統連成奏親往古北口查閱操演堵禦情形得旨著隨時督飭官兵認真防守毋得日久生懈○湖廣總督官文等奏將凝學舊部已分別遣留現在回湘另招新勇赴甘助勦得旨著即飭知招募成軍迅速赴甘不准耽延時日楚北隨棗一帶邊防即著督飭劉維楨認真防守並懷遵疊次諭旨派兵與豫省會勦不准仍前玩泄有名無實儻心存畛域畫疆自守任令賊匪紛竄蔓延為患惟官文等是問懷之○予湖北軍營病故記名提督袁秀林祭葬卹廕○甲寅諭內閣惇親王

奏宗人府向無堂期請飭宗正宗人每日一人不拘時刻到署稽查等語著宗正宗人輪流到署以重公務○又諭御史佛爾國春奏請將盜墓人犯照明火盜犯一律治罪一摺前因于淩辰等奏近來盜墓賊犯擾害無忌曾經疊降諭旨以該犯等情節兇殘甚於明火諭令刑部會同都察院大理寺將該犯等罪名從重定擬具奏茲據該御史奏稱近聞刑部遇有此等案件僅於應得罪名上議加一等治罪不肯比照明火重犯一律斬梟恐一分首從該犯等難免賄通衙署人役避重就輕請飭該衙門悉心覈議照明火劫奪例不分首從一律擬以斬梟庶可懲一儆百各等語即著刑部會同都察院大理寺彙入于淩辰等所奏各摺一併覈議具奏不得拘泥成例稍涉輕縱致滋流弊○又諭前據麒慶奏遵訊熱河馬甲穆騰額京控圍場商佃人等違例在紅椿以內開川掘井蓋房砍木等

情該馬甲均不能指實。已趕傳人證研訊。當經諭令麒麟確切根究。茲據該馬甲穆騰額以奏案延不查辦原告被押等詞。遣抱告赴都察院呈訴。是否該馬甲捏詞妄控。抑係果有別情。仍著麒麟慶東公查訊。務得確情。以成信讞。諭軍機大臣等。王明等奏匪犯投首。現擬籌辦情形。並請將劉訪一犯監禁待質。各摺片。大孤山匪犯徐五。現因徵兵往捕。遽向城守尉奕格處乞降。王明等因該處濱臨山島。恐煩兵力。擬即乘機駕馭。察看情形。妥籌辦理。固屬因勢利導之策。第該匪並未大受懲創。豈肯遽作降計。且官兵遣撤歸伍。僅留馬隊一百名在彼彈壓。更難保不從而生心。著恩合於到任後。督飭奕格等認真察看。如徐五實係因回勇滋擾。激成釁變。此次投誠。實出真心。效命。方可奏明請旨寬其既往。予以自新。儻或陽奉陰違。心懷叵測。即著相機勦辦。永絕亂萌。劉錦愷等犯並著飭屬嚴

拏。務獲劉訪一犯。既須監候待質。即著牢固監禁。毋稍疏縱。調署岫巖城守尉復州城守尉寶山招募回勇。既不親身督帶。亦未派委妥員管轄。致令激成釁端。又不確實具稟。難保非有心掩飾。著交部議處。署岫巖城通判候補同知景灝未能確查。隨同率稟。亦有不合。著交部察議。本日據劉長佑奏捕役誘盜。貽患鄰封。請安籌約束。嚴定賞罰等語。實為目前切要之務。著恩合寶珣麒麟慶飭屬一律稽查。隨時訪察。務使賊匪無包庇之人。州縣收指臂之助。方能清盜源而靖奸宄。劉長佑另片奏此次賊目黃洛幅等結夥猖獗。難保不恃有人護庇等語。著麒麟慶迅將紀盛汶供出之哈達回民丁起雲丁起龍張洪禮三犯。提緝到案。嚴切根究。責令將任事各犯悉數捕獲。如再延縱。即治以通賊之罪。該都統務當遵旨嚴辦。以期漸戢匪黨。不得稍有徇縱。劉長佑片二件。著分別鈔給閱看。將此由四

百里各諭令知之○又諭劉長佑奏山東梟匪兇燄未息亟宜及早殲除等語山東濱海之區鹽匪聚眾滋事皆不畏法自閩敬銘到任以來雖疊次捕獲而此拏彼竄究未大受懲創現在該匪在滄州鹽山等處拒捕抗官且據商人晉源昌稟報有案若不趕緊緝捕盡法究治何以重鰲政而遏亂萌著閩敬銘按照劉長佑所陳各節嚴飭所屬遣派弁役實力巡緝務將著名首匪認真訪拏務獲究辦其留防東路兵勇如可騰出卽挑選精銳數百名揀派明幹將弁管帶前往鹽滄一帶與直隸各營汎會同捕拏並准該管地方官遇有梟匪恃眾拒捕卽行格殺勿論庶匪眾知所懲創不敢肆意橫行原片著鈔給閱看本日明降諭旨將恩錫補授奉天府府尹潘鼎新補授山東臬司盛京事務緊要著閩敬銘傳知恩錫令其迅速起程毋稍延緩丁寶楨現已回省潘鼎新仍著駐紮濟甯統帶淮

勇實力防勦該臬司從前屢立戰功朝廷特加簡擢卽著傳知該員令其益加奮勉以副委任將此由四百里諭令知之○又諭劉長佑奏直隸操防緊要請飭催固本軍餉一摺本年春閒直隸設防以來經費支絀現在東西兩路留防兵勇人數尚眾加以月協淮勇軍餉並添設水師製造礮船需用不貲若各該省不將固本軍餉迅速籌解畿輔重地兵勇譁潰堪虞所關非細著瑞麟左宗棠李鴻章徐宗幹劉坤一李瀚章郭嵩燾劉卨膏孫長紱查照劉長佑咨催單開欠數嚴督藩司各將該省欠解銀兩迅速如數籌撥分起解赴直隸以濟急需毋許遲延拖欠將此由五百里諭知瑞麟左宗棠李鴻章徐宗幹劉坤一李瀚章郭嵩燾並傳諭劉卨膏孫長紱知之○又諭曾國藩奏移紮徐州整理馬隊並陳近日軍情一摺僧格林沁舊部馬隊經曾國藩詳加裁汰分別留撤並將留營兵丁分

派各員統領管帶。其烏爾圖那遜所帶並土默特各馬隊。均著俟周家口防務稍鬆。再由曾國藩分別汰留。力行整頓。富森保所帶馬隊。卽著留於湖北防剿。至牛落紅等股匪。回竄阜陽縣境。占踞各圩。雖經英翰防兵截擊。略有斬擒。並未大受懲創。張得勝克蒙額兩軍。現已由喬松年檄赴潁州援剿。仍恐兵力尚單。曾國藩務當飭令色爾固善並周盛波。劉銘傳等軍。迅赴潁郡。與喬松年所派各軍。

四面兜圍。就地殄盡。不可再令逸往他所。又致滋蔓難圖。太和阜陽等處民團。素稱得力。該大臣尤當設法鼓勵。令其到處截擊。以助官軍聲勢。至張總愚等股匪竄擾唐縣等處。逼近陝楚勢。尤張。陝南兵力空虛。鄂豫兵力亦單。恐未能制賊奔突。曾國藩節制三省。而山東直隸現無軍務。僅係河南一省。自應一併籌畫布置。隨時援應。不得拘泥從前十二府州之說。置豫省軍情於不問。至鄂省東

西兩路逼近賊氛。防剿情形甚關緊要。所有楚北軍務。自應由曾國藩節制調遣。以一事權。該大臣務當遵奉前旨。妥籌布置。賊縱奔竄。靡定軍情。旦夕異宜。許州為四路適中之地。前曾諭令該大臣移紮該處。就近調度。以期呼應靈通。著卽斟酌情形。妥籌辦理。楊鼎勳郭松林兩軍。並著催令迅赴該大臣軍營。聽候調遣。以厚兵力。將此由六百里諭令知之。○以山東按察使恩錫為奉天府府尹。江

蘇常鎮通海道潘鼎新為山東按察使。○命已革署四川總督曾望顏以四品京堂候補。以解馬出力。賞察哈爾佐領伊勒當阿等花翎。以湖南克復會同等城出力。賞同知程學伊都司顏承宣等花翎。守備雷宗璇等藍翎。按察使陳士杰等加銜升敘有差。○以直隸喜峰口疏防馬賊入關。知府延福等下部議處。乙卯。

世宗憲皇帝忌辰遣官祭

泰陵

上詣

壽皇殿行禮○諭軍機大臣等吳昌壽奏豫軍力單請責成皖楚會剿一摺張總愚等股匪圍攻新野縣城退竄南岡經張曜等擊敗追至鄧州鎮平該匪遂分踞南陽鄧州鎮平等處其賴陳等逆復自阜陽竄回固始息縣新蔡攻破民寨多處並分踞沈邱縣屬之瓦店等寨俱經王文行蔣希夷各軍竭力擊退覽

所奏各情賊雖暫時擊退而裹脅日眾勢蹙日張民寨殘破日多官軍餉需匱乏復經裁減數成賊眾兵單幾有不能支持之勢匪眾全聚豫境若非皖鄂兩省合力助剿將來逆蹙愈張勢必皖鄂並受其患現在姜玉順一軍已到新野劉銘傳康錦文等軍均已進至黃牛嶺若官文曾國藩喬松年鄭敦謹嚴飭該將領等視賊所向與豫軍會合為一相機剿辦毋得此前彼卻仍存畛域之見以致有

名無實坐誤事機至皖鄂各軍援剿豫省若遠候統兵大臣及本省督撫大檄為進止鞭長莫及勢必坐失機宜前經疊諭曾國藩移紮許州節制皖豫鄂三省軍務就近調度以期呼應靈通著該大臣悉心籌度妥行辦理將此由六百里各諭令知之○又諭左宗棠等奏官軍剿賊獲勝現飭各軍分道進剿瑞麟等奏花旗股匪闖入長樂縣城官軍合力圍攻各一摺竄粵餘逆惟汪海洋一股兇狡

最著此次經康國器督軍痛剿殲斃賊甚多汪逆身受重創一時猝難遠竄自應以勒為防步步圍逼方能聚而殲旃左宗棠現飭高連陞等進逼鎮平之北令劉典王得榜等分屯要隘聯絡聲援惟鎮平西南一路必須粵軍嚴扼其衝而花旗股匪竄陷長樂卓興等軍為所牽縱僅餘方耀鄧安邦兩軍恐不足以遏賊奔突著瑞麟郭嵩燾督飭方耀等實力扼守一面嚴飭卓興等將長樂縣城迅

圖攻克珍滅花旗一股庶得早日合兵殲除汪逆席寶田婁雲慶等軍前已有旨令其馳赴鎮平會剿卽著劉坤一孫長紱遵照前旨迅速調派毋得稍分畛域左宗棠前已有旨令其馳赴鎮平督辦軍務卽著懍遵前旨迅速前進妥籌一切如有不遵調遣及遲玩軍務者並著查明參奏以一事權長樂文武下落著瑞麟等查明具奏將此由六百里諭知左宗棠瑞麟徐宗幹劉坤一郭嵩燾並傳諭

孫長紱知之○又諭前據訥爾濟兩次奏報巴里坤兵糈緊要請於殺虎口稅項撥銀解交歸綏採買米石並請飭部撥糧餉以濟兵食各摺均經降旨交戶部速議具奏茲據戶部覆奏訥爾濟原奏請於殺虎口稅課項下撥借銀兩採買糧石係為移緩就急起見均應照所議辦理至所稱請飭部迅撥餉銀一節前於奉旨籌撥伊犁餉銀摺內曾請將四川應解新疆餉二十一萬兩解交陝甘總督

轉解成祿軍營交納請飭成祿於前項餉銀解到時先行撥出二三萬兩解交巴城應用並請飭四川總督將欠解新疆餉銀趕緊措解各等語巴城防剿萬分緊要自烏垣奇台等城被陷糧石無從採買若待口內餉銀誠恐緩不濟急自應就近採買糧石設法轉運並籌撥餉銀以濟急需卽著殺虎口監督鍾祿在於正稅項下撥銀一萬兩解交歸綏道庫以作採買糧石之用儻關稅不敷撥用著

王榕吉另行籌款撥解毋誤要需此款解到卽著德勒克多爾濟督飭歸綏道趕緊採買糧石雇覓駝隻迅速運解巴里坤交收不得稍涉遲延致干重咎所有殺虎口運費並買糧價值及雇覓駝隻款項均准按實用數目作正開銷並著成祿於四川解交新疆餉銀二十一萬兩內先行撥銀二三萬兩派員解交巴里坤應用毋稍延玩成祿訥爾濟所需軍餉均關緊要卽著崇實駱秉章將四川應

解新疆餉銀二十一萬兩趕緊籌撥派員解交陝甘總督以資轉解將此由五百里諭知德勒克多爾濟崇實駱秉章成祿訥爾濟並傳諭王榕吉鍾祿知之○又諭景紋奏藏兵攻勒瞻對大勝派員督催迅勒老巢一摺據稱藏兵於六月間攻毀瞻逆碉房大寨多處各寨賊匪均已投誠惟工布朗結父子所居新舊賊寨暨業爾巴六谷瑪牙瑪頓柱賊寨尚未攻破現在設法趕緊進攻老巢等語此

次藏兵同心進攻瞻對甚為出力業經景紋犒賞茶包等件並籌款添補軍火俾番兵等踴躍進攻迅圖剿滅辦理甚是即著嚴飭史致康迅由道塢北路督催漢土兵勇反正各夷設法進偏巢穴毋稍鬆勁察木多糧員童沛霖遊擊慶衡既於地利熟悉著飭令該員等認真彈壓督催以期早為藏事景紋現已由察木多起程赴藏著就近體察情形相機妥辦俾藏地得以安謐抵藏後即將應行查

辦事件迅速查明覆奏將此諭令知之○又諭林鴻年奏川省撥項太少不敷進取暨滇餉舍川別無他策各摺片所陳各節餉需未充不敷進取自係實在情形劉嶽昭唐友耕兩軍餉項雖由川省接濟而林鴻年已紮敘州待餉尤亟著崇實駱秉章嗣後仍須按月妥籌接濟不得以先行籌撥二萬兩遂置滇餉於不顧滇省瘠苦之區自不能不賴川省籌畫而各省勸捐欠餉各款為數亦屬不少

並著林鴻年分別咨催俟餉項稍為充裕即當相機進取摺內所陳滇省情形尚為詳悉著審時度勢次第規取該撫身膺疆寄自宜力任其難不得以無可措手為詞致滋延誤將此由六百里各諭令知之○又諭前經降旨將田興恕發往新疆並諭令崇實駱秉章即行派委委員剋日起解茲據總理各國事務衙門奏稱前接崇實等呈稱田興恕因病尚在涪州未經起解現復據法國使臣面稱



田興恕依然在涪安住直如無事之人等語。田興恕一案前經總理衙門再四籌商始行定議該革員種種妄為貽誤軍事厥罪甚重業經從寬問擬遣戍已屬法外施恩若再聽其託病耽延不獨有意抗違情殊可惡抑且無以示信於外國崇實駱秉章詎見不及此若即嚴派妥幹之員馳赴涪州無論田興恕病之真偽即刻起解前行不准再有遲滯至張茂宣謝葆齡二犯已據勞崇光等奏稱由

黔解川是否業經解到並著崇實駱秉章於該革員等到川之日即行派員遞解陝西轉遞甘肅毋稍延緩將此由五百里各密諭知之。又諭據總理各國事務衙門奏江西贛州羈押英人請按約覈辦一摺英人瞞四輝里被江西省指為通賊之人在贛州府羈押歷經九江道行文查詢而贛南道覆稱並無其事惟據英國照會內實指英人之名並瞞四輝里親筆書信為憑其非捏造可知英人

游歷各處本屬條約所有即便有通賊情事亦當按照條約辦理何得率行羈禁迨至九江道查詢又恐該國不服含糊掩飾希圖銷滅殊失誠信相待之道著李鴻章劉坤一孫長紱迅派道府大員確切查明英人如尚在贛州府監禁即行按照條約解交該省領事官訊辦不得再事隱瞞如或始終掩飾不肯實陳別經查出必將該地方官從重治罪將此由六百里密諭李鴻章劉坤一並傳諭孫

長紱知之。○署兩廣總督瑞麟等奏遵查霆營叛卒由江粵交界邊境潛抵興甯縣屬羅浮司因官軍移勒花旗股匪遂乘間疾走慈溪依倚庫逆為援孫長紱所奏叛卒乞降實係傳聞之誤報聞。○以廣東長樂縣城被賊竄陷革都司黃添元等職仍留營守陣亡把總區昌祭葬世職如守備例。○予河南南陽陣亡遊擊張萬均都司郭振清等祭葬世職加等。○丙辰諭軍機大臣等福興奏遵飭直

隸提標官兵駐紮鐵門關一摺直隸提標官兵前經劉長佑奏明添調二百名合前調之馬步三百餘名並交趙喜義管帶出口會同熱河弁兵勦賊福興因鐵門關防務緊要改調通永鎮標兵三百名赴防嗣於十九日據徐廷楷咨報業於十七日由提標中左右三營派定馬步官兵三百七員名交遊擊常存管帶探明文祥行營聽候撥防此項官兵於二十日行抵馬伸橋著福興遵照前次諭旨

卽飭常存等帶赴鐵門關駐紮實力梭巡其通永鎮天津鎮兩項官兵卽仍令在三岔口灑河橋駐紮添調之通永鎮標兵三百名著卽停止所有直隸派出各關隘防兵需用口分等項著劉長佑迅速籌款放給此後仍須源源解濟毋令缺乏劉長佑現已起程北上卽著照所請來京陛見至署直隸提督徐廷楷於奉調標兵蒼黃抽派並不將口糧發足且兵丁半多單寒均無號衣號帽馬匹悉屬

疲瘁所帶火藥鉛丸亦屬無多殊屬不成事體其趙喜義所帶出口之兵是否業已起程亦未據詳晰呈報平日辦事顛預已可概見並著劉長佑將該署提督辦理未能得力暨才不勝任各情確切查明據實覆奏毋許稍涉瞻徇將此各諭令知之尋劉長佑奏遵查徐廷楷派兵赴防因追捕喫緊先令弁兵起程隨將號衣子藥運送並籌款墊發口糧其疲瘁馬匹均已更換參將趙喜義已帶兵起

程旋准熱河都統咨報口外無賊當經撤回徐廷楷勞績素著其才尚堪勝任報聞○又諭吳昌壽奏豫軍會同江皖各軍攻拔張寨等處賊巢並新蔡寨長出力請獎各摺片本日已明降諭旨宣示出力各員照所請獎勵矣蔣希夷一軍會同康錦太唐殿魁劉盛藻攻拔張寨等處對河侯信寨內牛落紅竄出被我軍殲斃殆盡乘勝追至瓦店橋口復有斬擒現於劉寨一帶駐紮再圖進剿該逆分

股一竄阜陽三河尖。一竄新蔡汝陽。邊馬已至西華鄧城寨等處。昨據吳昌壽奏豫軍力單請責成皖楚會剿。諭令官文等嚴飭將領與豫軍會合為一。相機剿辦。現在蔣希夷業已會同江皖各軍。攻拔張寨等處。獲此大捷。足見各省兵力會剿自有明效。正可乘勝掃蕩轉戰而前。以收破竹之效。著官文曾國藩喬松年吳昌壽鄭敦謹。懍遵昨日諭旨。嚴檄在事各將弁通力合作。會籌進取。務將東西兩股逆匪迅速殄除。以期根株盡拔。疆圉肅清。不可稍有鬆勁。致令賊勢復熾。逆首李允圍攻新蔡縣東鄉鄒寨。經寨長鄒子興率眾擊勦。該逆雖已退回頓家岡等處。尚未大受懲創。恐其復來報復。亟須官兵接應。著吳昌壽督飭兵勇迅速前往頓家岡一帶。盡心勦洗。毋任蔓延為患。將此由五百里各諭令知之。又諭都興阿等奏遵保分剿黃河兩岸竄逆大勝出力員弁。已明降諭旨照准矣。另

片奏請將已革葉爾羌參贊大臣景廉賞還頂帶。景廉係告病人員。不候諭旨私行進關。厥咎甚重。當此新疆多事之時。自未便稍涉寬容。致啟效尤之漸。景廉著不准賞還頂帶。仍責令總理營務糧臺侯甯夏克復再由都興阿等奏乞恩施。都興阿又片奏到甘一載有餘。籌辦稍難。自覺心力頓減。精神損耗。請令楊岳斌移圖善督辦等語。楊岳斌身任封圻。不能不在省會駐紮。都興阿督辦甘肅軍務甯夏一城日久。未復未免師老兵疲。姑念該處地偏餉絀。尚非該將軍籌策無方。惟該將軍總當以軍務為重。不得稍存畏難之見。致涉推諉。仍著懍遵疊次諭旨。振刷精神。整飭隊伍。與穆圖善籌商制勝之策。令西蒙克西克等嚴防定邊等處。令翁同書於花馬池扼要固守。仍將甯夏府城迅速克復。力圖報效。以副委任。湖北應解月餉二萬兩。已於七月十五日諭令該省仍照前議籌撥。著都興

阿等卽行飛催趕解以資接濟將此由六百里各諭令知之○以宗室榮頤襲奉恩輔國公爵○以河南官軍攻拔張寨賊巢予千總諸葛漢奎以守備用並賞花翎餘升敘有差以甘肅黃河兩岸勦匪獲勝賞副都統西蒙克西克頭品頂帶協領托克屯佛爾慶額西林佐領貴陞賽清阿色和琿隨陞防禦明順副將袁復清陳懷仁杜占魁王培森鍾炳榮參將傅志成李永貴李得勝張伯鸞遊擊

鄭永和都司蕭明發閻孚恆張洪福巴圖魯名號副將松明等花翎知縣玉瓚等藍翎餘升敘有差○以甘肅花馬池等處勦匪獲勝賞已革安徽巡撫翁同書四品頂帶○以甘肅甯夏守城出力賞還已革副都統常陞頂帶以打仗出力復甘肅軍營已革參將李曙堂職○丁巳諭軍機大臣等戶部奏江浙來年海運及山東新漕請飭催趕辦一摺京倉儲備久虛開放俸甲米石復於本年秋間

分別加成所入益不敷所出惟賴各該省來歲新漕趕辦運京以供支放江蘇本年起運松太二屬正漕並蘇屬祖捐提成採買除去沙剝食耗外實止進倉米二十九萬餘石常鎮二屬並未一律辦運現在辦理善後已及兩年紳民當各安舊業蘇州一屬自可停止租捐全辦正漕常鎮二屬漕額亦經議減開徵自易為力著李鴻章劉鄩膏督飭藩司糧道等將來歲海運漕糧多為籌辦諸事提前

俾得迅速抵津以資接濟浙江抗嘉湖三屬漕額業經降旨於三十分中減去八分又據馬新貽奏海運經費均於漕務項下籌備是賦額既減有定數經費亦不至虛懸自可妥籌徵解所有來年海運事宜著左宗棠馬新貽援照成案迅速辦理江浙浙江米數並著各該督撫先期奏聞山東省應運漕糧定例於三月初一日抵通著閻敬銘督飭糧道將來歲新漕趕緊開兌務於南糧未到以前全

數抵通交納至江蘇漕額僅據該督等奏稱蘇松太三屬按則分別遞減統照部議三分減一之數常鎮二屬一律普減各照部議十分減一之數減定賦則詳細數目尚未據分晰奏報浙江省雖據開單奏明減定分數亦未將冊籍送部著該督撫等迅即將各府州縣原定額數及此次議減成數分晰造冊報部以備查覈前據吳棠奏採買米石試辦河運當經降旨如能挽行無滯來歲江北新漕

即可復河運成規現在試辦河運之米挽過津關運道無阻且江北久經肅清各屬本年新漕應即徵收本色著吳棠仿照本年河運成案埽數起運惟本年河運係封雇民船誠恐米數太多不無掣肘如江北全漕不能概由河運即由該省酌量情形劃分成數河海並運一切章程即著吳棠會同李鴻章劉卨膏趕緊妥議奏明辦理漕糧為天庾正供各該督撫等素顧大局務當協力同心認真趕

辦毋得遷延觀望貽誤倉需將此由五百里諭知左宗棠吳棠李鴻章馬新貽閻敬銘並傳諭劉卨膏知之○又諭長善奏酌擬東北各口巡防及嗣後盤獲馬賊就地正法並停止本年秋操各摺片所擬添派官兵一百名揀派幹員管帶駐紮冷口適中之地會同該處旗營嚴守關門並酌分馬隊往來巡防即著督飭該弁兵等實力梭巡按期會哨並由長善咨行直隸提督山永協副將等一體添

兵嚴守各關隘毋令匪蹤再行闖入其關門缺口處所應如何會籌備禦著該副都統隨時查勘與劉長佑連成等妥商會辦以固邊防前次單開賊匪仍著嚴密訪查確實知會各地方官協力拏辦毋許兵丁胥役藉端騷擾其關門盤獲之黃科占等著飭臨榆縣逐加研審是否實係馬賊分別覈辦至此後盤獲形跡可疑人犯亦須研訊明確如實係曾經搶劫之馬賊即著一面具奏一面就地正

法仍不得冒昧從事山海關防務喫重本年  
例閱秋操著暫行停止冷口防兵餉需著長  
善咨明劉長佑籌款解濟毋令缺乏將此諭  
令知之○以陝西按察使鍾秀為布政使福  
建汀漳龍道胡肇智為陝西按察使○補鑄  
江西信豐縣楊溪堡巡檢印信從巡撫沈葆  
楨請也○以藉詞索餉山海關防守尉碩隆  
武下部議處革職離職守防禦魁齡職永不  
敘用 戊午諭內閣李瀚章奏請將意存取

巧玩視公務之員交部議處等語湖南署桂  
陽直隸州知州潘敬在任年餘乃聞閩賊竄  
粵即以才力不及稟求交卸實屬意存取巧  
署沅州府知府陳佳蕙准部咨調取引見經  
李瀚章奏請以該員在任兩年地方情形較  
熟請暫緩入都業經允准乃未及兩月該員  
輒於黔匪竄偏晃沅甫經擊退之後稟請委  
員接署領咨北上實屬意圖諉卸玩視公務  
陳佳蕙潘敬僅予議處不足蔽辜著改為交

部嚴加議處○諭軍機大臣等喬松年奏擒  
逆經官軍擊敗竄併豫境現籌防勦一摺擒  
逆任桂牛落紅回犯皖境經皖防各軍進勦  
攻破高圩賊巢餘匪敗遁該逆經此次創懲  
兇鋒已挫亟宜乘其喘息未定合力兜勦以  
期一鼓殲除著曾國藩喬松年吳昌壽嚴飭  
派出各軍視賊所向截後追務將此股賊  
匪迅速勦除毋令再與前股勾合其竄往南  
陽等處之賊仍著吳昌壽督飭張曜等軍會

合楚省姜玉順一軍實力夾擊毋任蔓延喬  
松年另片奏陳國瑞一軍現已撤去五營所  
存不過三四十人與康錦文一軍數目相等  
東省向解郭寶昌之餉應令陳國瑞與康錦  
文兩軍各半分給等語著閻敬銘即將前項  
應解餉銀按月分解豫皖兩省轉發該兩軍  
支放正在寄諭間據張之萬奏稱二十日夜  
聞遙望東南火光不絕詢之進省難民據稱  
賊蹤已至通許縣屬之底閣寨等處或云已

至陳留地方。距省城甚近。惟前日據吳昌壽奏稱。會勦擒匪。攻拔張寨等賊巢。賊向阜陽。析蔡等處奔竄。張之萬現奏賊蹤逼近省垣。與吳昌壽前奏情形稍異。賊蹤剽疾。奔突靡常。著吳昌壽確探賊蹤。如實有北竄之勢。卽酌量緩急情形。撥兵回顧省城。並兼防河北一面。知照直隸山東督撫。嚴密防堵。毋任偷渡。張之萬現在省城。著俟賊蹤稍遠。卽行馳赴工所督辦修防。將此由六百里各諭令知

之。○人諭駱秉章奏滇省捐輸仍由該省設局辦理。並據劉蓉奏甘餉窘乏。殊常請飭四川督臣督飭司道會同委員籌辦各摺。片。川省雖屢經捐輸。而糧賦輕減。較之陝甘情形迥不相同。前據毛震壽會同川省司道勸辦約可得三十萬金。何以忽行停止。諒駱秉章恐各省紛紛效尤。川省民力不支。遂致已成之局中止。惟現在甘省軍營日放灰朽榆皮。尚不得飽。設有譁潰。卽川省豈能安枕。著崇

實駱秉章不分畛域。督飭該藩司等會同毛震壽斟酌情形。妥籌辦理。趙長齡甫由川省擢任於該省。情形諒必熟悉。並著會商妥辦。至林鴻年於擢任滇撫後。遲久始抵欽州。於滇省軍情布置。從未籌及。屢以索餉為遷延之計。若與陝甘同時並舉。勸捐恐川省民情未協。並著崇實等妥商辦理。林鴻年卽遵前旨赴昭通駐紮。聽候崇實等籌辦。劉蓉另摺奏克復吳旂鎮。擒斬逆首。惠喜中並疊次攻勦。竄回獲勝各等語。此次陝西防軍鄧太愚等攻勦尚為得手。著劉蓉仍飭該將領等妥為防範。毋稍鬆懈。劉蓉又奏陶營潰勇復入陝疆不服。開導拒殺官軍等語。陶茂林勇丁在甘潰散。已屬目無法紀。迨至寶雞東關。仍敢拒殺官兵。實與叛逆無異。卽著劉蓉飭令副將彭體道等實力兜勦。毋稍姑息。其尚有在甘之勇丁。並著楊岳斌妥為駕馭。毋得操之過急。致使貽患鄰封。是為至要。將此由六

百里各諭令知之。又諭李瀚章奏黔匪竄越楚界逼近晃沅卽經官軍擊退一摺貴州苗匪分股竄撲思州旋卽敗退惟竄擾天柱之匪勾結後山洞苗匪掠至竹樹扶羅舊碕等處周洪印戈鑑等督軍分路勦辦匪黨竄歸後山洞一帶惟該匪雖經敗退距晃州轄境不遠難保不乘機回竄卽著李瀚章嚴飭周洪印戈鑑等統帶官軍由木灘等處分道進取以勦為防毋任擾及楚境致滋延蔓並

著張亮基裕麟檄飭黔省官軍與楚省兵勇聯絡聲勢兩面夾擊將苗教匪黨悉數殲除不得妄分畛域任令該匪出沒貽患鄰封此次接仗尚未大挫賊鋒在事出力人員著李瀚章暫行存記俟續有功績再行奏請獎勵李瀚章另摺奏查明湖南米價增昂銀價減賤若將本年漕糧徵收本色納數倍增民力實有不逮等情所奏自係實在情形所有該省本年漕糧著准其仍徵折色提充京餉俟

來年開徵時能否改收本色該撫再行酌覈辦理具奏將此由五百里諭知李瀚章張亮基並傳諭裕麟知之○以四川省城歷年防勦出力賞按察使楊重雅遊擊奎林等花翎餘加銜升敘有差○予湖南柏樹林陣亡訓導姚復奇守備彭世欽祭葬世職加等○予甘肅五道峴陣亡副將賽沙春祭葬世職加等○予山東青州駐防節年陣亡驍騎校福堪等八十一員名祭葬世職○己未諭內閣

戶部奏請飭倉場趕緊兌收河運米石一摺。前據吳崇奏准採買米石試行河運業經戶部奏定章程米船到後隨驗隨收俾船隻及早回南以示體恤乃此項米石據崇厚奏報七月二十六日米船已全數挽過津關迄今將及一月而米船何日抵通何日兌收尚未據倉場咨報該部究竟因何遲延著倉場侍郎嚴飭坐糧應監督迅速兌收毋稍延緩如查有經紀花戶人等藉端勒索情事卽行從



嚴懲辦不得稍有徇庇。仍將兌收米數分起咨報該部以憑查覈。○庚申遣官祭

歷代帝王廟。○諭內閣御史汪朝榮奏江浙水災請旨飭查賑濟以恤災黎一摺。本年五月二十四五等日浙江之杭嘉湖嚴紹五府所屬各縣大雨閏七晝夜不絕紹興府山水陡發海塘衝圯蕭山縣沿江地方水與屋齊居民淹斃者萬餘嚴州府城外江水時亦驟發其蘇松杭嘉湖五府及太倉州靈雨不止

低田盡被淹沒禾稼大傷覽奏實堪憫惻江浙軍務甫平民氣未復現值水災猝至亟應迅籌撫恤用拯窮黎著李鴻章馬新貽劉鄩膏邁派賢能之員前往被水各該府州縣會同地方官詳細查勘分別造冊具報仍著一面迅速籌款撫恤毋令一夫失所以濟災區而蘇民困○又諭福建已革署福州府知府陳謙恩前於被參案內革職永不敘用並著監追欠款茲據左宗棠等奏稱該革員賠項

業已清完懇請勒令回籍並註銷永不敘用處分等語陳謙恩應賠之款現已繳清著即勒令回籍惟原參情節較重所請註銷永不敘用之處著不准行○又諭左宗棠等奏請將福建鄉團殉難男女立祠建坊等語上年九月賊竄福建龍溪縣地方該處陳社鄉團守備陳國香等激勵族眾保守鄉寨殺賊甚多十一月間賊眾環攻男女被其焚殺者七八千人該社鄉民聯團禦賊深明大義實堪

嘉尚且於被圍之目誓死不屈殉難甚烈尤屬大節凜然殊堪憫惻所有龍溪縣陳社鄉團被害男女著准其建祠入祀並將該社賜名忠義鄉以彰忠節○諭軍機大臣等阜保奏盜匪聚眾滋擾續派官兵勦捕備陳吉林全省大局籌餉勦賊並請簡員署理副都統玉明等奏進勦昌圖盜匪獲勝請將協領恩科開復處分各摺片昌圖盜首徐占一烏痣李等股聚散無定現在分股逃逸難保不到

處裏骨轉致愈聚愈多。著恩合阜保富平阿。實珣嚴檄派出官兵。通力合作。會同搜捕。務將此股盜匪悉數殲除。不得因去賊稍遠。卽形疏懈。致令該逆偏地蔓延。釀成不了之局。阜保所稱地勢遼闊。兵單餉絀。現擬按照鋪商原辦日釐各捐。豫支一年經費。揀選兵丁。購買馬匹。視賊所向。實力追剿。以圍練為各路之應援。到處截擊。以獵戶為入山之嚮導。跟蹤捺拏等語。均著照所擬辦理。該署將軍

務當振刷精神。廓清邊圉。但須實心實力。不可徒事紙上空談。有名無實。並著與恩合會同商酌。以清盜源。阜保請簡員署理副都統各缺。一俟簡畀有人。卽令迅速前赴署任。此次盜匪由昌圖竄至長春廳一帶。恩科督兵追剿。並未能痛殄逆氛。玉明等請將恩科暫行革職。處分開復之處。著毋庸議。前有旨諭知恩合酌量出省督剿。刻下富平阿已抵新任。該副都統曾經出師著績。著恩合體察情

形。卽商令富平阿帶隊剿賊。以資得力。省城防守事宜。著恩合妥協布置。以期有備無患。將此由五百里各諭令知之。○又諭官文等奏楚軍現已馳抵新野。並請俟賊蹤稍定。再令成大吉出境會剿各摺片。此股髮捻。由皖北悉眾西趨。行蹤靡定。楚省邊防。自不可稍涉鬆懈。官文等現派姜玉順一軍。馳赴新野迎擊。並令譚仁芳督率四營。會合姜玉順併力剿辦。著卽嚴飭姜玉順等會同豫軍認真

攻剿。迅殄逆氛。官文等請飭應行會剿省分。無分畛域。先將本省門戶嚴行戒備。一面專派勁旅前往會剿等語。與歷次諭旨相合。除本日已諭知曾國藩酌辦外。卽著官文等檄飭成大吉藍斯明劉維楨等軍。嚴密布置。毋許該匪闖入邊境。俾姜玉順譚仁芳等得以拔隊跟追。不至回顧楚疆。方為妥善。官文等另摺奏提督鮑超現已抵鄂。募勇赴江助剿等語。前次霆軍叛勇。據粵省奏報。已與汪逆

句合抗拒官兵其妻雲慶所帶部勇前亦因索餉譁謀必須鮑超親往整頓方可復成勁旅著傳諭該提督趕募四營馳赴江粵邊境聽候左宗棠調遣汪逆身受重傷困守鎮平鮑超打仗素能奮勇左宗棠得此生力一軍會督閩粵諸將鼓勇前進諒不難剋日殲除以慰廩念鮑超此軍應支月餉現已由湖北籌給兩月以利進行該提督抵江後即著劉坤一孫長紱就近籌撥毋令缺乏將此由五

百里諭知官文左宗棠劉坤一鄭敦謹並傳諭鮑超孫長紱知之○又諭閩敬銘奏髮捻逆匪由豫復竄東境派兵堵禦一摺據稱髮捻各匪為劉銘傳之軍擊敗竄向太康柘城現據曹縣稟報考城之保庶寨曹境之魏灣等處皆見賊馬該撫已飛檄駐紮曹縣之總兵楊飛熊等聯絡截勦等語逆眾循熟路東趨有總兵楊飛熊副將王心安等駐守並有潘鼎新一軍在濟甯扼紮諒該逆不敢深入

為患惟西股張總愚等由棗陽折回南陽分擾唐縣新野其勢亦欲東趨恐分股繞越則兵分力單勢難兼顧著曾國藩嚴飭在防將士遇賊即擊並迅速酌派勁旅繞赴豫省如賊眾分股繞越亦須分兵截擊毋任回竄張總愚股在新野一帶吳昌壽當會合楚軍實力勦辦截其東竄之路如與東股會合吳昌壽喬松年派兵追勦不得以賊已出境稍分畛域閩敬銘已令民間將積穀運入堡內並令衛榮光督率礮船防河將沿河船隻盡行提歸北岸東昌范縣等營均歸該道調度即著責令認真辦理不得有名無實如縱令該匪北竄必惟閩敬銘是問潘鼎新一軍蓄銳日久應如何檄調進勦著曾國藩酌度機宜一面調派一面奏聞以資得力本日據官文奏請飭會勦捻逆省分先行戒備本省門戶一面專派勁旅一支前往專心會勦何省之兵即由何省供支糧餉再得老成持重之大

臣如曾國藩者提綱挈領居中調度可計日蕩平等語與節次寄諭正相脗合前諭曾國藩進駐許州之處即著酌度辦理將此由六百里各諭令知之○又諭都興阿等奏遵籌後路布置情形楊岳斌奏香容倡立邪教督兵勦擒首逆飭蕭慶高赴隴州協勦各摺片都興阿等因雷正綰等軍挫敗抽調西蒙克西克馬隊前往定邊協力堵勦以遏賊勢東趨旋有山南竄匪十餘直撲鞏井堡經西蒙

克西克等帶隊援勦擊退惟甯條梁為商賈輻湊之區逆回垂涎已久僅有羅承勳一營駐紮柳樹澗相距四十餘里不足以資屏蔽著楊岳斌劉蓉飛檄延綏鎮總兵陶茂森統帶本標官兵就近前赴甯條梁督同羅承勳部勇實力扼勦劉蓉前派鎮西軍在靖邊一帶巡防即著飭令該軍擇要扼紮務與甘軍聲勢聯絡嚴密布置以期有備無患雷正綰所部失利遺失旗幟號衣甚多恐為逆匪所

得假冒官兵圖逞狡計著都興阿楊岳斌等通飭各營嚴加防禦該軍現紮何處作何整頓並著確探具奏都興阿等當懍遵疊次諭旨將甯夏郡城力圖攻拔以孤賊勢仍隨時體察東西兩岸賊情抽撥重兵相機勦辦務將竄匪悉數殲滅毋任蔓延如探有東竄信息並即隨時飛撥重兵前往堵勦其安定一帶踞匪東竄張家川蓮花城等處意圖回竄陝疆著楊岳斌劉蓉嚴飭各州縣激勵團勇

實力堵勦一面飛檄蕭慶高馳赴隴州探明賊蹤協同兵團嚴密抵禦毋任闖入陝境靖遠縣香容丁建善等倡立邪教聚眾謀為不軌經楊岳斌親督彭楚漢等勦捕將丁建善擒獲正法餘眾解散辦理尚為妥速惟逆目陳忠孝在逃未獲且縣城暨省垣各衙門均有伊等細作亟應慎密按捕以絕根株著楊岳斌遴委員弁務將逆目陳忠孝及城中夥黨嚴密按緝毋任漏網其北山及金縣回匪

聞官軍撤動時出滋擾著楊岳斌隨時確探派兵防勦毋稍疏忽成祿鶴齡兩軍何日西行並著查明具奏將此由六百里各諭令知之○又諭楊岳斌奏甘餉萬分支絀請飭催江蘇等省迅速撥解一摺甘省需餉孔亟各該省督撫等自應亟籌撥解以維大局著官文李鴻章馬新貽鄭敦謹李瀚章劉邵膏懷遵前旨將江蘇湖南湖北江南浙江派定協甘之餉各按月籌解源源接濟毋許稍有延

誤上年戶部奏撥有著之款如四川按糧津貼項下每月協撥銀一萬兩山東河南地丁項下各每月協撥銀一萬五千兩江西地丁項下每月協撥銀一萬兩並著崇實駱秉章閻敬銘吳昌壽劉坤一孫長紱遵照前旨兼新帶舊均各迅速籌撥剋期解甘不得稍存膜視其各該省歷年欠解協甘餉銀並著酌量按成補解以濟要需原摺均著鈔給閱看將此由六百里諭知官文崇實駱秉章閻敬

銘吳昌壽馬新貽劉坤一鄭敦謹李瀚章並傳諭劉邵膏孫長紱知之○又諭楊岳斌奏請飭山東等省將前撥新疆餉銀趕緊籌解等語新疆援師月餉最關緊要疊經諭令各該省迅速籌撥現在成祿鶴齡兩軍業已西行剋日出關援勦若不寬籌接濟何以裕軍食而利師行著閻敬銘吳昌壽王榕吉懷遵前旨各將應行籌撥銀兩無論何款趕緊籌解仍由草地解交科布多聽候分撥毋稍延

緩其四川指撥安肅道銀十六萬兩分毫未解著崇實駱秉章迅速籌措如數解交甘省司庫以備供支毋再玩延至鶴齡一軍餉銀原係川省接濟該省責無旁貸並著崇實駱秉章迅速籌解甘以顧急需原片均著鈔給閱看將此由六百里諭知崇實駱秉章閻敬銘吳昌壽並傳諭王榕吉知之○又諭景紱奏藏兵攻勦瞻逆獲勝克復地方一摺藏兵攻勦瞻逆疊次獲勝生擒瞻逆長子東登工布

父子次子僧人四郎生格等東登工布等自願寄信與工布郎結帶領番眾投誠先將薩伽喇嘛德爾格特土婦母子等放回乃工布朗結得信後將德爾格特長子長女等放回將薩伽喇嘛德爾格特土婦等仍留在寨亦未率眾投誠是其怙惡不悛即准投誠難保不意存反覆著即飭令史致康督催藏兵迅速進攻乘贍逆窮蹙之時一鼓殄除以期早日肅事將來善後事宜均責成史致康妥辦

景紋著剋日赴藏妥籌辦理一切以副委任將此由五百里諭令知之○以福建辦理通商出力賞協領長慶花翎餘加銜升敘有差補鑄河南宜陽縣知縣印信從巡撫張之萬請也○追予福建漳州陣亡道員徐曉峰諡剛毅建專祠眷屬一併附祀幕友從九品叢鏞暨紳民婦女等分別旌卹如例○予甘肅金積堡歷次陣亡參將楊發勝等暨兵勇六百四十員名賞卹如例○辛酉諭內閣前

據麒慶奏遵查台吉伯和濟雅被控私放護衛等款請旨革訊當降旨將伯和濟雅暫行革職歸案嚴訊茲據麒慶奏稱該已革台吉於傳訊後即捏報患病藉圖耽延現經查明伯和濟雅於私放護衛一節業已供認不諱其念誦黑經一節查明靈嘎鬼圖所寫之字譯之為該盟長王名那木濟勒旺楚克並據達喇嘛色楞呈出刊板經卷查對相符至勒派馬匹一節據該盟長冊報伯和濟雅勒派

所屬共出馬四百三十匹牛五十二隻並勒派銀五百二十五兩又取具台吉彭素克拉布齊等數十人結呈該已革台吉勒派情形與該盟長所開清冊相符眾證確鑿應先擬結伯和濟雅除私放護衛念誦黑經等事尚屬輕罪不議外請照監臨官吏扶勢及豪強之人求索所部內財物計贓准不枉法論折半科罪擬杖一百流三千里查其所犯情節較重應不准其折枷照例實發解交理藩院

定地發遣是否允協請飭理藩院覈覆抑俟該台吉病痊再行訊供定擬之處請旨辦理等語此案既據麒麟慶奏稱眾證確鑿豈容任令該已革台吉捏病耽延以致巨案久懸著即先行完結以免案證拖累伯和濟雅前在神機營捐馬五百匹議敘公銜之案著即撤銷至麒麟所擬伯和濟雅罪名及其餘各事宜著該衙門覈議具奏○壬戌諭內閣御史汪朝榮奏伊犁參贊大臣聯捷奉命出關勦

賊行至山西索餉逗遛騷擾不堪至陝西境內大索車輛講明折價在陝則乘坐八人大轎並用三軍司命大轟近來新放各路辦事大臣均以聯捷軍營為託足之地聯捷在行營日與開筵痛飲不思出關勦賊糜餉辜恩請飭查辦等語著楊岳斌按照該御史所參各款秉公查辦據實參奏毋稍徇隱聯捷屢有嚴旨諭令出關勦賊若如該御史所奏將其撤任聽候查辦聯捷轉得置身事外仍著

遵旨率同新放各路辦事大臣等迅速出關不准逗遛儻敢稍事遷延必重治該大臣等以應得之罪至汪朝榮片內所稱有聯捷奉旨發往前任陝甘總督熙麟差遣委用之語何時有此諭旨著汪朝榮明白回奏○又諭總理各國事務衙門奏傳教士在酉陽州被毆斃並教民房屋均被燒搶請飭查嚴辦一摺據稱接據法國公使照會內稱四川酉陽州民人馮仕銀等將該處城鄉教民房屋

燒毀家財擄搶馮文愿等復率多人拆散經堂將司鐸店主何魁毆斃知州懸案不辦並將傳教士瑪爾樂銀錢搶盡毆傷斃命擲屍河壩捏報因入廟之人與之口角用石塊打斃並稱該知州將馮仕銀等召至署內飲酒協謀屠滅等語傳教士准在內地傳教載在條約遇有爭鬭詞訟等案無論中外人等習教與否總須持平辦理方可使其折服現據照會所稱情形如果屬實自應速為查辦以

昭公允著崇實駱秉章認真確查速行斷結其被控有案之馮仕銀張佩超宋文選等並著悉數拘獲秉公審辦毋稍枉縱至酉陽州知州辦理此案貽誤遲延並著崇實駱秉章先行叅處○諭軍機大臣等據總理各國事務衙門奏廣東潮州府城尚未准英人進城與條約不符請派大員妥籌辦理等語潮州府城准英人進城通商載在條約久已頒行並奉

文宗顯皇帝諭旨令該省督撫按照條約辦理何以五年之久尚未准該國人入城現據英國照會勢難中止萬一該國不能忍耐恃強入城與國體更有關繫何如曉諭紳民按照條約准其入城略無痕跡之為愈乎瑞麟於接奉此旨後酌帶委員馳往潮州揀擇通達事理之紳士斟酌情形督飭該地方官曉諭開導使知外國和好已久彼此相安此番照約入城係奉

旨允行之事斷難阻止毋為洋言所惑俾該領事按約進城用符定約方可以示誠信至華商曾源成虧欠英商銀二萬四千餘圓之多即使內地民人交易亦當按律嚴追詎得以事屬英商轉存歧視從來地方官辦理中外事件俱存此意以致口實愈多並著瑞麟查明按照條約將曾源成欠項嚴追歸款儻再遷延不交即著按律治罪以昭平允瑞麟出省後所有中外及地方應辦事宜均著郭嵩

燾妥為經理用副委任總理衙門片一件照會五件均著鈔給閱看將此由六百里各諭令知之○又諭總理各國事務衙門奏四川酉陽州人毆斃法國傳教士請飭嚴辦一摺外省教民交涉案件全在地方官持平辦理迅速了結方可消弭爭端酉陽州教民爭鬪一案該州何以坐視不問任令該民人打搶燒毀致將傳教士毆斃若因此釀成釁端該將軍等其能當此重咎耶著崇實駱秉章接



照該公使照會所稱各節。迅速委明幹之員。逐一確查。並將毆斃傳教士之馮仕銀。張佩超。宋文選等。悉數拏獲。歸案訊辦。按律定擬。不在一名漏網。西陽州知州辦理此案。任意遲延。有心貽誤。並著查明先行嚴叅懲處。總理衙門摺一件。照會節略各一件。均著鈔給閱看。將此由六百里各諭令知之。○命刑部左侍郎靈桂。太僕寺卿劉崐。馳赴巴林扎薩克旗查辦事件。○追予浙江花園埂殉難在籍主事劉鍾祥。祭葬。世職加等。暨主事董雋翰。母孫氏。弟良翰。分別旌卹如例。附祀忠孝節義兩祠。○追予浙江各屬陣亡殉難舉人陳虎臣等。紳民婦女三百二十一名。口分別旌卹如例。並予建祠。

大清穆宗繼天開運受中居正保大定功聖智誠孝信敬恭寬毅皇帝實錄卷之一百五十二

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百五十三

校

同治四年乙丑九月癸亥朔

上詣綏履殿問

慈安皇太后安平安室問

慈禧皇太后安至戊寅皆如之○諭內閣徐宗

幹奏特參疏脫官犯稟報遲延之員請旨革

職一摺福建按察司經歷金相經該撫派令

看管已革詔安縣知縣發遣官犯錢寶懿因

按察使王德榜帶印出省勦賊司獄官因無

印文未即收禁暫駐該經歷署內錢寶懿於

本年四月間由署脫逃留有字據稱係探親

即回屬其勿以脫逃呈報該員遲至兩月之  
久始據實具稟致該官犯已遠逸無蹤為人  
所愚形同木偶實非尋常疏忽可比金相著  
即行革職飭令隨同委員勒限兩月將錢寶  
懿緝獲從重究辦通飭各屬嚴拏並著徐宗  
幹分咨各省暨該官犯原籍一體查拏解究  
尋奏金相訪明錢寶懿潛匿原籍即會同山  
陰縣知縣搜獲收禁旋據浙省詳報錢寶懿  
在監病故應即議結報聞○諭軍機大臣等

恩合奏探確盜賊股數急行赴任勦辦並密  
陳奉省吏治捕務及勸修開原城垣各摺片  
盛京盜賊肆行東西南北各處均有聚股成  
隊之賊亟應設法捕拏淨盡以靖地方恩合  
現已到省即著與寶琦將一切防勦事宜妥  
籌辦理省城為根本重地恩合摺內所陳暫  
時不宜出省督勦亦屬詳慎之道富平阿已  
抵新任前曾諭令恩合體察情形仍令該副  
都統帶隊勦賊仍著恩合斟酌妥辦如必須

親自出省督隊勦賊卽著相機而行毋稍濡滯文祥所奏捕盜各節既據恩合奏稱確有把握卽著實力奉行毋得有名無實至清盜之源必須州縣之振作吏治武弁之不分畛域方能有犯必獲奸宄潛消著恩合寶珣認真整頓嚴明賞罰將緝捕得力之員隨時保獎其玩忽從事者一一嚴叅懲辦不得稍有瞻徇其勾引通信招誘賄縱之差役亦必須設法訪拏嚴辦以示懲儆開原地當邊要城

垣傾圯該商賈等捐修補葺甚屬急公著恩合等於工竣時派員驗收如果工堅料實准由該將軍等奏明量予獎敘以示鼓勵將此各諭令知之○又諭總理各國事務衙門奏連日與俄國公使籌商匯兌伊犁餉銀辦理情形一摺軍營用項以糧食火藥等項為大宗該國既不能多匯現銀如肯賒借各項卽與匯兌餉銀無異惟伊城被圍日久恐乏員迎提必須由俄國派人送至伊城方免疏虞

至將來償還價值及酬勞等款較之匯兌餉銀或不無糜費惟現在軍情緊急不得不從權辦理且俄國不肯發兵若能多派弁兵護解糧食火藥等款到城亦可借助聲威卽著明緒按照該衙門籌議各節迅速行文俄國邊界各官詳細籌商相機辦理該國接到該公使公文如果照辦其賒借各款應如何酌議價值及日後如何分別歸還並護解人等到伊應如何酬勞駕馭之處並著該將軍隨

時斟酌情形妥為辦理總理各國事務衙門摺一件並照錄與俄使倭良嘎哩來往信函各一件均著鈔給閱看將此由六百里諭令知之○盛京將軍恩合奏現飭統領豐恩帶兵追勦賊匪得旨俟豐恩等將追賊實在情形呈報到日卽行具奏仍一面嚴飭實力追捕毋稍鬆懈○甲子諭內閣朕奉

慈安皇太后

慈禧皇太后於本月十七日啟鑒後著派肅親

王華豐大學士賈楨倭仁尚書文祥存誠留京辦事。華豐賈楨倭仁文祥四人分日輪班在內直宿。不直宿者於申刻散直。存誠每日進內辦事。後毋庸直宿。午刻先行散直。○又諭昨因御史汪朝榮奏參聯捷片內有聯捷奉旨發往原任陝甘總督熙麟差遣委用之語。何時有此諭旨。令汪朝榮明白回奏。茲據奏稱聯捷並無發交熙麟差委之旨。委係具摺時繕寫錯誤。迨經查出。因係參劾之件。不

敢奏請更正。疏忽難辭等語。諭旨係宣示中外之件。該御史何得憑空臆撰。任意書寫。實屬荒謬。非尋常錯誤可比。汪朝榮著交部議處。○諭軍機大臣等。前因馬賊擾及薊州一帶。諭令劉長佑傳知調任山西太原鎮總兵蔣臨照暫緩起程。現在近畿地面尚屬安謐。而山西防務最關緊要。著劉長佑迅即傳諭蔣臨照速赴太原鎮本任。以重職守。劉長佑現赴邊牆查勘隘口。著即查照文祥所奏邊

隘等處布置情形。及歷次寄諭悉心籌畫。務令官兵民團聯絡聲勢。俾賊匪無間可乘。以靖地方。劉祺劉景芳所帶之馬勇著劉長佑調赴玉田以西御道以南駐紮。該督此次帶往之馬步各隊著在通州三河以西御道以南駐紮。並嚴飭各員弁周密巡防。肅清蹊路。該督於查勘邊隘及橋道事畢。仍著於啟鑒前二三日來京。伺候召見。將此由四百里諭令知之。○又諭欽天監監正音德訥奏風聞

蠹役殃民與馬賊暗通信息。請旨拏究一摺。據稱順義縣蠹役張桂林即黑張老原名張有德。綽號東霸天一隻虎。欺壓良民。養匪類。曾有被騎馬賊刦去錢物羸馬者。該役向事主索賄。將失物代為贖回。又與莊頭瑪勒呼善。即馬四等結為死黨。無惡不作。私設刑具。殘害無辜。該縣書役皆其心腹。鄉里側目。控告到官。盡遭反噬等語。匪徒著有綽號。養匪殃民。最為可惡。即其通賊一節。如果屬實。

難保無另有不法重情。現當整飭捕務之時。亟應嚴拏懲辦。以靖地方。著萬青藜卞寶第。密飭所屬將順義縣蠹役黑張老卽張桂林。及莊頭瑪勒呼善卽馬四。一併嚴拏務獲。解交刑部按律懲辦。毋任漏網。原摺著鈔給閱看。將此各諭令知之。○又諭倉場侍郎鍾岱等奏。河運到通。全數收竣。並請飭漕運總督來年酌量起運各摺片。漕運總督吳棠本年試辦河運米三萬六百石。已於八月內全數

抵通。米色一律乾潔。實屬辦理妥速。著有成效。江北本屬產米之區。如將應運米石酌量改歸河運。卽可無需採買。且覈計腳價等項。較海運有減無增。是經久之計。實以河運為便。著吳棠遵照前旨。悉心籌畫。將來年江北應運米石。按照本年辦過章程酌增數目。多備船隻。如期由河道起運。以復河海並運之舊。於京倉大有裨益。一切應辦事宜。均由該漕督遴委委員認真經理。將此諭令知之。○

又諭德興阿劉蓉奏甘省軍情猝變。陝西局勢可虞。請撥兵餉嚴備。並雷正綰為回酋蠱惑各摺片。雷正綰戰功素著。受恩不為不深。乃以金積堡一敗不支。又平日嗜好太重。致為回酋赫明堂所制。或係部下驕兵悍卒。迫脅至此。亦未可知。劉蓉已選派向與該提督熟識之員持函往諭。開示利害。如果能遽行悔悟。是該提督尚有受恩之日。著楊岳斌德興阿劉蓉卽行傳知該提督。令其約束將弁。

共相奮勉。但能顯立功效。仍必立沛恩施。如果縱令所部騷擾地方。不能禁止。將來身名俱裂。悔之何及。如此確切開示。看其如何轉關。再行相機辦理。至平涼慶陽涇州長武等處。楊岳斌德興阿劉蓉務當妥籌保護。毋任蔓延為患。此後軍情著隨時飛速奏聞。以慰馳念。將此由六百里各密諭知之。○又諭德興阿劉蓉奏甘省軍情猝變。陝西局勢可虞。一摺。陶茂林雷正綰張華等營先後變亂。潰

卒句結逆回。紛竄陝境。圍攻涇州。各路同時。喫緊腹地空虛。岌岌可慮。著都興阿。穆圖善。迅撥金順。西蒙克西克。兩起馬隊。馳赴陝省。之邠長一帶。相機扼堵。並著崇實。駱秉章。於周達武部下。抽撥總兵李輝武。所帶步隊五營。隨趙長齡。由川迅速赴陝。以護省垣。而資調撥。其口糧。卽由川省源源解濟。毋令缺乏。趙長齡。疊經有旨。催赴新任。諒必迅速起程。到陝後。著與德興阿。劉蓉。會商防勦事宜。彼

時劉蓉。應俟邊防稍鬆。再行回籍。現在甘省情形。楊岳斌。知之必悉。雷正綰。現在何處。各潰勇。能否設法羈縻。俾令勦賊自效。平涼慶陽。有無警報。能否撥兵救援。並著該督。妥籌辦法。迅速奏聞。以慰馳繫。此股潰勇。句結回逆。勢甚猖獗。難保不乘閒紛竄。王榕吉。未可以賊蹤尚遠。稍涉大意。其交界應防處所。著早為布置。免致臨渴掘井。貽誤地方。蔣臨照。如已行抵山西。卽令馳赴太原鎮總兵新任。

籌辦防務。毋稍延誤。劉蓉另片。奏穆圖善營餉久缺。請再飭川督會同新任陝撫趙長齡。將毛震壽前在川省籌捐款項三十萬之數。源源解濟等語。所奏自係實情。目前甘省軍情緊急。更甚於前。崇實。駱秉章等。務當力為其難。仍飭令藩司會同毛震壽。將原籌捐款。催齊陸續解甘。以支危局。趙長齡已簡陝撫。於甘省餉需。誼應兼顧。著與崇實。駱秉章。悉心籌畫。崇實。駱秉章等。尤當於民間剴切曉諭。務使民生軍餉。兩無所妨。方為至善。山西

應解陝省軍餉。並著王榕吉。無論何項先行撥解若干。以濟急需。毋得稍有遲延。致誤戎機。將此由六百里諭知都興阿。穆圖善。崇實。駱秉章。楊岳斌。德興阿。趙長齡。劉蓉。並傳諭王榕吉。知之。○又諭瑞麟等。奏花旗匪黨。乞降收復長樂縣城。現飭規復鎮平。官軍赴西省會勦。攻克木式匪巢。調曾敏行移紮南雄。各摺片。花旗股匪。闖入長樂。後經總兵卓興

等設法圍攻。該匪自知窮蹙。偽列王黃棕保遣人赴鄭紹忠營。願請投誠。於七月二十七日黃棕保率夥二百餘人從南門奔出。雞髮繳械。偽天將林振揚亦率同許明升等。縋城乞降。將首先倡亂之偽來王陸順得捆縛送出。並殺來逆親黨百餘名。逆眾全行獲髮。當將縣城收復。卓興等現於降人中酌選精銳。率領同赴鎮平。勦辦康逆。著瑞麟、郭嵩燾飭卓興等嚴密防維。妥為駕馭。不可稍涉大意。

致為該降人所紿。又生反側。汪海洋屯踞鎮平。兇鋒日衰。現在長樂縣城克復。卓興、鄭紹忠等軍已即日移紮鎮平。是鎮平之西南面已有粵軍兜圍。著左宗棠檄飭閩粵江西各軍協力進攻。務將汪逆一股迅速殄除。瑞麟等現調回岑溪之曾敏行一軍駐紮南雄。派朱國雄等兩營移赴連和一帶。即著飭令該員等扼要嚴防。毋令逆匪蔓及江境。劉坤一、孫長紱即飭席寶田、婁雲慶等懷遵前旨。迅

速前進。聽候左宗棠調遣。曾敏行一軍現已調回粵東。其岑溪等處餘匪著張凱嵩飭令蔣澤春會同地方文武實力搜捕。毋留遺孽。將此由六百里諭知左宗棠、瑞麟、徐宗幹、劉坤一、張凱嵩、郭嵩燾並傳諭孫長紱知之。○命御前侍衛春佑、乾清門侍衛常山、禮部左侍郎察杭阿恭詣

東陵查看紅椿。○改陝西興安府漢陰通判為要缺。由外揀調。從巡撫劉蓉請也。○以試辦

河運米石著有成效。予漕運總督吳棠議敘。賞道員劉咸按察使銜。○以廣東長樂縣城被匪竄陷。旋即收復。予總兵官卓興以提督提奏。署知縣栗資源革職留營。免治罪。投誠賊目林振揚改名英彪。並賞守備銜。○予廣西岑溪陣亡都司李得勝外委張光耀祭葬。世職加等。○乙丑諭軍機大臣等。前據文謙奏於啟鑾前數日赴煙郊伺候接駕等語。因思隆福寺防護關係甚重。著文謙於該鎮所

轄迪北各處隘口。分飭兵弁嚴密布置。毋許稍有疏懈。文謙著毋庸前赴煙郊。卽在隆福寺接駕。以昭慎重。將此諭令知之。○又諭前據文祥奏籌辦馬賊章程。當寄諭直隸熱河等處妥議覆奏。茲據麒慶奏稱該大臣所籌設探備兵。勦截搜捕。及分別賞罰之處。均屬周密。卽著該都統按照章程實力辦理。以期漸絕根株。賊匪聚散無定。該都統所稱聚則宜攻散則宜捕。及聽羣盜自相糾擿之法。總

須認真舉辦。方能有效。不得有名無實。僅成紙上空談。另片奏遵查丁起隴等並無聚匪滋事等情。仍著該都統再行密訪詳查。毋得因其曾經拏獲劉寬等匪。意存迴護。如實無劣蹟。卽著責令丁起隴等隨同弁役。將境內著名各犯。一一擒獲到案。不准一名漏網。如果著有成效。並准其奏請獎勵。儻陽奉陰違。或徇庇匪黨。不能將要犯按名弋獲。卽著立時正法。以免養癰貽患。懍之慎之。將此諭令

知之。○又諭前據阜保奏請簡員署理副都統等缺。本日已命富爾孫署理吉林副都統。安住之缺。並將定安賞給二品頂帶。署理伯都訥副都統高福之缺矣。惟富爾孫告假回旗。定安亦回旗補行穿孝。現在吉林地方緊要辦事需員。著阿克敦布廉至。傳知富爾孫不必俟假期屆滿。定安亦無庸俟穿孝期滿。均卽迅速前赴署任。毋得稍涉遲延。將此各諭令知之。○又諭賂秉章奏籌撥甘省糧臺

及新疆餉項一摺。所陳甘省軍情。統帥不一。新疆事勢。鞭長莫及。俄兵助勦。國體有關。各節均屬洞中窺要。俄兵助勦一節。此時已成罷論。惟新疆糜爛。各城日事呼籲。朝廷亦不能置之不理。甘肅偏地回氛。出關之軍。尚為牽掣。而餉需奇窘。尤為他省所無。若非力籌接濟。俾資飽騰。不獨回疆無舉辦之期。卽甘省且有淪胥之勢。該督此次籌解甘餉二萬兩。西路用兵之費二萬兩。於甘省情形。仍屬



杯水車薪萬難有濟著崇實駱秉章按照歷次諭撥甘餉及新疆餉數目源源解濟迅速籌撥毋誤要需其毛震壽前在川省籌捐款項三十萬之數並著崇實駱秉章懷遵昨日寄諭迅速催齊陸續解濟藉資周轉將此由五百里各諭令知之○命留京辦事工部尚書文祥在神機營住宿毋庸在內直宿○以鑲黃旗漢軍副都統富爾孫署吉林副都統賞降調齊齊哈爾副都統定安二品頂帶署

伯都訥副都統○丙寅以

文宗顯皇帝

孝德顯皇后梓宮奉安

山陵並恭奉

神牌黃輿回京免經過之大興通三河薊遵化

五州縣地方本年額賦○以翰林院檢討董

文煥署日講起居注官○旬到新疆廣東福

建奉天陝西情實罪犯停決陝西斬犯一人

餘三十七人予勾○丁卯諭內閣前因巡視

北城給事中孫楫奏張大控被王大打傷一案該城給事中哲臣不取保狀亦不會商孫楫輒令家人執持字條將王姓發保當經降旨令哲臣明白回奏茲據哲臣奏稱該城應辦之事皆係與漢員面商若不遇坐城日期滿漢均係交司坊官手條遵辦王大一犯先經該城副指揮沈桂森私行責押該給事中與孫楫面屬幫辦副指揮李世賢將張大驗傷取保沈桂森延未遵辦是以遣家人持圖

章字條傳知該坊令將王大取保並無令家人帶回字樣復因孫楫未經議定坐城日期以致不能面商等語該給事中等各執一詞著都察院堂官秉公查辦毋稍瞻徇○又諭御史王師曾奏獲譴較重人員請不准留營差遣以杜幸進等語所奏不為無見近年獲譴人員往往在各省軍營逗遛差委或以奔競結大吏之知或以矯飾為起用之計一朝任事故態復萌最足為人心風俗之害著各

直省督撫及各路統兵大臣嗣後遇有各項廢員除因公累誤才具可用者准其留營差委以觀後效。俟著有勞績仍准據實保奏外。其被叅斥革情節較重及軍營債事各員均不准留營效力。以肅營制而儆官邪。○又諭劉蓉奏發遣官犯呈請贖罪一摺。據稱已革左副都御史王履謙已革前署浙江杭嘉湖道劉齊昂已革從九品銜井維憲均係發遣新疆官犯。援照新疆贖罪章程捐銀贖罪。請

旨定奪等語。王履謙前在浙江本籍辦團諸多貽誤。迨紹興府城失陷。該革員復蒼黃遠遁。譏罪於人。至劉齊昂係因浙江省城失守獲咎。井維憲在陝西商南有攤銀餽賊情事。該革員等從前所犯之罪情節較重。所請捐銀贖罪之處著不准行。卽著劉蓉迅將該革員等押赴新疆戍所。不許逗遛。○又諭前因聯捷奏叅知縣托克紳等於官兵起程時不將口糧車輛如數給發。玩視軍務。當經降旨

將托克紳等交部嚴加議處。茲據劉蓉奏稱聯捷所部黑龍江馬隊官兵於到省時咸長二縣支給一日口糧等項銀一百二十兩零。酒席油燭等項錢七百四十千零。以後駐省口糧均係隨營糧臺委員支發。是以該二縣不復籌給。至聯捷起程西行時該二縣供應車二百餘輛。馬匹人夫均甚豐足。按例覈算尚多支車一百七十九輛。馬贏一百匹。頭夫三百十六名。委無玩誤情事。且查該員等平

素居官勤奮。請開復嚴議處分等語。署陝西咸甯縣知縣托克紳署長安縣知縣馬綸篤既據劉蓉查明供支聯捷兵差尚無玩誤。且平日官聲尚好。均著加恩准其開復原叅嚴議處分。並照例仍留本任。至聯捷前被御史汪朝榮奏叅沿途需索逗遛等情。當交楊岳斌秉公查辦。此次劉蓉摺內所陳聯捷勒折錢文例外需索各節。著楊岳斌彙入汪朝榮前奏一併詳查具奏。毋稍徇隱。○諭軍機大

臣等閭敬銘奏髮捻各股經官軍截退現踞  
荷澤東明並請留傳振邦各摺片賴汶洸等  
股匪竄入東境經楊飛熊王心安等軍隨地  
截剿該逆由曹州向西北駛竄現俱聚於荷  
澤東明兩縣境閭敬銘現飭楊飛熊等兩軍  
穩紮曹縣荷澤兩處察看賊勢以為動靜並  
令潘鼎新督率淮勇六營馳赴鉅野兼顧鄆  
城餘營仍留濟甯以顧南路運河布置尚為  
周密惟河水現在淺涸賊蹤飄忽異常務當  
加意嚴防不可稍形鬆懈黃河水勢日消尤  
當飭令管帶礮船之都司楊長林會同直隸  
礮船嚴布濮范水套梭織巡邏以防偷渡並  
著飭令衛榮光等嚴督防河各勇聯絡民團  
妥為布置其省城防務即著飭令丁寶楨督  
辦至青州一帶為東省膏腴腹地即著閭敬  
銘飭令傳振邦前赴青萊一帶挑選各營兵  
丁千名歸其管帶擇要扼守如兵力尚形單  
弱並著閭敬銘添撥兵勇妥籌布置恩慶亦

須督練滿洲官兵豫籌防範不可稍涉大意  
該副都統如已起程來京陛見著於接奉諭  
旨後趕緊折回青州辦理防務青石關一路  
最關緊要閭敬銘總須視賊所向迎頭截擊  
豫杜賊竄該處之路方為妥善畿南一帶防  
務尤關緊要劉長佑現赴京東一帶查看橋  
道距省較遠所有畿南一帶防務即著李鶴  
年暫行督辦並著飭令余承恩范梁楊毓枬  
實力扼防其安住所帶之馬隊即由李鶴年  
飭令由威縣曲周一帶前赴大名相機截剿  
黃河礮船飭令嚴密巡防以固藩籬李鶴年  
仍毋庸出省所有省南防務情形並准由該  
臬司專摺具奏山西澤潞蒲解防務王榕吉  
陳湜當力加整飭不可以賊蹤稍遠稍形懈  
弛豫省河北一帶與直東地界甚近吳昌壽  
當飭楊長春崔廷桂等軍嚴防竄突認真截  
剿皖省毫宿一帶喬松年當飭在防將士嚴  
密堵遏毋稍鬆懈正在寄諭間據曾國藩奏

賊竄東境現籌布置一摺與閻敬銘所奏情形大略相同。曾國藩現飭張樹珊色爾固善馬步各隊馳赴山東協剿並調臨淮勇丁二千續往著卽飭令迅速前赴東省其移紮歸德之周盛波一軍並調赴徐州之臨淮一軍均可與豫省東路之兵聯絡聲勢防賊回竄並飭潘鼎新一軍力扼運河東省各軍均由曾國藩妥為調度賊勢現在東趨曾國藩仍可駐紮徐州就近督剿暫緩馳赴許州另片

密陳湖北軍務仍請全歸官文節制調遣等語官文職任兼圻疊經諭令將鄂省防剿事宜妥為布置本未寬其責任朝廷所以未經明降諭旨者亦與曾國藩現奏之意相符惟曾國藩現在督師剿賊所有楚省派出援軍亦應統歸節制調遣以期呼應較靈原片著卽留中又另片奏全國琛現有查拏滋鬧勇丁等事未便遽令赴甘等語卽著照所請辦理將此由六百里諭知曾國藩劉長佑喬松

年吳昌壽閻敬銘恩燮並傳諭王榕吉陳湜李鶴年知之○又諭楊岳斌奏官軍攻克白季村逆堡並黎獻一軍進規肅州情形各摺片楊能格奏固原兵勇潰變平固涇慶情形危急並雷正綰所部請旨派員統攝各摺片昨據德興阿劉蓉奏甘省軍情猝變陝西局勢可虞已諭令都興阿等調撥兵勇妥籌防剿現據楊能格奏稱固原各營兵勇紛紛潰變由前敵炭山散回竄擾固原平涼圍逼涇

州聲言卽到慶陽等語當此回逆鴟張豈可復令兵勇潰亂患生肘腋著都興阿穆圖善懔遵前旨迅飭金順西蒙克西克兩起馬隊馳赴陝甘交界一帶相機扼堵德興阿劉蓉趕緊添撥數營馳往探蹤攔截至慶陽僅止數營不敷防剿楊岳斌遠在省城文報往返動逾數旬深恐鞭長莫及所有該處防軍及陝省派出之楊得勝鄔太愚等軍均著暫歸楊能格就近調遣以防不虞雷正綰所部各

軍在甘肅賊頗著戰功此次因挫敗之後號令不行以致生變著派總兵魏添應暫行統攝雷正綰所部全營責令安撫整頓並著剴切曉諭如能悔罪歸營必當寬其既往予以自新其從前出力未經請獎各案並准由楊岳斌督飭雷正綰查明奏請獎勵楊能格當督飭魏添應妥為開導申明約束以靖亂萌毋得敷衍了事曹克忠一軍甫解鹽茶之圍即將白季村逆堡奮勇攻克甚屬可嘉道員

黎獻督兵進攻肅州踞逆屢挫賊鋒勦辦甚屬出力著飭令該道員迅速攻勦力拔堅城期與王斌一軍會合一處肅清出關道路毋稍遲緩其成祿聯捷鶴齡各軍並著該督傳旨嚴催迅速出關不准藉端逗遛將此由六百里諭知都興阿穆圖善楊岳斌德興阿劉蓉並傳諭楊能格知之○又諭昨據德興阿等奏提督雷正綰在固原兵變各情當經諭知楊岳斌等傳諭雷正綰令其立功自效本

日據楊能格奏雷正綰自金積堡失利之後革去幫辦所部兵勇本因甘省地極寒苦糧餉俱缺視為畏途惟以保舉為獎勵之地該提督於以前克復城寨等案尚有積壓未辦保奏者既革幫辦則保舉絕望以致紛紛潰變雷正綰彈壓不止屢思自盡各等語與德興阿等所奏情形略異自是德興阿劉蓉相距較遠且係接據州縣稟呈不及楊能格之間見真確雷正綰所部兵勇糧餉缺乏因思詳潰而該提督輒思自盡其情甚為可憫前已嚴諭崇實等迅速撥解餉需解到時即可散給屢次出力員弁並諭楊岳斌查明未經獎敘者即行保獎矣該提督自入甘省後屢著戰功朝廷深為嘉許其金積堡挫敗之事咎有應得該提督膺國家干城爪牙之寄方當奮勉自效以贖前愆從前帶兵各員均有身獲重咎後來仍任統帥者其功罪皆視其人之自取豈得因一蹶之後遽作自盡之計

甚屬有幸期望。著楊岳斌德興阿劉蓉楊能格傳諭該提督拊循將士共圖奮勉立功則朝廷許其自新必當衡其戰績立沛恩施如此剴切開導諒雷正綰具有天良必能感激圖報也將此由六百里密諭楊岳斌德興阿劉蓉並傳諭楊能格知之。○以故杜爾伯特扎薩克頭等台吉諾爾佈子鄂齊爾噶爾瑪子車德恩多爾濟各襲職。○以殺賊立功釋陝西已革武舉劉登雲罪。○以飢法營私陝

西知縣仁麟通判陳士彬革職訊辦。○予甘肅白季村陣亡知府柳炯等祭葬世職。○予陝西各屬陣亡殉難紳民雷占春等暨婦女二萬九千三百八十五名口分別旌卹如例。○戊辰諭內閣平步青著照料鍾郡王讀書。○諭軍機大臣等恩合等奏兵勇勦賊獲勝情形並請將張鼎鏞飭回遼陽本任各摺片。盜匪由廣甯界之小黑山竄至中安正安等堡經高春等督勇追截該逆逸入新民廳之

新立屯。及葉馬臺等處豐恩等統率兵勇分路搜捕雖經進勦獲勝而該匪於小黑山殺傷兵勇燒毀營房新立屯之戰外委馬振東死之亦傷亡兵勇多名。是此次官軍不過小有斬擒並未痛加掃蕩而賊勢鴟張如昔亦未能稍戢兇鋒。著恩合富平阿寶珣嚴檄派出之豐恩等務將該匪認真搜捕悉數殲除以期地方次第肅清毋得有名無實致令賊勢日張貽後日無窮之患。此次出力官弁著

恩合等暫行存記俟續著勞績再行奏請獎勵。豐恩所部既據恩合等奏稱足數勦辦即著飭令張鼎鏞仍回遼陽本任該員所帶之勇並著撤回酌量去留妥為辦理將此由五百里各諭令知之。○又諭昨據曾國藩等奏髮捻各股現竄東境官軍追勦各情形當經諭令曾國藩仍駐徐州就近督勦任賴各逆結黨東趨得潘鼎新一軍迎頭截擊曾國藩復派張樹珊等馳往協勦自可無虞北竄惟

張總愚一股。尚在南陽一帶盤旋。現經官文派姜玉順等會合豫軍攻剿。該匪被剿窮蹙。不西趨秦境。必北擾晉疆。陝省與豫省毗連。處甚多。路路可通。山西省雖有黃河之隔。而霜降水落。搶渡甚易。該省素稱完善。且為畿輔屏蔽。稍有疏失。關繫非輕。曾國藩現在徐州調度。正當喫緊。若復令分兵進駐豫西邊境。實有鞭長莫及之勢。曾國藩昨奏請因時制宜。勛以力之所能及。先剿東路。不必遽赴許州。權衡緩急。悉合機宜。但河洛現無重兵。豫省又無著名宿將。可以調派。該處居天下之中。空虛可慮。因思李鴻章謀勇素著。且年力壯盛。可以親歷行間。著卽親自督帶楊鼎勳等軍。馳赴河洛一帶扼要駐紮。將豫西股匪迅圖撲滅。兼顧山陝門戶。俾西路張總愚等股匪。不至闖入。保全完善。一俟西路剿匪事竣。卽行馳回。兩江總督署任。似此東西兩路通力合作。曾國藩既無西顧之憂。得以專

注東路。則剿辦更易得手。至李鴻章此次帶兵赴豫。或由水路取道襄樊。或徑赴清淮。循河西上。均由曾國藩李鴻章斟酌妥辦。目前東南各省漸就肅清。卽粵東餘孽。疊據左宗棠奏報。汪逆勢窮思竄。屢被官軍擊敗。黨與星散。屢屢投誠。阱獸釜魚。殲除在卽。惟盛京馬賊逐漸猖獗。竟敢與官軍接仗。將來非大加剿洗不可。甘省回匪。勢燄甚熾。而陶茂林部勇一潰再潰。近日雷正綰一軍。又復紛紛效尤。並有圍撲涇州慶陽之信。甯夏久未攻拔。而靈州回匪。出沒於定邊花馬池一帶。若叛勇與回匪勾結。延及陝省。為害不可勝言。是東南軍務漸次告竣。而東北西北兩路軍情辦理尚無頭緒。朝廷慮及皖豫髮捻一日不除。則鄰省防兵一日不撤。旣糜餉需。又耗兵力。盛京甘肅。勢難兼顧。宵旰實深焦灼。是以特諭李鴻章督兵赴豫。與曾國藩兩路夾攻。俾髮捻股匪。剋日殄除。直東皖豫。一律廓

清然後騰出兵力。相機調遣。似於大局甚有裨益。曾國藩李鴻章均以天下為己任。諒必以此旨為然。如或別有所見。亦不妨據實奏聞。以備採擇。至兩江總督事繁任重。李鴻章帶兵出省。不可無人署理。吳棠辦事認真。且在清淮駐守有年。於軍務亦能整頓。即著吳棠署理兩江總督。其漕運總督印務。即交與李宗義暫行署理。江蘇巡撫與洋人交涉事件頗多。丁日昌籍隸粵東。熟悉洋務。以之署

理江蘇巡撫。可期勝任。曾國藩等接奉此旨。彼此面商。如果意見相同。即著迅速覆奏。再明降諭旨。分飭遵行。將此由六百里各諭令知之。○又諭。左宗棠等奏各軍分路進剿。克獲大捷。現籌辦情形。劉坤一奏馳抵江西。任事赴粵。會剿各軍。疊獲勝仗。各一摺。汪逆盤踞鎮平。疊經官軍剿敗。急思覓路逃竄。遣黨至分水坳一帶。圖由閩邊竄犯江西。高連陞黃少春等分路縱擊。殺賊甚多。汪逆復逃

回鎮平。席寶田由平遠進扼東石。連獲大捷。斬賊及招降者甚眾。逆眾折竄大柘。復經婁雲慶擊敗。江閩等軍入粵。先後敗賊。賊勢已蹙。惟汪逆人數尚多。難免橫流旁溢之患。左宗棠現飭高連陞等由鎮平北路東路東南路進。偪而席寶田婁雲慶與駐篁鄉堡等處之兵。皆已嚴為之備。著左宗棠劉坤一。即檄飭各軍實力進攻。毋任竄逸。左宗棠當懷遵疊次諭旨。迅赴粵境。調度各軍。以一事權。劉

坤一仍檄催劉連捷等速抵南安定南。以固江省門戶。一面嚴催入粵之席寶田婁雲慶各軍。會合閩粵各軍。協力圍剿。投誠一股。人數甚眾。著妥為安插。毋稍大意。左宗棠奏長樂逆首林振揚已將偽來王陸順得擒獻。到營輸誠。粵東騰出龍長兵力。自可速進鎮平。西南與各路援軍互為犄角。著瑞麟郭嵩燾檄令卓興等移紮鎮平。聽左宗棠調遣。以資得力。將此由六百里各諭令知之。○直隸總



督劉長佑奏髮捻分竄蘭考擾及黃河東岸現飭水陸各軍嚴防得旨卽著嚴飭余承恩等扼要駐守相機防勦一面咨會閩敬銘聯絡聲勢一體嚴防並懷遵昨日寄諭責成李鶴年實力督辦毋稍大意○補鑄浙江嘉興縣知縣烏程歸安長興武康等縣縣丞烏程長興德清等縣主簿嘉興協副將撫標中軍參將紹興協左右兩營守備各印信關防條記從巡撫馬新貽請也○以廣東鎮平勒匪

獲勝賞守備劉甫田花翎餘升敘有差予陣亡參將許貴元都司楊興元守備劉得芳把總張萬明祭葬世職加等○句到四川情實罪犯停決斬犯六人餘五十六人予句○乙巳以恭懸

定陵明樓

隆恩殿

隆恩門扁額前期遣官告祭

文宗顯皇帝

孝德顯皇后几筵○諭內閣前因曾國藩等奏稱已革護理九江鎮總兵萬泰功堪掩過懇請開復原官當經降旨允准茲據兵部奏稱江西瑞州新昌等府州縣城失守均係該護總兵統轄之地若以保守九江一城卽邀寬典覈與歷辦成案不符請旨辦理等語萬泰雖有失防統轄屬境處分惟據曾國藩等奏稱在九江府城防守緊要之際勢難兼顧其保守郡城之功實堪掩過萬泰著准其開復都司原官其從前記名總兵之處著卽撤銷以示限制○諭軍機大臣等林鴻年奏請調階州得勝楚軍並請招商墊辦銅廠各摺片階州周達武一軍昨經劉蓉等奏甘省雷正綰陶茂林等潰勇麇至陝邊喫緊請調周達武所部李輝武五營赴陝業經寄諭崇實駱秉章將此軍趕緊調派入秦林鴻年此奏自尚未悉前旨該撫現由敘州進紮昭通而唐友耕劉嶽昭兩軍尚為黔匪牽掣急切尚難

入滇。著崇實駱秉章斟酌情形。如有可調之軍。卽另行抽撥一旅。隨同林鴻年進紮昭通。以壯聲勢。俟唐友耕等入滇。再將此軍撤回。所需月餉。卽由川省籌給。毋令缺乏。林鴻年摺所稱近聞東回派隊出迎。誠恐蜂擁而來。無從彈壓等語。滇省逆回拒命。惟迤西一帶叛跡昭著。其東路如東川昭通等屬回民。非不可用。此時該撫初入滇境。該地方漢回團練。自必相率出迎。正當開誠布公。示以坦白。

使漢民有所稟承。回民亦不生疑貳。則以後滇事方可著手。古人推心置腹。雖獷悍不庭。猶能撫為己用。惟在蒞任之初。羣情觀聽。足以懾服其心耳。該撫其妥思報稱。毋得心存畏蒞。致誤事機。所稱雲南廠地久廢。砂丁失業。流而為匪。藩庫又無銅本可放。後患更為可慮。請將東川之廠。暫行招商墊辦。抽收課釐等語。自係權宜辦法。卽著照所請行。惟事同創始。尤須慎擇廉幹公正之員。妥為興辦。

以免別滋事端。一俟軍務竣後。仍卽行由官辦運。以復舊章。將此由五百里各諭令知之。○安徽巡撫喬松年奏擒匪屢敗。將由歸德以竄曹州。現飭各軍追剿。並防回竄。得旨。毫宿一帶。喬松年務飭在防將弁實力防範。毋令再行回竄。如竄近皖省邊界。仍飭出境迎剿。毋分畛域。又奏請飭曾國藩無庸駐紮許州。批。軍情旦夕異宜。該撫惟當相機妥辦。曾國藩前已有旨。令其仍駐徐州矣。○以通賊

陷城。雲南參將張兆綬革職訊辦。○予安徽雒河集陣亡遊擊劉廷幹守備黃中庸祭葬。世職加等。傷亡都司楊正坤祭葬。世職。○庚午遣官祭

都城隍之神。○諭軍機大臣等。恩合等奏大股賊匪回竄。仍留兵勇攻剿。並富平阿暫緩起程各摺片。賊匪大股千餘名。由吉林回竄。昌圖廳接壤八家子一帶。經恩合等派令豐恩等帶隊至法庫邊門迎剿。並留張鼎鏞所

帶勇丁六百餘名。會合進擊。惟此起股匪。黨與眾多。盤踞未散。其由西追竄之逸匪。尚有二百餘名。亦向北奔逸。該匪等往返滋擾。總未大受懲創。若再不亟圖撲滅。勢將益形滋蔓。辦理更屬棘手。恩合務當嚴檄在事文武實力追捕。總以殄盡為期。不得有名無實。縱令奔逸。賊匪既由吉林回竄。何以未見追兵趕到。著阜保迅飭派出之追兵。跟蹤會勦。力圖埽蕩。毋再遷延。致滋貽誤。富平阿雖甫經到任。惟豐恩等兵勇後路。亦須有兵接應。著恩合等相度情形。如須富平阿帶隊出省。卽隨時酌量辦理。此時追捕緊要。恩合等務須飭令豐恩隨賊所向。儘力窮追。不可因愛惜經費。得有勝仗。卽行撤兵。如果餉需支絀。不敷應用。卽著奏明請旨。盛京現有兵力。是否足資勦捕。如尚須添兵助勦。亦著迅將情形據實奏聞。以便調撥鄰近地方兵丁前往會勦。張鼎鏞前已准恩合等所奏。令回本任。所

帶之勇。並准撤回。此次據奏。請將張鼎鏞所部之勇暫留。著照所擬。卽嚴飭該員會合恩科、豐恩等實力勦洗。以期迅殄醜類。前據清安奏條陳奉省緝捕事宜一摺。尚屬切要。著恩合、寶珣認真辦理。該侍郎原摺著鈔給閱看。將此由五百里各諭令知之。○又諭王榕吉奏請調臬司舊部。並江南礮船赴晉演造一摺。據稱臬司陳湜前在金陵相知有素者。候補副將陳仁貴、何鳴高、王清和。卽選參將

呼延霖、蕭紹珂、朱友和、王三湘、黃德亮、遊擊黃高志、李善慶等均係練習行陣。堪勝將領之員。請飭調來晉等語。晉省防務需人。自應添調得力將弁以資教演。卽著曾國藩、李鴻章、李瀚章等查明陳仁貴等現在何處。卽飭迅速赴晉。交陳湜調遣。晉省弁兵不習水戰。造辦礮船亦未合式。現在江南礮船甚多。並著曾國藩、李鴻章、揀派營官一員。管帶礮船十數隻。廣募舵工船匠。由運河入黃。沂流赴

晉務於河冰未結之前馳往不可稍涉遲緩。王榕吉另片奏提督黃仁遺等赴直投效並非陳湜舊部。惟籌防需人請飭劉長佑揀選都司一員弁兵五十名赴晉等語。即著劉長佑於黃仁遺等員內照陳湜所請揀擇知兵之都司一員管帶技藝嫺熟之弁兵五十名赴晉一併交陳湜調遣。又據王榕吉奏查看邊防情形惟雁門關及殺虎口為最要等語。現在該處邊牆多有坍塌如有應行修補之處著王榕吉會同德勒克多爾濟妥商籌辦至前諭河南於沿河一帶造辦礮船以資守禦現在捻逆擾及東明荷澤河防尤關緊要該省究竟辦理若何即著吳昌壽查明具奏毋得稍涉具文致有疏失。將此由六百里諭知曾國藩李鴻章劉長佑吳昌壽李瀚章並傳諭王榕吉陳湜知之。○河東河道總督張之萬奏本年河工改辦礮石並險工疊出力籌搶辦報聞。○修福建臺灣戰船從巡撫徐

宗幹請也。○辛未諭內閣朕恭奉慈安皇太后

慈禧皇太后敬詣隆福寺奉移

皇考文宗顯皇帝

皇妣孝德顯皇后梓宮至

定陵永遠奉安

山陵禮成後恭奉

神牌黃輿回京。所有經行道路宜較常時倍加整肅前已有旨令順天府府尹直隸總督嚴

行稽查著再申諭管道大臣認真辦理不得稍涉疏懈。劉長佑即將分段弁兵員名人數查明咨交管道大臣督率稽查概不准隨扈執事員役車馬踐蹋如有疏縱或被入叅奏或一經查知惟管道大臣是問並著劉長佑飭知沿途地方官敬謹看守一體管束並勤加修治以昭慎重。○諭軍機大臣等麒麟奏拏獲盜犯請旨遵辦等語。熱河現獲盜犯楊廣厚既訊有持械搶劫得贓情事且與紀威

汶所供年貌住址均屬相符。其為正盜無疑。卽著就地正法。以昭炯戒。嗣後續獲各盜。均著於訊明後卽行正法。免致久稽顯戮。窩賊之辛三辛四前經諭令麒慶派役往拏。解京嚴訊。該犯等充當鄉長。不難按名拘拏。何以一月之久尚未弋獲。著懷遵前旨迅速捕獲解京。毋再遲延。將此諭令知之。○壬申。諭內閣阿克敦布等奏。訊明太僕寺牧羣固山達監守自盜。牧長虧短官羣一摺。此案烏勒哲

依達賴除本管牧長虧羣扶同徇隱輕罪不議外。惟以管羣之員。膽敢抵換官馬十三匹。侵蝕官馬十八匹。實屬骫法營私。著照所擬卽行革職。杖一百。流二千里。並永不敘用。以儆官邪。虧羣牧長除齊默持業經病故外。其黨蘇倫扎布等十四員。均著革去頂帶。仍留牧長差使。並各加鞭責一百。牧副色博克巴勒卓爾等十五名。均著鞭責八十。所虧馬匹責令照數賠補歸羣。委署固山達色德錫禮

色丕勒等二員。均著暫行革去頂帶。失察之翼長們都已雅爾。著降一級留任。原告拉普坦假公濟私。殊屬不合。著交部察議。總管拉什於各牧長虧羣毫無覺察。迨經拉普坦具控。又復徇庇。並不卽時究辦。著交部嚴加議處。至官拴馬一項。係各牧羣巧立名目。私將官馬自行乘騎。積弊相沿。殊屬不成事體。著察哈爾都統等通飭各牧羣總管等。嗣後將官拴馬名目永遠革除。儻敢陽奉陰違。仍藉

名私乘官馬。一經查出。卽行從嚴參辦。○諭軍機大臣等。官文等奏。楚軍赴豫剿賊獲勝。南陽解圍。吳昌壽奏。南北兩路分途剿辦。請調安住所部赴豫各摺片。張總愚股匪游弋於南陽新野一帶。復於八月十五日猛撲南陽府城。經楚豫兩省官軍分路擊剿。楚軍於瓦店東北獲勝。南陽之賊盡行敗竄。豫軍擊退撲城賊匪。復克周寨。畢寨等處。惟此次兩省之軍僅斃賊數百人。並未大加懲創。該逆

現過銅河以東。擾及唐縣暨裕州以南。南陽以北地方。是南陽雖已解圍。而賊勢並未稍衰。伺隙乘虛。又將復逞。著官太。鄭敦謹嚴飭姜玉順等軍。併力追剿。不准稍分畛域。吳昌壽現飭張學醇接帶陳國瑞五營。與善慶馬隊。馳會張曜等軍。前後夾擊。務即合兩省兵力。將此賊就宛裕一帶實力殲除。以收夾擊之效。毋得彼此觀望。致誤戎機。浙川為入郛門戶。且逼近商雅。尤當督飭各軍嚴防竄越。

擾及陝疆。阜陽之賊。由蘭考擾及山東。現聚於荷澤東明境內。已疊據曾國藩閻敬銘先後馳奏。寄諭直東豫各督撫嚴防河岸。杜其北趨。著吳昌壽嚴飭馬德昭五營。及河北鎮道楊長春等。力扼黃河。以防偷渡。並將黃河船隻一律提歸北岸。其蔣希夷一軍。一俟稍為休息。仍飭繞出賊前。與曾國藩派赴山東之張樹珊。色爾固善等軍。聯絡夾擊。毋任賊勢愈趨而北。安住所帶馬隊千名。現赴大名。

一帶堵剿河北之防。至關緊要。吳昌壽所請調赴豫省之處。著毋庸議。其富森保托倫布等馬隊。自係已隨色爾固善派赴山東。如該逆大股回竄河南。此軍自可跟追赴豫。著曾國藩妥籌調遣。此外如有可撥馬隊。即著曾國藩先行酌量抽撥赴豫。歸吳昌壽調遣。庶該逆南趨。亦有騎兵截剿。不至任賊奔突。方為妥善。將此由六百里各諭令知之。○又諭。本日據聯捷馳奏。續收各回村。擒斬首要。並

著名回首遞稟乞降。及歷陳雷正綰兵變情事。各一摺。又據成祿奏。堵剿西竄逆回獲勝。各摺片。馬化澂前向都興阿處投誠。該將軍以既不獻城。又不繳械。恐不可信。是以未准。此次該逆竟赴聯捷軍營乞降。是否懾於軍威。抑或因聯捷張貼不論漢回止分良莠諭旨。遂各聞風而至。聯捷又何以不將招撫各節。咨商楊岳斌會同辦理。恐聯捷一意主撫。反為該逆回所紿。楊岳斌身任兼圻。責無旁

貸著卽將聯捷續收各回村。及投誠之馬化澄等。細加訪察。如果出自真誠。自應准其就撫。妥為安插。如或意存反覆。藉投誠為緩兵之計。仍當痛加勦洗。以儆兇頑。一切均著楊岳斌斟酌妥辦。毋失事機。又據稱雷正綰接到公文。知已被人叅奏。遂放聲大哭。摔棄頂帽。伊弟雷恆製造官偏兵反旗號。擁眾退回固原。通判鄭聲文反覆勸導。雷正綰頗有轉機。而雷恆獷悍不從。刦殺營官金占元。句合

赫明堂。穆三。馬化澄等搶掠固原。已失等語。雷正綰一軍滋事。節據劉蓉等奏聞。楊岳斌何以尚未奏到。該督現在作何辦法。著卽遵照本月初二初五等日密諭。委派委員前往雷正綰營中。開誠布公。剴切譬喻。該提督具有天良。應不至被雷恆一人所脅。自取重罪也。陶茂林部勇一潰再潰。殊屬不成事體。前據劉蓉奏稱該營勇丁不服楊岳斌委員點驗。致又潰變。此風斷不可長。著該督確遵前

旨。迅將該營潰變之由。及陶茂林統率不善之處。據實叅辦。以儆效尤。至成祿奏平番逆回滋擾。該提督派兵在碾盤灣勦敗後。竄至窯街。復有米拉溝悍回突來接應。楊岳斌玉致該提督移軍東向。會勦銷罕頭等語。成祿聯捷本係出關援勦之師。豈可任其藉詞逗遛。所有平番等處回匪。卽著楊岳斌調派得力兵勇前往截勦。一面催令成祿聯捷等剋日拔營由肅州轉戰而前。關外各城待援孔亟。毋得再事遷延。致滋貽誤。將此由六百里諭令知之。○又諭林鴻年奏。現紮敘州。必須藉兵力前進。並仿照川省捐輸辦法。以濟滇餉。各摺楊盛宗在昭通熟悉滇情。該撫稱其雄長一方。正可藉其聲勢。妥為駕馭。次第進取。至滇省難辦情形。朝廷早已洞悉。該撫由知府不數年間擢任封圻。原冀力為其難。仔肩重寄。仍當懷遵疊次諭旨。審度時勢。相機籌辦。以副委任。滇餉固必取給於川。惟雲南

陝甘。同時在川並舉勸捐。於民力恐有妨礙。前日寄諭甚明。本日林鴻年擬於成都等八府。資綿等四州廳。飭委行營司道及蕭浚蘭等。分途委員。會同川省地方官辦理之處。著崇實賂秉章。懍遵前月二十六日寄諭。妥商辦法。務令兵餉有著。不令林鴻年得有藉口。勞崇光在黔。曾否起身。現在林鴻年已赴敘州。將次入滇。該督身任兼圻。豈能坐視不顧。著卽迅速啟行。不准再有延緩。致干重咎。將

此由六百里各諭令知之。○禮部等衙門奏

文宗顯皇帝梓宮奉安

山陵後。各項慶典筵宴。擬分別舉行。緩辦如所請行。○撥河南軍需局擡槍五百桿。烏槍一千桿。解赴烏魯木齊提督成祿軍營備用。○蠲緩河南尉氏。洧川。鄆陵。鄧。汝陽。上蔡。正陽。新蔡。西平。羅山。扶溝。許。臨。潁。襄城。郛城。光。光山。息。十八州縣被擾地方。新舊額賦有差。

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十三



大清穆宗繼天開運受中居正保大定功聖智誠孝信敏恭寬毅皇帝實錄卷之一百五十四

[illegible]

救修

同治四年乙丑九月癸酉諭內閣萬青藜下

實第奏拏獲著名盜首請旨卽行正法一摺  
馬賊王景澄逃匿順天香河縣屬之渠口鎮  
廟內經署香河縣知縣周紹達等拏獲該犯  
刦案累累實屬著名渠魁著卽行正法梟示  
傳首犯事地方以昭炯戒另片奏拏獲竄擾  
實抵之馬賊白泳才請照奏定章程懲辦等  
語白泳才騎馬持械搶刦多案實屬目無法  
紀著一併卽行正法梟示○諭軍機大臣等  
工程處奏廣東粵海關及河南省積欠工程

餉銀請飭該督撫監督飛速撥解一摺現在  
陵順水峪工程雖已告竣尚有欠放之款且  
禮部內務府八旗營房等工業經開工興修  
該衙門於本年六月間曾經奏催均未據該  
省關定期撥解似此延緩誠恐有誤要需著  
瑞麟郭嵩燾師曾將粵海關欠解工程餉銀  
十五萬兩吳昌壽將河南省欠解工程餉銀  
十萬兩按照前次奏定章程移緩就急依限  
籌解儘再仍前玩泄卽著該衙門照例從嚴  
叅辦以重要工將此由五百里諭知瑞麟吳  
昌壽郭嵩燾並傳諭師曾知之○又諭順天  
府奏擒獲馬賊供出首夥各犯請飭盛京將  
軍等一體嚴拏等語據寶坻縣擒獲馬賊白  
泳才供稱隨同賊首劉五巴等糾夥一百五  
六十人竄進喜峯口該匪在寶坻縣被官兵  
拏獲並供出首夥賊犯多名亟應合力搜捕  
按名緝獲以靖地方著恩合麒慶劉長佑按  
照單開各犯之姓名住址選派員弁兵役一

體嚴密查拏務獲究辦。母任一名漏網。原單著鈔給閱看。將此各諭令知之。○又諭官文等奏官軍乘勝進逼連破賊寨大獲勝仗一摺。與吳昌壽昨日所奏情形大略相同。著官文、吳昌壽、鄭敦謹、懍遵。昨日寄諭飭姜玉順、張曜等乘勝進攻。將敗竄唐縣泌陽之賊。節節埽除。毋任再有竄逸。河南地方為四通八達通衢。該逆雖受大創。而黨與仍多。此勦彼竄。是其慣技。曾國藩在徐州東股任柱等逆未滅。

兵力難分。且於豫楚之交界。亦屬鞭長莫及。鮑超新募楚勇數營。前有旨令赴江粵勦賊。歸左宗棠調遣。現在鎮平賊勢已孤。該處有江西廣東福建三省兵力合勦。不難剋日殄除。著官文、鄭敦謹傳知鮑超如已募勇起程。即飭迅速前進。如尚未起程。即毋庸赴粵。將所募勇丁帶赴豫南。由裕州泌陽一路勦賊。姜玉順等軍均歸其調遣。仍聽曾國藩節制。以一事權。餉項由楚省解濟。毋令缺乏。如粵

省軍務漸竣。仍准將婁雲慶等軍調回用資得力。將此由六百里諭知官文、曾國藩、吳昌壽、鄭敦謹。並傳諭鮑超知之。○直隸按察使李鶴年奏督辦畿南防務。現飭在防各軍嚴密堵扼。得旨著隨時嚴飭在防將士加意堵扼。毋稍疏懈。如果防務緊急。即著該臬司奏明親往督辦。以昭慎重。○以疏防隄工革湖北知縣徐暢達職。○予河南桐河陣亡總兵官羅應貴祭葬。世職加等於死事。地方暨原

籍各建專祠。○予山東泰安等處陣亡殉難紳團婦女七千八百七十八名口分別旌卹如例。○蠲緩山東嘉祥博興濟甯利津滋陽曲阜甯陽鄒滕嶧汶上荷澤城武曹定陶鉅野鄆城郟城金鄉魚臺應城二十一州縣暨東昌臨清濟甯三衛被災被擾地方新舊額賦並倉漕竈地銀兩。○甲戌諭內閣吏部奏開復知府可否仍戴原賞翎支一摺。據稱定例革職人員不准戴用原翎。如因本案開復

仍准戴用。茲花翎知府高振洛前因不能附和田興恕辦理釐穀。經田興恕奏參革職。嗣經貴州巡撫張亮基查明奏請開復原官。惟原奏內未將本案另案開復之處分晰聲敘。可否仍准戴用原翎。請旨飭遵等語。高振洛參款既屬情有可原。其開復原官自應照本案開復辦理。著准其仍戴原賞花翎。以符定制。近來降調革職人員。往往因未奉拔去翎支諭旨。託詞戴用。其另案開復各員亦或恃

無不准戴用原賞翎支明文。輒圖蒙混。殊屬非是。嗣後因事降調之員。未奉旨拔去翎支者。除一品至五品仍准戴用外。大員降至六品以下以及革職各員。一概不准戴用。其開復原官者。必須本案開復或奉特旨賞還及續有軍功。經大臣督撫奏請開復翎支。方准照常戴用。儻因另案開復或捐復原官。仍不准冒昧戴用。以昭體制而杜徼幸。○諭軍機大臣等。瑞麟等奏會剿鎮平逆匪。康逆率黨

竄出一摺。康逆困守鎮平。自花旗投誠後。其勢日孤。經方耀等分路進攻。又經江閩各軍會合追截。該逆馬隊數千。突向新鋪一帶奔竄。鎮平縣城旋即收復。逃竄之賊沿途被官軍節節追殺。精銳漸就散亡。正宜乘其潰敗之際。奮力痛剿。將全股悉數殲滅。以除後患。現在席寶田已向長潭東石迎頭擊賊。其石正大柘及樓車等處。亦有康國器高連陞黃少春等各督閩兵分路追截。即著左宗棠劉坤一嚴飭各軍。遇賊即擊。務須合力痛殲。掃除淨盡。不得以賊勢已窮。稍涉大意。石正樓車地方與江西接壤。劉坤一仍當督飭江省防邊各軍。慎圖防維。毋令逸氣闖入江楚。徐宗幹亦當飭閩邊防兵一體嚴備。以資堵遏。粵省方耀鄭紹忠兩軍現已隨賊所向。盡力窮追。李福泰移赴龍川。相機勦辦。任星元等嚴守南雄等處。布置尚屬周密。著瑞麟郭嵩燾等迅飭該員等乘勝追殺。不准一名漏網。

毋令死灰復燃。貽患後日。將此由六百里各諭令知之。○以江西義甯等處勦匪出力。賞知州暴大儒守備江清等花翎。布政司理問鄧桐鳳等藍翎。餘升敘開復有差。○予江西各屬陣亡殉難訓導傅乃德等紳民婦女六百九十五員名口分別旌卹如例。○句到江西湖廣山東情實罪犯停決。湖廣絞犯二人。山東斬犯一人。絞犯一人。餘五十四人。予卹。○賞五城貧民棉衣銀。○乙亥諭軍機大臣

等長善奏。揀派馬隊槍隊馳赴冷口防哨。並臨榆北面綠營所轄殊覺空虛等語。該副都統所派槍兵八十餘名。會同冷口旗兵嚴守關門。馬隊兵五十餘名。梭巡各口。與提標兵山永協兵會哨之處。著卽飭令帶兵佐領扎普善等實力巡查。毋得虛應故事。有名無實。其臨榆以北沿邊空虛。山永協副將回任需時。遊擊音登額巡防東路。與山海關迤北各口不免隔絕等情。已諭知劉長佑揀派委員

籌添綠營兵力。互相巡緝。以期周備。該副都統卽飭旗營各員弁會合認真巡哨。毋稍疏虞。將此諭令知之。○又諭閻敬銘奏匪擾定陶扼勦獲勝。現仍退踞荷澤曹定之交。連日派軍進勦。並籌布東防河防各情形一摺。逆匪蓄意東趨。並未大受懲創。現在逆眾數萬。盤旋荷定之界。蓄謀甚狡。潘鼎新一軍已由鉅野移赴荷澤。著曾國藩卽檄催前進。與前派入東之馬步各隊會合夾擊。毋任東竄。山

東兵力甚單。再垵黃鎮兩軍。閻敬銘務當嚴飭楊飛熊等激勵兵弁相機合擊。毋稍退縮。濮范一帶卽責成衛榮光督率兵勇民團布置。趙三元等礮船著閻敬銘催令挽入黃河。與原駐黃河之礮船會同直隸礮船分段布置。以期周密。賊匪逼近東明開州等處。防務緊要。著劉長佑檄飭李鶴年督飭兵弁認真防範。毋稍大意。另片奏密陳山東梟匪多屬回民鹽匪販私求食。與寇盜不同。緩治之則

散急治之則亂宜責在官吏不諉之巡商宜  
擒其渠魁以解餘黨宜購覓眼線以梟治梟  
宜以兵為鎮壓不以兵為捕治現飭署武定  
府知府張鼎輔將拒捕首犯密拏懲辦等語  
梟匪肆行若不嚴為捕治必至貽患將來該  
撫惟當不動聲色擒其渠魁斷不可姑息養  
奸釀成巨患俟東路賊匪肅清仍當認真籌  
辦本日據長善奏臨榆以北沿邊各口殊覺  
空虛等語著劉長佑揀派幹員籌添兵力責

成綠營員弁於臨榆迤北所轄地面實力梭  
巡與旗營弁兵互相偵緝以期周備毋稍曠  
誤將此由五百里各諭令知之○又諭楊能  
格奏固原前敵潰營現經設法安撫添籌接  
濟並請留郭炳南募勇兩營各摺片據奏雷  
正綰當兵勇潰變即飛騎追趕並斬沿途搶  
奪勇丁十餘名及抵涇州雷正綰復連日泣  
諭又得周顯承鎮靜防堵且見何成蛟等被  
拏伏法該營勇始各感畏陸續折回固原等

語覽楊能格先後所奏情形是雷正綰所部  
潰變非不力為彈壓實因呼應不靈所致該  
提督並無甘心叛逆情事與德興阿劉蓉聯  
捷所奏迥不相同著都興阿穆圖善楊岳斌  
確切查明將雷正綰兵變實在情形迅速具  
奏並著劉蓉將前奏因何不符之處據實奏  
聞都興阿等如查明雷正綰尚非意存跋扈  
即著向該提督剴切開導令其會同魏添應  
安撫士卒重整部伍奮勉圖功以贖前愆一

面將該營為首倡亂之勇丁訊明正法以昭  
炯戒楊能格現擬將河東報解在途之餉銀  
三萬兩全數截留徑解涇州糧臺並飭安化  
縣將日運麪斤加倍添撥接濟即著照所請  
行並著加意勸勉拊循以弭變故都司郭炳  
南募勇兩營因不及遣散赴楊能格營投效  
即著准其留營揀派得力營官統帶訓練扼  
要駐紮以資攻勦將此由六百里諭知都興  
阿穆圖善楊岳斌劉蓉並傳諭楊能格知之

○山海關副都統長善奏遵旨緝獲馬賊趙承汶二犯得旨未獲之曹填各犯仍著督飭各該員弁管帶兵役嚴密訪拏務獲懲辦毋任一名漏網○派內閣學士殷兆鏞知武舉以都察院左副都御史賀壽慈為武會試正考官翰林院侍講學士夏同善為副考官○丙子諭內閣吳昌壽奏訪察屬員賢否分別保劾一摺河南浙川廳撫民同知高俸歷任繁區均有惠政著開缺以知府留於河南遇

缺卽補遂平縣知縣文玉到任未久民愛滋深著俟補同知後以知府用前署魯山縣知縣楊宗頤惻恤無華循聲卓著著免補本班以直隸州知州補用署孟津縣知縣趙祐熙守潔才優輿情愛戴著歸候補班儘先補用候補直隸州州同吳世鈺才識兼長為佐貳中不可多得之員著免補州同以知縣遇缺卽補其西華縣知縣徐炳剛愎自用貪酷妄行商水縣知縣聯魁昏憤無知溺情廢事汝

陽縣知縣蘊琛好尚虛浮政事廢弛永甯縣知縣周爾堯任性妄為聲名狼藉截取知縣徐銘廉於前署偃師縣任內任信差役罔利營私均著卽行革職南召縣知縣彭繩祖年近七旬精力衰憊前署新安縣知縣李瑞椿兩耳重聽志氣昏惰均著勒令休致前署登封縣知縣牛緒儒聲名平常辦事踴躍著以府經歷降補以示勸懲而肅吏治○又諭劉蓉奏雷正綰營兵勇潰變現在辦理情形一

摺雷正綰一軍由鄂入陝疊著戰功轉戰而西在甘肅地方屢次摧堅破敵克復城寨甚多前因金積堡勦賊失利當將該署提督革去幫辦用示薄懲該營將弁自宜愧勵交加立功自效茲據劉蓉奏稱該營部將胡大貴等竟敢因師挫糧缺誣潰滋事迫脅兵勇在固原一帶肆行殺掠圍逼涇州經提督周顯承等率同在城文武登陴守禦將謀為內應之副將何成蛟正法並將逆黨匡文武等誘

擒被脅兵勇復經周顯承等諭以大義招撫解散胡大貴等知眾心不附相率遁去雷正綰親至涇州曉諭兵勇誓死與賊決戰等語雷正綰於所部將士謀變未能即時懲辦本有應得之咎惟念該提督平日打仗奮勉勞績卓著著從寬免其置議此係朝廷破格恩施該署提督宜知感知愧倍加策勵以贖前愆記名提督胡大貴副將雷恆李高啟乘機倡亂實屬罪不容誅均著卽行革職緝拏正

法以昭炯戒○諭軍機大臣等前據文祥奏籌剿馬賊務使淨絕根株一摺當經諭令恩合等妥籌覆奏嗣據恩合富平阿麒麟阿克敦布廉至劉長佑等先後奏到各抒所見均與文祥所奏大略相同茲據軍機大臣恭親王等奏各路備調官兵坐鎮彈壓不必輕動責成地方官飭差梭拏請飭各將軍等轉飭所屬曉諭居民無生疑懼馬賊中有悔罪自新者酌予獎賞嚴定州縣諱盜及鄰封協緝

不力處分文武獲盜官員應請酌覈議獎請催盛京等處揀派官軍各等語所籌均屬周密所有盛京直隸吉林熱河等處各豫派出官兵及備調兵專為勦賊之用如該匪伏而不動但宜坐鎮彈壓不准騷擾良民仍責成地方官飭差役梭拏匪首不准稍涉聲張妄拏無辜著恩合等曉諭居民照舊安居無生疑懼如有兵役騷擾立按軍法懲辦州縣失察嚴行叅處務期法在必行不得徒託諭告

具文馬賊中有悔罪自新者均准照所奏章程按其獲盜名數分別獎賞均著按照恭親王等原奏章程於告示內詳細逐層聲敘明晰俾家喻戶曉互相勸勉地方盜案限三日申報仍照舊例立限開叅毋庸照新章嚴處如獲有鄰境盜案准其抵免處分儻諱匿不報卽查明叅革從重治罪該上司有徇隱不報者一併治罪鄰封協緝不力著各該管上司從嚴叅辦兵役通盜知而不首者訊明後

卽將該兵役斬梟示儆如拏獲馬賊係著名巨盜及斬梟盜犯多名准酌給翎支升階破格獎勵並著吏部兵部將地方官拏獲本境鄰境盜犯應如何將功抵過及破格獎勵之處酌定獲盜名數分別覈議先行奏定章程候旨遵辦此次劉長佑阿克敦布廉至等調撥各兵或擇要扼擊或勤操備調均著遵照前奉諭旨雇覓眼線會同捕勦不得稍涉鬆懈所需口糧寬為籌備如有不敷據實奏聞

未可吝惜小費致誤大局其關內外扼要處所向有額設官兵著卽給與全餉令於無事時隨時操演不得有缺額雇替等弊恩合卓保麒麟等所派官兵未據奏到著卽挑選得力兵弁迅速具奏毋稍玩延其蒙古官兵並著知照伯彥訥謨祜一體照辦劉長佑查勘邊牆已否周歷應如何擇要設防並趕緊興修之處著據實具奏阿克敦布等所籌會哨日期及整頓卡倫之處均著照辦惟當實力

奉行毋得空言塞責順天府所轄地方萬青蔡卞寶第已團練馬勇力行保甲著嚴飭所屬認真辦理軍機大臣片一件均著鈔給閱看文祥前奏拳賊誨盜各情一摺與恩合麒麟等所陳整頓吏治武備摺大略相同並著鈔給恩合等閱看該署將軍等當各就地方情形隨時整頓以清盜源而肅吏治將此由四百里各諭令知之○又諭德興阿劉蓉奏甘回大股圖犯陝疆請分撥馬步各軍截勦

雷營潰勇偏涇搶掠經守城文武懲辦撫輯事變稍定逆回仍撲涇州各摺雷正綰部將胡大貴等乘機生變經該署提督涕泣開導不肯聽從時回首赫明堂穆三楊大娃子率大隊回眾由固原前來胡大貴等俱與合併雷正綰未能申明紀律約束各營致令所部釀成事端聚眾戕官將固原廩市搶掠一空並劫奪餉銀軍火等項該署提督統率無方咎有應得姑念雷正綰由陝入甘轉戰而前



素稱勇敢兼之糧餉缺乏備歷艱辛自應寬其既往俾得以功抵過該署提督如能將為首倡亂之胡大貴等立即擒斬並曉諭赫明堂穆三楊大娃子速戢邪心使就馴服仍當破格施恩以示朝廷終始成全之至意如赫明堂等不服開導亦惟責成雷正綰重整部伍痛加勦洗務將此股叛回迅速殄除想雷正綰受國厚恩定當深自愧奮勇往圖功也赫明堂等現各帶馬賊千餘名由鎮原甯州崇信三路圖竄陝疆靈州逆回馬化澂又率馬步賊各萬餘由鎮原至涇州之北原圖分南北兩路直犯陝西逆回與潰勇狼狽為奸係屬意中之事應如何杜其勾結分路勦辦之處著都興阿穆圖善楊岳斌楊能格相度機宜妥為籌辦德興阿等請飭穆圖善赴陝援勦陝省西路邊防甚形喫重本省兵力不敷分布著穆圖善迅即帶領所部馬隊親兵督同金順西蒙克西克兩軍繞由延鄜馳赴

邠長協勦以資厚集毋稍遷延穆圖善所帶步軍除衛隊親兵二百名外其餘各營仍留甯夏併歸都興阿統轄調遣如該回逆已入陝境著楊岳斌迅派曹克忠統率所部馬步由鹽茶徑趨平涇跟蹤躡勦德興阿劉蓉仍當就現有兵力速籌堵禦前後夾擊毋得徒事防守方為妥善另片奏周達武所部十五營規勦松潘該處九月即已大雪封山來歲春融方可進勦置勁兵於無益之地亦殊可惜請飭周達武赴甘川省另派委員赴楚募勇明年二月可抵松潘一轉移間於軍務較有裨益等語前有旨令李輝武帶步隊五營隨同趙長齡由川赴陝此次雷營部勇潰亂回匪更肆鴟張甘省東路及陝省之西南路並無勁軍抵禦周達武所部十五營能否抽撥赴甘之處著崇實駱秉章酌度情形妥為辦理另片奏陶營潰勇圖由興商竄回湖北已諭知官文等派兵防勦其鳳縣另股潰勇

就撫者尚有二千七百餘人之多。雖經派兵押送出境。難保不沿途滋事。著德興、阿、劉、蓉、飛咨該潰勇原籍及經過地方一體防範。毋稍疏虞。將此由六百里諭知都興、阿、穆圖善、崇實、駱秉章、楊岳斌、德興、阿、劉、蓉、並傳諭楊能格、雷正綰知之。○又諭劉、蓉、奏陶茂林營潰勇分股竄入陝疆。並據獲賊供稱。叛勇多籍湖北、江南、河南各省。有由興商急竄湖北之說等語。此起叛卒。由甘竄入陝境。不服開

導。屢次抗拒官軍。且圖回竄鄂疆。蓄謀甚狡。劉、蓉、現飭駐紮商南之劉厚基一軍扼要截擊。並檄興、漢兩鎮及甯陝廳派集兵團併力兜剿。著官文、鄭敦謹迅即選派得力將弁督帶兵勇馳赴興商一帶。與陝軍會合勦辦。毋任擾及鄂陝交界。致與豫省捻逆勾結。益形滋蔓。並著官文飛咨江南、河南各督撫於此項潰勇回籍時均須一體嚴為防範。妥為安插。毋任復滋事端。將此由五百里各諭令知

之。○又諭德興、阿、劉、蓉、奏請飭晉豫運解硫磺等語。豫省之彰衛懷三府。晉省之太原府一帶向產硫磺。即著吳昌壽、王榕吉自本年九月起每月各辦硫磺五千斤運解陝省以資配造。毋稍遲延。將此由五百里諭知吳昌壽並傳諭王榕吉知之。○署河東河道總督張之萬奏報秋汛安瀾命詣河神廟祀謝賞還張之萬二品頂帶實授河東河道總督。○陝西巡撫劉、蓉、奏請以周達

武補固原提督得旨雷正綰並未開提督缺現既深知愧悔惟宜曲示羈縻以觀後效所請著毋庸議。○以甘肅固原勦辦潰勇出力賞提督周顯承、譚玉龍一品封典並賞周顯承白玉翎管一支白玉搬指一箇大荷包一對小荷包二箇火鐮一件餘加銜升敘開復有差。○以陝西攻克八里坪等處賊寨出力賞總兵官伍浦雲副將鄧光升劉求益黃照臨蕭楚光陳義彰都司孟學文巴圖魯名號

參將蕭呈祥等花翎千總張映斗等藍翎餘加銜升敘有差○予陝西軍營病故總兵官李萃林祭葬卹廕加等○予陝西寶雞陣亡遊擊蕭積玉祭葬世職加等○予廣東南海等處陣亡殉難在籍知縣李景新等紳民婦女三千四百八十三員名口分別旌卹如例○旬到河南情實罪犯停決斬犯九人絞犯二人餘八十八人予○丁丑諭內閣兵部等部奏遵議將軍等處分一摺前任盛京將軍玉明等於馬賊肆行滋擾平時既疏於防範臨時又未能督飭弁兵實力勦捕任賊遠颺捕務實屬廢弛前任盛京將軍玉明前任奉天府府尹德椿均著降三級調用玉明德椿業已另案革職應得降調處分著照例註冊兼管奉天府府尹盛京戶部侍郎寶珣到任雖在馬賊滋擾之後惟並未將地方被擾情形據實陳奏跡近徇隱著照部議降一級調用毋庸查級紀議抵○諭軍機大臣等阿

勒楚喀副都統德英本日已有旨令其署理吉林將軍迅赴新任阜保侯德英抵任後即行交卸仍遵前旨馳赴喀爾喀巴爾虎辦理爭界事宜惟瞬息嚴冬如該處大雪封山不能前往履勘即著先行回京將此諭令知之○又諭左宗棠等奏官軍克復鎮平追勦竄賊大獲勝仗一摺與瑞麟郭嵩燾前奏大略相同汪逆負固鎮平經康國器高連陞等督軍援勦直薄城下汪逆開西門逃竄復經高連陞等追勦斃賊甚多該逆現由石正龍虎墟一帶分路竄走如江粵各軍能嚴扼其前閩軍能緊躡其後自可漸就殄除著左宗棠即飭入粵各軍跟蹤追勦不可稍涉鬆勁劉坤一即飭婁雲慶席寶田等軍迎頭截擊毋任闖入江境如由廣東興甯和平竄至南雄將來終恐為江西湖南邊患著瑞麟郭嵩燾督飭方曜等軍認真截勦如有趨南雄信息左宗棠飭劉典一軍由武平出江西安遠信

豐急趨南安。兼顧湖南邊境。該督撫等總宜通力合作。將此股逆眾。盡毋留遺孽。致貽後患。另片奏鮑超一軍。應由該提督自為主持等語。前因粵省賊勢漸衰。已有旨令鮑超募勇成軍。後帶赴楚豫交界。勦辦張總愚股匪。仍歸曾國藩節制。婁雲慶軍。本係鮑超舊部。仍准該提督酌量檄調。著左宗棠傳知該員。懍遵前旨。赴裕州泌陽地方。勦賊如汪逆一股。辦竣並著飭令婁雲慶一軍。亦赴南裕一帶。交鮑超調遣。以資得力。又奏。前興泉永道曾憲德。熟習地方情形。人甚明幹。請令仍署興泉永道。並請將曾憲德仍以道員留福建補用等片。均著照所請行。惟曾憲德一員。二年間由左宗棠於年終密考摺內。稱其前在延建邵道任內。辦事諸多謬誤。才識均庸。是以有開缺送部引見之旨。此次復據該督保奏。何以該員一人之身。先後異轍如此。著查明覆奏。將此由六百里各諭令知之。○又

諭張凱嵩奏。南甯賊勢已窮。官軍分擊疊勝。現募新軍赴營協勦一摺。逆首孫荃廣盤踞南甯府屬之那檀山澤兩巢。經張凱嵩督飭劉培一馳往督勦。分軍環攻。連日疊有擒斬。並將那檀賊巢頭柵攻拔。羣賊猶憑高恃險。悉力抗拒。官軍逐日挑戰。該逆閉柵不出。山澤之賊。並於施大路村築壘相持。是逆眾雖被勦窮蹙。仍糾黨負隅。思逞困獸猶鬪之狡計。現在覃遠璉將貴縣平塘一帶。踞匪勦除。率所募春字等營。馳赴永淳協勦。官軍兵力已厚。著張凱嵩嚴檄劉培。覃遠璉等軍。迅即合力進攻。務將那檀山澤踞逆悉數殄除。該撫因新募楚勇。九月初始能到粵。擬俟屆期。由省督勦著於湘勇到齊。即行相度機宜。前往督辦。並嚴檄諸軍。剋期蒞事。以靖邊陲。將此由五百里諭令知之。○漕運總督吳棠奏。報揚河等工霜汛安瀾。命詣

風伯

河神廟祀謝○盛京將軍恩合等奏暫撤東邊卡倫官兵擇要駐紮得旨據奏那移坐卡官兵裁撤守兵各節均中竊要著准其照辦惟當嚴飭該城守尉實力督率認真巡緝不可有名無實○錦州副都統慶春奏擊獲馬賊夥犯楊德才應否解京審訊請旨遵行得旨楊德才著即正法嗣後緝獲交拏單開賊犯均著就地正法毋庸請旨○閩浙總督左宗棠奏遵查侍逆李侍賢敗潰後投入康逆

汪海洋夥內已於七月初三日夜為汪海洋所殺報聞○護山西巡撫王榕吉奏陝甘軍務未鬆現擬添兵防堵得旨所籌晉省須添兵三千即著照辦糧餉自應由晉籌措而晉省應行協濟他省之款仍須竭力協濟不得因此藉口致有短絀○以阿勒楚喀副都統德英署吉林將軍○以廣東澄海縣捐貲募勇永廣學額二名○以江蘇浙江克復常州嘉興等城出力賞提督曹仁美滕嗣武張元

龍正一品封典總兵官熊兆周周壽昌從一品封典總兵官唐鳴盛副將魏興發王得勝李華相許先傳黃金志馮作霖楊萬謝世彩蔣秀元葉興發王正枝羅時富王興志譚鴻聲李永祥龍義和黃國珍易其祥參將張海龍鄧金楚何明廣譚宏亮張彪劉藻廷許開貴遊擊尹德明洪安富都司鄧升巴圖魯名號總兵官陳飛熊道員王大經等花翎通判湯健中等藍翎餘加銜升敘開復有差○以勸捐出力予廣東在籍知府李應棠以道員用並加鹽運使銜○予廣東鎮平陣亡守備李如祭葬世職加等○戊寅諭內閣前因大理寺少卿于凌辰御史張觀鈞佛爾國春台斐音等各奏盜墓賊犯請加等治罪當經先後降旨交刑部都察院大理寺覈議具奏茲據刑部等衙門覆奏請嗣後發掘常人墳冢開棺見屍為首者從重擬斬立決為從者俱絞監候其鋸縫鑿孔抽取衣飾雖未顯露屍

身亦應從重將為首之犯不論次數擬絞立決為從者絞監候其發掘有關名分等項墳冢分別從重加梟如有拋棄屍骨及將控告人殺死者照強盜得財本律不分首從皆斬所擬尚為允當均著照擬辦理近來盜墓之案層見疊出殃及枯骸情殊殘忍所有已獲未結各犯均著照此次新定章程問擬以儆兇頑而昭炯戒○諭軍機大臣等李鶴年奏逆匪竄擾東明縣城擾及河岸現飭各軍加

意堵扼一摺逆匪竄至東明城西由隄口入撲城垣並有賊匪二三百騎竄及長垣縣之竹林渡口經東明縣在城兵勇並龔文林礮船分路擊退該逆仍順河下竄東省曹屬一帶現為逆匪麇聚之區與直境毗連易致竄擾且賊蹤飄忽異常難保不去而復返亟須調撥兵隊妥籌守禦著劉長佑李鶴年迅飭余承恩范梁蔣春元等派撥勇隊馳赴東明協同守禦一有警報即分派北岸防兵渡河

夾擊以資應援其沿河各渡口並著劉長佑等飛檄龔文林等督帶礮船嚴密梭巡遇有賊蹤竄至立即會合各軍及河岸紳團實力兜截毋任闖入直境將此由四百里諭知劉長佑並傳諭李鶴年知之○又諭豐陞額奏請飭催餉銀以資接濟一摺據稱滄州駐防官兵例得俸餉積欠已四載有奇本年自春至秋僅發過七折八成兵餉計銀不足一季而俸餉給發無期甚形苦累自係實在情形

該處為山東入津要路操防緊要轉瞬隆冬巡查尤須嚴密若令該官兵等枵腹荷戈殊不足以示體恤著劉長佑督飭該藩司迅速籌款按數撥解毋稍玩延將此諭令知之○兵部以武會試中額請得旨滿洲蒙古取中二名漢軍取中三名奉天取中一名直隸取中十五名陝甘取中一名廣東取中十名河南取中七名山東取中八名山西取中七名湖北取中三名湖南取中六名四川取中八

名廣西取中二名福建取中二名浙江取中一名江西取中三名雲南取中一名○以兵部右侍郎伊精阿兼署戶部左侍郎管三庫事內閣學士伍忠阿署刑部左侍郎○調理藩院右侍郎額勒和布為盛京戶部侍郎兼管奉天府府尹事○予廣東番禺殉難民婦曾陳氏黎梁氏旌卹如例○己卯上奉

慈安皇太后

慈禧皇太后啟鑒恭謁

東陵○至朝陽門外詣

東嶽廟拈香○詣

慈安皇太后

慈禧皇太后行宮問安至還宮皆如之○諭內

閣直隸提督徐廷楷著加恩賞還頂帶○諭

軍機大臣等劉坤一奏賊匪竄入江境疊擊

獲勝現經出省勦辦情形一摺汪逆大股由

鎮平竄出盤踞羅浮司繞入江西長甯縣之

黃鄉鋪經周寬世等分路迎擊獲勝賊蹤改竄定南復經婁雲慶等擊敗現由定南竄撲龍南勢尚鴟張劉坤一已帶親兵馳往贛州督勦卽著督飭將士迅籌掃蕩毋令闖入江西腹地左宗棠有節制三省之責務當派兵越境夾擊不可稍涉延緩鎮平一帶是否尚有餘匪並著瑞麟郭嵩燾實力搜捕毋留餘孽南韶一帶兼須嚴防回竄賊蹤飄忽異常恐其西竄湘省著劉坤一飛速咨照李瀚章一體嚴防其出力之將弁准其併案保奏將此由六百里各諭令知之○以內閣學士英元為理藩院右侍郎○調鑲紅旗蒙古副都統恆祺為鑲白旗滿洲副都統以內閣學士延煦兼鑲紅旗蒙古副都統魁齡署鑲黃旗漢軍副都統○予江西長甯陣亡都司陳慶福謝登科把總瞿明東等祭葬世職加等○是日駐蹕煙郊行宮○庚辰諭軍機大臣等明緒奏伊犁軍情危急請飭催迅解餉需並

請催關內援兵各摺片武隆額奏督兵圍攻賊巢追擊哈薩克情形暨請調烏科二城蒙兵助剿各一摺伊犁軍情危急待餉孔殷各省協餉由綏遠城轉解烏科二城者已不下數十萬兩何以迄今尚未解到分釐實屬畛域太分不顧邊疆之急著明誼麟興車林敦多布廣鳳奎昌將已到伊犁餉銀儘數運解不准稍有遲誤如大路尚不能通卽慄遵疊次諭旨迅派妥員設立臺站多備駝馬由俄國邊界趕緊運赴伊城以救眉急嗣後續到餉銀並著隨到隨解毋得稽延干咎其各城量撥之款亦著明誼等一併迅速催解以專責成儻敢再有遲逾致邊陲大局或至決裂必將明誼等從重治罪聯捷等軍已疊次諭令剋日出關明緒於援兵未到之先當就現有兵力妥籌守禦以副委任明誼等截留之三萬兩餉銀前已飭令仍解伊犁卽著明緒派員迎提以濟要需塔城金頂寺回匪拒守

甚固經武隆額督兵攻擊疊次獲勝轉世喇嘛棍噶扎勒參帶領蒙兵追剿哈薩克進攻寺內匪眾並屢次擊敗哈薩克大股馬賊窮追出卡俾回匪無從勾結實屬異常奮勇其應如何給予優獎之處著理藩院速行議奏哈薩克匪眾雖被剿潰散難保不去而復來塔城勢急兵單亟宜鄰境撥兵援應著明誼麟興車林敦多布廣鳳奎昌各於烏科兩城所屬蒙古兵內酌派精壯各一千名配帶器械軍火星速兼程馳往會剿並著廣鳳奎昌將科城存倉糧石內撥借小麥五千石支給隨征官兵解運赴塔毋得稍分畛域致誤事機將此由六百里各諭令知之○塔爾巴哈台參贊大臣武隆額奏擬借俄國官兵火礮助剿得旨前因明緒奏請借用俄兵一節迄無成議已作罷論茲據武隆額奏稱已行文俄國借用兵丁銅礮著該參贊大臣相機籌辦總期有利無弊方為妥善○是日駐蹕白



澗行宮○辛巳

上詣

獨樂寺拈香至隆福寺更衣幄次御素服冠

摘纓緯詣

文宗顯皇帝

孝德顯皇后梓宮前行叩謁禮哭踊無算哀動

左右至燎所奠酒王以下文武大臣均隨行

禮○申刻復詣

梓宮前行夕奠禮○以大葬

定陵前期三日遣官告祭

天

地

太廟

社稷○賞請轎鑾儀衛校尉銀○賞看守煙郊

等處行宮弁兵半月錢糧○是日駐蹕隆福

寺行宮至甲申皆如之○壬午

上詣

文宗顯皇帝

孝德顯皇后梓宮前行奉移祇告禮奠獻擗踊

哀慟卯刻跪送

梓宮奉移至隆福寺宮門外升大輦啟行

上步從里許哭不停聲由閒道先至

定陵閱視明樓酉刻

梓宮至大紅門外孚郡王奕譞遙向

祖陵恭代行祇謁禮

梓宮自大輦升小輦

上跪候換昇恭導

梓宮入

隆恩門奉安於

隆恩殿奠酒舉哀行禮○以

文宗顯皇帝

孝德顯皇后梓宮至

陵遣官告祭

昭西陵

孝陵

孝東陵

裕陵○賞恭請

大舉小舉民夫銀

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十四

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百五十五

同治四年乙丑九月癸未。

教得

上恭謁

昭西陵

孝陵

孝東陵

景陵

裕陵俱未至碑亭。卽降輿慟哭。步入

隆恩門詣

寶城前行禮躬奠哀慟王以下文武大臣均隨行禮○恭詣

定陵未至碑亭。卽降輿慟哭。步至

隆恩殿

文宗顯皇帝

孝德顯皇后梓宮前。行遠奠禮。至燎所奠酒。御

更衣幄次候

梓宮升小舉

上奠酒三爵。恭奉

梓宮至

寶城前

蘆殿升

龍輜車。奠酒行禮畢。閱視

寶城。賞

蘆殿工部夫役銀。○賞請轎鑾儀衛校尉銀。○

甲申

上詣

定陵。未至碑亭。卽降輿慟哭。步至

蘆殿。奠酒。跪拊

梓宮。呼號哀慟。辰刻。恭奉

龍輜車。引紼入

寶城。永遠奉安

文宗顯皇帝

孝德顯皇后梓宮於

寶牀

上慟哭攀轡。叩額擗踊。逾時始出。復於

地宮外奠酒行禮。瞻依痛切。退至幄次。涕泣不

已。禮臣奏題

主屆時

上更衣服詣

隆恩殿。向上立。大學士周祖培協辦大學士吏

部尚書瑞常恭題

神主奉安

寶座。命恭親王奕訢恭代行虞祭禮。鑾儀衛官

設

黃輿於丹陛

上詣

寶座前行禮。恭親王奕訢恭捧

神牌奉安

黃輿內

上步隨至碑亭南跪送

黃輿啟行

上瞻戀

定陵不忍遽離王大臣環跪固請

上始乘輿由閒道至隆福寺命鍾郡王奕詒詣

王子山恭候

神牌黃輿至奉安

黃幄恭代行禮○命豫親王義道禮部尚書倭

什渾布恭奉

文宗顯皇帝

孝德顯皇后神牌黃輿回京以大葬禮成遣

官告祭

昭西陵

孝陵

孝東陵

景陵

裕陵並

定陵

后土

平安峪之神○諭內閣本日

皇考文宗顯皇帝

皇妣孝德顯皇后永遠奉安

地宮大禮告成在事諸臣敬謹襄辦妥協周詳

俾哀慟迫切之中得以盡誠盡禮允宜仰體

聖慈優數闡澤所有隨入

地宮之惇親王奕諒恭親王奕訢醇郡王奕譞

鍾郡王奕詒孚郡王奕譔貝勒載治御前大

臣景壽奕山御前大臣上學習行走伯彥訥

謨祜尚書綿森侍郎察杭阿恆祺均著各賞

加二級工部奏辦差務之現任大理寺少卿

前工部郎中于淩辰著遇有應升缺出開列

在前現任直隸通永道前工部郎中英良著

賞換花翎工部執事司員郎中恆慶著專以

道員用並賞加按察使銜郎中文輅溥秦均

著賞戴花翎。郎中紹誠著賞戴藍翎。候補主事王思沂著免補主事。作為候補員外郎。仍歸原保案內。遇有本部員外郎缺出。無論題選咨留。即行奏補。其餘承辦差務各員。著工部堂官酌量保奏。候旨施恩。○又諭朕恭奉

慈安皇太后

慈禧皇太后恭請

皇考文宗顯皇帝

皇妣孝德顯皇后梓宮永遠奉安

定陵敬視工程。整齊堅固。在工王大臣等敬謹將事。自應優加賞賚。以獎勤勞。總司稽查王大臣等綜覈精詳。督催妥速。恭親王奕訢除另降諭旨嘉獎外。仍交宗人府從優議敘。戶部尚書寶馨著交部從優議敘。伊子八品筆帖式景澧並著賞給員外郎。俟及歲時。分部學習行走。承修大臣等實心經理。黽勉趨公。大學士周祖培著賞戴花翎。仍交部從優議敘。刑部尚書綿森著賞戴花翎。伊子工部候

補員外郎奕沆著遇有滿洲員外郎缺出。即行借補。都察院左都御史全慶著交部從優議敘。伊子麟祥並著賞給郎中。俟及歲時。分部學習行走。吏部左侍郎基溥著賞給頭品頂帶。並賞戴花翎。戶部左侍郎阜保著賞給頭品頂帶。仍交部從優議敘。總管內務府大臣明善著賞給頭品頂帶。伊孫增榮著賞給主事。俟及歲時。分部學習行走。前充承修大臣前任大學士現任廣州將軍瑞麟著交部從優議敘。原任大學士彭蘊章之子前任通政使司參議彭祖賢著俟補缺後。遇有應升之缺。開列在前。總司稽查監督理藩院右侍郎英元。內閣學士魁齡。均著賞給頭品頂帶。原任太僕寺少卿德克津泰之子內閣中書恩霖著遇有侍讀缺出。即行奏補。內務府堂郎中粵海關監督師曾著賞給二品頂帶。所有在工出力各員。著恭親王等查明酌量保奏。候旨施恩。○又諭朕奉

慈安皇太后

慈禧皇太后懿旨恭親王自襄辦

文宗顯皇帝大事以來五載於茲。盡敬盡誠。有條有理。

定陵工程。前經派令總司稽查。一切悉臻妥協。

本日

文宗顯皇帝

孝德顯皇后梓宮奉安

定陵禮成。瞻仰規制。崇閎典儀。明備悲慟之懷。

稍釋

在天之靈亦慰。自應仰體

文宗顯皇帝誼篤友于之心。並參酌成案。渥沛殊施。以示優獎。乃據恭親王以盈滿為懼。再四固辭。情詞懇摯。出於至誠。不得不勉從所請。僅交宗人府從優議敘。惟恭親王誼屬親藩。首參機務。近來事無鉅細。愈加寅畏小心。深自斂抑。實能不負委任。本年三月初七日所降諭旨。原因其小節之疏。恐蹈愆尤之漸。

期望既厚。責備不得不嚴。業於三月十六四日。月十四等日。將辦理始末。明白宣示。諒天下共見共聞。惟慮傳之久遠。後人不知原委。莫定是非。轉為白圭之玷。殊無以釋羣疑。而彰忠悃。所有三月初七日諭旨。著毋庸編入起居注。以示眷念勲勞。保全令名至意。○又諭。

朕奉

慈安皇太后

慈禧皇太后懿旨。前因恭親王之長女。素為

文宗顯皇帝所鍾愛。特沛殊恩。封為固倫公主。以示優眷。茲據恭親王面奏。寵異逾分。夙夜難安。請收回成命等語。情詞懇摯。具見悃忱。即此一端。亦足見其毫無驕矜之習。若不勉從所請。轉無以愜其敬慎之懷。恭親王之長女。著撤去固倫名號。所有一切儀制。服色。仍照公主例。封為榮壽公主。以示區別。而昭寵眷。○諭軍機大臣等。吳昌壽奏豫省南北賊情。派兵防剿。閻敬銘奏賊竄豐沛各一摺。檢

匪大股數萬。由沂澤竄過定陶。為民勇官軍擊退。復竄城武單縣。折向東南。豐沛一帶。現在豐縣之歡口地方屯聚。去魚臺四十餘里。賊蹤飄忽異常。雖有楊飛熊等軍整隊進剿。僅止跟蹤尾追。並未迎頭截剿。痛加殲戮。該撫已派副將王心安等越境追剿。並飭潘鼎新之軍駐紮單縣。楊飛熊取道滕縣防賊東趨。即著與曾國藩派往濟甯之張樹珊。色爾固善等軍。分路進剿。毋再鬆勁。賊匪裹脅數

萬。邊馬橫布幾百餘里。若非集數省兵力。四面兜剿。將來勢釁日張。辦理益形棘手。曾國藩現駐徐州。正當厚集兵力。與東省兵勇前後夾擊。並著吳棠飭令駐防清淮之師。會合兜剿。務期實力殲除。不得有名無實。豐沛界南北之交。距歸德宿州甚近。並著喬松年。吳昌壽嚴密扼防。並聯絡各路兵勇。以剿為防。至張總愚等股。經豫軍截擊。偏向西南。復由唐縣等處擾及鄂省隨東邊境。該逆避兵而

行奔突靡定。總須鄂豫兩省前截後追。併力夾擊。方可杜賊紛竄。著吳昌壽飛咨湖北防軍越境合剿。並飭張曜等相機進攻。遏賊竄向東北之路。龍門礮船。務須實力整頓。不得稍形疏懈。將此由六百里各諭令知之。○以恭題

文宗顯皇帝

孝德顯皇后神主。賞加大學士周祖培太子太保。協辦大學士吏部尚書瑞常太子少保。○

賞總理喪儀王大臣承辦喪儀之禮部內務府堂司各官。隨從行禮暨扈從之王大臣官員。隆福寺直班守護

陵寢大臣。加級有差。拜唐阿兵丁一月錢糧。○

以上部承辦

山陵大事。妥協周詳。賞尚書文祥子照聯員外郎。侍郎恆祺子樂昌主事。滿漢各堂官下部優敘。賞駐守隆福寺並隨扈之神機營帶隊官員。暨山海關派出巡防官員各一級兵

丁一月錢糧。○賞直隸辦差大小員弁各一級沿途當差兵丁一月錢糧。○賞恭請

龍輜車工部夫匠銀。○乙酉以

文宗顯皇帝

孝德顯皇后神主升祔

太廟前期三日遣官告祭

天

地

太廟

社稷

上奉

慈安皇太后

慈禧皇太后回鑾。○詣

獨樂寺拈香由開道至白淵詣宿次恭候

神牌黃輿至奉安行禮翼日如之。○諭軍機大

臣等寶珣奏賊匪復竄興京官兵接仗失利

情形一摺賊匪由噶斯伙洛進邊並由開原

八家子闖入興京城守尉清凱所派之兵於

木奇接仗失利復有另股盜匪二百餘名由東邊突入欲赴新兵堡該處距

陵街僅四十里恩合現已出省進剿著即探明

賊情酌量緩急妥籌剿辦或責成派出之協

領德音泰前往攻剿抑或恩合親自督隊必

當審量妥協方可無誤事機賊匪如此猖獗

況距

陵街甚近尤宜籌畫一鼓殲除之策不得任其

蔓延恩合出省以後寶珣尚未交卸仍當與

富平阿加意防範不得存五日京兆之見是

為至要將此由五百里各諭令知之。○又諭

李瀚章奏粵東逆股竄動現籌楚邊防剿情

形一摺汪逆大股攻撲江西之定南龍南兩

城經官軍擊敗後復退竄龍定之交勢將鉅

而走險江閩粵兵力萃集該逆似不敢回向

東竄惟慮逸入西路則陽山連州連山及廣

西邊境在在空虛恐致死灰復燃仍成燎原

之勢著李瀚章激勵邊防將士審機遮擊以



挫賊鋒瑞麟郭嵩燾當飭水師將弁嚴扼北江一帶水道其韶河下游並著加意攔截嚴遏竄越張凱嵩尤須迅調勁兵將粵西邊境扼要防守毋令賊蹤竄入現在賊勢敗挫奔突靡常亟應乘勝剿滅如果賊向西趨劉坤一務當迅令席寶田一軍馳赴楚省併力會剿湖南備多力分實形單薄劉連捷朱洪章等軍如能赴楚追剿自可稍助兵力並著左宗棠劉坤一會商調派毋失機宜將此由六

百里各諭令知之○又諭廣鳳奎昌奏民勇收復奇台等處請飭催大兵進剿一摺奇台等城前被回匪攻陷經奇台縣知縣恆頤督率勇頭張和等節節西剿於七月初八等日疊次殺賊無數連克奇台古城濟木薩三城賊匪西遁洵屬奮勇出力深可嘉尚惟逆回倡獗異常民勇僅止數千名自應添撥大軍以資攻剿前已疊諭聯捷等迅速出關諒可不日西征即著訥爾濟飛速迎提奇台等處

既已克復則巴里坤防務較鬆並著先就現有兵力妥籌進剿文麟有地方之責究在何處著傳諭該員奮勉圖功以贖前愆巴里坤餉需甚絀並著廣鳳等於各省解到餉內懍遵前旨酌量分撥其攻剿情形著隨時偵探具奏將此由五百里諭知廣鳳奎昌訥爾濟並傳諭文麟知之○盛京將軍恩合奏擬因

謁

陵之便布置防護並就近安置東路得旨賊匪

往來竄突總未大受懲創該將軍務當督率德音泰等妥籌布置相機剿辦不得有名無實致負委任○署吉林將軍阜保奏剿賊兵單請免調兵出省會剿得旨該省剿辦馬賊不暇調兵外出前諭選派得力官兵備調之處著無庸議即著阜保遵照文祥奏剿除馬賊辦法嚴飭旗民地方官等實力舉辦以期盡絕根株永弭後患又奏添兵剿匪請將失利各員懲處批阜保派出之員弁兵役並不

認真勦賊。以致敗挫。實屬不能得力。穆克德  
佈博霖福謙均著摘去頂帶。永讓著交部議  
處。並將該員撤回。毋庸仍令帶隊。該署將軍  
現已添調官兵。馳往勦捕。著嚴飭該員弁等  
實力兜擊。務將烏痣李等匪悉數殲除。若再  
任其鴟張。恐阜保不能當此重咎也。○湖南  
巡撫李瀚章奏。黔匪竄偏涼傘雪洞等營。現  
飭各軍援勦。得旨。卽著嚴飭周洪印督率各  
軍。實力進勦。痛殄逆氛。以清邊境。○

上以

文宗顯皇帝

孝德顯皇后升祔

太廟。自是日始齋戒三日。○是日。駐蹕白河行  
宮。○丙戌。諭軍機大臣等。官文等奏。賊氛南  
竄。派兵夾擊一摺。拾氛南竄。擾及襄陽所屬  
之雙溝等處。勢甚蔓延。官文等現飭姜玉順  
劉維楨等分路堵禦。務當督率該將士等。認  
真防勦。兩面夾擊。毋令竄擾完善之區。至此

股捻逆倡亂多年。蹂躪數省。罪大惡極。必應  
合三省之力。殄此狂氛。豈可輕率言撫。惟脅  
從之人。情尚可憫。果能捆獻逆首。繳械投誠。  
方可予以自新之路。該督撫等。惟當激勵將  
士。乘賊勢稍弱之際。一鼓殄除。不可為撫之  
一字所惑。致墮狡計。將此由六百里各諭令  
知之。○又諭左宗棠等。奏追賊獲捷。現籌辦  
理情形。並粵省土匪助逆。襲陷閩軍。請飭粵  
省嚴辦各摺。片。前據劉坤一。瑞麟等各奏。稱

賊已由江西竄出。定南一路。直撲龍南。已疊  
諭左宗棠。盡力窮追。並令廣東江西等省各  
督撫。會同堵截。著左宗棠。仍遵前旨。嚴檄各  
省之軍。實力追擊。瑞麟。劉坤一。郭嵩。素分路  
堵截。毋任紛竄。至汪逆由鎮平逃出。勢本窮  
蹙。不難立時殄盡。乃該處土匪。竟敢貪受汪  
逆金帛。暗伏要路。於高連陞等追至黃陂墟  
時。突出橫截。奪去輜重軍火。並將兵勇戕害  
甚多。帶勇員弁被戕甚眾。以致汪逆得以從

容遁去。此等土匪。名為鄉團。實與叛賊無異。可恨已極。若不趕緊剿滅。勢必又釀成巨股。瑞麟郭嵩燾責無旁貸。著迅派兵勇。將此起土匪會同閩軍實力剿洗。務須掃除淨盡。不准一名漏網。以儆兇頑。其方耀殘殺張運蘭所部湘勇二百餘名。及高連陞黃少春所部勇丁在粵被戕。並左宗棠差兵齎往銀牌等件赴粵被該處團總槍殺各案。均著瑞麟郭嵩燾即行捕獲賊犯正法。毋稍寬縱。將此由六百里各諭令知之。○署吉林將軍阜保奏。請令恩合總統奉吉官兵。得旨。昨據恩合奏報業已出省剿賊。所請令該將軍總統奉吉兩省官兵之處。恐其力難兼顧。著俟德英到吉林任後。會同恩合勦辦。○予廣東黃陂墟陣亡都司關鎮邦祭葬世職。如副將例。守備李恆。把總梁材等祭葬世職。加等。○是日。駐蹕煙郊行宮。○丁亥。

上奉

慈安皇太后

慈禧皇太后還宮。○詣綏履殿問

慈安皇太后安。平安室問

慈禧皇太后安。至辛卯皆如之。○賞請轎鑾儀

衛校尉銀。○戊子。命鍾郡王奕詒詣

黃幄。恭代行朝奠禮。辰刻。

上御朝服詣

太廟街門外恭俟。

神牌黃輿至。

上跪迎至甑城門外。詣

黃輿前行禮。命惇親王奕諒恭捧

文宗顯皇帝神牌前行。禮親王世鐸恭捧

孝德顯皇后神牌隨後入

太廟代行謁

列聖

列后禮迺恭捧

文宗顯皇帝神牌。奉安

仁宗睿皇帝之次。

孝德顯皇后神牌以次奉安。

上行禮。惇親王奕諒恭代致祭。如時享儀。

上詣鍾粹宮。

慈安皇太后前。長春宮。

慈禧皇太后前。侍午膳。○諭軍機大臣等。都興

阿等奏督兵進剿。郡南獲勝。現在籌辦情形。

一摺。此次官軍深入八九十里。雖殺賊不多。

賊情地勢大略探明。該逆馬隊尚多。現有北

竄。磴口寶豐之信。都興阿等已派遊擊徐祥

林等帶隊赴磴口駐守。令侍衛訥依楞阿等

駐寶豐。令協領音德善等赴平羅。會同在城

文武防範。所籌均尚周妥。著即嚴檄各員。認

真守禦。遇賊即擊。毋稍鬆懈。賊數既屬不多。

而賊糧又復甚缺。該將軍等務當審度賊情。

相機進剿。如將附近援賊各圩漸次廓清。城

賊之勢益孤。得手自易。甯夏一城日久未復。

師老兵疲。殊出意外。該將軍等惟須加意激

勵將士。以期一鼓成功。用副委任。花馬池等

處地方防務嚴飭翁同書等認真防維。毋稍

大意。磴口一帶係東竄歸綏大道。都興阿雖

已派兵駐守。誠恐繞越晉疆。又成滋蔓。著德

勒克多爾濟。桂成。王榕吉督飭在防兵弁。設

險固守。不准有一賊入境。如需添兵防守。亦

須豫為籌畫。以期有備無患。另片奏。穆圖善

所部陳東霖。楚勇二營。應需協餉。請仍飭山

西連解等語。陳東霖兩營月餉。為數無多。該

營抵甘已逾五月。再不趕緊解濟。深恐飢寒

交迫。激而生變。著王榕吉於該省無論何款。

迅速按月補解。毋再遲延。干咎。將此由六百

里諭知都興阿。穆圖善。德勒克多爾濟。桂成。

並傳諭王榕吉知之。○駐藏大臣滿慶等奏。

遵調土兵防範披楞。得旨。所陳防範披楞及

暗助布魯克巴各節。尚為妥協。著即隨時咨

令達賴喇嘛。飭令派出土兵及帶兵番員。扼

要嚴防。認真操練。以備不虞。○賞恭送

神牌黃輿回京之王公大臣暨護送員弁各一

級兵丁半月錢糧。○賞沿途恭請

神牌黃輿鑾儀衛校尉銀。○以升附

太廟禮成賞太常寺執事各員紀錄有差。○賞

加統帶神機營官兵都統福興一級。○以隨

同恭理喪儀出力。賞郎中嵩林德壽花翎。主

事文治等藍翎。餘加銜升敘有差。○以任性

貌玩革甘肅領隊侍衛訥依楞阿職。仍留營

○乙丑

孝慈高皇后忌辰。遣官祭

福陵。○諭內閣前據欽天監諏吉。於本月二十

六日卯時恭請

皇考文宗顯皇帝神牌升附

太廟。乃遲至午刻。

神牌始行還京。豫親王義道禮部尚書倭什琿

布派充恭送差使。禮部左侍郎察杭阿。前經

派出管理

神牌行營。惟禮部係該侍郎本任。亦應會同照

料。該王大臣等不知所司何事。竟至遲逾數

時之久。雖因雨後泥淖難行。究屬恭請啟行遲誤。非尋常玩忽可比。義道倭什琿布。著分別交宗人府吏部嚴加議處。察杭阿著一併交部議處。至昨降諭旨。將恭送之王公大臣均賞加一級。義道倭什琿布。察杭阿所加之級。即著該衙門先行撤銷。○又諭神機營派出駐守隆福寺等處兵丁。及隨扈之帶領馬步隊官員。前已降旨賞加一級。兵丁賞給一月錢糧。惟念該營自設立以來。於今三載。該

員等隨同管理神機營王大臣。勤求操練。一律整齊。實能始終不懈。尚屬著有微勞。著醇郡王等擇其尤為出力者。酌保數員。以示鼓勵。並傳知該員等。務須更加奮勉。精益求精。儻有始勤終怠。不知振作之員。該管王大臣立即查明參處。以副朝廷整軍經武至意。○又諭麒慶奏續獲馬賊多名。並請將出力之扎薩克等量予獎敘。各摺片。此股騎馬賊匪。由口內竄回關外。四散潛匿。經麒慶飭令熱

河道徵良等督同兵役旗民人等四出搜捕。先後拏獲首夥盜犯就地正法。餘犯分別覈辦。緝捕尚屬認真。仍著該都統督飭該道等務將未獲各匪犯嚴督兵役盡力兜拏。並著盛京將軍直隸總督密雲山海關錦州各副都統一體添派弁兵互相防緝。毋任此等盜竄。至喀喇沁扎薩克公銜塔布囊烏凌阿旗扎蘭阿敏布和圖等會同捕獲盜匪已至十五名之多。且於解犯時小心護送。並無疏虞。

實屬奮勉出力。所有該扎薩克烏凌阿應得獎敘之處著理藩院查明奏請。候旨施恩。其餘出力之扎蘭等並由該旗呈報理藩院分別給予議敘。並著理藩院傳知蒙古各旗王公等遇有馬賊入境及在境伏匿各賊一體嚴密查拏。以清盜源。○諭軍機大臣等楊能格奏續陳固原前敵各營潰變情形各摺片。所陳雷正綰各營因乏糧潰變該提督要之以死跟蹤追阻百計拊循始於平涼紮定復

據周顯承函稱雷正綰於初七日親帶親兵馬隊由涇州追勦北竄李家堡之賊刻下駐紮平涼各營又移紮四十里鋪等語。是該提督為人所制尚思勦賊自效重整軍威力圖再舉該提督自金積堡之敗朝廷撤其幫辦稍示薄懲仍留提督本任並令勦賊立功。原因雷正綰入甘以來克復城寨多處頗著戰功並非即予廢棄。即此次各軍潰亂該提督本有應得之咎而稟報訛傳謂該提督有意

為之朝廷斷不能信。雷正綰當如何感激圖報力洗前愆。現在甘省回務鳴張各營潰卒紛紛思逞胡大貴等膽敢乘機生變降回赫明堂又復意存觀望正雷正綰努力自效之時豈得以幫辦既撤遂思一死塞責該提督現署固原提督本有奏事之責此事即可據實入告何至函致他人求為剖白。嗣後雷正綰遇有軍務緊要事件即著專摺馳奏。即現在收撫潰卒情形亦著據實入告並將所部

各營重加整飭。迅將胡大貴、李高、啟雷、恆、叛弁設法擒斬。赫明堂等首鼠兩端。如果生心煽惑。亦當設法誅鋤。其周顯承所招該提督舊部。卽著併歸前敵。統交雷正綰調遣。仍不得與周顯承互相抵牾。楊能格前請令魏添應接統該提督所部之處。卽著毋庸置議。該提督糧餉兩缺。撫馭良難。卽著楊岳斌、劉蓉、趙長齡、楊能格、迅籌餉糈。徑解涇州糧臺。轉運雷正綰行營。以應急需。毋令再有缺乏。至

各營潰卒人數眾多。誠恐乘隙紛竄。胡大貴等自知罪不容誅。難保不糾黨潛逃。並著楊岳斌、德興阿等。調派各軍嚴密勦捕。盡法懲辦。陝西沿邊各隘。劉蓉等務當飭令在防將士實力堵遏。毋稍疏虞。將此由六百里諭知楊岳斌、德興阿、趙長齡、劉蓉。並傳諭雷正綰、楊能格知之。○又諭德勒克多爾濟奏採辦巴里坤糧石。查詢諸多窒礙。請暫緩採買一摺。據稱歸化城糧價。每石需銀二兩五錢。既

屬昂貴。而由歸化運赴巴里坤。約計一百餘站。駝價多至五倍。以殺虎口解到稅銀一萬兩。分給米價。駝價買米無幾。無裨實用。請飭巴里坤領隊大臣。訥爾濟查看該處情形。如就近有減價駝隻雇覓。派員接運。卽由歸綏道買就米石。以備提取。如不能雇駝接運。或附近巴城有可以採買之處。卽將銀兩解赴烏城。以便迎提採辦等語。所奏自係實情。惟巴城需餉甚亟。必須設法籌運。方足以資兵

食。著訥爾濟察看該處駝價。較歸化城減省。卽飛咨德勒克多爾濟。速飭歸綏道購就米石。訥爾濟一面委派妥員。雇覓駝隻。赴歸化城迎取。至道路既近。則腳價較輕。如駝隻亦不易雇。卽著訥爾濟探明巴城附近。可以採買糧食之區。飛咨德勒克多爾濟。將現存稅銀一萬兩。解赴烏城。由明誼等知照。訥爾濟就近迎提採辦。以濟要需。前據廣鳳等奏古城奇台等處。均經民勇收復。是由烏城前赴

巴城道路尚無梗阻。明誼等當速籌運辦。毋得稍涉遲誤。至此項餉需。必由科布多經過。並著廣鳳奎。昌飭令站員妥為護送。俾利遞行。將此由五百里各諭令知之。○直隸按察使李鶴年奏擒匪由曹境奔竄。沿河無賊。仍飭各將弁嚴防。得旨。侯劉長佑旋省。即將防務商同妥辦。不可因賊蹤已遠。稍涉大意。○

上以孟冬時享

太廟。自是日始齋戒三日。○庚寅。以升祔。

太廟禮成。頒詔天下。詔曰。朕惟典著明禋。崇德與報功並重。詩歌烝畀。乾健與坤順同符。烈考傳既右之文。聖神用享。大任有思齊之誥。祀事同申。爰沛新綸。用彰茂矩。欽惟

皇考文宗顯皇帝。

文明秉德。

顯赫垂猷。

欽始欽終。

首出克諧。夫廣運。

允恭允塞。

心傳遠紹。夫靈承。

椒闈勤定。省之儀。問安視膳。

藻緯策平。成之績。訪範陳疇。

勇智之錫。自天。

撫辰握鏡。

聖敬之躋。以日。

恭己垂裳。惟恤惟休。蠲賑則感深黎庶。汝為汝

翼詢事則勵乃臣工。表日月之光華。

龍圖式采。振風霆之教令。虎拜揚麻。

續武敷文。

紫宸加勵。外綏內撫。

丹宸宣勤。

鼎命長凝。

乾符在握。式九圍而

幾康必勅。告萬方而

功允聿成。瞻

帝德之崇高。宜隆肝鬐。仰



神威之震耀。永肅丕嘗。享祀必先。飭奉醴奉牲之義。臚詞莫罄。過多福多祜之麻。

皇妣孝德顯皇后。

謙肅持躬。

溫和表度。

厚載適符乎壺職。

化洽家邦。

柔嘉克贊夫。

皇風。

恩周禁篲。敬切。

盤迤之慕。祇陳蓬豆之嘉。象月因時。每望。

都宮而致恪。愜聞僊見。更依。

黼幄以摠忱。謹率諸王貝勒文武諸臣。於同治。

四年九月二十六日。恭奉。

文宗協天翊運執中垂謨懋德振武聖孝淵恭。

端仁寬敏顯皇帝神位。

孝德溫惠誠順慈莊恭天贊聖顯皇后神位。合。

附於。

太廟十一年翼戴同深。惟民從乂。億萬載肅。雖是飭式禮無愆。既奉祀以鳴虔。宜推恩而錫類。所有事宜。開列於後。一。內外大小官員。於從前恩詔後升職加銜補官者。悉照現在職銜給予封典。一。試職各官。俱准實授。一。貢監生。仍派大臣官員考定職銜。照舊例送吏部註冊。一。各省儒學。以正貢作恩貢。次貢作歲貢。一。貢生監生在監肄業者。免其坐監一月。一。軍民年七十以上者。許一丁侍養。免其雜。

派差使。一。窮民無力營葬。並無親族收殮者。該地方官擇隙地多設義冢。隨時掩埋。毋使拋露於戲。本仁以教。駿奔則殮濟多儀。惟德是依。燕翼則靈長誌慶。統百世而臣民歡洽。無競維人。合萬國而俎豆馨香。告成於廟。布告天下。咸使聞知。○諭內閣。昨因。

文宗顯皇帝神牌升附。

太廟遲誤時刻。當經降旨。將恭送。

神牌還京遲誤之豫親王義道。禮部尚書倭什。

琿布分別交宗人府吏部嚴加議處。禮部侍郎察杭阿。一併交部議處。茲據惇親王奏稱。是日遲誤之由。皆係察杭阿執意俟卯正方請

神牌。由朝陽門外

黃幄啟行。而義道倭什琿布。一味聽從。毫無主見。即使未遇泥淖。已屬遲誤時刻。且鍾郡王於前一日。已令將時刻改早。而察杭阿堅執不從。是義道倭什琿布。咎固難辭。而察杭阿

專擅之罪。尤浮於義道等。申明處分原委。請旨等語。著鍾郡王。豫親王。義道倭什琿布。察杭阿。明白回奏。○又諭。前因劉蓉奏。參陶茂林貪污不法各情。並陶茂林營勇潰散情形。疊經降旨。交楊岳斌確查具奏。茲據奏稱。該營所欠口糧。實由餉絀所致。軍士因索餉所得無多。藉詞侵蝕。相率譁散。該提督經過地方。收受陋規。州縣官往往執贄門下。其心跡貪污。已可概見。至收納回女一節。該營女眷

甚多是回。是漢實難明悉。惟該提督於上年赴援靖遠。一聞春屬行抵蘭州。輒自徑回省。垣至本年正月。始行出省。該營勇丁紮營地方。搶掠淫虐。不堪言狀。各等語。陶茂林以專閫大員。輒敢廢法營私。以致所部兵勇。到處滋擾。始而潰逃。繼以挫敗。實屬咎無可辭。著即行革職。以示懲儆。另片奏陶營勇丁往援靖遠。道經貢馬井。剝取紳民衣服。搶掠婦女。並熏死山洞居民各等語。勇丁肆擾害民。更

甚於賊。該營官等毫無防範。殊堪髮指。記名總兵借補涼州鎮標左營遊擊李邦英。記名總兵借補西甯鎮標中營遊擊陶生林。儘先副將借補瑪納斯協標左營都司鄧洪池。儘先參將班樹傑。副將銜即補參將李春海。儘先副將借補肅州鎮屬高台營都司陳正榮。均著先行革職。交楊岳斌嚴行審辦。俟訊明後。再行分別奏請。○又諭。前據都興阿奏。參署甘肅臬司楊炳鐸。署總兵穆隆阿。辦

理撫局不實當經降旨交楊岳斌查明具奏。茲據該督奏稱楊柄銓等辦理招撫事宜雖因兵單餉絀惟未能妥籌善後以致固原州城復被賊陷實屬咎有應得除楊柄銓業經照部議降二級調用無庸置議外穆隆阿著交部議處。○諭軍機大臣等稽查北新倉御史周星譽奏在倉花戶勾串倉外匪徒把持舞弊請飭拏辦一摺倉務關係甚重豈容該匪徒等狼狽為奸著步軍統領衙門順天府

五城即將花戶楊坦暨匪徒廣幅等五犯按照該御史單開住址一體嚴密緝拏解交刑部嚴行訊辦毋任漏網並不得聽該匪等狡展誣扳再此等匪徒平日各將家屬分住數處伊隨地寄居僕遇查拏便於逃脫往往藏匿數月仍然到倉官役並不查究嗣後凡遇交拏之犯卽當時不能弋獲定案者無論日期久暫仍應拏獲不得因此案已結任聽案內逃脫之犯出入自如以懲積蠹原單均著

鈔給閱看將此各諭令知之。○又諭左宗棠奏近日賊情請收回節制三省成命並官軍勦賊獲勝及土匪戕害官兵情形各摺片賊由粵境竄擾江西定南龍南之交其勢甚張疊經諭令左宗棠瑞麟郭嵩燾劉坤一等派兵會勦並令李瀚章嚴防楚境茲據左宗棠奏逆氛已竄江西勢將於江粵湘三省邊界奪路狂奔該督現駐漳州去賊甚遠兵機最忌遙制請收回節制三省各軍成命等語賊

蹤雖距閩粵較遠左宗棠卽可不必入粵惟各路將領必須有威望重臣節制調度方足以一事權不至各懷觀望致誤事機左宗棠惟當視賊所向前往江西居中調撥相機勦辦以期迅殄狂氛俟此股賊匪殄滅淨盡方能卸此重任此次所請收回成命之處著毋庸議其八月二十一日寄諭命查之件仍著左宗棠迅速查辦據實覆奏劉坤一當飭席寶田等軍乘勝痛勦瑞麟郭嵩燾懷遵疊次

諭旨督率粵軍跟蹤夾擊。僅任令該將領等遲延觀望。縱賊不剿。必惟該督撫等是問。李瀚章仍遵前旨。督飭防邊各軍。實力扼截。不得任賊竄突。高連陞等軍奮勇追賊。為粵東土匪截殺戕害。竟至三百餘名之多。實屬形同叛逆。著瑞麟、郭嵩燾、懷遵前旨。趕緊嚴拏。盡法懲治。嘉應一帶偏地土匪尤應捕治淨盡。不可稍涉姑容。敷衍了事。貽後日無窮之患。左宗棠片著鈔給瑞麟等閱看。將此由六

百里各諭令知之。○又諭楊岳斌奏接准雷正綰咨稱該營兵潰情形一摺。與劉蓉揚能格節次所奏情形相同。雷正綰入甘以來頗著戰功。此次該軍潰亂。該提督以死自誓。將所集各勇力圖整頓。是該提督心跡已明。即可毋庸置議。昨已諭令將所部各營重加整頓。並准其遇有緊要軍務。專摺馳奏。著楊岳斌仍遵前旨。傳知該提督感激激圖報。簡練精銳。相機剿賊。以贖前愆。胡大貴等乘機倡亂。

罪大惡極。前已降旨革職。緝拏正法。其劉車龍一員。前據劉蓉奏稱在涇州守禦出力。已照請開復參將。茲據楊岳斌奏稱劉車龍擅棄韋州。並因雷正綰被議。亂造謠言。與劉蓉所奏情節不符。仍著楊岳斌詳悉查明。分別辦理。各處回匪。近日剿辦若何。該督仍當統籌大局。妥為布置。務臻周密。以期次第廓清。用副委任。將此由六百里諭令知之。○又諭。德勒克多爾濟、王榕吉奏會商西北邊防。就

現有兵力。分別布置。並請飭察哈爾挑選馬隊。以備徵調。楊岳斌奏請飭山西迅撥餉銀。各摺片。德勒克多爾濟等所籌西北內外邊防。布置尚屬周妥。即著嚴飭在防旗綠各營員弁。統帶所部官兵。隨時操練。實力防守。毋稍大意。挂成現已統帶烏蘭察布盟等兵。察看西南邊界。擇要駐防。著即於由甘入蒙扼要處所。擇地駐守。以防賊匪竄突。或於石嘴子登口之間。相機防堵。即著德勒克多爾濟

等酌度情形。隨時咨商辦理。惟歸綏邊境及蒙古部落。均與甯夏毗連。遠戍近防。地方甚為遼闊。該將軍雖就現有兵力。內外設防。仍須添備得力馬隊。方足以策萬全。即著阿克敦布。康奎就近挑選察哈爾精壯馬隊一千名。備齊軍械。並隨時勤加操練。以備該處徵調。毋稍延誤。甘省需餉緊要。屢經降旨嚴催。茲據楊岳斌奏請飭山西撥餉。以濟眉急等情。即著王榕吉。飭令藩司先行籌撥庫銀五

萬兩。河東道籌撥庫銀三十萬兩。迅速解交甘肅楊岳斌軍營。如道路尚未疏通。即交甘省守提委員。設法匯兌。毋得遲延干咎。將此由五百里諭知德勒克多爾濟桂成。阿克敦布。康奎。並傳諭王榕吉知之。○以太常寺卿奕慶為內閣學士兼禮部侍郎銜。○以甘肅河州鎮總兵官曹克忠為提督。記名總兵官李助發為甘肅河州鎮總兵官。○以禮部裏辦禮儀。始終勤慎。賞郎中李文敏等花翎。餘

升敘有差。○以江西長甯勦匪獲勝。復已革總兵官王開琳職。免已革參將熊常富罪。予軍功鄧仕高以守備用。○予廣東興甯陣亡參將王得盛都司周興義守備李鳳翔等。祭葬世職加等。○予甘肅平涼殉難守備夏承惠教諭王汝揆等祭葬世職加等。王汝揆家屬旌卹如例。○賞普濟堂功德林煮賑小米三百石。○辛卯。孝敬憲皇后忌辰。遣官祭

泰陵。

上以孟冬時享。

太廟。前期親詣行禮。○諭內閣。馬新貽奏浙江台州府屬民情强悍。聚眾械鬪等案。層見疊出。地方官每因吏議暴嚴。不無瞻顧消弭之弊。擬請嗣後台州府屬各縣。遇有此等案件。如有知情故縱及諱匿不報者。仍照例叅處。如僅止失於覺察。准其寬免處分。責令認真按捕。至仇殺謀殺致斃多命之案。照尋常命

案開參准免扣限四箇月查參革職留緝處分其尋常命雜各案及他府所屬不得援以爲例等語所奏係爲整頓地方變通辦理起見著該部妥議具奏尋議失察處分定例從輕從嚴本極允當未便議予寬免酌擬寬予限期其失察械鬪處分例應百日限滿降一級調用者改爲降一級留任限一年限滿不獲降一級調用失察仇殺謀殺致斃多命處分例應扣限四箇月查參革職留緝者改爲

革職留任限一年限滿不獲革職留緝他府所屬仍不得援以爲例從之又諭李瀚章奏持叅庸劣不職之正佐各員請分別革職休致一摺湖南署益陽縣知縣陳樾玩視民瘼心術巧詐慈利縣知縣沈理性情疲軟政務廢弛候補知縣陳安才具庸懦頗有嗜好寶慶府通判葉榛捕務不力候補巡檢楊延泰性情浮動醴陵縣典史彭志潛聲名平常均著一併革職龍陽縣知縣黃驪病體軟弱

難膺民社候補通判師鳴鳳昏憤庸俗難期振作均著勒令休致以肅官方○諭軍機大臣等麒慶奏備兵防勦馬賊添設馬隊槍操一摺熱河馬兵經麒慶逐加挑選練習槍操必須日臻精熟方期得力現擬統設馬隊兵三百名以爲緝捕馬賊之用惟該處馬匹短缺不敷差操著理藩院傳知卓索圖昭烏達兩盟於各旗王公等所捐馬匹內揀選口輕膘壯驕馬一百匹派員送交熱河都統衙門

備用毋稍延緩並著該盟長等轉飭附近各旗各挑選馬隊一二百名遇有馬賊蠢動卽由麒慶剴調與熱河馬隊分投兜擊以期淨絕根株至熱河添設馬隊向無成案現在神機營訓練馬隊章程與各處情形不同未便擬照辦理山海關添練馬隊經長善奏有現辦章程卽著長善鈔錄一分咨送熱河都統衙門惟事貴因地制宜如有應行變通之處著麒慶斟酌辦理以期妥善所添馬隊仍著

隨時加意操練。俾成勁旅。務期緝捕得力。不得有名無實。將此各諭令知之。○補鑄廣西梧州協副將貴州遵義協副將涓潭綏陽等縣知縣江蘇瓜洲營守備各關防印信條記。從總督勞崇光。巡撫李鴻章張凱嵩請也。○予直隸雞澤殉難典史石鳳洲祭葬世職。○予浙江各屬陣亡殉難官弁府經歷呂成思等暨紳民婦女三百四十四員名口分別旌卹如例。

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十五

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十六

同治四年乙丑冬十月壬辰朔享

太廟遣怡親王載敦恭代行禮 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢○

上詣綏履殿問

慈安皇太后安平安室問

慈禧皇太后安至辛酉皆如之○奉

慈安皇太后

慈禧皇太后幸漱芳齋侍午膳○頌同治五年

時憲書○試中式武舉張蜀錦等八十四人

於太和殿前○諭內閣前據惇親王奏稱

文宗顯皇帝神牌還京遲誤之由皆係禮部左

侍郎察杭阿執意俟卯正方請啟行等語當

經降旨令鍾郡王豫親王義道倭什琿布察

杭阿明白回奏嗣據鍾郡王等先後陳奏於  
所以致誤之由語多參差未能合一

神牌升祔大典攸關該王大臣等宜如何敬謹  
將事乃因時刻遲逾降旨詢問該王大臣等  
所奏互有參差若再令明白回奏勢必聚訟  
紛紛更生支蔓尤屬不成事體所有察杭阿  
處分仍著該部遵照九月二十七日諭旨議  
處具奏○諭軍機大臣等劉坤一奏湘軍追  
殺竄賊定南龍南擊退撲城股匪並精毅營

扼勦大勝一摺逆匪由青龍等墟敗竄後王  
開琳一軍復追及於白水渡斬馘千餘其前  
股竄至天花寺下厯墟圍攻橫岡營城並分  
股直撲定南廳城經同知王大枚會督兵勇  
擊敗斬擒甚多餘逆悉竄龍南徑撲縣城復  
為知縣王家傑等會軍擊退席寶田先期馳  
抵贛南鐵石口一帶扼勦連日督軍鏖戰汪  
逆背受矛傷幾被擒獲並殲除悍賊萬餘該  
逆再竄龍南圍攻縣城復經官軍出勦該逆



精銳殆盡。現在賊眾不過三萬餘人。復由江西敗回粵境。展轉於永和連平境上。勢已萬分窮蹙。亟應會集諸軍。實力兜剿。為一鼓聚殲之計。著左宗棠仍遵二十八日諭旨。迅赴江西。擇要駐紮。居中調度。檄飭各軍。剋期會剿。並著劉坤一、飛檄席寶田、王開琳等軍。越境進攻。乘勝痛擊。迅殲醜黨。該逆自鎮平克復後。從西南折竄長甯。閩軍窮追數晝夜。而粵東曾未聞有一騎一卒躡賊追剿。殊屬玩

延。此次該逆被擊勢窮。復由江竄入粵境。餘眾尚有三萬餘人。難保不鋌而走。險復逞狡謀。瑞麟、郭嵩燾既無會剿之師。嚴扼邊境。豈得復以驅賊入粵為解。諉過鄰封。著瑞麟、郭嵩燾嚴飭粵東在防諸軍。與江閩官軍相機聯絡。協力夾擊。務將此股竄匪悉數殲除。以靖地方。儻不能實力堵截。致該逆深入腹地。復形蔓延。瑞麟等自問當得何罪。將此由六百里各諭令知之。○又諭崇實駱秉章奏周

達武所部未能抽撥。請調湘果等營赴陝等語。周達武一軍現已深入松潘夷巢。勢難抽撥。著照崇實等所請。即飭蕭慶高所部之湘果數營。並現紮褒河一帶之彝字三營。趕緊起程。剋日前進。現在陝西邊防已鬆。而甘省軍事方亟。著趙長齡、劉蓉於蕭慶高等拔營後。催令取道入甘。歸楊岳斌調遣。以資得力。正在寄諭間。據楊能格奏。逆回窺伺慶環。大股分撲狂竄。經魏添應等督軍勦擊。連次獲

勝。克復西峰曲子兩鎮。並廟家河等寨。惟逆眾數萬。竄撲慶陽。此次以少勝多。仍恐去而復來。著楊岳斌妥籌兼顧。並飭令楊能格督率在防兵將認真防守。毋稍疏懈。又據聯捷奏。近日與賊接仗。獲勝情形。並列保博多洪武等多員。又奏移軍靜甯。辦理招撫潰勇事宜。並雷正綰咨送楊能格招摺。差吳錫齡到營。聞有勾結回目情事等摺片。聯捷以奉旨出關之員。不思前進。輒藉詞招撫潰勇。移軍

靜甯時而勦賊時而議撫不知所稱勦賊立功各員果實有其事否本日已批飭該員卽日出關著楊岳斌確切查明如果獲勝屬實再行奏乞恩施雷正綰所部現已安輯如零星潰勇尚有在外滋事者著楊岳斌責令雷正綰妥為辦理毋得自貽伊戚馬化澂是否有勾結情事並著查明具奏聯捷摺片四件著鈔給楊岳斌閱看將此由五百里各諭令知之○伊犁參贊大臣聯捷奏親督各隊勦

匪獲勝請獎出力人員得旨聯捷屢經有旨催令出關該大臣輒藉詞勦辦甘肅回匪遂其遷延不進之計實屬疲玩著懍遵前旨迅將經手事宜咨交楊岳斌辦理剋日整隊由肅甘一路會同成祿出關不准再以甘肅軍情拉雜入奏以圖飾聽懍之○以江西定南等處勦匪獲勝賞總兵官龔繼昌一品封典並花翎總兵官唐本有知府謝蘭階副將王學開蔣懷清羅瑞山參將劉建業韓孝忠遊

擊榮維善王開氣都司湯有光巴圖魯名號按察使席寶田等升敘有差予陣亡參將榮光貴都司李仲衍把總姚三勝等祭葬世職加等○以甘肅紅德城勦賊獲勝賞參將苑清元都司魏春林巴圖魯名號同知程卓山等花翎總兵官魏添應等升敘有差○癸巳諭內閣都察院奏順天民人王二以倉役舞弊偷漏米石等詞赴該衙門呈控一摺此案密蠟肩張二卽張成舟之子張三膽敢更名

藏太甸串倉役門丁偷漏漕米至五六千石之多實屬大干法紀張二卽張成舟係奉旨飭拏之犯何以任聽身後把持該民人王二有無挾嫌誣捏均應徹底根究著刑部提集人證分別嚴訊懲辦以儆蠹役而重倉儲○諭軍機大臣等本日據長善奏探訪邊外馬賊肅聚情形一摺及鈔錄防守尉錫昌稟彙一件所陳請飭各省派兵合勦及熱河各州縣密派兵役掩捕各節已寄諭盛京熱河直

隸各將軍都統總督等悉心妥籌會商辦理長善仍當操練營兵以備調遣並嚴飭各口防守尉認真守禦毋稍疏懈此次所寄盛京等處諭旨並未明示以係由該副都統陳奏長善此摺著毋庸咨行各處以昭慎重將此諭令知之○又諭富平阿等奏拏獲首要賊犯訊供辦理一摺黑旗頭目王洛疋痘即王兆詳與池尚雲在空楊樹一帶意圖勾結進邊滋擾不法已極現據興京通判劉景醇派

弁弋獲此等要犯豈可久稽囹圄致生他變著卽於訊明後就地正法以昭炯戒未獲各犯仍責令認真緝捕火石嘴子賊匪二百餘人現往何處著恩合等飭地方文武員弁實力捕勦毋任竄擾本日又有人奏探訪邊外馬賊嘯聚情形繕單呈覽一摺據稱探得赤峯縣哈達地方馬賊聚約有千餘人並目覩丁起龍劉廣明等住址立有標局寶局同夥多人練習刀槍現經馬賊自奉天小黑山

等處搶得車輛俱在張洪禮家窩藏地方官知而不問奉天拏獲馬賊內竟有執持熱河官員印照是口外馬賊直以番役為藏身之地等語熱河番役丁起龍等疊經有旨令麒慶查拏嗣據麒慶奏稱丁起龍等並無為匪不法情事現據有人奏稱探明確鑿情形是丁起龍張洪禮實為坐地分贓窩藏匪犯之人該都統何以形同聾瞶一至於此著卽嚴密查訪認真辦理如任令該番役等知覺遠

颺或他出滋擾必將麒慶從重治罪決不寬貸懷之恩合劉長佑均有派出兵弁著與麒慶會商妥辦為先發制人之計原摺單著摘鈔交恩合等閱看本日據兵部呈進廣東水師提督溫賢賀摺內有一件封筒撕破有差弁黃紹忠及邯鄲縣結呈係在邯鄲城南二十里鋪迤北被匪攔搶銀物並將賀摺黃綾封套損破等語邯鄲為直隸西南孔道該匪膽敢搶劫招弁銀物並撕破摺件範法已極

著劉長佑嚴飭該地方文武實力捕拏如犯無弋獲卽行照例查叅毋稍寬縱將此由四百里各諭令知之○又諭理藩院奏據阿拉善王報稱軍需無著供支艱難請飭籌撥以免貽誤等語阿拉善王貢桑珠爾默特自甘肅軍興以來捐輸墊辦防堵蒙兵餉需並挽運軍糧火藥等項共銀二萬餘兩駝馬四百匹之多軍務一日不竣則臺站一日不撤該親王力難為繼自應迅籌接濟以恤外藩著

都興阿穆圖善楊岳斌就近體察情形嗣後應如何籌款撥給之處迅卽妥為設法籌辦至該旗派出蒙兵歷年受傷陣亡官四員兵一百六十餘名前經理藩院咨查該督造冊議卹其解餉回空遇賊被害之兵丁六名由甯夏將軍咨報理藩院亦未聲明兵丁名目無憑議給卹典並著該將軍總督等迅速查明造冊咨送理藩院毋再遲延將此由四百里各諭令知之○又諭劉蓉奏堵剿逆回獲

勝涇長情形稍鬆追剿陶營叛卒擒獲首犯殲斃悍黨餘匪悉數遣散楊得勝等軍暫留延鄜嚴防三岔廳等處各摺片甘省逆回盤踞新城黨原兩鎮分股由豐臺擾及長武等處經譚玉龍等帶隊截擊雷正綰所部亦各奮勉圖報堵其竄路該逆復撲涇河川又經譚玉龍等克之敗匪一股退竄鎮原一股退竄蕭鎮其新城大股亦退回固原及炭山等處荔家堡之賊亦由蕭鎮北竄該逆因陝省

邊防嚴密不能遂其東竄狡謀旋即逡巡敗退著楊岳斌趙長齡劉蓉督飭周顯承等會合陝軍乘勝進攻分路躡剿務將此股竄回就地殲除毋令再行闖入陝疆陶茂林營叛卒經蕭德揚等在郝坪等處分路進剿將首逆王正明等擒獲著趙長齡劉蓉卽飭將王正明等犯解省訊明正法以昭炯戒其遺散餘眾並著妥為辦理毋令沿途滋生事端此次追剿叛卒出力之員弁等著准其彙入彭

體道等勦辦潰卒案內擇尤保奏。楊得勝、鄔太愚兩軍既據劉蓉奏稱撤赴慶陽，則延鄜門戶空虛。卽著照所請暫留延鄜防堵。毋庸撤赴慶陽。歸楊能格調遣以固藩籬。劉蓉現派譚玉龍等赴甘跟剿。著楊能格督飭現有兵力會合譚玉龍等軍將北路竄匪兩面夾擊。迅殄逆氛。甘肅潰勇竄至三公廳，叛將胡大貴所部千餘人擾及秦州。著趙長齡、劉蓉督飭防軍實力堵剿。楊岳斌一面派兵會擊。

毋任蔓延為患。雷正綰當懷遵疊次寄諭將胡大貴等設法擒斬以贖前愆。劉蓉患病請俟趙長齡抵陝後交卸就醫。現在甘省逆回叛勇紛紛潰竄，陝省邊防緊要，劉蓉所部各營必須有得力統將嚴明約束，足保無虞。劉蓉方可卸責。所有布置情形及一切應辦事宜著劉蓉與趙長齡悉心會商，務期諸臻妥協。方准起程。不得急圖交卸致有貽誤。將此由五百里諭知楊岳斌、趙長齡、劉蓉並傳諭。

楊能格雷正綰知之。○以恭辦定陵差務妥慎，賞郎中阿爾薩蘭武備院卿銜。○以捐辦兵餉轉運軍需出力，賞阿拉善親王貢桑珠爾默特子喇嘛扎拉穆沁旺濟勒諾們罕名號。台吉巴拉沁班咱爾廓察鎮國公銜。○以塔爾巴哈台會剿回匪獲勝，賞轉世喇嘛棍噶扎勒參呼圖克圖名號。撥工部火藥五萬斤解赴陝西軍營備用。○甲午諭內閣現值天氣漸寒。

實錄館人員朝夕恭纂書籍，著加恩於例支柴炭外，十一月、十二月、正月每月賞銀五十兩。在廣儲司支領。派禮親王世鐸鑲黃旗蒙古都統明慶正黃旗漢軍都統福興校閱中式武舉馬步射技勇。命喀喇沁扎薩克公銜塔布囊烏凌阿在乾清門行走。命前任太僕寺少卿徐繼畲以三品京堂候補在總理各國事務衙門行走。○以

文宗顯皇帝

孝德顯皇后奉安

山陵暨

升祔典禮襄辦出力予工部郎中博惠等升敘有差（乙未）

上御養心殿引見中式武舉親定甲乙（諭軍機大臣等官文等奏擊退襄棗竄匪楚軍出境會勦吳昌壽奏南路之賊竄擾魯山請將大名駐防馬隊調赴河南各一摺張總愚股匪闖入襄棗境內經江長貴等軍擊退姜玉

順等軍復由新野回勦賊勢不支急竄裕州賒旗店等處又經豫軍截擊該逆折竄魯山縣境駛向西北勢將擾及嵩洛此股賊匪往來楚豫之交趨向靡定必須合兩省兵力聯絡夾擊方能得手官文鄭敦謹仍當嚴飭姜玉順譚仁芳等視賊所向統兵前進會合豫軍相機兜勦並檄劉維楨之軍迅由棗陽前赴豫境策應不得以賊已出境稍存吟域之見吳昌壽已派馬德昭率所部馳赴河洛張

學醇等軍由襄郟繞赴汝州截擊卽著督飭各軍探明賊蹤實力痛勦迅殄逆氛賴牛各逆前由曹單一一路竄往蕭碭境內曾國藩自已設法布置近日勦辦情形若何仍著詳細具奏以慰廑念其西路股匪亦當妥籌兼顧以期萬全豫省馬隊太單現在直隸河防漸鬆所有副都統安住所帶馬隊卽著劉長佑飭令統帶赴豫交吳昌壽調遣官文另片奏鮑超一軍業已起程赴江仍請催令前進等

語朝廷因豫南軍情緊要是以改調鮑超一軍就近由楚赴豫嗣據曾國藩奏到亦有鮑超一軍調赴豫省於粵無損於豫有益之語茲覽官文所奏以上杭霆軍降眾太多心志不一並未帖然畏服僅聞鮑超留楚赴豫之信紛紛而來諸多窒礙所見亦是卽著官文傳知鮑超仍卽馳赴江西將所部新舊各軍妥為部勒相機進兵仍聽左宗棠節制所有該軍餉需仍著劉坤一源源撥解毋令缺乏

將此由六百里各諭令知之○又諭都興阿  
穆圖善奏雷營兵變布置防範情形及請飭  
晉省籌銀採辦米石楚勇兩營難再撤回各  
摺片雷正綰所部潰變後該提督不肯從逆  
屢思自盡隨時將潰勇設法招集撫定折回  
固原接據劉蓉楊能格等奏到已准令該提  
督單銜奏事都興阿等所奏尚係前此未確  
之信是目下情形較為安定都興阿等現已  
抽撥西蒙克西克兩起馬隊赴陝則涇州一

帶尚可藉資防勦安住所帶馬隊本日已准  
吳昌壽奏調赴豫勦擒勢難改令赴陝都興  
阿等當飭令西蒙克西克相機勦辦以遏回  
氛並隨時知照劉蓉妥籌堵禦段登雲一軍  
現擬調援慶陽甯夏東路既慮空虛即著桂  
成酌帶蒙兵就近移紮花馬池以壯聲勢都  
興阿等仍當激勵將士規取甯夏郡城毋稍  
鬆勁甘省糧食缺乏軍士謦謦待哺困苦已  
極都興阿已派色楞額馳往歸綏守催倉穀

兼籌採辦運解自係迫不可緩之事著王榕  
吉趕緊籌撥銀二萬兩交歸綏道儘數採辦  
米石迅速運解以濟兵食此項銀兩准於山  
西月撥都興阿軍餉項下分月陸續扣還並  
著德勒克多爾濟就近督令歸綏道將此項  
米石設法採辦刻即運解不得藉口推諉致  
誤要需至都興阿所部現在分撥援勦兵力  
已單袁復清一營駐紮甯夏城北羅承勳一  
營駐紮定邊縣境皆關緊要即著毋庸調回

山西王榕吉惟當會同陳湜就現有兵力妥  
為布置以固邊防將此由六百里諭知都興  
阿穆圖善德勒克多爾濟桂成並傳諭王榕  
吉知之○又諭前據御史汪朝榮奏參伊犁  
參贊大臣聯捷沿途需索逗遛並劉蓉摺內  
所稱聯捷在沿途勒折錢文例外需索各節  
疊經降旨交楊岳斌詳查具奏茲據劉蓉奏  
稱聯捷統帶兵勇赴甘援勦經過陝西州縣  
節節逗遛任意勒索騷擾致令員弁兵勇倚

勢作威。該營委員降調縣丞。懋德在長武逗遛三日。捏報勇數冒支口糧。並串通都司曹鶴先訛詐威逼。曹鶴先明知勇丁竊取餉銀。轉喝令隊伍持械。勒令長武縣知縣張景福賠銀一千兩。懋德已經聯捷咨令回旗。曹鶴先現回涇州。請俟長武防務鬆後。由趙長齡提案審辦各等語。案關委員冒領勇糧。並帶兵官縱令部勇盜取官銀。匿案賠贓。虛實俱應嚴切根究。以成信讞。卽著楊岳斌趙長齡

彙入汪朝榮劉蓉前參聯捷沿途需索各節。一併確切查明。據實具奏。毋稍徇隱。原片均著鈔給閱看。本日據官文等奏稱探聞甘肅潰勇入陝。陝軍在寶雞口接仗失利。陝省已飛撤武關商南防兵。回省堵禦各等情。此事尚未據劉蓉奏報。是否實有其事。著劉蓉迅速查明具奏。據訥爾濟奏稱戶部議准撥解巴里坤銀兩。至今未到。請飭陝甘總督解由殺虎口經綏遠城直達烏里雅蘇台備撥。或

徑由殺虎口先行撥解等語。卽著楊岳斌查明如道路業已疏通。卽將應解巴里坤餉銀由甘省迅速解往。如道路梗阻。卽著改道由殺虎口草地一路解至烏城。以應急需。毋稍延緩。所請先由殺虎口監督先行撥解之處。並著楊岳斌斟酌情形辦理。將此由六百里各諭令知之。○又諭明誼等奏收復奇台濟木薩城垣。訥爾濟奏擊退竄撲巴城逆匪。並收復奇台縣城。及何瑄奏擊退回匪攻撲巴

城各摺片。此次賊匪糾眾在巴里坤三十里堡肆擾。經何瑄等督率滿綠民勇奮力攻勦。足以寒賊膽而快人心。本日已降旨將何瑄超擢巴里坤總兵。該員自當感激殊恩。力圖報稱。卽著訥爾濟商同協守。不得以賊氛已遠。稍涉疏懈。古城奇台等處現經收復。其安設旗綠官兵及一切善後事宜。並著訥爾濟妥籌辦理。聯捷等軍疊諭迅速出關計日。卽可西征。著訥爾濟仍遵前旨飛速迎提。以厚



兵力。其古城等處克復詳細情形並著查明具奏。鎮迪道文麟退避何處竟無下落殊出情理之外。卽著訥爾濟查明辦理。奇台縣知縣恆頤請撥職位火藥。明誼等因前已解赴巴里坤。未經再解。自是慎重之道。卽著訥爾濟察看情形。如奇台須用礮火酌量分撥。巴城餉需支絀。儘各省協餉有解至烏里雅蘇台地方。卽著明誼等設法妥解。毋稍延緩。麟興奏分界委員岳嵩武著有微勞懇請獎敘

等語。現在分界事宜尚未辦畢。著先行存記。俟分界事竣再行奏請獎敘。以昭覈實。將此由六百里諭知明誼麟興車林敦多布訥爾濟並傳諭何瑄知之。○以鑲黃旗蒙古副都統果勒敏為右翼前鋒統領。○甘肅巴里坤鎮總兵官成發翔開缺另補。以記名提督巴里坤遊擊何瑄為總兵官。○以甘肅巴里坤擊賊獲勝予協領慶壽等升敘有差。賞休致協領哈福爾罕養贍銀。○以庸劣不職甘肅

鎮西廳代辦同知照磨錢崑墀革職訊辦。○予河南白河陣亡委參領隆喜佐領慶福等祭葬世職加等。○丙申。

上御太和殿傳臚。賜一甲張蜀錦桂林香侯會同三人武進士及第二甲秦聯科等十五人武進士出身三甲福祥等六十五人同武進士出身。○諭軍機大臣等林鴻年奏昭通大路未清現在催兵催餉以圖進取暨懇陳支持急切情形各摺片並由軍機處將咨到岑

毓英原稟呈覽。滇省糜爛朝廷久深軫念茲據林鴻年所陳餉需支絀回情叵測各節自係實在情形滇省利源既為回眾把持餉項支絀日甚一日梁士美挫歸臨安岑毓英困守曲靖乞援更急而昭通一路道路崎嶇匪蹤充斥既須帶練前進又非餉項充足不克鼓行而前各省欠協滇餉及川省欠餉部定釐金津貼各款業經諭令該省督撫等迅速籌解著林鴻年分投咨催但能湊有成數卽

可妥籌布置次第舉辦遴派妥幹員弁赴昭選練以備前驅楊先芝既據該撫奏稱為回中出類之才誓滅杜逆卽宜留心察看加意籠絡當可為該撫指臂之助川省情形固屬艱窘但滇事如此棘手理當設法代籌以資接濟著崇實駱秉章懷遵疊次諭旨將積欠餉銀並部定釐金各款酌量勻撥以濟急需毋得視之漠然致林鴻年有所藉口岑毓英固守曲靖與回眾仇隙日深楊盛宗已馳往

東川密探消息暗為曲靖聲援卽著飭令該員加意控馭籠絡毋稍疏忽所請另刊木質關防卽著刊發雲南藩司木質關防一顆劉文岑毓英斟酌開用以昭信守勞崇光疊經催令赴滇現在行抵何處久未據該督奏聞著懷遵前旨飛速起程赴滇與林鴻年商辦進止機宜毋得藉故遷延致干重咎將此由五百里各諭令知之○署吉林將軍阜保奏遵旨籌勦馬賊獲盜者量功酌獎通賊者盡

法嚴誅已通飭旗民及緝捕各員一體查辦得旨恩合現已帶兵出省賊匪悉仍回竄吉林惟當嚴飭派出之兵於接壤扼要處所會同奉省之兵實力勦擊仍一面查照軍機大臣所奏辦法出示曉諭懸立賞格嚴密拏獲伏匪以期捕斬淨盡豈可因兵力單弱不求實際徒託空言○丁酉諭軍機大臣等前據軍機大臣等奏籌勦馬賊章程當經諭知恩合等知照伯彥訥謨祜於蒙古官兵一體照

辦茲據該親王告假回旗已經允准卽著傳諭該親王於行抵科爾沁揀選得力蒙古兵丁扼要駐紮按照軍機大臣等奏定章程遇有奉天熱河等處馬賊竄入蒙古地方協同勦辦並傳知蒙古各旗王公等一體截擊卽由伯彥訥謨祜督同各該盟旗商酌辦理蒙古官員有能擒獲著名盜首及斬梟盜犯多名者准該親王奏請獎敘從優給以升銜升階翎支兵丁等給以六品至九品頂帶功牌

卽照軍功例請獎。僕兵弁藏匿賊犯並知而不首者卽行奏明。按照窩盜罪名懲辦。如或盜犯畏懼兵威。伏而未動。該親王等所備蒙古兵丁雖不必輕於攻勦。亦當購覓眼線。嚴拏著名首犯。儘數懲辦。奉天熱河等處如派有兵役越境至蒙古地界緝賊。亦卽幫同協拏。如有擒獲賊犯。協拏之蒙古官兵亦准一體獎敘。其安分良民並著通行曉諭。照常安居。嚴飭兵弁等不得妄拏驚嚇如良民能辦理團社協助兵弁立功亦准其同列獎敘。以昭獎勸。伯彥訥謨祜當深體除暴安良之意。於奮勇之中仍寓謹慎之心。以副委任。軍機大臣等奏定章程著鈔給閱看。將此諭知伯彥訥謨祜並著理藩院傳諭沿邊各盟蒙古王公等知之。○宗人府會同吏部奏遵議恭奉。

神牌還京遲誤時刻。應將左宗正都統豫親王義道禮部尚書倭什琿布均照不應重降二

級留任例上加等。議以革職留任義道按兼攝職任扣除全俸。禮部左侍郎察杭阿照例降二級留任事關。

升祔大典均不准其抵銷從之。○科爾沁親王伯彥訥謨祜奏請賞假兩月回旗祭埽祖塋。允之。○以神機營操練整齊。予醇郡王優敘。尚書文祥等議敘。賞候補五品京堂榮祿等花翎。通判景瑞監翎。免已革副都統博崇武遣戍。餘加銜升敘有差。○以山東嘉祥守城出力。賞同知銜署知縣黃景晟花翎。餘加銜升敘有差。○予江西瑞金暨陶家渡傷亡參將周尚福祭葬世職加等。外委章國棟祭葬世職。○予江西各屬陣亡殉難監生楊祖遙等紳民婦女一千五十名口分別旌卹如例。

○旌表守正捐軀江西新建縣民婦熊黃氏。○停山東本年例貢果品。○戊戌諭軍機大臣等劉長佑奏差竣回省日期一摺。現在捻氛南竄。豐沛惟賊蹤飄忽。奔突靡常。劉長佑

仍當督同李鶴年暨在防文武加意備禦。毋稍疏懈。至遵遷各處兵丁及各路派出員弁。前曾有旨令歸福興調遣。此時福興業已回京。各該處駐紮官兵不可無大員統率。著劉長佑選派得力之員。擇要駐守。居中調度。以免紛歧。其巡防一切應辦事宜。該督當與徐廷楷等妥速籌辦。毋稍遲延。將此諭令知之。

○己亥諭軍機大臣等。恩合奏賊匪闖入興京。並擬將徐占一等股匪招撫。密陳地方積弊。邊外賊勢。籠絡徐五情形。並覆陳勦辦章程。各摺片覽奏。曷勝憤懣。恩合前在奉天勦捕盜賊。素稱勤奮。何以此次漫無防閑。致令興京重地被匪闖入。刦獄戕官。又未能即時將賊股殲除。任其竄逸。實屬玩忽。著卽交部議處。城守尉清凱疏防賊匪闖入。咎無可追。惟到任後。卽值賊氛四起。且常川駐守陵街。尚無疏虞。著從寬免其議處。被刦之監犯若干名。係何項罪犯。並著恩合查明辦理。至

徐占一等股匪。既稱投誠。必須責令先將烏志李等首犯擒獻。方不至再有反覆。此次官兵與賊接仗。並未見該匪大受懲創。亦未見徐占一等將他股首犯擒斬。自首恩合僅憑徐占一有投首之說。遽行停止調兵。恐此事尚無把握。徐占一既稱投誠。應令其將他股首犯設法擒斬。方准其贖罪。自新再能續有擒獻。或隨同官兵出力。卽可與兵役等一體論功給獎。如此辦法。庶與軍機大臣等前奏

相合。如徐占一但以投誠為緩兵計。或仍暗中勾結。並非出自真心。則恩合仍當督飭兵勇實力勦捕。不准將就了事。至賊匪人數。究有若干。該省兵力餉需。是否足恃。該署將軍務當據實具陳。不得以粉飾含糊致誤大局。如兵力實不敷勦辦。卽著迅速奏明。候旨調撥。至所稱擬調吉林黑龍江官兵一節。吉林兵力僅能自顧。黑龍江兵徵調各處太多。均難再調。計惟有天津所練之洋槍隊及神機

營所練之威遠槍礮各隊並在京練習之吉林黑龍江各隊均曾經行陣頗有紀律堪以調用卽著恩合奏明辦理斷不可存不肯借助於人之見致誤事機徐五股匪投誠後既稱安靜著卽責令奕榕等妥為駕馭毋任滋生事端恩合現既回省卽須將應辦事宜加意整頓省城監獄聞羈犯太多亦不可不加意嚴防趕緊清理富平阿帶兵出省能否得力亦著恩合酌量辦理將此由五百里諭令

知之○又諭聯捷奏接准雷正紹來文懇請另賞差使並請將雷營勇丁移防是豫暨餉需支絀未能西行各摺片雷正紹所部潰變聯捷前奏內曾有叛將辜恩請旨勦辦等語朝廷料知雷正紹受恩深重不至喪心病狂至於此極是以疊降諭旨責令收集潰散擒斬叛首並令其專摺奏事想該提督具有天良必能感激圖報相機勦賊以贖前愆今聯捷又忽稱雷正紹恐與楊岳斌不合士卒懷

疑等語與前奏雷正紹背叛各情既屬自相矛盾於現辦情形亦顯然相背著毋庸議至稱雷正紹所部勇丁請調赴楚豫防勦一節尤屬自逞私見越分妄陳著不准行楊岳斌當傳知雷正紹令其知感知奮收合散卒簡練精銳重振軍聲力圖報稱果能殺賊立功朝廷仍當宥其既往沛以恩施正不必自懷疑懼另求差使也聯捷因軍糧不繼將隊伍分赴收降各村令降眾等輪替輸糧殊屬非

計儻兵勇徵求不已必至降回怨望激成事端尚復成何事體著楊岳斌卽將該軍餉需軍火等項籌定數目源源接濟俾得趕緊西行聯捷有此軍餉卽當懍遵疊次諭旨迅速前進不得藉口遷延致干重咎將此由六百里各諭令知之○予興京陣亡通判劉景醇防禦殷得春祭葬世職（庚子）上奉

慈安皇太后

慈禧皇太后幸漱芳齋侍午膳○諭內閣馬新貽奏覈減漕南浮收禁革陋規以肅漕政一摺浙省正漕前經降旨分成覈減並准部議以漕項籌抵運費皆所以軫恤民艱茲據馬新貽奏稱請將額外浮收痛加裁汰覈實酌留耗餘辦公以蘇民困計杭州府屬共可減浮收米六萬四千六百餘石嘉興府屬共可減浮收米二十八萬五千三百餘石湖州府屬共可減浮收米十三萬六千八百餘石杭

嘉湖三府南米共可減浮收折色錢二十四萬七千餘串從前一切陋規概行裁汰各等語卽著照所請將留裁各款目造冊存案並著該撫等明白曉示勒石永禁漕糧概完本色其有情願完折者按照市價收納悉聽民便至杭屬之新城於潛昌化等縣漕糧向收折色官為辦運仍著照舊辦理按照市價徵收儻有不肖州縣仍敢蹈從前勒折浮收陋習卽著該督撫嚴叅治罪至所稱浙省大戶

完漕並不加耗甚至有把持包攬等弊經此次改定新章之後紳民一律徵收不准有大小戶名目再分軒輊僅有紳衿等恃勢把持仍前包攬短交著一併從嚴叅辦○諭軍機大臣等勞崇光裕麟奏苗匪竄擾黎平府境現飭文武集練勦辦並咨湖南廣西等省派兵赴援張凱嵩奏南甯賊尚負隅督兵出省勦辦各一摺貴州苗匪股數眾多現句結古州敗匪併趨黎平一路東西北三面皆賊官

軍力薄恐成燎原之勢著張亮基裕麟督飭署古州鎮黎平府認真防守毋令深入為患一面就近添募勁練力圖勦洗仍催令趙崇慶撥兵援應以遏兇鋒並著李瀚章張凱嵩就近檄飭防邊將士出境會勦不得稍分畛域南甯逆首孫仁廣等盤踞那檀山澤兩巢相持已久劉培一等雖屢次獲勝尚未得手張凱嵩現已出省督辦著卽由平梧一路進趨南甯沿途布置督同劉培一覃遠璉等相

機進攻。該撫聲威所至。壁壘一新。定能剋期殄滅。思恩軍務。仍飭易元泰勦辦。鎮安股匪。迅令陳慶桂籌剿。以期節節肅清。用副委任。裕麟奏病體難支。請開缺調理。一摺。裕麟已有旨准其開缺回旗調理。該護撫臥治數月。尚能井井有條。著俟張亮基病痊回任後。再行交卸起程。張亮基所奏遵覆被參各款。一摺。本日已有批諭。該撫惟當勉益加勉。以圖報稱。現在病勢當已輕減。著即接印任事。以

便裕麟交卸回旗。勞崇光現在何處逗遛。著懍遵疊次諭旨。迅赴滇省。與林鴻年會商前進。毋再遲延。干咎。將此由六百里諭知勞崇光。張亮基。李瀚章。張凱嵩。並傳諭裕麟知之。○又諭裕麟奏餉源愈竭。奉撥各省協餉。恐各該督撫以自顧不暇。空文見覆。仍同畫餅。飢軍一潰。賊勢彌熾。更屬不可收拾。請飭催各該省於萬難之中。通融勻撥等語。黔省艱窘萬狀。實有不可終日之勢。亟應迅速籌撥。

以濟急需。著官文。瑞麟。崇實。駱秉章。李鴻章。馬新貽。鄭敦謹。劉坤一。李瀚章。郭嵩燾。劉卨膏。仍遵前奉諭旨。無論如何為難。每月各協解黔餉一二萬兩。或數千兩。務須陸續籌解。毋得推諉遷延。裕麟另摺奏黔省軍務情形。下游尚有轉機。若餉項稍裕。次第進攻。非惟下游得紓寇患。即近省一帶亦可以次蕩平。請飭四川。湖南各督撫。先籌協濟等語。著崇實。駱秉章。李瀚章。就近先行籌款。趕緊解往。

黔省。以赴事機。將此由五百里諭知官文。瑞麟。崇實。駱秉章。李鴻章。馬新貽。鄭敦謹。劉坤一。李瀚章。郭嵩燾。並傳諭劉卨膏知之。○廣西巡撫張凱嵩奏。請將服滿記名總兵官蕭榮芳。留省辦理防勦事宜。允之。○署貴州巡撫張亮基奏。黔省公事。均與總督勞崇光。彼此籌商。並未各存意見。得旨。所稱。後懲前。隨時檢束等語。務當身體力行。勉圖報稱。毋得徒託空言。致負委任。○准患病護貴州巡

撫布政使裕麟開缺回旗調理○以勞績卓著。予貴州候補同知李保衡以知府用○以廣西鎮平等處節年防守出力。賞巡檢潘梧巴圖魯名號。同知葉宜穀都司黃科捷等花翎。州同熊全志等藍翎。餘升敘有差○予貴州廣順陣亡署知州左茂森守備鄧洪順。祭葬。世職加等。左茂森並建專祠○予貴州軍營病故記名總兵官金太文祭葬卹廕加等○辛丑

慈禧皇太后聖壽節遣官祭

太廟後殿

奉先殿○

上率王以下文武大臣詣

慈寧門行慶賀禮。眾官於午門外行禮○詣平

安室

慈禧皇太后前侍早膳○奉

慈安皇太后

慈禧皇太后幸漱芳齋侍午膳○命正黃旗漢

軍都統福興。正紅旗漢軍副都統增慶。禮部右侍郎汪元方。在紫禁城騎馬○以前任安徽布政使賈臻為貴州布政使

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十六



大清穆宗繼天開運受中居正保大定功聖智  
誠孝信敏恭寬毅皇帝實錄卷之一百五十七

[illegible]

教修

同治四年乙丑十月壬寅諭軍機大臣等閣

敬銘奏擒逆回竄金鄉魚臺現籌堵剿情形  
一摺擒匪任柱等糾眾數萬由東境南竄被  
官軍截剿仍折回東境現在潘鼎新等軍俱  
已南征東省惟有王心安等軍兵力尚薄恐  
未能繞出賊前著曾國藩迅飭色爾固善等  
馬步各軍繞前迎擊毋令竄渡運河擾及登  
萊完善之區該大臣前經慮及自當妥籌布  
置以紓朝廷南顧之憂聞敬銘務飭王心安  
等實力追剿使該匪不得稍停喘息則曾國

藩追兵一到即可併擊以期大加懲創現在軍情布置若何曾國藩久無奏報並著迅速馳奏以慰廑繫清淮為裏下河門戶捻逆不得逞志東省恐仍思南竄卽著吳棠妥為堵禦毋稍鬆懈該逆本有竄回雒河老巢之供喬松年亦當加意防範毋任闖入致歸正各圩復被煽動東明等處水套餘黨未淨冬令水涸清理較易著劉長佑閻敬銘不動聲色派員妥為經理毋令句結為患該督撫必應

實力奉行不得敷衍了事一奏塞責正在寄諭間復據吳棠馳奏遵旨派兵會剿各摺片所有吳棠派出之參將吳鳳柱等馬步各隊卽著歸曾國藩妥為調遣其防守桃源各軍仍著吳棠督飭嚴防遇有賊蹤竄入卽行迎剿將此由六百里各諭令知之○又諭瑞麟等奏賊竄和平等處現約閩軍會剿並查辦興甯縣屬土匪情形各摺片康逆被江西官軍擊敗後回竄粵東闖入和平縣城經兵團

擊退遂竄入連平州屬之忠信司復擾及長甯大席翁源邊界賊蹤飄忽異常粵省官軍總未能實力堵剿力遏兇鋒瑞麟等現派鄧安邦等萬餘人赴連平追剿王朝治等沿江扼守以顧韶州並飭任星元等擇隘駐紮卽著嚴飭派出各員分投防剿毋令賊匪得以深入又形滋蔓惟賊雖殘敗之餘醜類尚眾粵省兵力較單必須江閩援軍合剿方可聚而殲旃左宗棠當飭高連陞康國器劉清亮

等軍由龍川橫出連長會合粵軍痛加剿洗並著左宗棠察看軍情緊要卽仍遵前旨親自赴粵節制各省之軍以期事權統一劉坤一卽督令席寶田王開珠等軍越境會剿不得稍分畛域方耀奉派剿賊於賊抵龍南時並未出境追剿迨賊回連和又不馳往截擊實屬觀望遷延咎有應得方耀著撤銷提督銜暫行革職仍飭該員奮勇剿賊以贖前愆至興甯土匪助逆截劫閩軍前據左宗棠奏

到已嚴諭瑞麟等查辦此次瑞麟等僅起出洋槍等件而首要各犯尚未查拏擒獲此等匪徒豈容幸逃法網卽著瑞麟等催令李福泰督同該地方官認真查拏務將該匪徒按名拏獲懲辦不准姑息諱飾敷衍了事將此由六百里各諭令知之 癸卯諭內閣左宗棠徐宗幹奏剿辦上下府各屬土匪情形一摺福建興泉永漳各屬小刀會等匪黨素為民害經左宗棠等派兵剿捕將首要各犯次

第擒斬辦理甚屬認真仍著督飭地方文武實力搜捕以消奸宄而安善良永春州知州周式濂於上場堡埔頭鄉應拏匪徒日久未獲一犯輒請免其拏辦於發審之頗必魁一犯又復在押潛逃並請將該州紳士捐免坐賈銀兩作為團費種種情節支離難保無有心賄縱情弊周式濂著先行革職暫留本任勒令嚴緝要犯顏必魁到案審訊聽候查辦 又諭前因郭嵩燾奏廣東軍務約有數誤

請將督署幕友徐灝擯退當經降旨交左宗棠查辦茲據奏稱卓興方耀於賊匪退竄之後屢次追勦遲誤並廣東省辦理軍務貽誤各情所延幕友亦未能得人各等語總兵卓興方耀屢以攻勦得力擢至專閫宜如何激發天良力圖報稱輒敢因從前微有勞績竟致驕怯而瑞麟仍復遷就優容並不早加參劾殊屬非是著瑞麟郭嵩燾隨時察看如該總兵等始勤終怠卽著嚴行叅辦不得稍涉

姑息瑞麟郭嵩燾以督撫大員同城辦事自當和衷商酌乃瑞麟於郭嵩燾商辦之事未能虛心體察郭嵩燾因瑞麟未經允從負氣上陳所見殊小均著傳旨嚴行申飭儻經此次訓誡之後不思公忠為國力改前非必將瑞麟郭嵩燾重治其罪瑞麟幕友徐灝既不得力卽著驅逐出署不准在廣東逗遛○諭軍機大臣等左宗棠徐宗幹奏勦辦上下府各屬土匪並左宗棠奏覆陳廣東軍務貽誤

情形請將訪查事件另行派員查辦各摺粵東軍務正當防勦喫緊之時瑞麟於布置調度機宜自當虛衷延訪共濟時艱郭嵩燾亦當和衷商酌務求至當不得偏執己見此後該督撫遇有公商事件總當以國事為重毋許各懷私見再蹈前非方耀於軍務喫緊之際竟敢逗遛不進縱賊竄逸實屬玩誤著瑞麟等卽飭令該總兵奮勉圖功以贖前愆儻再畏葸貽誤卽著嚴叅治罪卓興如不實力

勦賊亦著從嚴叅辦毋稍姑息賊蹤現又回竄粵東該省兵力本不如閩軍之精銳且卓興方耀不善駕馭仍恐不能得力必須左宗棠親往督勦方可埽盡狂氛著左宗棠懍遵前旨迅行前往認真勦辦瑞麟前已有旨令赴潮州辦理洋務卽著迅速前往妥籌辦理李福泰是否可用有無粉飾貽誤之處左宗棠此次摺內並未提及仍著查明具奏閩省上下游各屬土匪橫行相沿成俗種種兇悖

情形無殊叛逆。左宗棠等現飭地方文武帶兵搜捕擒斬多名。餘匪始稍知斂息。第積習既久。驟難期其革心。且兵至則伏兵撤則起。尤為該匪等慣技。左宗棠等惟當飭令在事員弁隨時訪查拏辦。以消其萌。又擇廉明守令遇事化導。久任而變其俗。庶沈痼之疾。或可日有起色。知州周式濂辦理土匪。是否得賄徇庇。著左宗棠等查明奏。左宗棠另片奏軍營染疫等語。高連陞劉清亮劉典等軍

患疫過半。而康國器一軍為尤甚。該將士等為國勦賊。馳驅況瘁。近因師行山谷。枕戈露宿。飽受煙瘴。以致傳染疫氣。物故頗多。覽奏之餘。曷勝憫惻。著左宗棠宣布朝廷德意。多方拊循。妥籌醫治。給發餉需。俾得迅消疹癘。益資飽騰。以副軫恤戎行至意。將此由六百里各諭令知之。○予福建興化等處陣亡守備羅得彪等祭葬世職。○甲辰諭軍機大臣等崇實奏教士被毆。兇犯未獲。請將署任知

州及卸任知州摘頂勒緝一摺。前因總理各國事務衙門奏。四川酉陽州人毆斃法國傳教士。並燒搶教民房屋。當經諭令崇實駱秉章確查懲辦。茲據崇實奏稱。先有酉陽州教民張天興等。具控張玉光等縱搶疊毆各情。正在飭屬審辦。復據報傳教士馮弼樂自行前赴酉陽。住居城隍廟。被不知姓名多人毆傷殞命。兇犯逃逸。請將署知州等摘頂勒緝等語。此案構訟業已數月。該署知州等並不

上緊清釐。致釀人命。實屬貽誤。前署酉陽州事候補知府董貽清現署酉陽州事。試用直隸州知州鄧清濤著一併摘去頂帶。勒限緝拏首從各犯。及被控之馮仕銀等。務期悉數就獲。從嚴究辦。並將張天興等具控張玉光等各案。趕緊訊明斷結具報。儻再玩泄。卽行從嚴叅辦。前據法國公使呈遞照會。有知州將馮仕銀等召至署內飲酒。協謀屠滅。傳教士馮弼樂前往撫慰。教民被馮仕銀張佩超

宋文選等毆傷斃命之語是否屬實仍著崇實駱秉章確切查明將兇犯悉數拘獲訊明辦理不得含糊草率致貽後患田興恕究於何時起程曾否出境並著催令趕緊起解毋許逗遛將此由五百里各諭令知之尋奏遵查馮仕銀等均無商謀滅教等情董貽清鄧清濤並無邀馮仕銀協謀之事現已協同拏獲殺斃教士各犯應請賞還頂帶從之○以鑲黃旗漢軍都統春佑兼署鑲藍旗漢軍都

統○乙巳諭內閣醇郡王奏特參不知敬謹之大員請旨懲處一摺據稱昨至弘德殿伺候讀書正值奕慶教習清文乃伊精阿並不侍立公然旁坐當卽揮令起立該侍郎不知敬謹誠恐日久相沿漫無體制謹據實糾參請予處分等語伊精阿著交部議處尋議伊精阿應降三級調用無庸查級紀議抵得旨著加恩准其抵銷○諭軍機大臣等閻敬銘奏賊匪現竄單縣以西督軍追勦並由單縣

竄赴虞城各摺片賊匪由銅沛回竄豐縣西折而北直犯魚臺經潘鼎新等軍分路進勦該逆敗奔西南單縣之大油坊曹馬集俱有賊蹤據生擒賊供任柱賴汶洸兩股欲撲濟甯疊遇官軍擊敗刻仍欲竄河南等語現在該逆已由單縣興隆集竄赴虞城著閻敬銘督飭派出各軍乘勝越境跟蹤躡剿並著吳昌壽嚴檄在防各軍迎頭截擊會同東省官軍兩面夾攻務將此股逆匪就地殄除毋令

匪蹤蔓延致勦辦益形棘手該匪乘間奔竄剽疾異常非有精勁馬隊相輔而行勢必處處落後徒成尾追之局前諭曾國藩飭令色爾固善等馬步各軍繞前迎擊現在該逆已逸入虞城藩曾國藩卽行檄飭色爾固善等迅赴豫境協同追勦迅掃賊氛並著劉長佑懍遵前旨飭令安住統帶馬隊迅速赴豫交吳昌壽調遣以資厚集賊勢已成流寇必須以有定之兵辦無定之賊方能制賊死命閻

敬銘擬另籌一軍責令留署費縣知縣王成謙統帶以備攔擊卽著該撫飭令王成謙選派得力兵勇扼要駐紮毋得有名無實賊股現竄豫省非悉銳西趨與張總愚合股卽南竄光羅圖犯鄂邊以遂其奔突狡謀著官文鄭敦謹嚴檄在防將士認真堵禦越境迎剿毋存畛域之見虞城與亳宿一帶相距非遙難保該逆不由豫竄皖又肆竄張著喬松年督飭官軍越境會同掃蕩以剿為防殄除醜

類此等狂寇東奔西竄朝廷實深南顧之憂曾國藩有節制三省之責務當統籌全局力圖剿洗以副委任而慰廑懷將此由六百里各諭令知之○丙午

上奉

慈安皇太后

慈禧皇太后幸漱芳齋侍午膳○諭內閣戶部奏請飭直隸等省清釐交代一摺直隸省州縣交代各案前經譚廷襄酌定章程分別新

案舊案立限清釐乃時逾多年並未依限結報各該州縣視為具文任意積壓該管上司又復置而不問玩泄因循實屬不成事體著照該部所請所有直隸省各州縣交代著仿照山東新章辦理將同治四年以前未結各案作為舊案無論任數多寡統限三箇月將未完銀穀按員造冊逐案報部同治四年以後卽屬新案應依例限結報二叅逾限卽將該州縣奏叅革職懲辦該管上司延不續報

由戶部奏叅照例議處其新舊各案分別已未完結定限半年彙奏一次如有應行扣展者隨時奏請儘屆限不奏卽將該總督藩司交部議處至結報章程無論正署各員總須各任分報不准累任統報以杜牽混並不得以較改冊籍扣算時日巧脫處分一有虧款立時追繳亦不得以清出抵款批解為辭巧飾虧那其軍需墊款總以覈准報部者為憑不准籠統列抵蠲緩錢糧以奏銷到部者為

斷不准混作民欠。如此明定章程。嚴行考覈。庶錮習可除。藉資整頓。其順天府屬熱河承德府屬交代著一律照辦。卽由戶部將交代未結各州縣開單分別知照。該總督府尹都統等遵照辦理。直隸為畿輔近地。積弊尚復如是。外省難保無此等情弊。並著各該省督撫體察情形。參酌山東新章一體認真查辦。毋任不肖州縣暗虧國帑。以肅吏治而裕餉源。○又諭王榕吉奏特參辦防不力及不協

輿情各員。請旨分別降革撤任一摺。山西殺虎協左營都司鳳奎管帶官兵在托克托城防堵並不駐守河口。復任兵丁遊蕩滋事。難勝都司之任。著以千總降補。托克托城通判玉麟既不能幫同約束兵丁。於防堵事宜亦不加講求。著暫免開缺。調省察看河曲縣知縣祿綱信任門丁致控案累累。物議滋多。著卽撤任留省。遇有相當缺出酌量另補。並勒令交出門丁廖四解省歸案審辦。甯武縣典

史新恩榮擅受民詞無知妄作著卽行革職以示懲儆。○諭軍機大臣等前因捻匪竄擾南陽豫軍不能得力。諭令李鴻章統兵西征。並令曾國藩等妥籌商酌。不必拘泥諭旨。務期事臻善美。以副虛懷下詢之意。嗣據曾國藩奏稱南陽賊數較少。宛洛之患稍輕。李鴻章所部淮勇均調赴東。豫各處駐紮別無可調之師。茲據李鴻章覆奏。滙陳兵餉軍火各端恐難專恃。與曾國藩所奏大略相同。該大

臣等均能詳細縷陳。使朝廷洞悉此中利害。實為有見。現在賊勢趨重虞城張樹珊等軍攻剿正急。而南陽僅止張總愚一股。自不必再事更張。卽著毋庸置議。曾國藩務當督飭各軍迅籌殲賊方略。李鴻章駐守金陵。督催前敵餉需軍火。毋稍遲誤。吳棠於清淮情形最熟。並著嚴飭防軍視賊所向迎頭截剿。毋令闖入裹下河完善之區。以副委任。惟南陽捻逆豫軍既不能剿除。恐其日久裹脅愈多。

前諭鮑超由襄赴豫嗣因官文奏稱該提督遊勇太多漫無紀律上杭之勇聞有赴豫之信恐引羣呼類而來請飭仍赴江右第念鮑超勦賊向稱勇往若令嚴汰遊勇妥加鈐束使該提督有儆懼之心未始不可資其攻勦官文恐鄂餉難支因有飭赴江右之奏著曾國藩李鴻章妥為商酌於江蘇接濟數成餉需並令該提督將遊勇嚴行裁汰不許任意招留卽劄令赴南陽勦賊統歸曾國藩節制

以一事權而資鈐攝儻事屬可行卽著一面劄調一面奏聞用期迅捷將此由六百里各諭令知之○又諭曾國藩奏官軍勦賊獲勝並請飭安住馬隊仍留直隸防河各摺片昨據閻敬銘奏稱擒匪由山東復竄虞城已諭令曾國藩飭色爾固善馬隊赴豫追勦此次官軍雖兩次獲勝而該逆未受大創著曾國藩仍遵前旨嚴飭色爾固善等跟蹤追躡毋稍鬆懈吳昌壽有地方之責尤不得稍涉推

諉並著督飭各軍迎頭截勦毋令闖入河南腹地致滋蹂躪黃河水涸未可減戍曾國藩所陳實為根本至計卽著劉長佑劄飭安住馬隊仍留直隸防守河邊不得稍有疏忽儻賊竄陳州以西則直境防務較鬆仍著曾國藩察度軍情妥為調遣以資攻勦將此由六百里各諭令知之○又諭都興阿穆圖善奏先後准咨雷軍情形歧異請旨飭查並提督周顯承招撫潰勇籌辦防勦及攻勦甯夏情

形各摺片雷正綰招集潰勇情形疊據楊岳斌楊能格等先後奏報均經諭令楊岳斌等傳知雷正綰收集潰卒擒斬叛首以贖前愆此次都興阿等因周顯承稟稱潰軍業已設法安撫均各悔罪駐紮平涼與前次德興阿等咨報潰變情形兩歧恐辦理不善激成事端請飭妥為查辦等語與疊次所降諭旨適相脗合卽著楊岳斌等督飭雷正綰周顯承將已收潰勇妥為安撫責令將赫明堂一股



攔頭截擊。迅殄逆氛。至雷正綰所部。尚有二十餘營。糧米軍火。萬分缺乏。儻不迅籌接濟。難望其踴躍前驅。著楊岳斌、劉蓉、楊能格。就近趕緊設法籌解。餉需以定軍心。而維大局。甯夏踞賊。經都興阿等督飭馬步各隊分投雕剿。並誘賊出城殲斃數百名。踴毀賊圩數處。仍著都興阿、穆圖善激勵諸軍奮勇攻勦。力拔城池。毋得曠日持久。虛糜餉項。大同鎮總兵馬陞前據都興阿奏請暫留甯夏軍營。

養傷。本日據王榕吉奏磴口等處防務緊要。請飭馬陞速赴山西統帶歸綏防兵。如一時未能赴晉。即令帶兵就近會同桂成防守邊要。等語。著都興阿即將馬陞所帶川勇一營另行派員接統。迅飭該總兵剋日赴晉。或即令其統帶所部會同桂成力扼邊隘之處。並著酌量辦理。將此由六百里諭知都興阿、穆圖善、楊岳斌、劉蓉並傳諭楊能格知之。○又諭楊岳斌奏鞏昌甯遠被圍調軍援勦請飭。

陝西四川捐辦糧石派兵接替成祿等軍飭文麟隨同西征各摺片鞏昌甯遠兩城被逆回圍撲甚急。楊岳斌已調曹克忠統帶所部前往援應。該軍素稱勇往。即著飭令迅速進兵力解城圍。將鞏昌一帶回匪次第掃蕩。以固省城屏蔽。一俟南路軍務稍鬆。即行分兵兼顧中衛之金勝關。以遏賊匪竄路。甘省糧餉缺乏。朝廷早深廛念。茲覽楊岳斌所奏各營至以粥水充飢情形。至此殊為可憫。陝西

本年秋收既尚豐稔。即著劉蓉按照楊岳斌摺內所請各情體察該省上中二等州縣設法捐辦麥糧運至甘省源源接濟。並著於邠乾鳳翔鄜州各屬先提倉糧四萬石運交秦州涇州慶陽等處。俟該省捐有成數再行歸款。四川之保甯一郡毗連階州運糧較近。著崇實駱秉章於該府所屬籌捐米糧一萬石運赴階州以資軍食。該將軍等當力顧大局迅速籌辦。不得稍有推諉。楊岳斌摺著鈔給。

崇實駱秉章劉蓉閱看。靜甯平番等處已經楊岳斌派兵扼紮。即可騰出成祿聯捷兩軍會合西行。著楊岳斌飛催成祿等剋日起程。由肅州一帶掃蕩而前。出關勦賊。不准再有逗遛。鎮迪道文麟以催兵為名。擅離職守。著交部議處。並著楊岳斌飭令該員隨同成祿等迅即出關。協同勦賊。以贖前愆。將此由六百里各諭令知之。○又諭王榕吉奏續查口內邊要情形。並會商籌防磴口等處。請飭催

馬陞赴任各摺片。晉省北鎮官兵前已移置南鎮。以防直豫邊境。甯武一帶各營存兵無多。現在東南防務緊要。未便再行吏調。即著王榕吉嚴飭在防文武各員。就現有兵力。加意籌防。並將雁門關及邊牆倒塌處所。設法重修。以固北路鎖鑰。前因甘省逆匪有北竄磴口之信。當經諭令德勒克多爾濟等督飭在防兵弁。設險固守。王榕吉現已飛咨該將軍等審度情形。添兵助守。所籌尚屬周妥。即

著桂成統帶所部官軍。嚴防磴口。毋稍鬆懈。磴口石背子均與蒙古接壤。並著德勒克多爾濟飭令阿拉善蒙兵協力防守。以資得力。儻軍情緊要。即著王榕吉將存城大同官兵添調。擇要嚴防。並飛調察哈爾馬隊以備策應。王榕吉所奏請飭總兵馬陞速赴新任等語。本日已諭知都興阿辦理矣。在甘直晉各軍帳房軍火。向由直隸山西兩省撥解。據都興阿奏現在帳房不堪棲止。亟應更換。火藥

鉛丸均已缺乏。請飭迅速撥解。以濟要需。即著劉長佑王榕吉於直隸省撥解夾帳房五十架。單帳房二百架。火藥四千斤。大小鉛丸二千斤。山西省撥解單帳房一百架。火藥三千斤。大小鉛丸一千斤。迅解甘肅。翁同書軍營交納。毋稍延緩。將此由六百里諭知德勒克多爾濟劉長佑桂成並傳諭王榕吉知之。○以押運軍裝滋事。江蘇從九品宋啟元革職。永不敘用。革縣丞竇延春從九品沈祺昌

方在廷職。竇延春沈祺昌仍暫留營。予哈密傷亡署辦事大臣扎克當阿祭葬。世職加等。予江蘇軍營病故總兵官唐鳴盛祭葬卹廕。丁未諭內閣楊岳斌奏據陝西紳士候選道雷致福等稟稱降調陝西巡撫劉蓉自蒞任以來。疊遇賊匪竄近省垣。及甘省潰勇東竄。均能不動聲色。派兵勦辦。地方得以安堵。全陝倚若長城。今聞以事去官。遐邇驚疑。據情代奏。並據片內聲稱劉蓉為甘省籌

餉籌糧。不遺餘力。一旦解任。甘省亦失指臂之助。藩司林壽圖實心任事。不避嫌怨等語。前派瑞常羅惇行馳赴陝西查辦事件。於劉蓉林壽圖品行才具及平日居官聲名若何。民情是否愛戴。辦理軍務吏治是否合宜。自必確有聞見。著卽據實具奏。毋稍含糊。○諭軍機大臣等。御史劉慶奏餉需竭蹶。由於鹽課短絀。謹將淮南商蠹弊端開單呈覽一摺。據稱淮南棧商何銑自咸豐八年以包課為

由壟斷全淮之利。假名江甘食鹽。由內場繞避釐卡。每引少納口岸鹽釐數年之久。侵蝕二十餘萬金。升任運司郭嵩燾查明勒繳。至今尚未補繳。各場鹽價。經郭嵩燾覈定。何銑復於許如駿署運司任內。每包每引加增錢文半入私橐。以致外販成本日重。各商不甘抑勒。又請減去外販釐金。每年軍餉少收十餘萬兩。種種弊端。不勝枚舉。並開列各款。請飭查辦。各等語。鹽課為餉源所繫。豈容奸商

恣意把持。蠹耗該御史所奏各情。如果屬實。於釐務大有關係。卽著李鴻章按照單開各節。確切查明。據實具奏。毋稍寬縱。原摺單均著鈔給。閱看。將此諭令知之。○以恭辦

定陵工程出力。貴郎中長敘等花翎餘加銜升敘有差。○以安徽籌運軍餉出力。予知府李文安等加銜升敘有差。○戊申諭軍機大臣等。昨據楊岳斌奏。靜甯平番等處已經派兵扼紮。卽令該督飛催成祿聯捷。剋日起程。由

肅州出關勒賊不准再有逗遛。關外待兵甚急。察哈爾土爾扈特等兵因官軍未到。仍復散歸遊牧。聯捷屢次催令出關。迄今年餘。尚復徘徊觀望。藉甘省兵事為名。遷延不進。實屬不知緩急。現在靜甯等處。俱經楊岳斌派兵扼紮。無須成祿聯捷等在彼勒辦。著楊岳斌嚴行傳諭。迅催成祿聯捷剋期出關。不得再事遷延。儻仍前玩忽。卽著該督據實具奏。候旨懲處。不准稍有迴護。已有旨。將聯捷調

補哈甯辦事大臣。榮全補授伊犁參贊大臣。聯捷等務懍遵疊次諭旨。奮勉出關。節節進勦。馳赴哈密任事。勿謂言之不豫也。懍之慎之。本日據楊岳斌奏。回匪闖入馬廠搶掠。孳生馬匹。戕害牧兵。及省城糧價日增。請酌定。鈔斤銀數。扣除勇丁月餉。各一摺。甘州回匪變亂。該馬廠員弁自應加意防範。何以任令該匪由大俄博竄入。搶馬至三百餘匹之多。雖經把總韓天福追回一百餘匹。而所失仍

復不少。非尋常玩忽可比。代辦甘肅提督印務署中軍參將張敬。總理甘州孳生馬廠大馬營遊擊楊逢春。把總韓天福。均著交部分別議處。其被搶馬匹。卽著責令疏防之將弁。分成賠補。以示懲儆。甘肅省城糧價昂貴。若將勇丁日支鈔斤。照時價扣還。士卒不免苦累。著照楊岳斌所請。自本年九月初一日起。所有各營應支白鈔。每斤作銀三分三釐三毫。卽於月餉內扣還。其不敷價值。並准作正

開銷。該軍士沐朝廷格外體恤之恩。自當倍加感奮。著楊岳斌激勵諸軍。分投勦洗。務將各路回逆。剋日殲除。毋得坐耗餉需。致辜委任。楊岳斌請調道員王嵩齡差遣。已諭令李鴻章知會彭玉麟。速飭該道赴甘。其副都統金順能否赴營教練。並寄諭都興阿酌量調派。如金順不克前往。由該將軍另派妥員訓練。至請飭陝西撥解曹克忠月餉。及請飭湖北湖南運解火藥等項。各片已分飭該督撫

迅速籌解矣。將此由六百里各諭令知之。○又諭楊岳斌奏請調員訓練馬隊等語。據稱該營將弁多係南中管帶水師步隊於騎戰之法皆未能勝教習。查有西安左翼副都統金順現在都興阿軍營熟於馬隊。堪以教演。該營現到有錫林郭勒盟所撥馬一千匹。必須訓練成軍。方足以資勦回之用。著都興阿卽飭金順迅赴楊岳斌軍營。隨同操演。一俟該營馬隊技藝嫺熟。卽令金順回營。如此時金順實在不能前往。卽著都興阿於所屬將弁中選擇得力可靠之員。迅飭前赴該營。悉心訓練。不得以無員可遣為辭。稍存推諉。將此由五百里諭令知之。○又諭楊岳斌奏請調員差委等語。據稱安徽候補道王嵩齡前在侍郎彭玉麟幕內。尚稱得力。上年楊岳斌督兵江西。王嵩齡曾隨營差委。現在該道員仍在彭玉麟軍營。著李鴻章卽行咨照彭玉麟轉飭王嵩齡迅速赴甘交楊岳斌差遣。毋

許延緩。將此諭令知之。○又諭李瀚章奏楚省西路官兵於黔邊疊次戰捷。並涼雪圍解。現籌勦辦情形一摺。黔賊出擾涼傘雪洞。苗教各匪乘間勾結。銅仁告急。經周洪印等督軍擊退。羅建章等赴援涼雪之軍。克解重圍。勦辦均尚得手。現在銅仁教匪雖經擊敗。退伏狗牙場。難保不復圖大逞。而雪洞敗匪亦尚盤踞平亞。距涼傘不及百里。自應及時勦辦。著李瀚章督飭周洪印等趁賊鼠伏之時。趕將病疫各勇妥為遣撤。醫調另補精壯。訓成勁旅。以備進勦。並催令遊擊劉啟富一軍移紮田坎坪。杜賊由銅竄楚之路。俟周洪印督兵馳至。剋期約會銅城文武協力兜圍。先將教匪蕩平。再勦平亞苗匪。以靖地方。張亮基裕麟均有地方之責。著卽督飭派出之軍及銅仁文武合合楚軍認真勦辦。不得專恃客兵。坐視不問。致干重咎。另片奏續籌楚邊東路防勦情形。劉連捷朱洪章二軍已至南

安與江閩各軍會剿。僮賊偏湖南邊界。自應星馳回援。等語。江逆殘股。由江西竄廣東之連和平等處。去湖南較遠。援江各軍。可以無庸調回。著卽咨會劉坤一。就近調度。以資得力。其參將彭炳武等四營。已由桂東移至桂陽。並著飭令陳士杰。妥籌扼紮。慎固邊防。毋稍疏忽。將此由六百里諭知張亮基。李瀚章。並傳諭裕麟知之。○調伊犁參贊大臣聯捷。為哈密辦事大臣。以伊犁厄魯特領隊大

臣榮全。為參贊大臣。伊犁協領達春。泰為厄魯特領隊大臣。命伊犁巴燕岱領隊大臣富勒敦。泰回旗。調錫伯領隊大臣布爾和。德為巴燕岱領隊大臣。賞副總管烏勒德春。副都統銜。為伊犁錫伯領隊大臣。○以捐製軍械。予荊州將軍巴揚阿等議敘。○予貴州各屬陣亡殉難官弁知縣趙大松等。暨紳民兵勇婦女三千七百五十八員名口。分別旌卹。如例。撥湖北湖南火藥各五萬斤。劈山礮各

二十桿。擡槍各一百桿。小槍各三百桿。解赴甘肅軍營備用。○己酉上詣

太廟東甬門外綵幄恭閱

孝淑睿皇后

孝和睿皇后

宣宗成皇帝

孝穆成皇后

孝慎成皇后

孝全成皇后

孝靜成皇后

文宗顯皇帝

孝德顯皇后

玉冊

玉寶入

太廟前殿行禮親奉

冊

寶藏於

後殿○諭內閣巡視西城御史台斐音等奏西便門內城根鐵壁水門年久損壞內外鐵柱均有脫落經該御史等飭令吏目劉濟川照舊修立現在原修鐵柱被人刨挖拆去難保非匪徒因出入不便乘閒偷竊等語著步軍統領衙門順天府五城御史將偷竊鐵柱賊犯嚴密緝拏務獲懲辦並著奉宸苑迅將該處脫落鐵柱趕緊修補整齊以杜偷越而重防守○又諭鄭敦謹奏甄別才不勝任之同

知縣等官請分別降補革職一摺湖北黃州府岐亭同知王漢公事顛預心地糊塗竹谿縣知縣鄭愷才識拘迂不諳吏治均著以府經歷縣丞降補歸部銓選署應城縣知縣范琨偏執任性不洽輿情試用知縣韓宇初精神軟弱難期振作襄陽縣縣丞江士濬公事怠忽於代理松滋縣任內未能約束丁書致滋物議試用縣丞包煦芳不知檢束於代理鄖西縣任內聲名平常天門縣典史項兆

相年少輕浮試用巡檢李錫齡性情猥鄙均著卽行革職以肅官方而示懲儆○諭軍機大臣等有人奏直隸武強縣知縣劉振中之門丁劉姓勾串戶書高純潤包攬一切公事在所屬地方開設稅局私收雜稅把持集場開場聚賭該縣令形同聾瞶毫無覺察且每遇開徵之時每兩格外浮收四五錢不等並有勒派紳商攤借銀兩情事請飭嚴查懲辦等語知縣身膺民社若如所奏種種擾害情事實屬有累商民著劉長佑按照所參各節逐一詳查據實叅辦原摺著鈔給閱看將此諭令知之○又諭明緒奏接奉諭旨覆陳軍務情形一摺伊犁東面各城均被回匪占踞北面頭臺果子溝亦被回匪扼要紮營數座阻截援兵來路南面冰嶺迤北纏頭回子全行叛亂惟西面卡外直達俄境而卡內之哈薩克布魯特復與回匪勾結滋擾伊犁當兵單餉絀之際四面受敵困苦情形實深廑繫

本日已寄諭成祿聯捷等剋日督兵西進迅速出關不准再有延誤明緒惟當就現有兵力激勵拊循固守危疆以副委任至伊犁餉銀疊經諭令明誼廣鳳等將已到銀兩迅派委員設立臺站多備駝馬由俄國邊界趕緊運赴伊城想該將軍必能恪遵妥辦至明誼等截留餉銀三萬兩仍令解送伊犁著明緒派員迎提以濟要需左營城池被圍明緒派兵援救將士等均能奮勇進戰敗賊解圍深

堪嘉尚出力官弁兵勇卽著由明緒隨時查缺升補以示鼓勵借兵助剿一節屢經總理各國事務衙門王大臣與俄國在京公使再三商辦該使始則聲稱該國邊界駐兵無多並無屯紮大隊人馬繼復稱該國邊界多事諸覺為難並無應允之語是此事在京辦理殊無把握業於七月初四日諭知明緒並將總理各國事務衙門摺片鈔給閱看明緒此次請飭再向婉商自係尚未接奉前旨卽著

該將軍懍遵前諭妥籌辦理如能就近與西悉畢爾衙門通融商辦朝廷亦不為遙制僅仍推諉游移則後患可虞亦不便過於相強也至向該國借用糧食火藥等項該公使已經行文該國允為商辦明緒可卽遵照九月初一日寄諭迅速行文俄國邊界各官相機妥為辦理將此由六百里諭令知之○兼署四川總督崇實奏川東川南邊防均形喫緊駐防各營勢難抽調前赴雲南得旨卽著催

令唐友耕劉嶽昭兩軍迅將遵義大定等處勦辦竣事以便進兵滇境毋再日久宕延致滇事無舉辦之期也○予浙江南田陣亡都司傅廷望等十一員祭葬世職加等○予伊犁陣亡佐領烏圖祭葬世職○庚戌諭內閣前據御史朱鎮奏參直隸天津道李同文劣蹟昭著曾經降旨交劉長佑查明具奏茲據劉長佑奏稱查明李同文被參各款請旨交部議處等語天津道李同文於所管剝船朽



壞。因山東等省油艚等銀頻年積欠未能大修。情尚可原。惟海關收稅官地收租改令子弟官親等干預監收。致滋物議。究屬不合。夏震既係該道妻黨。該道仍令在天津差遣。並代請保獎。亦屬不知引嫌。李同文由知府升任道員。已閱數年。其前署順德府交代尚未造冊移交。更屬遲延。天津縣典史張秉鑑。以家丁改名蒙捐。該道既有所聞。卽應立予查叅。乃延至被人叅奏。始據伊主之弟曹樹鉉

舉發。雖無得受興記魚店贓銀實據。失察之咎。亦所難辭。天津道李同文著先行交部議處。仍著劉長佑留心查察。如有實在劣蹟。卽行據實嚴叅。毋稍姑容。尋吏部議李同文請照不應重私罪律。降三級調用。無庸查級紀議。抵從之。○諭軍機大臣等。劉長佑奏擬派大員統帶弁兵巡防邊隘。一摺。潞陽等處駐紮之兵。經劉長佑酌量移調。勢尚聯絡。著卽飭令各該將弁督率兵勇按期會哨。加意操

防。以備緩急。近來馬賊均在八溝哈達錦州一帶出沒無定。遷安縣為東北邊牆適中之所。徐廷楷現署提督。本有駕馭將士之責。卽著照所請。責成該署提督。暫駐遷安。統帶各路官兵。居中調度。實力巡防。嚴防馬賊蹤跡。隨時勦捕。毋稍疏懈。其附近各州縣著劉長佑嚴飭力行保甲。整飭民團。以期有犯必獲。綏靖地方。另片奏安住馬隊現已起程。俟察看情形再行飭調回駐河干等語。安住馬隊

既已起程。卽著劉長佑咨令該副都統前赴豫省。暫歸吳昌壽調遣。仍著該督察看情形。如果必須調回。再行飭調回駐河干。以資防禦。將此諭知劉長佑。並傳諭徐廷楷知之。○入諭麒麟慶奏籌辦馬賊情形。並請將獲盜各員獎敘。各摺片。赤峰縣番役等經知縣春祥派充團練。輒敢交通丁役。陵侮居民。甚至庇寇銷贓。不法已極。該都統有統轄地方之責。早應據實奏聞。嚴拏懲辦。前經降旨查拏。亦

未據實覆奏。迨經有人訪探奏聞。諭令該都統查明具奏。始將該番役庇盜等情具奏。實屬辦事顛顛。不知振作。此等番役盤踞縣署。倚勢護庇盜匪。情殊可惡。既據該同知防禦等密稟。係屬真確。若不嚴行拏辦。何以清盜藪而安善良。卽著麒慶嚴飭該令春祥設法將該番役丁起龍。劉廣明。張洪禮等嚴密查拏。盡法懲治。不准徇庇。並揀派明幹之員。將首惡各犯密速查拏。毋任漏網。春祥如何信

任。睚眦有無款蹟。並著麒慶查明參奏。前諭麒慶查拏熱河盜匪。原令該都統選派地方文武各員挑備兵勇。彈壓坐鎮。督飭兵役人等購綫查拏。以期不動聲色。消患未萌。非令遽爾興兵勦辦。何至驚擾居民。致相煽惑。該都統此奏。想係誤會諭旨。卽著嚴飭各屬文武員弁。仍按前次軍機大臣議定捕匪章程。實力奉行。將著名要犯設法嚴密查拏。懲辦不得擾及無辜。致生他變。前獲張玉等犯。現

已訊明正法。並將續獲各犯分別解訊。該委員全亮等緝賊一月以來。獲犯五十餘名。尚屬著有微勞。並著麒慶查明出力各員。覈實奏請獎敘。毋許冒濫。將此諭令知之。○又諭傳諭署陝西提督雷正綰。雷正綰奏縷陳被誣。並潰勇未有圍撲涇州情事各摺片。雷正綰所部因餉缺思變。前據德興阿劉蓉具奏。接據地方官稟報。有捆殺固原州知州蔣牧及圍攻慶陽之語。德興阿劉蓉疑非事實。於

摺內陳明雷正綰平日性情尚非強橫之比。何至狂悖至此。是劉蓉本無偏信。地方官稟報率行陳奏之處。朝廷亦深鑒該提督積功擢至專閫。必思保全。今名斷無跋扈情事。嗣據劉蓉等馳奏。代為剖析各情。俱已明白。諭知何以雷正綰積懷疑慮。曉曉陳辯。想因旁人挑唆所致。該提督本係武員。亦卽毋庸深責。嗣後惟當懍遵疊次諭旨。約束兵丁。奮勉圖功。不准稍有成見。其營中疲乏勇丁。亦當

酌量遣撤。庶餉需易於供支。不至再生事端。回目赫明堂。既據該提督奏稱打仗奮勇。卽著飭令奮勉立功。儻或仍懷異志。亦毋許稍涉迴護。其義子馬泳和。假稱赫明堂之名。率眾竄擾。其屬可惡。卽著雷正綰設法擒拏。毋任竄逸。正在傳諭間。據劉蓉奏擒獲叛將胡大貴。供稱雷正綰兵變時。雷恆首先勒令開隊。李高啟倡製大旗。胡大貴亦隨同謀叛。嗣覺事體不好。乘閒脫逃。固原州官並未戕害。

各等語。固原州知州蔣方直未經潰勇戕害。是雷正綰心跡已明。惟胡大貴所供雷恆李高啟倡亂各情。雖係一面之詞。但不訊明。辦理則浮言愈多。此事關係該提督聲名。諒必急於剖析。劉蓉已經交卸。卽著將雷恆李高啟二員解交陝西聽候。趙長齡質訊。則胡大貴之狡飾。無可置辯。若稍有迴護之心。則必至議論紛紛。雷正綰尚屬明白事理。必能深體此意也。○又諭雷正綰奏自陳感激圖報。

並餉缺兵潰情形。暨周顯承等架詞捏陷各摺片。劉蓉奏逆回竄擾平涇。搶刦糧餉。派兵勦辦情形。並拏獲叛將胡大貴。暫行監禁各摺片。逆回孫義洪等竄擾平涇。搶刦糧餉。雖經周顯承派兵擊退。而該逆黨與既眾。詭譎異常。且占踞固原。密布營壘。勢必伺隙旁竄。著劉蓉飭令周顯承等督率各營認真防堵。並飭劉玉興五營與涇防諸軍聯絡聲勢。以資備禦。至周顯承招撫十餘營人數過多。劉

蓉動撥楊岳斌解存涇庫餉銀三萬兩。暫資散放。並由劉蓉楊能格各撥餉銀。剋糧運濟。嗣後應源源籌解。至雷正綰平涼各營餉絀日久。亦恐難支。著楊能格趕緊籌撥餉銀。陸續接濟。並製造帳房若干。運涇備用以利攻勦。雷正綰自陳感激圖報情詞甚為懇摯。惟涇陳被人誣陷。尚多懷疑過慮之處。本日已諭令奮勉殺賊。以贖前愆。並將雷恆李高啟等迅速交出解陝交趙長齡秉公審辦。藉明

心跡著趙長齡於雷恆等解到後認真研訊務得確供胡大貴一犯卽照劉蓉所請暫行監禁胡大貴供內聲稱逃赴隆德將情形稟知總督楊岳斌派秦國勝收撫等語是否確實並著楊岳斌查明具奏成祿奏率師西行一摺已諭令迅速前進鶴齡一軍著楊岳斌派兵接替令其隨同成祿出關成祿等軍餉需楊岳斌隨時接濟前據涇州知州林發深稟報固原州知州蔣方直被殺各情本日劉

蓉奏查明蔣方直並未被害是該員前此稟報不實林發深所得以道員補用之案著卽撤銷將此由六百里諭知楊岳斌趙長齡劉蓉並傳諭楊能格知之○降調陝西巡撫劉蓉奏遵查李雲麟糾叅張集馨嫉能掩功不顧大局及乖戾謬妄徇私廢公各節或實有其事或因疑致誤張集馨業經革職李雲麟兵勇現已遣散均請免置議又奏前甘肅陶營潰勇入陝當經飛飭武關商南防兵扼要

截擊事平後雷營潰卒及靈州回逆逼近陝疆復調武關防兵移紮淳化縣此軍行抵省城情形已鬆因暫留省以備調遣並無撤兵回省堵禦之事均報聞○烏魯木齊提督成祿奏請調副將王永慶赴營差遣得旨王永慶係私扣餉銀滋擾地方奉旨革職等因該員所犯情節較重成祿所請調營差委之處著不准行以陝西勦敗髮捻各匪出力賞提督彭基品劉厚基總兵官蕭聚林伍浦雲

一品封典總兵官李良發蕭慶運羅長春羅洪德副將謝徵桂張又盛李作松參將何玲必巴圖魯名號都司周得名等花翎千總劉九順等藍翎餘加銜升敘有差予江蘇丹陽陣亡殉難監生葛立堅等紳民婦女二十四名口分別旌卹如例

上以

文宗顯皇帝  
孝德顯皇后升祔禮成祫祭

太廟自是日始齋戒三日。辛亥諭內閣昨據肅親王華豐奏叅領侍衛內大臣世鐸每遇進班之日輒令人代替諭令世鐸明白回奏茲據奏稱近因宗人府宗正宗令每日輪流進署是以遇進班之期勢難兼顧等語領侍衛內大臣直班差使較之進署辦事尤關緊要禮親王世鐸輒因輪應進署令人代替進班實屬不合著交宗人府議處嗣後應在內直班之王大臣等遇進班之期如無另派差使卽應按期入直不得以進署及尋常事件為名藉詞推諉○又諭前據楊岳斌奏陝西紳士候選道雷致福等稟稱降調陝西巡撫劉蓉勦辦賊匪潰勇均能得力藩司林壽圖實心任事不避嫌怨當經降旨交瑞常羅惇行於前赴陝西時聞見所及據實覆奏茲據奏稱劉蓉秉性樸實惟吏治尚未熟悉自負亦間有過高而辦理軍務有膽有識本年七月間甘肅潰勇竄入陝境劉蓉調撥兵勇不

動聲色將首犯捕戮其餘遣散歸伍甘肅逆回時經東竄劉蓉分兵布置居民恃以無恐林壽圖操守甚好辦事認真實能任勞任怨惟馭吏未免過嚴叅劾屬員間有輕重失當致招謗毀各等語陝西自遭兵燹以後地方殘破兼以甘肅逆回時經竄擾必須知兵大吏方足以資鎮率劉蓉簡任陝西巡撫已經數年地方情形俱能諳悉既據楊岳斌奏稱民情愛戴而瑞常羅惇衍亦稱其辦理軍務潰勇均臻妥善地方安堵詎可因語言小過遽令閒退自應俯順輿情以期裨益地方劉蓉著仍帶革職留任處分署理陝西巡撫趙長齡卽著馳赴山西署理巡撫印務降調陝西布政使林壽圖著來京另候簡用○諭軍機大臣等本日已明降諭旨令趙長齡署理山西巡撫劉蓉仍帶革職留任處分署理陝西巡撫劉蓉受朝廷倚畀重恩當益加奮勉於軍務地方各事宜實心辦理以圖報稱劉

34

**1**

教修

太廟中殿

[illegible]

機營官兵仍由該王等訓練。其各旗營所練兵丁。卽由現管操演之護軍統領等自行督率教練。巡捕五營。由步軍統領等辦理。如有升遷事故。卽由各該旗營都統副都統等自行酌覈辦理。請無庸兼轄節制。並將五月初一日諭旨一道。敬謹封繳等語。覽奏具見該王小心寅畏。不自滿假之意。惟各旗營操演數月以來。甫有規模。尚未一律精整。若俯從該王所請。恐各旗營統率無人。前功仍隳。除

神機營官弁兵丁。由醇郡王等日加教演外。所有京師旗綠各營兵丁。仍著醇郡王隨時稽查校閱。勤加教練。務期悉成勁旅。用以拱衛神京。如各旗營查有不知振作及始勤終怠之員弁。卽由該王據實嚴參。毋稍姑息。其各旗營管理操演之都統副都統護軍統領等嗣後如有升遷事故。著由直年旗隨時奏請改派。至每年春秋校閱各旗營。向由閱兵大臣辦理。現在所練各旗兵丁。除由醇郡王

隨時稽查校閱外。仍著閱兵大臣一併閱看。毋得視為具文。繳回諭旨一件留中。將此諭令知之。○又諭。吳昌壽奏官軍兩路進剿。獲勝賊匪折竄東北。蕭瑒髮擒。回竄豫境。王榕吉奏豫省捻蹤圖竄嵩洛。籌備河防各摺片。張總愚股匪由魯竄西。竄圖犯嵩洛。因偵知西路有備。折而東趨。經張學醇馬德昭等迎擊於禹州新鄭等處。疊次獲勝。現在馬步各賊尚在長葛地方。著吳昌壽卽飭張學醇馬

德昭等軍由鄢陵洧川兩路跟蹤躡剿。毋使該逆得以喘息。蕭瑒髮擒。回竄豫之睢州邊馬擾及杞縣等處。是已由虞城逐漸而西。誠恐與張總愚一股趨併。且黃河現當冬令水涸。尤恐伺隙搶渡。勒辦更形棘手。吳昌壽現調駐守河洛之兵。回駐祥符蘭儀一帶。嚴扼河防。誠屬要著。仍當檄飭在防各軍會合山東。追剿虞城竄賊之軍。兩面夾攻。毋使乘間深入。色爾固善等馬隊。疊諭曾國藩檄赴豫

境著卽飭令馳赴睢杞一帶繞出賊前以扼  
奔突其安住馬隊已據劉長佑奏起程赴豫  
並著吳昌壽飭令迎頭截剿嚴扼賊由蘭考  
北竄之防毋誤事機王榕吉所奏擒蹤北趨  
各情自尚未悉賊已由禹郟折而東竄惟逆  
蹤飄忽靡常晉豫一河之隔隘口紛歧尤不  
可稍涉大意著王榕吉仍飭和昌蔣臨照等  
覘賊所向就近量移擇要添布以臻周備賊  
蹤去鄂雖遠官文鄭敦謹仍當嚴檄鄂邊將

士越境設防以備迎剿毋得稍存畛域之見  
吳昌壽另片奏總兵張曜呈請回籍歸葬等  
語張曜著賞假四箇月准其回籍歸葬其所  
部各營卽飭接管之總兵保英妥為整理以  
資得力將此由六百里諭知官文曾國藩吳  
昌壽鄭敦謹並傳諭王榕吉知之○又諭王  
榕吉奏江南破船未到請旨再行飭催等語  
前因王榕吉奏稱晉省造辦破船未能合式  
請調江南破船當經諭令曾國藩李鴻章揀

派營官一員管帶破船十餘隻廣募舵工船  
匠由運河入黃沂流赴晉於河冰未結之前  
馳往迄今一月有餘據稱尚未調到現在晉  
省河防喫緊且瞬息屆隆冬河水漸結著曾國  
藩李鴻章迅將前次所調破船趕緊派員帶  
赴晉省免致為河水阻隔貽誤事機將此由  
五百里各諭令知之○又諭都興阿奏餉需  
缺乏請飭趕緊撥餉常陞奏甯夏滿營艱苦  
情形請變通飭撥協餉各一摺都興阿軍營

月餉前據該將軍奏請在兩淮鹽課項下月  
撥銀二萬兩嗣據李鴻章奏稱江省已在揚  
防節省項下解過甘省餉銀十二萬兩甯夏  
軍餉請由楊岳斌卽在此款內勻撥茲復據  
都興阿奏稱楊岳斌所部距甯夏窺遠道路  
梗阻刻值軍情萬緊兵勇飢寒軍心不固請  
仍飭江蘇按月劃撥二萬兩並飭楊岳斌於  
前次蘇省協餉十二萬兩內劃撥四萬兩等  
語卽著李鴻章於月協甘餉四萬兩內按月



劃撥二萬兩徑解山西藩庫轉解都興阿軍營並先籌撥兩月協餉交都興阿派赴蘇省守提委員蕭宗幹等領解赴甘以應急需並著楊岳斌飭後路糧臺於前次江蘇解到協餉內劃撥四萬兩交都興阿派赴楚省提餉之侍衛謙禧等領解回營毋得稍有延誤至甯夏滿營應需俸餉馬乾等項又形匱乏常陞請在山西協甘餉內變通分撥之處尚屬可行卽著王榕吉於晉省河東應解甘餉內

照依覈減新章緩一發二之數一歲應支官兵俸餉米折等項銀內按年劃撥十萬兩卽由甯夏滿營派員按季徑赴山西河東領解毋庸由甘肅藩庫轉領以期迅速俟甘省軍務肅清再按舊章辦理將此由五百里諭知都興阿常陞李鴻章楊岳斌並傳諭王榕吉知之○又諭勞崇光裕麟奏苗匪竄擾黎平府境現經兵練擊退一摺貴州清江廳逆苗竄至黎平府屬東北兩路攻陷驗洞後分紮

大步河等處西路之匪盤踞寨蒿地方並分股攻陷育洞均為官兵扼截未能闖入附近之張寨冲復有難民劉洪等聚眾勾結苗逆約為內應經署知府徐達邦派官兵圍捕將劉洪等擒獲正法復督飭兵練分投進剿斃賊甚多當將大步河等處收復餘匪敗往天柱縣境亦經楚軍截剿竄歸幫洞等老巢其西路育洞踞匪並經官兵設伏夾攻殲斃多名餘黨均向唐冷逃竄防勦尚屬認真惟此

股逆苗傾巢出竄並敢勾結內應意圖窺伺黎平府城蓄謀甚狡現雖被官軍擊退難保不乘隙復來著勞崇光張亮基裕麟督飭該處文武嚴防各隘毋任匪蹤紛竄並著李瀚章張凱嵩速飭沿邊防軍一律相機援應毋稍疏虞將此由五百里諭知勞崇光張亮基李瀚章張凱嵩並傳諭裕麟知之○以廣東西江等處勦匪出力賞遊擊胡益志同知梁采麟等花翎從九品陳宗親等藍翎餘加銜

升敘有差○以河南魯山等處勒匪獲勝暨宛南辦團出力賞守備郭春報花翎外委宋得勝等藍翎餘升敘有差予陣亡都司張魁元祭葬世職加等○癸丑拾祭

太廟遣恭親王奕訢恭代行禮○諭軍機大臣等戶部奏請飭催本年京餉一摺據稱本年京餉原撥五百萬兩閏五月閒因神機營添練兵勇續撥一百萬兩現查截至九月底止除解到劃撥並報委解外共欠解銀二百三

十七萬兩請旨飭催等語秋閒賞給八旗兵丁一月錢糧恭屆

山陵奉安一切用款繁鉅年內不敷支放亟應速籌接濟著各該將軍督撫鹽政通商大臣監督等各將未解銀兩務於十二月內儘數解齊毋得稍有蒂欠儻再藉詞延宕致誤開放卽著照奏定章程指名叅處將此由五百里諭知官文英桂瑞麟劉長佑左宗棠李鴻章崇厚徐宗幹馬新貽吳昌壽閻敬銘鄭敦

謹李瀚章郭嵩燾並傳諭王榕吉師曾知之

○又諭給事中劉毓楠奏奉天馬賊充斥皆由地方官因循廢弛於拏獲搶刦重犯僅交押班館並不嚴訊治罪賊匪脫逃從不再緝書差賄縱亦不懲辦等語盛京等處地方近來賊氛四起前經軍機大臣等奏定緝盜章程已嚴諭該將軍府尹等認真遵辦若如該給事中所奏各府廳縣於拏獲重犯並不究治錦縣一邑收悍賊至四五十名之多竟有

押至七八年之久者訊供後復不敢治罪任令書差私縱居民懼賊銜恨不敢出首積弊相沿貽誤非淺殊深痛恨著恩合恩錫按照該給事中所陳各情嚴飭守令等官力求整頓不准再蹈前轍將各屬所獲盜犯趕緊訊結按章治以應得之罪以昭炯戒如有仍前玩愒不知振作之員卽著從嚴叅辦並將賄縱賊犯之書差人等訪查懲處以肅吏治而靖閭閻原片著鈔給閱看再盛京馬賊近日

情形如何。並徐占一等投誠。是否可靠。著該署將軍據實迅速馳奏。將此各諭令知之。○又諭。前據吳昌壽奏。保劾屬員賢否。請將遂平令文玉以知府用。汝陽令蘊琛革職。當經降旨允准。茲有人奏。文玉於遂平縣任內。縱役殃民。妄拏無辜。門丁舞弊。蘊琛歷上蔡汝汝陽南陽。勤政愛民。除莠安良。操守廉潔。該撫是非顛倒。臬白不分。請飭查明等語。致治之原。首先察吏。封疆大吏。舉劾屬員。關繫實

非淺鮮。吳昌壽前以文玉為守兼優。體用俱備。到任未久。民愛滋深。蘊琛好尚虛浮。政事廢弛。分別陳奏。且稱或採自公評。或驗其實蹟。並詢據藩臬兩司。均屬察訪相同。自當確有聞見。何以有人稱其甄別失當。並臚列文玉勒捐妄拏等款。及蘊琛為民愛戴各情。所奏是否屬實。著曾國藩即行密派妥員。前赴豫省。按照所陳各節。嚴密訪查。將該二員賢否。務得實蹟。秉公覆奏。以肅吏治。而示勸懲。

毋得稍涉偏徇。原摺著鈔給閱看。將此諭令知之。○吏科給事中劉毓楠奏。請將丁憂河南歸德府知府姜麓留辦歸德團練。允之。○甲寅。諭內閣。巡視北城御史承繼等奏。副指揮人地不宜。擬請開缺另補。並請調指揮赴城差委。四城副指揮員缺。請分別繁簡各摺片。北城副指揮沈桂森才具平庸。捕務懈弛。難勝繁劇之任。著即開缺。交吏部照例辦理。所遺員缺。著該部另行選補。候補指揮朱森

既據該御史等奏稱辦事勤奮。長於緝捕。著准其調赴北城差委。以資得力。該御史等所奏東南西北外坊各設副指揮一員。而西北兩城外坊地面尤關緊要。所有四城副指揮員缺。擬請分別繁簡辦理。其久經實任揀發。著有勞績各員。應如何調補銓選。請飭部妥議章程各等語。著吏部議奏。尋議西北兩城作為繁缺。東南兩城及中城作為簡缺。西北城缺出於現任副指揮內。遠員調補。如無堪

調之員。准以揀發候補副指揮揀補。其久經  
實任揀發著有勞績各員。亦准揀補繁要之  
缺。從之。○諭軍機大臣等。恩合奏遵籌調兵  
撥餉以資攻剿及匪首徐占一投誠各摺。片  
寶珣奏官軍剿匪失利添募壯勇一摺。此次  
股匪由遼陽州屬之驗廠地方竄至距奉天  
省城二十五里之王大人屯官兵接仗失利  
該匪向省城逃北竄逸。現飭恩科統帶馬隊  
跟蹤追剿。惟賊勢狡猾。奉天額設官兵不敷

調撥。自應添調客軍以資攻剿。該署將軍請  
調之神機營訓練吉林黑龍江馬隊一千名  
並備調之洋槍隊一千名。已諭管理神機營  
王大臣妥速議奏。其請撥部庫銀十萬兩亦  
諭知戶部速議矣。恩合務當於京兵未到之  
先就現有兵力督飭將弁實力攻剿。不得稍  
有疏懈。奉天庫存銀兩准其先行動用。第官  
軍在王大人屯接仗失利情形。恩合聲敘甚  
屬含糊。帶兵各員亦未加叅劾。未免意存徇

隱何以作士氣而飭戎行。著恩合破除情面  
申明賞罰以期力加整頓。剋日殲除匪首徐  
占一。如果真心投誠自應相機辦理。但不可  
為其所愚。恩合務當虛心體察以昭詳慎。烏  
痣李既無投誠實據官兵雖不便輕於緝拏  
致徐占一懷疑或責令徐占一擒獻或督烏  
痣李隨同剿賊立功自效。均著恩合酌量辦  
理不得草率了事。復生後患。現在賊匪究有  
幾股首逆何名。未據恩合奏聞並著查明具

奏。王起一股匪數尚多。率眾出邊現在何處  
著阜保德英一體嚴防賊匪雖向省北竄逸  
而根本重地不可不嚴為防範。著富平阿寶  
珣妥為籌防所募壯勇並著認真訓練以期  
得力。恩錫計可抵任。即著商同籌辦毋稍大  
意。將此由六百里各諭令知之。○以內閣學  
士廷煦為盛京兵部侍郎。○旬到直隸山西  
情實罪犯停決直隸絞犯一人。山西斬犯二  
人。餘三十一人予勾。○乙卯諭內閣宗人府

奏酌擬應否代替進內直班章程開單呈覽一摺嗣後應行在內直班之王公等卽著按照單開准代班不准代班章程辦理凡遇代班先行呈報宗人府存案以備查覈此外各項進內直班之文武大臣遇有差使應否代替之處並著各該直班王大臣妥議章程具奏○又諭文謙奏差役藉端滋擾請交順天府飭通水道審辦一摺此案順天府快役姜澱沅奉票訪緝宛平縣通州等處賊匪犯無

一獲輒敢假追捕馬賊為名糾集葛泳明等多人至薊州等處滋事並敢向風水禁地倚勢挾仇按查私貨鎖拏無辜實屬膽大妄為目無法紀披甲錢恩林於被盤獲時詐稱輕車都尉世職並於該犯身邊搜出頂托翎管等件更難保無假冒官職借端訛詐重情其所邀之葛泳明等是否係各村練勇抑係無業游民亦應徹底根究所有姜澱沅錢恩林孟舉張淙勝王二並葛泳明等犯暨車戶李

詳劉煥漳車夫李帽順王泳胡李汶方等均著解交刑部嚴訊確情按律懲辦毋稍寬縱○又諭馬新貽奏查明浙省失事應行查辦各員分別定擬一摺太湖營遊擊升用參將沈鎮揚等三員於賊匪竄擾浙江太湖等處未能力守均屬咎有應得惟該員等失事情節各有不同或責任專城功不掩過或糧絕城陷不能固守或本汛並未失陷復協同克復郡城自應酌覈情罪重輕分別懲辦所有

單開之太湖營遊擊升用參將沈鎮揚署金華協浦江千總把總趙國樑均著革職發往軍台效力贖罪署台州協左營桃渚汛守備千總魏慶泰著革職免其治罪仍留本營效力○諭軍機大臣等都興阿奏攻勦喫緊請留幫辦大員並陳勦賊情形及請調黑龍江馬隊各摺片前因雷正綰所部潰散陝西喫緊特允德興阿等所請諭令穆圖善帶領所部馬隊馳赴邠長協勦現在雷營潰勇漸次

撫定而甯夏攻勦正值緊要之時穆圖善著  
仍留甯夏幫同都興阿相機攻克以資得力  
惟據都興阿奏稱賊糧垂盡止賴納家牖一  
帶賊堡接濟並恃牛羊孳多藉充軍食杜嘎  
爾等雖有勝仗究未能斷其接濟著都興阿  
穆圖善督飭兵勇或於星夜設法焚其糧食  
或於逆賊運道派兵扼紮使之不得運往則  
攻克自必較易該將軍等進攻年餘尚未得  
手若再遷延則師老財匱尤屬可虞著即迅

速攻克以慰馳繫黑龍江馬隊調撥已多未  
便再行調往西蒙克西克所部馬隊前諭馳  
赴陝西現在如果情形較鬆即著德興阿劉  
蓉迅飭仍回甯夏以期兵力較厚拔城更易  
甯夏既克則陝防北路亦可稍鬆諒德興阿  
等必能顧全大局也將此由六百里各諭令  
知之○以伊犁參贊大臣榮全為鑲紅旗蒙  
古副都統未到任前以乾清門侍衛岳林署  
理○馬蘭鎮總兵官文謙因病解職以都察

院左副都御史景霖為馬蘭鎮總兵官兼總  
管內務府大臣未到任前以鎮國公載綱暫  
署追予浙江湖州陣亡把總袁榮南等三  
十四員祭葬世職加等殉難家屬分別旌卹  
如例○丙辰諭內閣萬青藜下寶第奏官荒  
地畝擬試墾水田請飭議籌辦一摺據稱甯  
河縣與天津縣交界地方有荒地六七十里  
曠無居人地力廢棄可惜查甯河等縣所屬  
塌河淀軍糧城等處濱臨海河若引水灌溉

可開稻田一千餘頃歲可收稻米十數萬石  
於北地倉儲近畿民食均有裨益請飭侍郎  
崇厚派員履勘會議章程請旨辦理等語咸  
豐年間科爾沁親王僧格林沁在大沽海口  
一帶興辦水田倡捐辦理得稻田四千二百  
餘畝嗣經崇厚督員經理使斥鹵之區成為  
沃壤民利賴之今甯河天津交界地方查有  
荒地數十里經卞寶第函致崇厚詢訪情形  
並據該侍郎覆稱軍糧城一帶臨傍海河但

須開渠二道。官為籌款。招佃墾種。可得稻田千餘頃。該侍郎連年在鹽水沽一帶勸墾水田。收穫頗豐。自必確有把握。即著崇厚派委妥員會同地方官。前赴軍糧城一帶履勘情形。酌議章程。會同順天府尹直隸總督奏明請旨辦理。以興地利而裕民食。○又諭張之萬奏籌備上南祥河兩廳險要工程。請酌撥節省防險銀兩一摺。河南上南廳鄭州下汛等處。本年疊出險工。均經搶護平穩。惟轉

瞬春融水長。隄埽塌墊堪虞。亟應豫籌經費。物料以濟要需。現經張之萬於鄭州下汛十堡十一堡估需銀五萬餘兩。祥符上汛十五堡估需銀四萬餘兩。內力加覈減。必須添撥銀六萬兩。始敷辦理要工。所陳自係實在情形。著吳昌壽按照該河督所請迅速飭令藩司於新章司撥二十萬兩外。再撥節省防險銀六萬兩。並前任河督譚廷襄奏准定章。年前應撥料麻四成價銀一併勒限於年前全

數解交張之萬俾得及時趕辦。毋許稍有延緩。其南岸下南廳及兩岸長隄各工。並著張之萬隨時察看情形。認真經理。○又諭張之萬奏請保隨同搶險出力紳士等語。武舉萬恆昌著賞加守備銜。並賞戴藍翎。訓導馬汝駿著賞給五品頂帶。並賞戴藍翎。職員劉景山訓導羅鼎均著賞給五品頂帶。並賞戴藍翎。此項人員。本係附近各寨團總。隨同搶辦要工。尚屬奮勉。是以特沛恩施。嗣後不得援

以為例。○又諭前因都察院奏。已革台吉伯和濟雅叔祖母胡氏。以都統麒麟慶聽受情託。該台吉被罪。冤抑等詞。呈控當派靈桂劉崐馳驛前往查辦。茲據奏訊。明該台吉畏罪誣控。各情按律定擬一摺。此案已革台吉伯和濟雅將伊屬下楊得書等私放護衛。先後共十三人。復勒派伊屬下人等捐送馬匹。索借銀兩。其念誦黑經。於圖內填寫之子與巴林王那木濟勒旺楚克名字相通。跡涉咒詛。均

經審實並無屈抑。該台吉於麒麟慶奏結後。輒敢起意翻控。向宛立崧馬良行賄作呈。添砌情節。盡屬子虛。實屬肆意妄為。種種不法。著照所擬從重發往黑龍江充當苦差。馬大卽馬良受賄代作呈詞。添砌都統受託等情。希圖將案提京。增減情罪。實屬目無法紀。著革去議敘。未入流從重定擬絞監候。秋後處決。喇嘛官車卽達爾瑪扎布轉屬馬良作呈。過付銀兩著杖一百。流三千里。照例剝黃。不准

折枷。由熱河都統解送理藩院定地實發。宛立崧代伯和濟雅寫作呈詞。得受謝銀。徐均錫楊得如鄭祥春徐繼功魏墨林賄屬作呈。過付銀兩所得杖徒罪名。均著照所擬辦理。一併交熱河都統定地充徒。喇嘛西拉聽從念經。於靈噶鬼圖內字跡可疑。並不阻止。著與掌壇之喇嘛吉克默特並描寫之喇嘛棍楚克扎布必里克圖均杖八十。鞭責發落。馬玉麒於伊叔馬良作呈。訊不知情。惟以由配

釋回之犯。並不回籍潛行來京。著照律答責。遞交原籍辦理。在逃之陸星階並著嚴緝務獲。其伯和濟雅私放之護衛等官。均著卽行斥革。巴林王那木濟勒旺楚克於伯和濟雅前犯各節。並不嚴加管束。以致構釁爭訟。亦屬不合。熱河都統衙門理刑辦事司員宛立俊於伊弟宛立崧受賄作呈。雖不知情。亦屬失察。均著交該衙門照例分別議處。熱河都統麒麟慶審訊此案。既無聽受情託情事。著無庸議。

諭軍機大臣等。喬松年奏豫境竄賊。又復東擾。現在布置情形一摺。張總愚股匪由鄭縣禹州新鄭日漸東趨。擾及許州洧川。漸將竄至陳州歸德。距潁州甚近。喬松年現調英翰一軍駐紮潁州府屬之插花廟。張得勝一軍回駐潁州。相為犄角。黃秉忠一軍改駐西陽集。張文炳一軍仍駐雒河集。卽著督飭派出各軍分路設防。遇賊卽擊。毋令匪蹤闌入。喬松年務當激勵將弁。越境迎截。以勤



為防方能與豫軍協力進攻為一鼓聚殲之計賴汶洸等股已由東境竄入豫省之虞城一帶若與張總愚勾結合股勦辦更形棘手應如何分路進攻之處著吳昌壽相機布置曾國藩節制三省責無旁貸著懷遵疊次諭旨統籌全局抽撥勁旅赴豫協勦迅殄逆氛將此由五百里各諭令知之○以江西分宜縣捐輸軍餉永廣學額六名○以湖北應山縣捐輸軍餉永廣學額五名○以廣東守備

侯勉忠捐輸勇糧永廣清遠縣學額二名○以河南河工防汛出力賞都司郭廣泰花翎外委吳景春等藍翎予道員德蔭等升敘有差○予故致仕雲南提督汪道誠祭葬謚勤果○予安徽雉河集傷亡守備李勤邦祭葬世職如遊擊例○撥山東地丁銀四萬兩天津山海東海關稅銀各二萬兩解赴盛京戶部以濟軍需○丁巳諭內閣前因湖南已革巡檢李際晟呈控知府李逢春挾嫌叅革訐

告前湖南巡撫毛鴻賓納妾通賄等款當經諭令官文提集人證秉公審辦茲據訊明定擬具奏此案已革巡檢李際晟呈控前署湖南長沙府知府李逢春為私黨楊鼎勳謀缺及包庇劣幕並買倡為妾賄息椿齡控案主使毛鴻賓密計行賄等款經官文提到李逢春楊鼎勳及委員江肇成千總張玉恩等逐一訊究並無實據質之李際晟亦稱得自傳聞無可指證道員康明哲並無謀逆之案亦

無與李逢春結拜師生情事均著無庸置議其所控李逢春等合買一妾獻於毛鴻賓等情查係毛鴻賓官親李文藻買得張姓家婢女役使惟毛鴻賓以風憲衙門任聽官親央媒買婢擡入署內致滋物議實屬關防不謹降調兩廣總督前湖南巡撫毛鴻賓著交部議處暫革知府李逢春雖查無藉無驛站需索零陵等縣銀兩情事惟於大荆驛巡檢等出具驛站遲誤印加各結漏填年月未經查

出駁斥辦理實屬顛預李逢春著開復暫行革職處分仍交部議處其專轄驛站之前湖南按察使倉景恬著一併交部察議李際晟以被罪微員捏款誣控例應加等治罪業已病故著與甘結內漏填月日之已故湘陰縣知縣吳逢春均免置議尋吏部議毛鴻賓應照親友在任所招搖失於覺察例降一級調用准其抵銷從之○以浙江克復武康等城出力賞按察使楊昌濬布政使銜並二品封

典總兵官周紹濂劉樹元李運榮道員朱明亮魏光邠知府楊道洽副將曹魁甲余朝貴高有志郭德馨遊擊劉祥瑞梁雲山李平衡都司張金榜陳厚順巴圖魯名號知府李邦達參將彭榮華等花翎千總王樹聲等藍翎餘加銜升敘有差○戊午諭內閣前據御史丁浩奏參河南杞縣知縣查以謙鄆陵縣知縣徐士鐸貪劣各款當經諭令吳昌壽查明具奏茲據奏稱查明查以謙在杞縣徵收錢

糧並非加派亦無勒罰銀米入己情事該員因民間買賣房地漏稅者多曾傳集產行報契投稅並未勒比致斃人命亦無抑勒居民破產之事其被參霸占民女為妾及家丁幕友撞騙各節均無其事至徐士鐸查無任聽王德海招搖納賄實據惟家丁余姓曾借兵差派車勒索錢文家丁周姓犯姦致蘇姓二女羞憤投井該員往驗捏報失足落井雖無賄和情事亦難辭咎等語河南杞縣知縣查

以謙被參各款既據查明並無其事著無庸議鄆陵縣知縣徐士鐸於家丁周姓犯姦釀命在押脫逃輒敢故出其罪捏詳了事並失察家丁余姓藉差詐贓難保無另有通同婪索情弊徐士鐸著即行革職勒限將該家丁周姓余姓交出提同人證質訊明確從嚴懲辦○諭軍機大臣等吳昌壽奏官軍勒贓獲勝髮捻大股竄往西南派隊追剿並瀝陳豫省軍務萬難情形各一摺張總愚股匪與賴

汶洸牛落紅各逆合股同向西南紛竄經馬德昭等督兵夾擊逆匪敗竄奔至許州一帶復經善慶等馬隊迎擊斃賊十餘名生擒石法有一名現在該逆前股由襄城葉縣擾及舞陽後股則由臨潁奔逸郛城西平遂平一帶其勢方張著吳昌壽督飭張學醇宋慶等馳赴南陽馬德昭由臨潁郛城兩路探蹤相機追剿遇賊卽擊毋令得容喘息官文等屢有派兵會剿之奏僅於鄧州等處報一勝仗

並未深入豫境會合豫軍將賊匪痛加懲創是該督等會剿之說不過敷衍了事有名無實現據吳昌壽奏賊匪石法有供稱賊有欲往湖北擄糧之意官文鄭敦謹務當飭令防邊各軍越境赴豫迎頭截擊並飭各路將領協力嚴防毋令賊蹤竄入鄂疆儻再因循從事不知振作必惟該大臣等是問鮑超一軍前諭曾國藩酌量調赴豫省如果於豫省有益卽著迅速檄調以資得力皖省防務仍著

喬松年嚴密布置吳昌壽所陳豫省軍務種種棘手勢處萬難自係實在情形該省地當四衝備多力分兵餉兩絀現在張總愚股匪與賴牛等逆併聚豫省賊數益眾斷非一省兵力所能支曾國藩本有節制三省之責自當統籌全局前往援應且江皖兵力較厚此時又無捻蹤竄擾所有原設四鎮兵勇自應移向西進步步進逼以期力遏狂氛該大臣亦當斟酌情形移營進紮就近督剿未可株

守一隅致誤事機豫兵不習火器無以制賊蘇省所製火器較為精良著李鴻章將洋槍鉛丸火藥酌量提撥派員迅解豫省並著曾國藩李鴻章各揀派熟悉火器弁勇赴豫交吳昌壽調遣令其教演豫兵俾利攻剿吳昌壽所陳供職無狀自請治罪並請另簡賢能等語該撫受恩深重自當力為其難不得以兵餉兩絀遽思推諉卸責吳昌壽原摺並著鈔給曾國藩李鴻章閱看將此由六百里各

諭令知之。○兵部等部議覆署兩江總督李鴻章奏。皖省漸就肅清。分汛設防。擬復舊制。先行募補守兵五成。照例籌給糧餉。應如所請。辦理至所請皖南鎮總兵係新設之缺。應否添立幾營。查現當帑項支絀之時。未便添營糜餉。應令就所轄徽甯池廣蕪采各營中酌改增定。其官弁奉薪馬乾口糧。准照壽春鎮例定成額支給。從之。○予安徽徽州等處陣亡守備郭長發等一百四十六員祭葬。世

職加等。予河南臨潁等處陣亡遊擊王應龍等祭葬。世職加等。○追予湖南善化合門殉難六品軍功張國重暨眷屬等八名口分別旌卹如例。○以遺愛在民。追予河南新蔡縣知縣韓承宣建立專祠。○免福建本年例貢果品。○己未。以神靈顯佑。頒江蘇揚州府甘江汛風神廟扁額曰應律揚仁。實應縣大王廟扁額曰波恬仰鏡。○諭內閣文祥奏

請假回旗迎養一摺。文祥著賞假三箇月。前赴盛京迎養伊母來京。並賞給人蔭六兩。卽著文祥齋去。以資頤養。○又諭據都察院奏。江蘇職員章啟勳。以母舅鄒鳴鶴遇害最慘。懇請優卹建祠等詞。赴該衙門呈遞。前任廣西巡撫鄒鳴鶴。於咸豐二年。因賊匪圍攻廣西省城。旋往北甯。該員堵禦不力。奉旨革職。旋賞給六品頂帶。協防江甯省城。殉難後復奉

旨賞加道銜。照道員陣亡例議卹。鄒鳴鶴以革職之員。在本籍守城殉難。業經照道員例賜卹。無可再加。該職員所請優卹建祠之處。著毋庸議。○又諭劉鄒膏奏。蘇松等處減賦數目。間有參差。據實更正。檢舉一摺。據稱江蘇蘇松太等處。共應遞減米四十七萬七百餘石。惟松屬低薄。加科田蕩。有一畝四五分。或二三畝。始準熟田一畝者。前奏照原田頃畝。作為中則派減。畧與賦役全書不符。且與前

奏蘇松太章程第二條所開前項田蕩仍照折實熟田科則一體覈減之處亦未朒合現已一律更正該署藩司於前開總數內未經查明實屬疏忽請與該護撫一併交部察議等語暫護江蘇巡撫劉卹膏署江蘇布政使郭柏蔭均著交部察議所有咨送部科減賦清冊著該部查覈辦理○以江南高郵等處承辦隄工暨防汛出力予同知范志熙等加銜升敘有差○句到朝審情實罪犯停決斬

犯一人絞犯一人餘十一人予句○庚申諭內閣本年各直省辦理秋審人犯經刑部由緩決改情實者四川省五起奉天省五起河南省九起山東省八起該將軍府尹督撫並該臬司於秋讞重犯未能洋審覈擬著交部查明分別議處嗣後各將軍府尹督撫等務當督同所屬遵照定例酌覈案情悉心究擬罔不可失之刻覈亦不可惑於救生不救死之說故從輕減總期執法持平無枉無縱用

副明慎用刑至意將此通諭知之○又諭阜保奏請將文武員缺仍復舊制咨送引見一摺吉林協領佐領防禦及倉站助教等員缺前經景綸奏定凡遇補缺先換頂帶仍食原銜俸餉均俟差便陸續補行引見現在由軍營撤回實任虛銜及由存營揀補人員日形擁擠而京差有常若必俟差便咨送引見辦理諸多窒礙著照所請嗣後該省文武缺出仍卽揀定正陪一體隨時咨送各該部旗帶

領引見以符舊制另片奏存營揀放奏補人員請推廣比照成案卽照升任官階食俸等語該員等升補協領佐領防禦等官其補原官時均已咨送引見非初次補缺者可比卽著比照由軍營揀放人員咨部覈准未經補行引見以前卽照升任官階食俸以示體卹又諭麒慶奏熱河地方幅員遼闊吏治不振請將調補舊例量為變通並揀發州縣各員一摺該都統所請將熱河道以下正印各

官除承德府知府仍專用滿員外其餘俱照內地官員無論滿漢以及何項出身一體補放之處著該衙門妥議具奏其請揀發州縣各員著吏部照例辦理另片奏請飭熱河道每年分巡各屬及都統帶兵出巡等語熱河道一員本有分巡之責該處轄境遼遠民風獷悍自當隨時周歷彈壓以靖地方嗣後著熱河都統劄飭該道遵照定例每屆春秋二季分巡各屬以昭嚴密不准性耽安逸視為

具文其熱河都統亦著於每年不拘時令酌帶駐防官員兵丁出巡一二次以期盜賊斂跡應如何擬定章程之處著該都統奏明辦理尋奏遵籌都統每年通巡所屬一次早則四月遲則十月往返以一月為期隨帶委員弁兵不得越五十人之數以資差委而昭簡便下部知之○諭軍機大臣等醇郡王奏酌擬統兵大員帶兵前往奉省勦賊並請飭各該省總督將軍等派兵兜勦等摺奉省馬賊

猖獗恩合前請調吉林黑龍江馬隊官兵九百餘員名業經有旨令神機營王大臣派赴奉省茲據醇郡王奏此項官兵除傷病外止八百餘員名尚恐不敷調遣天津洋槍隊雖亦可用而東豫軍務未竣畿南之防未可稍懈似須留津備調擬於該營現練威遠隊官兵內選派一千二百名並小隊技藝兵二百名又直東遣撤之健銳火器等營內馬隊三百六十餘員名一併派赴奉省助勦並調定

安管帶健銳等營馬隊以上各起馬步官兵均派福興統帶督勦尚書文祥現在賞假回旗請令就近督同福興恩合商籌勦賊機宜等語所籌甚屬周妥著即派福興管帶吉林黑龍江馬隊及威遠隊槍兵小隊技藝兵並定安訓練之健銳等營兵剋日分起前進赴奉省督勦文祥昨有旨賞假回旗迎養該大臣於奉省地理形勢風土人情均極熟悉著即與福興恩合等妥商勦賊之法有應奏事

宜由該大臣隨時具奏。以一事權。定安現署伯都訥副都統。本日已有旨令其迅速折回矣。此項京兵起程。除由京備帶餉需口分外。其應用車輛。卽著恩合寶珣劉長佑嚴飭。經過地方官員。先期寬為籌備。屆時安速應付。毋得遲延短少。致誤軍行。行抵奉省界內。並著恩合寶珣慶春。督飭奉省派出各兵勇。為先路之導。務須埽穴擒渠。廓清地面。不得恃有京兵。遂可置身事外。京兵未到以前。如果

賊勢猖獗。恩合等惟當就現有兵力。實力防剿。總須先將

陵寢省城加意保護。不可稍有疏虞。阜保等亦當飭令各軍。越境會剿。毋任匪蹤闖入。該匪出沒不常。此等彼竄。是其慣技。直隸熱河等處。本有派出防剿之軍。著劉長佑。麟慶。長善。連成。徐廷楷等。各飭兵弁。實力防範。仍多設偵探。如有賊匪被剿窮竄。闖入本境。卽行派兵截擊。毋得任令肆擾。致干重咎。並著恩合

知照伯彥諾謨。枯暨各盟蒙古等。一體兜勦。務使該匪無所潛蹤。用收一勞永逸之效。本日據長善奏。查看迤北各邊口大概情形。開單呈覽。一摺。據稱邊牆不必一律修整。致繁工費。惟須寬籌緝捕經費。常川會哨。再就各營內挑備緝捕盜賊精壯馬兵一支。一聞探報。立即會合帶往。與現在辦法尚合。著卽會同劉長佑等認真商辦。毋得徒託空言。馬隊槍操尤須認真校閱。以期一律精練。麟慶奏。拏獲紀盛汶所供之辛。三應否解京等語。辛三及伊子辛榮第。既與紀盛汶所供未盡相符。且經鋪民等紛紛具呈保釋。似屬無干。卽著無庸解京。由該都統酌覈辦理。其宋家杖子鄉長辛有剛。是否與匪徒來往。其住宅之西北有無客店。並著密派委員訪查。妥辦前據醇郡王奏。派出吉林黑龍江馬隊官兵。所乘馬匹。間有倒斃疲瘵。業由神機營挑選更換。其不足之數。或沿途續有倒斃疲乏。請飭

錦州副都統在大凌河馬羣內更換挑補著慶春卽於大凌河馬羣內挑選騰壯馬匹以備更換不准以疲乏充數將此諭知管理神機營王大臣並由六百里諭知恩合卓保德英慶春寶珣劉長佑麒慶長善達成並傳諭徐廷楷知之○又諭醇郡王奏酌派馬步官兵前往奉省勦辦馬賊內有副都統定安由直隸帶回遣撤之建銳等營馬隊三百餘員名請一併派往助勦等語此項馬隊久經定

安訓練現既派赴奉省協勦自應仍由定安管帶較為得力定安現署伯都訥副都統計期將抵署任無論行抵何處著卽折回統率原帶之馬隊三百六十餘員名前赴奉省會同恩合將勦捕事宜妥為辦理仍歸福興節制調遣毋稍遲誤將此由五百里諭令知之○又諭劉坤一奏粵東上坪踞逆宵遁和平現飭各軍東馳截擊並催鮑超督師進勦各摺片汪逆敗回連平州之上坪等處經席寶

田等軍分路夾擊該逆始竄龍南之分水坳為團練擊退遂於十月初九日夜糾黨由泃頭竄往和平劉坤一現飭席寶田王開琳劉勝祥越境會勦並令黃少春一軍迅赴長甯節節設備力扼該逆分竄之路所籌均尚周妥著劉坤一就近嚴檄各軍會同閩粵官軍分路進勦協力兜拏為一鼓聚殲之計瑞麟郭嵩憲務當督飭將士嚴密堵禦遇賊卽擊迅殄逆氛毋得專待客兵致誤戎事該逆奔

突無定難保不由平遠鎮平以犯汀州應如何扼要設防杜賊回竄著左宗棠徐宗幹妥籌辦理鮑超不日卽可到贛現在汪逆東竄和平江省定南長甯會昌等處正在堵勦喫緊之際卽著劉坤一知會鮑超統率雲慶等軍星速前進視賊所向疾馳痛勦鮑超新募四營應需餉項並著劉坤一督飭藩司竭力籌撥俾資接濟至該營所開薪糧公費等項與湘楚各軍月餉數目多有參差應如何



覈實支放以歸畫一之處著咨明曾國藩妥商辦理將此由五百里各諭令知之○辛酉上詣

奉先殿行禮○諭內閣前據劉蓉奏參陝西榆林府知府劉廷鑑抽收釐稅徵多報少且有藉端科罰民財入私肥己等事降旨將該員先行革職聽候查辦茲據劉蓉奏查明該革員在任款蹟議擬具奏此案已革榆林府知府劉廷鑑於府差張棕智緝捕要犯不力並不從嚴究懲率聽出錢修工含混完結實屬

違例科罰抽收釐稅並不照改定新章辦理輒以銀作錢以錢作銀並巧立火耗解費票錢名目種種營私詭詐殊乖職守惟浮收釐稅銀兩捐製鎮營軍械尚無入己情事且經管倉糧亦無不合業經革職著從寬免其再議該革員劣蹟昭著調赴軍營亦恐不能得力所有都興阿前此奏調劉廷鑑赴營差遣之處著無庸議另片奏委派道員李義鈞知

府齊琮會查劉廷鑑款蹟業經該道府合詞會稟茲據齊琮稟稱劉廷鑑徵收土稅係照前署道何丙勳等辦理伊與李光鈞意見不合礙難會稟現在飭司秉公確訊等語齊琮前既與李義鈞會銜會印將劉廷鑑抽收土稅各情合詞會稟因何忽稱意見不合是否前稟係由李義鈞主政抑或彼此實已商明另辦自應徹底根究仍著劉蓉督飭藩臬兩司集証研鞠務得確情毋稍迴護瞻徇○諭

軍機大臣等崇實奏援黔官軍獲勝並攻克逆巢一摺劉嶽昭一軍進剿黔匪連日將牛角地元音寺等處賊巢攻拔擒斬賊目甚多遂乘勝馳抵遵義府城進解火石坎民寨之圍連戰皆捷附近脅從各寨均已就撫劉嶽昭復督飭諸軍將綏陽城外之天台山賊巢攻拔勦辦尚屬認真惟遵郡四面皆賊雖經官軍疊次擊敗仍在綏陽一帶負隅抗拒亟應次第掃蕩以靖地方著崇實略秉章督飭

劉嶽昭速統各軍。進克綏城。赴援遵郡。並著勞崇光。張亮基。裕麟。徽飭署遵義府知府。張日崙。及綏陽縣官兵團練。合力進攻。迅殲醜黨。毋得專恃客兵應援。一籌莫展。坐失事機。將此由五百里諭知崇實。賂秉章。勞崇光。張亮基。並傳諭裕麟知之。○浙江巡撫馬新貽奏營兵尚未歸伍。請將本年軍政展緩舉行。從之。○以陝西克復吳旂鎮等處出力。賞同知鄔太愚等花翎。外委譚亮彩等藍翎。餘加

銜升敘有差。予陣亡武舉宗揚清祭葬世職。如千總例。○予貴州綏陽陣亡參將李方元等五十七員祭葬世職加等。○追予陝西殉難知州金玉麟。知縣周蕃壽。巴彥善。於漢中府城合建三烈祠。○釋遣戍吉林已革阿克蘇辦事大臣綿性回旗。○豁免四川松潘廳被擾地方積欠額賦。

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十八



不洽士論。霸州北六工州判金嘉琴。不諳河務。遇事張惶。宣化府經歷童鶴齡。性情狡猾。善於營私。武清縣河西務主簿袁振綱。干預地方公事。修防亦不得力。青縣杜林鎮巡檢史恩壽。任性妄為。遇事巖率。曲周縣典史蕭榮藉。端生事。意圖索詐。均著卽行革職。以肅官方。○添設湖北漢口鎮陸路千總一員。把總二員。經制外委二員。額外外委四員。移原設中軍守備於漢陽府城右哨。水師千總暨

額外外委於江漢關水師三司外委於蔡甸。從湖廣總督官文等請也。○以甘肅慶陽勦賊獲勝。賞總兵官歐得勝。參將朱光斗。巴圖魯名號。副都統巴克坦等。花翎。同知麟祥等。藍翎。予陣亡參將張保安等二十二員。祭葬世職加等。○蠲緩直隸豐潤安青靜海滄南皮鹽山。慶雲雞澤元城大名。衡水深永。年東鹿沙河肥鄉廣平十八州縣被水被旱被雹地方新舊額賦並各項地租暨民借倉穀。○

癸亥諭內閣前因

定陵工程告成。特降旨將承修大臣原任大學士彭蘊章之子前任通政司參議彭祖賢。俟補缺後。遇有應升缺出。開列在前。茲據吏部奏。據彭祖賢呈稱。該員前因承辦軍需出力。業經得有應升之缺。開列在先。獎敘可否。將此次獎敘移獎該員胞弟彭祖彝等語。彭祖賢著加恩。以四品京堂候補所請移獎胞弟之處。著毋庸議。○又諭前據工部題奏湖北

新關稅務。應令實缺道府督辦。以符定例。當經降旨依議。茲據官文奏稱。新關建於新隄。與實缺道府所駐地方。相離甚遠。該道府等不能躬親其事。勢將假手胥役。弊竇叢生。必須監司大員。駐關督辦。方足以資彈壓。請仍由候補道府中。遴選員經理等語。所奏係屬因地制宜。卽著照該督所請。仍於該省候補道府內。遴選結實可靠者。奏委一員。駐紮新關。督收稅課。以專責成。一年期滿。另請更換。僅

該委員辦理不善或人地不宜卽著隨時撤換如所委之員得力接替乏人居期准其奏明留辦另片奏候補道劉建德委辦新關稅務日有起色請再留駐關一年等語劉建德著准其再留一年督辦新關稅務以資熟手俟一年期滿再行遴員接辦諭軍機大臣等伯彥訥謨祜奏馳抵盛京沿途馬賊情形一摺奉省馬賊著名股匪已多在附近省城一帶燒掠甚形猖獗並將八面城占踞前據

恩合屢次奏陳已諭令督兵勦辦並酌撥神機營勁旅諭令尚書文祥等統帶出關督勦約計月杪可到伯彥訥謨祜現在商同達爾漢親王索特那木彭蘇克挑選馬隊千名聽候調遣卽著相機辦理索特那木彭蘇克本年班卽無庸進京以期會商進勦現在勦賊喫緊伯彥訥謨祜如不能抽身來京俟昭烏達卓索圖兩盟長到京時再行傳旨調撥蒙古官兵一體防勦如伯彥訥謨祜有必須

來京與該兩盟長面商之處並著奏明辦理另片奏管帶昌圖廳勇丁之通判奎壽畏葸不前坐誤事機於地方搶案率多隱匿不報以致民怨沸騰盜風日熾等語著恩合恩錫查明嚴叅懲辦以靖盜源而肅吏治毋稍徇隱此旨著恩合鈔錄一分迅速知照伯彥訥謨祜欽遵辦理並著趕緊覆奏候旨遵行將此由五百里各諭令知之尋奏奎壽於馬賊入境或督勇往拏或請兵會勦尚非有意因

循惟任內搶案多未呈報實屬隱匿已於疏防案內革職應否從重治罪得旨奎壽業經革職著免其治罪又諭前據吳昌壽奏稱捻蹤由襄城葉縣擾及舞陽後股由臨潁郟城竄至西平遂平等處當經諭令官文鄭敦謹飭令防邊各軍越境赴豫迎擊茲據官文等奏稱賊眾西竄召魯嚴飭諸軍夾擊一摺所陳情形尚在吳昌壽奏報以前現在賊匪既已繞竄舞陽後股又由徐州歸德一帶西

竄郢城西平遂平一帶與張總愚前股合併勢熾益張湖北應山黃安麻城等縣距賊較近該逆有欲往湖北擄糧之說尤應防其竄入惟近防不如遠勦與其株守本境不如越境赴豫迎截著懔遵前次諭旨嚴檄成大吉駐紮麻羅之軍越境迎勦與吳昌壽所派各軍會合夾擊姜玉順等軍由西路轉向東北探賊所向與豫軍兩面夾攻以期速殄狂氛鄂省近來辦理會勦頗形遲滯官文鄭敦謹

務當振刷精神實力整頓不可徒事敷衍有名無實致干咎戾姜玉順等軍既經赴豫援勦距鄂較遠所有進止機宜即著由吳昌壽節制調遣以一事權安襄陽漢黃德等府屬團練即著官文等飭令唐協和悉心經理務臻妥善官文等另片奏請將撥解都興阿成祿兩款餉銀統歸協濟甘餉每月三萬五千內覈計等語都興阿成祿等處軍營缺餉甚久需用緊急前據該大臣等奏請將甯夏月

餉暫緩撥解經戶部議駁當經諭令官文等仍照前議籌撥著該大臣等仍遵前諭按月接濟不准遽延推諉貽誤事機其楊岳斌軍營應解之月餉三萬五千兩係屬專撥之款並著按月照數撥解不准以解都興阿成祿之款在內覈計抵算以杜牽混將此由六百里各諭令知之以奉天錦州辦理墾荒出力予佐領依勒通阿等升敘有差上以冬至祀

天於

園丘自是日始齋戒三日 甲子遣官祭

先醫之神 諭軍機大臣等閻敬銘奏據探豫省賊勢並籌辦河防情形一摺逆匪竄至尉氏一帶仍恐合股東趨著即檄飭王心安等軍分投扼勦毋稍疏懈濮范一帶河防因天寒冰結賊騎恐乘間偷越閻敬銘現飭沿河各州縣營汛分段敲冰以杜竄越即著督飭衛榮光等認真趕辦儻該員弁等承辦不

力以致有名無實卽行從嚴叅處充沂曹濟道員缺已放文彬並以長賡補授沂州府知府該二員熟悉地方情形是以特加簡擢仍著閻敬銘飭令該員等力圖報稱將地方防守事宜妥為布置以資得力將此諭令知之○命刑部右侍郎譚廷襄在總理各國事務衙門行走○乙丑調刑部右侍郎譚廷襄為工部右侍郎管錢法堂事戶部左侍郎吳廷棟為刑部右侍郎禮部右侍郎汪元方為戶

部左侍郎管三庫事工部右侍郎宜振為禮部右侍郎未到任前以都察院左副都御史潘祖蔭署理○補鑄陝西漢中府知府經歷洋縣褒城涇陽華陰藍屋等縣知縣臨潼縣縣丞洋縣褒城高陵藍屋南鄭略陽鎮安等縣儒學甯陝廳江口主簿定遠廳黎壩巡檢佛坪廳司獄各印信條記從巡撫劉蓉請也○以山西太原等府辦團出力賞候補三品京堂徐繼畬二品頂帶餘加銜升敘開復有

差○丙寅冬至祀

天於

圓丘遣豫親王義道恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵○遣官祭

端慧皇太子園寢 停次日朝賀 諭內閣  
戶部奏遵議江蘇減免漕糧章程數目一摺  
江蘇蘇松常鎮太五屬編徵米二百二萬餘  
石原係彙同漕贈行月南卹局糧等款一串  
徵收自應如李鴻章等所奏無分起運留支  
一體並減至以科則之重輕地上之饒瘠為  
減成之多寡辦理亦尚妥協加恩著照所請  
所有蘇州府屬額編米豆八十七萬七千五  
百六十四石零著減三十二萬六千六百三  
十二石零松江府屬額編米四十二萬七千  
四百六十一石零著減十一萬六千五百四  
十四石零太倉州屬額編米豆十五萬三千  
四百三十二石零著減四萬二千八百七十  
七石零常州府屬額編米三十五萬五千九  
百八十石零著減三萬五千五百九十八石  
零鎮江府屬額編米二十一萬四千七百三  
十五石零著減二萬一千四百七十三石零  
統計原額編徵米豆二百二萬九千一百七

十四石零共減米豆五十四萬三千一百二  
十六石零仍應徵米豆一百四十八萬六千  
四十八石零著自本年為始照減定數目徵  
收其各屬派減米豆數內尚有留為沿海瘠  
區加減之數並著照章分別覈派應減科則  
另行造報經此次派減後該督撫等務當督  
飭所屬認真徵解不准再有官墊民欠名目  
非實在旱潦為災不准請蠲請緩如有捏報  
災歉蒙混呈報者即著嚴叅懲辦其把持浮

收等弊並著永遠革除以裕民生而重賦課  
該督撫即刊刻謄黃徧行曉諭務使實惠均  
霑毋任吏胥舞弊以副朝廷破格施恩至意  
另片奏請將江蘇省實徵數目明定章程等  
語江蘇省各屬浮收現在既經裁減著該督  
撫將各屬向辦徵收情形除應行酌留外各  
計覈減浮收若干仿照浙江章程勒為成規  
分晰奏報以免影射浮勒之弊 賞還已革  
內閣學士恩承頂翎派充神機營翼長（丁



卯諭軍機大臣等曾國藩奏官軍擊賊疊勝現籌勦辦情形一摺逆匪分擾豫疆經周盛波劉銘傳等軍於甯陵扶溝等處迎頭攔擊大獲勝仗該逆不敢東竄現在廣聚襄葉舞陽一帶謀擾湖北曾國藩現派劉銘傳一軍作為遊擊之師隨賊所向跟蹤追勦並令李昭慶趕辦馬隊馳赴河南與劉銘傳之軍相機追逐使賊不得休息所辦甚屬妥協具見老成謀國深合機宜即著督飭派出馬步各

軍迅速前進與豫省官軍前後夾擊以期迅殄賊氛其濟甯徐州臨淮周家口四處之兵即著照舊駐紮以備賊匪流竄時迎頭截擊前有旨令曾國藩酌度軍情移營進紮本日該大臣摺內亦有不復拘泥十二府州之說與前旨適相脗合仍著該大臣斟酌情形相機前進庶居中調度呼應可以靈通想曾國藩必能因時制宜也賊匪窺伺鄂疆官文當懍遵前旨派兵迎擊痛加勦洗不得稍涉因

循致形滋蔓曾國藩另片奏鮑超鑒於金口軍叛不敢輕收降卒若令少統數營赴豫勦擒必於大局有裨並稱進兵之路須以襄陽為老營乃能北控南汝西蔽鄖陝凡銀米軍械等件應由湖北糧臺作主所籌尚妥年來擒匪出沒楚豫之交皆由無得力之兵痛加勦洗以致任其去來總未大受懲創鮑超帶兵素稱勇往若令簡練精銳申明紀律即可成節制之師該提督現在雖已赴江而豫省

軍情較之江粵尤為緊要即著曾國藩檄調鮑超統帶新募各營馳赴湖北由襄陽一帶相機進勦一切進止機宜仍著曾國藩妥籌調度其鮑超留江舊部仍令歸婁雲慶統帶勦辦粵賊並著傳知該提督遵照辦理至鮑超既赴楚豫勦擒必須寬籌餉項俾無缺乏所有銀米軍械等項即著官文督飭湖北糧臺籌定數目按月撥解不准稍有推諉江南月協之餉即由曾國藩咨商李鴻章酌定成

數源源接濟將此由六百里各諭令知之○  
又諭本日據曾國藩奏撤遣各起馬隊官兵  
回旗等語色爾固善托倫布高福等各起馬  
隊除挑留外計應撤官兵吉林二百六十六  
員名黑龍江一百六十員名察哈爾四百八  
十二員名均於九月初間陸續自徐州起程  
回旗烏爾圖那遜春壽所帶吉林黑龍江土  
默特各起馬隊除挑留外撤防官兵一百四  
十三員名於十月十五日起程回旗此項馬

隊雖經曾國藩撤遣回旗惟該官兵等曾經  
出師各省熟習軍情未便即令歸伍現在奉  
天勦辦馬賊兵勇不敷分布即著恩合於此  
項撤遣吉林黑龍江官兵到奉省時全數截  
留該處以備調遣其察哈爾土默特撤遣官  
兵本不由奉省經過即著毋庸咨調並著劉  
長佑於吉林黑龍江官兵過境時飭令迅速  
前往奉天毋任逗遛曾國藩另片奏前按察  
使齡椿病故捐輸存款五千九百十兩有奇

現存河間府庫請飭直隸總督查照由該大  
臣派員領取等語即著劉長佑飭令河間府  
知府將此項銀兩交該營委員領解回營以  
備採買戰馬之用將此由五百里各諭令知  
之○以鑲黃旗蒙古都統明慶署正黃旗漢  
軍都統鑲紅旗蒙古都統景壽暫署鑲紅旗  
漢軍都統○予積勞病故前任廣東按察使  
齡椿祭葬卹廕○戊辰諭軍機大臣等穆圖  
善奏甯夏攻勦喫緊協餉不繼請飭山陝四

川等省速籌解濟一摺穆圖善一軍自渡河  
以後兵勇口分僅發三月山陝兩省解餉既  
不足數四川協餉日久未據報解新募兩營  
月餉晉省並未解過分毫現當攻勦得手之  
際僅兵勇因飢潰散貽誤非輕著崇實駱秉  
章迅將協濟該營餉銀籌撥派員星馳管解  
赴甘交納並著劉蓉趙長齡王榕吉各將該  
省應解穆圖善營餉趕辦兩月迅速委解其  
新募兩營之餉一併補解毋得稽遲帶欠以

收飽騰之效。穆圖善一軍前經都興阿奏請無庸赴陝。業經降旨允准。本日據穆圖善奏未能驟行赴陝情形大約相同。卽著都興阿、穆圖善仍遵前旨相機進剿。迅將甯夏攻拔。以竟全功。毋再稽延。時日將此由五百里諭知都興阿、穆圖善、崇實駱、秉章、劉蓉、趙長齡並傳諭王榕吉知之。又諭前因雲南軍事方殷。亟須督撫大吏前往籌辦。疊經諭令勞崇光、林鴻年相機赴滇。嗣據林鴻年奏報多

次均託詞兵餉不充。意存觀望。現僅移紮欽州。仍未馳赴滇境。勞崇光屢奉諭旨嚴催。現在曾否由黔前進亦許久未見奏報。均屬任意遷延。茲據有人奏稱滇省及東昭尚屬稍安。惟久無大員鎮撫。馬如龍、岑毓英等無所稟承。人心易渙。誠恐日久變生。請另簡大員迅籌妥辦等語。林鴻年由知府摺任封圻。宜如何奮勉圖報。乃竟遷延貽誤。莫展一籌。卽立予罷斥。亦屬咎有應得。惟滇事艱危多由

於大吏之諉卸。使一經退黜卽可置身事外。轉得遂其畏葸自便之私。著林鴻年懍遵前旨。迅卽馳赴東昭。認真經畫。與護昭通鎮總兵楊盛宗籌撥兵練。隨護入省。並可清理鹽課釐金。以資軍食。勞崇光曾否起程。卽著星速前往。與林鴻年會籌。迅辦。儻再因循玩誤。以無兵無餉藉詞延緩。致滇中以久無統屬之故。又生禍變。必將該督撫從重治罪。仍發滇省效力。不得妄冀朝廷予以斤革轉可藉

以卸肩也。至滇省與四川毗連滇垣一日不靖。卽川防一日不能安堵。崇實駱、秉章素顧大局。著仍懍遵。疊次寄諭。酌籌餉糈。源源接濟。所有滇中應辦事宜。並著崇實駱、秉章與勞崇光等隨時籌辦。前有人奏馬如龍、岑毓英均尚可用。著勞崇光、林鴻年傳知馬如龍、岑毓英等。令其慎守疆土。共濟時艱。毋得懷挾私忿。致有貽誤。至林鴻年前奏岑毓英與馬如龍意見不合。未能浹洽。恐係奸匪從中

構煽各等語著仍於羈縻之中寓防範之意是為至要原摺著鈔給閱看將此由六百里各諭令知之○己巳諭內閣醇郡王等奏管營副都統穆騰額不重公務藉病請代奏開缺等語並將該副都統稟函封送軍機處呈覽著派寶璽會同管理火器營事務醇郡王等確查辦理據實具奏○蠲緩山東歷城壽張范東阿濟甯鄒平長山齊河齊東濟陽禹城臨邑長清肥城東平平陰惠民陽信濱鄒

泗水滕嶧汶上陽穀曹鄆城觀城朝城茌平金鄉魚臺聊城商河利津甯陽城武章邱清平海豐霑化蘭山鄒城費平度昌邑萊陽臨清陵泰安樂陵平原蒲臺滋陽曲阜堂邑博平莘冠館陶高唐恩夏津邱日照益都臨淄諸城掖濰昌樂七十一州縣暨德州東昌臨清濟甯東平五衛被水被旱被蟲被擾地方新舊額賦有差庚午以辦理糧臺出力予山東道員盧朝安等升敘有差辛未諭內

閣鍾岱宋晉奏到通漕糧全數驗收完竣一摺並另片奏請將驗收督運彈壓各員獎勵各等語本年海運漕糧抵通並山東已到米石經吳廷棟鍾岱於六月內驗收其山東續到米石由宋晉會同鍾岱一律驗收完竣所有在事出力之坐糧廳等員尚屬著有微勞自應量予獎勵至所稱朱毓霖本係截取知府前保分發省分轉成候補人員未免向隅請銷去分發保案仍留本部歸截取知府本

班儘先選用並賞加鹽運使銜等語朱毓霖前於海運出力案內經吳廷棟鍾岱奏保以知府分發省分業經降旨允准甫經數月茲復請銷去分發另行改獎實屬前後兩歧任意瀆奏所請著不准行○諭軍機大臣等楊能格奏營員狡詐把持侵匿帑項請旨嚴行懲辦並請飭駐涇各營迅速前進各摺片據稱陝西甯陝營參將周顯承經雷正綰派辦營務支放餉需輒敢遇事把持與知州林發

深狼狽為奸致潰軍紛至涇州索餉該員復恐雷正綰叅辦輒架詞陷害誣以叛逆重情嗣見朝廷洞悉其枉復以餉絀兵譁雷正綰泣論截回各實情四路上稟自相矛盾情節顯然林發深庸懦無能惟周顯承之命是聽是以同詞稟報周顯承又截回餉銀欲使各軍激變以實前言雷正綰奉命整頓諸軍周顯承謂廷寄係屬假造且以涇州糧餉有著不肯前赴平固該參將經手餉項數逾鉅萬

輒稱固原兵變文案遺失掌管文案之知縣孟樹森查無下落藉詞捏飾豫為冒銷地步又咨稱撥解餉銀一萬二千兩送至涇州二十里鋪被回匪搶失無存而查詢並無其事平日收支冊籍均交子姪收用委員不敢過問周顯承復帶兵攤派甯州百姓捐解麥糧民情惶惑將致變端各等語周顯承辦理營務糧餉既敢狡詐把持侵蝕帑項復敢帶隊勒捐實屬大干法紀著趙長齡暫緩前赴山

西先赴慶涇一帶將此案秉公查辦如果訊有端倪卽著據實具奏將周顯承革職歸案嚴行審訊其知州林發深有無通同侵捏情弊亦著一併查明請旨辦理該撫卹抵陝西無所用其迴護務當覈實審辦以成信讞原摺著鈔給閱看至知縣孟樹森據楊能格奏稱於潰營之先已赴蘭州並未遇害亦無遺失文案情事著楊岳斌飭令孟樹森迅赴慶涇一帶聽候趙長齡查辦不得任其逗遛周

顯承招集潰勇前已有旨仍歸雷正綰統帶著楊岳斌劉蓉嚴催涇州各營迅速前赴雷正綰軍營聽候調遣雷正綰一面另揀妥員接辦營務該提督受朝廷如此厚恩儻再不痛自湔洗奮勉立功則國法具在不能屢邀寬典也將此由六百里諭知楊岳斌劉蓉趙長齡並傳諭雷正綰楊能格知之以驗收漕糧完竣予坐糧廳監督昆厚等優敘旌表割臂療治祖病江蘇長洲縣原任大學士

大清穆宗繼天開運受中居正保大定功聖智誠孝信敏恭寬毅皇帝實錄卷之一百五十九

清實錄  
同治四年十一月中

纂修。卷一百一十五。卷一百一十六。卷一百一十七。卷一百一十八。卷一百一十九。卷一百二十。卷一百二十一。卷一百二十二。卷一百二十三。卷一百二十四。卷一百二十五。卷一百二十六。卷一百二十七。卷一百二十八。卷一百二十九。卷一百三十。卷一百三十一。卷一百三十二。卷一百三十三。卷一百三十四。卷一百三十五。卷一百三十六。卷一百三十七。卷一百三十八。卷一百三十九。卷一百四十。卷一百四十一。卷一百四十二。卷一百四十三。卷一百四十四。卷一百四十五。卷一百四十六。卷一百四十七。卷一百四十八。卷一百四十九。卷一百五十。卷一百五十一。卷一百五十二。卷一百五十三。卷一百五十四。卷一百五十五。卷一百五十六。卷一百五十七。卷一百五十八。卷一百五十九。卷一百六十。卷一百六十一。卷一百六十二。卷一百六十三。卷一百六十四。卷一百六十五。卷一百六十六。卷一百六十七。卷一百六十八。卷一百六十九。卷一百七十。卷一百七十一。卷一百七十二。卷一百七十三。卷一百七十四。卷一百七十五。卷一百七十六。卷一百七十七。卷一百七十八。卷一百七十九。卷一百八十。卷一百八十一。卷一百八十二。卷一百八十三。卷一百八十四。卷一百八十五。卷一百八十六。卷一百八十七。卷一百八十八。卷一百八十九。卷一百九十。卷一百九十一。卷一百九十二。卷一百九十三。卷一百九十四。卷一百九十五。卷一百九十六。卷一百九十七。卷一百九十八。卷一百九十九。卷二百。

同治四年乙丑十一月壬申諭內閣長善奏

請將幫操認真之驍騎校獎勵等語山海關教練馬步兵丁鑲紅旗委署驍騎校塔克興額經長善派同專操章京等隨時操演該員管轄嚴明眾兵悅服實能任勞任怨為可靠可用之員卽著照所請塔克興額著免補驍騎校以防禦遇缺卽補先換頂帶以示獎勵仍著長善責令該員認真訓練毋得始勤終怠此係因操防得人起見嗣後不得援以為例○諭軍機大臣等前因恩合等奏請領東

三省丙寅年官兵俸餉銀兩當令戶部速議具奏。茲據該部奏稱查明各款備抵尚須另行籌撥。除應領制錢一千八百串仍由盛京戶部金銀庫撥給外。通共實應撥銀二十九萬四千九百三十四兩零。擬撥長蘆丙寅年應徵鹽課銀十四萬四千九百三十四兩零。山東地丁項下未解咸豐十一年京餉銀五萬兩。山東鹽課項下未解咸豐十年京餉銀五萬兩。直隸丙寅年旗租銀五萬兩。以充東

三省丙寅年俸餉之需等語。著劉長佑、閻敬銘遵照指撥銀數悉心籌畫迅速解赴盛京戶部交納。其應領制錢一千八百串著由盛京戶部金銀庫撥給。原摺著鈔給恩合閱看。卽著恩合與吉林將軍、黑龍江將軍均照議定折放章程覈實辦理。並將用過銀錢各數於奏銷時照例題報。如有贏餘於下年請領俸餉摺內聲明備抵。此次所奉諭旨及原摺並著恩合知會吉林將軍、黑龍江將軍一體

遵照辦理。另片奏山東等省欠解節年俸餉銀兩屢催未解。請旨飭催等語。著劉長佑、閻敬銘趙長齡、吳昌壽、劉蓉、王榕吉各照該部奏催銀數竭力籌措趕緊解赴奉省。以濟要需。原片著鈔給劉長佑、閻敬銘、趙長齡、吳昌壽、劉蓉、王榕吉閱看。奉省勦辦馬賊需餉正殷。該督撫務當星速報解源源接濟毋再推諉遲延致誤大局。將此由五百里諭知恩合、劉長佑、閻敬銘、趙長齡、吳昌壽、劉蓉並傳諭

王榕吉知之。○又諭恩合等奏查明賊匪股數竄擾情形。請飭熱河等處調兵堵剿並徐占一投誠相機辦理。德英等奏捕盜官兵不敷遣用。請將神機營留演吉林官兵五百名調回。遵查王起一股未至吉境各摺片協領恩科等所帶兵勇在流涯失利該匪等沿邊竄赴西北邊外哈立奎力改舊道肆擾復有匪股闖入新民廳裏脅獄犯土匪向西北竄去。此股賊匪來歷是否在東邊散出之王起

大股由八面城一帶繞過。抑由哈立套力改竄回之周榮等。恩合等未得其詳。皮子窩海口地方現又有賊匪四五百人在彼擾害。亦未悉匪首何名。足見平日勦捕盡屬虛文。偵探毫無實際。實堪痛恨。著卽飭豐恩等隊及穆錦等各就現有兵力實力勦洗。不得專待京兵致滋延蔓。匪首徐占一現在旣已投誠。卽著恩合責令海盛妥為籠絡。徐占一現隨扎朗阿等赴西北邊外。拏紅旗賊匪能否出力報效。並著查明具奏。恩合所請招募練勇獵戶俟京兵到後併力攻勦之處。著卽趕緊辦理。不可有名無實。尚書文祥所統京兵。不日卽到盛京。將來與奉省各兵合勦賊必向熱河之朝陽建昌赤峰竄去。著麒慶卽派馬隊數百名並朝陽一帶練勇。在該處地面扼要堵截。並著劉長佑徐廷楨迅調沿邊各兵防守隘口。不得令其闖入。馬賊現有三分股。兵力單恐難制其死命。著崇厚卽將洋槍隊

揀派豫備調遣。並著伯彥訥謨枯遵奉前次寄諭督率備調之蒙古官兵嚴加防範。理藩院傳諭各王旗一體派兵堵截。不得任令此拏彼竄致成不了之局。德英等著卽就派出兵力認真會勦。該署將軍等所請將神機營留演吉林官兵五百名盡數調回以資助勦之處。著俟文祥到奉省後酌量情形再行妥籌辦理。王起一股仍著德英等查明隨時防範。將此諭知理藩院並由六百里諭知伯彥

訥謨枯恩合德英劉長佑麒慶崇厚慶春並傳諭徐廷楨知之。○又諭崇厚奏請調馬匹以資練習一摺。神機營前派往天津習練馬隊官兵現已抵津。惟原帶馬匹無多且多疲瘁。亟應添備壯健馬匹。方足以資教練。卽著阿克敦布廉至於牧羣官馬暨蒙古捐輸馬匹內挑選四百匹派員解赴天津交納務須選擇口輕臆壯者。不准以疲劣充數。庶人馬相得可冀練成勁旅。崇厚於此項馬匹解到



時嚴飭該將弁等認真操演以收實效至所稱月需餉乾銀兩及外國教隊人薪俸分別支給之處均著照議辦理將此各諭令知之○又諭瑞麟等奏逆匪由連平復竄和平飭軍追擊劉坤一奏逆眾竄偏閩省邊境並請將席寶田暫行留營各摺片粵逆竄踞連平之上坪等處經李福泰方耀等軍率隊進攻將其下坪煖水口礮臺平毀該逆焚燒上坪山寨竄由龍南復至和平縣屬地方尚係十

月初十以前事據劉坤一所奏王開琳追賊於和平下車捕斬落後賊數十人該逆遂於十三日竄龍川之小山墟又於十八九等日由興甯向平遠鎮平長驅而去遂據謀報已竄福建武平是逆蹤剽疾旬餘之內已竄擾三省邊境倏忽東趨江粵各軍並未大加懲創扼其奔突何能制賊死命劉典黃少春兩軍現率所部星馳回閩席寶田劉勝祥等軍復馳赴會昌扼剿著左宗棠劉坤一迅即檄

飭各軍繞出賊前迎頭截擊不得徒事尾追致令著著落後並著瑞麟郭嵩燾飭李福泰方耀等緊躡賊蹤實力追剿不准以驅賊出境為了事鮑超現已抵贛即著迅由安遠一路覘賊所向扼其去路毋任蔓延賊蹤已近閩邊左宗棠有節制三省之責務當一面嚴飭沿邊將士扼防本境杜其深入一面將江閩粵各路官軍妥籌調遣總期四面兜圍為一鼓聚殲之計其江粵各軍更不得藉口

本省邊防徒事株守致令賊勢縱橫驟難歲事席寶田現帶精毅營剿賊戰事方殷著准其暫行留營俟此股髮逆撲滅即行馳赴貴州臬司新任將此由六百里各諭令知之○又諭林鴻年奏滇事難期速效請調員督練洋槍以期制勝一摺據稱探聞滇省回練或襲通海或擾廣南省回馬起隴等亦有帶兵占住宜良縣署之事並分攻古城小倉各營寨楊盛宗所部兵練為數不多難敷防剿近

聞迤西匪徒多習槍礮欲圖制勝不可無所挾持請飭李鴻章迅撥李恆嵩來營訓練洋槍隊等語著李鴻章傳知總兵李恆嵩酌帶洋槍舊部練勇數人迅速入滇探明林鴻年行營前往聽候差委至滇事日形反覆尤須大吏馳往籌辦著林鴻年懍遵本月初七日諭旨星速前進毋得以守候李恆嵩為詞仍復遷延畏縮自干咎戾其分擾通海廣南宜良之回是否即馬如龍部伍何以肆行構變

並著林鴻年傳知馬如龍岑毓英妥籌鎮撫毋任別滋事端其洋槍子藥各件應籌款前赴上海採辦即著林鴻年隨時咨會李鴻章查照辦理將此由六百里各諭令知之○調兵部尚書萬青藜為禮部尚書以都察院左都御史曹毓瑛為兵部尚書○以都察院左都御史全慶署工部尚書○以戶部右侍郎董恂為都察院左都御史湖北巡撫鄭敦謹為戶部右侍郎管錢法堂事○以鑲白旗蒙

古都統倭仁署鑲白旗滿洲都統○命內閣學士李鴻藻在軍機大臣上學習行走仍兼弘德殿行走○命詹事府右中允翁同龢在弘德殿行走○命翰林院修撰徐郁仍在南書房行走○派刑部左侍郎靈桂充國史館副總裁官○擢直隸按察使李鶴年為湖北巡撫○以直隸薊州緝獲馬賊出力予守備劉長春等升敘○以浙江官軍克復江西崇仁等城出力賞總兵官羅瑞山巴圖魯名號

都司劉應彰等花翎千總張翊升等藍翎餘加銜升敘開復有差○以奉天新民廳被賊竄擾革佐領慶祥同知易文濬巡檢章光勳職○命貝勒載治帶領侍衛十員往奠故禮部尚書李崇階茶酒贈太子太保賞銀二千兩治喪予祭葬諡文清○予福建洋面陣亡遊擊陳韶舞祭葬世職○癸酉諭內閣李鴻藻奏稱軍機處為政令所出方今時勢關繫甚重恐難勝任請收回成命俾得專心在弘

德殿行走等語。覽奏具見惻忱。現值軍事未  
歲。庶政殷繁。是以特簡李鴻藻進參樞務。李  
鴻藻惟當勉圖報稱。以副委任。毋許固辭。○  
又諭劉蓉奏報署任日期。並請簡員來陝。藉  
資調理。一摺。陝西軍務未竣。防勦均關緊要。  
該署撫仍當懍遵前旨。力疾從公。以圖報稱。  
毋許固辭。○諭軍機大臣等。趙長齡劉蓉奏  
遵撥倉穀。勸捐麥糧。暫濟甘軍。並請飭川省  
協籌捐款。山東迅籌協餉各摺片。前因甘軍

餉糧乏缺。飭令劉蓉等先提倉穀四萬石解  
濟。茲據奏稱陝甘倉糧實就罄竭。現已竭力  
湊撥二萬石。分解秦涇交納。仍一面委員分  
勸紳糧以濟軍食。卽著劉蓉遴派妥員認真  
勸辦。惟各軍艱窘待食甚殷。必須別籌鉅款  
以供採買轉運之費。方可源源接濟。所請由  
晉蜀兩省每月各協餉銀二萬兩之處。卽著  
崇實駱秉章趙長齡王榕吉等照數協撥。以  
明年正月為始。按月措解。不得稍有遲誤。至

陝省在川勸捐一節。疊經崇實駱秉章滙陳  
難與川省捐輸一例並舉。惟甘省窘急情形  
日甚。且與川境毗連。唇齒相依。未可膜視。崇  
實駱秉章夙顧大局。應於萬難設法之中。力  
籌措辦。卽著督飭江忠濬吳鎬等會同毛震  
壽妥籌勸捐。卽不能如劉蓉前奏三十萬兩  
之數。總須儘力辦理。務使民情軍食兩無妨  
礙。方為妥善。山東應先解協陝餉銀十萬兩。  
僅據解到一萬。實屬延玩。卽著閻敬銘督飭

藩司如數籌撥。交陝省派往守提委員陸堃  
等分批領解。以濟要需。將此由五百里諭知  
崇實駱秉章閻敬銘趙長齡劉蓉並傳諭王  
榕吉知之。○以內閣學士李鴻藻署戶部右  
侍郎管錢法堂事。○以江蘇徐海道張樹聲  
為直隸按察使。○補鑄安徽甯國營參將撫  
標右營遊擊各關防。從總督曾國藩巡撫喬  
松年請也。○甲戌  
聖祖仁皇帝忌辰。遣官祭

景陵○諭軍機大臣等吳昌壽奏髮捻各逆分竄豫楚官軍分途追剿情形一摺賴牛等股匪由西平等處奔竄經蔣希夷督兵在西平之觀音堂洪橋口將該匪擊敗並於遂平上蔡等處連次獲勝賊匪奔竄確山掠及汝甯一帶其由裕州擾至唐縣之張總愚股匪經統帶鄂軍之總兵劉維楨設伏擊敗擒斬該逆首之弟張總志姜玉順復敗之於鄧州構林關該逆屢經挫敗正可乘此機會奮力進

攻以期力掃狂氛姜玉順等軍前已諭令吳昌壽節制調遣著卽飭令力圖進剿並令宋慶張學醇等會合夾擊毋任賊蹤再竄他處官文鄭敦謹尤當檄令劉維楨姜玉順譚仁芳等軍不分畛域四面會剿毋稍鬆懈西平等處逼近應山黃麻一帶何以鄂軍並未出境迎擊著官文鄭敦謹嚴檄成大吉等軍迅速赴豫會剿仍一面嚴守本境毋令賊蹤竄入不得再事玩延劉銘傳一軍業經曾國藩

飭令赴豫著該大臣卽檄其迅赴確山與豫省馬德昭蔣希夷等軍合力夾擊務將賴牛等匪股殲除湖北巡撫李鶴年到任需時鄭敦謹未卸任以前所有鄂省軍務仍當認真籌畫布置不得存五日京兆之見將此由六百里各諭令知之○乙亥諭內閣前據閣敬銘奏審明已革副都統成保已革總兵郭寶昌不顧主將分別定擬罪名當經降旨交刑部速議具奏茲據刑部奏稱該革員等隨同

僧格林沁帶兵剿賊雖均無臨陣逃潰情事惟成保充當翼長被賊圍困之際置主帥於不顧厥罪較重應比依官軍臨陣先退者斬監候律擬斬監候郭寶昌所帶步隊前後開路接應不能兼顧主帥且身受矛傷情罪有間應酌減一等擬發新疆效力贖罪該革員俱係二品大員仍請旨遵行等語成保著照部議斬監候解部監禁入於朝審辦理郭寶昌著照部議發往新疆效力贖罪○諭軍機

大臣等張亮基奏逆匪竄撲思州等城均經兵練擊退並憑陳黔省夷情及勞崇光隨帶林自清赴滇各摺片苗教各匪闖入思州府境攻撲城垣經知府梁金誥等督兵擊敗賊匪退歸鋪田其荊竹園教匪糾眾攻撲石阡府城亦經署知府田宗超等督練擊退殪賊數百名龍泉縣知縣李廷璧等督率紳團將圍撲龍泉之賊擊敗勦辦均尚得手著張亮基督飭思州石阡在事文武激勵兵練妥籌防剿並令龍泉令迅將彰教壩踞匪悉數殲除毋稍延緩張亮基所陳黔省夷務亦屬實在情形該署撫惟當斟酌機宜固不可與之為難亦不必過於遷就總以不激不隨為維持大局之計勞崇光疊經降旨催令赴滇為時已久並未見該督覆奏一字不知是何肺腑本日張亮基摺內有勞崇光現將赴滇未及會銜等語是該督尚無起程確期實屬任意玩延不以國事為重著卽懷遵前旨迅速

赴滇不得再有遷延致干重咎林自清從前在滇滋事帶練赴川經張亮基設法遣散甫就鈐束勞崇光此次赴滇黔省豈無可用之人何以必欲隨帶該員以貽滇人之禍顛倒謬妄實堪痛恨林自清著不准勞崇光檄調隨營仍交張亮基嚴加管束儻勞崇光仍敢陽奉陰違視諭旨如弁髦惟有執法從事決不寬貸將此由六百里各諭令知之○又諭本日據張亮基奏各省歷年欠撥黔省軍餉鉛本等項開單呈覽請飭分年補還一摺據稱貴州歲需兵餉鉛本等項無不仰給鄰封自咸豐四年楊逆倡亂各省撥款概停所入歲減百餘萬而防剿之需歲增屢經奏請撥款奉旨嚴催仍屬毫無實際僅賴湖南勸捐一項苟延旦夕本年糧價陡昂數倍於前又值防剿喫緊練費軍火在在均須籌備卽湖南四川偶撥一二萬兩亦屬杯水車薪萬難足用深恐兵潰援絕貽誤大局查自咸豐三

年起至同治四年止。各省欠解兵餉銀八百八十九萬三千七百三十兩。咸豐四年起至咸豐九年止。各省欠解軍餉銀四十三萬四千兩。咸豐三年起至咸豐六年止。各省欠解鉛本銀一百四萬八千三百四十兩。湖南省欠解文職不敷養廉銀及兵糧米價等銀十三萬五千三百三十二兩。統計欠解銀一千零五十一萬餘兩。如按月撥解半成。即可得銀五十萬兩。請飭各該省迅即撥解。以濟急需。各等語。所奏自係實在情形。該省地方瘠

苦。需餉緊迫。若不趕為籌解。恐軍務益形決裂。即著四川湖北湖南廣東江西浙江福建山東山西河南陝西各該督撫暨福州將軍粵海關監督迅將單開積欠。黔省兵餉鉛本及文武不敷養廉兵糧米價等項。分作二十年清款。各照所欠總數。以奉旨之日為始。按年撥還半成。不准稍涉延玩。原單著分別鈔給閱看。將此由五百里諭知福州將軍四川

湖北湖南廣東江西浙江福建山東山西河南陝西各督撫並傳諭粵海關監督知之。○以安徽雉河集解圍出力。賞總兵官蔣得遇李振國副將劉先文徐名揚陳萬貴參將孫洪勝尤成章。遊擊周正元楊安典李布昭都司徐思忠。隨君廷已圖魯名號。總兵官黃秉忠同知任蘭生等花翎。中書錢祿豐等藍翎。餘加銜升敘開復有差。○緩徵順天宛平縣被旱村莊本年額賦。○丙子諭軍機大臣等

恩合奏匪首投誠中途邀截夾板率黨徑去請調蒙古王旗官兵擬留吉林馬隊赴昌圖招練各摺。徐占一本非被勒窮蹙其投誠一節朝廷早知其不可深恃。今於中途拆毀夾板竊看寄諭。捆綁差役。遂向古尼音布等託詞回邊布置。徑率其馬隊而去。桀驁情形殊堪髮指。恩合尚欲令海盛善言開導。恐狼子野心斷非羈縻所能就範。著恩合等就現有兵力認真勦辦。不准輕率議撫。致墮狡謀。文

祥不日帶兵出關著即察看賊情相機調度恩合另摺奏賊至廣甯屬界逼近省垣勢甚猖獗現因京兵未到派恩科赴邊外面見伯彥訥謨祜將達爾漢王旗所備之馬隊一千名派員管帶赴奉省西路會合追剿並令恩科就近於昌圖地面招募練勇數百名協剿均著照辦各路兵勇漸集即當密為布置實力勦洗不得遷延坐待致誤事機阜保所帶吉林護從兵一百名著准其留於奉省交富

平阿帶領合隊前往西路追剿以資得力將此諭知文祥並由五百里諭令恩合富平阿知之○又諭前據瑞麟等奏遵旨開導潮郡紳民按照條約准英人進城並據英國領事申稱此次進城百姓不悅等情各摺片當交總理各國事務衙門議奏茲據該衙門奏稱已將此案辦成原委知照前署英國公使威妥瑪旋接該使信函並錄呈該國領事詳報一紙所稱百姓閤閤情形較瑞麟等所奏尤

甚請仍飭該督等設法辦理各等語洋人進城本係條約所載潮州一府辦理已閱六年之久始有就緒且於開行設關建造等事均經委員與該領事議明概不舉行是此次進城與該處地方並無干礙該處紳衿經瑞麟等剴切曉諭諒不至率意妄行不顧大局一至於此自係地方刁劣好事之徒造言生事殊屬不知法紀仍著瑞麟郭嵩燾設法宛轉開導諭以准英人進城不過為遵奉條約不准其開行設店等事實所以保護閭閻仍一面飭道員張銑等將匿名揭帖之人嚴拏究辦如該領事仍前狡執或令其再入潮城一次惟須辦理慎密必使百姓不逞刁風洋人亦不長驕氣方為妥善儻該委員等未能了結即著瑞麟仍遵前旨親往督辦以期速結儻或遲延致生他故必惟瑞麟等是問將此由六百里各諭令知之○丁丑諭軍機大臣等總理各國事務衙門奏請分撥津郡洋槍

隊防護營口一摺據稱現聞奉省盜風日熾並有欲擾營口之說該處額設防兵單薄萬一有警營口一無所恃文祥等現在帶兵勦辦儻賊勢稍重所帶之兵尚恐不敷勦捕勢難分撥兼顧擬將天津候調之洋槍隊兵一千名先行移緩就急酌量撥派等語沒溝營為奉省財賦之區久為賊所窺伺且該處為各國洋商聚集之所或有疏虞必至藉口虧折另生枝節亟應豫籌堵禦以遏逆氛即著

照該衙門所擬將此起候調之洋槍隊撥派五百名馳起營口扼要駐紮以資保衛其餘五百名仍著崇厚備齊聽候文祥福興等調遣此項派撥官兵五百名著崇厚於三日內飭令全數起程至應派帶隊官若干及如何分起遄行之處均著該侍郎妥籌辦理該匪既有欲擾沒溝營之說應如何相機布置嚴密防守著文祥福興酌度情形妥為籌辦恩合惟當就現有兵力分投防勦迅掃逆氛毋

得專侍京兵置身事外坐誤事機將此由五百里各諭令知之○又諭有人奏山東省掖縣西繇場地面向設有官灘戶交課近有奸民夥販私鹽甚多該場大使汪栻並不禁止嚴拏難保無包庇故縱情事請飭查辦等語鹽場為國課所出如有奸民私販亟應嚴拏懲辦著閻敬銘按照所奏各節查明該大使汪栻有無縱私廢公情事據實具奏原摺著鈔給閱看將此諭令知之○以記名總兵官

陳東友為福建金門鎮總兵官○以京營官弁學製火器有成賞參將薩勒哈春副都統銜餘升敘有差○以緝拏馬賊出力予熱河驍騎校全興以防禦用並賞花翎餘加銜升敘有差○予兩江各屬殉難從九品焦逢甲等紳民婦女四千六百五十一員名口分別旌卹如例○予江蘇嘉定等處殉難在籍知縣王恩溥等紳民婦女一百九十二員名口分別旌卹如例○予江蘇宜興等處合門殉



難文生崔沛等男婦六十七名口分別旌卹如例○予安徽合肥陣亡廩生吳毓衡賞卹加等○戊寅諭軍機大臣等官文等奏楚軍赴豫續獲勝仗並東路之賊西趨合股派兵防剿一摺所奏劉維楨等軍擊賊獲勝及檢斬張總志各情形與吳昌壽前奏大略相同現在任柱陳大澹賴汶沈牛落紅等為一股竄至郭灘以東張總愚程二老坎三老坎等為一股竄至岡頭沙堰寨等處均距新野甚近兩路之賊會合一處亟應合楚豫之兵兩面夾擊以期聚而殲旃著官文鄭敦謹督飭劉維楨等軍相機迎擊並著吳昌壽懍遵前旨派兵剋期前進與楚省官軍前後兜剿就地殲除毋令奔竄鄂疆又形滋蔓劉銘傳一軍業經曾國藩飭赴豫省卽著催令迅速前進探明賊蹤合兵剿洗其李昭慶馬隊已否成軍如能趕緊啟行赴豫以輔步隊所不及較可得力並著該大臣妥籌速辦毋失機宜

將此由六百里各諭令知之○又諭官文奏特參帶領遣散勇丁與洋人滋事之都司把總請旨分別革職拏問一摺據稱前在謀勝營充當營官之都司尹昌景寓居漢陽南岸背地方因與洋人口角爭鬪帶領遣散勇丁夏修榮等執械幫毆致將洋人毆傷現飭江漢關監督照會法國領事照例辦理等語此案儘先都司尹昌景逗遛漢陽藏匿軍器容留遣勇輒因法國醫官將伊窗櫺打壞糾約勇丁持械追趕毆傷洋人實屬任性妄為尹昌景著卽革職拏問把總陳士雄手持洋槍隨同助勢著一併革職並著勒令知縣尹啟健將伊姪尹昌景交出嚴拏在逃之陳老表等到案再行訊究餘著照所議辦理案關中外交涉該督必須督飭所屬嚴拏逸犯將此事持平辦理不准畸重畸輕無以折服洋人之心致令有所藉口別生枝節並著迅速了結不准稍有耽延將此諭令知之○已卯諭

內閣羅惇衍奏。人材不可終棄。請將汪承元等量為錄用等語。人臣以人事君。果有材品俱優。而沈淪淹滯。末由上達者。原應力加薦引。以副朝廷求賢若渴之懷。若羅惇衍所保各員內。如杜翰。匡源。曾任卿貳大員。並在內廷行走。因案獲咎。其人之可用與否。朝廷素所深知。何待該尚書瀆請。至已革將軍國瑞。幫辦僧格林沁軍務。本年官軍在曹州失利。未能救援主帥。厥咎甚重。前年冬間。蒙城解

圍。亦係僧格林沁督同富明阿。陳國瑞等力戰所致。並非國瑞一人之功。羅惇衍專歸功於國瑞。實屬錯誤。已革侍郎成琦。與端華拜認師生。並阿附肅順。被參褫職。縱如該尚書所稱才能肆應。亦豈可復行錄用。已革臬司張集馨。疊經熙麟。李雲麟。參奏。先後經劉蓉查明覆奏。實有應得之咎。業經加恩開復。永不敘用處分。並無不白之冤。豈得據德興阿一面之詞。率行代為剖辨。前任浙江鹽運使

朱孫詒曾。因御史汪朝榮保奏。業經降旨。將駱秉章覆奏。所稱該員乖張謬妄。前後改轍。各情明白。宣示。前任雲南鹽法道吳惠元。曾經羅惇衍保留。直隸差委。未邀允准。旋因該員告病開缺。有心規避。降旨勒令休致。該二員卽再加錄用。亦難望。六得力。前任奉天府府尹德椿。因案甫經革職。前任太常寺卿湯修業。已告病回籍。前任庶子袁保恆。因事降調。候補京堂汪承元。前經陳孚恩保奏。業以

四五品京堂候補。並非沈沒下僚。其應否起用錄用之處。朝廷自有權衡。羅惇衍於以上各員。毫無揀擇。臚列滿紙。率行陳奏。殊屬冒昧。不知體要。著傳旨申飭。○又諭羅惇衍奏。州縣擅用非刑。請飭禁止等語。向來州縣各官。妄設刑械。及私立班館等弊。例有明禁。乃近來州縣於刑法之外。往往私用非刑。獲犯到案。肆意敲扑。橫加酷虐。卽偷竊小犯。亦或立斃杖下。殊失刑期無刑。辟以止辟之道。著

各直省督撫嚴飭所屬各州縣於詰奸禁暴之中仍宜存心矜恤凡妄設刑械及私立班館等弊務卽嚴行禁止不得任意殘酷以刻為能致令民不堪命用副朝廷明慎用刑至意○又諭恩合等奏戰船在洋遭風遺失軍械開單呈覽一摺本年五月間委總巡佐領喬永傑等駕駛旅順口戰船在孤山洋面堵截賊匪猝遭風浪以致戰船漂沒軍械遺失實屬未能小心防範喬永傑著交部議處所有船隻軍械等項著各該部按照原開數目分別製造並卽移咨閩浙總督福建浙江巡撫趕緊成造解送盛京以資巡哨○庚辰諭軍機大臣等左宗棠奏賊蹤回竄粵境現籌布置情形一摺康逆汪海洋一股由連平繞竄和平興甯各境突犯嘉應該州城池於十月二十一日失守左宗棠現派賴長等軍各率所部分路扼剿所籌均屬周妥該匪旬日之間狂竄數百里其欲由閩邊以犯江西已

可概見著左宗棠檄飭派出各軍將由嘉應入閩之路分投堵截遇賊卽擊以剿為防務將此股賊匪迅速掃除肅清疆圉以竟全功該逆既有圖竄江西之勢亟應實力嚴防以扼其紛擾之路著劉坤一督飭防軍認真堵禦並嚴扼會昌瑞金一帶與汀州鎮沈俊德一軍聯絡聲援會籌剿洗為一鼓聚殲之計嘉應州城被陷著瑞麟郭嵩燾將失事情形並文武下落查明具奏並著嚴飭卓興方耀等軍迅圖克復州城一面將此股竄匪痛加剿洗就地殲滅毋令再竄福建江西等省又成不了之局平和一路兵力較單該督擬出屯琯溪以扼漳州之衝兼顧平和一路卽著移營前進相機布置如賊竄江西並著左宗棠擇要駐紮會同劉坤一督飭各軍視賊所向力圖掃蕩該督成算在胸諒能統籌全局迅殄逆氛也將此由五百里各諭令知之○又諭都興阿穆圖善奏官軍進剿奪獲要隘

並歷陳聯捷辦理招撫情形。楊岳斌奏曹克忠進援鞏昌城圍立解。並探悉雷營陸續安撫各摺片。甯郡踞逆恃其南路各賊堡運糧接濟。現經都興阿等督率將士攻拔賊圩兩座。刻下賊糧垂盡。攻勦正易得手。著該將軍激勵各營兵勇。併力進攻。迅拔堅城。毋再遷延。干咎。聯捷自靖甯專差佐領德清額帶有回人持函來至都興阿軍營。聲稱固原等處回人俱經聯捷招撫。現又據靈州馬朝清遞稟亦願投誠。德清額先到金積堡與馬朝清面議就撫。又到甯郡與賊目相見。都興阿因馬朝清卽馬化澂乞撫緩軍是其故智。且德清額係西安逃兵投效雷正綰軍營。何以又持聯捷信函入甯城與賊目會商。種種可疑。且恐別有情弊。一面飛咨聯捷詳細聲覆。一面將德清額摘去頂翎押送平羅縣看管。辦理甚屬認真。可嘉之至。著俟聯捷咨覆到日。由都興阿查明德清額所持信函如係該佐

領句通回逆捏造。懈我兵心。卽應就地正法。如係聯捷不識事體輕重妄發信函。卽著將聯捷據實參辦。聯捷屢有嚴旨催令出關。不過欲借辦撫名目為羈留地步。前奏馬化澂投誠各情朝廷知其不可深信。當經諭令楊岳斌確查具奏。仍著該督遵照前旨嚴密訪查。迅速奏聞。仍一面催令聯捷督帶所部迅速回行。毋令逗遛甘省滋事。致與該將軍該督辦理兩歧。鞏昌城圍已解而該逆尚在郡城附近分股盤踞。正西四十里外賊巢林立。難保不乘間再犯。著楊岳斌嚴飭曹克忠一軍裹糧前進。務將各處賊巢掃除淨盡。廓清腹地。以副委任。前據楊能格奏參營員周顯承狡詐把持侵匿帑項各款。當派趙長齡馳赴慶涇一帶秉公查辦。並令楊岳斌速飭知縣孟樹森前赴慶涇聽候趙長齡查訊。茲據該督奏涇臺糧餉異樣奇絀。請飭陝西撫臣及慶陽糧臺力籌餉項。解赴涇營等語。摺內

所敘周顯承出力各情。與楊能格前奏大相歧異。該督此奏。自係尚未接奉前旨。現在趙長齡計已起程。著懷遵前次寄諭。將周顯承被楊能格奏參各款。有無冤抑。逐一查明。如何持平辦理之處。並著趙長齡會商楊岳斌。據實具奏。毋稍徇徇。周顯承招集潰勇。前有旨仍歸雷正綰統帶。涇州存兵無多。所有劉蓉。楊能格接濟之餉。應否解赴涇營。抑或徑解雷營之處。著該撫等會商楊岳斌。雷正綰

斟酌分別遵照妥辦。固原州城現為楊大娃子所踞。雷正綰務當奮勉立功。剋期攻拔。以贖前愆。並著恪遵前旨。將雷恆季高啟迅速解赴蘭州。交楊岳斌審辦。該提督如敢瞻徇親故。抗玩不遵。則是自外生成。斷不能稍從末減也。再楊岳斌請將道員黎獻記名。以臬司簡放。覈與吏部新定章程不符。著交軍機處另行存記。將此由六百里諭知都興阿。穆圖善。楊岳斌。趙長齡。劉蓉。並傳諭雷正綰。楊

能格知之。○閩浙總督左宗棠奏。遵查曾憲德前在延建邵道任內。因誤用參將吳連升。未能痛勦竄賊。故於密考內。叅劾旋因李逆侍賢句結洋人。飭委該道查辦。卒能鈐制柏威林。斷其接濟之路。知其才可用。未敢以前事掩其所長。惟兩次奏保該員。漏未將密考敘入。應請交部察議。得旨。左宗棠著加恩免其察議。○以甘肅勦辦平番賊匪出力。賞城守尉慶志等花翎。知縣余士穀等藍翎。餘加銜升敘。開復有差。○以捐貲好義。予福建在籍知府葉文瀾。以道員用。並賞花翎。運同銜李瑞岐。以同知選用。○追予山東陣亡副都統伊興額。戰績交國史館立傳。○予甘肅甯夏陣亡藍翎甲兵伊明額。賞卹加等。○辛巳。諭軍機大臣等。麒麟慶奏。現辦賊匪情形。一摺。據稱探得錦州府屬哈立套。力改地方有賊首平四。李瀾沅。並女賊姜氏二名。糾集四百餘人。占踞搶掠。現聚新立屯。有欲出清河門

之說其東來之賊徐占一王七烏痣李等約二千餘在新民廳刳獄焚署裹脅良民不知意欲何往業經朝陽縣訓練防堵麒慶亦飛催各路兵勇分投堵禦請寬籌餉項並迅飭理藩院劄卓索圖等盟派馬隊會剿仍飭各處截剿等語賊首平四等糾眾搶掠現聚新立屯趨重熱河麒慶已派馬隊並朝陽練勇防堵著即嚴飭派出之協領德玉等督帶馬隊覘賊所向迎頭剿擊卓索圖昭烏達兩盟兵疊經諭令理藩院傳諭各王旗一體派兵堵截著理藩院懍遵前旨再行傳諭各該王旗認真堵截不得以空言塞責致完善地方被擾麒慶仍可相機檄調以期得力徐占一等股現在何往著恩合查明具奏一面飭令派出各軍實力勦洗不得以驅賊出境遂謂可以卸責文祥福興想已抵關即著多發偵探酌度機宜會師進剿各路官兵如有打仗不力防範不嚴被賊竄擾者即著指名嚴叅

毋稍姑息賊蹤紛竄靡定劉長佑長善徐廷楷務當督飭兵弁力固藩籬毋任匪眾闖入本境麒慶請由部庫先行撥銀二三萬兩著戶部速議具奏本日據御史汪朝榮奏王洛月餘黨尋仇搶刳官紳無敢過問團練始勤終惰請飭直隸總督嚴行查辦等語著劉長佑查明具奏王洛月餘黨仍飭地方文武接拏懲辦並令各地方官將團練保甲事宜認真經理原片著鈔給劉長佑閱看將此由五百里諭知文祥福興恩合劉長佑麒慶長善並傳諭徐廷楷知之○又諭張凱嵩奏南甯官軍殲除援賊現飭乘勝圍攻一摺逆首孫茫廣等屯踞那檀山澤各巢為日已久此次劉培一等督軍進攻堅巢未拔而士卒頗多傷亡該逆復糾貴縣莠民眾至數千出屯橫州之廟相等村以圖牽掣經官軍連日攻剿將其盤踞之屯羅廟相等十餘村賊壘數十座全行蹋毀生擒逆酋林得友林侍任等數

十人該逆外援既敗賊膽已寒正當乘此聲威迅克堅巢以圖歲事著張凱嵩卽飭劉培一覃遠璉等會督各軍悉力圍攻務將那檀山澤各巢剋日勦洗毋再宕延廣東之賊現由和平寬往鎮平嘉應一路西省邊防自可稍鬆該撫現已抵潯卽著馳赴南甯親督各軍進勦毋任老師糜餉致誤事機那檀股匪遣人通款投誠如果能倒戈殺賊將孫荏廣捆獻亦不妨從權招撫勻出兵力以合山澤

之圖若徒以乞撫緩師仍存首鼠之見卽當一意勦辦毋為所愚將此由五百里諭令知之○又諭勞崇光奏起程赴滇並請飭撥餉需一摺滇中軍務喫緊勞崇光已於十月十八日統帶張文德等軍起程赴滇著俟到曲靖平彝一帶察看情形卽行赴省督飭馬如龍等進規迤西殲除杜逆惟軍行必須餉隨自應豫籌接濟著崇實駱秉章迅將前署督潘鐸奏准由川省籌撥之五萬兩剋期委員

解赴滇省交勞崇光行營以資飽騰毋再延緩將此由五百里各諭令知之○雲貴總督勞崇光奏遵覆貴州公事惟與張亮基和衷共濟如有不合亦必據理直言不肯遷就巡捕商紹祖於署仁懷同知任內因家丁周順劣蹟業已撤任提審林自清雖年少好動打仗尚屬奮勇擬請將該鎮隨帶行營差遣得旨林自清從前在滇滋事該督豈無聞見何以復欲令其帶練入滇在該督止思藉以自

衛而於滇省則貽禍無窮顛倒謬妄莫此為甚著懷遵卅一月十四日諭旨不准檄調隨營仍交張亮基嚴加管束○以雲貴督標中軍副將博昌為雲南普洱鎮總兵官○補鑄安徽鳳陽府儒學印信從巡撫喬松年請也○予廣西那檀陣亡副將周開麒都司黃守良千總許玉元等祭葬世職加等○追予江蘇江甯常州等處殉難監生蔣士芬等一百七十三名婦女葉吳氏等三十口分別旌卹

如例並予立祠建坊○追予江蘇常州殉難八品銜趙曾祉等十一名賞卹如例附祀其父舉人趙起專祠○予山西臨汾等縣殉難府經歷陳步洛等紳民婦女二千一百四十三員名口分別旌卹如例並予立祠建坊○予山西臨汾殉難寄籍紳民奉天拔貢生多隆阿婦女那爾何氏等七十一名口分別旌卹並立祠建坊如例

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十一

校修

同治四年乙丑十一月癸未以神靈顯著頒

四川保甯府

關帝廟扁額曰威鎮武都○河東河道總督張之萬奏運河廳汛各員多有未經接見請將本年大計展至來年三月舉行允之○成都將軍崇實等奏請將攻勦階州踞逆節次陣亡將弁勇丁於階州建祠合祀允之○以成都駐防滿營防守省城出力予協領吉祥以副都統升用賞協領扎木丹等花翎阿斯杭阿等藍翎餘升敘有差○以甘肅克復階



州城出力。賞副將劉洛望參將李士青巴圖魯名號。遊擊鄧有德等花翎千總滕得勝等藍翎餘加銜升敘開復有差。○乙酉以神靈助順。頒江西甯都州

城隍廟扁額曰福蔭雩城。○諭軍機大臣等前因各省應解固本軍餉延未報解降旨催令迅速籌撥。茲據劉長佑奏稱僅准四川解銀五萬兩廣東湖南湖北山東山西或批解一二萬兩或劃撥二三萬兩不等杯水車薪

無濟於事。此外江西福建河南未解分釐開單呈覽請旨飭催等語。現在捻逆勢張馬賊東竄畿疆防務極關緊要該省庫款羅掘已空若不速籌接濟勢難使軍士枵腹荷戈著官文曾國藩左宗棠崇實駱秉章瑞麟徐宗幹劉坤一李鴻章鄭敦謹李瀚章吳昌壽閻敬銘郭嵩燾王榕吉各照單開欠解銀數竭力籌措源源撥解以濟要需至山西山東兩省尚有另案奏准酌減每月協撥銀二萬兩

及一萬五千兩據劉長佑奏稱亦屬積欠尚多著閻敬銘王榕吉查明單開欠數一併星速報解原單著分別鈔給各該督撫等閱看另片奏防餉繁鉅立虞匱乏請在鹽斤復價項下再行提撥銀十萬兩並於節年鹽課寬課包課各項下湊撥銀五萬兩等語著准劉長佑如數動撥俾供支放將此由五百里諭知官文曾國藩劉長佑左宗棠崇實駱秉章瑞麟李鴻章鄭敦謹李瀚章吳昌壽閻敬銘

徐宗幹劉坤一郭嵩燾並傳諭王榕吉知之○又諭楊岳斌奏探聞雷營兵潰現籌布置並請調鄰省援兵一摺雷正綰所部潰變退回固原疊據劉蓉楊能格等將大概情形馳奏曾經諭令楊岳斌妥籌辦理並因甘省兵力單薄諭令崇實駱秉章酌度情形將周達武所帶十五營抽撥赴甘茲據楊岳斌奏稱雷營兵潰探報傳聞不一曹克忠一軍兵餉不繼該督帶赴甘省各營亦不敷分撥請調

周達武援甘等語。周達武帶兵向稱得力。四川各路軍情。現尚安謐。自應先其所急。調赴甘省。力顧西陲。著崇實駱秉章。卽飭周達武統帶所部。迅速前赴甘肅。交楊岳斌調遣。毋稍遲誤。其應用餉銀。卽由川省源源接濟。不得稍有缺乏。雷正綰潰勇。現在是否一律安輯。仍著遵照疊次寄諭。妥為籌辦。成祿聯捷。已否起程。並著催令星速前進。昨據廣鳳奎。昌泰。古城。奇台。濟木薩等城。業經民勇收復。

亟應乘機迅赴也。將此由六百里各諭令知之。○以直隸盧龍等縣。殲擒馬賊出力。擢知縣宋炳文。以知府用。賞從九品張永清等。藍翎。餘升敘有差。○復甘肅軍營病故已革安徽巡撫翁同書原官。予祭葬卹蔭。謚文勤。○予江西紫雲峰陣亡從九品王志成祭葬世職。○予江西各屬陣亡殉難貢生楊蘭臺等。紳民婦女一千八百四十四名口。分別旌卹如例。○蠲緩直隸開東明長垣三州縣被水

地方本年額賦有差。○丙戌。以京畿雪澤愆期。遣惇親王奕訢詣

大高殿恭代祈禱行禮。○遣恭親王奕訢詣

時應宮。醇郡王奕譞詣

昭顯廟。鍾郡王奕詒詣

宣仁廟。孚郡王奕誥詣

凝和廟。拈香。○以神靈顯應。加江蘇宿遷縣

金龍四大王封號曰保康。河南陳留縣

黃大王封號曰普利。

朱大王封號曰綏靖。○諭軍機大臣等。麒麟慶

奏。揀派官兵起程日期。並奉省賊匪竄擾朝

陽街市各摺片。長善奏。巡北邊口緊要。請飭

提督扼要駐紮一摺。奉省賊匪約有二三千

名。於本月十九日。闖進朝陽縣街。肆行搶掠。

麒麟慶派出之協領德玉等。所帶步隊五百名。

馬隊二百名。現已分起成行。卽著檄令迅速

前進。相機勦捕。並著添調河屯協八溝營等

處官兵。趕緊續發。以資接應。其卓索圖昭烏

達等盟蒙古部落著理藩院傳諭該旗盟長  
卽日派員帶兵會剿毋稍觀望第賊匪人數  
不少該處兵力尚嫌單薄恐不足以挫其兇  
銳文祥福興帶領神機營官兵出關為數本  
不甚多亦難分兵援應著劉長佑於防守各  
兵外另行多撥馬步兵勇迅赴朝陽一帶會  
同熱河官兵剿賊俾得速就蕩滅此項官兵  
未到以前麒麟慶仍當督飭現有兵勇認真堵  
剿儻辦理失宜致賊匪愈肆猖獗必惟該都

統是問文祥福興現在行抵何處麒麟慶所請  
相機救應之處能否兼顧並著該大臣斟酌  
情形妥為籌辦奉省馬賊縱橫現雖分股擾  
及朝陽難保不復行回竄恩合務當督飭各  
軍嚴密扼堵探蹤兜剿賊匪前竄廣甯一帶  
茲又竄擾朝陽均距錦州不遠慶春當力籌  
守禦其大凌河牧廠尤應加意防護毋稍疏  
虞至熱河地方與密雲遵薊永平等處各邊  
口毗連山海關及石門寨等隘口既有長善

在彼駐守卽著責成該副都統實力防堵不  
得稍有疏虞冷口喜峰口羅文峪等處駐防  
旗兵本係長善專轄並著該副都統嚴飭堵  
禦亦不得竟置身事外其山海關東西沿邊  
各口自三屯營起至古北口止均係直隸綠  
營所轄關隘既多處處皆可闖入劉長佑徐  
廷楷務當添撥弁兵嚴行堵扼不可稍涉大  
意儻不認真辦理致令賊蹤竄入邊內擾及  
近畿一帶惟劉長佑徐廷楷是問徐廷楷駐  
紮遷安距邊較遠呼應不靈卽著該提督於  
三屯營喜峰口等處擇要駐紮以便相機調  
度據長善奏稱該提督止帶隨從弁兵並未  
挑備親兵數百名帶赴防所又各口提標通  
永鎮標防兵自八月至今口糧多欠日以典  
貸為生殊形疲困等語著劉長佑迅撥餉銀  
源源接濟徐廷楷挑選精壯馬步弁兵數百  
名親赴邊關擇要駐紮居中調度以便策應  
如徐廷楷兵不得力卽著劉長佑調撥勁旅

數百名。交徐廷楷統帶前往。實力防勦。將此由五百里諭知文祥福興。恩合劉長佑。顧慶春長善。並傳諭徐廷楷知之。○浙江巡撫馬新貽奏。嘉湖二屬兵燹之後。復被水災。蟲災。請將應徵白糧。按照漕糧成熟。分數收運。下部知之。○以浙江督辦土備塘工出力。予同知趙立誠等升敘有差。○撫恤朝鮮國遭風難夷如例。○丁亥。諭內閣吏部等部奏遵議拏獲馬賊各員獎勵章程一摺。著照所請。

嗣後拏獲馬賊之案。如係大夥橫行攻圍城寨。焚劫鄉村。有抗拒官兵情事。地方官拏獲著名巨盜二三名。或斬梟斬決盜犯十名以上者。或兩案三案。每案均在五名以上者。俱准覈實保舉。或酌賞翎支。或酌予升階升銜。隨案奏明。卽照軍功例破格獎敘。拏獲著名巨盜一名。或斬梟斬決盜犯五名以上者。或兩案三案。每案均在三名以上者。俱比照拏獲擒匪章程保奏。指定應升官階。免其送部。

引見。拏獲斬梟斬決盜犯三名以上者。仍遵定例送部引見。其拏獲斬梟斬決盜犯不及三名者。每名准其加一級。至各官任內。如有疏防馬賊之案。照例准將拏獲鄰境盜犯之案抵銷。其案數多者。亦准其逐案查抵。如抵銷完結後。再有獲盜之案。卽准按所獲名數給予獎勵。其拏獲斬梟斬決盜犯三名以上者。准抵本任內降調革留之案。拏獲著名巨盜一二名。或斬梟斬決盜犯五名以上。及十

名以上者。准抵本任內議革之案。若所獲止係脅從之犯。罪不至斬梟斬決者。毋庸請獎。亦不准其抵銷。其武職官員。緝捕夥眾橫行焚劫鄉村。抗拒官兵馬賊。卽比照拏獲著名巨盜鄰境大夥案犯。並外來潛匿兇盜章程。優加獎敘。如拏獲罪應凌遲之犯至二三名。斬梟斬決盜犯十名以上。或兩案三案。每案俱在五六名以上者。覈其勞績。實與戰功無異。准由該督撫等覈實保奏。或酌獎翎支。或

予升階升銜。如拏獲巨盜一名。鄰境斬梟斬決盜犯五名以上。或兩案三案。每案俱在三名以上者。俱准其指定應升官階保奏。如查有承緝未完要案。無論應議降留降調。卽以該員所得優獎議抵。如拏獲鄰境斬梟斬決盜犯三名以上者。准其酌保升銜。其拏獲未及三名者。每名給予加一級。其本任內有疏防之案。能拏獲鄰境斬梟斬決盜犯三名以上者。准抵本任內降調革留之案。拏獲著名

巨盜一二名。及斬梟斬決盜犯五名至十名以上者。准抵本任內議革之案。若案數多者。亦准逐案查抵。如拏獲尋常斬梟斬決之犯。仍著咨部照例辦理。至各直省兵丁。拏獲騎馬賊多名。卽著該管官分晰名數案情。酌給六品至九品頂帶功牌。以示鼓勵。○諭軍機大臣等。昨因奉天大股馬賊。由清河邊門竄至熱河朝陽縣街。肆行焚掠。當經諭令文祥。福興。斟酌情形。能否分兵兼顧。相機辦理。並

諭令劉長佑多撥馬步兵勇。赴熱河助剿。酌撥勁旅數百名。交徐廷楷統帶嚴防邊口。因思此股馬賊蹤跡飄忽。勢欲鴟張。沿邊隘口甚多。恐徐廷楷一人帶兵。尚不足以資堵禦。劉長佑節制畿疆沿邊防務。本係該督專責。現在南路捻匪併歸豫省南陽等處。距大名一帶較遠。畿南防務稍鬆。北路情形喫緊。著劉長佑卽行出省。挑選得力兵勇。酌帶若干名。親赴沿邊隘口。擇要駐紮。嚴密偵探。督同

徐廷楷實力防堵。毋令賊蹤竄入口內。仍一面選派勁旅。會同熱河派出官兵。馳赴朝陽實力剿辦。儻堵剿不力。致令賊氛延蔓。必惟劉長佑是問。畿南一帶防兵。如有可以抽調之處。著卽酌量調赴北路。並須多調馬隊。以備追擊迎剿之用。劉長佑出省以後。所有南路防務。卽著交李鶴年督辦。尋常日行事件。卽由李鶴年代拆代行。遇有緊要事件。仍商同劉長佑辦理。李鶴年俟劉長佑回省後。再

行交卸徐廷楷身任直隸提督沿邊防務僅有疏虞亦難辭咎古北口本有旗營駐防喜峰口冷口羅文峪等處均有山海關旗兵駐守連成長善貴無旁貸均應督飭該處防兵實力守禦如被賊蹤闖入則咎無可諉不得豫存推卸之心自干罪戾麒慶前次疏防馬賊闖入喜峰口此次若再縱令賊匪闖入邊關震驚畿輔自問當得何罪此股馬賊已有二三千名之多赤峰縣街尚有大股匪黨盤踞該都統務當就現有兵力設法分投截剿不可令其勾結合併致成燎原之勢仍一面知照蒙古昭烏達等盟派兵會剿熱河避暑山莊為禁禦重地尤當備兵嚴加防護茅津壩等處為朝陽赴熱河要路均應派兵扼堵劉長佑仍遵昨日諭旨多派勁旅速赴熱河妥籌剿辦天津尚有洋槍隊五百名仍著崇厚備齊軍械聽候續調文祥福興所部各營為數較單能否分撥熱河助剿之處著酌量

奉天熱河兩處緩急情形相機辦理一面奏聞前諭阿克敦布廉至挑備察哈爾官兵一千名聽候調遣著該都統等勤加操練以備調用務須實力奉行不得有名無實仍須時加偵探整頓各營武備以防賊匪窺伺毋稍鬆勁將此由六百里諭知文祥福興劉長佑麒慶阿克敦布崇厚李鶴年連成長善廉至並傳諭徐廷楷知之○又諭瑞麟等奏逆匪闖入嘉應州城現籌會軍剿辦一摺前據左

宗棠劉坤一先後馳報嘉應失守疊經諭令各該督撫相機剿辦茲據瑞麟等奏該逆由麻布岡突抵嘉應州城兵勇力竭致被闖入署知州程培霖巷戰受傷倒地團勇扼之而出署遊擊英秀與其餘文武不知下落各等語現在方耀鄧安邦等軍已進紮嘉應州屬關石徑心即著飭令約會各軍同時進取並著督飭李福泰張銑程國彥鄧紹忠等屯紮要隘力籌堵剿至卓興一軍因欠餉過鉅裁

撤回潮不知瑞麟郭嵩燾平日所籌畫者何事此時方耀等軍勦賊正當喫緊該督撫等務當寬籌餉項源源接濟俾資飽騰毋得再有貽誤瑞麟等摺內有左宗棠即日起程赴粵居中調遣等語左宗棠如能迅速赴粵督勦不特調度靈通且可堵賊入閩之路於大局最有裨益該督素稱知兵想必能通盤擘畫蕩定賊氛也賊匪聚於一隅利在會勦著劉坤一懍遵前旨督飭防軍認真堵禦並酌

派勁旅數千越境會合閩粵之軍四面圍攻迅圖勦洗毋得稍分畛域將此由六百里各諭令知之以廣東高瀾三竈洋面捕盜出力賞遊擊衛明英等花翎千總鄭現陞等藍翎餘加銜升敘有差○以廣東嘉應州城被匪竄陷革知州程培霖職仍戴罪效力○戊子諭內閣王榕吉奏請將已革副都統留辦河防等語已革發遣之副都統遮克敦布前在直東統兵勦賊貽誤事機獲咎甚重前經

降旨將該員革職發遣已屬從寬王榕吉請將該革員留於蒲州河防戴罪自效之處著不准行○諭軍機大臣等戶部奏豫撥來年京餉據稱歷屆京餉均係年前豫撥現屆應行豫撥同治五年京餉擬在各省地丁鹽課關稅等項銀內撥銀六百萬兩請飭各該省於來年分批起解等語京餉關係最為緊要現經該部就各省緩急情形撙節動撥自應遵照奏定銀數源源報解以濟要需著各該

將軍通商大臣督撫鹽政監督等務於來年開印後分批起解限五月前解到一半十二月初間全數解清不准截留改撥藉詞延誤儻屆限不到卽照奏定處分指名嚴叅原摺單均著鈔給閱看至本年未解京餉前諭各該督撫等催令趕緊報解茲據該部奏稱現屆年終仍屬拖欠甚多著各該督撫等懍遵前旨星速籌撥毋再遲延致干重咎另片奏同治五年分新疆南北兩路經費應仍照案

另籌擬撥山西丙寅年應徵地丁銀十萬兩  
山東丙寅年應徵地丁銀十五萬兩河南丙  
寅年應徵地丁銀十五萬兩共四十萬兩請  
飭籌解等語著山東山西河南各巡撫照數  
籌措仍由山西解至綏遠城由綏遠城從北  
路草地解至烏里雅蘇台運交科布多知照  
伊犁將軍塔爾巴哈台大臣覈定數目分提  
應用如飾詞請改請留致誤要需卽由該部  
從嚴叅處將此由五百里諭知福州將軍辦

理三口通商大臣直隸兩江江蘇福建浙江  
山東山西河南湖北湖南廣東各督撫並傳  
諭粵海淮安各關監督知之○又諭前因勞  
崇光奏起程赴滇請飭戶部查明徐之銘原  
奏清單於欠解滇餉各省內先行指撥銀共  
二三十萬剋期解滇當經諭令戶部速議具  
奏茲據該部奏稱陝西省軍務緊急粵海關  
撥款較多此次應請展緩提解外擬在浙江  
省欠解銀三百二十餘萬兩內先提銀十萬

兩四川省欠解銀四十八萬兩內先提銀四  
萬兩江西省欠解銀三十萬兩內先提銀三  
萬兩湖南省欠解銀八萬兩內先提銀二萬  
兩河南省欠解銀三萬兩內先提銀一萬兩  
太平關欠解銀三十七萬兩內先提銀四萬  
兩共提銀三十萬兩解滇應用等語滇中軍  
務喫緊自應餉項充裕方足以利師行著崇  
實駱秉章瑞麟劉坤一馬新貽吳昌壽李瀚  
章郭嵩燾各照部撥數目竭力籌措迅速撥

解以濟要需並著郭嵩燾飭令太平關監督  
一併如數籌解該督撫等務當兼顧大局不  
得藉詞推延致滇省停兵待餉勒辦愈形棘  
手也○至勞崇光所稱前署督潘鐸奏准由川  
省籌撥三五萬兩業經該部咨催崇實駱秉  
章籌解外仍著該署督等懍遵前旨剋期委  
員解滇交勞崇光行營毋稍延緩將此由五  
百里各諭令知之○又諭德英等奏捕盜官  
兵為數單薄奉省賊勢正熾吉林零匪亦因



而蠢動請將奉省截留吉林馬隊一百名並  
前奏請之馬隊五百名統令馳回本省以資  
分遣等語神機營教演吉林官兵五百名前  
經德英等奏請調回防勦當經諭令侯文祥  
到奉省後酌量情形再行妥籌辦理茲復據  
該署將軍等奏吉林情形喫緊請全數調回  
仍著恩合等懍遵本月十一日寄諭侯文祥  
到奉省後察度緩急情形籌商調派佐領佛  
銘所部馬隊一百名前經恩合截留並著一

併侯文祥到省後酌商辦理吉林伏莽甚多  
烏德李等又時圖報復著德英等整飭兵勇  
訓練民團以防竄突將此由五百里各諭令  
知之○緩徵山西平遙縣被水地方本年額  
賦○己丑諭內閣向來各州縣拏獲騎馬賊  
匪須審明在三人以上持有器械賊證確鑿  
者始按律問擬斬決茲據長善奏稱拏獲槍  
奪人犯無論人數是否在三人以上並不論  
賊之多寡但係騎馬執持刀械乘機搶奪者

經該地方官訊明及覆訊屬實即行就地正  
法似此變通辦理較為簡便等語此等馬賊  
肆行搶掠擾害閭閻豈容於訊明後久稽顯  
戮嗣後直隸奉天熱河各省於拏獲馬賊人  
犯即著照長善所擬新章辦理以昭炯戒而  
靖地方○諭軍機大臣等文祥等奏行抵山  
海關探聞賊情請調直隸馬勇隨同進剿馬  
匹倒斃請將帶隊官暫革請調蒙古捐輸馬  
匹麒慶奏請簡大員督辦熱河軍務長善奏

訪獲馬賊請就地正法各摺片各股馬賊人  
數眾多文祥等此次所帶官兵馬隊本形單  
薄而奉省東南北三路之賊並起誠恐兵分  
力單不敷調遣文祥等請將現紮玉田一帶  
之總兵劉景芳所帶馬勇二百名先行劄調  
著劉長佑即飛飭該總兵統帶所部隨同文  
祥等進剿應需月餉仍由直隸轉解如有不  
足由文祥等協濟文祥等所請調棍楚克林  
沁等所捐馬共五百匹著理藩院轉行該王

公務須挑選一律口輕膽壯馬匹剋日解赴軍營以備征勦之用並由文祥等飛速行文調取以期迅速。麒慶奏請簡派大員督辦熱河軍務並請續發援兵以壯聲勢該都統平日既不知振作臨事又復思諉卸殊負朝廷委任之意。現在知兵大員實難其選熱河兵力又不足恃著麒慶與文祥等妥商辦法奏聞一面就現有之兵實力防勦毋任蔓延。劉長佑身任封圻責無旁貸著懍遵二十六日

諭旨帶兵出省擇要駐紮並派得力兵弁馳赴朝陽一帶助勦毋稍遲誤。文祥福興距朝陽尚遠該處軍務應如何妥籌辦理之處著探明速奏。長善奏擊獲搶奪人犯無論人數賊數但係騎馬執械乘機搶奪者訊明後即就地正法等語已明降諭旨照准。此次擊獲之陳潮淙等二名即照新章辦理供單二件著鈔給文祥福興劉長佑麒慶閱看。文祥等另片奏賊以邊外為窟穴官兵道路生疏若

得該蒙古兵由北會勦與官軍夾擊方足以制奔竄。請飭伯彥訥謨祜於到京後面見各旗年班蒙古商議妥協後迅即回旗等語。伯彥訥謨祜尚未到京著俟到京後再行面諭辦理將此由五百里各諭令知之。又諭崇實駱秉章奏攻勦滇黔各匪現籌分兵布置情形一摺。川省東南隘口紛歧黔匪屢次竄至敘永邊境其綦江邊界黔匪並圖擾犯果後各營後路雖經川軍分路進勦疊有新擒

而官軍傷亡亦復不少現在竄擾敘永之匪仍踞川黔交界洗腳溪等處。綦江之匪仍在鐮尖山憑壘死拒。滇境苗匪陶偽元帥復擁眾竄至牛街土匪漆新大等分股逼近敘南筠連一帶防務諸形喫緊崇實等現添調總兵成耀星等軍前赴綏陽留胡中和七營分防敘南嚴扼滇匪並檄飭周達武親帶六營赴南路敘永綦江一帶視何路軍情緊急即赴何路截擊布置尚屬周妥。即著崇實駱秉

章督飭派出各軍嚴密防勦毋任滇黔沿邊各匪闖入川疆並著勞崇光張亮基林鴻年飛檄滇黔邊防諸軍與川軍合力夾擊迅殲醜類毋得專恃客兵一籌莫展貽禍鄰封勞崇光已據奏報由黔起程現在行抵何處林鴻年屢奉諭旨嚴催入滇何時起程進紮何處並著迅速馳奏將此由五百里各諭令知之○又諭訥爾濟泰巴里坤東西兩路賊匪情形一摺據稱奇台縣知縣恆頤帶勇西勦由木壘進至阜康迤西被賊攻撲眾勇潰逃恆頤不知下落賊匪現在木壘盤踞等語奇台濟木薩城垣前月甫據該大臣等奏報收復此次官兵復行失利賊勢又復猖獗訥爾濟摺中並有奇古一帶復失恆頤不守木壘輕進濟木薩以致得而復失之語是否該二城又經失陷聲敘殊未明晰關外兵勇全不可恃成祿聯捷之軍屢經申斥仍在甘境逗遛實屬疲玩已極著楊岳斌傳諭該提督等

迅即整隊出關會同訥爾濟等籌商進勦總期得步進步為節節進取之計儻再遷延國法具在不能為成祿等稍貸也訥爾濟現派已革防禦惠琳與勇目張和會帶戶勇二千前赴木壘進勦此等民勇雖不可恃然藉以牽制賊蹤亦未始非計著訥爾濟激勵該民勇等力籌堵禦毋任賊氛日肆蔓延其勇目張和一名即准由該大臣賞給五品頂帶以資統帶哈密賊匪雖無西犯情形訥爾濟等仍當嚴為備禦毋稍疏虞將此由五百里各諭令知之○以浙江永康縣紳團隨同克復城池永廣學額三名○以巴里坤城擊賊出力擢千總芮林以都司用並賞花翎武舉趙萬海等藍翎餘升敘有差○以吉林黑龍江戰馬倒斃疲乏革協領常海營總全福參領阿克敦佐領巴彥達賚等職仍留任○以四川松潘廳全境肅清予總兵官周達武以提督提奏賞總兵官向芝壽王照南巴圖魯名

號守備黎佐清花翎從九品陸輝藍翎餘升敘開復有差予陣亡都司劉義霖等祭葬世職加等○予貴州鎮龍山等處陣亡副將劉洛望千總龍會雲等祭葬世職加等○庚寅諭軍機大臣等本日伯彥訥謨祜到京備述馬賊情形與麒麟文祥等所奏大略相同現在各旗年班蒙古來京在邇當令其商議妥協後隨同伯彥訥謨祜迅即回旗豫調馬隊協同防剿文祥等屆時即可斟酌情形相機

調遣會合夾擊以杜奔竄熱河兵力本不足恃竄擾朝陽賊匪為數太多亟應添兵剿捕文祥等前奏於月之二十六日由山海關起程赴奉刻下是否業已成行甯遠係必由之路由甯遠赴朝陽不過一百數十里儻文祥等能帶馬步各隊先剿朝陽之賊將賊匪逼向東趨而以大軍急躡其後與奉省官軍兩面夾剿或可聚而殲旃著文祥等酌度機宜妥籌辦理如別有所見亦著將軍情緩急詳

悉奏聞朝廷不為遙制也正在寄諭聞據恩合奏探悉賊匪大概情形暨徐占一現尚安靜及花里雅春力解廣甯之圍各摺片賊匪王起等糾眾圍撲廣甯經協領花里雅春督兵奮擊力解城圍甚屬可嘉現在王起一股竄及朝陽周榮姜三疙疸一股由孟古勒津地面竄至法庫邊門滋擾其勢方張恩合已咨調富平阿統帶馬步各隊回省布置即著該將軍將省城防護事宜妥籌辦理並與恩

錫等督飭各路兵勇及地方文武隨時防剿毋得株守畏難任賊滋蔓盤踞金川皮口賊目康泳懇等繳械投誠真偽均未可定恩合務當妥慎籌辦於該降人等到省後嚴密防範隨時察看毋墮詭謀徐占一覆轍具在總當引以為鑒至恩合所奏徐占一現尚安靜不可復行激變等語著文祥等於到奉省後察看情形妥為籌辦其康泳懇等之投誠是否足恃並著與恩合詳籌處置毋稍大意恩

合等摺著鈔給文祥等閱看。將此由五百里各諭令知之。○又諭御史王師曾奏山東各路防守單弱。請飭帶兵提臣總辦青萊各府團練一摺。據稱髮捻各匪不得逞志於西勢。將乘虛東竄。在籍提臣傅振邦統帶兵勇駐紮青萊交界。所帶步兵不過七八百名。難當逆匪大股。請飭該提督督辦登萊青三府團練。凡三府弁兵悉歸節制。並飭兼辦沂州團防等語。前因青州一帶為東省膏腴腹地。諭

知閭敬銘飭令傅振邦前赴青萊一帶挑選各營兵丁千名。擇要扼守。王師曾所奏各情。是否有可採擇之處。著閭敬銘斟酌辦理。原摺著鈔給閱看。將此諭令知之。○又諭鮑超奏會合舊部抵防。並請督辦大臣調度一摺。髮逆大股盤踞嘉應州城。江閩粵三省地界毗連。此勦彼竄。非合三省兵力四面圍殲。勢將復行滋蔓。尤須有督兵大員節制調度。方足以一號令而齊進止。現據鮑超奏稱各軍

越境會勦。未進之先各存意見。臨期之際牽制堪虞。爭功諉過窒礙多端。非督師大臣親臨前敵。驅策羣力不免耽延時日。虛糜軍餉等語。該提督老於戎行。洞悉軍情利弊。所奏深合機宜。左宗棠前辭節制三省之命。朝廷未經允准。疊經諭令視賊所向。馳赴江粵督兵會勦。該督旋因賊陷嘉應。奏明帶兵赴粵督勦。著即調齊江閩粵三省官軍四路進逼。務乘賊勢窮蹙之餘。就地殲除。不可再令賊蹤他竄。又成燎原之勢。並著該督親往嘉應視師。以期呼應靈通。鮑超所部現已會齊駐紮會昌。聽候左宗棠調遣。著該督即約會閩粵各軍訂期前進。並檄令鮑超所部合力進攻。毋得稍分畛域。坐失機宜。所有鮑超軍糧餉。即著該提督行知廣東江西各督撫嚴檄地方官設法轉運。毋許貽誤。前經諭令曾國藩將鮑超一軍酌調赴豫。勦辦髮捻。現當江粵軍務喫緊之時。鮑超駐軍會昌。距嘉應

甚近。卽著該提督暫緩赴豫。俟髮逆蕩平後。再行聽候。曾國藩檄調入豫助剿。捻匪將此由六百里諭知左宗棠。並傳諭鮑超知之。○又諭前據曾國藩奏。鮑超一軍赴豫有益。當經諭令曾國藩酌量檄調。本日據鮑超奏稱。馳抵江粵邊界。已於本月十二日。移紮會昌。現聞康逆大股盤踞嘉應州城。擬卽由會昌前往嘉應會剿等語。髮逆竄擾粵東。勢尚猖獗。鮑超就近由江赴粵。勦辦此股。必能得手。

此時若將該軍改調赴豫。則舍近圖遠。往返又需時日。疲於奔走。殊失機宜。就目下軍情。揆其緩急。莫若卽將鮑超一軍暫留江粵。勦辦此股。髮逆以期迅速。歲事所有鮑超一軍。卽著該大臣暫緩檄調。俟髮逆勦平後。再行飭令赴豫助剿。近日豫省賊勢若何。劉銘傳等軍有無戰事。均著隨時詳細奏聞。以慰廑繫。將此由六百里諭令知之。○又諭本日據明緒奏。伊犁需餉急迫。前由烏科兩城分解。

伊塔兩城之餉銀五萬兩。業經奉旨嚴催。至今尚未解到。雖接據明誼廣鳳等咨報起運。屢次派員迎提。毫無音耗。伊犁現在無力添派馬隊迎護。該兩城竟不派兵護解。以致餉銀分毫未到。各等語。前據明誼等奏。由綏遠城解到各省協餉。應撥伊塔二城者。已陸續添派委員協同。該二城迎提員弁解至科城。添換兵弁轉運。現在烏里雅蘇台止存新疆銀六千兩。是此項庫存五萬兩。早由烏城解

交科布多轉運。何以至今尚未解到。實屬任意遲延。貽誤軍事。卽著明誼車林敦多布麟興查明此項銀兩。因何不到之處。迅速具奏。並著廣鳳奎昌將此項餉銀五萬兩。卽行多派弁兵。趨催護送。迅速解交伊塔兩城。俾濟急需。其續到之餉。並著迅速解運。毋得稍涉遲延。致干重咎。科城庫存餉銀先後分解各城數目日期。並著廣鳳等迅卽開具詳晰清單具奏。以備查覈。將此由六百里各諭令知。

之尋明誼等奏前項餉銀五萬兩已派員運至科城即交伊犁迎提委員運往計明緒此次發摺後已可解到報聞廣鳳等奏科城本年共解過伊犁銀十五萬兩遵將現存指撥伊犁各城餉銀細數繕具清單並將解運日期陳明仍咨催各城迎提以期無誤得旨嗣後遇有應解餉銀仍當迅速起解不准稍有耽延致干咎戾○以奉天廣甯守城出力予協領花里雅春以副都統簡放○予聞變捐

軀奉天廣甯縣知縣煜斌妻瓜爾佳氏旌卹如例○辛卯諭內閣都察院奏道員寶賢以尋覓父骨等詞遣抱告赴該衙門呈遞據稱山西道員寶賢因催礦來京現已差竣伊父尚那布前於咸豐十年在江蘇溧陽縣戰歿迄今骸骨未收呈請發往江蘇差委尋覓父骨等語寶賢著准其前往江蘇尋覓父骸以遂孝思所請發往江蘇差委之處著不准行○諭軍機大臣等劉長佑奏遵派官兵前赴

朝陽勦匪擇要駐防關隘並調兵出省防邊各摺片沿邊各口地勢延長建昌營地偏於東三屯協地偏於西劉長佑現商令徐廷楷多設偵探覘賊所向於緊要之區駐紮以便援應著即照所擬辦理並揀調通永鎮精兵五百名作為徐廷楷親軍即著劉長佑飭令該提督勤加訓練一面飭令遊擊阿洪阿等在關隘相度地勢嚴加備禦以免賊騎闖越劉景芳所部馬勇二百名前經有旨諭令

隨同文祥福興進勦文祥福興能否先勦朝陽之賊尚未可定劉長佑所擬添調之天津鎮兵五百名併歸該副將管帶速赴朝陽之處即著劉長佑迅速咨知文祥福興妥商辦理以免歧誤該督現挑步勇千名馬勇三百餘名交總兵劉榮帶往沿邊防禦並遵旨出省親往督辦務即迅速馳往北路察度各關隘情形督飭徐廷楷認真巡防仍一面挑選勁旅會同派出官兵迅赴朝陽實力勦洗不

可稍涉遲緩。將此諭令知之。旌表夫亡殉節浙江舉人潘鏌妻繆氏。撫恤琉球國遭

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百六十一

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百六十二

軟修

同治四年乙丑十二月壬辰朔

上詣綏履殿問

慈安皇太后安。平安室問。

慈禧皇太后安。至庚申皆如之。○奉

慈安皇太后

慈禧皇太后幸漱芳齋。侍午膳。○諭內閣。曾國藩奏查拏開餉勇丁。照法嚴辦。並將獲咎之營官訊明定擬一摺。本年五月間。總兵唐義訓。道員金國琛。所部徽州休甯各營。譁謀索餉。當經曾國藩將該鎮道等奏參查辦。茲據



曾國藩奏。遵將滋事各勇丁查拏正法。並將營官等研訊確情定擬。請分別革職發遣等語。此案候選同知唐義謨。代統唐義訓部眾。於兵勇鬧餉滋事。未能嚴明約束。業經革職。著無庸議。參將伍彩勝。雖因病不能彈壓。惟該營譁譟。尤為兇橫。紀律殊屬不嚴。著即行革職。副將王玉藻。王俊南。雖訊無剋扣情事。惟平日辦事不公。營務弛壞。均著即行革職。副將趙仁和。守備趙友交。匿餉不發。眾證確鑿。

趙仁和著即行革職。趙友交著革去守備。發往黑龍江充當苦差。前任皖南鎮總兵唐義訓。甘肅鞏秦階道金國琛。前雖離營過久。回防太遲。此次認真查辦。毫無徇縱。尚知愧奮。唐義訓。金國琛。所得降級留任處分。著准其註銷。○諭軍機大臣等。官文。鄭敦謹。奏。鄂軍援豫獲勝。並賊勢東趨。請飭鮑超取道黃麻。迎頭截擊。吳昌壽。秦正南。股匪竄至光羅。官軍追剿獲勝。並收復構林關寨各摺片。張

總愚等前由潯口襲踞構林關。經官文等檄飭姜玉順等軍。會合豫軍進剿。賊勢窮蹙。乘夜棄寨。向鄧州一帶奔竄。遂將構林關收復。現在張逆在新鄧滋擾。其勢甚熾。賴牛等股。又分擾遂汝正碓。大股直抵信陽。逆氛漸逼。黃孝。鄂省邊防。正當喫緊。著官文等嚴飭成大吉。速赴孝感之三里城。小河溪一帶迎剿。毋令闖入鄂境。如該匪被擊北竄。官文等仍當速飭各軍。跟蹤追躡。以收聚殲之效。吳昌壽。奏。髮捻各逆。圍攻光山縣之杏山寨。並攻撲州城。均經官軍擊退。現飭馬德昭滾營前進。務將光州踞匪剿洗等語。是東南逆股。不但窺伺鄂邊。勢將蔓延皖境。豫省兵力。不敷調遣。曾國藩有節制諸軍之責。自必統籌全局。力圖兼顧。著即迅催劉銘傳督率所部。會同馬德昭等。剿除光州一帶踞匪。毋稍遲誤。李昭慶訓練馬隊。計已將次成軍。並著飭赴豫省會剿。與步隊相輔而行。則剿辦自易得

手。光州毗連霍六。該匪乘隙他竄。是其慣技。喬松年務當飭令英翰督兵迎擊。堵剿兼施。毋得株守一隅。貽誤事機。張逆一股。雖經姜玉順等進剿。屢有小勝。而逆燄未衰。必須豫省兵勇。緊躡賊後。兩面夾擊。方可迅速奏功。著吳昌壽嚴檄宋慶等督隊前進。與姜玉順、譚仁芳等軍。分路兜剿。如再遲延玩誤。卽著據實嚴參。毋得稍涉瞻徇。致干咎戾。汪逆竄踞嘉應州城。昨據鮑超馳奏。擬由會昌赴粵勦辦。是鮑超一軍。急切不能到豫。官文亟須另籌兵力。扼紮黃麻。豈可專待此軍。致滋貽誤。吳壽昌另片奏。副都統安住所帶馬隊。倒斃馬匹。請免其賠補等語。安住馬隊。旣據該撫查明黑龍江倒斃之馬。其原領之時。已形疲瘦。並非該營總等有心玩視。所有黑龍江大凌河戰馬倒斃三百八十九匹。著從寬免其賠補。嗣後該副都統安住務當督飭該營總等盡心牧養。俾令一律臙壯。如再有倒斃。

卽責令該營總等照數賠補。決不寬貸。正在寄諭間。據曾國藩奏。遵覆寄諭。現擬派李昭慶於正月統帶萬人赴豫。與劉銘傳分途進剿。該大臣亦於正月進駐周家口。並先將湖團設法遣散安插等語。所籌均屬妥協。著卽飭令李昭慶就已練之兵。現有之馬。先行帶赴豫省。與劉銘傳會合勦賊。湖團構釁已久。與居民爭執。各不相下。若不早為之所。恐致釀成巨案。曾國藩擬由濟甯兗曹一帶。察看

情形。著卽會同吳棠、閻敬銘。妥籌資遣。將通捻之團。認真懲辦。以絕後患。吳棠、閻敬銘。務將東省難民遷徙銅沛者。妥為安插。俾曾國藩無東顧之憂。得以剋期赴豫。督剿各匪。將此由六百里各諭令知之。○又諭。明緒奏。孤城久困。請飭催俄兵助剿一摺。伊犁久被賊困。該逆近復分擾錫伯索倫兩營。焚毀圍糧。情形日見猖獗。關內援兵。雖已疊次嚴催。而節節梗阻。尚難剋期前進。借用俄兵一節。屢

經總理各國事務衙門王大臣與俄國在京公使商辦。該使以事多為難。總未應允。看來該公使於此事未能主持。明緒現今榮全前赴俄國阿里瑪圖地方。與該國領兵官江達拉勒會商。借兵數百名前來助剿。並借貸糧食火器等物。所籌亦是急則治標之法。即著該將軍體察情形。妥籌辦理。但期於事有濟。朝廷亦不為遙制。所請飭總理各國事務衙門知照。住京公使。飛咨西悉畢爾衙門催兵

等語。已諭令該衙門辦理。明緒身膺重寄。惟當激勵兵民。同心固守。相機勦辦。以副委任。將此由六百里諭令知之。○以河南光州羅山勦匪獲勝。予都司李承先等升敘有差。○予河南南陽等處陣亡參將張仕順等祭葬世職加等。○予故甘肅巴里坤鎮總兵官成發翔祭葬卹廕。入祀湖南昭忠祠。並於衡山縣原籍建立專祠。○豁免湖南長沙善化湘陰益陽修茶陵衡山安仁巴陵臨湘華容十

一州縣。暨荊州。荆存荆右。沔陽。岳州。五衛節年民欠額賦。並漕折漕費耗羨銀。○癸巳。諭軍機大臣等。長善奏。遵籌守禦事宜等語。石門寨為迤北各口入大道總匯之區。經劉長佑酌調駐紮。潯陽三岔口之通永鎮標兵三百餘名。移往防守。長善復商。令山永協挑選弁兵三百名備調。並於冷口等處挑出槍兵。以資協守。即著劉長佑。長善悉心會商。妥籌守禦。旗營兵數甚單。必須與綠營聯絡一氣。

方足以壯聲援而利攻剿。所有山永協綠營及防守北邊之通永鎮標官兵。如遇緩急。除由該營馳報該管各官外。即著長善就近指麾。相機調遣。至冷口等處駐防旗兵。如有應行調派之處。亦著劉長佑。徐廷楨就近籌畫。妥為調度。儻該官兵互相推諉。即著劉長佑等彼此會商。嚴行恭辦。務使旗綠各營。聲勢相聯。和衷共濟。以期共殄逆氛。長善所稱駐紮潯河橋之天津鎮標馬步兵三百名。擬移

防喜峰口。至三屯營迤東界嶺口。亦關緊要。應撥兵一二百名前往駐守等語。著劉長佑徐廷楫相度地宜。妥籌調撥。將此諭知劉長佑。長善並傳諭徐廷楫知之。○又諭吳棠奏陳國瑞患病瘋狂。押送回籍。請旨革職。並請飭湖北督撫派員妥視各摺片。本日已降旨。將該總兵革職矣。所有該革員售贖資本。提充淮徐兵餉。寶應田產歸公。戰馬交營各節。均著照所請行。其另存現銀二萬五千兩。已

由吳棠封解官文。即著官文鄭敦謹飭司存儲。分年交陳國瑞收領。以資回籍生計。該革員現既病瘋。即使他日就痊。而喜怒無常。性情獷悍。官文等亦不可再任以兵事。致滋貽誤。第念其從前宣力戎行。戰功疊著。今竟成廢。情殊可憫。官文等務當隨時派員妥視。毋令失所。其瘋疾能否痊愈。並著隨時察看具奏。以副朝廷保全愛惜之至意。原摺片著鈔給官文鄭敦謹閱看。將此各諭令知之。尋奏。

陳國瑞業經到籍。察看病勢。漸可痊愈。其胞兄陳光榮堂兄陳光藻。出結領回原籍應城縣醫治。解到銀兩。存漢黃道庫。以備該革員隨時支領。俾資養贍。報聞。○又諭李瀚章奏遵籌湖南省東西兩路防勦情形等語。汪逆竄至粵東。嘉應失陷。雖距湘境稍遠。惟該逆豕突狼奔。紛擾靡定。仍恐窺伺江楚。湖南邊境防務。未可稍鬆。著李瀚章督飭趙煥聯等嚴密防範。毋稍疏虞。劉連捷等軍。勞勩日久。

即著陸續裁撤。俾資休息。欠餉仍由湖南江西補給。並著知照劉坤一妥為辦理。黔省苗匪。經該撫檄令周洪印等越境分路勦辦。現在楚黔毗界肅清。而黎平天柱匪類尚多。時虞出沒。仍著檄飭周洪印督率各軍。按捕餘匪。毋令稍留遺孽。總期激勵士卒。步步進規。為次第廓清之計。儻黎平等處稍有警信。仍即相機援應。以固邊防。將此由四百里諭令知之。○又諭趙長齡奏遵旨馳赴慶涇一帶

查辦事件。楊能格奏營員帶隊搶掠。槍斃生員。攻堡淫擄。傷斃多命。並帶隊搶奪糧臺餉銀各摺片。覽奏實深詫異。前因楊能格奏參周顯承狡詐把持侵蝕帑項帶隊勒捐等情。當經諭令趙長齡先赴慶涇一帶查辦。如訊有端倪。即將周顯承奏請革職嚴審。茲據楊能格奏周顯承親帶三營馬隊至甯州。親兵各入民家。搶掠淫擄。無所不至。槍斃增生粟承祚。復分隊駐酒頭堡及太昌城外。將兩處百姓搶掠一空。經該州知州張掄文哀求撤兵。周顯承不允。令遊擊張潤槐往東鄉良平鎮店頭堡。堡民閉門不納。委員裴輔晉在彼辦糧。啟門放兵勇入。百姓逃避。死傷無數。凡近店頭堡之莊堡多處。均被搶掠。並路刦布客。聲言即往北鄉。聞雷正綰到涇。周顯承始行折回。仍留二營分紮南北鄉。又將河南解存陝西藩庫餉銀三萬兩。在長武縣庫內帶隊刦去。似此喪心病狂。倚勢虐民。大為地

方之害。若不嚴行懲辦。何以肅軍律而儆效尤。周顯承著即行革職。交趙長齡拏問。其同惡相濟之遊擊張潤槐。把總裴輔晉均著革職。一併歸案審辦。趙長齡現由西安赴慶涇一帶。著即將周顯承等提解。秉公逐款審辦。毋稍寬縱。周顯承如有不服拘拏情事。或至激成禍變。著楊岳斌、雷正綰、楊能格派兵嚴密防範。雷正綰現已到涇。著將周顯承招集之潰勇。並所帶各營。妥為撫馭統帶。相機進剿。其留甯州之二營。著即撤回。毋任別滋事端。楊能格摺片。著鈔給楊岳斌、趙長齡閱看。正在寄諭間。據楊岳斌奏請派劉蓉節制涇州各營。駐紮長武等處一摺。劉蓉現已仍署陝西巡撫。豈能出省遠駐長武。周顯承所招潰勇。本係雷正綰舊部。仍歸雷正綰統帶。自無兵將不習之慮。雷正綰受朝廷倚任之重。務當振刷精神。力圖報稱。固原平涼涇州等處均須兼顧。若有疏失。惟雷正綰是問。楊岳

斌另片奏曹克忠一軍。未能調赴東路。伊犁軍械請俟驛路通暢。再行補製解往各等語。均著照該督所請辦理。又片奏請將甘省秦州一帶叛產變賣充餉。著即督飭藩司。遴派公正員弁。認真經理。期於兵民兩有裨益。毋任吏胥舞弊。其陝西各處叛產如何辦理之處。著劉蓉迅速妥籌具奏。楊岳斌片。著鈔給劉蓉閱看。將此由六百里諭知楊岳斌趙長齡劉蓉。並傳諭雷正綰楊能格知之。○又諭。

寄諭陝西巡撫趙長齡。本日據楊能格奏。周顯承剗餉擾民各節。業經有旨將周顯承革職拏問。諭令該撫秉公查辦。正在寄諭間。復據楊岳斌奏。雷正綰部下精兵健卒。均經涇州收集。若使軍械足用。即可責其立功。惟與雷正綰互有猜疑。難難合併。若迫使聽雷正綰調遣。軍心惶惑。譁潰堪虞等語。與楊能格所奏詞多歧異。楊能格所參周顯承各節。如果屬實。必須秉公執法嚴懲。雷正綰業已回

駐涇州。該提督舊部。能否恪遵調度。抑或軍心渙散。雷正綰竟難挽回。趙長齡現赴涇州。著即將雷正綰軍營近日情形。嚴密訪查。據實具奏。如雷正綰挾回自重。該將領等無所適從。則涇州各營。自應另行派員統帶。曹克忠威望頗著。如能接統其眾。即著知照楊岳斌。一面奏聞。一面調派。如曹克忠不克赴涇。楊岳斌即當另派妥員前往接替。毋誤事機。該撫於此事務當妥慎辦理。不可稍涉偏執。

以顧大局。楊岳斌摺。著鈔給閱看。將此由六百里密諭知之。○又諭。傳諭護山西巡撫王榕吉。楊岳斌奏。遵查撥解巴里坤餉。驛站未通。請飭由殺虎口監督徑解等語。巴城需餉孔殷。亟須設法籌撥。惟關內外道途阻滯。自應改道妥解。以昭慎重。即著王榕吉將殺虎口監督應解巴里坤餉銀。派委妥員。由草地一路解至烏里雅蘇台轉運。以濟要需。毋稍延緩。○以病狂滋事。革浙江處州鎮總兵官

陳國瑞職。○甲午。諭軍機大臣等。勞崇光。張亮基。秦。清鎮縣城失守。旋復一摺。逆首何得勝。自盤踞開州後。分股由修文縣境直撲清鎮縣城。賊眾兵單。遂於十月十八日失守。經全祖凱等會同趙德昌所部。馳往援勦。奮力攻擊。賊勢不支。棄城敗遁。仍向修文邊境竄去。當將清鎮縣城收復。辦理尚為迅速。著張亮基督飭在事文武員弁。探賊所向。跟蹤追勦。並檄飭趙德光等軍。相機截擊。迅掃逆氛。

此次出力各員。准其擇尤保獎。毋許冒濫。勞崇光因清鎮失守。赴滇大路梗塞。改於十月二十四日起程。現在行抵何處。著兼程前進。毋得藉故逗遛。安義鎮總兵趙德昌自署理提督以來。於貴州軍務。未能辦有起色。著張亮基飭令速赴四川。交崇實。駱秉章差遣委用。貴州提督。本日已明降諭旨。令周達武補授矣。周達武未到任以前。貴州提督。著趙德光暫行署理。貴州軍務緊要。周達武所部兵

勇。著崇實。駱秉章。選派得力之員接統。飭令周達武速赴貴州新任。以重職守。將此由六百里各諭令知之。○禮部以明年元旦禮節請。得旨。是。照例行禮。奉

慈安皇太后

慈禧皇太后懿旨。停止筵宴。其在外公主福晉命婦進內行禮之處。並著停止。○以四川建昌鎮總兵官周達武為貴州提督。記名總兵官劉寶國為四川建昌鎮總兵官。○以記名

總兵官馬德順為浙江處州鎮總兵官。○以西安旗營防勦出力。予協領柯克僧額以副都統。簡放賞佐領瑞昌等花翎。騎都尉蘇勒善等藍翎。餘加銜升敘有差。○以貴州清鎮縣城被賊竄陷。旋即克復。知縣竺佐堯革職留營。免治罪。予陣亡遊擊蔣占鰲。都司石國泰。黃安邦。祭葬。世職加等。○乙未。諭內閣。前據汪朝榮。劉蓉。先後奏。參聯捷沿途需索各款。當經諭令楊岳斌。秉公查辦。茲據楊岳斌

奏稱聯捷在陝需索各節。該督已拔營在途。無從深悉。迨聯捷抵甘肅境內。在會甯勒索供支。拆毀廟宇衙署。縱令兵勇將牲畜牧放民田。殘害禾稼。領去草料。變價入己。被控之案不一。涇州送差車輛牛隻。兩旬之久。並未發還。任聽兵丁宰殺牛隻。棄置車輛。毆逐送差夫役各等語。聯捷奉命帶兵出關。到處藉詞逗遛。已屬怯懦無能。大負委任。復敢肆意需索。騷擾地方。可惡已極。此等劣員。朝廷不

難按律懲辦。惟將該員立予嚴譴。聯捷轉得自便私圖。置身事外。伊犁參贊大臣調任哈密辦事大臣聯捷。著無庸幫辦成祿軍務。降為藍翎侍衛。交成祿差遣。仍著迅帶所部。剋期出關勦賊。儻敢再事逗遛。或另有騷擾不法情事。即將該員按照軍法治罪。決不寬貸。○又諭。前因閻敬銘奏保賢能。敕令張廷揚等酌給升階班次。曾經降旨允准。嗣經吏部查案議駁。茲據該撫奏稱近來人才登進。偏

重軍營或糧臺局務。地方牧令之升途。皆為所占。卽照例升調。亦比從前遲滯。致令盡心民事勤慎供職者。人轉視為迂拘。於吏治殊有關係。所有前保之員。請仍照前旨給獎等語。督撫明保人員。原應照例送部引見。候旨錄用。惟閻敬銘係為整飭吏治起見。且所保亦不如軍營勞績之優。若不准其所請。不足以昭激勸。候補知州張廷揚楊濟。仍著俟補缺後。以知府用。知縣彭啟昆。帥嵩齡。仍著以

同知直隸州知州用。候補知州李均。仍著俟補缺後。以同知直隸州知州用。試用知州左宜。仍著以本班儘先卽補。卽用知縣陳鳳翥。仍著賞加同知銜。丁憂知縣林溥。仍著俟服滿後。留於山東補用。以示鼓勵。○諭軍機大臣等。阿克敦布。廉至奏。熱河咨調馬隊官兵。請旨遵行。閻敬銘奏。拏獲奉省馬賊頭目偷越海口。請飭嚴查沿海各口。各一摺。據稱馬賊竄入朝陽境內。察哈爾左翼四旗邊界。



防務喫重。且張家口為北路要隘。現在挑兵鎮壓。尚慮單薄。所奏自係實在情形。所有熱河咨調馬隊五百名。卽著無庸派往。阿克敦布。廉至。務當督飭滿蒙官兵。勤加操練。嚴防要隘。以備不虞。熱河兵力本單。現值賊氣偏近。亟應添兵助剿。副將劉景芳所部馬勇二百名。前已諭令隨同文祥等進剿。劉長佑添調之天津鎮兵五百名。應否併歸劉景芳統帶。抑或另派妥員管帶徑赴朝陽助剿之處。

仍著劉長佑咨商文祥福興。妥籌調派。如恐此軍兵力稍單。並著劉長佑再行酌量添撥。以資厚集。山東登州海口。盤獲奉省馬賊頭目劉瑕先等三名。據供在金州城外。與總目康七分手。渡入東境。勾結匪徒。餘眾均在北岸聽信。約期搶船赴沿海各處等語。匪黨潛謀勾結。偷越海口。亟宜先事防維。所有奉省沿海各處。著恩會富平阿恩錫嚴飭各該地方官認真稽查。不得任令匪徒偷渡。閻敬銘

仍當飭令所屬。於登州一帶海口。嚴密巡緝。毋稍大意。正在寄諭間。文祥福興奏酌度軍情。據實覆陳。並請調洋槍隊兵。熱河地方情形。派員辦理團練各摺片。朝陽之賊。現復竄往東南台吉營子等處。離邊已近。法庫邊門。又有大股賊匪滋擾。賊蹤飄忽。難保不復圖竄入邊內。文祥等擬於行抵錦州後。酌留馬步隊防守。再行酌量辦理。自係穩慎辦法。卽著察度情形。妥籌布置。現在熱河之賊。既已東趨。劉長佑所派之兵。出邊後如何探蹤截剿之處。仍著咨商文祥等妥籌進止。麒麟慶亦當飭令派出之兵。躡蹤追剿。不得以賊已東竄。徘徊觀望。坐失事機。甯遠所屬中後所。為山海關門戶。著崇厚將備調之洋槍隊兵五百名。派護理總兵春霖管帶出關。駐紮該處。與錦州防兵互為聲援。以杜賊匪窺伺。熱河地方。伏莽甚多。但恐操之太蹙。轉致匪黨固結。辦理益形棘手。劉長佑麒麟慶派兵剿賊。務

當密飭帶兵各員酌度情形妥為籌辦毋稍輕率甯遠所屬團練文祥等即飭朱光宇等妥速辦理以資保衛本日據寶珣奏奉省派出官兵見賊輒敗虛糜帑項等語該省官兵平時既不訓練臨陣又無紀律以致屢次挫折實堪痛恨著文祥福興恩合認真整頓如查有首先潰退者即於軍前正法以肅戎行文祥等密片一件著鈔給劉長佑麒慶閱看將此由五百里各諭令知之○又諭奉天馬

賊自滋事以來蔓延日久未受懲創聞新任署將軍恩合視賊太易辦理勦撫未合機宜與各部侍郎俱未能和衷辦事本日據寶珣奏稱恩合到任以後勦捕賊匪已由盛京戶部庫內放過銀五萬八千兩該將軍並未將兵冊隨時咨部查覈現於山海關解到餉銀二萬兩內先放銀一萬兩其餘一萬兩擬留備京兵到省後接濟之用該將軍必欲再領二萬兩不解何意請飭查明等情恩合於派

出勦賊官兵既未將名數造冊咨部查覈又思多領餉銀難保無冒濫蒙混情事著文祥福興於馳抵奉省時將恩合到任後所派官兵數目共應需餉銀若干兩徹底查明有無浮冒據實具奏該署將軍究竟能否勝任並著文祥等密行查明迅速具奏將此各諭令知之○又諭楊岳斌奏遵查聯捷被參各情暨西路告急請催大兵出關各摺片哈密辦事大臣聯捷奉命出關勦賊乃敢沿途騷擾

逗遛不前實屬可惡本日已明降諭旨將聯捷降為藍翎侍衛無庸幫辦成祿軍務著楊岳斌傳知聯捷迅赴成祿軍營聽候調遣其所帶馬步各隊均著交成祿節制至西路軍情正當告急成祿總未帶兵出關亦屬懈弛著標遵疊次諭旨剋日西行如不知力圖報稱有意遲延則聯捷覆轍具在必當一併執法嚴懲不能稍從寬貸也聯捷前次奏稱在好水川一帶招撫四十四村回戶匪首馬化

澄亦來乞降等語。朝廷慮其為該逆所紿。曾諭令楊岳斌斟酌妥辦。現在聯捷已令西行。自不敢藉詞撫回。再稽進發。所有一切勦撫事宜。著責成楊岳斌妥為籌畫。務當分別良莠。相機而行。不得稍有貽誤。都興阿等前因聯捷專差佐領德清額持函議撫。情節可疑。曾將該佐領摘頂拘留。現在聯捷告覆已否到甯。並著都興阿、穆圖善詳察情形。與楊岳斌妥商辦理。毋墮回匪狡計。至雷正綰一軍。

疊次諭令收合潰卒。重整軍聲。力圖勦賊。此時若令統兵出關。則朝令夕改。非特無所適從。且恐滋其疑惑。殊為非計。楊岳斌所請量為變通之處。著毋庸議。鶴齡一軍缺餉。軍士困苦顛連。甚為可憫。著楊岳斌寬籌餉項。源源接濟。催令隨同成祿出關。毋任逗遛。其成祿等軍。並著楊岳斌設法濟餉。俾資飽騰。不得稍有缺乏。致令有所藉口。將此由六百里各諭令知之。○又諭景祿、恩慶奏審據要犯

吐多卜降巴供詞。並懇請賞給夷喜羅布汪曲公爵各摺片。該犯吐多卜降巴。於買巴札倉眾喇嘛攢集傳喚之時。不能彈壓僧眾。反為首謀。將羅布藏稱勒拉木結。擅行接回色拉寺院。次夜復敢糾聚僧眾七百餘名。各佩槍刀器械。晉藏搬運財物。已屬不法。迨釁端已成。經達賴喇嘛同滿慶等數次劄諭。令將已革總堪布及為首滋事之人交案懲辦。該犯不肯交人。並派兵築卡。率眾抗拒。更屬目無法紀。該犯現已據實供認。實屬罪無可逭。吐多卜降巴一犯。著即就地正法。以昭炯戒。至所請懇將達賴喇嘛之兄夷喜羅布汪曲賞給公爵之處。前據滿慶等奏請。旋經理藩院議准。將達賴喇嘛之父彭錯策旺所遺公爵賞給達賴喇嘛之兄夷喜羅布汪曲。業經降旨允准。該大臣等未接理藩院行知。故有此奏。本年六月十一日清字諭旨。著鈔給景祿等閱看。即著宣示達賴喇嘛遵照。所有商

上僧俗事務。仍著該大臣等妥為經理。毋稍大意。將此由四百里各諭令知之。○署陝西巡撫劉蓉奏藩司到任未及三月。請將本年大計展緩舉行。從之。○以光祿寺卿祥泰為內閣學士兼禮部侍郎銜。鴻臚寺卿麟書為太常寺卿。○賞瑞敏郡王子貝勒載漪三眼花翎。惇親王第三子頭品頂戴載瀾花翎。○以玩視軍臺要差。茂明安旗扎薩克頭等台吉綽克巴達爾瑚。東烏喇特旗署扎薩克印務四等台吉貢楚克扎普。下理藩院嚴議。○以山東沂州勦匪出力。賞知州王殿麟。都司官錦堂等花翎。同知李泮林等藍翎。餘加銜升敘有差。○丙申。諭軍機大臣等。麒慶奏籌辦朝陽縣街踞匪情形。請飭催援兵會剿。劉長佑奏帶兵出省日期各摺片。昨據文祥等奏探得賊眾於二十五日。由朝陽縣竄往東南台吉營子洛道營子莊頭營子三義站等處地方。並據恩合各稱有賊匪千餘名。竄至

法庫邊門滋擾。距省僅百餘里。數日之間。賊情忽變。又據文祥等片奏。賊自清河邊門逸出後。分為三股。一竄朝陽。一竄赤峰。一竄法庫邊門。熱河各縣伏莽。幾於無處不有等語。是朝陽街市之賊。早已東竄。文祥等摺。與麒慶摺。同係十二月初一日發。麒慶較文祥等更為切近。而摺內有賊未出竄之語。赤峰賊情。亦未經奏及。何以聲稱若此。殊不可解。著即確切探明具奏。並傳遵昨日諭旨。飭令派出之兵。躡蹤追剿。仍須嚴防回竄。熱河伏莽偏地。若動兵搭捕。必至激而生變。麒慶務須不動聲色。密為訪拏。以期消患未萌。毋得因循坐誤。再釀禍端。劉長佑於初三日出省。擬徑赴三屯營。與徐廷楷商定布置。仍察看緩急。親赴喜峰等口。督飭巡防。令徐廷楷回古北口辦防。並以南路防務仍重。防軍未可多調。所籌均妥。著即照所請行。俟到日察看情形。朝陽之賊。如尚未退。即著劉長佑迅撥馬

步前往會同熱河官軍併力勦洗。如賊已東竄。並著視何路喫重。抽軍前往追剿。毋稍遲延。昭烏達等盟。俟年班到京時。面諭會剿。將此由五百里各諭令知之。尋麒麟慶奏查朝陽街被匪竄入後。雖聞有回竄情形。未據帶兵員弁及地方官稟報。不敢遽信。迨本月初三初五初六等日。據各處稟報。賊聞兵至。陸續出竄。與文祥所奏無異。朝陽距承德七百餘里。較之奉省名為切近。實形窩遠。是以奏報

稍遲。至赤峰境內。據該縣知縣李繼昭稟稱。並無賊蹤竄入。報聞。○又諭劉長佑奏。駐紮甘肅花馬池之直隸官兵二千名。多由提標宣化通永天津各鎮標及省標派往。現在關外馬賊充斥。沿邊防務緊要。直隸兵力不敷分布。請將此起官兵遣撤歸伍。俾資派撥等語。前據都興阿奏。翁同書病故後。此軍已派景廉接統。著都興阿酌量情形。所有駐紮花馬池之直隸官兵。能否遣撤歸伍。抑可抽撥

另支勁旅前往接替之處。卽行妥籌具奏。將此由四百里諭令知之。○又諭前據劉長佑奏山東協直月餉。請以一萬五千兩就近劃撥潘鼎新軍營。當諭令劉長佑將潘鼎新軍餉仍隨時籌給。茲復據劉長佑奏稱。此軍駐紮濟甯距直一千數百里。月餉由直解往。每難剋期趕到。潘鼎新現放山東臬司。其軍駐紮處所。皆其本管地面。請將東省協直餉銀撥歸該臬司軍營。自行就近領取等語。該督

所奏。自係為領餉便捷起見。自應俯如所請。著閻敬銘將東省協直月餉三萬兩內。每月劃撥潘鼎新軍營銀一萬五千兩。由該臬司自行支領。卽將此項協餉。按月抵除。每月尚應解銀一萬五千兩。卽著照該督前奏暫緩協解。其山東應解潘鼎新餉需。並著源源解濟。毋得短少遲延。原片著鈔給閱看。將此諭令知之。○丁酉

孝惠章皇后忌辰。遣官祭

孝東陵○以雪澤未霑。命於

大高殿設壇祈禱。遣惇親王奕訢恭代行禮。

遣恭親王奕訢詣

時應宮。醇郡王奕譞詣

昭顯廟。鍾郡王奕詒詣

宣仁廟。孚郡王奕譔詣

凝和廟拈香。○諭內閣御史佛爾國春奏請

嚴查蒙捐濫保。及蒙混入考等弊一摺。據稱

近年捐例頻開。人品甚雜。軍營保舉。良賤不

分。並聞有鴻臚寺序班王嘉樹。即王潤軒家

業下賤。蒙考入宛平縣學。武清縣舉人曹允

芳家奴李學儒。蒙充供事。議敘從九品。其子

李調元。蒙捐監生。曾被曹允芳告發有案。今

李調元之子李淑。又復蒙混入考。請飭查辦

等語。著順天府府尹查明該御史所指王嘉

樹李淑等。是否蒙混考試。報提覈實辦理。並

著各直省督撫學政。於所屬官員。及應試生

童等。隨時留心訪查。毋任身家不清之人。得

以溷跡其中。以肅功令而清流品。尋奏。遵查

王嘉樹並無家業下賤情事。李調元之高祖。

曾在曹姓家服役。業經刑部訊斷有案。扣滿

三代。自李調元之子為始。准其捐考。應免置

議。報聞。○又諭李瀚章奏。已革湖南辰州府

知府鄂堃。年力尚壯。不甘廢棄。呈請赴營當

差。可否留營。請旨遵行等語。鄂堃前經憚世

臨奏。參辦事顛預。表率乖方。情節較重。所請

留營當差之處。著不准行。○欽差大臣官文

奏。記名總兵官周興隆。呈請更名禮濂。報聞。

○派戶部左侍郎阜保恭詣

慕陵。審視應修工程。○准頭品頂戴候補京堂

薛煥。在籍終養。○予貴州天柱殉難增生王

恩培等。紳民婦女六百五十一名。口分別旌

卹如例。○蠲緩湖南武陵安鄉龍陽巴陵沅

江益陽臨湘華容湘陰澧十州縣。暨岳州衛

被水地方。新舊額賦有差。○豁免湖南會同

縣被擾地方。本年額賦。○戊戌。諭內閣。崇恩

奏病已成廢。懇請休致一摺。副都統銜阿克蘇辦事大臣崇恩。自簡任以來。在途耽延日久。以致道路梗阻。不能赴任。本日由張家口折回。隨同聯捷帶兵出關。展轉遲滯。畏葸不前。茲復以病勢日篤。懇請休致。實屬有負委任。僅予休致。不足示懲。崇恩著卽革職回旗。○諭軍機大臣等。前因文祥等奏甯遠所屬中後所。為山海關門戶。請調洋槍隊兵防守。當經諭令崇厚卽行調派。茲據崇厚奏稱津

郡存營官兵。已三次調派出師。至一千五六百名之多。現在僅存洋槍隊千餘名。大沽海口。附近青滄一帶。向有匪徒。與關外馬賊聲氣相通。宜加防範。若過事空虛。設有緩急。難資備禦等語。所奏雖為思患豫防起見。惟關外馬賊。分股肆擾。文祥等所帶官兵。尚恐不敷分布。且甯遠為大兵後路。必須有兵扼紮。藉資接應。著崇厚仍遵前旨。卽飭春霖迅速管帶出關。毋稍延誤。並著文祥。福興。隨時酌

量情形。儘該處軍情稍緩。官兵足數調派。仍將此起槍隊飭令回津。刻下天津官兵。徵調已多。不無空虛。著崇厚酌度事機。或再添練數百名。以備緩急。將此由五百里各諭令知之。○又諭。有人奏。運河挑築各工。責在運河道一人。督率廳員辦理。非年力富強。難期勝任。現任運河道宗稷辰年近八十。請飭河東河道總督認真甄別。其所轄各廳員內。如有年力衰頹。難望振作之員。亦令一體嚴加甄別等語。著張之萬。閻敬銘。查明該道是否精力尚健。明年漕船北上。運河能否一律疏通。確切查明。據實具奏。所轄廳員內。如有年力衰頹之員。亦著嚴加查察。毋任濫竽充數。致滋貽誤。原摺均著鈔給閱看。將此各諭令知之。○又諭。前據吳昌壽奏。豫軍攻復構林關寨。並擒股東竄信陽等處。當經諭令官文等嚴防孝感黃陂一帶。並籌兵赴豫會剿。茲據官文鄭敦謹奏。會同豫軍進攻構林關。並願

牛等逆下竄情形。與吳昌壽前奏。大略相同。惟吳昌壽前奏張逆股匪。業已棄寨向鄧州西北一帶奔竄。官文等現擬飭姜玉順等軍。由東南一路進攻。劉維楨一軍。由唐縣拔隊。向東北一路進攻。著該督等即飭鄂省諸軍。視賊所向。與豫省各軍會合。四面夾擊。以期聚而殲旃。賴牛等逆折回東趨。在信羅光固一帶肆擾。鄂省靳羅麻孝邊境。處處喫緊。官文等務當嚴飭成大吉所部。慎密防守。毋令

逆蹤竄入鄂疆。如賊蹤東竄皖境。即著官文等派兵出境。會同皖軍夾剿。毋稍遲緩。官文另片奏。請調裕麟在荊子關辦理轉輸甘省糧臺等語。裕麟著准其調赴鄂省。辦理轉運事宜。並著察看該前任藩司病勢。是否實在輕減。毋稍遷就。將此由五百里各諭令知之。○又諭張凱嵩奏。恩恩官軍疊勝。上林大致肅清一摺。上林土匪莫風皮等屯居山砦。荼毒居民。為害已久。經道員易元泰等督軍進

擊。將莫山新村通津鯉魚砦等處攻克。生擒首逆莫風皮等正法。勦辦尚為得手。惟通津匪首周定柳。現竄武緣。勢必勾結該處土匪。希圖復逞。著張凱嵩督飭易元泰各軍。實力按捕。務將逆首周定柳及在逃餘匪。悉數捕獲。毋使漏網。善後事宜。即著趕緊清釐。務臻妥善。武緣土匪滋事。易元泰已派副將潘忠實等往剿。現在上林大致肅清。易元泰即可移軍該處。會督地方官勦撫兼施。廓清恩恩

全境。以靖地方。將此由五百里諭令知之。○安徽巡撫喬松年奏。州縣各官。多歷俸滿。請將本年大計展緩舉行。從之。○以故喀爾喀貝子雲端蓋魯布子阿玉爾布呢襲爵。○科爾沁輔國公雲敦帕爾賚於養心門內瞻觀。○己亥。諭軍機大臣等。楊岳斌奏。黎獻營勇潰散。並陳甘涼賊勢。成祿奏。涼州勦賊情形。派隊馳援永昌。請飭文麟督辦糧臺。聯捷奏。回目投誠各摺片。黎獻一軍。向尚得力。此



次進勦肅州逆匪。因大藥失火延燒。後路糧臺又被賊攻破。軍心不固。旋即潰散。該道員督率無方。著先行摘去翎頂。以示薄懲。現在官軍新挫。逆餒愈張。該營存兵僅止二千餘名。難成勁旅。著楊岳斌一面責成黎獻。收撫潰卒。會合各軍。協力堵剿。重整軍威。一面卽飭總兵王仁和管帶之軍。迅速由平番一路節節進剿。以為西軍後路聲援。此時河西三郡。賊勢日益蔓延。若不早籌埽蕩。恐與關外

之賊連成一氣。收拾更難。楊岳斌務當統籌全局。選派得力將弁。添調勁兵。實力進剿。毋誤事機。成祿一軍。疊次勦賊。不無微勞。該提督現在已抵涼州。著卽督率所部。迅速西行。儘再藉詞逗遛。定行從重治罪。聯捷所部各營。前已有旨併歸成祿統帶。著卽催令前進。毋任遷延。鶴齡一軍。前經楊岳斌奏請留於甘肅。未經允准。著楊岳斌仍遵前旨。嚴催鶴齡一軍。隨同成祿星速啟行。所有成祿等軍

餉需。除已飭四川山西籌解外。楊岳斌亦當設法源源撥濟。俾利邁行。毋令該軍士等有所藉口。南山賊匪。竄逼永昌。成祿已飭馬天祥等軍拔隊赴援。並著楊岳斌分兵兼顧。毋使滋蔓。降調鎮迪道文麟。前已令其隨同成祿出關。茲據成祿奏稱。請於甘肅藩集中。派一人總理該提督糧餉事務。並令文麟督辦行營糧臺。設局轉運等語。著楊岳斌酌量辦理。甯靈攻剿。亦甚緊要。成祿所請飭都興阿派撥馬隊之處。著毋庸議。至聯捷所稱甘肅回目穆生花。陝西回目孫義漳。率領各路回目。遞稟投誠。並甯靈兩城回目。稟請求撫。由聯捷將各回首稟詞鈔錄進呈。著都興阿穆圖善楊岳斌。斟酌情形辦理。此等回眾。如係甘心倡逆。或曾經踞城戕官。焚掠殘殺。及屢經投誠反覆難信者。罪在不赦。斷不可輕行議撫。致貽後日無窮之患。若其中果有畏禍被脅。出於勢不得已者。自應准其投誠。以示

區別。總須詳加察看。分別良莠。不可豫存成見。聯捷所呈回稟七件。均著鈔給都興阿。楊岳斌閱看。將此由六百里各諭令知之。○又諭前因逆回有北竄磴口之信。該處防務緊要。疊經諭令桂成統帶所部官軍。移防磴口。俾資扼堵。茲據德勒克多爾濟等奏稱。花馬池時有回匪窺探。較前尤為喫緊。桂成到防兩月。逆回已出邊數次。均經蒙兵擊退。權其輕重。自應先其所急。請仍飭桂成駐紮花馬

池。以昭慎重各等語。所有桂成一軍。卽著仍駐花馬池地方。實力嚴防。毋稍疏懈。並著都興阿。穆圖善酌量情形。嚴飭在防各軍。與桂成各軍。協力守禦。互相援應。其包頭鎮添設官兵二百名。著仍歸桂成統轄。以期聲勢聯絡。寶豐平羅磴口等處。都興阿等均已分兵駐守。磴口要隘。並經桂成會同貝子扎那格爾第。派兵堵禦。惟恐兵力尚單。著都興阿。穆圖善。速行知照阿拉善王貢桑珠爾默特。就

近添派勁兵。嚴防磴口。與在防各軍。會合堵禦。毋稍疏虞。將此由五百里各諭令知之。○又諭楊岳斌奏。酌定川省月協餉銀數目。請飭照數籌撥等語。川省應撥甘肅新疆等處月餉。合計不下二十萬兩。為數甚鉅。該省現在防務未清。釐金減色。若令將疊次准撥之款。全數籌解。固屬力所不能。而甘肅新疆等處需餉甚多。若每月僅解銀一萬兩。交楊岳斌酌量勻撥。杯水車薪。其勢萬難分給。楊岳

斌現在酌定數目。請飭月撥甘省三萬兩。在川省既易於籌措。而甘省亦得稍資轉輸。著崇實駱秉章。按照楊岳斌所定餉數。除鶴齡軍餉照舊由川省籌解外。每月再籌銀三萬兩。解交秦州。由楊岳斌斟酌慶陽新疆等處情形。分撥提用。甘省新疆各處。用兵甚亟。該處地方瘠苦。每以協餉未到。致令軍士枵腹荷戈。時虞譁潰。川省若再不力顧大局。籌濟餉需。則各營勢將瓦解。必至決裂。不可收拾。

則川省亦不能辭咎也。崇實駱秉章務須按照此次酌定數目。源源接濟。不得稍有減少。致誤要需。至鶴齡一軍。現亦因川餉久缺。不能西進。該營亦極形困苦。崇實駱秉章即將應解該營軍餉。迅速籌解。毋再遲延。將此由五百里谷諭令知之。○又諭。傳諭護山西巡撫王榕吉。成祿奏軍餉運道阻隔。請飭山西撫臣由草地轉運等語。成祿一軍。現由涼州進紮肅州。餉項既虞支絀。運道尤恐阻滯。著

王榕吉將應解成祿之餉。查明數目。按期報解。卽由草地迅速解赴成祿軍營。以免阻隔。聯捷現已降為藍翎侍衛。歸成祿調遣。並所部兵勇。均歸成祿統帶。所有山西應解聯捷之餉。卽著統交成祿。以資支放。其各省應解聯捷成祿兩軍餉銀。由山西經過者。俟行抵該省時。卽由該護撫傳知各省委員。改由草地趕緊解赴成祿軍營。毋稍濡滯。另片奏東路梗塞。請將軍火由山西出口。行走草地等

語。著王榕吉嗣後將應解成祿軍火等項。並各省應解軍火。概由草地徑解成祿軍營。俾免耽延而資利用。○福建巡撫徐宗幹奏。藩司到任未及三月。請將本年大計展緩舉行。從之。○以乍浦副都統明興兼署杭州副都統。○以江蘇試行河運出力。予道員吳世熊等優敘加銜有差。○補鑄廣西太平府知府太平萬承等土州州同。憑祥土州州判。各印信關防。從巡撫張凱嵩請也。○以甘肅涼州

勦賊獲勝。賞副將馬天祥巴圖魯名號。都司謝長春等花翎。餘加銜升敘有差。予陣亡都司涂安邦。守備周定邦。祭葬世職加等。○科爾沁扎薩克圖謝圖親王。巴寶多爾濟等七人。喀爾喀扎薩克親王車林多爾濟等三人。喀喇沁郡王色伯克多爾濟等三人。巴林郡王那木濟勒旺楚克等二人。教漢郡王布彥德勒格。喀爾喀克齊阿巴哈納爾貝勒。衛貝子桑齋薩拉特多布等二人。扎噶特貝勒諾

爾布林沁。阿巴噶公衙頭等台吉。都噶爾布木。翁牛特頭等台吉。德木楚克蘇。廳。察哈爾四等台吉。車林多爾濟等二人。於養心門內膳觀。○庚子。諭內閣。前因左宗棠奏。閩省蠲網疲壞。請試行票運一年。當交戶部議奏。嗣經該部以閩鹽改行票運。全議更張。恐虧課病民。咨令該督妥籌。期於毫無窒礙。茲據奏稱。自本年閏五月起。試行票運。甫及半年。所收實解之款。已抵前次一年及一年半之數。

向之疲滯口岸。自試行新章以來。漸有商販認辦。各衙門一切陋規。所裁不下七八萬兩。羣情翕然。且釐隨課出。皆取之買票商販。並未沿海散抽。數月以來。亦無私梟拒捕之案。從前縣澳官幫。坐收課費。以充私橐。今則掣向時官吏私搜之款。涓滴歸公。至閩鹽積欠數百萬兩。現雖專顧課釐。而舊欠仍未嘗不按期催繳。請仍飭部將試改票運行止。速行議覆等語。覽其所奏。於閩省鹽網之積弊。及

現辦票運之可行。實為洞悉原委。總之鹽務為國課大宗。亦為奸胥利藪。惟在得人而理。斯能力挽頹綱。票運之行。雖不能保其必無流弊。儻承辦之員。均能潔己奉公。不為私計。自足以除從前積重難返之弊。而與為更始。該督既稱商情既便。市價無增。無加額之名。而有裕課之實。即著照所請。先行試辦一年。俟有成效。即行奏明。著為定章。以肅鹺政。而裕課餉。○又諭。前因李鴻章奏。已革道員張

景渠。聯絡弁兵。克復鎮海。並甯波。紹興。各府城。著有勞績。請將該革員家產發還。當經降旨允准。茲據左宗棠奏稱。張景渠前在甯紹台道任內。棄所轄地方。避賊而逃。倉庫錢糧。付諸一擲。獲咎較重。前次查抄該革員資產。業經遵旨變充兵餉。分賞將士。請無庸發還等語。著照所請。浙江前次抄變張景渠原籍資產。即著無庸發還。○諭。軍機大臣等。德英等奏。奉省踞匪。漸竄吉境。現督官兵迎剿。請

飭催山東協餉各摺。劉果發股匪。由奉省圍場竄出。蹂躪四方甸子。並盤踞吉林廳屬一拉溪岔路河等處。零星伏匪。紛紛四起。蔓延省西。距省不過數十里。富爾孫現帶馬隊百餘名出省。馳赴西路迎剿。卽著富爾孫統帶所部。相機布置。實力殲除。德英仍一面督飭該團勇等嚴密偵探。妥為守禦。以固省防。該匪從奉省圍場南面竄入吉林。距省甚近。且烏慈孖待時而動。徐占一向背無定。均在奉

省之東山圍場。設再東竄。則吉林各城咫尺可到。亟應通力合作。會籌勦洗。著恩合、富平、阿檄飭將士。會同吉林官軍。協力進擊。前後夾攻。為四面兜擒之計。此項馬賊。剽疾異常。恩合、富平、阿、德英、富爾孫。務當嚴檄各軍。視賊所向。步步為營。以期轉戰而前。迅殲醜類。毋得頓兵不進。觀望遷延。致令著著落後。德英等請將吉林馬隊五百名。並由徐州軍營撤回官兵二百六十餘員名。馳回原省之處。

仍著俟文祥到奉省後。恩合酌量情形。會商辦理。奉省馬賊竄入吉林。該省餉項缺乏。亟須速籌接濟。前撥山東地丁項內。協解吉林銀五萬兩。著閻敬銘迅速籌措。如數撥給。派委妥員。解赴奉省。轉解德英等軍營。以濟要需。此項銀兩解至奉省時。恩合等不得截留。致滋貽誤。將此由五百里各諭令知之。○又諭左宗棠奏籌調官軍。分路進剿一摺。汪逆大股竄踞嘉應州城。高連陞已紮嘉應州東

北三十里之葵嶺。康國器已紮鎮平縣城。嘉應城西藍口地方。有粵軍方耀鄧安邦駐紮。四面布置。已有規模。左宗棠現擬率所部由平和出大埔。繞三河壩赴松口。將水路形勢察看明白。然後折而北趨。駐紮嘉應州北路。並飛催鮑超軍入粵。所籌均屬妥協。現在黃少春已抵左宗棠營。劉典全軍。已抵武平上杭。著左宗棠卽日入粵。調度各軍。聯絡聲勢。務將汪逆全股。及土匪叛勇。盡數殄除。毋任

再行出竄。鮑超一軍。前已據奏行抵會昌。聽候調遣。著該提督卽進兵嘉應。會師圍剿。聽左宗棠調遣。左宗棠有節制三省之責。著於入粵後妥籌調度。如江粵各省之兵。有疲沓不能得力貽誤事機者。卽由該督嚴叅治罪。瑞麟。郭嵩燾。卽飭方耀等軍。歸左宗棠節制。與江閩諸軍聯為一氣。並檄惠潮等郡文武員弁。妥籌守禦。以防該逆旁竄。所需礮船。卽飭局趕造。以遏水路要衝。鮑超一軍入粵。人

地生疏。著劉坤一按月籌餉解濟。瑞麟等派令委員。設立米局。均須寬為籌備。毋任缺乏。劉坤一仍當懍遵疊次諭旨。催軍出境會剿。不得稍存畛域之見。左宗棠另片奏。遵查李福泰於賊由連平上下坪竄走嘉應時。覘然報攻克追剿之功。實則並無其事。實屬粉飾。廣東布政使李福泰。著先行交部議處。並著左宗棠察看。如始終不能得力。卽另揀委員統帶。將該藩司撤回叅辦。將此由六百里諭

知左宗棠瑞麟。劉坤一。郭嵩燾。並傳諭鮑超知之。尋吏部議。李福泰應照不應重杖八十。私罪降三級調用。無庸查級。紀議抵從之。○命科爾沁卓哩克圖親王濟克登旺庫爾在御前行走。賞科爾沁輔國公雲敦帕爾賚花翎。○予浙江各屬陣亡殉難知縣吳瑞龍等紳民婦女一千一百八員名口分別旌卹如例。○予貴州玉屏殉難浙江知縣鄭錫淦母王氏。暨眷屬等旌卹如例。○喀爾喀扎薩克

貝子察克都爾扎勒等四人於養心門內瞻觀。○辛丑。諭內閣。戶部等衙門奏。遵議籌撥內務府需用銀兩一摺。前因內務府奏稱用款支絀。當交戶部會同內務府妥議具奏。茲據該衙門等奏稱。各省欠款太鉅。遽令批解。勢必不能。而借支部庫。又非長策。請設法變通。酌覈解款。及暫行添撥各等語。著照所請。各直省關口。凡歷年欠款。數在百萬以外者。或解五萬。或解八萬。數在十萬以外者。或解

五千。或解八千。數在一二萬者。或解一半。或埽數全解。至現年解款。除粵海關公用銀三十萬兩。仍儘數報解。不准帶欠外。其餘數在二三十萬者。或解三成。或解四成。數在二三萬者。或解五成。或解六成。數在二三千者。或解一半。或埽數全解。即自同治五年起。現年能解若干。每年帶解欠款若干。著該督撫鹽政監督等。於三箇月內詳細覆奏。如逾限不覆。即著該部嚴參。其暫行添撥之兩淮鹽課

銀三萬兩。兩浙鹽課銀三萬兩。山東鹽課銀三萬兩。廣東鹽課銀三萬兩。江海關洋稅銀三萬兩。閩海關洋稅銀三萬兩。浙海甯波口洋稅銀三萬兩。江漢關洋稅銀三萬兩。臨清關稅銀三萬兩。福建茶稅銀三萬兩。共銀三十萬兩。即著各該督撫鹽政監督等。於來年開印後。陸續解交內務府。先將起解日期。咨報戶部。限六月前解到一半。十二月埽數解清。如敢稽延拖欠。即著戶部照貽誤京餉處

分。指名嚴參。至粵海關公用銀三十萬兩。自同治五年起。如有帶欠。並著戶部照章奏參。實予革職。○諭軍機大臣等。恩合等奏。賊匪回竄法庫。擾及昌圖。戕官刦獄一摺。據奏匪首周榮。姜三。疙疸等。率領股匪。竄至昌圖廳所屬之金家屯。經署通判海盛調集練勇。接仗失利。該匪遂擾及昌圖。焚署刦獄。覽奏實深焦憤。恩合自簡任將軍以來。節經諭令認真勦賊。從未擒一賊渠。獲一大捷。迨賊由朝陽回竄。該將軍自應督飭所屬。嚴密堵禦。乃一聞賊竄法庫門之信。輒將富平阿調回。以致該匪長驅直入。竄擾昌圖。實堪痛恨。現在王起鵬。眾復由朝陽竄至義州。稍戶營子一帶。若再不督飭兵弁。遏截賊氛。恩合等自問當得何罪。文祥。福興。計已行抵奉省。著即與恩合等將戰守機宜。熟商妥辦。除酌留兵勇防守省垣。及保衛

陵寢外。其餘均著趕緊調派。分投勦辦。務將各

股匪徒。迅圖撲滅。聞奉省官兵。遇有徵調。並不攜帶鐮鍋帳房。紮營築壘。所住民房客店。離賊盤踞之所甚遠。一經催令出戰。輒奔馳數十里。人馬業已困乏。安能制勝。無怪賊蹤充斥。日漸猖獗。福興前在江浙等省。身歷戎行。諒能諳悉安營之法。著卽督帶所部。相度地勢前進。實力勦洗。思合能否出省。著會商文祥辦理。文祥惟當會同恩合等。將奉省官兵疲玩積習。極力整頓。如將弁中仍復不知

振作。卽著從嚴叅辦。以肅軍律。刻下周榮股匪。向北奔去。昌圖去吉林不遠。著德英等就現有兵力。會同奉省派出官兵。兩面夾擊。以收聚殲之效。本日據戶部奏。遵撥庫銀四萬兩。由順天府委員解赴奉省。交恩合收存。轉交統兵之蒙古王公等支領等語。昭烏達等盟馬隊。調派若干。尚無定數。此項餉銀。著俟伯彥訥謨祐到奉省。與文祥恩合會晤。派定兵數。再行分別給領。此後應需餉項。或在近

省協撥。或仍由部庫發給。著文祥等隨時酌覈奏明辦理。將此由六百里各諭令知之。○予奉天昌圖廳陣亡署通判知縣海盛祭葬世職加等。○緩徵兩淮富安安豐梁垛東臺何垛丁溪草堰劉莊伍佑新興廟灣板浦中正臨興十四場被水寔地新舊額賦。

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十二



大清穆宗繼天開運受中居正保大定功聖智  
誠孝信敏恭寬毅皇帝實錄卷之一百六十三

監修總纂官欽定四庫全書太子太傅文淵閣領事翰林院侍讀學士稽察欽奉王部事件成方略徐嗣猷武英大臣上軍機大臣徐繼畲湯訓德等

理史部事務戶部三庫事務刑七班軍功加五級應帶加七級紀錄三十次實賞戴花翎總督張蔭桓在平定保文廟內辦事體仁副大尊王武其廟碑

是紅旗滿洲鄉駐管理二部元祿會事務內大臣相國公策功和一點門帝和六點配錄十七次。從宗室雲松鶴齡乞經拜請去后法旨太子太保翰林院掌院

學府檔案本三續事件及國史館現藏武庫廳現存解大學士兵部尚書袁觀大巨札督臣王管理人第三庫事務國子監事務加九級軍功加五級陞母

加六級記敘十九次。臣沈桂芬呈奉制誥官鑒議奏請部尚書堂議。第三座庫務庫部五級記敘十二次。臣徐樹丕奉

教修

同治四年乙丑十二月壬寅

孝和睿皇后忌辰遣官祭

昌西陵 諭內閣御史張觀鈞奏統兵大員縱兵殃民情節較重請旨革職拏問一摺前因楊岳斌查明聯捷在甘肅境內逗遛騷擾各節聲明該員本有應得之咎如何置議俾不脫身事外等語是以將聯捷降為藍翎侍衛交成祿調遣仍令剋期出關並嚴諭該員再敢逗遛滋擾卽按照軍法治罪朝廷於聯捷加以降黜而仍令其出關者所以杜其趨避

此中自有權衡並非曲法以行也茲覽張觀鈞所奏深以聯捷罪重罰輕無以肅戎行而儆貪劣請卽革職拏問以爲帶兵不法者戒聯捷之罪卽予革職亦所應得惟將該員拏問來京轉得令其置身事外聯捷著卽行革職暫緩拏問仍交成祿差遣飭令迅卽出關儻再有不法情事不難將聯捷按照軍法從事以昭炯戒又諭前據刑部奏審明已革刑部郎中薩隆阿偷竊偽印一案將該革員

按盜內府財物照盜倉庫錢糧本例定擬絞監候秋後處決入於明年朝審情實業經降旨依議茲據御史張觀鈞奏請飭部將該犯按職官犯法酌覈照依常犯加等再擬立決等語此案薩隆阿以職官而犯竊盜固屬衣冠敗類然法者天下之公既經刑部照例定擬豈得意為輕重卽謂職官犯法照依常犯加等亦無再擬立決之條該御史輒稱薩隆阿久為覆載所不容臣民同深憤恨儻幸逃

顯戮無以快國人皆曰可殺之心是直以叛逆目之比擬非倫語殊失當所奏著毋庸議  
○又諭李鴻章奏道員辦理營務正資得力請照吏部續定新章就近在營起復等語前任江蘇徐海道張樹聲著准其就近在營起復無庸回籍補行穿孝該員已簡放直隸按察使著卽飭令迅赴新任以重職守以捐助軍餉賞還降調布政使李桓二品頂帶○予安徽甯國殉難遊擊雙壽祭葬世職加等

○予安徽合肥陣亡練總周盛華祭葬世職如遊擊例提督周盛波妻李氏殉節旌卹如例○追予江蘇漂陽金壇殉難知縣尚那布李淮事蹟交國史館立傳並建專祠副將陳凱等十一員分別附祀○癸卯

孝德顯皇后忌辰遣官祭

定陵○諭內閣現在盛京熱河等處馬賊滋擾防勦緊要著派科爾沁博多勒噶台親王伯彥訥謨祜及年班來京之卓哩克圖親王濟

克登旺庫爾巴林扎薩克郡王那木濟勒旺楚克敖漢郡王布彥德勒格呼固魯克齊喀喇沁扎薩克頭等塔布囊德勒格爾均卽行回旗會合各旗盟長調集蒙古官兵在盛京熱河等處協同各路官軍勦賊所有蒙古官兵一切防勦事宜均著伯彥訥謨祜相機調度○又諭吏部等部奏覈議吉林官員失察賭博處分章程一摺吉林地方賭風甚熾業經刑部將聚賭人犯罪名加等定擬其官員

失察徇縱處分現經吏部等部詳覈具奏著卽照該部所議嗣後東三省文職管轄地方遇有放頭設局開場聚賭並無搶奪釀命情事地方官自行拏究者免其置議別經發覺者卽比照失察製造賭具例革職留任如有徇縱或避重就輕等情卽照諱匿縱容革職私罪例革職受賄者革職治罪駐防旗員武職各官如有失察旗民放頭設局開場聚賭情事卽將旗界該管各官比照八旗内外官

員兵役人等製造賭具例議處其有查拏賭博之責明知賭博不行查拏或有隱諱徇縱避重就輕等情如係官員降四級調用私罪失察該管上司降二級留任公罪如係兵丁鞭一百私罪失察之專管官降二級留任公罪著該部即將此次所定章程纂入例冊永遠遵行並著盛京吉林黑龍江將軍副都統兼尹府尹遵照辦理又諭御史汪朝榮奏災區蠲免宜實惠及民一摺前因各省蠲免錢糧膳黃諭旨地方奸猾胥吏往往從中舞弊遲延張貼特頒諭旨飭令各直省督撫遇有蠲緩恩旨趕緊刊刻膳黃並飭各州縣隨到隨貼不准稍有延閣茲據汪朝榮奏稱各州縣於膳黃頒到之日任意遷延至開徵冒收之後始行實貼朝廷寬大之恩歸於中飽各等語是此項弊端雖經特旨嚴禁仍未能一律革除嗣後遇有蠲緩諭旨著各該省督撫督率司道及該管知府嚴飭所屬州縣立

卽刊刻膳黃隨時張貼務令實惠及民如查有延閣及浮濫冒收等弊卽著從嚴叅辦○以翰林院編修李文田署日講起居注官○賞降調甘肅鎮迪道文麟藍翎侍衛為哈密辦事大臣予貴州各屬殉難四品封職張憲元等紳民婦女一百三十六員名口分別旌卹如例並予立祠建坊予湖北天門等處陣亡殉難紳民貢生王蘭生員張澤蘭等暨婦女黃何氏等三百十一名口分別旌卹如例並予建祠喀爾喀鎮國公車林端多布等三人於養心門內瞻覲甲辰諭軍機大臣等楊岳斌奏官軍接仗大獲全勝並會甯肅清各摺片鞏昌府城於十月間解圍後該逆仍麇聚於城西四十里外熱陽城地方復經曹克忠督飭所部張在山等跟蹤追剿生擒逆匪馬魁等多名並將董家堡等處賊巢一律平毀勦辦尚屬得手現在該逆被勦窮蹙訊據賊供有率眾東竄之語著楊岳斌

飭令曹克忠迅率各軍分投追勦務期掃盡逆氛毋留餘孽會甯雖已肅清各路餘匪恐仍乘間竄擾並著楊岳斌檄令李助發等認真搜捕務絕根株將此由五百里諭令知之  
以大理寺卿達慶為都察院左副都御史  
○以江蘇泰州捐輸軍餉永廣學額四名  
以甘肅平毀董家堡賊巢予提督張在山等優敘  
予甘肅鹽官陣亡遊擊吳德富等祭葬世職  
教漢郡王達維多克丹烏珠穆沁

貝勒達克丹浩齊特爾爾德尼郡王喇特那  
巴咱爾科爾沁貝勒達瑪林旺濟勒蘇尼特  
貝勒布彥圖阿巴哈納爾貝勒達木定扎布  
巴林貝子索里雅喀爾喀公貢桑喀喇沁公  
德里克尼瑪於養心門內瞻覲 乙巳

上詣

大高殿祈雪壇行禮 遣惇親王奕誼詣

時應宮恭親王奕訢詣

昭顯廟鍾郡王奕詒詣

宣仁廟孚郡王奕誨詣

凝和廟拈香 諭內閣喬松年奏甄劾知縣佐雜教職各員一摺安徽准補望江縣知縣署和州知州林廷杰前經該撫撤省察看該員始勤終怠不能嚴約書差惟係進士出身著以教職改補石埭縣知縣蔣世奇辦事顛預嗜好甚深涇縣典史周恩性情貪鄙撤任署太平府經歷沈先福任性妄為撤任署曉天司巡檢鄭文秀人品卑下署全椒縣典史

鄧端品聲名甚劣均著即行革職旌德縣教諭吳然新昏耄糊塗著勒令休致 又諭崇實駱秉章奏勦平瞻對官軍凱撤一摺瞻對逆酋工布朗結自道光二十八年以來強梁自逞侵占各土司地界復敢圍攻裏塘窺伺藏界經崇實駱秉章派令道員史致康激勵麻書土司四朗汪結等協力接引藏兵節節進勦明正土司甲木參齡慶亦派兵會勦史致康由裏塘馳赴瞻對調派弁兵分路環攻

將瞻對新舊兩寨全行攻克逆酋工布朗結及其二子均被焚誅並將擒獲頭人六谷瑪羅布扎喜正法其生擒之東登工布及其親屬押解回藏官兵陸續凱撤辦理甚屬得手瞻對逆酋以邊隅小醜瞻敢逞其不軌蠶食各土司久為藏邊之害此次擣穴擒渠洵足以快人心而申天討所有瞻對上中下三處地方即著賞給達賴喇嘛派堪布管理建廟焚修並著駐藏大臣查明奏請辦理收復各土司地方均著飭令各安住牧妥為安插其卓巴塞爾塔土司既無正支可襲即著將該處地方責成麻書土司四朗汪結兼管道員史致康督率員弁漢土藏兵攻勦兩年收功尚速著崇實駱秉章酌請獎勵出力員弁一併擇尤保奏藏中番官喇嘛等並著駐藏大臣查明請獎諭軍機大臣等崇實駱秉章奏勦平瞻對善後事竣漢兵藏兵凱撤西疆一律肅清一摺道員史致康督同番官暨各

土司會合藏兵攻克瞻對將逆酋工布朗結及其二子焚誅各土司暨難夷等均已各復故地得安住牧卓巴塞爾塔土司備汪慶已故無正支可以承襲責成四朗汪結兼管所籌均極妥協瞻對三處地方已賞給達賴喇嘛即著景紋恩慶宣示該喇嘛等派堪布妥為管理毋任再有構釁在逃之拉旺任曾聞拏投首著景紋等照例辦理此次瞻對勦平之後三千餘里地方一百餘年邊患立見廓清惟善後事宜必須認真經理以期久安長治著崇實駱秉章督飭史致康等悉心妥辦務使民夷相安爭端永息方為妥善將此由六百里各諭令知之盛京戶部侍郎兼管奉天府府尹額勒和布等奏到任未及三月例不出考請將本年大計展緩舉行從之○浙江巡撫馬新貽奏通省各官現無合例堪保亦無不職應劾之員請將元年本年兩次大計展緩舉行從之補鑄貴州清鎮縣知

縣印信從雲貴總督勞崇光請也。蠲緩浙江仁和錢塘海甯富陽餘杭嘉興秀水嘉善海鹽平湖石門桐鄉烏程歸安德清諸暨金華蘭谿東陽義烏永康武義浦江湯溪西安龍游開化遂安桐廬山陰會稽蕭山臨海甯海天台常山麗水縉雲青田松陽宣平餘姚上虞新昌嵊四十五州縣暨杭嚴嘉湖衢三衛被水被旱地方新舊額賦有差。緩徵山西薩拉齊廳被水村莊新舊米石暨民借倉

穀。丙午諭內閣前據理藩院奏請將西藏商上原有承辦藏務掌管黃教額爾德蒙額諾們罕印信一顆頒給諾們罕羅布藏青饒汪曲當經諭令將印信先行解交四川總督衙門封存由景紋察看羅布藏青饒汪曲如能勝任再行承領轉交。茲據景紋恩慶奏稱確查羅布藏青饒汪曲協理商上事務為僧俗等所深服其才堪以勝任等語所有商上承辦藏務掌管黃教額爾德蒙額諾們罕印

信一顆卽著景紋等派員前赴四川總督衙門承領到藏賞給羅布藏青饒汪曲祇領掌管以符舊制。諭軍機大臣等劉長佑奏馳抵三屯營會籌防剿一摺劉長佑於馳抵三屯營後將各口挑濠立柵等工辦理漸次竣事並擬俟續調各起兵勇到日度地分駐相機策應籌辦尚屬周密此時熱河已無賊蹤古北口防務較鬆劉長佑現赴永東一帶查看防務徐廷楷卽著暫行留駐澈河橋以資

督率俟劉長佑回至三屯營後再行商酌去留熱河之平建朝赤及奉天各地方道路曠遠村戶較稀探報中途無人接遞劉長佑現擬派令書役夫馬出口分段安撥以便速通文報著恩合額勒和布恩錫麒慶各飭所屬地方文武妥為照料認真經理以期無誤戎機正在寄諭間據清安桂清奏賊匪搶劫監犯並擄掠財物情形各摺金州盜匪偽行投誠恩合並不詳細審察輒准協領穆錦將該

匪五百餘人帶至省城深加撫恤。又率將軍器給付盜匪。令其勦賊。致令該匪復行竄至鐵嶺縣城。偽行乞降。刦獄放犯焚搶鋪戶。省城重地。該將軍復漫無防範。以致賊蹤潛伏。刦放監犯一百六十餘人之多。縱火焚掠。震驚居民。恩合身任將軍。不思奮勇勦賊。專以招撫誤事。任賊愚弄。殊堪痛恨。著先行傳旨申飭。若再不嚴加防範。力籌勦捕。一味輦贖。顓頊自問當得何罪。文祥福興計此時已可

帶兵抵省。著卽督飭將士將省城防守事宜嚴密布置。並將刦獄詳細情形查明具奏。盛京司獄多三著交部議處。桂清未能先事豫防。亦屬疏忽。著一併交部議處。在逃逸犯著恩合額勒和布恩錫嚴緝務獲。毋任漏網。將此由五百里各諭令知之。又諭恩合自簡任將軍以來。一籌莫展。其勦辦馬賊率以招撫為事。疊經諭令小心防範。不可墮賊狡計。乃清安摺內稱金州投誠盜匪五百餘人就

撫後旋即散去。至鐵嶺縣刦獄搶掠。省城府縣刑部等獄刦去監犯數百名。亦係賊匪所為。等語。是恩合既不奮勇勦賊。而於詐降之盜復不能嚴密防維。致令肆行無忌。當此四郊多壘。該將軍尚如此一味顓頊。毫無措置。深恐於整頓地方一切事宜不能勝任。文祥福興現計已抵盛京。卽著將恩合有無誤事情形詳細查明。據實叅奏。毋稍徇隱。將此各諭令知之。又諭長善奏請飭調本籍紳士

會同地方官辦理團練等語。團練一事果能辦理得宜。原可輔兵力之不足。臨榆縣在籍刑部主事郭長清候選通判王紹元既據長善稱其人品端方。鄉里推重。卽著該副都統劄調該二員會同臨榆縣地方文武各官將團練保甲一切事宜實力舉行。山海關地當衝要。五方雜處。奸宄易於潛跡。並著責成該員等認真稽查。以消隱患。仍須嚴飭各官紳聯絡一氣。遇事公同籌商。務臻妥善。不得各

存意見致滋流弊將此諭令知之。又諭官文等奏官兵攻拔構林關寨大獲勝仗一摺。與吳昌壽前奏大略相同。此次姜玉順等軍會攻構林關寨奮勇攻拔並乘勢奪毀元岡等處賊巢。擒斬張總愚之弟張鳳先及其子張卯兒等。勦辦尚屬得手。卽著懍遵前旨。督飭鄂省諸軍視賊所向與豫省各軍會同夾擊以期聚而殲旃。前據吳昌壽奏賴牛等逆折向東趨在信羅光固一帶肆擾。曾經諭令

官文鄭敦謹嚴防邊境現在賊蹤竄在何處該督撫等務當嚴檄成大吉等軍將靳羅麻孝邊隘慎密防守毋令竄入鄂疆是為至要。將此由六百里各諭令知之。以故一等男官明子松秀鶴齡子錫惠襲爵。以故喀爾喀扎薩克頭等台吉扎木薩林扎布子車林棍布襲職。○蠲緩山西甯遠廳被旱被雹地方新舊額賦有差。○丁未諭軍機大臣等有人奏河南知縣蔡三晉由捐納典史夤緣軍

功保升知縣同治二年署夏邑縣事該縣錢糧所收不下一二萬金僅報解二千餘兩餘款盡歸私橐復縱容胞弟蔡恩甫門丁左二句串訓導胡光廷典史周廷福表裏為奸以致民間並有謠詞胡光廷前在任內於明倫堂設立賭局並擅伐

聖廟樹木賣錢入己屯販洋藥等貨剋扣丁祭銀兩並於

聖廟餽養羸馬句串該縣門丁等詐騙勒索

該員現選廣西知縣均請一併查辦等語著吳昌壽按照所參各款確切查明據實具奏毋稍徇隱原片著鈔給閱看將此諭令知之。尋奏遵查蔡三晉胡光廷被參各款均無確據惟蔡三晉於夏邑任內縱容其弟及門丁與紳士往來以致物議沸騰應請交部議處胡光廷另有被控賭博之案實屬不知檢束應請革職永不敘用周廷福查無招搖擅受情事請免置議從之。又諭昨據清安桂清



奏賊匪刦獄情形當經諭令恩合等將在逃逸犯嚴緝並令將省城防務嚴密布置茲據恩合額勒和布恩錫奏監犯糾眾反獄並投誠匪犯復叛焚刦鐵嶺縣署獄請將追勦奮勇武員獎勵寬免穆錦處分各摺片省城重地宜如何嚴加防範乃該將軍平日漫不經心致令賊匪潛伏勾結刑部及府縣監犯同時反獄圍刦庫銀臨時又不能立行捕獲悉數殲除實屬不成事體恩合著交部議處額勒和布恩錫身任地方未能豫籌防範亦難辭咎均著交部議處署奉天府司獄候補州吏目魯銘承德縣典史勞守純署承德縣知縣肇麟均著一併革職其守法未動及自行投同各犯均著照例分別減等辦理至投誠匪犯該將軍輕信不疑且遽授以軍械火器致令該匪復至鐵嶺縣城焚署刦獄實屬形同木偶此事本係協領穆錦辦理含糊所致若再寬其處分何以明賞罰而服人心該將

軍輒藉詞請令穆錦勦賊以贖前愆尤屬是非倒置殊不可解穆錦著先行交部議處如不能將此股賊匪殄盡卽著嚴叅從重治罪鐵嶺縣防禦德勝署鐵嶺縣知縣奎瑞典史王官彥均著從寬免其重處暫行革職留任以觀後效候補驍騎校春鐸於省城監犯逃出城外時立行督兵追殺多名平日勦捕賊匪亦稱勇往著免補防禦以佐領記名遇缺儘先補用先換頂帶隨同出力之外委盧殿元著賞給六品頂翎以示獎勵恩合等所奏追殺逃犯名數與清安等所奏不符仍著查明具奏將此由五百里各諭令知之尋恩合等奏十二月初七日夜間省城監犯同時反獄當時因未知刑部逃犯細數未及聲敘現查明除守法未逃及自行投回者二百八名業經擊斃者二百餘名實在逃出者二百數十名公同查覈無異下部知之 又諭閣敬銘奏辦理東省籌防編設馬隊並擬添火器

暨籌辦東路防務情形各摺片所陳購練戰馬分營統帶及用勇不如用兵各節均合機宜卽著照所請行惟兵丁口分不及勇糧之優今既欲求兵之有用自應變通辦理著准如該撫所請按照天津練習京營馬隊之例酌減支給每月支行糧四兩馬乾二兩八錢以示體恤其購辦洋槍火器等費卽著閻敬銘設法籌款購買俾壯軍威至登萊青三府向稱完善該撫所稱力扼西路卽所以保

東路儻賊勢變趨徐宿再行調兵備禦東南等語均尚切當卽著相機調度先事圖維毋得託之空言其堅壁清野為禦賊良策亦當督飭各該地方官實力舉行不得有名無實本日有人奏山東漕折浮收極重撫臣閻敬銘別定新章凡各州縣徵收每石以十二千為準所以為州縣計者已不為苛乃該省州縣置撫臣告示章程於不問依舊橫徵請飭查辦等語浮收勒折為病閭閻例在必禁若

如所奏是東省州縣積習相沿牢不可破兵燹餘生豈堪任令剝削至此著閻敬銘切實訪查從嚴叅辦毋得稍有徇隱原摺著鈔給閱看將此諭令知之以故三等侯文厚子廷鈞恩崇姪奎璧一等子博齡子德本二等子英蘭弟英惠三等子兼三等男諾們達賚子托克托布一等男慶祿子玉麟襲爵○以正白旗蒙古副都統西拉綱阿署正黃旗護軍統領准前任廣州將軍穆克德訥以原

品休致予河南襄城等處陣亡殉難生員彭嘉禾等紳民婦女二千四百三十七名口分別旌卹如例並予建祠戊申諭內閣德勒克多爾濟等奏請將擅調防兵之協理台吉及玩視命案之署通判請旨分別革職撤任一摺署烏喇特西公扎薩克印務協理台吉巴彥鄂勒哲依等於民人與蒙古互爭地畝槍斃多命之案既經失察又復捏飾請兵勦捕擅調防堵官兵實屬謬妄更難保無徇

隱主使等情署薩拉齊通判松昌於毆殺重案經該將軍等飭催查辦時閱數月並不查實詳報亦屬任意玩延巴彥鄂勒哲依著卽行革去協理台吉歸案審辦松昌著先行撤任交王榕吉據實查叅尋奏查明巴彥鄂勒哲依聞本旗地方有匪徒聚眾滋事派兵往探實未親往松昌聞蒙民互鬪立時親往彈壓分別相驗通稟在案尚非玩視命案嗣因該旗抗不交出正兇無憑質訊以致詳報稍

遲業已撤任應無庸議報聞諭軍機大臣等工部奏請嚴催各省欠解硝斤一摺直隸山東河南欠解部庫歷年硝斤並本年八月新經行取各該省淨硝各二批疊經該部奏催咨催勒限解部乃竟遷延不顧屢催罔應實屬疲玩所有承辦遲誤之委員著劉長佑閻敬銘吳昌壽查開職名分別咨部議處現在部庫硝斤埽粒無存停工業已逾月且值勦捕馬賊正形喫緊庫儲將次撥盡儻有貽

誤咎將誰執著各該省督撫卽日另派委員將欠解硝斤晝夜兼程埽數解部並將本年八月新取硝斤各二批源源運解不准再延儻該督撫等仍復督催不力卽由該部分別嚴叅原摺著鈔給閱看本日據伯彥訥謨祜奏酌調隨營人員差遣一摺伯彥訥謨祜赴奉天勦賊所有奏調之山東候補道明新知縣張贊勳范允中著閻敬銘卽飭迅赴該親王軍營以資差委將此由五百里各諭令

知之已酉諭軍機大臣等文祥等奏沿途布置馳抵奉省日期派花里雅春帶兵勦匪請將翼領廣榮等先行摘去頂帶並請飭部撥銀二十萬兩各摺片昨據桂清等先後奏到賊匪搶刦監犯並擄掠財物各情當諭令文祥等嚴密布置並將刦獄情形查奏著該大臣等懍遵前旨相機籌辦詳細奏聞以慰廑繫副都統花里雅春旣據文祥等奏稱官紳愛戴卽著飭令該副都統進勦逆氛力圖

報稱所有吉林官兵並圖明額所帶黑龍江官兵二百餘名暨該縣兵勇統歸花里雅春節制並准刊給木質關防以專責成大凌河馬匹疲廢經文祥等飭令再三挑換該翼領一味枝梧實屬狡猾牧羣翼領廣榮烏林泰均著先行摘去頂帶勒限三箇月罰出料馬五百匹解赴文祥等軍營應用儻再遲延不解或解不足數卽著嚴叅治罪副都統慶春於所管牧羣任聽屬員滋弊毫無覺察亦屬不合著一併交部察議所請飭部撥銀二十萬兩已諭令戶部照文祥等所擬如數籌解此項餉銀為數至二十萬兩之多現在道路不靖由京解奉沿途恐有疏虞若能由在京殷實銀號照各省近來匯解京餉之法辦理較為妥善現已諭令順天府妥籌辦理俟匯到後卽由該大臣等分提應用伯彥訥謨祜卽日由京起程所有蒙古官兵如何調派防剿及餉需一切如何支發均著文祥福興於

其行抵盛京時會商妥籌以期周密將此由五百里各諭令知之 又論文祥福興奏馳抵奉省請飭催前調官兵迅速出關等語前因關外馬賊滋擾疊經諭令劉長佑崇厚調派劉景芳春霖等督率兵勇出關助剿嗣據崇厚奏遵調洋槍隊官兵五百餘員名交春霖統帶起程並據長善奏查點劉景芳馬勇一百五十餘名現已到關尚有五十餘名未能歸隊是所調兵勇業已先後啟行現在王

起等股匪均在鐵嶺開原一帶盤踞文祥等亟須厚集兵力分投進剿著劉長佑崇厚嚴催春霖等督率兵勇速赴文祥等軍營聽候調遣毋稍遲誤劉景芳馬勇不過二百餘名何以出關時經長善查點竟有五十餘名未到殊屬不成事體著劉長佑迅卽飭令趕緊歸隊如查出該馬勇並無別項差使或係藉詞逗遛卽著從嚴懲辦以肅軍令至劉景芳所部天津標兵行抵何處並著劉長佑崇厚

催令星速前進毋任遲延干咎將此由五百里各諭令知之 又諭給事中劉毓楠奏河南開封等府土匪勾結將成巨患請密飭嚴緝一摺據稱鞏縣人史石柱密縣人李法等糾眾倡亂復招集鄭州中牟等處著名土匪盤踞禹密交界之平頂山為巢穴又有滎陽人朱秀劉升等結盟成黨前在密縣之王村保及滎陽之馬蹏坡等處行劫李法被擊後旋被刦去自是賊膽愈張此外尚有鄭州一

股登封一股密南大從寨一股尹村一股各處勾結近二千人當此捻逆肆擾之時若不乘其未發立予撲滅將恐燎原難制吳昌壽身任地方於此等事件何以毫無聞見著卽督飭知府李宗燾陳肇鏞等嚴密查拏務須淨絕根株毋任與捻眾勾結致釀巨患原摺著鈔給吳昌壽閱看另片奏河南捻匪一在光州左近一在鄧州新野請飭曾國藩轉飭劉銘傳等移軍南汝並令吳昌壽嚴飭馬德

昭等進兵合攻等語曾國藩前有明年正月由濟甯以至周家口之奏已諭令該大臣酌度催令各軍先行進發著懍遵前旨相機妥辦吳昌壽務當督飭馬德昭等覘賊所向約會楚軍四面兜擊小寨歸併大寨固屬保全百姓之意惟宜隨時隨地體察民情聽其自便劉毓楠此奏似有可採擇之處著鈔給曾國藩吳昌壽閱看將此由五百里各諭令知之 以副都統銜伊犁協領福珠哩為阿克

蘇辦事大臣 旌表守正捐軀河南陽武縣民婦張徐氏 庚戌諭內閣恩合等奏查明應修各工請旨遵行一摺盛京

永陵西配殿果樓

福陵寶城牆等處工程情形較重卽著恩合桂清敬謹承修以昭慎重並著欽天監於明年二三月內諏吉開工 諭軍機大臣等德英等奏吉林賊勢日甚請調回官兵剿賊一摺據稱劉果發一股由岔路河向西北沙家燒

鍋新安堡等處竄去富明阿等進兵追剿先勝後敗經依克通阿等馳往合剿賊始敗遁餘匪自伊通河北伊巴丹站一帶四散歸山德英等以派出剿賊之兵過單馬匹亦大半疲弱現由富爾孫將此項官兵撤回省垣卽著該署將軍等勤加教練實力巡防如近省地方有警仍當相機督剿毋令賊匪得以蔓延王洛七一股已在昌圖之買賣街長春之黑林鎮一帶滋擾相距長春僅數十里德英

等現檄駐紮伊通之官兵移往堵剿著嚴飭該員弁等認真截擊以遏狂氛伊通地方亦關緊要德英等務當妥籌兼顧以期周密至所稱奉吉兩省山內股匪數起或百餘名或數百名均有乘勢舉動之意尤應確切偵探先事防範毋稍疏忽所請將派赴奉省官兵五百名及徐州撤回各官兵全行調回之處前已諭令德英等俟文祥等抵奉省後酌量辦理現在文祥等已抵奉省卽著德英等咨

商該尚書酌辦並將剿賊事宜隨時咨商期與奉天官兵聯絡聲勢仍一面就現有兵力妥籌布置不得借口於地廣兵單致滋貽誤向來六百里奏報專係緊要軍情德英等此次所發六百里報輒將審明逆倫人犯等及尋常照例事件一併附入殊屬不知緩急著傳旨申飭將此由五百里各諭令知之○又諭吳昌壽奏兩路官軍疊勝分兵追剿情形並請將王永慶免調赴甘各摺片賴牛等股

匪於七里岡受創後退至光州官渡白鴨江築壘盤踞復分股竄擾商城均經兵勇擊敗其前股匪黨先期竄撲固始縣城者亦經喬松年派兵會合豫軍夾擊殲斃甚多光固以南地多稻田不利馳騁該匪馬隊一經竄至卽為官軍所創足見制賊須因地利現在賴牛等逆前股已竄往湖北境內後股尚在光山馬賊束於地險不能肆意奔突正宜乘此機會為四面兜剿之計曾國藩前已派令劉

銘傳馳往豫省援勦著卽飛檄該提督迅赴光固會同豫軍合力進攻以厚兵力吳昌壽責無旁貸務當督催馬德昭蔣希夷等商同劉銘傳由西北兩面將賊逼向東南斷不可縱令同竄平原致令馬賊任意縱橫又成燎原之勢鄂省黃麻羅田一帶邊界卽著官文鄭敦謹嚴檄防軍認真堵勦不得縱賊竄入腹地致干咎戾潁州一帶卽由喬松年檄令防軍嚴密堵遏以防東路霍六一帶兵力單弱尤恐賊眾乘虛繞路竄入喬松年務當添派兵勇豫籌防範毋稍疏忽並著鄂豫皖三省各督撫互相聯絡隨時相機越境攻勦務期四路進逼聚而殲旃不得各分畛域致誤事機李昭慶馬隊仍著曾國藩速飭赴豫以備追勦之用毋再遲緩至張總愚股匪屢經豫省兵勇在鄧州鎮平等處擊敗該逆現已由新野竄至襄樊唐縣一帶卽著官文鄭敦謹吳昌壽等各飭楚豫官軍會合夾擊速殄

逆氛已革副將王永慶前據成祿奏請令其在豫省募勇赴甘當因該革員所犯情節較重已批諭不准行矣吳昌壽所奏蠲緩錢糧等摺均係尋常照例事件並非緊要軍務何得輒附六百里軍報馳遞著傳旨申飭將此由六百里各諭令知之又諭武隆額奏塔城近日打仗情形請飭科布多安設臺站撥給麥糧並土爾扈特兵私行潛逃各摺片回匪盤踞禮拜寺內恃有哈薩克援應牽掣官兵經武隆額派令布爾和德會同轉世喇嘛臺次擊退外援奪獲牛羊無數勦辦甚屬奮勉可嘉現在該逆困踞寺內為數無多著武隆額督飭各軍合力圍攻悉殲醜類毋任久踞哈薩克貪利助賊情殊可惡惟人數眾多去來無定勢難悉加誅滅武隆額當一面督軍追勦一面設法解散免致勾結為害土爾扈特親王策林喇普坦所帶官兵輒敢私自潛同游牧此等怯懦無能之輩卽責令勦賊

亦必不能得力。該親王前經理藩院議請革爵。業已降旨允准。即可免其再行置議。烏梁海蒙古地方前經錫霖等奏明添設臺站。以便馳遞文報。該處現在並無匪蹤。且據武隆額差弁呢柯布雙成等往返如常。道路並無梗塞。廣鳳奎昌何以輒將該處臺站裁撤。致文報軍餉等項全行阻滯。廣鳳奎昌著先行交部議處。仍著將烏梁海臺站趕緊安設。遇有文報立時轉遞。並將賡音布等管解之塔

城餉銀二萬兩迅速派兵護送。儻再不顧大局。任意推諉。定行從嚴懲處。武隆額前經咨調科布多戰箭鉛丸等件。並著酌量撥給。以資攻剿。塔城軍務緊要。兵民飢困。亟應撥濟糧食。以固軍心。武隆額請於科城倉存項下。借撥小麥五千石。卽著廣鳳等照數撥給。護解塔城。儻科城存糧不敷。卽著派員於歸化城一帶設法採買。應需銀兩。卽於各省解到新疆餉內提用。並著趕緊辦理。毋稍延緩。將

此由六百里各諭令知之。又諭總理各國事務衙門奏英國領事前入潮州一案未能完結。請飭瑞麟遵旨妥籌辦理。一摺。據稱英國領事堅佐治前入潮州一事。本係按約辦理。何以該處刁民捏造訛言。聳惑眾聽。卽如瑞麟前奏內所稱潮州紳民恐該領事入城。後在城建造天主堂有所傷犯。是以峻拒等語。其實近來建堂傳教各案。俱係法國人所為。從未聞英國人偶有此事。是編造謠詆者

於英國法國尚不能分晰清楚。豈可輕信以滋羣疑。至開張行店設立關卡各節。該領事旣言明不辦。自應堅守成約。各等語。領事按約進城。勢難終阻斷。不可誤啟猜嫌。自生波折。著瑞麟督飭在事各員。逐層明晰開導。盡釋紳民之疑。俾該國領事得以按約入城。如該員等辦理未能妥協。瑞麟務遵前旨親往潮州督辦。此事總以紳民共信。不以一時私見致誤中外和好大局。方為妥善。儻辦理無



方或令釁端由此而啟必惟瑞麟是問至前次張貼匿名揭帖之人仍著飭令地方官不動聲色嚴密查拏不得稍涉張惶致滋他事原摺著鈔給閱看將此由五百里諭令知之○以翰林院侍讀學士興恩為光祿寺卿○以廣東按察使張兆棟為布政使高廉道英秀為按察使以塔爾巴哈台城解圍賞領隊大臣圖庫爾等花翎筆帖式吉勒圖堪等藍翎餘升敘開復有差以援勦塔爾巴哈台賊匪出力賞厄魯特休致副總管毛哈拉二品頂帶予吉林陣亡佐領保隆祭葬世職如副都統例委參領保山等祭葬世職予塔爾巴哈台陣亡驍騎校吉拉敏等祭葬世職○蠲緩河南祥符陳留杞通許開儀鄭滎澤滎陽汜水商邱甯陵永城鹿邑虞城夏邑睢柘城安陽湯陰臨漳林武安涉內黃汲新鄉輝獲嘉淇延津滑濬封邱考城河內濟源修武武陟孟溫原武陽武洛陽偃師鞏孟

津永甯新安南陽唐泌陽鎮平桐柏內鄉裕舞陽葉上蔡新蔡遂平淮甯西華項城沈邱太康固始六十六州縣被旱被水地方新舊額賦有差是日丙寅年立春順天府進土牛春山寶座辛亥諭軍機大臣等前因有人奏山東省掖縣西絲場地而私販甚多該場大使汪棧並不禁止嚴拏且恐有縱私廢公情事當經諭令閻敬銘查明具奏茲又有人奏汪棧於五月間到任後得受私灘人銀兩遂與句結又於鹽課正稅外向西絲場等灘戶徇索銀錢縱令丁役訛詐騷擾至私灘戶之開設霸占置若罔聞請飭查辦等語汪棧疊經被人叅奏營私廢公實與鹵政大有關礙著閻敬銘彙入前奏將該大使有無各項劣蹟確切查明據實具奏並將各該場員隨時察看與州縣一律甄別其私灘戶亦須認真查拏設法安置免滋事端原摺著鈔給閱看將此諭令知之又諭總理各國事務

衙門奏接據法國公使信函密陳辦理黔省  
教務一摺據稱法國公使遣繙譯官呈遞胡  
縛理稟函各件內敘招撫回匪始末並稱陸  
佑勤等造言捏謗致張亮基屢屢尋釁又稱  
永甯州有殺死司鐸教民之事等語傳教一  
事原難保無好事之人從而附和惟在地方  
大吏遇事持平辦理有以折服其心自可相  
安無事儻或意存歧視有意與之為難必至  
枝節橫生辦理諸多掣肘張亮基前奏內稱

教士教民之被搶被殺層見疊出若督臣赴  
滇後再有其事難保不坐以主謀之罪等語  
該署撫既慮及此自應於交涉教民事件加  
意妥慎籌辦力全大局卽如永甯州殺害教  
民一案究係何人為首亟應究明案情按照  
定例覈辦張亮基若能將此案速為了結亦  
可取信於外國將來遇事卽可漸釋猜疑此  
外遇有教民事件並著通飭所屬地方官務  
須一律持平斷不可稍有成見致滋口實儻

或辦理不善釀成釁端恐較之田興恕之案  
更形棘手該署撫務當恪遵此旨妥速籌辦  
毋稍玩誤總理各國事務衙門招一件並單  
八件均著鈔給閱看將此由五百里密諭知  
之 以鑲黃旗漢軍都統春佑兼署鑲藍旗  
漢軍都統

大清穆宗繼天開運受中居正保大定功聖智  
誠孝信敏恭寬毅皇帝實錄卷之一百六十三

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十四

監修穆宗實錄臣等謹將穆宗皇帝在位二十六年間所著實錄卷之一百六十四內各條恭錄如左  
一、穆宗皇帝在位二十六年間所著實錄卷之一百六十四內各條恭錄如左  
二、穆宗皇帝在位二十六年間所著實錄卷之一百六十四內各條恭錄如左  
三、穆宗皇帝在位二十六年間所著實錄卷之一百六十四內各條恭錄如左  
四、穆宗皇帝在位二十六年間所著實錄卷之一百六十四內各條恭錄如左  
五、穆宗皇帝在位二十六年間所著實錄卷之一百六十四內各條恭錄如左  
六、穆宗皇帝在位二十六年間所著實錄卷之一百六十四內各條恭錄如左  
七、穆宗皇帝在位二十六年間所著實錄卷之一百六十四內各條恭錄如左  
八、穆宗皇帝在位二十六年間所著實錄卷之一百六十四內各條恭錄如左  
九、穆宗皇帝在位二十六年間所著實錄卷之一百六十四內各條恭錄如左  
十、穆宗皇帝在位二十六年間所著實錄卷之一百六十四內各條恭錄如左  
十一、穆宗皇帝在位二十六年間所著實錄卷之一百六十四內各條恭錄如左  
十二、穆宗皇帝在位二十六年間所著實錄卷之一百六十四內各條恭錄如左  
十三、穆宗皇帝在位二十六年間所著實錄卷之一百六十四內各條恭錄如左  
十四、穆宗皇帝在位二十六年間所著實錄卷之一百六十四內各條恭錄如左  
十五、穆宗皇帝在位二十六年間所著實錄卷之一百六十四內各條恭錄如左  
十六、穆宗皇帝在位二十六年間所著實錄卷之一百六十四內各條恭錄如左  
十七、穆宗皇帝在位二十六年間所著實錄卷之一百六十四內各條恭錄如左  
十八、穆宗皇帝在位二十六年間所著實錄卷之一百六十四內各條恭錄如左  
十九、穆宗皇帝在位二十六年間所著實錄卷之一百六十四內各條恭錄如左  
二十、穆宗皇帝在位二十六年間所著實錄卷之一百六十四內各條恭錄如左  
二十一、穆宗皇帝在位二十六年間所著實錄卷之一百六十四內各條恭錄如左  
二十二、穆宗皇帝在位二十六年間所著實錄卷之一百六十四內各條恭錄如左  
二十三、穆宗皇帝在位二十六年間所著實錄卷之一百六十四內各條恭錄如左  
二十四、穆宗皇帝在位二十六年間所著實錄卷之一百六十四內各條恭錄如左  
二十五、穆宗皇帝在位二十六年間所著實錄卷之一百六十四內各條恭錄如左  
二十六、穆宗皇帝在位二十六年間所著實錄卷之一百六十四內各條恭錄如左  
二十七、穆宗皇帝在位二十六年間所著實錄卷之一百六十四內各條恭錄如左  
二十八、穆宗皇帝在位二十六年間所著實錄卷之一百六十四內各條恭錄如左  
二十九、穆宗皇帝在位二十六年間所著實錄卷之一百六十四內各條恭錄如左  
三十、穆宗皇帝在位二十六年間所著實錄卷之一百六十四內各條恭錄如左  
三十一、穆宗皇帝在位二十六年間所著實錄卷之一百六十四內各條恭錄如左  
三十二、穆宗皇帝在位二十六年間所著實錄卷之一百六十四內各條恭錄如左  
三十三、穆宗皇帝在位二十六年間所著實錄卷之一百六十四內各條恭錄如左  
三十四、穆宗皇帝在位二十六年間所著實錄卷之一百六十四內各條恭錄如左  
三十五、穆宗皇帝在位二十六年間所著實錄卷之一百六十四內各條恭錄如左  
三十六、穆宗皇帝在位二十六年間所著實錄卷之一百六十四內各條恭錄如左  
三十七、穆宗皇帝在位二十六年間所著實錄卷之一百六十四內各條恭錄如左  
三十八、穆宗皇帝在位二十六年間所著實錄卷之一百六十四內各條恭錄如左  
三十九、穆宗皇帝在位二十六年間所著實錄卷之一百六十四內各條恭錄如左  
四十、穆宗皇帝在位二十六年間所著實錄卷之一百六十四內各條恭錄如左  
四十一、穆宗皇帝在位二十六年間所著實錄卷之一百六十四內各條恭錄如左  
四十二、穆宗皇帝在位二十六年間所著實錄卷之一百六十四內各條恭錄如左  
四十三、穆宗皇帝在位二十六年間所著實錄卷之一百六十四內各條恭錄如左  
四十四、穆宗皇帝在位二十六年間所著實錄卷之一百六十四內各條恭錄如左  
四十五、穆宗皇帝在位二十六年間所著實錄卷之一百六十四內各條恭錄如左  
四十六、穆宗皇帝在位二十六年間所著實錄卷之一百六十四內各條恭錄如左  
四十七、穆宗皇帝在位二十六年間所著實錄卷之一百六十四內各條恭錄如左  
四十八、穆宗皇帝在位二十六年間所著實錄卷之一百六十四內各條恭錄如左  
四十九、穆宗皇帝在位二十六年間所著實錄卷之一百六十四內各條恭錄如左  
五十、穆宗皇帝在位二十六年間所著實錄卷之一百六十四內各條恭錄如左  
五十一、穆宗皇帝在位二十六年間所著實錄卷之一百六十四內各條恭錄如左  
五十二、穆宗皇帝在位二十六年間所著實錄卷之一百六十四內各條恭錄如左  
五十三、穆宗皇帝在位二十六年間所著實錄卷之一百六十四內各條恭錄如左  
五十四、穆宗皇帝在位二十六年間所著實錄卷之一百六十四內各條恭錄如左  
五十五、穆宗皇帝在位二十六年間所著實錄卷之一百六十四內各條恭錄如左  
五十六、穆宗皇帝在位二十六年間所著實錄卷之一百六十四內各條恭錄如左  
五十七、穆宗皇帝在位二十六年間所著實錄卷之一百六十四內各條恭錄如左  
五十八、穆宗皇帝在位二十六年間所著實錄卷之一百六十四內各條恭錄如左  
五十九、穆宗皇帝在位二十六年間所著實錄卷之一百六十四內各條恭錄如左  
六十、穆宗皇帝在位二十六年間所著實錄卷之一百六十四內各條恭錄如左  
六十一、穆宗皇帝在位二十六年間所著實錄卷之一百六十四內各條恭錄如左  
六十二、穆宗皇帝在位二十六年間所著實錄卷之一百六十四內各條恭錄如左  
六十三、穆宗皇帝在位二十六年間所著實錄卷之一百六十四內各條恭錄如左  
六十四、穆宗皇帝在位二十六年間所著實錄卷之一百六十四內各條恭錄如左  
六十五、穆宗皇帝在位二十六年間所著實錄卷之一百六十四內各條恭錄如左  
六十六、穆宗皇帝在位二十六年間所著實錄卷之一百六十四內各條恭錄如左  
六十七、穆宗皇帝在位二十六年間所著實錄卷之一百六十四內各條恭錄如左  
六十八、穆宗皇帝在位二十六年間所著實錄卷之一百六十四內各條恭錄如左  
六十九、穆宗皇帝在位二十六年間所著實錄卷之一百六十四內各條恭錄如左  
七十、穆宗皇帝在位二十六年間所著實錄卷之一百六十四內各條恭錄如左  
七十一、穆宗皇帝在位二十六年間所著實錄卷之一百六十四內各條恭錄如左  
七十二、穆宗皇帝在位二十六年間所著實錄卷之一百六十四內各條恭錄如左  
七十三、穆宗皇帝在位二十六年間所著實錄卷之一百六十四內各條恭錄如左  
七十四、穆宗皇帝在位二十六年間所著實錄卷之一百六十四內各條恭錄如左  
七十五、穆宗皇帝在位二十六年間所著實錄卷之一百六十四內各條恭錄如左  
七十六、穆宗皇帝在位二十六年間所著實錄卷之一百六十四內各條恭錄如左  
七十七、穆宗皇帝在位二十六年間所著實錄卷之一百六十四內各條恭錄如左  
七十八、穆宗皇帝在位二十六年間所著實錄卷之一百六十四內各條恭錄如左  
七十九、穆宗皇帝在位二十六年間所著實錄卷之一百六十四內各條恭錄如左  
八十、穆宗皇帝在位二十六年間所著實錄卷之一百六十四內各條恭錄如左  
八十一、穆宗皇帝在位二十六年間所著實錄卷之一百六十四內各條恭錄如左  
八十二、穆宗皇帝在位二十六年間所著實錄卷之一百六十四內各條恭錄如左  
八十三、穆宗皇帝在位二十六年間所著實錄卷之一百六十四內各條恭錄如左  
八十四、穆宗皇帝在位二十六年間所著實錄卷之一百六十四內各條恭錄如左  
八十五、穆宗皇帝在位二十六年間所著實錄卷之一百六十四內各條恭錄如左  
八十六、穆宗皇帝在位二十六年間所著實錄卷之一百六十四內各條恭錄如左  
八十七、穆宗皇帝在位二十六年間所著實錄卷之一百六十四內各條恭錄如左  
八十八、穆宗皇帝在位二十六年間所著實錄卷之一百六十四內各條恭錄如左  
八十九、穆宗皇帝在位二十六年間所著實錄卷之一百六十四內各條恭錄如左  
九十、穆宗皇帝在位二十六年間所著實錄卷之一百六十四內各條恭錄如左  
九十一、穆宗皇帝在位二十六年間所著實錄卷之一百六十四內各條恭錄如左  
九十二、穆宗皇帝在位二十六年間所著實錄卷之一百六十四內各條恭錄如左  
九十三、穆宗皇帝在位二十六年間所著實錄卷之一百六十四內各條恭錄如左  
九十四、穆宗皇帝在位二十六年間所著實錄卷之一百六十四內各條恭錄如左  
九十五、穆宗皇帝在位二十六年間所著實錄卷之一百六十四內各條恭錄如左  
九十六、穆宗皇帝在位二十六年間所著實錄卷之一百六十四內各條恭錄如左  
九十七、穆宗皇帝在位二十六年間所著實錄卷之一百六十四內各條恭錄如左  
九十八、穆宗皇帝在位二十六年間所著實錄卷之一百六十四內各條恭錄如左  
九十九、穆宗皇帝在位二十六年間所著實錄卷之一百六十四內各條恭錄如左  
一百、穆宗皇帝在位二十六年間所著實錄卷之一百六十四內各條恭錄如左

同治四年乙丑十二月壬子諭內閣御史汪

朝榮奏雪澤稀少請增修仁政一摺據稱十一月間刑部囚犯死者每日至八九名之多難保非禁卒人等剋扣衣糧致令斃命外省被兵新復地方骸骨縱橫未能收埋請增修仁政以感召天和各等語朝廷明慎用刑雖獄囚亦宜矜恤至因案拖累波及無辜累月經年株連無已情尤可憫著刑部堂官嚴諭提牢禁卒人等將獄囚妥為看守不得剋扣衣糧致令飢寒受病其一切因案牽累傳質

待證無辜人犯並著趕緊審結以清庶獄至被兵省分殉難士女骸骨縱橫無人埋葬遂至拋棄河濱填積溝壑殊堪憫惻著軍務省分督撫及各路統兵大臣督飭地方官收埋暴露骸骨用消沴癘而迓祥和○諭軍機大臣等有人奏風聞三河縣知縣宋彭壽捕務廢弛貪婪卑污本年該縣黃耳莊絨絨鋪明火搶案押令改竊柳河屯莊等處馬賊滋擾該令並不拏賊反將事主嚴押那用洵陽書院生息銀兩至六七百兩之多有明年停止月課之議偏請富戶約勒借銀六千兩該員又買倡為妾即係三河縣部民各等語州縣為親民之官必須潔己愛民方能膺守土之任若如所奏貪婪卑污各節屬實自難姑容著萬青藜卞寶第按照所叅各情嚴密訪查據實具奏毋稍徇隱原片著摘鈔交給閱看將此各諭令知之尋奏遵查宋彭壽被叅各節均無其事惟因辦理差務那借書院公項

及縣屬紳士鋪戶銀兩不知遠嫌應請交部議處從之。又諭有人奏江蘇候補知縣于實之歷署江都甘泉縣事貪婪性成加釐肥己曾經因案撤任乃該員百計夤緣又署甘泉縣事物議沸騰又候補知縣泰州海安司巡檢張鏞鑽營冒功吞捐利己該員向未入營乃冒認軍功疊保官階人心不服請飭查明懲辦等語于實之前經御史胡慶源奏奏經曾國藩等覆奏撤任有案江蘇地方瘡痍未復豈堪任令此等劣員重加剝削著李鴻章劉卹膏派委親信委員嚴密查辦如果所參該二員劣蹟屬實卽著從重參辦以儆貪邪原片著摘鈔交給閱看將此諭知李鴻章並傳諭劉卹膏知之尋奏遵查于實之並未再署甘泉縣事被參加耗各款訊無證據亦無別項劣蹟惟承審誣告重案人犯未能究辦雖與參案無涉究屬疏應請以縣丞降補張鏞查無吞捐情弊惟僅以團防微勞疊

保官階致招物議應請撤銷歷次保案仍以巡檢歸選下部知之。又諭趙長齡奏劄調已革參將周顯承等赴陝審辦並密陳雷正綰軍營近日情形一摺周顯承被參各款經趙長齡疊派妥實員弁馳赴涇甯一帶明查暗訪據稱周顯承狡詐把持侵匿帑項尚未得確實證據而於帶隊搶擄滋事釀命各節則眾口一詞怨聲載道是周顯承劣蹟業已昭著亟應逐款查辦以肅軍律趙長齡因涇

州係周顯承等屯兵處所現駐西安省城紮調周顯承等查訊自係為慎重起見周顯承本係革職拏問之員如已遵調赴陝趙長齡自不難向其嚴切根究如該革員託故逗遛或抗不遵調趙長齡仍應遵照前旨馳赴慶涇提集人證秉公查辦該撫如慮到涇州時或有掣肘之處卽酌帶閭文忠親兵一營前進督同譚玉龍傳旨將周顯承拏問諒不至有他虞此時務須持平辦理兼顧大局使兵

民之心均皆折服。方為妥善。周顯承現在涇州督辦各營糧餉。著楊岳斌迅即另委妥員前往涇州接替。並著該督嚴飭周顯承恪遵諭旨。聽候趙長齡查辦。毋得藉端狡展。自干重咎。雷正綰親隨隊伍。據趙長齡奏。現止雷恆馬隊二三百名。李高啟步隊四五百名。分駐金積堡等處。雷恆李高啟二員前經降旨。交楊岳斌審辦。雷正綰總未將該二員交出。亦未將作何辦理情形。據實具奏。殊不可解。

著楊岳斌、劉蓉等傳諭該提督。務將雷恆李高啟設法押赴蘭州。交楊岳斌審明辦理。如敢任意抗延。或有心庇護。即著從嚴叅辦。西安距蘭州甚遠。趙長齡奏稱文報往返。動需四五十日。中途尤慮遺失。請將查辦事件。一面據實奏聞。一面飛咨楊岳斌查照覈辦等語。著照該撫所奏辦理。將此由六百里各諭令知之。○予故江蘇徐海道朱善張直隸阜平縣知縣羅仰鑣。鄒尚易甘肅秦州直隸州

知州托克清。阿。四川綿州直隸州知州劉印全。入祀名宦祠。從總督劉長佑駱秉章護總督恩麟護巡撫劉郃膏請也。○予直隸故四川順慶府知府張樸。江蘇故廣東澳門同知丁如玉。江西故廣西武緣縣知縣李春福建故貴州安平縣知縣劉祖憲。舉人蔣衡貢生李光坡。山東故荷澤縣訓導崔莊臨陝西故貴州廣順州知州韓亞熊。入祀鄉賢祠。從總督劉長佑巡撫李鴻章沈葆楨徐宗幹閻敬

銘劉蓉請也。○追予後漢廬江太守洪矩。入祀安徽甯國府鄉賢祠。從巡撫喬松年請也。○癸丑。以工部尚書單懋謙內閣學士李鴻藻充經筵講官。禮部右侍郎汪元方署經筵講官。○以內閣學士魁齡充文淵閣直閣事。李鴻藻署文淵閣直閣事。○甲寅。

上復詣

大高殿祈雪壇行禮。○遣惇親王奕訢詣時應宮恭親王奕訢詣

昭顯廟鍾郡王奕詒詣  
宣仁廟孚郡王奕諲詣

凝和廟拈香○

上御撫辰殿大幄次。賜蒙古王貝勒貝子公呼圖克圖等宴。並賞賚有差。諭內閣鮑源深著仍在上書房行走。授奕詳奕詢奕謨讀。○又諭載鋼等奏請將遺漏咨報撰擬祭文之員議處一摺。本年修理純惠皇貴妃園寢享殿工竣。署理承辦事務

衙門鑰匙官尚膳正廣運僅咨欽天監選擇神牌還位吉期。漏未移咨禮部知照翰林院撰擬祭文。實屬疏忽。廣運著交部照例議處。卽著該衙門將祭文迅卽撰擬。欽天監另擇神牌還位吉期。知照載鋼等遵照辦理。○命翰林院編修林天齡提督山西學政。○命喀爾喀扎薩克貝子察克都爾扎勒喀喇沁輔國公德里克呢瑪在乾清門行走。賞浩齊特扎薩克額爾德尼郡王喇特那巴咱爾三

眼花翎科爾沁貝勒達瑪林旺濟勒蘇尼特貝勒布彥圖阿巴哈納爾扎薩克貝勒達木定扎布鄂爾多斯扎薩克貝子巴圖孟鼎雙眼花翎喀爾喀扎薩克鎮國公密番三布等花翎。○乙卯

上御重華宮。賜琉球國使臣東國興等二人食。○諭內閣文祥福興奏遵查大員未能勝任並副都統協領俱難得力。請分別降調革職一摺。前因署盛京將軍恩合辦理勦撫未合

機宜。諭令文祥等查明具奏。茲據奏稱恩合自調署盛京將軍以來。意氣自矜。賞罰失當。馬賊猖獗。莫展一籌。且於肆擾情形。又復始終諱飾。種種貽誤。難期振作。著卽行革職。惟念其前在協領任內。捕賊尚為出力。著留營效力。以觀後效。協領豐恩聲名平常。於賊竄小黑山時。帶兵往勦。遷延不進。著革職留營差遣。盛京副都統富平阿辦事顛預。才具平庸。著以協領降補。至恩合於支放部庫銀兩

各節有無冒濫蒙混並著文祥等詳查具奏其餘隨同恩合帶隊不力各員均著查明叅處以示懲儆○又諭閻敬銘奏請將辦理局務之員破格獎勵等語世襲騎都尉兼一雲騎尉江西候補知縣馬映奎經閻敬銘委辦館陶衛河釐務兩載以來廉潔自矢於軍餉大有裨益並管帶防兵擒捕賊匪尤為出力該員係江西殉難總兵馬濟美之子忠蓋後裔能如此辦事實心克自樹立實屬可嘉自

應優予獎勵以昭激勵馬映奎著免補知縣以同知直隸州知州留於江西補用並賞戴花翎此係特旨加恩其餘不得援以為例○又諭閻敬閻奏請將不職之牧令各官分別懲處一摺山東德州知州許濟清辦事顛頑難勝繁要著留省遇有中簡缺出另行改補該員任內尚有疏防盜案處分著摘去頂帶留緝俟緝獲日再行開復送部引見朝城縣知縣阿南泰事無分曉性復驕浮招遠縣知

縣蘇炳榮人本平庸心欠明白黃縣知縣何亨九性本輕浮且多積習陽信縣知縣蘇振甲徵收含混作事羈疏以上四員均著以府經歷縣丞歸部選用棲霞縣知縣鄭景福才非真實事少閱歷壽張縣知縣莫維翰人少精神治無起色鉅野縣知縣張彭年人尚平妥惟才欠開展難治疲區以上三員均著開缺留省另補蘇振甲鄭景福二員均有奏叅之案仍著另行查辦○諭軍機大臣等文祥

福興奏請調馬隊剿賊等語奉省馬賊蜂起肆擾開原鐵嶺等處官軍分投進剿兵力尚單亟應添調精兵以資厚集黑龍江馬隊雖未可遠調而奉省相距非遙剿賊事竣即可遣撤著寶善迅速挑選精壯馬隊一千名派員管帶前赴奉省聽候文祥等調遣察哈爾參領達爾濟前在僧格林沁軍營統帶馬隊尚稱得力該員現在已回本旗著阿克敦布康孚卽飭達爾濟挑選舊部兵百名速赴文

祥等軍營聽候調遣毋稍遲延將此由五百里各諭令知之○又諭恩合等奏庫款支絀請飭催指撥未解銀兩並各省歷年積欠俸餉一摺奉天省歲需官兵俸餉及雜支等款均由各省指撥協濟近因該處馬賊充斥調兵勦捕需用浩繁經恩合奏准指撥山東等處協餉十萬兩除山海天津二關照數撥解外山東東海關指撥銀二萬兩業經報解起程惟地丁項下指撥銀四萬兩本日雖據閩

敬銘奏到已於藩運兩庫籌撥銀二萬兩報解下餘二萬兩仍著趕緊籌措務於明年正月內解到以應急需至各省歷年欠解奉天俸餉雜款等銀已至一百五十四萬餘兩之多奉省庫存各款不敷支放轉瞬明春又須開放官兵俸餉需用孔亟該處現當用兵喫緊之際若俸餉不繼必至譁潰堪虞所關非細著劉長佑吳昌壽閻敬銘劉蓉王榕吉接照恩合等單開數目各將該省積欠銀兩內

先行籌解三成迅速解交奉天部庫不得稍存膜視貽誤軍需原單著分別鈔給閱看將此由五百里諭知劉長佑吳昌壽閻敬銘劉蓉並傳諭王榕吉知之○又諭喬松年奏賊勢南趨楚軍兵變情形一摺據稱賊蹤由商城偃犯楚之麻城羅田等處探聞楚營成大吉一軍藉口索餉猝然兵變成大吉受傷救出其勇已四出焚掠搶刦等語官文等諒已奏報在逃成大吉一軍駐紮麻城本為楚省

東路屏蔽現在賊蹤已入楚境而該軍非但不能擊賊輒敢乘機變亂實出意料之外成大吉統率全軍所司何事著官文鄭敦謹查明因何變亂緣由據實具奏此時潰勇已四出搶掠難保不與賊匪互相勾結愈形滋蔓官文等當責令成大吉設法招集分別遣留大加整頓重振軍威以資堵剿此次潰變者究有若干營未潰者尚有若干營現當賊蹤逼近黃麻一帶既無可恃之兵官文等當另



行添撥勁旅迎頭截剿毋令叛軍與捻逆勾結深入腹地喬松年吳昌壽亦當嚴飭皖豫各軍會合夾擊毋得任令遠竄儻潰勇有竄入皖豫境內者並著一律剿捕毋稍疏懈前諭曾國藩飭劉銘傳等軍赴豫追擊現在楚軍事既中變恐該逆勢益張任意竄突曾國藩當迅催劉銘傳等軍馳赴南路相機進剿毋稍遲誤本日據文祥等奏奉天勦辦馬賊緊要請調烏爾圖那遜統帶土默特本部

兵丁百餘名前赴奉省調遣等語著曾國藩卽飭該員迅帶所部馳赴奉天省城聽候文祥等調遣毋稍延緩將此由六百里各諭令知之○山東巡撫閻敬銘奏遵查運河道宗稷辰精神尚好今夏挽送漕船均無貽誤報聞○以江西會昌縣捐輸軍餉永廣學額八名○以品學端方賞山東教授李宗泰教諭單為總五品銜○以奉天勦辦馬賊獲勝于總兵官劉景芳優敘賞守備劉鳳鳴等花翎

守備銜王冠甲等藍翎餘升敘有差○蠲緩山東濮定陶青城荷澤城武曹單鉅野金鄉嘉祥魚臺十一州縣暨臨清濟甯二衛被水被旱被擾地方新舊額賦租課並民借倉穀籽種口糧有差○丙辰

孝莊文皇后忌辰遣官祭

昭西陵○諭軍機大臣等昨因盛京將軍恩合於馬賊猖獗莫展一籌又復始終諱飾降旨將其革職留營本日復經明降諭旨以都興

阿調補盛京將軍其甘肅軍務卽令穆圖善督辦矣現在奉天賊勢甚張文祥福興督帶京兵及直隸吉林黑龍江馬步各隊馳往勦擊軍事正形喫緊都興阿著卽迅赴新任會同文祥等實心辦理並將地方營伍及諱盜官吏力籌整飭以期日有起色惟甯夏軍務亦關緊要兵力本單該將軍接奉此旨卽迅速部署將所部將士交與穆圖善統帶後輕騎減從馳赴奉省不得抽撥所部帶往致甯

夏兵力益形單薄。勦辦更無從著手。穆圖善既督辦軍務。責無旁貸。務卽激勵兵勇。迅將甯夏府城剋日攻拔。以期次第勦除廓清羣醜。毋使兵力為一隅所牽。致滋勞費。並著隨時與楊岳斌聯絡聲勢。會商妥籌。以期無負委任。將此由五百里各諭令知之。又諭奉天匪股王小泉句結刼獄匪徒在拉古峪等處搶掠。經文祥等派兵勦洗。擒斬甚多。足以振聲威而寒賊膽。王小泉曾否殲斃餘賊。尚有若干。現竄何處。著文祥等查明具奏。仍一面確實偵探。派兵追勦。以清餘孽。本日已將都興阿調補盛京將軍。花里雅春補授副都統。都興阿未到任以前。令福興署理所有防勦機宜及地方一切要件。均著與文祥妥商辦理。福興不得存五日京兆之見。致負委任。賊股距吉林不遠。該省防務甚為喫緊。署將軍德英到任以後。能否振作。且亦係本省人。署本省將軍。是否可靠。並著文祥嚴密訪查。

據實具奏。將此由五百里各諭令知之。又諭瑞麟郭嵩燾奏賊伏嘉應現籌添軍會勦。請將黃武賢等仍留潮州各摺。片汪逆竄踞嘉應於城外四面建立土城。望臺負隅抗拒。瑞麟郭嵩燾現飭曾敏行等軍分紮各路。杜賊紛竄。著卽檄飭各軍會同江閩官軍通力合作。步步為營。實力進勦。為四面合圍之計。毋令汪逆兔脫。乘閒竄出。復肆蔓延。李福泰既經降調。所部兵勇亟須大員統帶。郭嵩燾

現擬馳赴各營。相度地勢。以圖扼守。卽著由惠州前赴言嶺關及興長一帶。擇要駐紮。就近與閩省官軍力籌進勦。以期聚而殲旃。西北一路平遠相公亭大坪石正一帶。可以橫竄江西之長甯。又可由平遠北竄龍定。西出南雄。始興。以窺楚境。必須勁旅扼守。以防該逆紛竄之路。著左宗棠等催令鮑超星速進紮相公亭等處。嚴密布置。遇賊卽擊。迅殄逆氛。各營需用軍火及鮑超一軍食米。著瑞麟

郭嵩燾竭力籌辦妥為接濟左宗棠有節制三省之責嗣後一切軍情著左宗棠主臬會銜具奏甘肅軍務緊要防勦需員西甯鎮總兵黃武賢著仍遵前旨飭令速赴新任瑞麟等所請暫留潮州辦理防堵之處著毋庸議遊擊李元順著准其留於潮州以資差委劉坤一著懷遵疊次諭旨迅派官軍出境會剿毋分畛域將此由六百里各諭令知之○調督辦甘肅軍務西安將軍都興阿為盛京將軍未到任前以正黃旗漢軍都統福興署理命甯夏將軍穆圖善督辦甘肅軍務○以盛京協領花里雅春為副都統○以廣東辦理釐務接濟安徽浙江軍餉出力予鹽運使方濬頤等加銜優敘有差○

上以歲暮裕祭

太廟自是日始齋戒三日○丁巳諭內閣李鴻章劉鄩膏奏查明蘇松等屬裁除浮收實數並請旨永禁大小戶名目等弊一摺前因江

蘇蘇松常鎮太等府州屬額賦太重經該省督撫等奏請裁減按照全額計減去制錢四十萬餘千當經降旨允行朝廷加惠閭閻實足以蘇民困惟江蘇積習已久各州縣徵收漕糧之時每有大戶藉詞抗欠任意短交致各州縣有所藉口而裁減之惠徒以供不肖官紳之腹削而無益於民嗣後江蘇各州縣開徵漕米漕折不准復立大小戶名目其包漕索規等弊著一併永遠禁革如有京外職

官舉貢生監仍藉大戶為名與各州縣為難營私抗玩即著該省督撫奏請褫革從嚴懲辦該督撫務當督飭各屬秉公徵收亦不准於例定折價之外稍有浮冒抑勒違則從嚴叅辦此旨即著李鴻章等勒石遵行並出示曉諭俾紳民咸知感奮一律清完餘著照所議辦理○諭軍機大臣等德英等奏大股賊匪逼近交界吉林省會喫緊請將本省馬隊先行撥回一摺賊陷昌圖之後肅聚在黑林

鎮窺伺長春德英等於派往伊通堵剿官兵內分撥馬步往援著卽飭令佐領穆克德佈等迅由伊通拔營援應務將長春廳實力保護毋令該匪肆行蹂躪吉林省會逼近賊氛該省無城關可守又且良莠不齊人心惶惑該將軍等惟當設法守險或築土圍備豫不虞不可稍涉疏懈吉林馬隊之在奉省者著文祥福興酌量緩急迅速撥回吉林以利攻剿另片奏徐占一之父徐代元眷屬在吉徐

代元現隨王貴等往見伊子屬其竭力報效等語徐占一現在何處所有伊父徐代元往說伊子出力報效是否可靠文祥福興當隨時密訪情形妥為辦理其眷屬之在吉省者德英等仍當飭屬嚴密查看毋稍大意原片著鈔給文祥等閱看將此由五百里各諭令知之○以廣州副都統庫克吉泰為西安將軍荊州佐領常順為廣州副都統以阻撓漕務革浙江在籍知縣趙廷彩職予四川

宜賓等處陣亡殉難副貢生胡象樞等紳民婦女六百十三名口分別旌卹如例並予建祠予四川富順等處殉難舉人蔡伯達等紳民婦女二十八名口分別旌卹如例並予建祠○蠲緩江蘇丹徒長洲元和吳吳江震澤常熟昭文崑山新陽太湖華亭奉賢婁金山青浦無錫金匱江陰靖江太倉鎮洋嘉定上海南匯川沙寶山二十七廳州縣暨蘇州太倉鎮海金山鎮江五衛被水地方新舊額

賦有差○戊午

上以歲暮禋祭

太廟前期親詣行禮○遣官祭

太廟中殿

後殿○署兩江總督李鴻章奏江蘇浦經肅清正佐各員實缺無多歷俸亦多未滿請將咸豐九年同治元年暨本年大計展緩舉行從之○河南巡撫吳昌壽奏軍務未竣請將元年及本年大計展緩舉行從之○命惠郡王

奕詳奉恩鎮國公奕詢均在內廷行走。命貴州布政使賈臻來京。以湖南按察使兆琛為貴州布政使。賞喀爾喀扎薩克親王車林多爾濟紫綬。以江蘇辦理海運出力。予知府汪有勛等加銜升敘。開復有差。蠲緩江蘇山陽江都儀徵阜甯清河桃源安東鹽城高郵泰甘泉東臺興化寶應銅山豐沛蕭縣山邱宿遷睢甯海沭陽贛榆通泰興海門。二十八廳州縣暨淮安大河揚州徐州四衛。

被水被旱地方新舊額賦漕糧有差。朝鮮國使臣李興敏等三人。於午門外瞻覲。己未。裕祭。

太廟遣鍾郡王奕詒恭代行禮。遣官祭。

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵

定陵。遣官祭。

端慧皇太子園寢。遣官祭。

太歲之神。諭內閣管理火藥局事務大臣恆祺。明慶稽查火藥局事務大臣春佑增慶。步軍統領存誠等。巡視西城御史台斐音等。奏火藥局奏藥轟發震塌房屋。查明濯靈庫存儲火藥尚無疏虞。各一摺。火藥局丸藥作係排晾火藥之所。該監督監造等宜如何加意小心。俾無疏失。乃本月二十六日酉刻北。

風大作之時火藥性發轟塌房屋多間將演放火藥渣末一千餘斤並現在排晾之存藥一千九百餘斤全行轟毀雖濯靈庫存儲火藥並無疏失查訊藥性轟發之由亦無別情而該監督等未能先事豫防實難辭咎所有是日直班之監造筆帖式富連著交部嚴加議處業經散直之監督主事松椿著交部議處其餘在局各監督均著查取職名分別議處夫役劉太劉四著交步軍統領衙門嚴行

究辦仍責令該夫目照式製造賠交不准開銷工料銀兩震毀房間仍著落在局監督等分賠趕緊興修恆祺明慶失於查察著一併交部議處○又諭楊岳斌奏請將貪鄙妄為之已革知縣發遣等語甘肅會甯縣知縣陳繼虞被該縣紳商以殃民冒餉勒捐等詞紛紛稟控經該督傳集紳商人等逐加研訊均係眾供確鑿其冒餉一節該縣營勇實數止三百名而造報勇冊則捏報七百名之多該

員到任未及數月而勒收捐輸房租等項錢文已逾一萬二千餘串復收地丁錢三千餘串而正項開銷不過數千串涇臺委員解餉路過會甯縣境該員竟敢短交銀六百兩其應繳捐辦麵斤一萬五千餘斤延至數月之久始行繳出銀一千四百餘兩麵斤全未繳清似此貪鄙不職膽大妄為若不從嚴懲辦何以挽積習而儆官邪該員前經因案革職著即發往黑龍江充當苦差永不敘用以示

懲儆○諭軍機大臣等萬青藜卡寶第奏委解奉天餉銀請飭派弁兵護送迎提一摺前因文祥奏稱奉天月餉支絀當經諭令戶部指撥銀二十萬兩並諭順天府查明奉天在京銀號妥籌匯兌茲據萬青藜等奏稱奉天銀號均已收業在京各商恐到奉不能應付不敢匯兌現擬分批派員解至劉長佑軍營再由劉長佑添兵護解出關並請飭文祥等速派弁兵迎提各等語所籌尚屬周妥奉省

馬賊肆擾以二十萬鉅款由京轉解長途運送在在堪虞自應派兵護運以昭慎重卽著萬青藜等迅速分批派委妥員將戶部指撥奉天餉銀趕緊解至劉長佑行營轉運此項餉銀到營後卽著劉長佑添派委員並挑選精壯兵丁一同護解由山海關前赴奉天交納並著文祥福興速派弁兵迎提護解毋稍疏虞將此諭知萬青藜卞寶第並由四百里諭令文祥福興劉長佑知之○又諭楊岳斌

奏熟籌甘省分道進剿布置情形並陳雷營兵變始末遵保堪任糧臺各員派員赴川陝及本省分路勸辦捐糧各摺片甘省賊眾兵單回匪占踞三城地勢廣袤自應統籌全局會合陝省兵力分別緩急情形以定進剿先後楊岳斌擬令曹克忠等先行會攻甯夏令張在山譚玉龍等分路進剿靈州俟北路平靖後再行南剿狄河等處並請飭令陝省各營分路移紮甘省防剿所籌均合機宜楊岳

斌俟布置稍定後擬卽出省先赴北路自應首往靈州一帶將此路肅清則甯夏固原兩處之氣可通南北援應均可靈便仍著該督察度情形何路喫緊卽先馳往何路援剿至陝省各營兵勇與其防守本境何如進剿甘回肅清鄰疆卽以自固藩籬著劉蓉卽飭廓定一帶防兵進駐慶陽並飭涇平各營歸譚玉龍統帶由固原進剿靈州俾回匪各路均有牽制不得四出蔓延阻止官軍進攻之路

該督所陳雷正綰營兵潰始末情形較為詳盡雷正綰前在軍營帶隊奮勇屢克堅城殲除巨股賊匪朝廷因該提督為部下李高敬雷恆所誤屢經降諭明白開導曲意保全並令趙長齡馳赴涇州將周顯承與雷正綰交涉各案訊明辦理著趙長齡卽行馳往該州就近查辦並剴切曉諭雷正綰令其將雷恆李高敬速行交出聽候訊辦不可代人受過致負朝廷始終成全之至意至雷正綰與周

顯承同在一路附近軍營。積不相能。互相訐告。勢必激成事端。若令雷正綰前往甯夏軍營。隨同穆圖善辦理軍務。該提督與穆圖善前曾同隸多隆阿麾下。共事有年。諒可合力同心。共為國家出力。此係朝廷曲意保全之苦心。著楊岳斌。劉蓉斟酌情形。速行覆奏。如果事屬可行。即著先將朝廷恩諭宣示雷正綰。令其酌帶隨身弁勇。迅赴甯夏軍營。仍著將朝廷委曲保全之意。向該提督宣示。令其

感激圖報。並傳諭該提督不可專事招撫。懈於防剿。致為回匪所乘。貽誤事機。至周顯承前在涇州力行防堵。並招撫潰勇回營。轉危為安。若目以圖謀兵柄等情。何以明賞罰而服人心。周顯承現已親赴西安聽候查訊。尚無跋扈情節。其把持誣陷各情。有無確據。趙長齡馳抵涇州後。不難逐細訪查。以期折中至當。並著楊岳斌。繞赴慶涇一帶。會同趙長齡秉公查明。據實具奏。現在涇州軍士議論

沸騰。趙長齡若不從公剖斷。是非但以顛預了事。希圖速離陝省。設或貽誤大局。咎將誰歸。至周顯承在涇州以撥括糧米為勸捐。恐閭閻被害者多。或至激而生變。楊岳斌請令周顯承勸辦糧米。殊非所宜。該革員現已赴陝聽候查辦。所有勸辦糧米事務。即著責成譚玉龍辦理。如譚玉龍不能得力。並著楊岳斌另派妥員接辦。現據楊能格奏稱。周顯承前在甯州有帶隊搶掠。槍斃生員。攻堡淫擄。

偏斃多命。被害紳民一千餘戶之多等語。是否確實。並著趙長齡會同楊岳斌查明覆奏。楊岳斌所參楊能格於支放各營月餉。不分勞逸緩急。於慶陽防軍糧餉無缺。而雷營前敵不遇稍為點綴。於涇州各營竟隔膜相視。以致涇州各營勢將再潰。本日復據劉蓉密奏。楊能格不顧國家公義。罔上行私。清亂黑白等款。糧臺支放餉需。總宜相度緩急。秉公勻撥。該臬司如果有挾私偏袒。及與涇營專



事抵牾不顧大局各情卽著認真確查嚴叅懲辦現在涇州軍心危疑恐激事端楊岳斌趙長齡務當秉公密查不准稍涉含糊洩露致貽後患懷之慎之至糧臺支發軍餉關係軍心安危甚重如楊能格實有偏袒誤事之處並著楊岳斌劉蓉隨時叅奏涇營缺餉甚久仍著楊岳斌劉蓉設法籌濟以安軍心魏添應所部虛伍甚多此軍既歸楊能格節制何以如數給餉不行查覈著楊岳斌查明具

奏一面將魏添應勒赴本任如查有劣蹟再行嚴叅一面另派得力之員統帶該營將士至涇營將士既不願歸雷正綰督帶著楊岳斌卽飭譚玉龍統率以釋羣疑而服眾心楊岳斌摺著鈔給趙長齡閱看劉蓉摺並楊能格片均著鈔給楊岳斌趙長齡閱看楊岳斌所派道員英奎等分赴川陝辦理捐輸糧餉事宜並委員在甘省分路籌辦軍糧等務均著如所請行都興阿昨已有旨補授盛京將

軍現尚未經啟行所有雷正綰隨同穆圖善辦理軍務於大局有無窒礙之處並著都興阿穆圖善會商覆奏將此由六百里各諭令知之○又諭楊能格奏餉需支絀請嚴催各省協濟慶陽專餉並請先撥晉省餉銀一摺甘肅慶陽糧臺餉需前經熙麟文煜奏准指撥四川山東山西河南四省各解銀三十萬兩以資協濟各該省於奉撥後總未能源源接濟經楊能格屢次咨催仍復視為故常宕延不解現在雷正綰已招集三十餘營併歸前敵迅圖進剿各該營甫經安輯全賴餉需充足方足以固軍心且潰散新集之後一切軍械等件均須整頓需用倍增而慶陽馬步十餘營積欠之餉又已數月士卒飢寒交迫枵腹荷戈情形甚為可憫甘肅各營屢因餉需不繼致有譁潰之事此時慶陽糧臺萬分竭蹶各該省若再不顧大局膜視餉需必至再有譁潰關係非淺山西省距甘較近撥解

較速著王榕吉即將奉撥慶陽糧臺專餉三十萬兩欠款內迅速撥銀十萬兩務於明年正月內解到慶陽並嚴催河東道將乙丑綱欠餉亦於正月內趕解兩批前赴慶陽不得稍有遲緩並著崇實駱秉章閻敬銘吳昌壽各將該省奉撥慶陽專餉三十萬兩內欠解之款迅速籌措剋期起解不准再有推諉貽誤要需將此由五百里諭知崇實駱秉章閻敬銘吳昌壽並傳諭王榕吉知之 陝甘總

督楊岳斌奏提督陳開泰呈請歸宗復姓為梅開泰下部知之○擢山西平陽府知府李廷樟為湖南按察使○以甘肅蕭河城等處疊破賊巢賞副將范子湘石紹文阮金發蔣可仁參將田大勝黃大興遊擊汪占元等花翎蘭潘有元巴圖魯名號遊擊汪占元等花翎知縣繆寶鈞等藍翎餘加銜升敘有差○庚申

上御保和殿筵宴朝正外藩科爾沁喀爾喀喀

喇沁阿巴哈納爾教漢扎魯特烏珠穆沁浩齊特蘇尼特巴林鄂爾多斯阿巴噶翁牛特阿拉善杜爾伯特扎哈沁察哈爾王貝勒貝子公額駙台吉暨琉球使臣等隨文武大臣依次就坐諸樂並作

上進酒召科爾沁圖謝圖親王巴寶多爾濟喀爾喀扎薩克親王車林多爾濟喀喇沁郡王色伯克多爾濟阿巴哈納爾貝勒達木定扎布教漢郡王達維多克丹扎魯特貝勒諾爾布林沁烏珠穆沁貝勒達克丹浩齊特扎薩克郡王喇特那巴咱爾蘇尼特貝勒布彥圖巴林貝子索里雅鄂爾多斯扎薩克貝子巴圖孟鼎阿巴噶頭等台吉都噶爾布木翁牛特扎薩克頭等台吉德木楚克蘇隴阿拉善鎮國公阿玉爾扎那杜爾伯特扎薩克輔國公多圖爾巴扎哈沁公敏珠爾多爾濟察哈爾三等台吉索諾木達爾濟等至御座前賜酒成禮奉

慈安皇太后

慈禧皇太后幸漱芳齋侍午膳○酉刻詣綏履殿

慈安皇太后前行禮平安室

慈禧皇太后前行禮○諭內閣馬新貽奏甄別庸劣不職各員請分別革休改教一摺浙江湖州府烏鎮同知謙益心地糊塗信任丁役東陽縣知縣劉養中年老才庸難期振作候補府經歷孟傳綸上虞縣縣丞曹縉書年力

就衰艱於步履均著勒令休致太平縣知縣黃湛瑩才識短淺輿論平常卽用知縣梁士鶴性情迂拘難膺民社均著以教職銓選候補知縣姚紹唐操守平常兼有嗜好候補縣丞汪鑑補用府經歷朱桂藻居心卑鄙操守不潔候補縣丞廖受常黃海靜唐鳳標試用未入流郭俊聞用典史黃觀濬試用巡檢王文典人俱庸暗嗜好亦深試用巡檢楊以松儘先從九品楊繼曾辦事荒謬居心險詭均

著卽行革職以示懲儆○諭軍機大臣等成林奏接准文祥劄飭將關稅存數呈報備調又據山海關咨借俸餉修理軍裝並巡防馬步官兵口糧咨令照數給發現在關庫實存無多秋後徵收尤形減色請先其所急儘神機行營大餉設法籌備等語所奏自係實在情形盛京軍務正形喫重需餉尤刻不容緩著傳諭成林先儘神機行營籌撥源源接濟毋誤要需其長善咨借修補軍裝餉銀及續借各款卽著暫行停止俟盛京軍務完竣再行撥給所有統徵數目年終應行造報之處卽著趕緊覈算奏聞將此諭知長善並傳諭成林知之○又諭傳諭護山西巡撫王榕吉明誼等奏安設蘇木臺站接遞巴里坤文報已於烏里雅蘇台庫存新疆餉銀內先行提銀二千兩豫放同治五年分該臺站弁兵鹽菜銀兩惟自同治六年起按年應領鹽菜銀兩亦應豫為籌備請飭山西巡撫每年籌撥

銀二千兩等語。蘇木臺站現經新設該弁兵應領款項如有缺乏必至貽誤要差亟應按期報解著王榕吉在該省藩庫內自同治五年起每年解銀二千兩先期籌撥務於各年冬季解交歸綏道庫俟明誼等派員前往歸化城領取烏科二處經費時順便搭解到烏俾供年終支放此項為數無多務當如期籌濟毋稍遲誤已革河南商城縣知縣任正訓前經吏部帶領引見當准其捐復原官發往

山西以知縣歸候補班補用該員疊經劉毓楠郭祥瑞等先後奏參性情貪酷縱役害民等款雖據張之萬覆奏查無確據僅因其潛回本籍予以革職無庸議惟原參情節較重若令再膺民社或夤緣署缺必至塗炭一方著王榕吉隨時察看劣蹟據實參革毋稍徇庇○又諭林鴻年奏維西官軍連克府州城池一摺雲南維西官軍久為賊匪所困經知府陸希曾等督兵會攻旬日之間將鶴慶麗

江兩城先後攻克勦辦尚為得手現在該員等督練攻打鄧浪機有可乘著林鴻年飛檄迅速進兵為節節掃蕩之計並飭岑毓英防範省回一面籌辦西路楊盛宗等分路進攻永姚兩處賊巢進規大理至楚雄兵力尚單並著迅籌添兵以資策應林鴻年務當懍遵疊次諭旨迅速入滇相機調度毋稍延緩將此由五百里諭令知之○予古城殉難千總郝懷瑾祭葬世職加等○予江西各屬陣亡


殉難從九品職銜吳彩等紳民婦女一千六百九十一員名口分別旌卹如例 蠲緩兩浙仁和海沙鮑郎盧憑錢清東江曹娥長亭金山袁浦青村橫浦浦東下沙頭下沙二三十場本年被水竈地新舊額賦有差○是年旌表孝子江西等省盛詡等一百名順孫四川謝代玠一名孝友福建等省李玉照等二名孝義湖北等省王文杰等五名孝婦江西等省蕭江氏等十一口孝女江西等省李

汪姑等二十二口烈婦直隸等省滿智妻杜氏等一百三十二口烈女直隸等省舒氏等二十口義夫江西周逢年等二名義士江西彭大協等四名義僕江蘇王珍等三名守節合例滿洲前鋒祥瑞妻趙佳氏等一百七口蒙古養育兵玉陞妻張佳氏等三十八口漢軍馬甲時中妻田氏等二十一口內務府護軍永全妻王氏一口各省駐防閒散宋駿妻龔氏等四百十六口奉天等省張寬妻黃氏等一萬五千六百二十五口夫亡殉節福建等省陳廷奎妻謝氏等十九口未婚守志直隸等省張榮聘妻章氏等六十四口百歲壽民婦四川等省冉為陞等十名口五世同堂四川等省郭遇福等三十家八世同居河南趙聿修一家均給銀建坊如例會計天下民數穀數除江蘇安徽浙江福建陝西甘肅廣西雲南貴州巴里坤烏魯木齊未經冊報外直隸等省通共大小男婦二萬三千七百

四十五萬八千五百名口存倉米穀三百十萬九千一百五十石一斗八升六合九勺

大清穆宗繼天開運受中居正保大定功聖智誠孝信敏恭寬毅皇帝實錄卷之一百六十四





統一書號:11018·1355—48

定 價: 38.00 元